



四庫全書存目叢書編纂委員會編

齊魯書社

# 四庫全書存目叢書

史部  
第四八冊





責任編輯：孫言誠 賀 偉

ISBN 7-5333-0535-3



2387/06

四庫全書存目叢書·史部四八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 48.125 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

# 史部第四八冊目次

史部·雜史類

楚紀六十卷(二)

〔明〕廖道南撰  
北京圖書館藏明嘉靖二十五年何城李桂刻本

..... 一

今言四卷

〔明〕鄭曉撰  
山東省圖書館藏明嘉靖四十五年項篤壽刻本

..... 六一五

楚紀六十卷(二)

〔明〕廖道南撰

北京圖書館藏明嘉靖二十五年何城李桂

刻本

附《四庫全書總目·楚紀六十

卷》提要

楚紀卷之三

皇明賜進士經筵日講同修國史奉直太師翰林院侍講學士廖道南謹撰

稽謀內紀後篇

黃琛 子銳附

黃琛舊名寶武昌人歲壬寅以帳前參隨舍人擢兵馬副指揮

上愛其謹厚命尚皇兄蒙城王女甲辰為聚寶門店官乙巳授管軍千戶改龍江翼守禦千戶累從

王師征討及鎮守畿甸多著勞績洪武元年封皇姪女為慶陽公主誥曰惟天惟祖宗佑國家造茲洪

稽謀內紀後

卷三十

業王室之親皆同榮也况在宗女尤為懿戚用稽古典宜有褒封皇姪女長自家庭已歸良婿茲者朕登大寶頒以恩光宜守婦道之常益加恭慎毋以天派自高驕其夫家當修閭範以永令名可封慶陽公主授琛駙馬都尉誥曰郊畿鎮守既為能臣甥館擇賢宜為懿戚此國家所倚重者也前龍江翼守禦千戶黃寶氣鍾偉節才練武韜從軍拓地於金華勇敢收功於江右其勤勞可謂著矣嘗守儀真克冠千夫之表旋從右相更聞屢捷之勲及鎮龍江嚴司虎旅按茲堅壘靖我邊疆念其尚



主于王家是用陞官于駙馬寵以銀章之貴頒茲  
綸綍之新益懋殊功副于嘉命可鎮國上將軍駙  
馬都尉既而蕪明州衛指揮使未幾改淮安衛指  
揮使三年改名琛四年授誥曰昔者帝王以公天  
下為心朕遵古典其於設官雖親親必選動能而  
任之世其名爵所以昭公道贊化理也鎮國上將  
軍駙馬都尉淮安衛指揮使黃琛征伐戍守勤勞  
有年今天下已定宜共享承平命爾仍居前職令  
其子孫世襲指揮使爾尚益加恭慎勉其心力明  
紀律嚴訓練撫軍士安庶民永保祿位延及後人

稽謀內紀後 卷三十

二

可鎮國上將軍駙馬都尉淮安衛指揮使後禮部  
奏稽古公主之制皇姪女改封郡主夫止稱所授  
官琛當上駙馬都尉誥命

上念皇姪女惟此一人不忍遽加降奪命仍稱公主  
歲給祿米五百石琛亦稱駙馬止食本官之俸十  
四年擢中都正留守授驃騎將軍至是卒年四十  
九訃聞

上悼惜之賜葬鳳陽白塔原子鏐以恩擢左軍都督  
府都督僉事

史南曰輿稽諸古皇王而上館甥貳室帝乙歸

妹閼典訐謨遐哉述矣漢廷河山帶礪雲臺紀  
勛以公主而適方士既閼於袁正之分唐家華  
夷混淆凌煙昭勲以公主而適帝于尤紊于貴  
賤之防至宋則家法頗正內則可觀過漢唐遠  
矣哉

皇祖驅逐胡虜洗濯中夏乃若駙馬李祺梅殷祖諸  
人咸選之功臣子弟而於

皇兄之女蒙城公主相攸于黃琛攀鱗附翼聲應氣  
求懿哉其有三代之風乎

康茂才 子鐸鑑

稽謀內紀後 卷三十

三

康茂才字壽卿蘄州人曾祖文廣贈中奉大夫中書  
叅知政事追封京兆郡公祖德懋贈資善大夫中  
書右丞追封京兆郡公父壽贈榮祿大夫同知太  
都督府事柱國追封蘄國公元季四方雲擾蘄州  
陷茂才結義旅以捍蔽為務授以長官俄遷為鎮  
撫同諸將復九江擣蘄水黃連寨轉蘄州路同知  
總管府事屯戍和之裕溪太平之采石陞淮西宣  
慰副使同知元帥府事又陞宣慰使都元帥歲乙  
未六月

王師渡江將士妻孥尚留和州

上慮茂才采石弗獲渡江時出兵挑戰茂才朴魯得士卒心故臨陣人多効死常忠武王遇春遣遊兵撓之茂才發軍以應遇春度其力疲夜設伏兵質明殲其精銳殆盡猶然收合潰散堅寨於天寧洲明年二月諸將以襄陽天砲破其寨茂才奔行臺陞淮南行省叅知政事甫踰月奔西口舟師追及之茂才乃率所部餘兵三千解甲來附免冠頃首言前日各為其主今日屢敗天數也死生唯命苟得生全尚竭大馬以圖報效

上笑而釋之仍統所部兵從征又明年授秦淮翼水

稽謀內紀後

卷三十

四

軍元帥守禦龍灣取江陰之馬馱沙八月偽吳張士誠犯我疆境驅兵逐之獲其樓船

上賜名馬一匹黃金一錠歲戊戌從廖永安攻池州取趙雙刀之樅陽遷都水屯田使兼帳前總制親兵左副指揮使明年八月攻皖城偽將率樓船出戰復獲之又明年六月偽漢陳友諒傾國入寇攻陷我姑熟殺戮我吏民意將窺我南京

上召謂曰爾不疑我乎茂才頓首謝又謂曰汝既不相疑宜作書遣使偽降友諒為內應招之速來仍給告以虛實使分兵三道以弱其勢友諒果如所

言暨至諸將同茂才奮擊大破之縛兵七十二萬有幣帛白金之賜歲辛丑八月

上怒友諒來寇率將士親征茂才領舟師擊安慶破江州友諒西遁遂下蘄州興國漢陽茂才沿流而下克黃梅十一月取江之瑞昌敗友諒八陣指揮友諒之勢遂衰遷帳前親兵副都指揮使明年九月復龍興又明年攻左君弼於廬州四月友諒圖龍興

上親往援茂才與諸將皆從友諒聞

上至亟解圍還七月大戰彭蠡湖軍聲嘯呼湖水起

稽謀內紀後

卷三十

五

立浮屍動至數十里友諒遂至敗亡又有幣帛之賜十月

上親征陳理于武昌至甲辰二月下之張必先隨理嘶壁出降進茂才金吾侍衛親軍副都護四月從徐達攻廬州七月下之八月援安豐繼取江陵及湖南諸州加賜幣帛明年二月改神武衛指揮使五月進大都督府副使閏十月士誠兵犯江陰京口

上帥大軍水陸並進茂才在行中及至鎮江士誠兵已遁又明年正月追至巫子門擊敗其衆獲士卒

三千四月搗淮安之馬邏港拔其水寨復獲士卒  
與緣饒無算淮安平七月遂攻湖州十一月破之  
進逼姑蘇士誠偽將遣銳卒來迎鬪大戰尹山橋  
茂才持戟督戰盡力銳卒盡覆乃進圍齊門吳元  
年九月姑蘇平茂才取無錫州十月陞同知大都  
督府事兼太子右率府使進階榮祿大夫洪武元  
年

上以江南既入版圖乃遣徐達經畧中原茂才從定  
齊魯之地復遡黃河取汴下洛陽駐師陝州規運  
饋餉造浮橋以渡大軍鎮河中撫綏遺民立石頌

稽謀內紀後

卷二十

六

德招徠絳解二州蔽遮潼關秦人不敢東向二年  
復從徐達征漢中奉詔還軍中因疾道薨年五十  
有七贈推忠翊運宣力懷遠功臣光祿大夫湖廣  
等處行中書省平章政事柱國追封蕲國公謚曰  
武毅葬應天鍾山鄉之幕府山子鐸字伯聲襲封  
蕲春侯年十歲入侍

皇太子讀書大本堂

上賜金牌鐫蕲國武毅公五字置帽上復御書康二  
子謹受先業愛爾勤功十一字賜鐸及其庶兄鑑  
以寵之八年詔鐸開墾荒田于鳳陽十年率兵征

辰州洞獠十一年平松疊諸州十三年巡沿海諸  
城後從徐達北征傅友德南征卒年二十三贈宣  
力武臣蕲國公謚忠愍孫淵澄宋濂撰銘曰於赫  
大明受命于天如日之升照于八埏于時康公江陰  
之恃大軍西來視如平地巨礮轟雷物莫敢撓何  
戰弗潰何守弗傾天人攸歸勢何敢抗知炳幾先  
率衆內嚮

皇帝曰嘻有附匪疏予開誠心遇爾不疑爾礪矛鉞  
爾部士卒助予四征以寧方國公拜稽首賜死為  
生誓殫報效如無餘齡孰為不庭率師往討矯如

稽謀內紀後

卷三十

七

翼如風馳電掃東吳西楚蹴陳駕張身經百戰克  
豎始亡大將北伐同取汴洛出鎮于蒲恤其孤弱  
蔽遮河潼以鐵為關誰敢操戈睥睨其間玄龜負  
碑以頌遺愛民亦何心思義斯在後伐漢中迢迢  
西征有命班師中道而薨帝念將臣血戰之苦將  
疇其勲錫以茅土

史南曰易有之雲從龍風從虎聖人作而萬物  
親詎不信哉皇者之世天地初開厥氣渾渾爾  
故軒皇得六相而涿鹿之戰風雷效靈帝者之  
世日月重光厥風穆穆爾故虞舜得九官而有



苗之征于羽格心王者之世陳教莫麗厥俗皞皞  
皞爾故武王得十人而牧野之伐旂常昭勲乃  
若元以夷狄穢濁中夏

皇祖起而廓清之群雄胥屈百將爭奮茂才崛起江  
漢効忠金陵鳥則擇木魚斯得水勒銘鍾鼎帶  
礪河山豈非天命有歸王勲不朽者乎

廖永忠 廖永安

廖永忠其先世黃州人元大德中始徙巢父涼國公  
生子五人永清永寧永堅永安永忠涼國親虜我  
軍渡江還鄉不仕永清以子昇貴贈明威將軍指

稽謀內紀後 卷三十

揮僉事永寧蚤卒永堅初仕陳友諒為叅政後同

永安初遇

高皇帝以開國功死于難封楚國公永忠少豪邁有  
大志至正甲午彭祖事敗隨永安率戰艦千餘艘  
屯巢湖為水寨以觀時變會左君弼據廬州出兵  
相制永忠為其所窘乙未五月從永安奉迎於巢  
湖

上見其年少謂之曰汝亦欲圖功乎永忠對曰得事  
真主効展尺寸掃除寇亂名垂竹帛是所願也

上大悅即以水將屬永安而以永忠副之六月從渡

江永安先諸將拔采石取太平蕪湖擒陳也先丙  
申破蠻子海牙水寨陳兆先陸寨乘勝定建康克  
鎮江金壇宣城諸郡丁酉平常州池州戊戌討江  
陰石牌海寇奪馬駝沙取爛泥洪諸寨及太湖宜  
興無錫常熟攻通州復宜興永忠皆預有功永安  
陷于敵戊戌十月

上授永忠樞密僉院俾總永安兵為水將己亥四月  
攻趙普勝柵江營追殺賊衆克復樅陽庚子閏五  
月陳友諒襲太平直犯龍江時命諸將分據險要  
以張德勝統兵擊之兵既交永忠率所部大呼諸

稽謀內紀後 卷三十

九

兵皆奮擊友諒敗走遂復太平陞同知樞密院事  
辛丑八月

上親率舟師伐友諒永忠從行戊戌至安慶敵兵固  
守永忠乃擊其水寨破敵舟八十餘艘獲船二十  
有七遂克安慶長驅至小孤次湖口至江州五里  
許友諒知勢窮蹙挈妻子棄城走武昌我師遂入  
江州獲馬二千匹糧二千餘萬永忠復分兵下江  
西瑞州臨江吉安諸郡壬寅正月從征南昌兵至  
彭蠡南昌降四月祝宗康泰據南昌叛復從徐達  
討之復其城癸卯三月援安豐敗張士誠兵四月

攻廬州久未下時陳友諒罄兵圍南昌六月大都督朱文正告急於建康七月復親征率永忠及徐達常遇春俞通海等討之友諒即解圍東山丁亥遇於康郎山戊子命遇春永忠等進兵薄戰達先擊敗其前軍通海乘風發火焚寇舟友諒將張定邊奮前犯遇春射却之永忠即以飛舸追定邊走身被百餘戕士卒多死傷會日暮

上集諸將申約束明日巳丑永忠復與友諒戰諸軍奮擊敵不能當殺溺死者無筭又以七舟載葦荻置火藥其中乘風縱火焚戰艦數百艘烟焰漲天

稽謀內紀後

卷三十

十

湖水盡赤又明日庚寅永忠通海等以六舟深入搏擊之敵聯大艦擁蔽撓刀拒戰我師望六舟無所見意其陷沒有頃六舟旋繞敵船而出勢若游龍我師見之勇氣愈倍合戰益力呼聲動天地敵兵大敗永忠等還

上勞曰今日之捷諸君之力也翌日友諒移舟近湖口永忠率師橫截湖面邀其歸路既而友諒欲逸出復麾永忠等擊之友諒中流矢貫睛及顙而死擒其太子善兒平章姚天祥等得士卒五百餘人張定邊乘夜以小舟載友諒屍及其子理奔武昌

傳借號九月

上甫還建康論功行賞賜永忠田復賜硃牌鏤金字曰功超群將智邁雄師以旌之是月

上復率永忠等親征陳理十月至武昌命永忠等分兵於四門立柵圍之又於江中聯舟為長寨絕其歸路十二月

上還建康命永忠等守營柵勿與戰甲辰六月

上復親往武昌視帥督永忠等攻城城中力不能支理率定遠等出降武昌既平以功陞湖廣等處行中書省左丞四月從攻廬州左軍弼敗走遂克之

稽謀內紀後

卷三十

十一

復援安豐其年續取江西未下州郡乙巳十月從徐達常遇春等總馬步舟師水陸並進規取淮東未幾克海安進攻泰州張士誠恐失泰州乃遣舟師薄海安駐范蔡港以疑我師

上識其意諭徐達曰寇兵初駐范蔡港吾度其有詐今觀望猶豫不敢即泝上流其為詐益明然寇計不過欲分我勢非有快機乘戰之謀宜遣廖永忠還兵水寨禦之大軍勿輕動此寇徘徊江上自老之師乘其怠慢此日必克泰州既克江北瓦解不戰自潰但宜謹備之閏十月克泰州丙午三月克

高郵四月克淮安諸郡八月從伐張士誠九月將游軍至湖州之德清遂取之獲船四十艘擒其院判鍾正及叛將晉德成十月攻昇山水寨克舊館降其將呂環十一月下湖州奄有浙西進圍蘇州與諸將各軍一門四面困之架塔築樓置弓弩火銃於上又設襄陽炮以擊之城中震恐敵兵屢出屢劘吳元年九月城破士誠就擒師還召見戟門賜彩段表裏陞榮祿大夫中書平章政事降勅褒諭十一月征南將軍湯和既下溫臺慶元方國珍遁入海島

稽謀內紀後

卷三十

十一

上命永忠為征南副將軍帥師自海道會和討之初國珍遁海中尚冀少延及聞永忠兵威駭惑失措遂率昆弟子姪詣軍門乞降得其兵械舟楫以萬計乃以谷珍及其降表送建康十二月帥舟師自明州海道徑取福州

上即位改元洪武諸臣進秩詔永忠以平章兼同知詹事院事時福州已下畧定閩中諸郡兵至延平元蔡政文殊海牙以城降遂執元守臣平章陳友定先是永忠與湯和招友定不從至是我師隔水而陣分渡水攻其西門友定不敢爭鋒諸將請出

戰友定不許數請不已友定乃疑其有携二心殺其將蕭院判士卒多踰城夜遁我師遂併力攻城友定見勢蹙乃於退省堂仰藥飲之賴正孫等夜開門出降我師入城友定復甦遂械繫送京師閩地志平二月癸卯

上命永忠為征南將軍叅政朱亮祖為副率舟師由海道取廣東勅曰王者之師順天應人除暴亂救倒懸朕率平武昌荆湘皆望風款附常遇春克贛州南安嶺南數郡亦相繼來歸此無他師出以律人心悅服故也今兩廣遠在南方民困久矣定亂

稽謀內紀後

卷三十

十三

安民正在今日彼聞八閩不守湖湘已平中心震懾無固守志若先遣人宣布威德以招來之必歸款迎降可不勞師旅慎勿殺掠阻向化心如其拒命舉兵臨之據其險要絕其聲援未有不下者且廣州既下則循海州郡可傳檄而定海北以次招徠留兵鎮守仍與平章楊璟合兵取廣西用師方畧率用是道肅清南服在此一舉而辰永自福州遣人以書至廣東諭元江西分省左丞何真畧曰迺者元君失馭天下土崩豪傑之士乘時而起分割州縣竊據疆土或假元號令或自擅兵威暴征



橫歛鐵食一方生民塗炭極矣今

天子受天明命肇造區夏江漢底定閩越帖服中原之地相繼以平惟兩廣僻在遐荒未沾

聖化茲受命南征順者撫綏逆者誅殲輒遣使相告

惟晉意焉三月壬午永忠率舟師自福州航海趨

廣東壬辰師至潮州何真遣其都事劉克佐詣軍

門上其印章并所部圖籍四月辛丑朔師至東莞

何真率官屬出迎乙巳師次虎頭山小張元帥以

所部來降戊申師至廣州之龍潭元將盧左丞遣

鎮撫盧成納款得海舟五百艘軍士二千九百餘

稽謀內紀後

卷三十

十四

人馬三百匹糧五千餘石命指揮胡通守之乙卯

遣兵破偽叅政邵宗愚山寨獲宗愚等斬于廣州

初宗愚聞王師入廣州遣其黨羅元祥詣軍門降

以規軍勢永忠謂曰欲降則來毋虛言以相欺也

宗愚遷延累日竟不至永忠知其詐乃下令往攻

之夜二鼓發兵直抵其寨詰旦破之宗愚據三山

寨兄弟殘暴嗜殺再陷廣州大肆侵掠及面縛入

城民往觀之爭唾其面遂與其徒皆棄市新會王

酋黃彬河源曹文昌汲州廖仁等復聚眾作亂自

稱元帥永忠捕誅之南海人麥康祖以魘蠱殺人

又捕斬之民大悅服由是諸郡相繼來歸永忠勞

而撫之乃馳檄往諭九真日南朱崖儋耳三十餘

城皆納印請吏廣東既平遂進取廣西六月丙午

兵至梧州元達魯花赤拜住率官吏父老迎降廣

西行省平章者林聞之亦降時元吏部尚書普顏

帖木兒張翔以便宜行事入廣西聞永忠兵至即

募兵欲迎戰民無應者既而聞州守吳庸出降乃

率所部百餘人走鬱林亮祖勒兵追之普顏帖木

兒戰死張翔赴水死於是潯貴等州郡以次咸附

七月甲午兵至梧州容州同知胡安善化暨普寧

稽謀內紀後

卷三十

十五

縣達魯花赤閻買等皆迎謁丁酉師次貴州元鬱

林州知州張那海同知王楚金降永忠因遣亮祖

會平章楊璟收未下州郡八月壬戌亮祖與璟合

兵攻克靖江執元平章也兒吉尼戊辰永忠師至

南寧元上浪屯田千戶宋真執其守將平章咬住

叅政那海遣使請降永忠悉收諸司印章命真守

其城送咬住等赴京九月戊子元平章阿思蘭以

象州降初思蘭自全州之敗率其餘眾退保象州

永忠兵至梧州遣指揮耿天璧討之師至賓州境

思蘭遣其部將李左丞迎拒天璧擊敗之思蘭勢

迫乃以其子僧保來納款自率所部詣永忠降獻其銀印三銅印三十七金牌五廣西悉平二年八月戊午永忠亮祖率師至京上命皇太子率百官勞於龍灣比入見撫慰懽甚既退復命

皇太子送永忠還第十二月

上大賚諸將賜永忠白金二百五十兩文幣二十表裏三年七月泉州漳州不靖復命永忠往撫之悉定其地十一月大封功臣

上諭諸將曰今日定封行賞皆至公無私如廖永忠

稽謀內紀後

卷三十

十六

戰都陽時奮勇忘軀以與敵舟相拒朕親見之可謂奇男子然而使所善儒生窺朕意嚮以徵封爵止封為侯乃授開國輔運推誠宣力武臣榮祿大夫柱國封德慶侯食祿一千五百石賜誥命鐵券其辭曰朕當開創之初賴智勇之士廓清海宇佐成帝業武功既集宜舉從報之典觀古歷代之臣奕葉相傳兄弟相及皆為良臣者實不多見朕起自草萊駐兵和陽親臨大江見瀉流之迅急非舟不渡心甚憂之時訪求多計必渡乃已俄爾兄永安以所部舟師從來附朕爾兄目視湍流如履平

稽謀內紀後

卷三十

十七

地遂東渡大江取采石克姑熟定金陵獲朱鉞下毘陵身先士卒屢建殊勲復宜興之舊城與張氏鏖戰大湖及其事急永安被執當復勝張氏俘獲其雖士卒獲全而歸永安被執當復勝張氏俘獲其衆萬人欲以三千人生換永安而張氏不從後數年永安殞命朕憫其勞追封為楚國公然失此勇將不勝哀痛爾永忠乃能世濟其美非獨戰陣有勇而智謀不下於群將至於取安慶拔九江戰巫門平八閩定廣東海南兩功著焉今天下已定論功行賞朕無以報爾是用加爾爵祿使爾子孫世世承襲十二月上以偽夏明昇尚據巴蜀有阻聲教親祀神祇告伐之命湯和為征西將軍永忠為副率京衛荆湘舟師由瞿塘趨重慶傳友德為征虜前將軍率河南陝西步騎由秦隴趨成都論諸軍畧曰今蜀川未平不可不討命卿等率水陸之師分道並進首尾攻之勢當必克但師行之際在爾士伍嚴紀律以懷降附無肆殺掠昔王全斌之事可以為戒卿等慎之四年三月友德連克階文等州和與永忠克歸州四月欲進攻瞿塘關

上聞和以江水暴漲駐師大溪口欲俟水平方進恐其逗遛緩事適友德隆州捷至乃詔和曰平蜀之機正在今日若使水退然後進師豈不誤事朕前日語爾者獨不記憶乎永忠聞命即率所部先進五月己卯兵至舊夔府先是偽夏丞相戴壽等守瞿塘關及還兵內援乃留平章鄒興副樞飛天張守城至是聞永忠兵至拒戰永忠分軍為前後陣前軍既接乃麾後軍兩翼旁出與等大敗明日復併兵攻之擒其元帥龔興六月辛卯兵至瞿塘關永忠以山峻水急蜀人設鐵索飛橋橫據關口我

稽謀內紀後

卷三十

十八

舟不得進乃密遣壯士數百人舁小舟踰山度關以出其上流人持糗糧帶水筒以禦饑渴蜀山多草木令將士皆衣青蓑魚貫出崖石間蜀人不覺度其已至乃率精銳出墨葉渡分為兩道向晨以一軍攻陸寨一軍攻水寨將士皆以鐵墨頭船置火器而前蜀人盡銳來拒永忠已破其陸寨矣既而將士舁舟出江俱發上流揚旗鼓譟而下蜀人大駭下流之師亦擁舟前進夾擊大破之其將鄒興中火箭死遂焚其三橋斷其橫江鐵索擒同僉蔣達等八十餘人斬首千餘級溺死無算飛天張

鐵頭張等皆遁走永忠駐夔府明日湯和兵至永忠乃與和分道並進和率步騎永忠率舟師約會于重慶永忠師行延江州縣望風奔附丙申乘勝抵重慶次銅鑼峽明昇與右丞劉仁等大懼仁勸昇奔成都昇母彭氏曰事勢如此縱往成都延旦夕何益昇遂遣使詣永忠軍全城納款永忠以湯和未至辭不受癸卯湯和至重慶會永忠以兵至朝天門明昇面縛詣壁與母彭氏及劉仁等奉表詣軍門降和受壁永忠解縛承制撫慰下令將士不得侵掠撫諭向大亨戴壽等家令其子弟持書

稽謀內紀後

卷三十

十九

往成都招諭遣指揮萬德送昇等并降表於京師畧曰乾坤正一統知天命之有歸日月仰大明撫華夷之無外萬方丕冒四海同懽欽惟皇帝陛下功軼禹湯德及堯舜運乾元不息之妙寰宇肅清秉神武不殺之權生民永賴收豪傑於紛爭之日施仁義於拯溺之時臣昇僻處偏方懵無學識既靡寶融先幾之智又乏錢俶達事之宜見同井蛙計窮穴鼠顧開關之何益遂開門以來降迎拜道傍竊效子嬰之繫頸仰瞻天上敢希孟昶之傾心謹將軍馬錢糧府庫及土地人民以獻會



傳友德克成都及崇德保寧諸郡悉平十月永忠及諸將還京師上所佩將軍印綬十二月論平蜀功有曰德慶侯廖永忠破瞿塘下重慶致明昇出降功甚偉賞白金二百五十兩彩段二十表裏賜第京師初蜀中捷至

上親製碑文洪武八年三月二十四日卒子權娶湯和女初為散騎舍人洪武九年從宋國公馮勝練兵西安十一年從御史大夫丁王征松疊陽州克之十三年四月襲封德慶侯十四年從顏川侯傅友德征雲南十五年領兵守畢節尋守瀘州十六

稽謀內紀後

卷三十

二十

年五月召還十七年三月庚寅卒賜葬安德門外從子昇淮安衛指揮僉事陞同知蘇州衛事

御製紀功碑銘曰天佑我邦師出以律將忿揚揚馬嘶蹄踏盡角聲張惟我顏侯智勇難量羌人稽首壺漿道傍勞我軍行綿漢是降蠢爾戴盡羣衆來當一戰披靡拒城且藏旬日困逼諸軍請降傳將功就再歌瞿塘天生廖將與傳成雙江風浩浩起我旌幢泊舟連壘直破瞿關生俘偽主市肆無干遣使飛捷一刻數關天產名將兵出農間非朕有能實由天鑒有臣在南家居括蒼生而能文舉筆

何難為我采擇黼之班班

史南曰臣按功臣錄云永忠以豪雄茂爽之才虎視鷹揚之勇濟之以討深宏遠之畧乃能成夫光大奇偉之功觀委身血戰殲彭蠡之強兵殲歲攻圍縛姑蘇之偽主薄海而討國珍陣水而擒友定平南之師見於廣海者霆擊颶馳征西之捷著於瞿塘者神施鬼設降王破國於指顧之間斬將擐旗於談笑之頃其入重慶也威懾德懷兵有紀律秋毫無犯市不易肆農不輟耕大慰民望雖曹彬之下江南伯顏之入臨安

稽謀內紀後

卷三十

二十一

亦不是過收聲定價豈直開國之元勲實亦千古之名將也

廖永安字彥敬永忠之兄也少倜儻自豪元季壬辰江淮兵起與兄永堅結少年聚兵保鄉里從者稍衆遂約束以軍法時彭祖倡妖術於兩淮人多應之永安兄弟充其萬戶甲午彭祖事解永堅他適永安率戰舟千餘艘與俞通海等保屯巢湖為水寨以捍寇患往來巡邏裕溪口及三汊河左君弼據廬州作亂永安等頗為所窘乙未春聞皇祖駐和州知天命有在乃謀於通海遣人詣和州

納款

上大悅夏五月率兵至巢湖援之永安舉永忠及諸將共迎

上登舟出湖口至桐城聞已脫敵險未入江中丞蠻子海牙集樓船塞馬場河以阻諸兵屯黃墩將號雙刀趙者陰蓄異志永安通海及張德勝等密以趙機告遂以計脫歸乃集商舟多載猛士復至黃墩與中丞戰於裕溪敵舟高大不利進退永安等操舟如飛左右奮擊大敗之追至雍家城生擒蕭羅王長官獲快船三艘矢傷鼻齮時敵兵既退又

稽謀內紀後

卷三十

二十一

值雨水漲漫遂率兵入江至青沙坊再攻中丞水寨獲閫船一十五艘由是從容侍

上還於和州即攻破鱗魚洲鐵長官水寨及新生沙寨

上遂令諸將定渡江計六月乙卯朔永安引舟從渡江時西北風順舳舻齊發永安舉帆前行向牛渚頃刻及岸守者大駭出兵來拒上麾甲者以進敵不及走即走諸軍奮擊采石兵艦潰遂援之乘勝徑克太平永安獲敵船二隻仍總水寨是月攻丹陽湖及花塢水陽諸地復征采石

七月留鎮禦江口連與賊船交戰敗之授管軍總管十月復攻中丞水寨十二月取常林岡塘寇寨克蕪湖丙申大進舟師矢石如雨敵衆大潰俘獲兵衆以萬計蠻子海牙僅以身遁攻破陳兆先營擒之收集慶路為應天府置大興建康翼統軍大元帥府以永安為昭武太將軍統軍元帥

上既定金陵欲取鎮江命永安偕諸將以往戒無殺掠復克鎮江大沙下沙等寨四月取金壇五月攻常州六月取宜州七月張士誠兵寇瓜埠永安乘夜趣至鎮江擊敗之十一月徐達等圍常州久不

稽謀內紀後

卷三十

二十三

下張士誠誘我叛兵攻達與湯和壘勒兵與戰永安自其壘來援內外夾擊大破之生擒其將張德餘丁酉春三月援常州陞同僉江南行樞密院事十月壬申同中翼大元帥常遇春自銅陵進攻池州永安去城十里而軍遇春及吳國寶帥舟師抵城下合攻之自辰至巳破其北門遂入其城執元帥洪謀斬之擒副將魏壽徐天雄等敵衆敗走遂克池州復攻樅陽戊戌正月庚子與俞通海蔡世傑攻江陰石牌海寇大獲偽州判朱定等船降其帥欒瑞生擒朱元帥陞同知樞密院事六月甲午

士誠兵寇常熟永安與戰於福山港大敗之七月  
庚子破士誠兵於通州狼山獲其戰艦而還八月  
征蘇州值宜興復叛徐達邵榮復宜興既拔其城  
永安復率舟師擊士誠衆於太湖乘勝深入後軍  
不繼俄水淺舟膠遇呂珍與戰不利遂為所獲士  
誠欲降之永安不屈遂拘囚之後徐達援常州士  
誠第士德來戰達遣王王擊敗之擒士德

上喜曰士德士誠謀主今擒之張氏成敗可知矣遣  
人往平士德毋痛之議歸永安以易士德

上不從士德死永安竟不獲歸甲辰十月

稽謀內紀後

卷三十

二十四

上念永安陷於強敵守義不屈遥授光祿大夫柱國  
江淮等處行中書省平章政事封楚國公賜開國  
輔運推誠宣力武臣丙午七月丁未卒于姑蘇年  
四十七

上親為文祭曰天生英賢昔為元民時遭兵變率兵  
出奇破敵往來巢湖候吾親至以身相許舉衆和  
陽元年六月東渡大江吾與同舟汝奮威武時方  
卯辰已登采石伏汝之能舟楫遂定江東連歲用  
兵吾以水旱各調旱將可調者多水將汝常自驅  
早兵數萬猶可出奇汝握水兵僅及萬餘長江大

湖聲威大振敵衆莫敢當其鋒豈期一戰於太湖  
遂至身終喪此名將我心傷痛非言可盡特新廟  
親列于忠臣配享古賢名垂不朽妥靈之初用伸  
哀奠吳元年九月士誠就縛永安之喪始歸自姑  
蘇

上迎于郊祭之曰維靈賦質忠純夙稱勇敢念昔開  
基之始爾方保禦巢湖不待諭言即通誠款既而  
大集舟艦力贊渡江鼓櫂洪濤奮身勇進是用大  
啓疆土克壯皇猷佐命之勲爾固不少夫何禍生  
不虞陷沒敵境予之痛悼于茲有年今者剪除殘

稽謀內紀後

卷三十

二十五

肇浙右悉平即命有司返爾靈柩惜爾不見國家  
永昌而猶以爾得歸葬為少慰也嗚呼有功而不  
享其報有才而不盡其用股肱之義寧不孔傷式  
奠于郊用宣予意靈其有知尚克歆享賜葬鍾山  
之陰洪武元年十二月命築壇於鷄籠山祭之二  
年正月丁未祭太廟以永安配享六年命議謚法  
赴敵無避曰武佐國逢難曰閔楚國公廖永安宜  
謚曰武閔

上可之四月定贈永安開國輔運推誠宣力武臣光  
祿大夫柱國同知大都督府事楚國公十三年二

月改封鄖國公以其從子昇為淮安衛指揮僉事  
史南曰臣按洪武間議謚云有元失馭四海鼎沸  
泝泝紛紛莫知所屬及天命有歸人心響應  
真主奮興開創大業若永安兄弟皆以熊羆之士參  
帷幄之謀或以勞定國策名雲臺或以死厲事  
圖形麟閣揆古草昧建侯茅土錫國未有鵠原  
並翔棲蓐偕茂者也蕲陽之江巢湖之水寧不  
與江漢朝宗溟渤浴日矣乎

胡美

胡美初名廷瑞避

稽謀內紀後

卷三十

二十六

御字改今名漢沔人至正間仕陳友諒為江西行省

丞相守南昌歲辛丑八月

高皇帝率師征友諒直擣九江偽都友諒走武昌時

兵威震疊美遣宣使鄭仁傑詣九江納款

上賜書慰諭壬寅春

上至南昌美迎謁于新城門外

上撫勞之俾仍故官癸卯八月友諒戰死於彭蠡其

子理奔武昌復僭號九月

上復率諸將及美征理于武昌甲辰二月理出降武

昌悉平美有功焉乙巳湖廣江西諸郡縣皆附乃

規取淮東十月命美同相國徐達等率馬步舟師  
水陸並進是冬克海安泰州丙午二月克高郵五  
月淮泗壽穎俱下八月統兵從大將伐張士誠十  
一月下湖州進圍蘇州吳元年九月破其城執士  
誠克取無錫以歸論功召見於戟門賜采段一表  
裏加榮祿大夫降勅褒諭十月命為征南將軍率  
安吉寧國南昌袁顥滁和無為等衛軍由江西取  
福建

上喻美曰征伐所以奉天命平禍亂安生民故命將

出師必在得人汝以陳氏丞相來歸事吾忠實無

稽謀內紀後

卷三十

二十七

過故命汝總兵取福建取江西左丞何文輝為爾

之副湖廣叅政戴德隨征從汝調發二人皆親近

之人勿以此故廢軍政凡號令征戰悉以軍法從

事聞汝往年嘗攻閩中必深知其地里險易今總

大軍進征凡攻圍城邑必擇便利可否為之進退

無失機宜克定之功全賴於汝十一月帥師渡杉

關畧光澤縣下之十二月師至邵武元守將李宗

茂以城降得將士五千四百餘人至建陽降其守

將曹俊疇命指揮沈友仁守之洪武元年正月

上即帝位功臣進秩詔美以榮祿大夫中書平章兼

同知詹事院事是月壬午率師至建寧元守將同  
僉達里麻叅政陳子琦集僚佐謀曰今吾城中軍  
士亦不下萬餘儲蓄尚富可以拒守不可與戰彼  
攻吾城不克必將自退吾因而乘之或可以得志  
衆皆曰然由是備禦甚堅美等進兵數與挑戰達  
里麻等固守不出我師環其四門攻之壬辰克建  
寧時美督兵攻城益急達里麻子不能支夜潛至  
文輝營納款詰旦總管翟也先不花亦率衆請降  
美乃整軍入城申嚴號令秋毫無所犯執陳子琦  
送京師獲將士九千七百九十餘人馬二百七十

稽謀內紀後

卷三十

二十九

匹銀一萬六千三百兩糧九萬八千六百四十石  
命指揮費子賢領兵守之二月克興化遣建陽降  
將曹俊疇招諭汀州寧化連城等縣元汀州路守  
將陳國珍納款泉州郡縣相繼降附時王師已取  
福州延平諸路福建悉平統兵守禦五月  
上幸汴梁召還扈從凡行在機務悉預區處兵行無  
擾二年十二月大賞征南及守禦功賜白金二百  
五十兩文幣十七表裏三年七月往河南等處招  
集故元王保保所部亡散士卒凡占籍在洪武元  
年者聽為民二年以後者收入兵五年十一月封

功臣授開國輔運推誠宣力武臣榮祿大夫柱國  
封豫章侯食祿一千五百石世襲賜誥命鐵券其  
辭曰昔竇融以河西歸漢載於前史後世稱之朕  
以武定四方乃有識天運建事功如昔人者助成  
帝業理當崇報咨爾胡美以漢沔之英當朕經畧  
江右爾能識機盡歸版籍以保全人民於是任以  
中書平章之職屢從大將征取江夏攻壽春平淮  
東克浙西遂取邵武建寧其功益著尅朕巡狩分  
省北京兵有紀律民得撫安況為國之姻戚而著  
勲於當世今天下已定論功行賞朕無以報爾是

稽謀內紀後

卷三十一

二十九

用加爾爵祿使爾子孫世世承襲更以忠貞訓其  
子孫傳於永世豈不偉歟仍賜文綺及帛二十疋  
十三年正月改封為臨川侯六月遣使賁勅諭美  
曰昨者上天聖戒朕思治理息民為先其王府一  
切役作宜皆停罷時美董建潭王府於長沙故以  
諭之二十六年卒

史南曰元末倡亂寔始于楚友諒起沔王珍起  
隨壽輝起蕲福通起麻城友定起榔陽而友諒  
尤為鴛鴦胡美乃能率其部屬歸我

先是楚國兄弟蕲國父子蓋配休無疆美贊曰水

濕火燥虎風龍雲聲應氣求策名揚勲琛歸

帝戚美襲乾珍永忠翊載兄弟齊名茂才款附父

子世世

或問曰子之內稽謀也先公子而後王臣者何  
曰古者有大有為之君必有所不召之臣欲有  
謀焉則就之夫惟君之重其謀也必先謀諸乃  
心以運獨斷謀諸庶人以會衆見而後協之筮  
龜神人其依與天爲能焉臣之自重其謀也必  
先慎之幾微以豫爲之圖協諸寮友以周爲之  
諏而後獻之廟堂上下胥諧與國同體焉其聽  
稽謀內紀後

卷三十

三十

謀也本諸誠不然或失則譎其贊謀也本諸忠  
不然或失則偽是故先公子者親親也後王臣  
者賢賢也乃若我

皇祖于黃琛有親親之道焉于茂才于永忠有賢賢  
之道焉親親而賢賢則上焉與天爲能下焉與  
國爲體書曰汝有嘉謀嘉猷入告爾后于內詩  
曰秩秩大猷聖人莫之此之謂也

楚紀卷之三十

楚紀卷之三十一

皇明賜進士經筵講同修國史奉直大夫前翰林院侍講學士臣廖道南謹撰

稽謀外紀前篇

書曰其稽我古人之德其有能稽謀自天又曰  
爾有嘉謀嘉猷則入告爾后于內爾乃順之于  
外夫謀稽乎天則天人合而萬化成謀協乎君  
則君臣交而萬幾康楚偏霸一方僭王自擅而  
其公族子姓類多哲賢其謀之稽天協君則吾  
不知也撰稽謀外紀前篇

公子申

公子結 公子華  
公子閭 王孫用

稽謀外紀前

卷三十一

一

公子申字子西楚昭王庶兄也平王卒令尹子常欲  
立子西子西曰國有常法更立則亂乃立太子珍  
爲昭王及吳二公子掩餘燭庸奔楚昭王大封而  
定其徒莠尹然沈尹戌取城父胡田以與之子西  
諫曰吳光新得國而親其民如子辛苦同之若好  
吾邊疆猶懼其至吾又疆讎以怒之可乎吳周之  
胄裔也今而始大光又甚文將自比于先王不知  
天將以爲雷乎亦將卒以祚吳乎厥後吳帥入郢  
昭王奔隨子西敗吳師于軍祥吳師居麇子期將  
焚之子西曰父兄親暴骨焉不能收又焚之可乎

子期曰國亡矣死者若有知豈憚焚之遂敗吳于公墻之谿王之奔隨也藍尹亹以舟涉其祭王後欲殺之子西曰子常思舊怨以敗君何效焉王曰善將領賞于闕辛王孫由于王孫圉王之在隨也子西為王與服國于脾洩至是王使由于城麋子西問高厚焉藍尹亹謂子西曰吾聞君子惟獨居思前世之崇替臨政思義飲食思禮同宴思樂在樂思善今吾子在朝而嘆何也子西曰諸大夫曰闔廬能用其民以敗我于柏舉今聞其嗣又甚焉子西曰二三子恤不相睦無患矣昔闔廬食不二味居不重席室不崇壇器不彫鏤宮室不觀舟車不飾衣服財用擇不取費在國天有舊廬親巡孤寡而共其乏困在軍熟食者分而後致食其所嘗者卒乘與焉是以民不罷勞死知不曠吾先大夫子當易之所以敗也今聞夫差次有臺榭陂池焉宿有妃嬪嬪御焉一日之行所欲必成玩好必從珍異是聚觀樂是務視民如讎而用之日新先自敗也已安能敗我暨昭王救陳卒于城父子西與子期謀潛師閑塗逐女之子章立之是為惠王哀公十五年子西子期伐吳及桐油厥後章太

子建之子勝焉白公作亂子西死之史南曰或問子西孔子曰彼哉彼哉夫子西辭子常之請而遜位也相昭王之弱而定國也知夫差之侈而必敗也可謂勤矣而卒沮書社之封召白公之亂焉得為智乎故曰彼哉彼哉聖人蓋有所試矣公子結字子期楚昭王庶兄也吳入楚昭王奔隨吳人從之謂隨人曰周之子孫在漢川者楚實盡之天誘其衷致罰于楚而君又胤之周室何罪焉時楚子在公宮之北子期似王曰以我與之王必免隨人卜之不吉乃辭吳曰以隨之僻小而密邇于楚楚實存之若難而棄之何以事君王割子期之心以與隨人盟厥後子期伐唐楚子入郢子期又以陵師敗吳于繁楊子西曰乃今可為矣於是遷郢於都而改紀其政以定楚國哀公十年子期伐陳吳季札謂子期曰二君不務德而力爭諸侯民何罪焉乃還後死于白公之難惠王以梁封其子為魯陽文子辭曰梁險而在北境懼子孫之有貳也夫事君無憾憾則懼偏偏則懼貳夫盈而不偏憾而不貳臣能自壽也不知其宅玉曰子之仁不



忘子孫施及楚國敢不從子

史南曰子期之死難可以為忠矣而未知其純也文子之辭地可以為孝矣而未知其達也割心以代王雖漢之紀信何以踰焉逃賞以諷王雖鄭之于臧何以踰焉是故君子稱其忠必貴其純稱其孝必貴其達

公子華楚莫敖也楚威王即位問曰自先君文王以至不穀亦有不為爵勸不為祿勉以憂社稷者乎子華對曰昔者令尹子文緇布以朝鹿裘以處未明而立朝日晦而歸食朝不謀夕無一日之積是

稽諫外紀前

卷三十一

四

故廉其爵貧其身以憂社稷者也葉公子高身獲于表薄而材于柱國定白公之禍寧楚國之難恢先君以揜方城之外四封之庶名不挫于諸侯天下不敢以兵南嚮子高食田六百畝是故崇其爵豐其祿以憂社稷者也昔吳與楚戰于柏舉莫敖大心撫其御曰楚國亡矣吾將深入吳軍社稷其有幾乎是故斷脰決腹一瞑而萬世不視以憂社稷者也吳入郢焚冒敖蘇羸糧潛行上崢山踰深谿躡穿滕暴是故勞身愁思以憂社稷者也昭王及郢蒙穀獻典五官得法百姓大治王欲封之蒙

穀辭曰穀非人臣社稷之臣也遂自棄于磨山之下是故不為爵勸不為祿勉以憂社稷蒙穀其人也王乃大息曰古之人也今之人焉能有之子華曰其君好發者其臣決拾君王直不好耳

史南曰公子華何如人也述子文之廉子高之勲大心之忠敖蘇之勞蒙穀之介而吁嗟嘆息之不置焉為君者亦可以深長思矣嗚呼君子聽警聲則思死封疆之臣聞鼓鼙之聲則思將帥之臣豈惟楚為然哉

稽諫外紀前

卷三十一

五

公子閭楚昭王之族也白公勝既殺令尹子西司馬子期欲立子閭為王劫之以刃子閭曰王孫輔相楚國匡正王室而後自庇焉閭之願也今子假威以暴王室殺伐以亂國家吾雖死不子從也楚國之重天以與子子奚辭子閭曰吾聞辭天下者非輕其利也以明其德也不為諸侯者非惡其位也以潔其行也今吾子見國而忘主不仁也劫白刃而失義不勇也子雖告我以利威我以兵吾不為也白公強之不可遂殺之厥後有公子發為楚將攻秦絕糧使人請於王因見其母母問曰士卒得無恙乎對曰分菽粒而食曰將軍得無恙乎曰秦

忝足食子發敗秦師而歸毋閉門不納使人數之  
曰子不聞越王伐吳有獻酒一器者乃注之江使  
士卒飲其下流獻糗一囊分而食之故戰自力也  
今使人入於死地而自康樂於其上雖勝非法吾  
不取也子發謝罪然後納之

史南曰子閭之辭位而死難也有二善焉辭位  
不害其為智也死難不害其為勇也君子取之  
乃若子發之為將雖取勝于秦而其母責之乃  
知德之所繇來者遠矣故併及之

王孫圉楚大夫也事楚昭王吳入楚五戰及郢昭王

稽謀外紀前

卷三十一

六

取其妹季芊畀我涉睢濟江入于雲中盜攻之王  
孫由于以背受戈王奔鄖鍾建負季芊以從奔隨  
入鄖事寧王賞王孫由于及鄖九人有差圍聘晉  
定公饗之趙簡子鳴玉以相問曰楚之白珩猶在  
乎其為寶也幾何對曰未嘗為寶楚之所寶者曰  
觀射父能作訓辭以行事于諸侯使無以寡君為  
口實又有左史倚相能道訓典以叙百物以朝夕  
獻善敗于寡君使無忘先王之業又能上下說乎  
鬼神順道其欲惡使無怨恫乎楚國又數曰雲夢  
徒州金本竹箭之所生也龜珠蔭角皮革羽毛所

以備賦用戒不虞其幣帛以賓享于諸侯者也若  
諸侯之好幣具而導之以訓辭有不虞之備而皇  
神相之寡君其可以免罪于諸侯而國民保焉此  
楚國之寶也若夫白珩先生之玩也何寶焉圍聞  
國之寶六而已聖能制議百物以輔相國家則寶  
之王足以庇廕嘉穀使無水旱之災則寶之龜足  
以憲臧否則寶之珠足以禦火災則寶之金足以  
禦兵亂則寶之若夫譁器之義楚雖蠻夷不能寶  
也初楚文王時有王孫厲者告王曰徐偃王好行  
仁義漢東三十二國咸服之王若不伐必事之王

稽謀外紀前

卷三十一

七

曰其可伐乎對曰大之伐小蝕之伐弱猶大魚之  
吞小魚也偃虎之食豚也文王遂伐徐

史南曰曷繫乎王孫見楚族之多才也楚之族  
其子為公子其孫為王孫方圉同由于濟王之  
難何其勞也及聘晉而辨白珩之非寶何其哲  
也推原厥自盖由厲能作始云爾故表之贊曰  
楚諸公子率能謀國子西子期隕身匡辟子華  
子閭紓其籌策哀彼王孫佩蘭芳潔白珩之對  
氣昌鄰域

柳元景

柳世隆

柳悅

柳惔

柳惔

柳惔

柳元景字孝仁其先河東鮮人高祖純平陽太守不拜父祖阜自本郡遷襄陽官至汝南太守祖恬西河太守父憑馮翊太守元景少便弓馬數隨父伐蠻以勇稱寡言語有翼質荊州刺史謝晦聞其名未及辟而晦敗雍州刺史劉道產愛其能會江夏王義恭復召之道產謂曰久規相屈今貴至有召難輒相留服闋累遷司徒太尉參軍文帝知之乃以為武威將軍隨郡太守廣設方略郡境肅然隋王誕鎮襄陽元景徙為中兵參軍二十七年加建威將軍總統軍帥外兵參軍元景率軍以前鋒深入

稽謀外紀前

卷三十一

八

乃束馬懸車上百丈崖出溫谷以入廬氏引軍度熊耳山十一月元景率衆至弘農營於關方口仍以元景為弘農太守後以為侍中領左衛將軍尋轉寧蠻校尉雍州刺史監雍梁南北秦四州荆之竟陵隨二郡諸軍事初臧質起義以南譙王義宣闇弱易制相推奉潛執元景使率所領西還元景即以質書呈孝武曰臧冠軍未知殿下義舉耳方應伐逆不容西還質以此恨之及元景為雍州質慮其為荊州後患稱瓜牙不宜遠出上重違其言更以元景為領軍將軍加散騎常侍封曲江縣公

孝建元年正月魯爽返遣左衛將軍王玄謨討之加元景撫軍將軍假節置佐係玄謨後以為領南蠻校尉雍州刺史加都督臧質義宣竝反王玄謨南據梁山垣護之薛安都度據歷陽元景出屯采石玄謨求益兵上使元景進屯姑熟元景悉遣精兵助王玄謨以羸弱居守所遣軍多張旗幟梁山望之如數萬人皆謂都下兵悉至由是剋捷與沈慶之俱以本號加開府儀同三司改封晉安郡公固讓開府復為領軍太子詹事加侍中大明三年為尚書令改封巴東郡公又命左光祿大夫開府

稽謀外紀前

卷三十一

九

儀同三司侍中中正如故六年進司空侍中中書令乃授侍中驃騎大將軍南兖州刺史留衛都下孝武晏駕與江夏王義恭尚書僕射顏伯竝受遺詔輔幼主遷尚書令領丹陽尹侍中將軍加開府儀同三司元景少時貧苦嘗下都大雷日暮寒甚頗有羈旅之歎岸側有一老父善相謂元景曰君位至三公元景以為戲曰人生免饑寒幸甚豈望富貴老父曰後當相憶及貴求之不知所在元景起自將率當朝理務雖非所長而有弘雅之美時勲要多事產業惟元景獨無所營南岸有數十畝

疏園園丁賣菜得錢送宅元景怒斥之孝武嚴暴無常元景雖荷寵遇恒慮及禍江夏王義恭及諸大臣重足屏氣未嘗私相往來孝武崩前廢帝少有凶德內不能平殺戴法興悖情轉露元景憂懼乃與師伯等謀廢帝主義恭遲疑未決帝親率宿衛兵自出討之稱詔召元景左右奔告兵刃非常元景整朝服乘車應召出門逢弟車騎司馬叔仁戎服左右壯士數十人欲拒命元景禁之及出巷軍士大至下車受戮容色恬然長子慶宗有幹力孝武使送還襄陽於道賜死次子嗣宗紹宗茂宗

勢子弟獨脩布衣業及長好讀書折節彈琴涉獵文史音吐溫潤元景愛賞異諸子言於宋孝武得召見帝謂元景曰此兒將來復是一人為西陽王撫軍法曹行參軍出補武威將軍上庸太守帝謂元景曰卿昔以武威之號為隨郡今復以授世隆使卿門世不乏公也元景為前廢帝所殺世隆以在遠得免太始初四方反叛世隆於上庸起兵以應宋明帝為孔道存所敗衆敗逃隱道存購之甚急軍人有貌相似者斬送之時世隆母郭妻閭竝見繫襄陽獄道存以所送首示之母見首悲情少歇而妻閭號咷方甚竊謂郭曰今見不悲為人所覺唯當大慟以滅之世隆竟以免後為太子洗馬與張緒王延之沈琰為君子交累遷晉熙王安西司馬加寧朔將軍時齊武帝為長史與世隆相遇甚懽齊高帝之謀度廣陵也令武帝率衆同會于世隆與長流參軍蕭景先等戒嚴待期事不行時朝廷疑憚沈攸之密為之防武帝將下都劉懷珍白高帝曰夏口是兵衝要地宜得其人高帝納之與武帝書曰汝既入朝當須文武兼資委以後事世隆其人也武帝乃舉世隆自代轉為武陵王前

軍長史江夏內史行郢州事昇明元年冬攸之反遣輔國將軍中兵參軍孫同為前驅司馬冠軍劉攘兵次之輔國將軍中兵參軍王靈秀等出夏口據魯山攸之乘輕舸住白螺洲坐胡牀有自驕色以郢城弱小不足攻攸之將去世隆遣軍於西渚挑戰攸之果怒晝夜攻戰世隆隨宜拒應衆皆披却至是武帝遣軍主桓敬陳胤叔荀元賓等八軍據西塞令堅壁以待賊疲慮世隆意遽遣卒胡元直潛使入郢城通援軍消息內外竝喜郢城既不可攻而黃田軍至西陽城三層艦作羗胡伎汴流

稽謀外紀前

卷三十一

十二

而進攸之素失人情叛者稍多劉攘兵射書與世隆請降開門納之攸之怒啣鬚咀之收攘兵兄子天賜女壻張平憲斬之軍旅大散世隆乃遣軍副劉僧麟緣道追之攸之已死徵為侍中仍遷尚書右僕射封貞陽縣侯出為吳郡太守居母憂寒不衣絮齊高帝踐祚起為南豫州刺史加都督進爵為公上手詔司徒褚彥回甚美之彥回曰世隆事陛下在危盡忠居憂杖而後起立人之本二理同極加榮增寵足厲風俗建元二年授右僕射不拜

二千卷三年出

為南兖州刺史加都督武帝即位加散騎常侍世隆善卜別龜甲價至永明初世隆曰永明九年我亡亡後三年丘山崩齊亦於此季矣屏人命典籤李黨取筆及高齒履題簾箔旌曰永明十一年因流涕謂黨曰汝當見吾不見也隆性廉唯盛事墳典張緒問曰觀君舉措當以清名遺子孫耶答曰一身之外亦復何須子孫才將為爭府如其才也不如一經光祿大夫常祖征州里宿德世隆雖貴每為之拜後授尚書左僕射總督伐蠻仍為湘州刺史加都督討平之在州立邸為御史中丞庾杲

稽謀外紀前

卷三十一

十三

所奏詔不問復入為尚書左僕射不拜乃轉尚書令世隆少立功名晚專以談藝自業善彈琴世稱柳公雙瑣為士品第一常自云馬稍第一清談第二彈琴第三在朝不干世務垂簾鼓琴風韻清遠甚獲世譽以疾遜位拜左光祿大夫侍中永明九年卒詔給東園秘器贈司空班劍二十人謚曰忠武世隆曉數術於倪塘創墓與賓客踐履十往常坐一處及卒墓工取其坐處所著有龜經要二卷世隆長子悅字文殊少有清致位中書郎早卒謚曰恭次子煥

柳惔字文通好學工製文尤曉音律少與兄悅齊名  
王儉謂人曰柳氏二龍可謂一日千里儉為尚書  
左僕射嘗造世隆宅世隆謂為詰已徘徊久之及  
至門唯求悅及惔遣謂世隆曰賢子俱有盛才一  
日見顧今故報禮若仍相造似非本意恐年少窺  
入嘗預齊武烽火樓宴帝善其詩謂豫章王嶷曰  
惔非徒風韻清爽屬文適麗後為巴東王子響友  
在荊州惔隨之鎮子響昵近小人惔知將為禍稱  
疾還都及難作免累遷新安太守建武末為梁南  
秦二州刺史及梁武帝起兵惔舉漢中以應梁武  
受命為太子詹事散騎常侍武帝之鎮襄陽惔祖  
道帝解茅土王環贈之天監一年元會帝謂曰即  
所佩王環是新亭所贈邪對曰瑞感神衷臣謹服  
之無斂帝因勸之酒惔時未卒爵帝曰吾常比卿  
劉越石近辭卮酒耶罷會封曲江縣侯帝因宴為  
詩賜惔曰爾寔冠群后惟余實念功又謂曰徐元  
瑜違命嶺南周書父子兄弟罪不相及朕已放其  
諸子何如惔曰罰不及嗣賞延于世時以為知言  
尋遷尚書左僕射年六十卒贈湘州刺史謚曰穆  
愔度量寬博家人未嘗見其喜愠性愛音樂女妓

精麗畏其妻不敢近僕射張稷與惔狎密而後惔  
妻嘗敬稷每詣惔必先相問夫人惔每欲見妓恒  
因稷請命於妻隔幔坐妓然後出惔因得留目惔  
著仁政傳及諸詩賦粗有辭義子昭位中書郎襲  
爵曲江侯  
柳惔字文暢少有志行好學善尺牘與陳郡謝淪隣  
居深見友愛淪曰宅南柳即可為儀表劉宋時有  
嵇元榮羊蓋者並善琴云傳戴安道法惔從之學  
惔特窮其妙齊竟陵王子良乃別為法曹行參軍  
唯與王暕陸果善每歎曰暕雖名家猶恐累我  
雅被子良賞狎子良常置酒後園有晉太傅謝安  
鳴琴在側援以授惔惔彈為雅弄子良曰卿巧越  
嵇心妙臻羊體良質美手信在今夜豈止當今稱  
奇亦可追蹤古烈為太子洗馬父憂去官著述先  
頌申其罔極文甚哀麗後試守鄱陽相聽吏屬得  
盡三年喪禮署之文教百姓稱焉還除驃騎從事  
中郎梁武帝至建業惔候謁石頭以為征東府司  
馬上牋請城平之日先收圖籍及導漢高寬大之  
義帝從之徙為相國右司馬天監元年除長兼侍  
中與僕射沈約等共定新律惔立性貞素早有令

名為詩云亭臯木葉下攏首秋雲飛琅邪王融見而嗟賞因書齋壁及所執白團扇武帝與宴必詔暉賦詩嘗和武帝登景陽樓云太液滄波起長楊高樹秋翠華承漢遠雕輦逐風游深見賞美歷平越中郎將廣州刺史秘書監右衛將軍再為吳興太守為政清靜人吏懷之於郡感疾自陳解任父老千餘人拜表陳請事未施行卒初暉父世隆彈琴為士流第一暉每奏其父曲常感恩復變體備寫古曲嘗賦詩未就以筆搖琴坐客過以筋扣之暉驚其哀韻乃製為雅音後傳繫琴自此暉常以

今聲轉古法乃著清調論具有條流齊竟陵王嘗宿宴明旦將朝見暉投壺臯不絕停譽久之進見遂晚齊武帝遲之王以實對武帝復使為之賜絹二十匹嘗與琅邪王瞻博射嫌其皮濶乃摘梅帖烏珠之上發必命中觀者驚駭梁武帝亦慕暉品定碁譜第其優劣為碁品三卷暉為第二焉帝謂周捨曰吾聞君子不可求備至如柳暉可謂具美分其才藝足了十人暉著十杖龜經性好醫術盡其精妙少子偃

柳偃字彥游年十二梁武帝引見詔問讀何書對曰

尚書就問其何美句對曰德惟善政政在養人衆咸異之詔尚武帝女長城公主拜駙馬都尉都亭侯位鄱陽內史卒子盼尚陳文帝女富陽公主拜駙馬都尉後主即位以帝舅加散騎常侍盼性愚顛使酒因醉乘馬入殿門為有司劾免卒於家贈侍中中護軍后從祖弟莊清警有鑒識自盼卒後太后宗屬唯莊為近燕素有名望深被恩禮位度支尚書陳亡入隋為岐州司馬暉弟愷

柳愷字文深少悟大意好玄言通老易梁武帝舉兵至姑孰愷與兄暉及諸友於小郊候接時道路猶

梗愷與諸人同憇逆旅食俱去行里餘愷曰寧我負人無人負我若復有追堪憇此客命左右燒逆旅舍以絕後追當時服其善斷歷位給事黃門侍郎與王峻齊名俱為中庶子時人號為方王後為鎮北始興王長史王綬鎮益州復請愷帝曰柳愷風標才氣恐不能久為少王臣王祈請數四不得已以為鎮西長史蜀郡太守在蜀廉恪為政益部懷之愷弟忱

柳忱字文若年數歲父世隆及母閻氏並疾忱不解帶經年及居喪以毀聞仕齊為西中郎主簿東昏



遣巴西太守劉山陽由荊州襲武帝于雍州西中  
郎長史蕭穎胄計未定召忱及其親席闡文等夜  
入議之忱及闡文竝勸同武帝穎胄從之以忱為  
寧朔將軍累遷侍中郢州平穎胄議遷都夏口忱  
以巴峽未賓不宜輕捨根本挫動人心不從俄而  
巴東兵至峽口遷都之議乃息論者以為見幾及  
梁受命封州陵伯歷五兵尚書秘書監散騎常侍  
改授給事中光祿大夫疾篤不拜卒謚曰穆忱兄  
第十五人多少亡唯第二兄愔第三兄暉第四兄  
愷及忱三兩年間四人迭為侍中復居方伯當世

稽謀外紀前

卷三十一

十八

牢比子範嗣

柳慶遠字文和元景第子也父叔珍義陽內史慶遠  
仕齊為魏興太守郡遭暴水人欲移於杞城慶遠  
曰吾聞江河長不過三日命築土而已俄而水退  
百姓服之後為襄陽令梁武帝臨雍州問杜暉求  
州綱紀暉言慶遠武帝曰文和吾已知之所問未  
知者耳因辟為別駕慶遠謂所親曰天下方亂定  
霸者其吾君乎因盡誠協贊及起兵慶遠常居帷  
幄為謀主從軍東下身先士卒武帝行營見慶遠  
頓舍嚴整每歎曰人人若是吾又何憂建康城平

為侍中帶淮陵齊昌二郡太守城內嘗夜火衆驚  
武帝時居宮中悉欽請門鑰問柳侍中何在慶遠  
至悉付之其見任如此督府建為從事中郎武帝  
受禪封重安侯位散騎常侍改封雲杜侯出為雍  
州刺史加都督帝餞於新亭謂曰卿衣錦還鄉朕  
無西顧矣始武帝為雍州慶遠為別駕謂曰昔羊  
公語劉弘卿後當居吾處今相觀亦復如是曾未  
十年而慶遠督府談者以為逾於魏詠之累遷侍  
中領軍將軍出為雍州刺史慶遠領厲清節士庶  
懷之卒贈開府儀同三司謚曰忠惠初世隆嘗謂

稽謀外紀前

卷三十一

十九

慶遠曰吾昔夢太尉以褥席見賜吾遂亞公卿適  
又夢以吾褥席與汝汝必光我門族至是慶遠亦  
繼世隆焉子津

柳津字元舉雖乏風華性強直入或勸之聚書津曰  
吾嘗請道士上章驅鬼安用此鬼名邪歷散騎常  
侍太子詹事襲封雲杜侯太清三年城陷卒子仲  
禮少穎敏有膽氣眉目疎朗初簡文帝為荊州刺  
史仲禮留在襄陽起家著作佐郎稍遷軍威將軍  
陽泉縣侯梁大通中西魏將賀拔勝來逼樊鄧仲  
擊破之除黃門郎稍遷司州刺史武帝思見其回

使畫工圖之初侯景潛圖反噉仲禮先知之屢啓求以精兵三萬討景朝廷不許及景濟江朝野望其至兼畜雍司精卒與諸蕃赴援見推總督景素聞其名甚憚之仲禮亦自謂諸將莫已若也帝察見攻仲禮方食投箸被練馳之騎能屬者七十比至繁已敗仲禮因與景戰於青塘破之賊將史伯仁自後斫仲禮中肩馬陷于淖賊聚稍刺之騎將郭山石救之以免自此壯氣外衰不復言戰郡陵王綸亦鞭策軍門每日必至累刻移時仲禮亦弗見也綸既忿歎怨隙遂成而仲禮常置酒高會父

稽謀外紀前

卷三十一

二十一

津登城謂曰汝君父在難不能盡心竭力百代之後謂汝為何仲禮聞之言笑自若晚又與臨城公大連不協景嘗登朱雀樓與之語遺以金環是後閉營不戰衆軍固請皆悉拒焉南安侯駿謂曰城急如此都督不復處分脫不守何面以見仲禮無以應及臺城陷侯景矯詔使石城公大款以白虎幡解諸軍仲禮召諸將軍會議邵陵王以下畢集王曰今日之命委之將軍仲禮熟視不對裴之高王僧辯曰將軍擁衆百萬官闕淪沒正當悉力決戰何所多言仲禮竟無一言諸軍各散時湘東王

繹遣王琳軍至姑孰開臺城陷沉木於江而退仲禮及弟敬禮羊鴉仁王僧辯趙伯超竝開營降賊時城雖淪陷援軍甚衆軍士咸欲盡力及聞降莫不歎憤論者以爲梁禍始於异成仲禮仲禮等入城泣先拜景而後見帝帝不與言既而景留柳敬禮羊鴉仁遣仲禮僧辯西上復位餞於後渚景執仲禮手曰天下之事在將軍耳郢州巴西竝以相付及至江陵會岳陽王詵起兵湘東王以仲禮爲雍州刺史襲襄陽仲禮方觀成敗未發及南陽圍急杜岸請救仲禮乃以別將夏侯強爲司州刺史

稽謀外紀前

卷三十一

二十一

守義陽司馬康昭入竟陵討孫暠執魏戌人以降仲禮命其將王叔孫爲竟陵太守副軍馬岫爲安陸太守置弩於安陸而以輕兵師于滎頭侵襄陽岳陽王詵告急于魏魏遣大將楊忠援之仲禮與戰于滎頭大敗并弟子禮沒于魏柳敬禮少以勇烈聞讎暴無行恒畧責人爲百姓所苦故襄陽有柳四郎歌起家著作佐即稍遷扶風太守侯景渡江敬禮率馬步三千赴援至都與景頻戰其苦威名臺城陷與兄仲禮經畧上流留敬禮質以爲護軍將軍餞仲禮於後渚敬禮謂仲禮

曰景今來會敬禮抱之兄便可殺雖死無恨仲禮壯其言許之及酒數行敬禮目仲禮仲禮見備衛嚴不敢動遂不果會景征晉熙敬禮與南康王會謀襲其城尅期將發建安侯蕭賁告之遂遇害臨死曰我兄老婢也國敗家下實余之責今日就死豈非天乎

史南曰臣攷李延壽南史論曰柳元景行已所資豈徒武毅當朝任職實兼雅道卒至覆族遭逢亦有命乎世隆文武器業殆人望也諸子門素所傳俱云克構仲禮始終之際其不副也何

稽謀外紀前

卷三十一

二十二

我豈天方喪梁不然何斯人而有斯迹也以臣觀之元景造逆謀以圖微倖伏誅宜矣世隆獨超風氣篤守雅素而諸子亦尚清談習聞儒業然而敦朴意襄尚侈風靡仲禮敬禮從賊滅宗不亦哀乎贊曰柳世望族海著勲庸守貞茹素乃有世隆悞悞愜愜王樹菁葱傳至仲禮與尸受凶

柳霞

子靖

孫恩敬

柳霞字子昇其先與元景同出晉汝南太守卓徙居襄陽祖叔珍宋員外散騎常侍義陽內史父季遠

梁臨川王諮議參軍宜都太守霞幼爽邁神彩凝然髫歲篤好文學世父慶遠特器異之謂霞曰吾昔逮事伯父太尉公嘗云我昨夢汝登樓甚峻吾以坐席與汝汝後必達恨吾不及見耳梁西昌侯鎮雍州霞時年十二脩謁風儀端肅進止詳雅藻美之廬陵王績為雍王刺史辟霞為主簿起家平西邵陵王綸府法曹參軍仍轉外兵除尚書工部郎謝舉時為僕射引霞與語甚嘉之顧謂人曰江漢英靈見於此矣岳陽王蕭譽蒞雍州選為治中尋遷別駕及譽於襄陽承制授霞吏部郎員外散

稽謀外紀前

卷三十一

二十三

騎常侍俄遷車騎大將軍儀同三司大都督賜爵聞喜縣公尋進位持節侍中驃騎大將軍開府儀同三司及蕭譽踐位於江陵以襄陽歸于我霞乃辭營曰陛下中興鼎運龍飛舊楚臣昔因幸會早奉名節理當以身許國期之始終自晉氏南遷臣宗族益寡從祖太尉世父儀同從父司空竝以位望隆重遂家于金陵唯留先臣獨守墳栢常誠臣等使不違此志今襄陽既入北朝臣若陪隨鑾蹕進則無益塵露退則有虧先旨伏願曲垂鑒照亮臣此心營重違其志遂許之因留鄉里以經籍自

娛太祖世宗頻有徵命霞固辭以疾及啓殂霞舉  
哀行舊君之服保定中又徵之霞始入朝授使持  
節驃騎大將軍開府儀同三司霍州刺史霞導民務  
先以德不用命者乃微加貶異天和中卒年七十  
二霞有志為州主簿其父卒於揚州霞自襄陽奔  
赴六日而至哀感行路毀瘵殆不可識後奉喪泝  
江西歸中流風起舟中相顧失色霞抱棺號慟懇  
天求哀俄頃風止其母嘗患乳疽霞吮旬遂瘳咸  
以為孝感所致性又溫裕畧無喜愠弘獎名教未  
常論人之短有十子靖誼最知名

稽謀外紀前

卷三十一

二十四

柳靖字思休少方雅博覽墳籍梁大同末釋褐武陵  
王國左常侍轉法曹行參軍大定初除尚書度支  
郎遷正員郎隨霞入朝授大都督歷河南德廣二  
郡守靖雅達政事所居皆有治術吏民畏而愛之  
然性愛閒素其於名利澹如也及秩滿還便有終  
焉之志隋文帝踐極特詔徵之靖遂以疾固辭優  
遊不仕閑門自守所對琴書而已足不歷園庭殆  
將十載子弟奉之若嚴君焉其有過者靖必下帷  
自責於是長幼相率拜謝於庭靖然後見之勗以  
禮法鄉里亦慕而化之或有不善者唯恐柳德廣

知也時論方之王烈前後總管到官皆親至靖家  
問疾遂以為故事秦王俊臨州賚以几杖拜致衣  
物靖惟受几杖餘竝固辭其為當時所重如此開  
皇中以壽終子思敬器量貞固有經世才初仕梁  
歷中書舍人尚書右丞給事黃門侍郎尚書吏部  
郎中鴻臚太府卿入隋位至開府儀同三司給事  
黃門侍饒州刺史

史南曰臣觀諸後周書云柳霞立身之道進退  
有節眷戀墳隴其孝可移於朝廷盡禮舊主其  
忠可事於新君斯言也無稽之言也夫大各吠

稽謀外紀前

卷三十一

二十五

為其主豈有舊主新君可移者乎然而柳氏之  
後莫盛于河東要亦有作始者矣贊曰河東諸  
柳霞為之先不忘舊君可謂曰賢靖寂知名琴  
書自妍思敬克紹彌遠而傳

杜崩

兄嶷

弟岸

幼安

姪龜附

杜則其先杜陵人自北歸南居於襄陽子孫因家焉  
父懷瑤少有志節梁天監中累有軍功後又立功  
南鄭梁秦二州刺史大同初魏軍復圍南鄭懷瑤  
命第三子嶷帥二百人與魏前鋒戰於光道寺溪  
矢中其目失馬敵人交稍將至嶷斷其一騎馳以

以歸嶷督力絕人便馬善射一日中戰七八合所佩霜明朱弓四石餘力斑絲纒稍長二丈五同心敢死士七百人每出殺傷數百人敵人憚之號為杜虎懷瑾卒謚曰恒侯子嶷西荊州刺史則嶷弟幼有志氣居鄉里以膽勇稱後為新興太守太清三年隨岳陽王來襲荊州元帝與則兄岸舊密書邀之則乃與岸弟幼安兄子龕等夜歸元帝以為武州刺史封枝江縣侯令隨領軍王僧辯東征侯景至巴陵景遁加侍中進爵為公仍隨僧辯追景至石頭景敗則入據臺城景平加散騎常侍江

州刺史是月齊將郭元建攻秦州刺史嚴超達於秦郡王僧辯令則赴援陳武帝亦自歐陽來會元建衆却則因縱兵大破之元建遁時元帝執王琳於江陵琳長史陸納等叛於長沙元帝徵則與王僧辯討之及納等戰於車輪大敗之後納等降則又與王僧辯西討平武陵王於硤石旋鎮遘疾卒謚曰武則兄第九人兄嵩次嶷岌岌岸及弟從幼安並知名

杜岸字公衡太清中與則隨岳陽王啓攻荊州同歸元帝帝以為北梁州刺史封江陵縣侯岸請以五

百騎襲襄陽去城三十里城中覺之啓夜知其師掩襄陽以岸等襄陽豪帥於是夜遁歸襄陽岸等知啓至遂大奔其兄南陽太守岌於廣平啓遣將尹正薛暉等攻拔之獲岌岸等并其母妻子女並斬於襄陽北門啓母龔保林數岸於衆岸曰老婢教汝叔乃枉殺忠良啓命拔其舌嚙殺而烹之盡誅諸杜宗族親者幼弱俱下蠶室又發其塚墓燒其體骨灰而揚之并以為漆髒及建鄴平則兄弟發安寧陵焚之以報漆髒之酷元帝亦不責也

杜幼安性至孝寬厚雄勇過人與兄則同歸元帝以

為西荊州刺史封華容縣侯與王僧辯討河東王啓於長沙平之令助徐文盛東討侯景至具磯大破景將任約斬其儀同叱羅子通湘州刺史趙威芳等乃進軍大舉漢口別攻拔武昌景渡蘆州上流以壓文盛幼安與衆軍大敗之會景密遣騎襲陷郢州執刺史方諸人情大駭文盛由漢口遁歸衆軍大敗幼安降景景以其多反覆殺之

杜龕岑之子也驍勇善戰為郢州刺史封中盧縣侯隨婦翁王僧辯討平河東王啓及徐文盛軍至巴陵聞侯景陷郢州乃與僧等守巴陵景圍之數旬

不尅而遁遷太府卿定州刺史諸軍至姑孰景將  
侯子鑒逆戰龔與陳武帝王琳等擊之大敗子鑒  
遂至石頭景親會戰龔大破之授東陽州刺史又  
與王僧辯降陸納平武陵王及魏平江陵後齊納  
貞陽侯明以紹梁嗣以龔為震州刺史吳興太守  
遷南豫州刺史封溧陽縣侯又加散騎常侍鎮南  
大將軍初龔為吳興太守以陳武帝既非素貴及  
守本郡以法繩其宗無所縱捨武帝銜之及僧辯  
敗龔乃據吳興以拒之頻敗陳文帝軍龔好飲酒  
勇而無畧部將杜泰弘通於文帝說龔降龔然之  
稽謀外紀前 卷三十一 二十八

其妻王氏曰霸先離隙何可求和因出私財賞募  
復大敗文帝軍後杜泰降文帝龔尚醉不覺文帝  
遣人負出項王寺前斬之王氏截髮出家杜氏一  
門覆矣  
史南曰臣攷唐書宰相世系至于襄陽杜氏未  
嘗不廢書而嘆也自杜預以前為杜預自杜龔  
以後為杜佑而相裔日昌豈其地力使然與抑  
天命有在非夫人所能與也贊曰元凱之後代  
有聞人徙居襄許峴山嶙峴云何崩岸受害賊  
臣漆髡之慘懷宋諸陵

許紹 子圉師 孫欽寂 欽明附

許紹字嗣宗安陸人父法光仕隋為楚州刺史元皇  
帝為安州總管紹時為兒與高祖同學相愛大業  
末任夷陵通守會盜起州境獨完流人自占數千  
萬開倉賑給煬帝崩問至紹率人吏三日臨以所  
部遙屬越王侗後王世充篡立遂遣使以黔安武  
陵澧陽歸國授陝州刺史封安陸郡公高祖賜書  
道平生舊以加慰納蕭銑將董景珍降命紹率兵  
應接以破銑功擢其子智仁為溫州刺史銑遣楊  
道生圖峽州紹擊走之銑將陳普環具大艦遡江  
與開州賊蕭闍提略巴蜀紹遣智仁及壻張玄靖  
掾李弘節追戰西陵覆其兵擒普環悉獲戰艦江  
之南有安蜀城地直夷陵荊門城峙其東皆峭險  
處銑以兵戍守紹遣智等攻荊門取之制書褒美  
許以便宜紹境連王世充及銑其下為賊剽者皆  
見殺紹得敵人獨資遣之二邦感義殺掠為止進  
譙國公賜帛千段趙郡王孝恭等伐銑復詔督兵  
圖荊州會病卒于軍帝為流涕貞觀中贈荊州都  
督子智仁初以勲授封孝昌縣公紹卒繼守夷陵  
終涼州都督次子圉師

許圜師有器幹研涉藝文擢進士第累遷給事中黃門侍郎同中書門下三品龍朔中為左相高宗自書詔賜遼東諸將謂許敬宗曰圜師愛書可示之俄坐其子獵犯人田有辭怒而射之圜師掩不奏為人告適帝讓曰宰相而暴百姓非作威福乎圜師謝且言作威福者彊兵重鎮嬖天子法臣文吏何敢然帝曰憚無兵邪敬宗因是劾抵遂免官久之為虔州刺史稍遷相州專以寬治州人刻石頌美郡有受賕者圜師不忍按但賜清白箴其人自愧後修飾更為廉士晉戶部尚書卒贈幽州都督

稽謀外紀前

卷三十一

三十

謚曰簡陪葬泰陵紹初爵譙國公以子智仁自有封故紹孫力士襲之終洛州長史子欽寂欽明許欽寂以恩嗣封萬歲通天元年契丹入寇詔為隴山軍討擊副使戰崇州敗為虜所擒方圖安東脅令說屬城下者欽寂呼安東都護裴玄珪曰賊朝夕當滅幸謹守賊怒害之武后下制褒美贈斬州刺史謚曰忠子輔乾以父死難授左監門衛中候為海東慰勞使迎柩還葬

許欽明以軍功擢左王鈐衛將軍安西大都護鹽山郡公出為涼州都督嘗輕騎按部會突厥默啜兵

奄至被執賊與皆至靈州使說之降欽明至城下呼曰我乏食有美醬乎有梁米乎并乞墨一枝時賊營四面阻水惟一路得入欽明欲選將鍊兵乘夜襲賊也而城中無寤者遂見害兄弟俱死王事世召其忠

史南曰許圜師首識真主舉兵內附風雲景從蛟騰虎變二子以死勤事咸名為忠傳至我

朝襄毅屢樹奇勲三子並躋膺仕詩曰念茲戎功繼序其皇之信矣贊曰許氏英烈是為能臣嗣宗遇主桑榆用微圜師守法頒清白箴二子死事

五稽謀外紀前

卷三十一

三十

雙節忠貞勲銘鼎石澤被雲仍

朱朴 朱放附

朱朴襄陽人以三史舉繇荆門令進京兆府司錄參軍改著作即乾寧初太府少卿李元實欲取中外九品以上官月俸助軍朴上疏執不可而止擢國子毛詩博士上書言當世事議遷都曰古王者不常厥居皆觀天地興衰隨時制事關中隋都唐實因之凡三百歲文物資貨奢侈僭偽皆極焉廣明巨盜陷覆宮闕局署帑藏里閭井肆所存十二比幸石門華陽十七八九高祖太宗之制蕩然矣夫



襄鄧之西夷漫數百里其東漢興鳳林為之關南  
菊潭環屈而流屬於漢西有上洛重山之險北有  
白崖聯絡乃形勝之地沃衍之墟若廣浚漕渠運  
天下之財可使大集自古中興之君若光武雖起  
而宋王也臣觀江南土薄水淺人心囂浮不可以  
都河北土厚水深人心疆懷不可以都惟襄鄧實  
為中原人心忠良去秦咫尺而有上洛為之限永  
無夷狄侵軼之虞此建都之極選也不報朴為人  
木疆無它能方是時天子失政思用特起士任之  
以中興而朴所善方士許巖士得幸言朴有經濟

稽謀外紀前

卷三十一

三十二

才又水部郎中何迎亦表其賢帝召與語擢左諫  
議大夫同中書門下平章事人大驚俄判戶部  
進中書侍郎帝益治兵委朴朴移檄四方今近者  
出甲士資饋饗遠以羨餘上後數月巖士為韓進  
所殺朴罷為秘書監三貶郴州司戶叅軍卒後有  
朱放字長通善屬文隱居剡溪曹王臯鎮江西辟  
為節度叅謀後召為拾遺不就詩文多行於世

史南曰朱朴起身三史躋榮八座遷都之議未  
為卓見入相之譏頗由捷徑而朱放遨遊江湖  
徘徊雲壑較之於朴所得多矣贊曰朱朴豪士

請都襄陽南土偏安中原可疆相由方士進  
有傷比之匪人終焉奚臧

宋喬年

宋喬年字仙民宰相庠之孫也父充國刻意問學試  
禮部自謂宰相子輒罷舉仁宗知之召試學士院  
賜進士出身簽書河南判官判登聞鼓院知太常  
禮院英宗祔廟議者欲祧僖祖藏夾室充國請配  
感生帝為宋始祖從之東西府建上二箴以戒大  
臣大臣不懌會廟饗宿齋其妻遣兩妾至寺充國  
自劾罷遂致仕充國性剛介孝於奉親平居得微

稽謀外紀前

卷三十一

三十三

物必先薦家廟乃敢嘗官至大中大夫卒喬年用  
父蔭監市易坐與娼女私及私後吏失官落魄二  
十年女嫁蔡京子欽京當國始復起用崇寧中提  
舉開封縣鎮府京常平政提點京西北路州獄賜  
進士第加集賢殿修撰京畿轉運副使進顯謨閣  
待制為都轉運使改開封尹以龍圖閣學士知河  
南府京罷相諫議大夫毛注御史中丞吳執中交  
擊之貶保靜軍節度副使新州安置京復相還舊  
官知陳州政和三年卒年六十七謚曰忠文子昇  
宋昇字景裕崇寧初由譙縣尉為勅令刪定官數至

至中少監時喬年尹京父于依憑蔡氏陵轢士大夫陰交諫官蔡居厚使為鷹犬以徽猷閣待制知陳州喬年貶昇亦謫少府少監分司南京未幾知應天府喬年卒起復為京西都轉運使涖葦西宮及脩三山新河擢至顯謨閣學士方是時徽宗議謁諸陵有司預為西幸備昇治宮城廣袤十六里創廊屋四百四十間費不可勝會糝漆至灰人骨為胎戶直錢數千盡發洛城外二十里古冢凡衣冠簪珥大抵遭暴極用是遷正義大夫殿中監又奉命補治三陵泄水坑間計役四百九十萬未

幾卒贈金紫光祿大夫延康殿學士謚曰恭敬

史南曰宋喬年以元獻之裔附權姦以取顯位

厥子昇亦憑藉寵靈招權納賂至漆人骨以逢

君欲其無天道甚矣而乃得忠文恭敬之謚宋

之不兢也宜哉贊曰忠文之冒胡曰喬年諂附

蔡京躋位台衡厥子苛虐發冢取妍天道有知

豈謂無然

王之望

王之望字瞻叔穀城人父綱登元符進士第通判徽州之望初以蔭補紹興八年登進士第教授處州

入為太學錄遷博士出知荆門軍提舉湖南茶監改潼川路轉運判官尋改成都計度轉運副使擢舉四川茶馬朝臣薦其才召赴行在除太府少卿總領四川財賦金人渝盟軍書帝不調慶百出之望亟畫無遺第括民質劑未稅者搜抉隱匿得錢為緡衆咸怨之後陞太府卿孝宗即位除戶部侍郎充川陝宣諭使先是敵帥合喜寇鳳州之黃牛堡吳璘擊走之遂取秦州連復商鞔原還等十七郡敵以璘精兵皆在德順力攻之時陳康伯秉政方議罷德順戍虞允文為宣諭使力爭不從上以手札命璘退師之望既代允文宣諭使贊璘命諸將棄德順倉卒引退敵乘其後將校所存無幾連營慟哭聲震原野上聞而悔之隆興初右諫議大夫王大寶疏之望非除集英殿修撰提舉江州大平興國宮未幾權戶部侍郎江淮都督府參贊軍事之望雅不欲戰因奏人主論兵與臣下不同惟奉承天意而已竊觀南北之形已成未易相兼我之不可絕淮而北猶敵之不可越江而南也移攻戰之力以自守然後隨機變擇利而應之有旨留中俄無直學士院湯思退力主息兵奏除之望

吏部侍郎通問使之望皆以守備不足恃為告上  
亟罷都督府以之望為淮西宣諭使甫拜命又擢  
右諫議大夫之望因上章極言廷臣執偏見為身  
謀乞明詔在廷平心議論時思退主和議浚主恢  
復之望陰為思退地既而視師江上金復犯邊遂  
上和戰二策拜叅知政事俄兼同知樞密院事敵  
兵交至濠楚守將棄城遁上命湯思退督江淮師  
未行復令之望督視改同都督力辭不行會諸生  
上書上怒欲加罪之望救解之遂以叅知政事勞  
師江淮之望先嘗貽書敵師至是王朴使敵軍并  
割商秦地許歸被俘人惟叛亡不預世為叔姪之  
國敵皆聽許講解而罷上聞敵師退令督府擇利  
擊之之望下令諸將不得妄進朝廷趣行之望言  
王朴既還不可冒小利害大計言者論罷為端明  
殿學士提舉江州太平興國宮乾道元年起知福  
州福建路安撫使加資政殿大學士知温州尋復  
罷六年冬卒之望當秦檜時落落不合或謂其有  
守紹興末年力附和議與思退相表裏專以割地  
啖敵為得計地割而敵勢益張之望迄以此廢焉  
史南曰王之望附湯思退力主和議以至金人

內逼二帝含羞其罪可勝誅哉易曰盜且乘致  
寇至之望之謂也贊曰之望暨子力附權臣思  
退主和槌尾望塵乞祠天台貽譏山靈書之史  
策難掩厥名

王登

王登字景宋德安人少喜古兵法慷慨有大志不事  
生產孟珙招至幕府久之權知巴東縣獻俘制置  
司登念奮自書生拜吏曰不拜則不敢上難之竟  
棄功去淳祐四年舉進士調興山主簿總領賈似  
道檄修江陵城條畫有法明年制置使李魯伯經

理襄陽登在行以積功升尋以母憂去及吳淵為  
制置使邊事甚亟因憶弟潛盛言王登才畧具書  
幣招之登方與客奕發書衣冠拜家廟長揖出門  
問牛幾何可盡發犒師淵慨然曰事亟矣柰何登  
曰亟呼諸將共議衆至驩躍曰景宋在此淵曰汝  
輩欲西門出景宋欲從方城如何衆曰惟命登曰  
用兵患不一登書生不過馮軾觀戰請五大帥中  
擇一人為節制淵曰請監丞出正謂此即書銀牌  
曰監丞代某親行將士用命不用命賞罰畢具申  
登至沙市椎牛醺酒得七千人誓曰登與諸將義

同骨肉今日之事登不用命諸將殺登以獻王師  
諸將有一不用命登有制創在不敢私也衆股慄  
聽命竟立奇功於沮河趙葵為制置使握登手曰  
景宋一身膽惜相見晚也俾參宣撫司兼京西兩  
節馬光祖為制置使辟充參謀官遷軍器少監京  
西提點刑獄登聲日振有余思忠及徐制幾讒  
於光祖曰京湖知有王景宋不知有馬制置非父  
易位矣光祖疑焉出登屯郢州後以幹辦鍾蜚英  
調護情好如初侍御史戴慶炳劾思忠其黨過元  
龍沈翥在幕中又傾之以是議論不合寸畧不能  
稽謀外紀前

卷三十一

三十八

施識者惜焉開慶元年登提兵援蜀約日合戰夜  
分登經理軍事忽絕倒五臟出血幕客唐舜申至  
登尚瞪目視几上文書俄而卒始舜申舟經漢陽  
有蜀聲呼唐舜申者三左右曰景宋聲也是夕舜  
申暴卒

史南曰溫嶠絕裾陶侃灑泣知有國而不知有  
身也王登一聞召檄拜廟辭家推牛饗士此其  
志何如者惜天不祐宋齋志以沒豈非人之云  
亡邦國殄瘁矣乎贊曰王登踈俊杖策提兵露  
檄勤王椎牛江陵移屯郢州猜疑忽生五臟流

血惜哉真誠

張惟孝

張惟孝字仲友襄陽人長六尺通春秋下第乃工騎  
射城中亂爭出關惟孝拔劍殺數人趨白河見一  
舟壯鉅甚急登之舟人不可惟孝曰今日之事非  
汝即我能殺我者得此舟衆披靡遂以舟達郢州  
兵亂奔沙洋別之傑為帥盡隘諸湖不泄水惟孝  
令二人賈服前行密窺隘兵曰易與耳乃與十騎  
衣黑袍假為敵兵曰後隊亟至守隘四五百人悉  
潰舟趨藕池開慶元年卜居江陵至沙市衆舟大  
稽謀外紀前

卷三十一

三十九

集不可涉頃有戎寇張蓋從者數十則宣撫姚希  
得之第也令曰敢有爭岸者投水中惟孝睥睨良  
久提劍驅左右而出舉白旗以麾令衆船登岸毋  
敢亂次幹官鍾蜚英見而異之以告唐舜申舜申  
曰吾故人也具言惟孝平生蜚英謂曰今日正我  
輩趨事赴功之秋惟孝不荅又叩之則曰朝廷負  
人明日蜚英導希得羅致之宴仲宣樓蜚英酒酣  
曰有國而後有家天下如此將安歸乎惟孝躍然  
曰從公所命乃請空名帖三十以還逾旬與三十  
騎俱擁甲士五千至旗幟鮮明部五嚴肅上至公

安下及墨山游踏相繼希得大喜請所統姓名惟  
孝曰朝廷負人福難禍易耶為君侯紆一時難耳  
姓名不可得也時鼎澧五州危甚於是擊鼓耀兵  
不數日衆至萬人數戰俱捷江上平制使呂文德  
招之不就而遁物色之不可得或云已趨淮甸後  
不知所終

史南曰臣讀宋史稱張惟孝思以功名自見雖  
所立有大小要亦奇才也夫惟孝特亦任氣豪  
俠士爾觀其答鍾蜚英曰朝廷負人是豈知主  
憂臣辱主辱臣死之義乎贊曰惟孝磊落登仲

稽謀外紀前

卷三十一

四十

宣樓置酒應檄世鮮其儒率衆誓師亦有忠謀  
匿名遐遁豈曰無郵

或問曰子之撰稽謀也外之者何曰詩曰謀之  
其臧則具是遠謀之不臧則具是依言其同而  
不和也辭之輯矣民之洽矣辭之擇矣民之莫  
矣言其和而能安也楚諸公子王孫去古未遠  
謀雖不中多出於誠六朝閨位五季逆旅其為  
謀也不已謫乎若夫謀及乃心謀及卿士此又  
皇極大中之道也經世者其審于茲

楚紀卷之三十一

卷之三十二

稽謀外紀後篇

李廷琛

蕭壽

王貴

譚濟

於顯

馬汝舟

李廷琛一名琛景陵人

國初從取江南晉陵徽州婺源攻雲州援龍灣佐平  
饒州擣潯陽徇征蕲黃下豫章鏖戰彭蠡甲辰定  
武昌江陵湖之南北乙巳從克襄陽安陸等處以  
屢功擢授

景陵衛指揮副使鄧愈以湖廣行省平章出鎮襄陽

稽謀外紀後

卷三十二

一

廷琛屬焉嚴號令練軍伍繕甲兵修屯田西禦王  
保保兵遇征討則備前驅洪武元年四月

高皇帝勅諭愈曰總兵官大將軍信國公徐達副將  
軍鄂國公常遇春統領大軍已於三月二十九日  
克復汴梁進取河南等處城池爾御史大夫鄧愈  
統領襄陽安陸景陵衛官軍前去征取迤邐未附  
城池其景陵衛存留官軍守城其餘軍馬從指揮  
副使李廷琛統領參隨征進先是三月愈命廷琛  
同指揮王成等率師取唐州又取南陽至是奉  
上命即令廷琛同指揮吳復等攻取南陽諸郡克之

又平新寨麻張等叛賊克諸石臘寨及降葉舞陽  
魯山諸縣從援徐州九月擊洪山老馬劉寨擒殺  
甚衆是年冬從討河西獲奔張於是金商均房諸  
州悉定三年西擊王保保營五年從討澧州等處  
溪洞蠻夷皆預有功

蕭壽字君美德安人年二十陳友諒起荆湖拔為萬  
戶及諒寇池州太平壽皆在行日夜思自拔歸附  
不克如志居常鞅鞅癸卯八月

高皇帝親率諸將與友諒戰彭蠡湖友諒中流矢死  
壽同事者率還立友諒子理于武昌壽乃乘間以

稽謀外紀後

卷三十二

二

所領舟師自歸

上于鎮江賜米十石命隸鎮江翼甲辰夏始授總旗  
從周指揮守嚴州乙巳四月偽吳張士誠軍大浪  
灘其舟如織壽乘快舸挺戈而前衆皆披靡大軍  
繼之士誠軍大敗追北二十里有白金之賜八月  
士誠復犯白石從嚴元帥出擊敗之獲戰艦一偽  
萬戶一人仍賞以白金加織文丙午八月從曹國  
公李文忠取桐廬富陽餘杭十一月乘勝下杭州  
吳元年正月曹國公奏為晉軍百戶九月從永嘉  
侯攻台州先登火其浮橋獲馬二戰艦二賞白金

稽謀外紀後

卷三十二

三

如初台州既下分兵守黃巖水砦十一月大軍南  
攻福建諸城壽由海道領舟師夾攻洪武元年福  
建諸路悉平還次金華四月海寇據昌國之蘭秀  
山構亂從林都督擊走之七月復從曹國公李文  
忠拔閩溪諸砦二年正月進昭信校尉統於徐指  
揮從李文忠北征遼是年二月克惠州錦州大寧  
全寧遂渡遼河敗慶僧國五軍進攻上都回次蔚  
州八月拔大同敗九興脫列伯二國公軍三年五  
月從擊興和應昌慶州高州分兵拔虹螺山等屯  
堡遂及大軍蠻子太尉軍戰于駱駝七月還金華

四年二月大封從征將士賜錦繒有差六年三月  
由金華移平陽十年四月加承信校尉十四年冬  
同千戶馬俊出擊山寇自平陽之林來浦越龍潭  
過泥輿以破吳崑崙砦駐小龍銀屏砦以扼萬松林  
歷福寧之岑嶺吳村祭頭轉而涉瑞安之為山萬  
丈林會大軍以殄餘寇凡破數十砦斬首數百級  
生得偽官士卒三十人奏功賜賚諸幣

史南曰臣讀史叙沔陽志論云昔李廣不逢高  
祖時萬戶侯不可得廷琛睹聖於草昧之初效  
命於風雲之際乃若蕭壽以友諒舊將投戈勵

志拔劍成功可謂鳥能擇木魚斯縱壑爾矣

潭濟字濟翁湘潭人宋端明學士世績七世孫也濟少力學歲壬辰湖湘騷動濟集衆捍鄉邑會元帥楊完者率其部東下濟遂與俱及完者敗死濟乃歸胡大海於建安大海賜濟文綬銀碗各二即日署為萬戶從王元帥攻下蘭溪金華既降遂守諸暨乘間拔蕭山更佐王元帥戍建安戰咸臨步大捷又捷於金山橋更戍衢州從王元帥攻下廣信而留戍偽漢陳友諒軍圍廣信濟俘獲偽萬戶一人遂從鄧愈攻下臨川進援南昌引兵救建昌凡

稽謀外紀後

卷三十一

四

三年而還戍金華是歲十月張士誠遣謝院判寇東陽義烏從戰東江橋俘獲偽萬戶一人復從擊張士誠軍于新城之龍潭俘獲偽萬戶一人轉南戰鉛山至浦城敗賴元帥軍進破景江橋寨俘獲一將四卒從李文忠征下桐廬富陽餘杭錢塘諸邑文忠選濟為鎮撫復從取建州劔州汀州洪武元年從胡左丞東平昌國海寇擢忠顯校尉又從徐指揮北征至北平遂屬常遇春追也速丞相軍於大寧全寧錦州遼河復從文忠赴大將軍徐達于慶陽由涿州過中山渡滹沱出井陘至太原而大

將已舉慶陽於是代州踰鴈門援大同至馬邑遇劉平章軍與戰俘獲千戶一人敗孔興脫列伯二國公軍於懷仁獲元帥一人又追至東勝豐州黑河雲內乃還明年從徐指揮出居庸夾擊雲州遂及蠻子太尉沙不丁平章軍戰駱駝山從攻上都獲萬戶一人攻應昌獲院判一人逐魯王軍黑松林至慶州古城還次高州從趙左丞住松利下諸屯堡還至全寧文忠遣部送元之降臣及宦官之北平已而復從文忠追沙不丁餘丁至三不刺野馬川以深入賜文綺二北羊十班師詔下還金

稽謀外紀後

卷三十二

五

華論功行賞頒賜濟文錦七年調平陽會私鬻鹽徒六百餘人殺三魁巡檢命濟領軍往浦悉擒送徵明年夏青田民葉保五謀叛濟曰此小孽何足煩吾軍即率梅頭東山高樓三魁洋望仙口諸巡檢往會慶州軍于楊山寨竟破之平陽民楊伯存陳以仁造偽鈔濟直擣其地獲之十年改忠武校尉處州寇吳達三等犯平陽西鄙濟至江南告其民令結團保以相援其子弟皆荷竹鎗水楸晝夜集七千人分扼宜山梅奧鳥石嶺石塘賊聞風為却已而延安侯統大軍駐縣境濟沿海往來徼巡



至下林有游卒十七人盡縛平民汚以通賊要賂濟追及之縛還其主帥曰爾卒為霍其治乏時從征者多乘時剽畧惟濟秋毫無犯云

史南曰臣攷讀蘇伯衡集乃見其所撰濟翁傳始知其賢至讀功臣錄亦知其功之不可泯矣伯衡撰清趣軒記又云倘佯蒼梧之野陟降祝融之峯仰九疑之聯縣俯九江之浩渺悠然玄契懽若平生嗟乎匪賢而有是哉

於顯黃梅人丙申歲歸附累從征伐有功洪武三年賜勅諭授廣洋衛指揮使六年陞大都督僉事十

稽謀外紀後

卷三十二

六

三年改前軍都督府僉事卒特贈開國輔運推誠宣力武臣追封英山侯前軍都督府都督僉事謚襄武

王貴宇俊卿江夏人父景仕元為水軍翼萬戶以寬厚長者見欄一軍察其貧窶疾病者資之衣糧醫藥人得其歡心生三男貴其幼也少以智勇聞歲乙未

高皇帝渡江以其衆從授千戶累征有功甲辰更授管軍百戶調守福州坐累謫戍河州自號拙翁平生遇敵勇撫士卒有恩處財廉于佐

馬汝舟武陵人洪武甲辰率衆歸附時總兵徐達令汝舟掌府事開創郡治建置公宇教民耕桑撫綏流亡督率勤急選用民間俊髦弟子而時教迪之是以草昧安堵而無梗化者

張秉燧石首人驍勇有智略初仕陳友諒為樞密院同僉守韶州

高皇帝命將克贛州遂以其軍降授贛州衛指揮同知仍守韶州後改廣州衛指揮同知調守雷州修築東洋圩岸六十餘里以捍海潮又疏濬特呂塘水利民甚便之海寇黑面鍾冠欽廉秉燧將兵討

稽謀外紀後

卷三十二

七

捕追獲之累遷水軍右衛指揮使

史南曰丈夫生而懸弧矢以射四方及其長也則習射于澤宮以集群彥是故用之揖遜則文用之戰鬪則武凡以求全才而已臣觀國史乃見於顯及王貴馬汝舟張秉燧諸人錄之爰以例諸將才之有用於世者若夫責備則予豈敢

徐麟 葉茂 蔣節

徐麟廣濟人初授宣武衛鎮撫三遷至河南府同知時故元降臣宋王與其散卒在河南謀以夜漏集衆叛麟察知之戒堂漏者故延滯期寇疑不敢發

黎明遣使諭胡濬率邏卒往捕遇于巷盡獲之有

功陞秩仍賜金帛綵緞

葉茂江陵人吳元年以軍功除拱衛司副使尋陞職

洪武五年改儀鸞司副使七年考最褒賞十年夏

癸卯改福建布政使

李廣咸寧人父鵬翔有時名吳元年平定豫章命廣

為江西行省參議同陶從善招諭袁州熊天瑞黨

有功授宣武校尉

蔣節永州人初領義兵千人結寨為保扞歲甲辰歸

附入租賦供徭役後李指揮叛節率兵從討賊有

稽謀外紀後

卷三十二

八

功及湖南寇起節擊走之督府上疏謂今靖州安

撫司雖朝廷設官鎮遏然黔陽實在遐陬居人四

散況會同縣舊有城池若以蔣節為安撫司官領

其部曲修葺城池自備糧餉招撫夷裔討平靖州

山寨且耕且守上策也

高皇帝嘉納之

史南曰臣攷諸國史乃見徐麟之靖亂葉茂之

累功李廣之邁會蔣節之攘夷皆有勞于國者

也故備錄之

張武

顧成 徐祥 房勝 楊茂

張武瀏陽人豁達有勇力涉書史為燕山護衛百戶

王師靖難克薊州取雄縣斬獲首將據月溪橋敗

都督楊松潘忠乘勝追至鄭州還已而與諸將敗

長興侯耿炳文於濬沱河夾河之戰率壯士為前

鋒突敵陣佯敗而走敵追其後武率衆邀擊之遂

潰攻西水寨前軍遇夜失道敵追之急武潛率衆

伏要敵不敢進累陞中軍都督同知封成陽侯守

北京永樂元年八月卒贈潞國公謚忠毅出內廐

鞍馬賜之令有司治葬具

顧成字景韶湘潭人祖父以操舟為業往來江淮間

稽謀外紀後

卷三十二

九

遂徙江都成少有膂力喜習武事自文其身人稱

顧花子歲丙申揚州歸附隸大將軍麾下以勇稱

選為帳前兵執纛蓋侍出入忠謹未嘗有過初授

百戶從諸將征伐陞金吾衛副千戶帶刀宿衛扈

從征陳友諒舟膠於淺成獨奮躍以背負舟而行

陞堅城衛指揮僉事平蜀破貴州洞蠻克普定西

堡陞昭勇將軍普定衛指揮使賜金帶鎮國將軍

貴州都指揮同知初征雲南成鎮普定搃其後路

人無敢叛陞驃騎將軍右軍都督僉事佩征南將

軍印鎮貴州建文初

文皇帝舉兵靖難成率衆來禦被執入見

上命解其縛慰諭之令侍

皇太子居守凡節制號令悉出其謀

上論功行賞封鎮遠侯會鎮貴州永樂二年招降貴

州總兵年討平谷哀牢地諸蠻八年思州堂羅寨

酋長苗普亮等復叛命成討之進兵擣其寨擒普

亮斬之并戮其衆諸蠻震懼還師至鎮卒

皇太子遣官致祭後

車駕還京追封夏國公賜諡武毅成容親愍僖質直

有膽畧涉書史大意雖至大將不以富貴驕人在

鎮日繕甲兵申嚴號令威信並行蠻夷作生祠祠

之及卒吏民哀慟于八人統晉定衛指揮使勤貴

州衛指揮同知統先卒

徐祥大冶人以軍功為燕山右護衛副千戶時以恭

謹侍直命宿衛左右

文皇帝舉靖難兵命征居庸關及真定拔永平戰靈

壁皆與有功累官至都指揮使封興安伯祥在諸

將中年稍高及為伯益勤慎未嘗驕怠卒年七十

三

上輟朝三日遣官賜祭仍賜鈔四千錠恤其家子永

早卒孫亨嗣曾孫盛成化中襲伯爵

房勝景陵人初從陳友諒事平來歸以善射選充騎

兵小旗從征山東及雲南以功授百戶陞府軍衛

千戶征納哈出陞通州衛指揮僉事屢效勞勩

文皇帝起義兵率所部從征仍守通州敵數攻圍州

城勝且守且戰城賴以全

上嘉其功累陞都指揮僉事封富昌伯卒賜祭及賻

楊茂武昌人襲父才職為副千戶征麓川有功陞指

揮僉事景泰初用荐陞湖廣都司署都指揮僉事

天順初以平五開等處功陞都指揮同知繼命充

參將僉運糧諸調錦衣衛帶俸尋以征東苗功陞

都指揮使成化初陞前府署都僉事充漕運總兵

官鎮守淮安六年陞都督同知未幾卒賜葬祭

史南曰漢太宗自代邸繼統時則周昌張武扈

蹕樹勲唐太宗自秦府踐祚時則王珪魏徵政

服成名良以相遇之難相濟之深故爾我

成祖入靖內難出摧強胡張武顧成徐祥房勝手提

尺劍身膺鐵券而楊茂肇勦麓川督餉淮河惡

可以弗錄平較之李廷琛譚濟於顯王貴馬汝

舟雖所值不同而其所建立皆有過人者矣贊

曰古之名將介冑縉紳輕裘叔子數卷曹彬李

譚於王汝舟忠勤徐葉蔣張景韶朴誠徐祥房

勝楊茂奏勲攷其素履順天者存

或問曰子撰稽謀則固已聞之矣若洪武永樂

間功臣其先後不類何曰易屯有之雲雷屯君

子以經綸比有之地上有水比先王以建萬國

親諸侯是故觀雲雷之屯則知天造草昧有建

侯之象始也存乎智觀地水之比則知天明顯

比有展親之象終也存乎仁蓋智周萬物天下

敬之而不敢越仁覆萬民天下愛之而不忍違

人君以父母天下為王道而其効忠宣力折衝

御侮不有賴于諸臣之謀矣乎

高皇統天風雲會合時則豪傑景從若李廷琛蕭壽

譚濟於顯馬汝舟張秉彝均之皆雲雷之智也

成祖靖難星日重華時則臣工翕附若徐麟葉茂將

節張武顧成徐祥楊茂均之皆地水之仁也智

曲成而不遺仁範圍而不過天王之所以保天

下也

楚紀卷之三十二

楚紀卷之三十三

皇明賜進士經筵講官翰林院侍講學士臣廖道南謹撰

樹節內紀前篇

惟人之行曰孝與忠孝當諭志忠必褻躬禮義

為坊廉介為墉烈士樹節哲夫秉恭終焉允臧

胥惕厥中撰樹節內紀前篇

石奢

石奢楚賢士也昭王使為理廷有殺人者奢追之則

其父也遂反于廷曰殺人者僕之父也以父成政

不孝不行君法不忠弛罪廢法而伏其辜僕之所

守也伏斧鑕待命王曰追而不反庸有罪乎子其

治事奢曰不私其父非孝也不行君法非忠也以

死罪生非廉也君赦之上之惠也臣不敢失法下

之行也遂伏斧鑕而死

莊善楚人也白公勝為亂善辭其母將死之母曰棄

其親而死其君可謂義乎善曰吾聞事君者內其

祿而外其身今所以養母者君之祿也身安得無

死乎遂辭而行比至公門三廢車其僕曰子懼矣

善曰懼者吾私也死義吾公也君子不以私害公

及公門自刎而死

史南曰孟子有言所欲有甚於生所惡有甚於死夫死生亦大矣石奢為父殺人而已為司理則死之莊善辭母赴難而身為社稷則死之於乎後之聞風而興者若趙苞之全城文天祥之死固非有見於死生之際者其孰能之贊曰為子死孝為臣死忠石奢司理違恤其躬莊善辭母義由厥衷命曰樹節以激頽風

申鳴

申鳴楚申叔時之族也事親以孝聞楚王欲授之相鳴辭不受其父曰王欲相汝何辭為鳴對曰金父

樹節內紀前

卷三十一

二

之孝子為王之忠臣何也父曰有祿于國立義于庭吾無憂矣於是鳴遂入朝王授之位居三年白公勝為亂殺子期子西鳴將往死之父止之曰棄父而死可乎鳴曰仕者祿歸於親身歸於君今既事君得不死其難乎遂辭而往以兵圍之白公語石乞曰申鳴勇吾其若之何乞曰申鳴孝往劫其父鳴必從白公劫其父告鳴曰子與吾楚其分之子不與吾父其死矣鳴流涕曰始吾父之孝子也今吾君之忠臣也吾聞食不食者死其事受其祿者畢其能吾已不得為父之孝子矣獨不能為君

之忠臣乎援桴鼓之白公奔縊其父亦死王賞之百金鳴曰食君之食避君之難非忠也定君之國殺臣之父非孝也名不可兩立行不可兩全遂自殺

史南曰申鳴曷為者也其父遣之仕就仕矣而祿歸于親其君遇於難死難矣而身歸于君非見義必為而殺身以成仁者乎何申氏之多賢也贊曰申氏多賢叔鳴貽穀包胥復楚秦庭痛哭申鳴之德溫其如玉白公劫之死亦何速名所當全義不可辱

樹節內紀前

卷三十一

三

司馬奮揚

田贊

司馬奮揚楚城父司馬也初費無極譏太子建于楚王曰建與伍奢將以方城外叛王執伍奢使城父司馬奮揚執太子三月太子奔宋王召奮揚曰誰告建也對曰臣告之王命臣曰事建如事予臣不敢不從苟貳奉初以還不忍後命故遣之王曰而敢來何也對曰使而失命召而不來是再奸也王宥之

田贊楚人也嘗衣儒衣而見王王曰先生衣何惡也贊曰有甚於此者王曰可得聞乎對曰衣無惡於

甲者冬日則寒夏日則熱王好衣人以甲臣竊不取也意者為其義耶甲兵折人之首刺人之腹墮人城郭係人子女其名尤甚不榮意者為其貴耶苟慮害人人必害之苟慮危人人必危之王無以庶

史南曰以臣觀于楚而悲讒人之亂國也驪姬讒晉而申生繼趙高讒秦而扶蘇死江充讒漢而戾太子亡豈惟費無極為然哉奮揚既告建以出奔又躬犯王而諭之可謂不愧厥職矣田贊以匹夫而申長喙其言雖殊要亦志可則也

樹節內紀前卷三十三

四

贊曰世子國本震繼離蚤諭擇賢入保出師無極之讒奮揚勿欺以死守職夫復何咄田贊諫諫其事亦奇

熊宜僚

巴曼子

熊宜僚荆志繫于江陵初白公勝為亂欲殺子西謂石乞曰市南有熊宜僚者若得之可當五百人石乞告之固辭承之以劍不動勝曰不為利誘不為威惕捨之

巴曼子荆志載為巴東人曼子初為巴國將請師於楚許以三城楚葉已枚之使人取其城曼子曰被

楚之靈克濟于難可持吾首以償城不可得也遂自刎使者持首以獻楚王王曰使吾得臣如曼子者需城何為乃以上卿之禮塋之

史南曰臣讀莊子雜篇云宜僚弄丸兩家難解此之謂不言之辯也及觀巴曼則又隕首以全城孟子所謂壯士不忘在溝壑勇士不忘喪其元者非耶贊曰宜僚弄丸莊周稱奇持劍不動死貞自持曼子全城確不可移上卿禮塋楚亦重之

卞和

左伯龍

樹節內紀前卷三十三

五

卞和襄志載為宜渚人嘗得璞玉于荆山獻之楚武王王使玉人相之曰石也刎其左足成王即位又獻之曰石也刎其右足文王立和乃抱璞泣于荆山使玉人理其璞得寶玉焉名曰和氏之璧

左伯龍羊角哀其先燕人聞楚王善待士乃入楚值天雨雪糧少伯龍乃併與哀令往事楚自餓死于空桑中哀至楚為上大夫乃言于楚平王以上卿禮塋伯龍于荊州諸里村角哀自殺從之

史南曰臣讀少宰何遜案垢論有云和獻璞而西連則璞累之也少卿李西涯樂府云山深

雪寒路坎坷兩死無如一生可嗟乎和之刑為君也寔之死為友也為君寧完玉不殘其體為有寧完名而傷其生漢人所謂蘭以香自焚膏以明自煎其然乎贊曰和之為君獻玉亡身哀之為友隕首完名玉雖可棄其中則珍名雖可

逭厥義惟均

周章 何顯

周章字次叔隨人也初仕郡為功曹時大將軍竇憲封冠軍侯就國章從太守行春到冠軍太守猶欲謁之章進諫曰今日公行春豈可越儀私交且憲

樹節內紀前

卷三十三

六

椒房之親勢傾王室退就藩國禍福難量明府剖符大臣千里重任舉止進退其可輕乎太守不聽升車章前拔佩刀絕馬鞅乃止憲被誅公卿以下多交關得罪太守幸免以此重章舉孝廉六遷為五官中郎將延平元年為光祿勳永初元年代魏霸為太常其冬代尹勤為司空是時中常侍鄭眾蔡倫等秉執豫正章數直言和帝崩鄧太后以皇子勝有痼疾欲立殤帝章以眾心弗協密謀誅鄧

騭兄弟而立平原王事覺章自殺  
史南曰臣觀東漢諸臣至周章木嘗不泫然悲

之夫鄧騭以椒房之寵居元舅之位而又假立之權章雖身宅司空其勢踈其情睽乃欲步希霍光上踵陳蕃其不覆餗者幾希然而人品之殊志向之正則又不可以成敗論也

何顯字伯求襄鄉人今屬棗陽顯少遊洛陽郭林宗賈偉節與相友善顯名太學友人虞偉高有父讐未報篤病將終顯往候之語故離為復之及陳蕃李膺坐錮顯以疇昔交盟遂為中常侍所構乃易姓名匿汝南間所至皆親其豪傑有聲荆豫之城袁紹慕之私與往來結為奔走友顯嘗入洛陽值

樹節內紀前

卷三十三

七

黨禍起從紹商確濟援困阨有被掩捕者廣設權計俾獲免咎者甚眾及黨錮解辟顯司空府每三府集議多推顯長董卓秉政逼顯為長史辭不就乃與司空荀爽司空王允等共謀誅卓會舉薨顯以他意為卓所繫憂憤卒初顯一見曹操知其異志嘗稱荀彧王佐之器後或為尚書令遣人西迎叔父爽并顯屍葬之爽家側

史南曰曷繫乎何顯也始顯澤于郭泰終與尸于荀爽而袁紹王允俱以豪傑之資共圖匡復之計卒之大奸播弄名士被夷三國鼎分六朝



郵傳皆起於此有識者寧不為長太息乎贊曰  
章舉孝廉為光祿勳力抵權璫受說殺身顯解  
黨禍保全善人卒遭董卓憂憤不平於乎造化  
豈其忌名

虞惺

字望  
易雄附

虞惺長沙人敦尚廉信為鄉黨所稱與弟望俱好臧  
否人倫少仕州郡兄弟更為治中別駕元帝為丞  
相招延四方士多辟府掾時人謂之百六掾望亦  
被召不應王承臨州知其名檄惺為長史適遭  
母喪王敦作逆承往弔惺因留與語曰吾前被詔

樹節內紀前

卷三十三

八

遣鎮此州正以王敦專授防其遺禍今敦果為逆  
謀茲受任一方欲率所領馳赴朝廷而衆少糧乏  
且始臨州恩信未著卿弟兄為南夏翹雋智勇遠  
聞古人墨經即戎况鯨鯢寒路王室危急安得遂  
罔極之情忘忠義之節乎即今起事將士器械其  
可以濟對曰王敦居分陝之任一且構逆圖危社  
稷人神共憤大王不以稷劣枉駕訪及惺兄弟並  
受國恩敢不自奮今天朝中興人思晉德况以宗  
子之親奉信順誅有罪執不荷戈致命但鄙州荒  
蕪糧竭艱少難以進討宜且收衆固守傳檄四方

其勢必分然後圖之事可捷也承以為然乃命惺

為長史望字都為司馬督護諸軍湘東太守鄭

澹敦之姊夫也以其弗狎遣望討之望率衆一族

直入郡斬澹以徇及魏人來攻望每先登力戰而

死城破惺復為人所執將害之子弟號泣惺謂曰

人生有死臨門為忠義鬼亦何恨哉及王敦平贈

惺襄陽太守 柴陽太守遣謁者至墓祭以少牢

易雄字興長瀏陽人少為縣吏脫幘掛縣門而去因

習律令及施行故事交結豪右州里稍稱之仕郡

為主簿張昌亂執太守萬嗣將斬之雄與賊爭論

樹節內紀前

卷三十三

九

曲直賊怒叱雄斬之雄趨出自若賊三問之雄對  
如初賊乃舍之由是獲免雄遂知名舉孝廉為州  
主簿遷別駕自以門寒不宜久處上津棄官家居  
後為春陵令刺史譙王承既距王敦將謀起兵以  
赴朝廷雄承符馳檄遠近列敦罪惡宣募縣境數  
日之中有衆千人負糧荷戈而從之承既固守值  
湘中殘荒城孤兵闕敦遣魏人李恒攻之雄勉厲  
所統扞禦累旬士卒死傷相枕力屈城陷為人所  
虜意氣慷慨神無懼色至武昌敦遣人以檄示雄  
而數之雄曰此實有之惜雄位微力弱不能救則

之難王室如燬惟安用生今日得作忠鬼乃所願也致憚其辭正釋之衆人皆賀惟笑曰作夜夢乘車掛肉夫肉必有筋筋者斤也車傍有斤吾其幾乎敦尋殺之見者莫不傷惋

史南曰臣讀長沙志列惺惺于忠節傳夫忠莫大於勤王節莫大於殺身故求忠臣必于孝子求節士必于仁人惺以母喪棄表經而赴難惟以邑吏冒矢石而隕身要亦慷慨一節之士也贊曰王敦構逆謀傾晉室虞惺兄弟抗言不屈易雄起義羽書馳檄視死如歸其心匪石

樹節內紀前

卷三十三

十

陳邁

弟適

陳邁字亨伯其先自江寧徙永州宋時登進士知華縣有治績魏尹將之奇馮京許將交薦之知雍丘縣遭父祐甫憂畢喪起廣西轉運判官蔡京啓鑿蠻徼邁言蠻人幸安靜輕擾之則召訛不測京惡之以他事罷歸旋知商州興元府入為駕部金部員外郎張商英柄政用為左司員外郎俄擢給事中會商英兄相蔡疑攝封駁力沮止之邁懼請外以直秘閣為河北轉運使加直龍圖閣徙陝西召還京師而蔡京復相再使河北徙淮南徽將易置

樹節內紀前

卷三十三

十一

發運使命選諸道計臣有閭閻者執政以邁言京曰職卑不可用願更選帝命除集英殿脩撰使往京乃不敢言遂為副使未幾陞為使朝廷方督綱餉運渠壅澁邁使決呂城陳公兩塘達于渠漕路申通而朱勔花石綱塞道官舟不得行邁捕繫其人上章自劾乃黜勔邁言臘始起青溪衆不及千今脅從已過萬人又有蘇州石生歸安陸行兇皆聚黨應之東南兵弱勢單士不習戰必未能滅賊願發京畿兵鼎澧於盾手兼程以未則蜂起愚民不至滋蔓帝悉行其言加龍圖閣直學士經制七路治于杭時縣官多費邁議度公私出納量增其贏蹕經制錢後總制使翁彥國倣其式號總制錢於是始有經總制錢名又言妖賊陵暴恣行殺戮斷截肢體採取肺肝熬以昇油射以勁矢備極慘毒不償怨心蓋貪汙嗜利倚法侵牟騷動不知藝極積有逆氣結於民心一旦乘勢可為悲痛此風不除必更生事巨頭樵樵官吏姦賊按治以間進兼學士凡所施置御筆先下於是劾越州王仲疑糾市民造金茶器減置糧券而以私錢取之仲疑

坐默杭經巨寇河渠室前守數請于朝皆以勞費  
輟役遵以冬月檄真揚潤楚諸郡凡守牒綱卒悉  
集治所先是開牒群率凍餓不自聊聞命相率  
用命治河不兩月畢航人利焉徙河北都轉運使  
進巡康殿學士歷知中山真定河間府欽宗立加  
資政殿學士積官至光祿大夫復為真定守又徙  
中山金人再至遵冒圍入城堅守詔康王須大元  
帥命遵為兵馬元帥受圍半年外無援師京都既  
陷割兩河求和遵弟光祿卿適至中山臨城諭旨  
遵遂語曰主辱臣死吾兄弟平居以名義自處寧

樹節內紀前

卷三十三

十一

當賣國家為囚孥乎適泣曰兄但盡力勿以弟為  
念遵呼總管使盡括城中兵擊賊總管辭遂斬以  
徇又呼步將沙振性振亦固辭遵固遣之振怒且  
懼哀及入府遵妄定奴責其輒入振立殺之遂害  
遵於堂及其子錫并僕妾十七人長子鉅以官准  
南獲免振出帳下譟而前曰大敵臨城汝安得殺  
吾父執而梓裂之身首無餘城中無主乃開門出  
降金人入見其屍曰南朝忠臣也歛而葬諸鐵柱  
寺建炎初贈特進遵性孝友寬厚任部刺史二十  
年每出行郡邑必焚香祈天願不逢貪濁吏薦王

安中呂頤浩張慤謝克家何鑄皆至公輔世以為  
知人適由開封少尹衛尉少卿至光祿是役也金  
人執之以北後十年死於雲中

史南曰臣讀陳遵傳未嘗不泫然悲之夫金兵  
犯蹕若蹈無人之境而遵乃堅守孤城躬罹血  
刃弟適亦死於雲中可謂兄弟俱節不負名家  
真能許國爾矣詩有之不自我先不自我後可  
勝惜哉贊曰宋室南遷康王建國陳遵握兵勤  
王奮烈金人長驅汴河堙塞城孤無援以死自  
訣兄弟偕難世稱雙節

樹節內紀前

卷三十三

十一

陳求道

陳求道字得之鄂州咸寧人登進士第靖康間判都  
水監及朝議二帝出郊請和求道力爭之不聽欽  
宗知康王兵眾求道請以元帥加之齎蠟書者八  
人皆遇害惟求道所薦劉定致書還金人立張邦  
昌下令在京官不朝者死求道稱疾不往嘔血累  
日開封尹親以邦昌命召之竟不能屈求道以二  
帝蒙塵屢欲自殺因救得免先是陳留河決四十  
餘日漕運不通京城大恐開封尹宗澤命求道治  
之七日河盡復故道建炎四年命為相鄧隨鄧鎮

撫以秦兵食不給待命未行自咸寧挈家就食嘉魚值亂兵起迺之蒲圻寓龍堂僧寺未久招撫劉忠叛一夕數千人麋至驅求道家還嘉魚至名山逆旅具酒食奉求道為主將南走湖湘求道正色厲辭賊怒殺求道妻蔡并二子符佺必欲從已求道罵愈厲賊斫其口拔出舌斷之獨符子凱竄山谷得免賊退始得求道屍瘞于興陂

史南曰臣攷蒲舊志以求道為他途人也及攷宋史具得其實且興陂在今雪峰之東石潭之上而名山蜿蜒遙相望焉求道其不死矣乎贊

樹節內紀前

卷三十三

五

曰茗山石嶠峨峨可觀興陂石坑洑洑自寒求道之節山崖水瀾骨瘞不朽血染猶丹

李庭芝

李庭芝字祥甫其先汴人十二世同居號義門李氏徙隨之應山縣金亡襄漢被兵又徙隨州特以武顯庭芝生時有芝產屋棟遂名少穎異日能誦數千言王旻守隨庭芝年十八告諸父曰王公貪不恤下人多怨之隨必亂請徙家德安以避諸父勉從未浹旬旻果為部曲挾之以叛隨民死者甚衆庭芝得鄉舉不行以策干荆帥孟珙請自効珙善

樹節內紀前

卷三十三

五

相人且夜夢車騎稱李尚書謁明日庭芝至珙見其魁偉顧諸子曰吾相人多無如李生者名位當過我時四川有警即以庭芝權建始縣庭芝至訓農治兵選練壯士民知戰守善馳逐無事則植戈而耕兵至則悉出而戰夔帥下其法於部行之淳祐初舉進士辟珙幕中主管機宜文字珙薦庭芝於賈似道珙卒庭芝感珙知己扶柩葬之興國即棄官歸為珙行三年喪似道鎮京湖起為制置叅議移鎮兩淮與似道議柵清河五河口增淮南烽一百二十繼知濠州復城荆山以備淮南皆中機會至慶元間似道宣撫京湖留庭芝權揚州尋奏知峽州趙與憲為淮南制置使李應庚為叅議官應庚發兩路兵城南城大暑中暍多死李璫窺其無謀奪連水三城渡淮奪南城鄂兵解庭芝丁母憂去朝議擇守揚者帝曰無如庭芝乃奪情尋主兩淮制置司庭芝再破璫兵殺璫將厲元帥夷南城而歸明年復敗璫于喬村破東海石圍等城又明年璫降徙三城民於通泰間又破蘄縣殺守將庭芝初至揚遭火廬舍盡徽州賴鹽為利而亭戶多亡公秘蕭然庭芝悉貸民負逋假錢使為屋官

民居皆具鑿河四十里入金沙餘慶場以省車運兼浚運河放亭戶負鹽二百餘萬鹽利大興始平山堂瞰揚城元兵至則構望樓其上張車弩以射城中庭芝乃築大城包之募汴流民實之有詔命為武銳軍又大修學為詩書俎豆習射禮郡中有水旱即發廩賑之劉槃自淮南入朝帝問淮事槃對曰李庭芝老成謹重軍民安之今邊塵不驚百度具舉皆委任得人之效也咸淳五年此兵圍襄陽急夏貴入援大敗虎尾州范文虎總諸兵再入又敗文虎以輕船遁兵亂士卒溺漢水死冬命庭芝以京湖制置大使督師援襄陽文虎聞庭芝至貽書似道除文虎福州觀察使其兵從中制之文虎日縱美妾走馬擊毬軍中為樂明年六月漢水溢文虎不得已始一出師未至鹿門中道遁去庭芝數自劾請代不允竟失襄陽陳宜中請誅文虎似道從之止降一官知安慶府而貶庭芝及部將蘇劉義范友信廣南庭芝罷居京口未幾元兵圍揚州制置印應雷暴死即起庭芝制置兩淮庭芝請分淮西夏貴而已得專力淮東從之十年築清河口詔以為清河軍十二月元兵破鄂詔天下勤

王庭芝首遣兵為諸道倡德祐元年春似道兵潰蕪湖沿江諸郡無一人能守者庭芝率所部郡縣城守有李虎者持招降榜入揚州庭芝誅虎焚其榜總制張俊出戰持孟之縉書來招降庭芝焚書梟俊五人於市而日調苗再成戰其南許文德戰其北姜才施忠戰其中時出金帛牛酒燕犒人為死關朝廷亦以督府金勞之加庭芝叅知政事七月以知樞密院事徵入朝徙夏貴知揚州貴不至事遂已十月元丞相伯顏入臨安留元帥阿朮軍鎮江以遏淮兵阿朮攻揚久不拔乃築長圍困之冬城中食盡明年二月赴濠水死者日數百眾爭割啖之宋亡謝太后及瀛國公為詔諭之降庭芝登城曰奉詔守城未聞有詔諭降也已而兩宮至瓜洲復詔庭芝曰北詔卿納欵曰久未報豈未悉吾意尚欲固圉邪今吾與嗣既已臣伏卿尚為誰守庭芝不答命發弩射使者斃一人餘皆退去姜才出兵奪兩宮不克復閉城守三月夏貴以淮西降阿朮驅降兵至城下以示之旌旗敵野幕客有以言覘者庭芝曰吾一死而已阿朮使者持詔來招降庭芝開壁納使者斬之焚詔牌上已而知淮

安州許文德知盱眙軍張思聰知泗州劉興祖皆以糧盡降庭芝猶括民間粟以給兵雜牛皮麴藥以給之兵有烹子而食者猶日出苦戰七月阿朮請赦庭芝焚詔之罪使之降有詔從之庭芝亦不約是月益王遣使以少保左丞相召庭芝庭芝以朱煥守揚與姜才將兵七千人東入海至泰州阿朮將兵追圍之朱煥既以城降驅庭芝將士妻子至泰州城下俾將孫貴胡惟孝等開門降庭芝聞變赴蓮池水淺不得死被執至揚州朱煥請曰揚自用兵以來積骸滿野皆庭芝與才所為不殺何

樹節內紀前

卷三十三

九

俟於是斬之揚之民皆泣下

史南曰李庭芝初受孟珙之知奮然特立為宋室萬里長城雖以兀朮之強賈似道之奸而未能加損於其中可謂篤信守死天植其性者矣視唐之睢陽平原又何以加焉贊曰阿朮大舉中原陸沉全城守義曾幾何人庭芝不屈為國亡身睢陽平原與爾為隣

邊居誼

邊居誼隨人也初事李庭芝積戰功至都統制咸淳十年以京湖制置帳前都統守新城居誼善御下

得士心凡戰守之兵治皆有法大兵至沙守將三大用不降麾兵攻城破之執大用呂文煥意其小壘可不攻而破居誼率舟師拒之文煥列沙陽所斬首招降不從明日縛大用至壁下使呼曰邊都統急降不然禍即至矣居誼不答又射榜檄入壁中居誼曰吾欲與呂叅政語耳文煥聞之以為居誼降已馳馬至伏弩亂發中文煥者三併中其馬馬仆幾鈎得之衆挾文煥以他馬奔走越三日總制黃順挾一人開東門走降明日使順來招之居誼曰若欲得新城耶吾誓以死守此何可得也順

樹節內紀前

卷三十三

九

又呼其部曲欲縋城出居誼悉驅以入當門斬之文煥乃麾兵攻城以火具却之旋蟻附而上居誼乃取其家金盡散將士往來督戰會霖破侵戰樓樓火延燬民居居誼度力不支走還第拔劍自殺赴火死丞相伯顏壯其勇購得其屍燼中觀之事聞贈利州觀察使立廟死所

史南曰邊居誼習聞庭芝之危節力拒文煥之巨敵獨守孤城委質不貳其可謂忠貞爾矣易有之王臣蹇蹇匪躬之故居誼以之贊曰居誼烈士萬變如常惟有國當立紀綱文煥奸雄

胡乃招降拔劍刎血廟祀馨香

### 楊大異

楊大異字同伯唐天平節度使漢公之後十世祖祥避地醴陵因家焉祥事親孝親亡哀毀泣盡繼以血廬墓終身有白芝白烏白兔之瑞事聞于朝褒封至孝公賜名木植墓道以旌其孝大異從胡宏受春秋登嘉定十三年進士第授衡陽主簿有惠政調龍泉尉攝邑令適歲饑提刑司遣吏和糴米二萬石于邑米價頓增民乏食大異即以提刑司所糴者如價發糴民甚德之提刑趙與憲大怒摺

樹節內紀前

卷三十三

三

其罪弗得坐以方命移安遠尉邑有峒寇擾民官兵致討積年弗獲檄大異往治之大異以一僕負告身自隨有與入賊峒傳呼尉至賊露刃成列以待徐諭以禍福皆伏地叩頭願改過自新留告身為質偕其渠魁數輩出降以功遷吉州戶曹改廣西經幹復以彌盜賞除四川制置司叅議官此兵入成都大異從制置使丁黼巷戰兵敗身披數創死闔門皆遇難詰旦其部曲竊往瘞之大異復蘇負以逃獲免進朝奉郎宰石門縣就除通判溧陽攝州事皆有惠政去官之日老弱攀號留之大異

易服潛去擢知登聞鼓院遷大理寺丞平反冤獄

者七召對極言時政得失迕宰相意出知澧州理宗曰是四川死節更生者楊大異耶論事剴切有用之材也何遽出之對曰是人尤長於治民命予節進直祕閣提點廣東刑獄兼使事時常平司逋負山積械繫追索姦蠹百出大異與之約悉縱遣之負者如期畢輸吏無所容其姦訪張九齡曲江故宅建曲江書院以祀之改提點廣西刑獄兼漕庾二司所至姦吏屏息寇盜絕迹凡為民興利除害者必奏行之復建宣成書院祀張栻呂祖謙廣

樹節內紀前

卷三十三

三

海幅員數千里道不拾遺報政為最未六十即丐致仕不允章四上除祕閣修撰太中大夫提舉崇禧觀醴陵縣開國男食邑三百戶賜紫金魚袋歸里第與居民無異學者從之講肄諄諄相與發明經旨條析理學食祠祿者二十四年卒年八十二子霆霖

楊霆字震仲以父大異蔭補將士即銓試第一授修職郎桂嶺主簿有能聲五中漕舉改鄂州教授遷後州司理叅軍轉鼎澧觀察推官擢知監利縣縣有疑獄歷年不決霆未上棄得實立決之人稱神



明辟荆湖制置司幹官呂文德為帥素慢侮士常試以難事寔倉卒立辨皆合其意一日謂曰朝廷有密旨出師策應淮東誰可往者即對曰某將可司兵器糧草某營可備器甲矢石口占立授頃刻案成文德大驚曰吾平生輕文人以其不事事也公材幹如此吾何敢不敬密薦諸朝除通判江陵府江陵雄據上流表裏襄漢西控巴蜀南扼湖廣兵民雜處庶務叢集寔隨民裁決處之泰然暇日詣郡庠與諸生講學又取隸官閒田增葺廩稍選民之強壯者於農隙訓練之時付以器械雜兵行

破寔赴水死妻妾奔救無及遂皆死

史南曰大異負氣剛果秉心寧淵祀張九齡于曲江張栻呂祖謙于宣城生死一節可謂難矣子寔初被父蔭發身即署繼受呂文德之辟悉

心兵務厥後與李芾同心守城巷戰赴水死豈人謀之弗臧乎噫天之不祚宋也賢曰春秋名義死事必書大異受學浩氣自如子寔死難不變厥初天不祚宋日月居諸

李芾

李芾字叔章其先廣平人中徙汴高祖升起家為吏有廉名靖康中金人破汴以刃迫之升前捍之與其父俱死曾祖椿徙居衡州遂為衡人芾生而聰警少自樹立名其齋曰無暴棄魏了翁一見禮之謂有祖風易其名曰肯齋初以陰補南安司戶辟

祁陽尉出賑荒即有聲稱祁陽縣縣大治辟湖廣安撫司幕官時盜起永州招之歲餘不下芾與參議鄧垌提千三百人破其巢禽賊魁蔣時選以歸餘黨遂平攝湘潭縣縣多大家前令束手不敢犯芾稽籍出賦不避貴勢賦役大均入朝差知德清縣屬浙西饑芾置保伍民活數萬計遷主管酒庫德親有妖人煽亂民蜂起附之至數萬人遣芾討之盜聞其來衆立散歸除司農寺丞歷知永州有惠政永人祠之以浙東提刑知温州州瀕海多盜芾至盜息遂以前官移浙西時浙東亦多盜辟穴

文廟中節跡得其出沒按捕之盜亦駭散作虎丘書院以祠尹煥置學官親為學規以教之學者甚盛咸淳元年入知臨安府時賈似道當國前尹事無鉅細先關白始行節獨無所問福王府有迫人犯者似道力為營抹節以書往復辯論竟寘諸法嘗出閱火具民有不為具者問之曰似道家人也立杖之似道大怒使臺臣黃萬石誣以賊罪罷之犬軍取鄂州始起為湖南提刑時郡縣盜擾民多奔竄節令所部發民兵自衛縣與一卓幟令曰作亂者斬幟下民始帖然乃號召發兵擇壯士三千

樹節內紀前卷三十三

五

人使土豪尹奮忠將之勤王別召民兵集衡為守備未幾似道兵潰蕪湖乃復節官知潭州兼湖南安撫使時湖此州郡皆已歸附其友勸節勿行節泣曰吾豈昧謀身哉第以世受國恩雖廢棄中猶思所以報者今幸用我我以家許國矣時所愛女死一慟而行德祐元年七月至潭潭兵調且盡游騎已入湘陰益陽諸縣倉卒召募不滿三千人乃結溪峒蠻為聲援繕器械峙芻糧柵江修壁命劉孝忠統諸軍吳繼明自湖北至陳義陳元自成蜀歸節奏請留之成渾推誠任之皆得其死力元右

丞阿里海牙既下江陵分軍戍常德遏諸蠻而以大兵入潭節遣其將於興帥兵禦之于湘陰興戰死九月再調繼明出禦兵不及出而元軍已圍城節慷慨登陴與諸將分地而守民老弱亦皆出保伍助之不令而集十月兵攻西壁孝忠輩奮戰節親冒矢石以督之城矢盡有故矢皆羽敗節命括民間羽扇羽立具又苦食無鹽節取庫中積鹽席焚取鹽給之有中傷者躬自撫勞日以忠義勉其將士死傷相藉人猶飲血乘城殊死戰有來招降者節殺之以徇十二月城圍益急孝忠嘔風不

樹節內紀前卷三十三

五

能起諸將泣請曰事急矣吾屬為國死可也如民何節罵曰國家平時所以厚養汝者為今日也汝第死守有後言者吾先戮汝除夕大兵登城戰少却旋蟻附而登衛守尹穀及其家人自焚節命酒酌之因留賓佐會飲傳令猶手書盡忠字為號飲達旦諸賓佐出叅議楊霆赴園池死節坐熊湘閣召帳下沈忠遺之金曰吾力竭分當死吾家人亦不可辱於俘汝盡殺之而後殺我忠伏地扣頭辭以不能節固命之忠泣而諾取酒飲其家人盡醉乃偏刃之節亦引頸受刃忠縱火焚其居還家殺

其妻子後至火所大慟舉身投地乃自刎幕屬茶陵顏應焱安仁陳億孫皆死潭民間之多舉家自盡城無虛井縊林木者累累相比繼明等以城降陳毅清圍將奔閩中道戰死事聞贈端明殿大學士謚忠節弟初至潭遣其子裕孫出曰存汝以奉祀也其孫輔叔時亦親迎於溫皆得不死二王悉詔入閩官之弟為人剛介不畏強禦臨事精敏姦猾不能欺且強力過人自旦治事至暮無倦色夜率至三鼓始休五鼓復起視事望之凜然猶神明而好賢禮士即之溫然雖一藝小善亦惓惓獎薦

之平生居官廉及擯斥家無餘貲大學士李東陽撰忠節祠記其辭曰春江澹兮冥冥悲風起兮洞庭靈之來兮揚舲載風旂兮駕霆駢胡馬兮如雲奮前擎兮我軍寧為宋鬼兮生不為胡彼雄而烈兮千百其徒朝鶴跨兮水濱莫揅啼兮木下莽空城兮落日痛三戶兮南楚楚之水兮荆之山靈之去兮奄復還酬桂酒兮三酌潛餘淚兮沈瀾余懷兮何極公之亡兮誓天日芬菊蘭兮蕉荔神享祀兮終吉

史南曰臣嘗于役星沙謁祠莫醑登陴訪蹟父

老猶垂泣述忠節事嗟乎為臣死忠固分內事也若其闔族冒刃自主將以至犍兒無弗奮激就義者匪其疇昔血誠有以固結其心乃克茲扒熊湘之許嶽麓之濱與忠節相為無疆爾矣贊曰熊湘浩渺嶽麓峻嶒忠節扞城闔族自焚裨將以下就戮如奔天明地察可鑒忠魂

尹穀

尹穀字耕叟長沙人性剛直莊厲初處郡學士友皆嚴憚之宋以詞賦取士季年惟閩浙賦擅四方穀與同郡邢天榮董景舒歐逢泰諸人為賦體裁典

雅每一篇出士爭學之由是湘賦與閩浙頡頏中年登進士第調常德推官知崇陽所至廉正有聲丁內艱居家教授不改儒素日未出授諸生經及朱氏四書士雖有才思而不謹飭者擯不齒諸生隆暑必盛服端居終日夜滅燭始免巾幘早作必冠而後出雖行市中市人見其舉動有禮相謂曰是必尹先生門人也詰之果然晚入李庭芝制幕用薦擢知衡州需次于家潭城受兵帥臣李希禮以為叅謀共畫備禦策時城中壯士皆入衛臨安所餘軍僅四百五十人老弱太半希糾率民丁獎

勵以義人殊死戰三月城不下大軍斷絕險要援兵不至穀和城危與妻子訣曰吾以寒儒受國恩典方州誼不可屈若輩必當從吾死耳召弟岳秀使屈以存尹氏祀岳秀泣而許之已乃積薪為戶朝服望闕拜先取歷官告身焚之即火自焚隣家採之火熾不可前但於烈焰中遙見穀正冠端笏危坐闔門少長皆死焉帝聞之命酌穀曰尹務當男子也先我就義矣務實穀號也初潭士以居學肄業為重州學生月試積分高等升湘西嶽麓書院生又積分高等升嶽麓精舍故潭人號為三學

樹節內紀前

卷三十三

壬

生聚居州學猶不廢業穀死諸生數百人往哭之城破多感激死義者

史南曰臣觀長沙志以尹穀為長沙人尹耕叟為善化人不知尹穀字耕叟明載元史以一人而分屬二邑豈理也然其大節直氣與嶽麓增高與湘江坪深故人爭附之以希寵靈焉兩矣

顏應焱茶陵人舉進士授迪功郎初授瀏陽尉尋擢醴陵潭帥李希復薦為湖南安撫節判德祐乙亥元兵圍潭州應焱悉力比衆守之七月援兵不至

丙子正月城將陷應焱謂希曰事勢至此奈何答曰吾甘守死請自為計希死應焱亦赴水死陳億孫安仁人宋咸淳四年舉進士官潭州安撫叅議潭帥李希死億孫死之

贊曰尹穀有道諸生疎敬臨難不避見危授命應焱越水億孫待燼忠不貳心數窮天定

范天順

張順

張貴

范天順荊湖都統也襄陽受圍天順日夕守戰尤力及呂文煥出降天順仰天歎曰生為宋臣死當為宋鬼即守處縊死贈定江軍承使制曰賀蘭擁兵

樹節內紀前

卷三十三

壬

坐視睢陽之失李陵失節重為隴士之羞今有人焉得其死所不可無褒恤以示寵綏范天順功烈雖卑忠義莫奪自均房泛舟之役克濟為艱襄樊坐甲之師益堅所守俄州刺史為降將軍爾乃不屈自縊可謂見危致命封其妻宜人官其二子仍賜白金五百兩田五百畝

張順民兵部將也襄陽受圍五年宋闕知其西北一水曰清泥河源於均房即其地造輕舟百艘以三舟聯為一舫中舟裝載左右舟則虛其底而掩覆之出重賞募死士得三千求將得順與張貴俗呼

順曰矮張貴曰竹園張俱智勇素為諸將所服俾為都統出令曰此行有死而已汝輩或非本心宜亟去毋敗吾事人人感奮漢水方生發舟百艘稍進圍山越二日進高頭港口結方陳各船置火槍火砲熾炭巨斧勁弩夜漏下三刻起行出江以紅燈為識貴先登順殿之乘風浪徑犯重圍至磨洪灘以上北軍舟師布滿江面無隙可入眾乘銳凡斷鐵絙攢棹數百轉戰百二十里黎明抵襄城下城中久絕援聞救至踊躍氣百倍及收軍獨失順越數日有浮屍遡流而上被介冑執方矢直抵浮

樹節內紀前

卷三十三

三

梁視之順也身中四槍六箭怒氣勃勃如生諸軍驚以為神結家歟葬立廟祀之張貴既抵襄襄帥李文煥力留共守貴恃其驍勇欲還郢乃募二士能伏水中數日不食使持蠟書赴郢求援北兵增守益密水路連鎖數十里列撒星椿雖魚蝦不得度二人遇椿即鋸斷之竟達郢還報許發兵五千駐龍尾洲以助夾擊刻日既乃別文煥東下點視所部軍泊登舟帳前一人亡去乃有過被撻者貴驚曰吾事泄矣亟行彼或未及知復不能街枚隱迹乃舉砲鼓噪發舟乘夜順流斷絙破圍冒進眾

皆辟易既出險地夜半天黑至小新城大兵邀擊以死拒戰沿岸束火列炬火光燭天如白晝至勾林灘漸近龍尾洲遙望軍船旗幟紛披貴軍喜躍舉流星火示之軍船見火即前迎及勢近欲合則來舟皆此兵也蓋郢兵前二日以風水驚疑退屯三十里而大兵得逃卒之報據龍尾洲以逸待勞貴戰已困出於不意殺傷殆盡身被數十槍力不支見執卒不屈死之乃命降卒四人舁尸至襄令於城下曰識矮張乎此是也守陴者皆哭城中喪氣文煥斬四卒以貴附葬順冢立雙廟祀之

樹節內紀前

卷三十三

三

史南曰范天順守貞不回張順張貴特立不懼褒詞與漢水並輝廟祀與鄖山爭重千載而下讀其傳尚有生氣况即其人乎贊曰彼三良公義氣張兮雷霆繞繞日星光兮山岳嶸嶸川精藏兮萬古不死廟疆場兮

楚紀卷之三十四

皇明賜進士 經筵官講同脩 國史奉直大夫翰林院侍講學士臣康道撰

樹節內紀後篇

姚善

周縉

姚善字克一今鍾祥人初姓李復姓姚家居魚寨為人志行淳實學識高遠為諸生時扁讀書所曰待旦軒會稽唐之淳為之銘善工詩與唐相唱和洪武中由鄉舉歷祁門丞同知廬州重慶所至有能聲歲戊寅擢知蘇州府

高皇帝軫吳民熏染夷俗習為僭靡命善明法以齊

樹節內紀後

卷三十四

一

之囂者或更藉持短長賊譎蜂起踴難理善洞達政體周悉人情張弛寬密各協事宜數造請郡賢考求治道商畧民生休戚俗尚淳漓以施因革由是吏民顧尚禮義轉稱大治為列郡取隱士王賓獨居陋巷善往候見舍車徒步詣門賓問為誰應曰姚善乃開門延語及賓報謁面府門再拜而返善自邀還辭曰非公事不敢入也又將候韓奕奕避入太湖善嘆曰韓先生所謂名可聞身不可得見也將往候錢芹乃使人先道意芹對使者曰芹誠幸見公然芹民也禮不可往見于庭苟明公弘

下士之風請候月朔胥會于學宮善如期至迎蒞置上坐請質經義芹曰公今有官守請姑舍是事有急於此者善問何事芹出一簡以授善竟不交一言而去視之則守禦制勝之策也善心嘉之後薦為行軍司馬越已卯增難師起善畫策勤王與有勞焉壬午京師平時黃子澄走匿善所索之急約善航海善曰在公則可在善則不可善守土之臣當與同亡子澄去未幾善竟伏節長子節發戍賀縣千戶所幼子繼兒蘇州隨母給配保兒項覓送工部習匠善以六月二十二日送問七月受戮

樹節內紀後

卷三十四

二

時年四十三

史南曰臣昔偕黃佐撰遺忠錄云燕師日迫建文君與方孝孺議用漢破六國之策貶齊黃子外善言于朝曰有文武才略可以扶顛濟危不宜置之散地今事勢狼狽須急召之詢其姓名不對再三詢之則曰於今人才豈有過於黃大卿哉遂復召二人皆不至是善亦嘗在內也然其詳不可考矣正德丙子巡撫都御史秦金祀之鄉賢祠秦傳雅君子其言豈欺我哉周縉字伯紳武昌人以歲貢入曹監初授永清縣典

史居官廉謹歲餘攝縣事方境內多盜捕治有法不濫及平民一縣皆安是歲旱蝗不為災俄而兵起守令相率迎降永清地尤近縉極力為拒守計顧其民寡弱相率逃散自度不能為有佩印南奔將他圖焉道聞繼母之喪還家以禮喪畢乃糾義旅為勒王舉戰纔我器數日畧具亡何聞南師燬而天命去矣遂去匿編氓間已而事露有司即其家械赴京師縉自分必死慷慨就行至則

文皇帝特壯其志下之獄久之謫戍興州蓋從輕典也居數年以其子代還屏跡田園年八十而卒按

樹節內紀後

卷三十四

三

革除錄壬午十月丁巳吏部奏前北平所屬州縣官朱寧等二百一十九人靖難之際俱棄職遠避宜寬諸法命入粟贖罪畢發興州屯戍蓋是時非徒縉一人也吳文定公寬為縉傳且曰以媿世之為丁公而幸免者嗟呼縉亦足予也哉

史南曰臣攷諸吳志不載善之死難及閱遺忠錄乃見其被戮始末夫以善之屈已下賢訪王賓韓奕錢片握手論心咨策宣猷視古杖杜之愛緇衣之勤何以踰焉舍生取義殺身成仁無愧古人也已縉謫伏邊地屏居田野終身訢然

永錫難老其亦有足尚者乎贊曰

成祖有言食祿盡心為臣死忠殺身誠仁姚善天牧周縉尉臣犬各為主遺論可評

鄭堃

鄭堃字孟質宜章人父子輔為句容學官堃少事泰和王敬先學有本原永樂己丑登進士試政都察院癸己拜監察御史時

文皇帝行在北京有言鈔法不行者衆謂將起太獄命堃往南京廉其筆堃執市豪撓法者奏曰市人聞令皆震恐今法已行矣

樹節內紀後

卷三十四

四

上頷之而罷倭寇犯遼東堃往按問戍守之失律者凡百餘人皆應死堃開陳其可矜狀

上宥之山海關吏卒邀阻行人亡逃則受賕縱之去弊積滋甚堃歸至關悉擒治抵罪丙申北京營造執役者累鉅萬

上念有病者命醫藥又慮其奉行不謹命堃察之堃躬履其地時其藥食病者多不死戊戌石州人有詣關告變者州民與陝人群聚千餘謀不軌迺擢堃為陝西按察副使堃至白其誣

上命士弗問而誅其造誣者宣德己酉陝右饑堃巡



歷其地乃遺旁縣粟賑焉羸病不能興者命粥食之民以全活庚戌聞父憂號痛輒欲絕治喪悉用古禮服除拜應天尹堃上言京郡秩正三品特給銀印與在外府治不同凡有政務面奉特旨及承行六部都察院劄付邇者監察官巡視遇有公務輒便追呼甚至凌辱部曹凡有催科遣人至於公堂捶楚掾吏謹按憲綱內監察御史巡按各處與三司相見已有定禮本府在京衙門並無巡按之儀而洪武中各部清吏司亦無批牌追呼之事今皆恣肆凌壓非所以崇國體也宜定體式庶如古

樹節內紀後

卷三十四

五

京兆尹斯可矣疏入從之堃以養民為務凡市鎮田稅約束有法賓興之歲設科取士厚禮峻防得人為多且樽節其費以待會試故事集而民不擾歲大熟麥有兩岐者民歸德于堃悉拒弗受正統改元進兵部左侍郎時西部有警堃獨任其事上嘉其才荆湘民多隸戎伍堃家亦與特除籍以示優寵時京師久雨壞民室廬堃竊憂以為陰沴兵象遂上疏以為安內靖外在兵統兵馭眾在將必智者然後能運籌制勝勇者然後能奮威摧敵今邊方弗靖用兵禦寇四海之廣豈無如古孫吳衛

霍者儔苟不豫求於無事之時何以應用於倉卒之際宜令公侯伯五府并各營把總官在外都布按三司巡按御史廣詢博訪各舉所知果有出奇料敵堪以統馭或膂力騎射堪以馳突或善撫士卒堪以裨贊機務者各隨所長具以名聞托有不効連坐舉主如此則將帥得人兵政修舉矣

上聽其議先是麓川用兵堃舉定西侯將貴為將以往卒賴有功歲已巳虜酋也先入寇警報日至堃又言及刺虜酋自其父脫歡時吞併阿虜台部落益以强大而西北一帶戎夷被其驅脅無不服從

樹節內紀後

卷三十五

六

惟兀良哈三衛不服也先又親率人馬分道掩殺自茲北漠東西萬里無敢與抗前歲也先嘗欲俟我邊將送彼使臣出境乘間搶殺及分遣人馬於甘肅寧夏諸鎮約期入寇仰賴

皇上深燭其姦豫勅嚴備又命蔣貴等統率精兵巡邊卒破其謀今率其醜類遠離巢穴沿邊窺探煙火不絕宜令各營練選軍馬令智勇頭目管領整飭器械於虜使北庭之日命將統領往宣大兩鎮駐操增我軍果敢之氣消彼虜覬覦之心又京師官軍修城摘撲工作逾歲宜令養威蓄銳遇警調

用則思患可豫防矣是歲秋七月也先深入逼近

畿輔

上親征出居庸關駐龍虎臺堦從乘馬或勸少憩于懷來城堦以馬革囊尸自誓是月壬寅

車駕次雞鳴山癸卯次萬全峪是夕金星犯亢甲辰次懷安是夕黑氣四塞乙巳次天城丙午次陽和是夕火星犯土丁未次聚樂驛戊申次太同庚戌次雙寨中官王振蔚州人邀幸其第辛亥次滴水岩壬子次洪州癸丑次白登王振迫挾進兵成國公朱勇膝行聽命

樹節內紀後

卷三十四

七

車駕尋次宣府虜踵至堦上言請疾驅入關嚴兵為殿王振力沮之皆不報又詣行殿申前請振怒曰汝腐儒安知兵事再言必死堦曰我為

杜稷生靈而言胡為以死懼哉振愈怒叱左右扶出

堦與戶部尚書王佐相對泣帳中明日師覆堦死之年六十五贈少保官其子儀為主事堦為人端謹居官勤慎所至有水檠聲丰采凜然履宦四十年操履如一日性至孝在陝西時得父書拜而跪讀之嘗以俸錢易絨褐奉父其父封還以書責之堦思欲見父與僚友謀請為鄉試考官其父曰豈

有子廉訪而父典文衡乎其忠義之訓所繇來遠

矣王文端公銘其墓曰允毅鄭公逢時之隆學古入官荐躋顯庸執法在朝為名御史再陞外臺其行愈偉京兆堂堂百僚所瞻惟少司馬戎律有嚴遂陟夏卿君子所重噫其逝矣云胡不憫人道之大曰義與仁仁義不違何愧於心

史南曰昔人謂死天下事易成天下事難夫苟有利於杜稷死之可也方堦為京尹則正體統之柰居司馬則運籌畧之勞可謂成天下事矣卒之扈從巡邊慷慨就死身膏草野名昭於常

樹節內紀後

卷三十四

八

血染瓊廬貌圖麟閣死有重于泰山者非堦之謂耶質曰晉之懷愍宋之徽欽受辱胡虜貽羞曷庭惟我

英皇濟哲文明天地垂祐宗社錫靈堦之死難光照

汗清

劉偶

何忠

湯貴

易光

劉偶字子奇江陵人父從政感異夢書偶字是夕生遂名偶幼孺落不羈讀書日記數千言既壯志益堅言若不出諸口遇事剖決有方洪武乙丑進士歷陞兵部尚書永樂丙戌日南于紀擇廷臣有全

材者總督軍務偶受命運籌夜以繼日師壓賊境罔弗克捷

上深嘉之未幾餘孽皆聚復為邊患遣偁同大將軍英國公張輔平之偁曰此行當以死報國抵化州親犯矢石所至輒出奇制勝一日至大安海口遇颶風大作揚沙走石莫辨南北進退無據長吁曰天乎夷賊皆天我實奉天遭時如此豈天未欲邊民平治哉且戰且行後軍弗前勢孤援絕遂陷賊中賊挑之曰若順我共享富貴保全爾生偁厲聲曰逆賊弗共戴天殺害我生民擾害我邊疆我奉

樹節內紀後

卷三

九

命行討不肆誅戮特用撫安以彰

聖天子好生之德爾乃罔悛復勞天討今日之危氣數耳戲使之揖復罵曰堂堂華夏衣冠大臣豈為爾狗鼠輩屈耶天兵復至爾輩無遺類耳遂遇害

上聞之痛悼命招復葬之贈榮祿大夫柱國少傅謚忠愍官其子奎為給事中弟傑永樂二年以經明行修授吏科給事中彈劾無所避出補雲南布政司參議

何忠字廷臣江陵人永樂辛卯進士拜監察御史后

官廉慎恃正莫敢干以私嘗上封事忠以疾家居群僚以所言示之忠為增損皆切於事情後以顛

直出知政平州莊州治事民心翕然安之雖深徼蠻酋素頑曠者亦樂於趨命適征交南軍敗績賊乘勝進逼城下人心洶懼成山侯王通詭謀與和給賊謂朝廷有兩罪賊引兵退乃豫遣家人山壽奏事被執至是賊黨頭目陳謂老等奉表謝恩通遂遣千戶杜勝與謂老同入朝冀以達之

行在請益兵征勦途出昌江內使徐訓泄其謀忠等遂為拘留賊數以甘言誘令從已忠拒之益力以

樹節內紀後

卷三

十

刀鋸臨之忠瞑目視賊大罵曰我

天朝臣子恨不斬汝以歸報朝廷肯從汝求生耶罵不絕口又以刃逼勝勝亦不屈忠賦詩以死自誓云萬里邊城受困時腹中懷奏請王師紅塵失路關山遠白日懸心天地知歟向南荒應有日生歸此闕定無期英魂不逐西風散願共天戈殄叛夷忠父子及勝俱死之事聞

宣廟深悼之命官致祭贈廣西南寧府同知謚曰忠節

馬子孟汝武陵人洪武庚辰進士拜兵科給事中

性剛直風稜嚴峻出補交趾叅議遭喪以夷酋黎利叛奪情理事陞本司叅政多贊方畧屢著奇勛與黎利對戰奮不顧身力不能支乃曰忠臣事君有死無二今力屈矣當死何疑洪熙元年贈交趾左布政使姪維字文綱正統乙丑進士授刑部主事終廣西叅政

易先相陰人初以國子生授交趾諒山知府在郡多善政蠻人信服秋滿還朝郡民相率詣巡臺保留特命復其位進階三品黎利叛陷諒山城先嬰城固守闔家同死事聞贈廣西右叅政

樹節內紀後

卷三十四

士

史南曰臣觀荆志所紀劉忠愍及何忠節事語多近俚及攷諸國史乃得其詳而馮貴易先後死難夫以交南匪詐黎利倡亂向之勤勲銅柱馳聲富良者不獨荷戈挽弓之士為然自劉何而下若吾浦江潮宗為三江府判亦毅然就歿焉豈非忠義在人心綱常在天下有弗容於己者乎贊曰炎海浩茫銅柱嵯峨英國之勲何如伏波劉雋不二何忠靡他馮貴易先忠貫星河

黃英

賀興隆

劉廣

王聰

志

添永受

黃英醴陵人元末階脩武校尉統兵克復武昌戰餉安慶率眾歸附

高皇帝命充先鋒守江陰扼張士誠計樅陽戰役于陣贈武畧將軍追封江夏縣男

賀興隆安化人元末率鄉子弟為兵庚子為陳友諒叅軍甲辰歸附

高皇帝命仍其官徐達取辰沅興隆從征有功武昌既平陞授湖廣行省叅政征未附州郡克之寶慶賊周文貴復叛興隆戰役褒贈立祠祀之命有司歲以六月八日致祭李文正公撰傳

樹節內紀後

卷三十四

十二

劉廣雖田人洪武中以軍功為指揮僉事守永平有膽畧善用雙刀嘗病殆語人曰吾當臨陣死王事安能居牖下死兒女手乎後胡騎入寇廣率四十餘騎與過於城北力戰死之事聞遣使護喪至京賜其家楮幣以塋

王聰蕪水人性謹畏且膂力過人隸籍北平遇

文皇帝靖難師起聰多戰功累封武城侯後征北虜陣死贈漳國公謚武毅

王忠字克誠襄陽人其先自南鄭徙居永樂二年歲寬河衛千戶寇從

大皇帝北征戰歿于三全口贈都督子信襲

添永受蒲圻人永樂八年十月己卯交趾平以獲賊首簡定功陞交州衛千戶賜金五鎰二百錠後死于黎氏之難今其孫書襲天津衛千戶

史南曰夫死生之際大矣孔子曰志士仁人無求生以害人有殺身以成仁孟子曰所欲有甚於生所惡有甚於死是故成仁者君子立身之大節也賀興隆劉廣王忠添永受際

龍飛之運負鷹揚之勇既獲利見于天以協風雲之會又復血戰于野以堅冰霜之操故特書之以激

樹節內紀後

卷三十四

七

勵夫統緒者派嗟乎天下無事庸人高枕而有餘天下有事武夫奔馳而不足彼若人者其可高枕無事而不思枕戈待旦也哉贊曰烈夫枕戈壯士控弦射鵰于林斬賊于淵黃賀與劉草昧稱賢二王禦虜勦功燕然威氏之勳銅柱有焉

向壽福

向芳 向鑑附

向壽福施州人至正間從征襄漢以功授行樞密院判歷同僉樞密院中書筆城時明玉珍據蜀

高皇帝遣使諭之其子明昇使令為丞相戴壽攻

城壽福死之

向廷芳壽福從子同從兄景仁征襄漢有功廷芳授夔路總管隨劉平章征新連戰死景仁領其眾隨守鐵築城陷死之

向紹榮施州人元末召集鄉民守禦本州城池大將劉應寶奏署元帥府事明玉珍據重慶屢招紹榮不應玉珍將呂萬戶來攻城紹榮敗之執呂萬戶時副元帥譚登單川隆密受偽命釋呂萬戶以城降紹榮耻之遁入蠻中不知所終

史南曰初明玉珍據蜀改元德壽

樹節內紀後

卷三十五

五

高皇帝屢遣蔡哲招諭玉珍死于昇立復侵施夔向氏乃能內附

真主外扞勦敵壽福廷芳父子死難而紹榮不屈遁跡終身孔子欲居九夷而曰言忠信行篤敬蠻貊之邦行矣於乎豈惟可行于其邦其人固亦有烈夫天如三雄者執春秋之法夷狄而中國則中國之是亦激勸之微權也

汪洪

汪洪字克容厥考勝為營繕所丞

英宗試其能持授順天府經歷錫之勅命成化元年

洪舉京闈第一人明年登羅倫榜進士授戶部主事歷員外郎即中值北虜入寇羽檄旁午遣中官汪直威寧伯王鉞統兵出征動調主客軍馬不下數十萬時邊鄙歲饑糧餉數匱乃勅洪往同都御史何喬新督理轉輸直倚勢開濬而鉞亦喜功洪處之裕如斟酌損益區畫攸當本兵上其績

憲宗嘉之曰爾洪持廉秉公夙夜匪懈勞勩迭著朕用爾褒錫賚有差乃陟為山東叅議時冢宰尹旻縱子貪賄洪力拒之旻乃諾之汪直遂左遷知蜀綿州州歲大旱暴骸遍野洪捐已俸設為湯粥陳

樹節內紀後

卷三

五

之四門又多方勸賑賴以全活者甚眾既乃躬視土宜疏濬水源創修石磬七堰既田數千頃自是旱澇攸濟民庇其利為立生祠先是都御史張璠開置壩底諸堡以通茂州洪至往理戎務歸至石泉土酋突出洪倚塹控弦與酋交射為流矢所中墜偏橋之懸崖居人每于陰兩月夕見其乘馬如生立祠祀之四川志及絲州志列洪名宦死于閩王坡先是有蕭銘者衡陽人逐寇至蓬州大壩力戰而死

史南贊云於戲伯容士林之傑英譽斯宏壯猷

允赫朔塞宣勞西川樹節載稽鬱鬱以揚芬烈周憲 宋以方 王廷桂 附

周憲字時敏安陸人弘治癸丑進士授刑部主事轉員外郎上疏言事左遷充州府通判後復職進郎中出補雲南大理知府擢江西按察司副使正德七年閏五月華林寨寇胡雪二等大肆猖獗憲與其子幹會僉事吳廷舉知府李承勛三面夾功賊少却憲促兵迫之賊眾矢石交下我師敗績憲被執首中刀血涿被面左髀中鎗不能動猶大言不絕口賊怒肢解之子幹前救力戰墮崖死事聞

樹節內紀後

卷三

六

上命官祭塋贈按察使謚節愍官其子金為錦衣千戶空同李夢陽紀其事

宋以方字義卿黔陽人弘治乙丑進士授南京戶部主事轉員外郎進郎中正德戊寅出補江西瑞州知府逆濠倡亂撫臣都御史孫遜副使許達首嬰其鋒俱死難賊兵犯瑞城以方義不受辱投江死之

王廷桂字時英宜章人天順壬午鄉薦任江西贛州府同知時巨寇派劫州縣廷桂率鄉兵征之死于難事聞贈江西右叅議錄其子玠

史南曰宸濠于紀孽雄滔天華林嘯聚群奸伏  
野周憲首嬰賊鋒不避艱虞宋以方載忤宗藩  
投身瀕死先是若王廷桂者亦赴義以死可不  
謂忠乎贊曰淮南倡亂鼎錯謀國綠林操戈劉  
縯懋烈節愍之謚今古一轍以方廷桂恥亦可  
雪

劉憲

胡節 劉縯

劉憲字廷式益陽人成化戊戌進士拜監察御史歷  
陞僉都御史巡撫寧夏此虜入寇憲募土兵禦之  
于花馬池捷聞賜金帛有差後忤逆瑾逮繫詔獄

樹節內紀後

卷三十四

十七

卒

張璞字中美江夏人弘治乙丑進士授知縣拜監察  
御史巡按雲南時鎮守中官役占軍士剝害邊氓

璞重懲之忤逆瑾逮捕詔獄卒贈太僕少卿

胡節字國信零陵人弘治壬戌進士授行人拜監察

御史巡按山東忤逆瑾逮捕詔獄卒贈太僕少卿

劉縯字平甫今鍾祥人正德辛未進士授行人諫阻

南征杖之于廷卒嘉靖元年贈監察御史

上遣官諭祭有云爾甲第登名大行列職

先皇整旅南征伏闕上章志在釐抵奸搆禍管責而

亡追念忠誠曷勝悼惜特加褒贈延賞後人廕其  
子變為太學生

史南曰漢自恭顯起西京而甘陵黨錮之禍至  
屠戮忠良唐自魚程起中唐而石榴甘露之變  
遂動搖宗社我

皇祖作內令中官不預朝政不假兵柄見高千古爾  
矣乃若劉憲為中丞張璞為柱史俱以逆瑾誣  
害死于狴犴嗟乎立法於涼猶懼其貪是故君  
子之待小人也常踈小人之伺君子也常密可  
不慎執贊曰范滂攬轡李膺登舟名高則忌節

樹節內紀後

卷三十四

十六

亢則憂劉張之諂誰其招亢寺人有寵東都五  
侯

或問曰姚善鄺瑩劉儒何忌其死烈矣乃又及  
于諸賢何居曰死有重于泰山有輕于鴻毛乃  
若黃英劉廣輩之禦侮將死綏也汪洪周憲輩  
之効忠大夫死職也劉憲胡節輩之扼姦諱臣  
死言也故曰仁以為己任死而後已不亦重且  
遠乎

楚紀卷之三十四



通紀卷之三十五

皇明賜進士 經筵日講同修 國史奉直大夫翰林院侍講學士臣廖道南謹撰

樹節外紀前篇

夫節之時義大矣哉朝廷無伏節之臣罔以寢  
奸謀保宗社草茅無持節之士罔以激頑懦正  
風俗是故為臣死忠為子死孝為士死友乃天  
地之大義君子之全節也苟視國如傳舍視家  
如仇讐視朋友如途人者安望其保節乎然則  
有道者將何如曰甘節吉苦節不可貞甘苦之  
宜聖賢居身之所珍也撰樹節外紀前篇

樹節外紀前

卷三十五

周崎

周崎

武延

李義附

韓階

周崎邵陵人為湘州從事王敦之難譙王承使崎求  
救于外與周該俱為敦將魏人偵人所執又責崎  
臨以白刃崎曰州將使求援于外本無定指隨時  
制宜耳又謂崎曰汝為我語城中稱大將軍已破  
劉隗戴若思甘卓往襄陽無復異議三江州郡萬  
里肅清外援皆絕於是我當活汝崎偽許之既到  
城下大呼曰王敦軍敗於子湖甘安南已剋武昌  
即日分遣大眾來赴努力堅守賊今散矣又於是  
數而殺之時又有周該者慈利人從父級宜郡內

史王敦之亂級遣該候湘州約譙王承甘卓起兵  
勤王為敦所執擄掠幾死

桓雄長沙人少仕州郡譙王承辟為主簿王敦之逆  
承為魏人所執佐吏奔散雄與西曹韓階從事武  
延並毀服為僮豎隨承向武昌人見雄姿貌長者  
進退有禮知非凡人有畏色因害之

韓階長沙人性廉謹篤慎為閭里所敬愛譙王承辟  
為議曹祭酒轉西曹書佐及承為魏人所執送武  
昌階與武延隨從在承左右桓雄被害二人執志  
愈固及承遇禍階延親營殯歛送柩還都朝夕哭

樹節外紀前

卷三十五

二

莫葬畢乃還時有李義者鄆縣人也陶凱檄至麾  
下分兵擊寇有功事平特被優賚厥後鄉人立祠  
祀之號其故地曰太尉原

史南曰田橫起海島而五百士咸從之既而橫  
死皆赴之豈所謂義士耶譙王露檄以彰王敦  
之罪圖恢晉室而湘沙之士從之如雲如周崎  
周該桓雄韓階者雖未從容盡道必其有以感  
之如橫也已贊曰忠義所激良心自見忠不避  
害義必赴難崎該破執階雄遭變武延李義禦  
災扞患

彭城

彭士然

彭光林

彭天寶附

彭城辰州上溪州人其先出自漢彭宣之裔厥後有

彭搆雲者唐天寶中以逸士徵不仕號其里曰徵

君鄉有彭玕者仕朱梁為龍輜將軍封安定王城

承道烈仕唐為檢校司徒辰州刺史開平四年吳

教駢圍赤石城調所部征之被執不屈而死闔門

受害鄉閭哀而壯之五季時有彭仕然者亦曰士

愁力抗馬希範以保障其鄉樹銅柱以效伏波嗣

孫儒猛納欵于宋錫以錦袍玉帶儒猛之後有兄

林允林之後有萬潛歸我

樹節外紀前

卷三十五

王

高皇帝乃封其子天寶為宣武將軍天寶之孫世雄

世雄之孫顯英顯英之子世麒俱有聞于時云

大學士劉健撰世忠堂銘曰彭之有姓實出錢鏐

自唐而殷封于大彭蔭子及孫不可勝數族望宗

焉號之曰祖周有伯廬自竄于茲黨類日興遂長

其師秦漢而下屢主顯官事得其職民以寧安亂

唐之季世亂起民有諱城者刺史辰州族人戴之

願立其子事聞朝朝議順旨自是子孫官守其

地丹忱相照世美相濟由宋而元不去其任宣撫

綏加恩亦隨蔭

大明當天四海就平天寶獻寶稽守天庭

帝心嘉之授以原職旋加宣慰用柔遠域天寶拜恩

矢心自盟惟忠與義誓竭丹誠迄今世麒麟命秉

戊更歷七世忠議罔替昭勇昭毅累賜褒揚龍章

命服邊郡之光彭氏所居有堂翼然表以世式允

示家傳凡厥子孫於焉視事朝夕恪恭靡敢或貳

上酬

君恩下光祖烈慎終若始永保臣節

廖忠

唐世父

李景威

衣顯

李叔魯

樹節外紀前

卷三十五

四

廖忠其先婺州金華人唐昭宗時黃巢亂起徙家武

昌之崇陽與弟募兵捍寇有功封虎威將軍弟封

端國公大中間戰沒墮其首猶躍馬七里許宋淳

祐中縣令陳仲徵立廟祀之度宗時有名思齊者

嘉熙二年中周垣榜第二人今子孫繁衍先是有

廖思文思政思宥者耒陽杆寇有功立祠曰靈顯

唐世旻字昌圖零陵人素驍勇狀貌英偉眼環齒露

鋒舉為永州刺史光化初馬殷據楚攻永州殺刺史

鄭封旻力戰城陷死之民思德義因祀焉五代宋

元祀以王爵國初封刺史

李景威長陽人仕高季興為水軍都指揮宋建隆中  
王仁贍修道江陵征張文表景威恐宋師襲已欲  
伏兵攻之孫光憲不從景威扼吭而死宋太祖聞  
之嘆曰彼各為其主不失為忠命王仁贍厚卹其  
家

袁顯益陽人矮身長髯勇敢過人建炎間湘寇楊么  
猖獗顯請于縣宰魏舜臣率鄉兵以捍一日賊傾  
寨來攻顯極力鏖戰為賊所得賊欲用之顯罵不  
屈投諸鼎鑊以死舜臣哀之具禮而祭

王夢應攸縣人初為廬陵尉元兵入寇夢應同邑人  
樹節外紀前卷十五

陳子全起兵勤王自通于督府與趙璠相應及子  
全復萍鄉元將聶嵩孫遣來萬戶援之夢應遇于  
明甫嶺戰數合殺其曹千戶元兵敗子全中流矢  
死既而元益兵復戰又殺其米萬戶及首領六人  
後宋亡率百餘人入永新俱死於疫

李叔魯湘潭人湖南寇起眾推叔魯為千夫長率鄉  
兵千餘保障鄉土尋被衡山茶陵寇夾擊不屈死  
史南曰唐之亂始之者安祿山也終之者朱全  
忠也宋則助金以滅遼助元以滅金而宗社亦  
隨以墟矣廖忠烈首驅策唐世旻戮力扞禦廟

祀血食固其所也乃若李景威袁顯之遇寇  
王夢應李叔魯之障里閭閻可嘉尚也已贊曰  
忠義在人綱常在國虎威神鋒死猶不奪世旻  
受戮勿浼稽血景威袁顯其功有赫夢應叔魯  
允昭厥烈

周儀 孫方武 杜昉 孫欽 王在

周儀武岡州人宋雍熙初舉進士官至諫議大夫為  
嘉祐直臣居家以邵陵田悉分宗族子湛天禧中  
進士孫欽宣和中進士時洞獠亂欽挺身往諭  
事平朝廷嘉之擢德州刺史死靖康之難

樹節外紀前卷十五

孫方武湘鄉人為潭州學正金兵入城方武率居民  
巷戰金人縱火方武被執死之今祀于學宮

杜昉 宋靖康時通判密州建炎初寓武陵適

巨寇鍾相亂執昉欲令從已昉大詈之遂被害

王在武陵人宋端平二年進士初受知于真德秀後  
攝倅施州城陷死之

陳嘉言景陵人任宋為復州學諭開禧二年金兵犯  
景陵城陷被執同室六人自沉于水而死

李明黔陽人高宗時任奪勇指揮使金兵入城從宣  
撫使楊存中力遏其眾外援不繼死之蔭其子守

中為進武校尉

史南曰志士不忘在溝壑勇士不忘喪其元若周儀之諭夷孫方武之巷戰杜昉之詈賊孫欽之禦寇王在之守城陳嘉言之赴水李明之死難悉可書也贊曰孰不為事事君為大孰不為守守身為大以忠死國以節死君儀欽方武昉在嘉明白刃可蹈雖死猶生

譚昭寶

譚中五 譚端伯附 譚世選

譚昭寶字珍卿茶陵人父用式仕宋為提舉昭寶五歲能讀五經知為文辭七歲應童子科中上第其

樹節外紀前

卷三五

七

謝啟云七歲遠離于膝下九經流出于胸中著卦兼太極之圖遂矢效由基之射童科雖異文解則同破雲州千古之天荒駕月殿丹梯之雲路啟傳禁中理宗見而異之厥宗有譚中立者應童子科仕至吏部侍郎文章治行為時所推有譚世選者上書獻策補官凡五薦漕臺三為舉首著毛詩傳二十卷史評八卷嗣後有譚端伯者字應元隱居茶鄉平生以忠義自許當丞相文天祥舉兵勤王率族眾以應之天祥與之劄曰湖南九郡汝實統之後為元兵所獲令其供籍端書曰兩手撥開南

浦雲誰人似我一口吸盡西江水我自擔當竟不屈而死

史南曰臣聞諸張龍湖云其母太恭人蓋譚出也茶之雲陽山水明秀故屢鍾異才若昭寶之穎敏中立之超悟端伯之舍生取義又人所難者詩有之我送舅氏悠悠我思何以贈之瓊瑰玉珮其是之謂乎贊曰譚氏諸君雲陽之秀世傳忠孝天挺靈祐端伯之死揮毫自首西江南浦澄清可掬

吳倫

吳庸 張堂 劉鼎孫

樹節外紀前

卷三五

八

吳倫字子常零陵人受業於南軒幼穎悟善屬文南軒之帥江陵也倫從之及易簣倫有其傍刀曰婢蛭人欲之私春融天理之妙蓋以告倫也先是荷吳偕者登元祐六年馬消榜進士左丞初察王公謫居是邦屢訪其家名其堂曰聚德嘗賦詩有田園九世四百載儒學一門三十人之句偕姓民瞻民先與其姪孫徽柔登張九成榜進士俱以學顯厥後吳庸登淳熙特科為容州陸川簿尉李接倡亂庸與同郡徐邦直唐捷起兵禦之庸不克死主師劉淳白其事

張鏜南軒之後蓋王立詔天下勤王鏜起兵衡山移檄安化新化諸僚得民兵數千文天祥率兵出嶺相與接應既而兵敗被執元參政崔斌欲降之鏜罵曰今日降而死何以見我祖魏公于地下斌命述起兵本末鏜奮筆斥罵千百言斌怒殺之

劉鼎孫江陵人仕宋為翰林學士德祐末從二王至崖山陸秀夫負帝赴海死鼎孫亦驅家屬沉海不死為元兵所執榜掠無全膚一夕得脫赴海水死祝松景陵人舉宋進士初調長水簿端平初以城陷誓死守郢遺民立祠祀之

樹節外紀前

卷三十五

九

史南曰張魏公起而經略湖湘時子敬夫克贊廟謨與諸賢同心戮力吳倫講學惟明張鏜祠微並美而劉鼎孫之赴海祝松之死難皆忠義之昭也贊曰魏公樹烈遺澤楚彊南軒懋學振緒江鄉吳倫張鏜于前有光鼎孫及松繼序不忘

江涯

向真 李宗可 李英 陳從龍  
熊義山 王華 邵得遇

江涯漢陽人宋南渡後以臨安為行在賈似道宣撫江涯聞涯善屬文逼令撰露檄涯曰此虜入中華既啗以利復誇其功吾寧就死所何以捷為以道

怒搥殺之涯母訣曰兒以直死可以下憫先人矣亦自投于江識者聞而哀之

向真麻陽人為陝州軍牙頭指揮時蠻寇叛真被虜罵賊不屈遂遇害事聞詔立廟贈內殿崇班由是黔陽及本邑皆有廟歲時致祭

李宗可黃岡人仕宋為池州判官善禦常破賊有功聞余闕死節遂拔劍自刎

李英嘉魚人義山孫也壬辰兵陷武昌英保障鄉閭癸巳冬元參政阿魯輝募兵復武昌英率兵應募擒獲數千功授敦武校尉給以千戶銀牌白金四

樹節外紀前

卷三十五

十

鑑不受甲午秋斬黃祝冠以舟師遡武昌英兵多起江水死者相枕籍潘臬以英善謀奏授奉議大夫同知岳州府事以疾辭不赴卒于家程從龍作茂林說稱英懷超邁之才挾經濟之學拯黎民於水火馳英聲於江漢當時以為確論

陳從龍攸縣人元統壬申領鄉薦補天臨路令史廣東帥府掾歷陞江西行省參知政事至正壬辰兵起從龍鎮永新紅巾寇攻城從龍領兵援泰和為陳友諒所執不屈遂竄之安陸死

熊義山安鄉人累官元萬戶倪文俊起兵執縣尹張

經和義山保障黃山拒之後文俊襲執之不屈死

王暉字日華咸寧人宋樞密副使襄敏公之孫也宋

末元兵南下衆心危懼無倚暉乃集少壯數千結

柵以保邑咸寧賴之以安

鄧得遇其先邛州人徙居湘鄉仕宋官至靖江府太  
守元兵陷城得遇服朝衣南望再拜書片楮云宋  
室忠臣鄧氏孝子不忍偷生寧其溺死彭城故居  
乃吾潭里屈公子平乃吾伴侶優哉游哉吾得其  
所遂沉于水

史南曰臣攷諸通志乃見夫江涯死于權臣向

樹節外紀前

卷三十五

十一

真死于蠻寇李宗可聞余廷心之忠乃以身殉

陳從龍被陳友諒之虐至不惜死鄧得遇禱南

嶽山之神熊義山遭倪文俊之亂獨抗志不辱

焉若王暉李英者又不幸中之幸也贊曰天涯

扼權向真扞寇宗可赴義從龍被構義山從令

王暉守要得遇沉水汨羅之澳

楚紀卷之三十五

楚紀卷之三十六

皇明賜進士出身講同修國史奉直大夫翰林院侍講學士臣廖道南謹撰

樹節外紀後篇

尹伯奇

陳平子

古初

董永

尹伯奇周內史吉甫之子也耶志繫之房伯奇有孝  
行其後母譖之葺荷為衣采葶花而食履霜援琴  
而鼓之歌曰朝履霜兮晨寒考不明其心兮信謔  
言孤思離別兮摧肺肝何皇天兮遭斯愆痛殘不  
同兮思有偏惟顧盼兮知此冤

驚拳驚熊氏之夫裔也通志繫之郢拳事楚武王驟

樹節外紀後

卷三十六

諫不納而自納于刑

吉初長沙臨湘人光武時遭父喪未葬鄰家失火初

匍匐樞上以身捍火火為滅太守郅憚甄異之

董永千乘人東漢末避兵孝感家貧傭耕以養父父

沒貸錢里人裴氏鬻身為奴以葬之乃感神女織

絹以償永卒亦葬于父塚側遂名其邑曰孝感

陳平子長沙人為太學生與范式未相邂逅遭病將

亡謂其妻曰吾聞范巨卿可以托死乃裂素遺書

令其妻埋屍式之戶側式還省書感愴乃營護平

子妻子歸臨湘向墳揖哭以為死友委素書于

極而去兄弟間之訪求不獲見長沙上計掾史京師上書表式行狀

史南曰孝通神明信乎豚魚豈其然乎伯奇履霜未必如大舜之浚井也驚拳納諫未必如比干剖心也然而取法乎上僅得乎中是故君子求至中焉止矣乃若古初以身捍火董永以身傭塋陳平子鉉知范式不以死生易心其賢乎贊曰孝為行本可通神明節為士先無間古今伯奇作歌驚拳流聲古初捍火董永傭身范式高義聞者風興

樹節外紀前

卷三十六

二

司馬芝

庚辰

庚辰

庚辰

庚辰

司馬芝其先河內人漢末避亂嘗出遇寇同行者皆棄老弱走芝獨依老母寇以劍加芝叩頭祈哀母老無養寇曰此孝子也殺之不義捨之後仕至河南尹爵關內侯

雙泰貞隨州人南宋時沈攸之攻郢城招集才力之士泰貞召不肯來攸之遣十人被甲追之泰貞射殺數人欲過家將母去事迫不獲走入蠻追者至掠其母去泰貞聞之乃自歸攸之不罪曰此孝子也賜錢一萬轉補隊長

殷不害字長卿其先陳郡長平人後遇平江陵不害失母所在時值雪寒死者填溝壑不害行哭尋求水漿不入口者七日始得母屍瘞之江陵大建七年仕陳為光祿大夫司農卿弟不佞字季卿仕梁為尚書中兵郎迎母喪歸塋

樂順之字文德其先湟陽人徙居南郡歷仕京府參軍父在郢病亡順之忽悲戀涕泣因請假還中路聞計徒跣號咷遇商舟附載西上水漿不入口數日嘗遇病與母隔壁忍病不言恐母之哀已也湘州刺史王僧虔引為主簿棄官去吏部郎庾杲之

樹節外紀後

卷三十三

三

嘗往候順之為設食唯枯魚菜菹母聞之自出常膳魚羹數種杲之曰卿過於茅季偉我非郭林仕至郢州中從事

樂預字文介父臨亡執手託郢州行事王英預悲感悶絕吐血數升遂發病後官至驃騎錄事參軍隆昌末預謂丹陽尹徐孝嗣曰外傳似為不軌君蒙武帝殊恩不可同人人笑褚公至今齒冷無為効尤後為永世令卒

庾域字司大其先新野人後徙荆南梁文帝辟郢州主簿嘆其才曰荆南杞梓其在茲乎長沙宣武王



召為錄事參軍母性喜聞鶴唳瑩城致之忽有雙  
鶴降庭及郢州平封廣縣子後軍司馬其子名子  
輿字孝卿父卒扶襯過瞿塘值灩澦水漲子輿哀  
慟水為之消有雙鳩巢舟中每聞泣聲飛鳴激切  
甄恬字彥約其先中山人數歲喪母哀感若成人嘗  
恨生未見父思成忽若有見居喪廬墓有烏玄黃  
雜色巢于樹恬哭則鳴又白雀栖其廬始興王憺  
表上之梁主旌其閭後仕至安南參軍

杜叔毗字子弼其先杜陵人徙居襄陽蚤孤事母盡  
孝仕梁為宜豐侯蕭脩府幕參軍周文遣達奚武

樹節外紀後

卷三十六

四

園脩于南鄭叔毗詣請和及還脩部下曹策劉晚  
謀以城降武叔毗手及策肢解之周文壯其勇既  
而遭母喪哀毀骨立服闋遷陝州刺史

史南曰孔子於大舜則曰大孝於武王周公則  
曰達孝夫孝而至于烝烝夔夔群后德讓斯其  
為孝也大矣孝而至于肅肅雖多士秉德斯  
其為孝也達矣乃若司馬芝之扞寇雙恭真之  
感蠻殷不害之瘞體樂順之之嚙被庾域之來  
鶴甄恬之感雀杜叔毗之骨立夫匹夫而孝尚  
可以格幽明勵風俗而况聖人之大與達乎賢

曰司馬扞寇恭真感夷不害尋母願之孝思庾  
域來鶴甄恬受知叔毗忠孝可為世師

韓係伯

黃鳳麟 尹忸 力僧談 孫普濟  
陳道周 邵榮興 王玄紹 朱葆光

韓係伯襄陽人事父母孝謹襄之隣里種桑樹於界  
上為誌係伯以桑之蔭妨他地遷界上開數尺隣  
畔隨復侵之係伯輒更改種父之隣人慙愧還所  
侵地躬往謝之齊建元三年表門閭以壽終  
黃鳳麟江夏人隋大業中舉進士累遷侍御史比部  
員外郎有文集十卷厥後有黃觀象者徙居于柳  
之興寧以孝聞

樹節外紀後

卷三十六

五

尹忸字守忠襄陽人父嗣宗居喪踰禮唐貞觀中持  
蒙旌辟結廬墳側若將終焉忸時年十三竭力歛  
歆勤苦備養父疾篤忸不解衣歷年形貌頽瘠幾  
至殞滅父卒廬墓負土成墳朝夕號慟有紫芝產  
墓側州將楊洪武奏忸誠信著於鄉閭淳孝通于  
幽顯龍朔中刺史封道洪改其閭為南陵里張東  
之為記子慕先字冬筠孫仁恕字南金皆有孝行  
俱被旌表

力僧護江陵人父力昌死其母欲追薦之乏贊護時  
五歲謂母曰何不將兒賣以易錢母乃哽咽抱子

驚錢薦之母後憶子目盲僧護隨客之蜀念母痛死者數後還江陵尋母得見齋戒叩禱以水嗽口為母紙其目復明

孫普濟臨湘人南齊時居喪未葬鄰火將及舍普濟號慟伏棺上以身蔽火鄰人往救之焚炙將絕累日乃蘇

邵榮興武陵人與同郡文獻叔范安常范祖根李聖伯俱累世同居無間言梁建武四年表其門時又有零陵譚弘寶衡陽何弘亦以孝友聞

王玄紹江陵人弟孝英于敏咸相友愛凡有珍味必樹節外紀後

卷三十六 六  
閩族聚嘗未嘗有異侯景亂臺城陷為所執二弟爭抱持被害

朱葆光其先南陽人朱全忠篡唐葆光與唐舊臣顏堯李壽數輩携家浮湘寓潭州每遇元會長至即必整衣序立南嶽祠前南望號慟殆二十年後壽歸葆光卜築衡山遂家焉子昂仕宋見穆風紀

史南曰臣改諸歷代史乃見夫韓係伯之居襄黃鳳麟之徙郴尹忬之表南陔力僧護之奔西蜀孫普濟之自投于火與夫邵三之孝友葆光之忠節皆足以激薄俗敦古道而垂烈無疆兩

矣贊曰居襄徙郴孝思維則表里奔蜀我心孔惻投火顯天欽報之德賜帛題額允揚先烈號慟徽祠不渝其節

樂京 黃世 附 龐天祐 庶子克

樂京荆南人布衣時鄉里稱其行義事母盡孝妻張氏家挾女弟自隨京未嘗見其面妻死令寢食于外為嫁之嘉祐初詔訪遺逸以薦聞得校書郎為湖陽赤水二縣令神宗求言京上疏以畏天保民為請知長葛縣助役法行京曰提舉常平官言不便使之條析又不報且不肯治事自列丐去提舉

樹節外紀後 卷三十一 七

官効之詔奪著作佐郎經十年乃復官監黃州酒稅以承議郎致仕元祐初召赴闕終于家

黃珙字君謨平江人宋熙寧三年進士為長沙簿時章惇開梅山增稅畝誥請罷之遷知益陽政聲益著尋居喪廬墓有芝產于塋祠事聞哲宗賜帛誥表謝云白髮三千何嗟及矣紫芝六十胡為來哉紹聖二年以朝散郎起知歙州集諸生講周禮開迎疑義登科第者相繼後遷湖南提刑仕至太府卿

龐天祐江陵人以經籍教授里中父疾天祐割股食

之疾愈又復病目喪明天祐號泣祈天砥之父年八十有餘太中祥符四年卒天祐負土封墳結廬其側晝夜哀號不絕知府陳亮咨親往致奠上其事詔旌表門閭天祐家無儋石儲居委巷中亮咨為徙里門之右

廬子充與國人親喪廬墓鄉里稱孝家藏書甚富題曰萬卷閣子充與王黼同舍黼登相位一無所求仕宋為朝奉郎

聶致堯邵陽人事親孝臨財廉周給貧困邦人德之列舉孝行節義十事守宰以聞詔旌其門張南軒

樹節外紀後

卷三十六

八

史南曰臣觀宋史乃見樂京之不行助役以其所守之正也微志又載黃珙之講解周禮以其所得之深也夫所守正則有定力而不苟同於時所得深則有定見而不受變於俗至若天祐子充致堯皆其天性孝友為之基耳不然曷克茲哉贊曰安石變法海內紛更樂京力沮乃樹厥名章惇啟釁湖南稅增黃珙論罷不渝其夷攷諸子孝友思誠苟無其本曷克以臻

陳道周

劉琦

楊炳文

譚景星

唐棣

周古象

杜古壽

徐鼎

陳道周湘潭人幼孤貧奉母盡孝母歿廬墓側自陶甓日成數塊歷四年斃墓高三丈道周亡葬母傍鄉人樹碣曰孝子墓

劉琦臨湘人生二歲而母劉氏遭亂陷于兵琦獨事其父稍長思母不置歎曰人皆有母我獨無輒歔欷泣下及冠請於父往求其母遍歷河之南北淮之東西數歲不泝後求得於貴池迎以歸養凡十五年而父歿又三年而母歿終喪蔬食有司以聞表其門曰孝義

譚景星茶陵人父早喪惟母誨是遵及長教諭永明

樹節外紀後

卷三十六

九

人皆稱其孝恭定二年旌其門曰文學有行

周古象蘄水人元兵下淮被虜至蘄贅蒙古氏既生子未嘗喜妻問曰有母在欲歸省妻許之囑曰母在當奉養勿以妾故復來及歸母尚無恙古象時年四十餘奉養盡孝母歿廬墓妻亦終身不嫁淮西憲僉幹克莊為立孝里門

徐偉臨湘人事母盡孝母死毀瘠嘔血服除舉孝廬不就去之陸渾解落山中教授生徒依之以居者三百餘家歲荒貧不舉子者俸資給之人感其惠子皆以徐為名偉有八子皆知名時號徐氏八龍

易炳文襄陽人元末隨父徙居沔陽父喪廬墓六年時人多遣子弟從游池蓮皆並蒂人以為孝感

唐傑東安人生兩歲繼祖母蔣病目失明傑以舌砥之目輒有見劇賊孔彥舟犯邑傑號泣負蔣冒賊以出賊義而捨之母病封肉和藥以進即愈父亡以舌砥屍廬墓哀震林谷紹興間郡守以聞詔付史館賜以束帛

杜古壽慈利人母劉氏病篤祝天封股煮粥以進母病遂愈事聞旌其門曰純孝

史南曰臣攷元史稱孝行者盈帙而湘南不多

樹節外紀後

卷三十一

十

見焉及觀通志乃見陳道周劉琦譚景星周古象徐偉易炳文唐傑杜古壽諸人獨能堅持古道以報其親可不謂節乎贊曰義之雅昊天罔極凱風之歌聞者顙泣世至胡元冠履倒植諸子克孝兄為世則

黃珙

劉端 周琮 李智 范玉

黃珙字德溫郴州人登進士第出知萬載縣決斷如流庭無稽訟儲穀備荒脩學宮範祭器招懷流徙練兵弭盜用部使者薦擢刑部主事執法平允如雪王輔之冤辯劉雲之誣皆其大者也未幾陞江

西按察司僉事乞終養母卒結廬墓側哭聲振林麓年七十五終

劉端字本正生母鄧蚤世幼事父濟以孝聞天順己卯領鄉薦亞魁授潮州府同知聞父訃即匍匐歸被髮徒跣數日不食治塋遵古禮廬墓三年不履城郭服闋改西安府開涇陽廣慧渠鑿石引涇水溉五邑田七千頃民立生祠祀之致仕歸囊無贏帛而時享必豐潔事聞旌表其門進階朝列大夫所著有東岡集

周琮字仲方崇陽人太學生性至孝洪武癸酉擢刑部郎中戊寅遷浙江叅政調陝西偕戶部侍郎左

樹節外紀後

卷三十六

十一

獻總軍餉于邊事竣還遇寇被害時年四十有八李智鄖縣人太學生任河南左護衛經歷居母喪貧無喪資親負土為塋結廬墓側獨居三年

范玉鄖縣人太學生授光祿署丞永樂間居父喪哀毀盡禮既葬廬墓三年

史南曰天親不可以人為性也天道亦可以人感幾也知幾之神相為流通則知性之真不容矯偽爾矣我

皇祖以孝治天下立國之初表幽章節而

皇陵之碑根諸天性孝慈之錄關乎世教其繇來者

遠矣黃珙自進士劉端自鄉舉周琮李智范玉

自曹監皆移孝為忠敷德樹教所謂求忠臣必

於孝子之門賈求然乎贊曰天道不顯厥類惟

彰人道思誠惟性有常后皇綏猷正直平康五

君克孝移忠允臧

劉祥

余瑛 王仕達 呂中 張樸 林守式 雷潮宗 周瑚 藍純

劉祥監利人父魁領鄉薦任四川大足訓導卒祥哀

毀不欲生廬墓三年母龍氏卒祥又廬墓三年人

稱其孝

樹節外紀後

卷三十六

十一

徐瑛岳州人早喪父為郡庠生家貧奉母僑居就廩

母終適天寒永泓跣踈扶柩以葬廬于墓邑有富

俠侵墓側瑛哀訴死守烏雀芝草集產於墓人

以為孝誠所感成化乙巳知府李鏡上其事

王仕達衡陽人父喪盡禮廬墓三年哀毀骨立後

任山東陵川知縣蒞政公勤民懷其惠

呂中沔陽人初以人才薦授四川照磨父蚤喪奉母

極孝每夙興焚香四拜具甘旨及母喪廬墓朝夕

號哭三年乃歸弘治中知縣周端治訪特表章之

張機祁陽人縣學生父歿哀毀骨立廬墓側三年正

德間有司以聞旌表里閭

林守成公安人蚤喪父繼母曹氏臨之甚嚴守成事

之益謹曹卒鄰家火風甚急守成升屋呼天俄而

風果返卒無恙時人驚為孝感

雷潮宗藍山人事父母竭力盡禮父先逝母存潮宗

事之愈謹母享壽百有三歲而潮宗亦年踰八十

執喪盡哀邑人稱之

周瑚字宗詭邵陽人家貧性孝父亡旦夕哀毀不釋

衰經母嬰疾湯藥必親晝夜籲天乞以身代割股

入藥奉之病遂瘥葬父負土築墓露股母怪見其

樹節外紀後

卷三十六

十一

傷痕詰之始知其和藥也

藍純江陵人應貢將赴南雍以父年老不敢遠行知

府吳彥華聞之曰只此一念可當孝子矣及父卒

廬于墓側不忍歸士林題之

史南曰漢以孝廉辟士則割股寢苦皆孝子也

唐以閎辭置科則嘲風弄月皆名士也何也上

有好者下必有甚焉者矣我

朝以科目取才惟其文焉爾矣以歲月致位惟其績

焉爾矣是故惇本尚行厚倫務實非出於天性

者未之能也劉祥而下藍純而上凡九人焉無

所為而為出於天性焉爾矣贊曰先王立教立  
愛惟親表厥宅里樹之風聲諸子允蹈始于成  
身盡性至命豈曰為人

徐綱宋祐 陳鰲 張森 湯王廉 程鳳 周昌 陳道

徐綱應城人年七歲失父不茹葷事母盡孝後母喪  
廬於墓側六年挑土成山手植竹樹成林有大隨  
其墓所鵝集林木綱曰三號哭大鵝亦為之悲見  
者悚動

宋祐樊城人六歲喪父性至孝及成童痛父早逝事  
母孝又善友其弟母病刲股和粥以進遂愈暨母  
樹節內紀前卷三十六

卒水漿不入口者累日寢苦枕塊澱粥

陳鑛施州衛人父隆樂善好施卒年八十先一日取  
大簏焚于庭皆負券也鑛性純孝母夏疾慮不起  
乃陳刀几上旦夜拜禱刀忽躍起自割筋左取肝  
方寸和粥進母以桑皮線紉其創母疾遂愈父母  
歿哀毀骨立殆無人形踰年而卒

張森施州衛人生而母目忽盲森常以舌舐母目復  
明人以為孝感

湯王廉荊州人父病篤藥不效王廉晝夜籲天父病  
少甦忽思肉食味不適口王廉密割左乳肉和粥

以進父食之其病遂愈廉亦無恙

程鳳監利人母病衆醫視之曰陰陽臟氣不定在所  
不治無能為鳳倉皇默禱於天割股肉和粥以食  
母病立愈越三十年而終

周曰昂黃州人親卒哀毀殊甚葬廬墓寢苦枕塊者

三年有白鳩營巢之異有司以聞旌其里閭

陳道荊州人父銘患風痺道朝暮奉養未嘗入私寢  
母秦氏蚤卒事繼母尤孝弘治戊午父母俱卒廬  
于墓側三年產靈芝數本太守劉節上其事

顏忠江陵人節婦劉氏之子劉忽遇風疾氣幾絕忠

樹節外紀後卷三十五

乃禱于北辰割左股和粥以進劉病愈又明年乃  
卒時劉已九十而忠亦六十五矣遼王大書節孝  
立石于門

楊秀威寧人年十二時有虎在途傷人秀與兄往救

之虎復齒其兄秀即以斧斫其首兄始得脫秀扶

兄歸他日暮其母又為虎所傷秀奮呼復以斧斫

之虎遂死母得以全聞者以推子能致命護親嘉

之

戴思明蒲圻人洪武中父祥遇虎於野亟往救之搥  
虎吭虎死父乃脫得全其生里人稱其孝

廖崇信字德恒蒲圻人宋端明殿學士明略之裔也

祖昇三卜塋于邑之槎林父均用負土成墳手植

異松陰森秀茂歲時風鳴迴掃若神護植崇信幼

習範經貢入太學選補武功衛經歷永樂靖難調

雲南景東衛父沒哀毀踰禮服闋補任之滇扶母

偕室嘉魚李氏步行萬里餘時驛郵遺騎迂之却

而弗乘日夕供膳極其孝養母沒廬墓終其身

史南曰人有恒言大山窮谷多三代之民以其

朴誠淳質無所矯焉耳是故都不如鄉朝不如

野豈其然哉孔子曰如用之吾從先進言文勝

櫛節外紀後

卷三十六

士

之敝也茲自徐綱以至祖崇信孝根天性罔假

人為豈亦三代直道而行者哉贊曰至真無偽

至簡無文良璞不斷大音希聲之數孝子咸本

朴誠備書末簡楚邦儀刑

楚紀卷之三十六

楚紀卷之三十七

皇明賜進士經筵日講同修國史奉直大夫前翰林院侍講學士臣廖道南謹撰

經變內紀前篇

變不虛生必有所召君子經之善圖後効殷憂

啓聖多難興邦誰經厥變以垂無疆歷覽往輶

我心孔傷撰經變內紀前篇

成得臣 成大心 成嘉 成虎附

成得臣楚令尹子玉也子文薦之剛愎自用敗績城

濮厥嗣成大心繼之積有勤勞按左傳僖公二十

三年子玉帥師伐陳取焦夷城頃而還子文以為

經變內紀前

卷三十七

能舉為令尹叔伯曰子若國何子文曰吾以靖國

也夫有大功而無貴仕其人能靖者有幾既而子

文治兵于蕩終朝而畢不戮一人子玉治兵于潁

終日而畢鞭七人貫三人耳為賈不賀二十五年

子玉同闔宜申帥師滅夔以夔子歸圍陳納頃子

于頃伐宋圍絳二十八年晉文公會諸侯于城濮

楚子入居于申謂子玉曰晉侯在外十九年矣而

果得晉國險阻艱難備嘗之矣天之所置其可廢

乎子玉不從使伯芬請戰王怒少與之師惟西廣

東宮與若敖之六卒子玉使宛春告于晉師曰請



復衛侯而封曹臣亦釋宋之圍晉執宛春以怒楚  
退三舍以避之楚師背鄢而舍子玉使鬬勃請戰  
晉師陳于莘北子玉以若敖之六卒將中軍子西  
將左子上將右晉胥臣蒙馬以虎皮先犯陳蔡楚  
右師潰狐毛設二旆而退之欒枝曳柴偽遁楚師  
馳之原軫卻縠以中軍橫擊之狐毛狐偃以上軍  
夾攻之楚左師潰子玉收其卒而止王使謂曰大  
夫若入其若申息之老何子西孫伯曰得臣將死  
二臣止之及連穀而死初文公為公子出奔楚楚  
子嚭之子玉請殺之楚子不從至是子玉為嬖弁  
子嚭之子玉請殺之楚子不從至是子玉為嬖弁

之孫成虎  
史南曰子文之忠於楚也舉子玉焉或謂其勇  
而無謀也非無謀也天也晉文公寓楚子玉欲  
殺之及城濮之戰子玉死焉文公曰莫如毒也  
已嗚呼非其負經變之才文公其畏之乎故謂  
功之無成天也非子文之弗明也厥子大心足  
以雪其恥矣君子當原其心不當泥其跡贊曰  
子文舉賢吾以靖國子玉剛愎胡能樹烈城濮  
之敗晉文則悅君子取之真覺自別  
屈瑕 屈完 屈建 屈廬附  
屈瑕楚大夫莫敖也初鄖人軍于蒲騷將與隨絞州  
蒙伐楚師屈瑕患之闕廉曰鄖人軍其郊必不誠  
且日虞四邑之至也君次于郊郢以禦四邑我以  
銳師宵加于鄖鄖有虞心恃其城莫有闕志若敗  
鄖師四邑必離瑕曰盍請濟師于王廉曰師克在  
和不在眾瑕曰卜之廉曰不疑何卜遂敗鄖師十  
二年楚伐絞軍其南門瑕曰絞小而輕輕則寡謀  
請無扞采樵者以誘之從之絞人獲三十人明日  
絞人爭出驅楚役徙于山中楚人坐其此間覆諸  
山下敗之十三年楚使屈瑕伐羅闕伯比送之還

謂其御曰莫敖必敗舉趾高心不固矣遂見楚子請濟師楚子辭入告夫人鄧曼鄧曼曰大夫其非衆之謂其謂君撫小民以信訓諸司以德而威莫敖以刑也莫敖狃于蒲騷之役將自用也楚子死賴人追之不及瑕狗于衆曰諫者有刑及鄢亂次以濟且不設備羅與廬戎兩軍之瑕縊于荒谷屈重代為莫敖

史南曰臣讀呂祖謙博議論曰屈瑕之死生在於伐絞之勝敗驕之于先而陷之于後蓋遇事之易未足喜遇事之難未足憂先過其易則以

經變而紀前

卷三

四

易為常是禍之原也夫以鄧曼為夫人尚能知其侈心何楚君之不悟乎故曰君不知將以其國予敵也將不知兵以其主予敵也置其然乎屈完楚大夫也長於專對初齊桓公以諸侯之師侵蔡遂伐楚楚子使與師言曰君處北海寡人處南海唯是風馬牛不相及也管仲對曰昔召康公命我先君太公曰五侯九伯汝實征之以夾輔周室賜我先君履東至于海西至于河南至于穆陵北至于無棣爾貢包茅不入王祭不共無以縮酒寡人是徵昭王南征而不復寡人是問對曰貢之不

入寡君之罪也敢不共給昭王之不復君其問諸水濱師進次于陘楚子使屈完如師師退次于召陵齊侯陳諸侯之師與完乘而觀之齊侯曰豈不穀是為先君之好是繼以此衆戰誰能禦之以此攻城何城不克完曰君若以德綏諸侯誰敢不服君若以力楚國方城以為城漢水以為池雖衆無所用之遂及諸侯盟

史南曰齊桓公正而不譎又曰不以兵車一匡天下管仲之力也方其仗義執言而屈完如帥應對如響視後世富鄭公之爭獻納為何如者

經變而紀前

卷三

五

夫齊中國也楚南夷也夷而中國聖人未嘗絕之故春秋大書特書不沒其名也

屈建字子木屈蕩之孫屈到之子也為楚莫敖初屈到嗜芟有疾召宗老而屬之曰祭必以芟及祥宗老將薦芟子木曰夫子承楚國之政其法刑在民心而藏在王府上之可以比先王下之可以訓後世祭典曰國君有牛享大夫有羊饋士有豚犬之奠庶人有魚炙之薦豆脯醢則上下共之不羞珍異不陳庶侈夫子不以其私干國之典遂去之左傳襄公二十三年子木從陳侯圍陳殺慶虎慶

寅二十五年令尹遠子馮卒楚康王以子木為令尹是歲舒鳩人叛子木伐之及離城吳人救之子木以右師先子疆五人以左師退誘之遂滅舒鳩以為掩為司馬使庀甲兵楚子將賞舒鳩功子木辭曰先大夫為子之功也以與為掩二十六年蔡聲子歸生自晉遇伍舉于鄭郊班荆而言及如楚子木問晉故曰晉大夫與楚孰賢對曰晉卿不如楚其大夫則賢皆卿材也如杞梓皮革自楚往也雖楚有材晉實用之子木曰夫獨無族姻乎曰歸生聞之善為國者賞不僭刑不濫賞僭則懼及淫

經變內紀前

卷三十七

木

人刑濫則懼及善人若不幸而過寧僭無濫與其夫善寧其利淫古之治民者勸善而畏刑賞以春夏刑以秋冬是以將賞為之加膳加膳則飫賜將刑為之不舉不舉則撤樂夙興夜寐朝夕臨政知其恤民也三者禮之大節也今楚多淫刑其大夫逃死于四方而為之謀主析公奔晉是以有繞角之役雍子奔晉是以有彭城之役子靈奔晉是以有州來之役貢皇奔晉是以有鄢陵之役椒舉奔鄭今在晉矣子木言之諸王益其祿爵使舉之子椒鳴逆之二十七年子木遣公子黑肱成言于晉

宋向戌如陳子木請晉宋之從交相見楚人衷甲伯犁偵之子木問於趙孟曰范武子之德何如曰夫子之家事治言於晉國無隱情其祝史陳信於鬼神無愧辭子木歸以語王曰宜晉之霸也有叔向以佐其卿楚無以當之二十八年歲星旅于鳥帑裨竈占之康王卒子木未幾卒厥後有屈廬者白公勝殺子西子期廬遇之勝拔劍曰子與我將舍子不然無逃也廬曰知命之士見利不動臨死不畏而況為人臣時生則生時死則死故上知天命不知臣道其可劫乎白公遂投其刃

經變內紀前

卷三十七

七

史南曰子木不以美薦其親是祭之以禮也不以過遺其僚是使之以器也說苑所載子木論立太子其識遠其言正至廬而有知命之說屈氏其多才乎贊曰屈氏在楚為名公卿瑕之帥師克盡忠貞完之專對管仲知欽屈到嗜芟子木肇禋

朱伺

張光附

朱伺字仲文安陸人少為吳牙門將吳平內徙江夏伺武勇口訥不知書為群將督見鄉士夫揖稱名而已及為將遂以謙恭稱張昌之逆太守龔欽走

潯口伺與郝寶布與合眾討之不剋乃與欽奔武昌後率部黨攻城之轉騎部曲督加綏夷都尉伺部曲以諸縣附昌惟本部倡義討逆求別立縣遂割安陸東界為潯陽縣陳敏作亂陶侃時鎮江夏以伺敏水戰乃遣作大艦署為左甄據江口破敏前鋒敏弟恢稱荊州刺史在武昌侃率伺及諸軍進討破之敏恢既平伺以功封亭侯領騎督時西陽夷賊抄掠江夏太守楊珉請督將議距賊計伺獨不言珉問之荅曰諸人以舌擊賊伺於兩敵共對惟當忍之彼不能忍我能忍是以勝耳珉大咲

經變內紀前卷三十七

永嘉中石勒破江夏伺與楊珉走夏口及陶侃來戍夏口伺依之加明威將軍隨侃討杜弢有功夏口之戰伺用鐵面自衛以弩的射賊大師數人殺之賊挽船上岸伺逐水上下以邀箭中其脛氣色不變諸軍至賊潰追擊之死者大半賊夜奔長沙伺追至蒲圻不及而反加威遠將軍赤幢曲蓋建興中陳聲率諸無賴斷江抄掠侃遣伺督護討聲伺乃遣勁勇要聲弟斬之潛軍襲聲聲將閭晉鄭進皆死戰伺軍多傷乃還營聲東走保董城伺率諸軍圍守之途重柴統城作高檣以勁弩射之

又斷其水道城中無水利牛飲血閭晉聲婦弟也乃斬聲首出降又以平蜀賊功加伺廣威將軍領竟陵內史時王敦欲用從弟虞代侃為荊州牧侃將鄭攀馬雋等乞侃於敦敦不許攀等以侃始滅大賊人皆樂附又以虞忌戾難事謀共距之遂屯結涓口遣使告伺伺外許之稱疾不赴攀等遂進距廩既而士眾疑阻復散還橫乘口時朱軌趙誘李桓率眾將擊之攀等懼誅以司馬孫景造謀距廩因斬之降軌等廩將西出遣長史劉浚留鎮楊口壘時杜曾請討第五猗於襄陽伺謂廩曰猾賊

經變內紀前卷三十七

九

外示西還以疑眾心欲誘官軍使西然後襲楊口耳宜大部分未可使西廩性矜厲自用兼以伺老怯難信遂西行曾等果馳還廩乃遣伺歸繞至壘即為曾等所圍劉浚以壘北門危欲令伺守之或云伺與鄭攀同乃轉守南門賊知之攻其北門時鄭攀黨馬雋等亦來攻壘雋妻子先在壘內或請皮其面以示之伺曰殺其妻子未能解圍但益怒耳乃止伺所調弩忽禁不發伺甚惡之及賊攻陷北門伺被傷入船初浚開諸船底為船械伺既入賊舉艇摘伺伺逆接得艇反以摘賊賊登船屋大

呼伺從船底沉行五十步乃免遇醫療創小差程  
魯遣說伺云馬儁等感卿恩得活盡以卿家外  
內百口付儁儁已盡心收視卿可來也伺答曰賊  
無白首者今吾年六十餘不能復與卿作賊吾死  
當歸南妻子付汝乃還甌山時王廙與李桓杜魯  
桓持累戰甌山下軍士數驚喚云賊欲至伺驚創  
而卒因葬甌山

張光字景武江夏鍾武人身長八尺少為郡吏家世  
有部曲以牙門將伐吳有功遷江夏西部都尉轉  
北地都尉初趙王倫為關中都督氏羗叛太守張  
經變內紀前卷三十七

損戰沒郡縣吏士少有全者光以百餘人戍馬蘭  
山北賊圍之百餘日光撫厲將士屢出奇兵擊賊  
破之光以兵少自分敗沒會梁王彤遣司馬索靖  
將兵迎光遂還長安彤表光處絕圍之地有耿恭  
之忠宜加甄賞以明獎勸於是擢授新平太守加  
鼓吹屬雍州刺史劉忱討河間王顥忱時委任秦  
州刺史皇甫重重自以關西大族心每輕光謀多  
不用及二州軍潰為顥所擒顥謂光曰前起兵欲  
作何策光正色答曰但雍州不用鄙計故令大王  
得有今日也顥壯之引與歡宴彌日表為右衛司

馬陳敏作亂除順陽太守加陵江將軍率步騎五  
千詣荊州討之刺史劉弘雅敬重光稱為南楚之  
秀時江夏太守陶侃與敏大將錢端相距於長岐  
將戰襄陽太守皮初為步軍使光設伏以待之武  
陵州守苗光為水軍藏舟艦於沔水皮初等與賊  
交戰光發伏兵應之水陸同奮賊眾大敗弘表光  
勲遷材官將軍梁州刺史先是秦州人鄧定等流  
入漢中保于城固漸為抄盜梁州刺史張殷遣巴  
西太守張燕討之定窘急乞降于燕并餽燕金銀  
燕喜緩師定密結李雄雄遣眾救定燕退定遂進

經變內紀前卷三十七

士

逼漢中太守杜正冲東奔魏興殷亦棄官而遁光  
不得赴州止於魏興乃結諸郡守共謀進取燕倡  
言曰漢中荒敗迫近大賊尅復之事當俟英雄正  
冲曰張燕受敗阻兵緩寇致喪漢中寔燕之罪也  
光於是發怒呵燕令出斬之以徇綏撫荒殘百姓  
悅服光於是却鎮漢中時逆賊王如餘黨李運楊  
武等自襄陽入漢中光遣參軍晉邈率眾距之邈  
受運賂勸光納運光從邈言使居城固既而邈以  
運多珍貨又欲奪之復言於光可掩而取光又信  
焉邈邈眾討運不尅光乞師於氏王楊茂搜遣子

難敵助之難敵求貨於光光不與楊武乃厚賂難敵難敵大喜聲言助光內與運同光弗之知也遣息援率眾助運與難敵夾攻邈等援為流失所中死賊遂大盛光嬰城固守自夏迄今憤激成疾佐吏勸光退據魏興光按劍曰吾受國厚恩不能剪除寇賊今得自死便如登仙何得退還也聲絕而卒時年五十五遠近惜之二子吳邁吳少辟太宰掾邁多才畧有父風州人推邁權領州事與賊戰沒別駕范曠及督護王喬奉光妻息率其遺眾遠據魏興其後義陽太守任愔為梁州光妻子歸

經傳內紀前

卷五十七

七

本郡南平太守應詹白都督王敦稱光在梁州能興微繼絕威振巴漢值中原傾覆征鎮失守外無救助內關資儲以寡敵眾經年抗禦厲節不撓宜應追論顯贈以慰存亡敦不能從  
史南曰朱伺以木強不文隨陶凱以建績于江夏張光以梟雄莫敵助劉弘以敗寇于沔水甄山之斃漢江之難亦其才疎而不能馭眾智闇而固克善終爾矣贊曰朱伺起兵始于安陸張光奮義關中函谷陶凱嘉功應詹白督更秉權衡敢為邪曲

張興世

張興世字文德竟陵人本單名世宋明帝益為興世少家貧隨王玄謨伐蠻後隨孝武鎮潯陽補南中郎叅軍督護從討元凶及南郡王義宣反又隨玄謨出梁山有戰功明帝即位四方反叛進興世龍驤將軍領水軍拒南賊時臺軍據赭圻朝廷遣吏部尚書褚彥回就赭圻行選南賊屯在鵠尾既相持久不決興世建議曰賊據上流兵張地勝今以奇兵潛出其上使其首尾周惶進退疑沮糧運艱礙乃制勝之奇沈攸之吳喜並贊其計分戰士七

經傳內紀前

卷五十七

七

千配之興世乃令輕舸泝流而上旋復回還一二日中輒復如此使賊不為之防賊帥劉胡聞興世欲上笑之曰我尚不敢越彼下取揚州興世何人欲據我上興世謂攸之等曰上流惟有錢溪可據乃往據之及劉胡來攻將士欲迎擊之興世曰賊來尚遠氣驟盛夫驟既力盡盛亦易衰此曹劌所以破齊也將士不得妄動賊來轉近興世乃命盡寂之任農夫率壯士擊走之袁顗愠曰賊據人肝藏裏云何得活是月朔赭圻軍士伐木為柵於青山遇一童子云賊即當平無自苦忽不見至是果

敗興世又遇其糧道賊衆漸飢劉胡棄軍走袁顗亦奔散興世遂與吳喜共平江陵遷右將軍封作唐縣侯歷雍州刺史左衛將軍以疾徙光祿大夫尋卒興世居臨沔水自襄陽以下至江二千里先無洲嶼興世初生當其門忽生洲浸大及興世爲方伯而洲上遂十餘頃父仲子由興世致位給事中興世欲往襄陽仲子愛鄉里不肯去嘗謂興世曰我雖田舍老公樂聞鼓角汝可送一部行田興世素恭謹畏法譬曰此是天子鼓角非田舍公所吹興世欲拜墓仲子謂曰汝衛從太多先人必當

經綸內紀前

卷三十七

十五

驚怖興世減撤而行子欣泰

張欣泰字義亭少有志節不以武業自居好隸書讀子史年十餘詣吏部尚書褚淵淵問之曰張郎弓馬多少欣泰曰性怯畏馬無力牽弓淵甚異之辟州主簿歷諸王府佐元徽中興世在家擁雍州還資見錢三十萬蒼梧王自領人劫之一夜垂盡興世憂懼感病卒欣泰兄欣華時任安成郡欣泰悉封餘財以待之建元初歷官寧朔將軍累除尚書都官世祖與欣泰早經欵遇及即位以爲直閣將軍領禁旅除豫章王太尉參軍出爲安遠護軍

武陵內史還復爲直閣步兵校尉領羽林監欣泰通涉雅俗交結多名素下直輒遊園池著鹿皮冠衲衣錫杖挾素琴世祖聞之曰將家兒何敢作舉止後從車駕出新林敕欣泰甲仗廉察欣泰停伏於松樹下飲酒賦詩制局監呂文度白之世祖大怒遣出外數日意稍釋召還謂之曰卿不樂爲武職驅使當處卿以清貴除正員外郎永明八年出爲鎮軍中兵參軍南平內史巴東王子響殺僚佐帝庶子胡諧之西討使欣泰爲副欣泰曰今太歲在西南逆行兵家深忌戰必見危今假此行勝旣

經綸內紀前

卷三十七

十五

無名負誠可恥彼凶狡相聚所以爲其用者或利賞逼威無由自潰若且頓軍夏口宣示禍福可不戰而擒也諧之不從進屯江津尹畧等見殺事平欣泰徙爲隨王子隆鎮西中兵改領河東內史子隆深相愛納數與談宴州府職局多使關領意遇與謝朓相次典籤密以啓聞世祖怒召還都屏居家巷置宅南岡下而接松山欣泰負弩射雉心情閒放衆伎雜藝頗多閑解明帝即位爲領軍長史遷諮議參軍上書陳便宜二十條其一條言宜毀廢塔寺帝優詔報荅建武二年虜圍鍾離城欣泰



為軍主隨崔慧景救援欣泰移虜廣陵侯檄曰聞攻鍾離是子之深策可無謬哉兵法城有所不攻地有所不爭豈不聞乎我國家舟舸百萬覆江橫海案甲不至欲以邊城疲魏士卒且千里運糧行留俱弊一時霖雨川谷滿溢乘帆渡海百萬齊進子復奚以御之乃令魏主以萬乘之重攻此小城是何謂欺假令能拔子守之我將連舟千里舳艫相屬西過壽陽東接滄海伏不更請糧不更取士卒偃臥起而接戰魚鱉不通飛鳥斷絕偏師淮左其不能守皎可知矣如其不拔吾將假法于魏之

經變內紀前

卷三十七

十七

有司以請子之過若挫兵夷眾攻不卒下驅士填隍援而不能守則魏朝名士其當別有深致乎昔魏文太武佛狸傾一國之眾攻十維之城死亡大半僅以身返既智屈於金墉亦雖援而不守皆算失所為至今為笑前鑒未遠子其圖之虜既為徐州軍所拒更欲於郢陽洲築城慧景慮為大患欣泰曰虜外示誇大懼我躡後今若說之其患自息慧景從之遣欣泰至虜城下且述此意及虜引退而洲上餘兵求輸馬假道慧景欲攻之欣泰曰歸師勿遏不可輕也慧景從之虜過時領軍蕭坦之

亦援鍾離還啓明帝曰郢陽洲有死賊萬人慧景欣泰放而不取帝以此皆不加賞四年出為永陽太守永元初還都崔慧景圍城欣泰入城領軍守備事寧除輔國將軍廬陵王安東司馬義師起以欣泰為持節督雍梁南北郢隨諸郡軍事雍州刺史時少帝昏亂人情伺隙欣泰與弟始安內史欣時密謀結太子右率胡松前南譙太守王靈秀直閣將軍鴻選舍德主帥苟勵直後劉靈運等竝同契會帝遣中書舍人馮元嗣監軍救郢如法珍梅蟲兒及太子右率李居士制局監楊明泰等相送

經變內紀前

卷三十七

十七

中興堂欣泰等使人懷刀於座斫元嗣頭墜果中右所明泰破其腹蟲兒傷刺數戟手指皆墮居士踰牆得出如法珍亦散走還臺靈秀仍往石頭迎建安王寶寅率文武數百唱警蹕至杜姥宅欣泰初聞事發馳馬入宮冀法珍等在外城內表裏相應因行廢立既而法珍得反處分閉門止使不配欣泰兵鴻選在選內亦不敢發城外眾散事覺詔收欣泰胡松等皆伏誅欣泰少時有人相其當得三公年裁三十後屋瓦墮傷額又問相者云無復公相年壽更增亦可得方伯耳

張欣時初為諸暨令坐罪當死父興世宋世討南譙王義宣吳郡張暢時為彭城王長史官軍欲殺之興世以袍覆暢而坐得免興世卒暢子融著高履負土成墳至是融為司徒竟陵王子良長史乞代欣時死子良曰此是長史美事恐朝有常與不得如長史所懷

史南曰臣讀沈約論云兵固詭道勝在用奇南北連兵相阨而不得進者半歲矣鵠浦投戈實興世力也建旆垂組豈徒然哉史叙亦論云欣泰本以武肖不樂秦韃挾琴遊園傳伏賦詩既

經變內紀前

卷十七

十八

乏匡濟之才又匪阿衡之任乃欲志清象魏躬行伊霍是猶以蚤負山也合二氏之言則張氏之始末見矣洲嶼之生何其良于興世而慘于欣泰執贊曰興世武夫鵠浦投戈欣泰挾琴輕裘雅歌欣時為令亦得民和伊霍之謀遭變孔多

徐度

子敬成 徐世 譜附

徐度字孝節安陸人少倜儻不拘小節安魏瑗瑤嘗酒好博恒使僮僕屠酤為事初從梁始興內史蕭介征諸山洞以驍勇聞陳武帝在交趾乃委質焉

侯景之亂武帝刻廣州平蔡路養破李遷仕計畫多出於度侯景平追錄前後戰功封廣德縣侯武帝鎮朱方除蘭陵太守武帝遣衛陽獻王從荊州度率所領從焉江陵覆亡東歸武帝討杜龕奉敬帝幸京口以度領宿衛并知留府事徐嗣徽任約等來寇武帝與敬帝還都時賊已據石頭使度頓軍於治城寺明年嗣徽等又引齊寇濟江度隨眾軍破之於北郊壇以功除郢州刺史兼領吳太守文帝卽位累遷侍中中撫將軍開府儀同三司天嘉元年以平王琳功改封湘東郡公及太尉侯瑱

經變內紀前

卷十七

十九

薨于湘州以度代瑱為都督湘州刺史秩滿復為侍中中軍大將軍文帝崩度預顧命許以甲仗五十人入殿省廢帝卽位進位司空薨贈太尉謚曰忠肅配享武帝廟廷子敬成嗣

徐敬成幼聰慧好讀書起家著作佐卽永定元年領度所部士卒隨周文育侯安都征王琳於沌口敗績為琳所繫二年隨文育安都得歸父度為吳郡太守以敬成監郡光大元年為巴州刺史尋為水軍隨吳明徹平華皎太建二年以憂去職尋起為南豫州刺史兼領湘東郡公五年除吳興太守隨

都督吳明徹比討出秦郡別遣敬成為都督乘金  
翅車引隸沂江陵濟人皆城守弗敢出自繁梁湖  
下淮包淮陰山陽鹽城二部仍進剋鬱州進號壯  
武將軍鎮胸山坐於軍中輒科訂并誅新附者免  
官尋除安州刺史鎮宿豫卒謚曰思子敬嗣

徐世譜字興宗其先已東復人世居荊州為主帥  
征蠻貊世譜尤勇敢有膂力善水戰梁元帝為荊  
州刺史世譜將領鄉人事焉侯景之亂因預征討  
累遷至員外散騎常侍尋領水軍從司徒陸法和  
與景戰於赤亭湖時景軍甚盛世譜乃造別樓船

梁陳內紀前

卷三十七

王

船艦火舫水車以益軍勢將戰又乘大艦居前大  
敗景軍禽景將任約景退走因隨王僧辯攻郢州  
世譜復乘大艦臨其倉門賊將宋子仙據城降以  
功除信州刺史封魚復縣侯仍隨僧辯東下桓為  
軍鋒景平以衡州刺史資領河東太守西魏攻荆  
門世譜鎮馬頭岸據有龍洲元帝授侍中都督江  
南諸軍事鎮南將軍護軍將軍魏剋江陵世譜東  
下依侯瑱紹泰元年徵為侍中左衛將軍陳武  
拒王琳其水戰之具悉委世譜世譜性機巧諳  
舊法所造器械隨機損益妙思出人永定二年遷

護軍將軍文帝即位歷特進右光祿大夫以久失  
明謝病不朝卒謚曰桓侯弟世休官至散騎常侍  
安遠將軍封枳縣侯謚曰壯侯

史南曰徐氏一自安陸一自江陵或起兵助梁  
獻策鶴澤之上或戮力戴陳樹功魚復之間雖  
人品不同心術多詭要之亦乘時進會以自見  
於世者而能身都將帥手握樞機不亦躋乎賢  
曰徐氏崛起魁梧奇特討平侯景其功有載分  
符錫土以揚世烈忠肅思壯萬夫之杰

余玠

梁陳內紀前

卷三十七

王

余玠字義夫蘄州人家貧落魄無行喜功名好大言  
少為白鹿洞諸生嘗携客入茶肆歐賣茶翁死脫  
身走襄淮時趙葵為淮帥玠佐長短句上謁葵壯  
之留幕中補進義副尉擢將作監主簿權發遣招  
進軍充制置司參議進工部郎官嘉熙三年與元  
兵戰于汴城河陰有功授直華文閣淮東提刑兼  
知淮東制置司參議謀官淳祐元年玠提兵應援  
安豐拜大理少卿陞制置副使進對必使國人上  
下事無不確華夏率孚天人感格今世胄之彥塲  
屋之士田里之豪一或即戎指為羸人斥為奢伍

願陛下視文武為一忽今偏有所重帝曰卿人物  
議論皆不常可獨當一而卿宜少留當有擢用乃  
授權兵部侍郎四川宣諭使帝慰遣之玠亦自許  
當手摯金首獨還本朝尋授兵部四川安撫制置  
兼知重慶府四川總領疲蹙轉運使自寶慶三年  
至淳祐二年凡授宣撫三人制置使九人副四人  
或老或暫或貪或憐或繆或遙領而不至終無成  
績於東西川無復統律遺民咸不聊生監司戎帥  
各專號令擅辟守宰蕩無紀綱蜀日益壞及聞玠  
入蜀人心粗定始有安土之志玠大更敝政遴選

經變內紀前

卷三十七

三

守宰築招賢之館下令曰集眾思廣慮益孔明所  
以用蜀也有謀告我者徑詣公府所在以禮遣之  
豪傑之士趨期立事今其時矣士之至者玠不厭  
禮接咸得歡心言有可用隨才任之播州冉氏兄  
弟璉璞隱居蠻中前後聞帥辟召堅不肯起聞玠  
賢相謂曰是可與語矣遂詣府上謁玠即出見之  
分廷抗禮賓館之奉冉安之若素居數月無所言  
玠將謝之迺為設宴酒酣坐客紛紛競言所長璉  
兄弟飲食而已玠以微言挑之卒默然玠曰是觀  
我待士何如耳明日更闕別館處之且日使人覘

其所為兄弟終日不言惟對踞以堊畫地為山川  
城池之形起則漫去如是又旬日請見玠屏人曰  
某兄弟辱禮遇思少裨益非敢同眾也今日日計  
其在徙合州城乎玠不覺躍起執手曰此玠志也  
曰蜀形勝之地莫若釣魚山請徙諸此若任得其  
人積粟以守之賢於十萬師遠矣巴蜀不足守也  
玠大喜曰玠因疑先生非淺士玠不敢掠以歸已  
遂不謀於眾密以其謀聞於朝請不次官之詔以  
璉為承師即權發還合州璞為承務即權通判州  
事徙城之事悉以任之命下同辭為不可玠怒曰

經變內紀前

卷三十七

三

城成則蜀賴以安不成玠獨坐之諸君無預也卒  
築青居大獲釣魚雲頂天生凡士餘城皆因山為  
壘基布星分為諸郡治所屯兵聚糧為必守計且  
誅潰將以肅軍令又移金戎於大獲以護蜀口移  
沔戎於青居興戎先駐合州舊城移守釣魚共備  
內水移利戎於雲頂以備外水於是若臂使指氣  
勢聯絡又屬嘉定俞興開屯田於成都蜀以富裕  
十年冬玠率諸巡邊直搆興元元兵與之大戰十  
二年又大戰于嘉定初利司都統王夔素殘悍號  
王夜叉恃功驕恣桀驁所至劫掠毒害脇取玠至

嘉定變帥所部兵迎謁才羸弱二千人玠曰久聞都統兵精今疲敝若此殊不稱所望夔對曰變兵非不精所以不敢即見者恐今從人耳頃之班聲如雷江水如沸鼓止圓陣即合旗幟精明器械森然沙上之人彌望若林立無一人敢亂行者舟中皆戰掉失色而玠自若也徐命吏頒賞有差夔退謂人曰儒者中迺有此人玠久欲誅夔謀於親將楊成成曰夔在蜀久所部兵精視侍郎為文臣必不肯甘心今縱弗誅養成其勢西蜀危矣玠曰欲誅久矣獨患黨衆未發耳成曰夔在蜀久孰與吳

經變內紀前

卷三十七

三

氏百戰保蜀傳之四世恩威益張根本益固蜀人知有吳氏而不知有朝廷曦為畔逆諸將誅之如取狐豚况夔恃狴突之勇敢慢法度縱兵殘民非有吳氏得人之固也今誅之一夫力耳玠意遂決夜召夔計事潛以成代領其衆夔離營而新將已單騎入矣將士皆愕胎相顧不知所為成以帥指曉之遂相率拜賀夔至斬之或因察其所與為惡者數人以法誅之乃薦成為文州刺史戎帥欲舉統制姚世安為代玠素敬重軍中舉代之故以三千騎至雲頂山下遣金都統世安世安聞開

且有危言然常疑玠圖已屬丞相謝方叔家子姪自永康避地雲頂世安厚結之求方叔為援方叔因倡言玠失利戎之短陳於帝前於是世安與玠抗齟齬不樂實祐元年聞召愈不自安一夕暴卒蜀人悲慕玠自入蜀進華文閣待制賜金帶權兵部尚書進徽猷閣學士陞大使又進龍圖閣學士端明殿學士及召拜資政殿學士恩例視執政其卒也帝輟朝特贈五官以監察御史陳大方言奪職六年復之玠之治蜀也任都統張實治軍旅安撫王惟忠治財賦監簿朱文炳接賓客皆有常德

經變內紀前

卷三十七

三

至於修學養士輕徭薄征自寶慶以來蜀閭未有能及之者惜其遽以太平自詫進蜀錦囊適於文飾久假便宜之權不顧嫌疑昧於勇退遂來緹口而又置機捕官雖廉得事情然寄耳目於群小虛實相半故人多懷疑懼至於世安拒命玠威名頗挫齋志以沒有子曰如孫取當如孫仲謀之義遣論改師忠歷大理丞為賈似道所殺

史南曰蜀自吳曦倡亂姦宄接踵蠶叢魚鳧之域率為滅汙納疾之區余玠起自亡命出師郡符乃能延訪諸賢戡定禍亂希蹤武侯可謂有

志矣然而一聞召命心不自安乃其不學無術  
故也是宜以管樂自許者傳平贊曰龍虎啓宇  
遂為兩川峨嵋千霄灝瀨激瀾余玠撫綏危然  
後安似道煽霍忠義膽寒

或問曰經變曷為乎書曰天下之事其變也無  
窮而其伏也無盡君子亦惟經德以提身經世  
以裕國處變而不失其常焉斯可矣苟弗樹德  
務滋祗炫才以矜已用才以德徒飾術以馭人  
吾見其敝焉已兩三代而後至戰國其變也若  
春之餘游氣紛擾糾糾為兩兩漢而後至三國  
其變也若夏之餘炎蒸燄鬱勃勃為兩兩晉而  
後至六朝其變也若秋之餘神飈蕭瑟颯颯為  
兩自唐而後至五季自宋而後至三虜其變也  
若冬之餘嚴霰淅瀝凜凜為兩天啓我  
明重開景運王氣周而復始是故天不變道亦不變  
君子反經以裁變道不在茲乎

經變內紀前

卷三十七

二十六

楚紀卷之三十七

楚紀卷之三十八

皇朝進士經筵講同修國史奉直大夫鄭燦侍講學士臣廖道南謹

經變內紀後篇

徐壽輝

徐壽輝蘄州羅田人初名真一體貌魁岸木強無他  
能以燒香聚眾起初袁州慈化寺僧彭瑩王以妖  
術惑眾其徒周子旺因聚眾謀叛事覺元江西行  
省發兵捕誅子旺等瑩王走至淮西匿民家捕不  
獲既而麻城人鄒普勝復以其術鼓妖言謂彌勒  
佛六生當為世主遂起兵為亂以壽輝相貌異眾

經變內紀後

卷三十八

一

乃推為主舉紅巾為號攻破蘄水縣進陷蘄州壽  
輝遂僭稱帝國號天完改元治平據蘄水為都以  
普勝為太師時歲辛卯八月也壬辰正月遣其偽  
將丁普即徐明達陷漢陽興國普勝陷武昌魯法  
興陷安陸又陷沔陽及中興踞二月陷江州南康  
踞分兵陷岳州房州歸州三月遣歐普祥陷袁州  
陶九陷瑞縣項普瑞陷饒州徽州信州閏三月遣  
陳普文陷吉安鄉民羅明遠引兵擊却之已而  
普文反兵復陷其城歲癸巳元兵既復其府陷諸  
州踞十月進兵討壽輝於蘄水大破之獲偽官四

百餘人復武昌溪陽諸路壽輝遁走乙未五月壽輝偽將倪文俊復陷沔陽中興路七月復陷武昌漢陽遂陷岳州丙辰正月倪文俊建偽都于漢陽迎壽輝居之五月倪文俊陷澧州八月陷衡州丁酉二月陷峽州破鹿盧關明玉珙又進陷川湖諸郡因據守之八月文俊謀弑壽輝於漢陽不果奔郢州友諒因襲殺文俊盡領其衆而自稱平章戊戌正月友諒領兵陷安慶四月陷龍興復陷瑞州遣康泰趙宗鄧克明等寇邵武使別將陷吉安而自以兵陷撫州八月陷建昌九月陷贛州己亥正月陷信州三月遣兵陷襄陽復遣兵略衢州破祁關而自引兵至江州迎壽輝初壽輝聞友諒破龍興將徙居之友諒恚其來不利已不從壽輝不聽引兵發潯陽十二月至江州友諒佯出迎而伏兵城西門外壽輝既入門閉伏發盡殺其部衆惟存壽輝乃以江州為都奉壽輝居之事權一歸於友諒壽輝但擁虛位至是友諒挾壽輝以兵犯太平於采石舟中賊使人白事令壯士持鐵鎚自後擊之碎其首死

史南曰天地之運合而復分分而復合方其分

經緯內紀後

卷五

二

也逆氣所感而妖沴生焉及其合也順氣所感而禎祥生焉其合也其常也其分也其變也自皇降而帝帝降而王其始而合也為夏為商為周分也為春秋為戰國而秦政項羽為之驅其繼而合也為漢為唐為宋其分也為六朝為五季而阿骨鐵木為之盡至元則天地晦冥陰陽爭戰彗孛天飛龍蛇走陸大亂極矣徐壽輝以一木強之夫假左道以嗾強胡而友諒王珍皆其麾下角鬪爪分么麼干紀吮翼搏閭奸倡亂血可汗于旄頭梟天驕于蠱下豈非夫假于

群雄以為

真主之先鋒也哉

明玉珍

明玉珍隨州玉沙人世業農身長八尺目有重瞳行乎鄉黨質訟者皆往焉元至正辛卯兵起里人相結屯于青山推玉珍為屯長癸巳冬徐壽輝僭號于漢陽遣使招玉珍授元帥益兵俾鎮沔陽與元將哈林禿戰湖中流矢中其右目乙未夏沔陽饑玉珍率斗船五十艘入峽買糧時義兵元帥楊漢辰州人挾精兵五千屯平西寨重慶行省右丞完

經緯內紀後

卷五

二



者都誘殺之麾下奔散遇王珍於夔門訢其事且言重慶城中止有左丞哈林禿右丞完者都素不相得所部別無應兵請攻之王珍猶豫萬戶戴壽力勸時蜀承平久遠邇騷然完者都夜遁生獲哈林禿父老迎入城王珍禁虜掠城中按堵如故降者絡繹不絕乃獻捷于壽輝秋授王珍隴蜀省右丞戊戌春二月完者都復屯嘉州大佛寺欲規復重慶王珍使弟明二攻之相持半載王珍乃自往旬日軍潰生擒完者都及趙參政戮於重慶市以禮葬之過瀘州聞前元進士劉禎遂往見之喜曰

賦稅十取其一農家無力役之征置郊社之祭賜董璧等進士出身有差命萬勝取雲南是年冬高皇帝遣使諭曰湖人本處沙塞今反居中原是冠履顛倒足下應時而起居地上流長江之險相為唇齒協心同力并復中原惟圖之王珍遣參政江儼谷聘丙午春王珍卒在位五年壽三十六子昇襲位年方十歲改元開熙萬勝與張文炳有隙文炳使王珍義子明昭矯其母彭氏旨召勝殺之使劉禎代為丞相勝黃陂人智勇過人王珍妻以弟婦稱為明二吳友仁移檄與兵昇命戴壽討之友仁遺書曰不誅昭國必不安大臣俱為所害若昭朝誅吾當夕至壽乃奏之誅友仁入朝謝罪洪武二年己酉復遣使取木于蜀庚戌春又遣使假道攻雲南戴壽沮之又遣參政蔡椿來招不聽四年辛亥乃遣平章楊璟永康侯廖永忠由水道攻夔關潁川侯傅友德總兵十萬從階文攻泰州戴壽備瞿塘甚固二將攻之弗克二月友德破秦川入綿漢戴壽聞之分兵守瞿城自將倍道救成都友德環兵圍之令諸軍造木牌上書四月克漢州以油塗之投於江變軍得之勇氣百倍遂克夔關趨

重慶夏六月左丞相劉仁以昇降在位六年戴壽在成都亦降友德戮壽等送昇于京封歸德侯授仁應天府尹凡傳共十一年

史南曰臣攷諸方遜志讚云夏主非有意于據蜀以群生遭亂躬行儉約興文教闢異端禁侵掠薄稅歛厯年雖不永民咸懷之夫聖王啟運必有為之先驅者項羽為漢之先驅李密為唐之先驅六合雲擾三精霧塞而後大明麗空景星炳曜若明王珍等徒為一方之先驅云爾豈必論其歷年哉

經變內紀後 卷三十八

六

陳友諒 子理附

陳友諒沔陽人本姓謝祖千一贅于陳遂從其姓父普才黃蓬漁子也友諒幼岐嶷比長膂力過人優於武藝嘗為縣吏不樂會羅田徐壽輝與倪文俊兵起慨然往從之為文俊簿書掾尋亦領兵為元帥及文俊專恣心不能平元至正丁酉九月文俊謀殺壽輝不果奔黃州友諒因乘釁襲殺之遂并其軍自稱平章戊戌友諒攻安慶守臣余闕固守倚小孤為藩蔽命義兵元帥胡伯顏統兵戍守友諒自上流直擣山下伯顏與戰四日夜不勝奔還

經變內紀後 卷三十八

七

友諒進薄城下闕遣兵扼之俄而饒兵攻西門友諒兵乘東門既登城闕簡死士奮擊敗之友諒患甚乃并軍樹柵起飛樓來攻闕分兵捍敵晝夜不得息友諒兵四面蟻集城陷闕死之夏四月破龍興路復破瑞州五月友諒遣康泰趙琮鄧克明等攻邵武又遣別將攻吉安踞進破撫州八月破建昌踞九月破贛州十一月破汀州己亥三月遣兵略衢州遣兵破襄陽踞六月復遣其黨王奉國攻信州元江東廉訪使伯顏不花的斤自衢往援破走其兵後數日又攻之復大破之友諒弟友德植木柵攻城益急又遣使來說降的斤數其罪而斬之王奉國遂穴地梯城晝夜攻之踰旬城陷的斤死之十二月陷杉關初徐壽輝聞友諒破龍興欲徙都之友諒忌其來不利已不從至是壽輝固引兵發漢陽南下江州友諒陽出迎而伏兵於城西壽輝既入門閉伏發盡殺部屬遂自稱漢王立王府置官屬庚子四月友諒以壽輝自樅陽攻池州張德勝率我師往援至則守將趙忠被執城已陷矣乃設伏敗之斬首萬級生擒三千餘遂復池州五月友諒以重兵犯太平城陷殺其守將花雲直

犯龍江

高皇帝大怒命諸大將共謀擊之于石灰山殺傷相當馮勝率敢死士直衝其中堅大破之友諒僅以身免迨至采石復大戰友諒大敗而遁至采石弑其主徐壽輝以采石五通廟為行殿稱帝國號漢改元大義仍以鄒普勝為太師張必先為丞相群下立江岸草次行禮值大雨至畧無儀節既而復還江州遣人約張士誠侵建康

上以康茂才與友諒舊召使書策茂才曰吾家有老闢舊嘗諒令賁書偽降約為內應必信無疑友諒為紀後

卷三

諒得書果大喜問曰康公安在曰見守江東橋又曰橋何如曰木橋也乃遣使還謂曰歸語康公吾即至至則呼老康為號歸具以告乃命李善良易江東橋以鐵石通宵治之友諒至見非木橋乃驚疑連呼老康無應之者始知關者謬已茂才乃合諸將奮擊大破之降其將張志雄梁鉉喻國興劉世衍等縛其士卒二萬友諒奔還尋遣其將張定邊陷安慶府

上令諸將曰友諒賊殺其主僭稱大號侵我太平犯我建康今又陷我安慶觀其所為不滅不已爾等

其屬士卒以從徐達進曰師直為壯我直彼曲焉有不克獻計者或謀以城降或以鍾山有王氣欲奔據之或欲決死一戰而走未晚也劉基獨張目不言

上乃召基入基曰先斬主降議及奔鍾山者乃可破耳

上曰計將安出基曰如臣之計莫若傾府庫開至誠以固士心且天道後舉者勝宜伏兵伺隙擊之取威制敵以成王業在此時也

上遂用基策督諸帥率舟師乘風遡流而上遂克安慶長驅而江州距其都五里許友諒始知之謂神

卷三

九

兵自天而降大破之友諒孥妻子夜奔武昌我師遂入九江獲馬二千足糧十餘萬石既而友諒相胡廷瑞見江州已破遣使詣軍中請降平章祝宗亦以南昌降壬寅春正月

上命宗從徐達征武昌宗中道叛回據南昌四月始定其亂

上曰得南昌是去陳氏一臂因命大都督朱文正統元帥趙德勝等往鎮其地時友諒據湖廣張士誠據浙西皆未下眾以為蘇湖地肥饒欲先取之基

曰士誠自守虜耳友諒居上流且名號不正宜先伐之陳氏既滅取張氏囊中物耳

上曰友諒剽而輕其志驕士誠狡而懦其器小志驕則好生事器小則無遠圖若先攻士誠友諒必空國而來是我疲於應敵事有難為先攻友諒士誠必不能踰姑蘇一步以為之援朕所以取二寇者固自有先後也會友諒忿其疆場日蹙乃作大艦來攻洪都自為必勝計載其家屬百官空國而來以兵圍城其氣甚盛號六十萬兵戴竹盾禦矢石用雲梯等攻具百道攻城文正城上發砲石擣木

經變而紀後

卷三十八

十

火箭無不破之敵晝夜環攻友諒親督促之意必拔文正主畫軍中分布諸將隨方應敵剪獲世衆友諒覆以所獲吉安守將劉齊朱華臨江同知趙天佑狗城下文正畧不為動已而德勝中流矢死被圍日久音問不通文正遣千戶張子明告急控建康敵攻城益急文正遣捨命王詣友諒營詭約出降友諒信之緩其攻及期城上旗幟一新至暮不出友諒乃縛捨命王於城下殺之文正堅守以待援至初子明取東湖小漁舟夜從水關潛出越石頭口夜行晝止半月始達建康

上問友諒兵勢何如子明對曰友諒兵雖盛戰關死者亦不少今江水日涸賊之巨艦將不利用又師久乏糧者援兵至必可破也

上曰歸語文正但堅守一月吾當自取之子明還至湖口為友諒所執友諒使呼文正出降子明至城下呼曰大軍且至固守以待文正聞之守益堅敵莫能破七月丙戌

上親帥諸將發舟師二十萬進次湖口自友諒圍洪都至是凡八十有五日間援兵至即解圍東出鄱陽湖以迎我師丁亥遇于康郎山戊子我師分為

經變而紀後

卷三十八

十

十二屯徐達常遇春等諸將擊敗其前軍俞通海復乘風發火砲焚寇舟二十餘艘軍威大振友諒驍將張瑄定遠奮前欲戰常遇春射却之廖永忠即以飛舸追定遠定遠走身被百餘矢卒多死傷已丑諸軍接戰至曉東北風起以七舟載葦筏置火藥其中乘風縱火焚其水寨舟數百艘火熾烟焰漲天湖水盡赤友諒弟友仁友貴及平章陳普略等皆焚死溺萬餘人賊鋒盡挫庚寅永忠通海等以六舟深入鏖戰敵聯大艦擁蔽悉撓刀以死拒我師望六舟無所見意已陷沒有頃六舟出勢若

游龍我師見之勇氣愈倍合戰益力呼聲動天地敵兵大敗友諒奪氣辛卯張定遠欲退保鞋山為我師所扼不得出歟舟自守不敢戰是夕我師渡淺泊于左蠡與友諒相持者三日八月八日我舟入江駐南湖嘴水陸結營劉基期以金木相犯日決勝負敵舟不敢出糧且盡壬戌友諒計窮冒死突出欲由禁江口奔還武昌

上麾諸將邀擊之舟聯比隨流而下自辰至酉力戰不已友諒是日中流矢貫睛及顙而犯擒其太子善兒諒自稱帝至死僅四年年四十其平章陳榮

經變內紀後

卷三十八

十一

姚天祥以樓船軍馬五萬來降定遠乘夜以小舟載友諒屍及其子理徑趨武昌復立理為帝改元德壽我師復圍之甲辰春正月

上建國號吳二月以武昌圍久不下乃親往視師督諸將擊之擒其元師張必先既而遣羅復仁入城諭陳理降遂率其太尉張定遠詣軍門降凡府庫悉令理自取城中民多饑困命給粟賑之於是湖廣江西諸郡相繼皆降乃封友諒父普才承恩侯理順德侯友諒兄友富歸仁伯友直懷恩伯弟友仁追封康山王命有司塑像歲祀焉後普才徙除

理徙高麗

史南曰臣攷史叙沔陽志云友諒奮臂遂湖提戈荆楚遂能屢破堅城卒僭尊位可謂勇矣然既成主師復弑天完凶戾罕傳殘虐無厭人謂項籍矯殺冠軍陰弑義帝似也及天命有歸

真人首出諒不能委身江漢輸欵闕廷而乃犯我龍江闕我洪都盛兵東下志意驕悍此何異榮陽之圍也卒之授首鄱陽鯨鯢盡殪何假烏江之刎乎驅爵於林驅魚於淵蓋聖王之鷄獮云爾或問曰子撰經變末及于壽輝友諒王珍何也

經變內紀後

卷三十八

十一

曰日月貞明者常也而夫環珥背袂者變也星辰成象者常也而夫飛流凌闕者變也山川峙派者常也而夫宰崩湮汨者其變也是故聖人經變而後能弘化君子制變而後能昭節世至于元日月隱曜星辰失度山川滋沴人物罹災薄海外內逆氣紛擾而壽輝友諒王珍胥起于楚豈非楚位離垣肇開災運而翦除腥胡廓清沙漠日月重華星辰重輝山川重潤觀人文以化成貴物采以奠嚴以繇萬世太平之業美乎

楚紀卷之三十八



于秦王不如深善齊韓懷王從之竟不合秦而合齊以善韓秦昭王貽書請盟于武關睢曰王母行而發兵自守耳秦虎狼不可信有并諸侯心懷王子子蘭勸王行王入秦閉武關王悔不用睢言楚大臣謀立王庶子睢曰王與太子俱困于諸侯而今又倍王命立其庶子不宜乃詐赴于齊齊王歸楚太子橫是為頃襄王時有宛將昭鼠將十萬伐秦昭蓋獻策于太子橫今將軍屈署和齊以距秦而昭魚則又請立后不聽昭常則又諫獻地于齊而附名策書者

經變外紀前 卷三十九

三

史南曰楚之巨族必曰昭屈景昭氏自奚恤見惡于江乙昭陽為楚柱國而昭睢昭過俱為謀臣昭鼠昭魚昭常昭蓋亦能策名中顯于楚孟軻所謂為政不難無得罪於巨室者非耶贊曰昭氏多才為楚之望紆難解紛有足嘉尚尚口乃窮列國爭長秦人反噬楚當曷饗

景舍 景陽附 景翠

景舍楚大夫也楚宣王時魏拔邯鄲昭奚恤告王無救趙以強魏景舍曰不然夫魏之攻趙也恐楚之攻其後也今不救趙趙有亡形而魏無楚憂是楚

魏共趙也害必深矣何以兩敵也趙見亡形而楚不救已必與合而謀楚故王不如少屈兵以為趙援趙恃趙勁必與魏戰魏怒于趙之勁而見楚之不足畏也必不釋趙趙魏相敵而齊秦應楚則魏可破矣王使景舍將兵救趙楚取睢滅之間懷王時有景鯉者使秦與秦魏遇王怒其有陰謀也且罪之鯉曰臣賀鯉之與于魏也秦魏之遇將以合齊秦而絕齊于楚也今鯉與於魏齊無以信魏之合已于秦而攻楚也齊又畏楚之有陰于秦魏必重楚也故鯉之遇王之大資也厥後有景翠者楚

經變外紀前 卷三十九

四

令賂地于齊昭睢謂曰公不如令王重賂景鯉蘇厲使入秦秦恐必不求地而合於楚也時又有景陽者將兵救燕知營壁之將爾全師而歸

史南曰景氏諸臣多說客也景舍之救趙景鯉之會魏各有其說矣乃若景翠之入秦景陽之救燕又一說也君子將奚取焉不受變于俗而能經變以為常者是之取爾贊曰楚昭屈景為國大族景舍構謀景鯉解繆蘇厲縱橫楚邦之辱

傳慎子 子良附



傳慎子楚襄王傳也襄王初為太子質於齊齊王要

其獻東地五百慎里子曰獻地以為身也臣以為  
獻之便及歸即位王問群臣上柱國子良曰王不  
可不與也不與則不信請與而後攻之昭常曰王  
不可與也今去東地是有萬乘之號而無千乘之  
用也常請守之景鯉曰王不可不與也不與負大  
義於天下楚亦不能獨守王以三太夫計告于慎  
子曰王皆用之王怫然曰何謂也慎子曰臣請効  
其說而王見其誠也王發上柱國子良車五十乘  
而北獻地五百里于齊發子良之明日遣昭常為

經變外紀前

卷三十九

五

大司馬令往守河東遣昭常之明日遣景鯉車五  
十乘西索救于秦王曰善子良至齊獻地昭常率  
兵守之齊攻之景鯉求救于秦秦責齊曰隘楚太  
子弗出不仁又欲奪之東地不義齊王恐子良南  
道楚西使秦東地復全慎子之功也

史南曰易稱碩果不食將剝盡而復也楚是時  
蓋已入于秦之虎口矣慎子集三臣以救之其  
亡其亡繫于苞桑可不戒哉贊曰楚有慎子襄  
王之傳曰視士壘所得何補模稜西可已誤再  
誤自今觀之皆慚前

黃歇 宋英附

黃歇楚春申君也事楚頃襄王使于秦聞秦昭王遣  
白起合韓魏伐楚歇上書畧曰天下莫強于秦楚  
今大王欲伐楚此猶兩虎共鬪而駑犬受其弊臣  
聞物至則反冬夏是也致至則危累棋是也今王  
之功多矣王之威單矣王若能持功守威絀攻取  
之心而肥仁義之地使無後患三王不足四五伯  
不足六也夫以王壤地之博人徒之衆兵革之疆  
一舉事而樹怨于楚是王失計也臣為王慮莫若  
善楚昭王乃止白起而謝韓魏約楚為與國黃歇

經變外紀前

卷三十九

本

受約歸楚楚使太子完入質于秦留之數年楚頃  
襄王病太子不得歸而與秦應侯善黃歇乃說應  
侯曰楚王恐不起秦若歸其太子得立其事秦必  
重而德相國無窮是親與國而儲萬乘也若不歸  
則咸陽一布衣耳楚更立太子必不事秦是失與  
國而絕萬乘之和非計也應侯以聞昭王乃遣太  
子之傳先歸歇憂甚乃請太子與使者俱出而歇  
守舍當為謝病度太子已遠乃自言昭王曰楚太  
子已歸歇願賜死昭王大怒應侯曰歇為人臣出  
身以徇其主不如歸之歇至楚頃襄王卒太子完

立是為考烈王以黃歇為相封為春申君賜淮地十二縣時齊有孟嘗君趙有平原君魏有信陵君方招致賓客以相領歇相楚以荀卿為蘭陵令門下客三千餘人皆躡珠履客有觀津人朱英言於歇從楚都于壽春歇封于吳有李園者進妹於歇有身而納之王宮生子立為太子是為幽王李園恐事泄陰養死士欲殺歇以滅口朱英告歇不聽遂被害

史南曰臣觀太史公云春申君說秦昭王及出身遣太子歸何其智之明也後制於李園老矣

經樂外紀前

卷三十九

七

夫呂不韋進部鄆姬於秦王與歇同時而事亦類豈天厭秦楚之惡耶故曰天有顯道厭類惟彰信夫贊曰不韋內慕節部鄆姬黃歇踵之李園是欺珠履三千朱英受知滿盈不戒作孽自危

劉玄 劉續

劉玄字聖公世祖之族兄也初避亂于平林父子張為吏所繫玄詐死歸春陵王匡兵起王常為武成丹往從之攻拔竟陵安陸諸郡廖湛起玄從之為安集侯破王莽兵斬其將梁丘賜號玄為更始將

軍立為帝改元更始後諸將誅莽徙都洛陽

劉續字伯升世祖之兄也初寓棗陽之春陵性剛毅有大節王莽篡漢常憤憤懷恢復志起兵春陵率平林廖湛等合兵而進敗莽兵更始至拜大司徒封韓信侯後遇害光武即位封齊王謚曰武

史南曰襄志載續及岑彭諸將皆以為棗陽人攷之漢史劉玄起春陵度諸將從之有弗同者是故孔子存史之闕文如夏五不削也矧玄續為帝室之胃乎贊曰美哉春陵鬱鬱葱蔥白水真人時乘六龍劉續起兵賊莽內訌更始弗君

經樂外紀前

卷三十九

八

齊王追封

劉馬 子璋

劉馬字君郎江夏竟陵人魯恭王之後裔也漢章帝元和中徙封竟陵支庶家焉馬少仕州郡以宗室拜中郎後以師司徒祝恬喪去官居陽城山積學教授舉賢良方正辟司徒府歷雒陽令冀州刺史南陽太守宗正太常靈帝政衰王室多故乃建言刺史太守寵賂為官可選重臣以為牧伯馬求交趾欲避世難議未即行侍中董扶私謂曰京師將亂益州分野有天子氣焉聞扶言更在益州會益

州刺史卻儉有怨聲而并州刺史張蓋梁州刺史耿鄙俱被害焉謀遂行出為監軍使領益州牧封陽城侯扶亦求為蜀郡西部都尉會巴西趙建俱從之是時涼賊馬相祗等作亂于緜竹殺其長吏李升攻益牧卻儉自號黃巾州從事賈龍破之乃遣吏率迎馬從治緜竹撫納離叛張魯母以鬼道往來馬家遂署魯為督義司馬往漢中斷絕谷閣馬陰圖異計上言米賊斷道託以他事殺州中豪強王咸李權等以立威又擊犍為太守任岐及賈龍馬意漸熾擅造乘輿千乘荊州牧劉表上疏發其狀時馬子範為中郎將誕為治書御史璋為奉車都尉皆從獻帝在長安惟小子瑁為別部司馬隨馬獻帝遣璋宣諭馬留不遣範通征西將軍馬騰謀泄及誕俱伏誅議郎龐羲乃募馬諸將入蜀馬遭火焚其城徙治成都疽瘡背卒趙韞等表上馬子璋為益州刺史詔從之以為益州牧

劉璋字季玉既嗣馬位而張魯驕恣璋殺魯母及其弟以龐羲為巴西太守領兵禦魯璋聞曹操已定漢遣陰溥結好操加璋振威將軍操敗于赤壁復遣法正結好于昭烈建安十六年璋率步騎三萬

往會昭烈主簿黃權力諫璋言父子在蜀三十餘年無恩德以加百姓攻戰三年肌膚草野以璋故也遂出降昭烈遷璋于南郡之公安孫權復以璋為益州牧駐紮歸璋卒雍闓復奉璋子闓為益州刺史諸葛亮南征闓還吳為御史中丞昭烈入蜀以璋長子循為奉車中郎將

史南曰臣讀陳壽評云魏豹聞許負之言則納薄姬劉歆見圖讖之文則改名字不知神明不可虐要天命不可妄冀而劉焉聞董扶之言心存益土聽相者之言求婚吳氏遽造輿服圖竊神器惑矣璋才非人雄負乘致寇理也非不幸也其言豈欺我哉贊曰君郎雄圖益州天府窺象占氣仰祈乾祐傳至劉璋籍糧資寇昭烈遷之雍閭私佑

王機

凡矩

王機字令明長沙人父毅廣州刺史甚得南越情機美姿儀倣儻有度陳恢之亂機年十七率眾擊破之常慕王澄為人澄亦雅知之以為己亞遂與友善內綜心膂外為牙爪尋用為成都內使機終日醉酒不存政事百姓怨之人情騷動會澄遇害機

懼禍及又屬杜毀所在發墓而獨為機守家機益自疑就王敦求廣州敦不許會廣州人背刺史敦訥迎機為刺史機遂將奴門客千餘人入廣州州部將溫邵率眾迎機敦遣將軍葛幽追之及於廬陵機叱幽曰敢送死邪幽不敢逼而歸敦訥聞邵之訥機也乃遣兵擊邵反為所破訥又遣機父兄時吏距之咸倒戈迎機訥眾皆散乃握節而避機機遂入城就訥求節訥歎曰昔蘓武不失其節前史以為美此節天朝所假義不相與自可遣兵取之機慙而止機自以慕州懼為王敦所討乃更求交州時杜弢餘黨杜弘奔臨賀送金百鎰與機求討桂林賊以自効機為列上朝廷許之王敦以機難制因機討梁碩故降杜弘轉為交州刺史碩聞而遣子候機於鬱林機怒其迎逆欲相收拷碩子馳報碩曰王郎已壞廣州何可復破交州也乃禁州人不許迎之府司馬杜讚以碩不迎機率兵討碩為碩所敗碩恐諸僑人為機於是悉殺其良者乃自領交趾太守機既為碩所距遂往鬱林時杜弘大破桂林賊還遇機於道機勸弘取交州弘素有意乃執機節曰當相與迭特何可獨提機遂以

節與之於是機與弘及溫邵劉沉等並反辱陶侃為廣州剋始興州人皆諫不可輕進侃不聽及至州諸郡縣皆已迎機矣侃先討溫邵劉沉皆殺人機遣牙門屈藍還州詐言增糧密招誘所部欲以距侃侃即收藍斬之遣督許高討機走之病死于道高掘出其尸斬首并殺其二子焉王矩字令式機之兄也美姿容每出游觀者盈路初為南平太守豫討陳恢有功遷廣州刺史將赴職忽見一人持奏謁矩自云京兆杜靈之矩問之答稱天上京兆被使召君為主簿矩意甚惡之至州月餘卒史南曰臣觀長沙志乃述矩而畧機豈其弗之攷耶夫機以權謀據交南以要王室其戮尸于陶侃之督護宜也矩之被譴于杜靈之豈其明無人非幽有鬼責已乎贊曰亂雄竊伺乃有王機奪據交南以拒王師陶侃統御執訊與尸兄矩美容宜責靈之張彪張彪自云家本襄陽右衛將軍衡州刺史蘭欽外弟也少亡命若耶山為盜臨城公大連出救東陽州

彪率所領歸之始為防閭後為中兵參軍禮遇甚厚及侯景將宋子仙攻東陽復為子仙所知後去子仙還入若耶趙伯超兄弟稜為侯景山陰令去職從彪後懷異心偽就彪計請酒為盟引刀披心出血自軟彪信之亦取刀刺血報之刀始至心稜便以手按之刀反傷得不深稜重取刀刺彪頭面被傷頤絕稜謂已死因出外告彪諸將言已殺之彪左右韓武入視彪已蘇謂曰我尚活可與手於是武遂誅稜彪不死復奉表元帝帝甚嘉之及侯景幸王僧辯遇之甚厚引為爪牙與杜龕相埒世謂之張杜貞陽侯踐位為東揚州刺史并給鼓吹晝夜樂聲不息剡令王懷之不從彪自征之留長史謝岐居守會僧辯見害彪不自展援時陳文帝已據震澤將及會稽彪乃遣沈泰吳寶直還州助岐保城彪後至泰等反與岐迎陳文帝入城彪因其未定踰城而入陳文帝遂走出彪復城守沈泰說陳文帝曰彪部曲家口並在香嚴寺可往收取遂盡獲之彪將申進密與泰相知因又叛彪彪復敗走不敢還城據西山樓子暗與弟崑崙妻楊氏逃去唯常所蓄一大名黃蒼在彪前後未曾捨離

乃還入若耶山中沈泰說陳文帝遣章昭達領千兵購之并圖其妻彪眠未覺黃犬驚吠嚙一人中喉即死彪拔刀逐之曰何忍舉惡但可取頭誓不生見陳舊彪知不免謂妻揚曰我不忍今落佗處今當先殺然後就死楊引頸受刃曾不辭憚呼妻訣曰生死此別若見沈泰申進等為語曰功名未立猶望鬼道相逢遂殺彪并弟致二首于昭達黃犬號叫彪屍側宛轉血中若有哀狀昭達進軍迎彪妻便拜陳文帝教為家主楊改帝為笑欣然意悅請殯彪喪墳家既畢黃犬又俯伏冢間號叫不離揚還經彪宅請楚師容昭達許之楊以刀割髮毀面哀哭慟甚不更行陳文帝聞之歎息不已遂許為尼後陳武帝軍人求取之揚投井決命時寒垂死火燎乃蘇復起投于火彪始起于若耶蹶于若耶終於若耶及妻犬皆為時所重楊氏天水人散騎常侍驥之女也有容貌先為河東裴仁林妻因亂為彪所納

靡辭思周於物蓄黃犬而罔悖乃若世之奸狡黠之儔視君父如路人棄國家如傳舍者寧不有愧于若妻與犬耶贊曰張彪猛夫縉結蘭欽香嚴匿家若耶潛身黃犬之義死不忘生愧彼黃鳥何求有聲

黃回

黃回竟陵郡軍人也出身充郡府雜使稍至傳教藏質為郡轉為齊帥及去職以回自隨質討元凶回從有功免軍戶後隨質于梁山敗走被錄遇赦因下都於宣陽門與人拳搏偽稱江夏王義恭馬客

魏書

卷三十九

十五

被鞭二百付右尚方中書舍人戴明寶被繫差回為戶伯奉事明寶盡力明寶尋得原散委如初啓免回以領隨身隊統知宅及江西墅事性巧觸類多能明寶甚寵任之回捷勁勇力兼人在江西屢為劫盜會明帝初即位海內離叛明寶啓帝使回募江西楚人得壯士八百隸劉勔西討累遷至將校以功封葛陽縣男元徽初桂陽王休範為送回以屯騎校討領軍隸齊高帝於新亭創詐降之計回見休範可乘謂張敬兒曰卿可取之我誓不殺諸王敬兒即日斬休範帝平進爵為侯改封聞喜

魏書

卷三十九

十六

四年遷冠軍將軍南琅邪濟陽二郡太守建平王景素反面又率軍前討城平日回軍先入又以景素讓敬兒奴倪明年遷右軍將軍沈攸之反以回為平西將軍郢州刺史率眾出新亭為前鋒未發而袁粲據於石頭不從齊高帝回與新亭諸將任侯伯彭文王宜興等謀應粲攻高帝於朝堂事既不果高帝撫之如舊回與宜興素不協斬之回進軍未至郢州而沈攸之敗走回不樂停郢州固求南兖遂率部曲輒還改封安陸郡公徙南兖州刺史加都督齊高帝以回專殺終不附已乃使召之及上車愛妾見赤光冠其頭至足苦留不肯住及至見誅回既貴祇事戴明寶甚謹言必自名未嘗敢坐躬至帳下及入內料檢有無隨之供送以此為常回同時為將有南郡高道慶凶險暴橫求欲無已有失意者輒加捶拉至死朝廷憚之齊高帝與袁粲等議收付廷尉賜死

史南曰臣攷諸王沙志謂回曳尾溷濁附翼風雲遂能握符建才提師千里然質性凡鄙不學無術方在郢州固求南兖跡既露帥眾輒還京口石頭回皆預謀顧首鼠不發坐觀敗覆詩

曰為拳為馘職為亂階田之謂也贊曰黃田猥  
瑣何足以嘉附翼風塵曳尾泥沙史叙之論其  
志則遐興言思之超距者耶

張齊

張齊字子響其先馮翊郡人徙居郢州之橫桑少有  
膽氣初事荊府司馬桓歷生歷生遇下嚴酷不甚  
禮之歷生歸吳郡張稷為荊府司馬齊復從之稷  
甚相知齊盡心事稷無所辭憚隨稷歸京師稷為  
南充州擢為參軍委以軍旅齊永元中義師起東  
昏徵稷歸都督宮城諸軍事居尚書省義兵至外

經變外紀前

卷三十九

十七

園漸急齊日造王珍國陰與定計計定夜引珍國  
就稷造膝齊自執燭以成謀明日與稷珍國即東  
昏於內殿齊手刃焉明年高祖受禪封齊安昌縣  
侯邑五百戶仍為寧朔將軍歷陽太守齊手不知  
書目不識字吏事甚修天監二年還為虎賁中郎  
將未拜遷天門太守寧朔將軍如故四年魏將王  
足寇巴蜀高祖以齊為輔國將軍救蜀未至足退  
走齊進戍南安七年秋使齊置大劔寒家二戍軍  
還益州遷五旅將軍巴西太守尋加征遠將軍十  
年邵人姚景和聚合蠻蜒抄斷江路攻破金井齊

經變外紀前

卷三十九

十八

破之初南鄭沒於魏乃於益州西置南梁州州鎮  
草創皆仰益州取足齊上夷獠義租得米二十萬  
斛又立傳興治鑄以贍南梁十二年進假節督益  
州諸軍十二年魏將傳監眼寇南安齊率眾拒之  
監眼退走十四年遷信武將巴西梓潼二郡太守  
是歲段萌人任令宗殺魏太守以城歸益州刺史  
鄱陽王遣齊帥眾三萬督南梁州長史席宗範諸  
軍迎令宗十五年魏東益州刺史元法僧遣子景  
隆來拒齊帥南安太守皇甫謐及宗範逆擊之大  
破魏軍於段萌屠十餘城魏將兵突王穆等皆降  
而魏更增傳監眼兵復來拒戰齊兵少不利軍引  
還於是段萌復沒於魏齊在益郡累年擊蠻無寧  
歲其居軍中親勞士卒同勤苦頓舍城壘皆委曲  
得其便衣糧資用人無困乏既為物情所附蠻亦  
不敢犯是以威名行於庸蜀巴西益州之半  
又當東道衝要刺史經過軍府遠涉齊緣路聚糧  
種荒行者皆給十七年遷持節都督南梁州諸軍  
事智武將軍南梁州刺史普通四年遷信武將軍  
征西鄱陽王司馬新興永寧二郡太守未發而卒  
時年六十七追贈散騎常侍右衛將軍贈錢十萬



布百足謚曰壯

史南曰臣觀尚書顧璘所撰

興都志以齊列之忠賢繼于子文包胥後何其弗倫也夫齊始事歷生復事張稷耳為人役亦黃回之傳耳故呂覽云小忠大忠之賊也惡得為忠賢乎贊曰張齊之謀陰符殺機天地反覆鬼神其依屢秉符節弗鑒先幾雖謚為壯壯頌則宜

樊興

樊興安州人以罪為奴從唐公平長安授左監門將軍從秦王積戰多封營國公數賜黃金雜物後坐

維繫外紀前

卷三十九

十九

事削爵貞觀六年陵州獠反命討之為左驍衛將軍又將李靖擊吐谷渾為赤水道行軍總管後軍期士多死亡失器仗以勲減死後為左監門大將軍襄城郡公太宗征遼以興忠謹副房玄齡留守京師檢校右武侯將軍卒贈左武侯大將軍洪州都督陪葬獻陵

史南曰帝王之興必有翌運之臣或稟廟謨授神策而運籌于帷幄或執干戈擁橐鞬而奔走于疆場災運初隆而刀筆案牘之祿吹簫屠狗之夫皆能宣猷効力附翼攀鱗刑白馬以為盟

治丹符以為信符若唐之樊興始也起身死終也配享廟庭勢使之然也故曰天下勢而已贊曰樊興封侯起于人奴衛青去病今古好仇虐從秦王龍旌鳳旂獻陵陪瘞何足以猶

羅藝

羅藝字子延襄陽人京兆之雲陽父榮隋監門將軍藝剛愎勇攻戰善用槊大業中補虎賁郎將遼東之役李景以武衛大將軍督錄北平詔藝以兵屬分部嚴一然任氣嘗慢侮景天下盜起詠邵號富饒伐遼兵仗多在而倉儲盈羨又臨朔宮多珍

維繫外紀前

卷三十九

二十

寶屯師且數萬苦盜侵掠留守將趙什住賀蘭道晉文衍等惟藝捍寇數破卻之勇常冠軍為諸將忌畏藝陰自計因出師詭說眾曰吾軍討賊數有功而食之官粟若山而留守不賑卹豈安人疆意和士皆怨既還邵丞出郊謁藝執之陳兵入什住等懼爭聽命藝即發貲賜戰士倉粟給窮境內大悅殺異已者渤海太守唐禕等威動北邊柳城懷遠並歸附點柳城太守楊林甫改郡曰營州以襄平太守鄧嵩為總管藝自稱幽州總管宇父化及至山東遣使招藝藝曰我隋舊臣今大行顛覆

義不屑于賊斬使者為煬帝發喪三日時竇建德高開道亦遣使於藝藝謂官屬曰建德等皆剽賊不足共功名唐公起兵據閬中民望所繫王業必成吾決歸之敢異議者戮會張道源撫輯山東亦諭藝降武德二年乃奉表以地歸詔封燕王賜姓豫屬籍數與建德戰多所禽馘秦王繫劉黑闥高祖詔藝弟監門將軍壽以兵從藝自率眾數萬破劉什善張君立於徐河黑闥引突厥入寇藝復以兵與皇太子建城會洛州遂請入朝帝厚禮之拜左翊衛大將軍藝負其功且貴重不少屈秦王左

經義外紀前

卷三十九

二十一

妃相貴當母天下孟令視藝又曰妃之貴由於王貴色且發藝妻信之亦贊以及既敗與李皆伏誅史南曰羅藝首據幽州冀靖隋亂既而投降高祖戮力神州摧黑闥之強制突厥之變然而性多剛愎計起猜疑不思英衛之勲乃貽韓彭之軼易曰盜且乘致寇至而况躬行犯順族被誅夷可不監哉贊曰羅藝闇奸勇常冠軍揮戈挽日提劍凌雲功盟雲臺貌圖昭勲云何不軌貽臭都亭

鄧處訥 蔣勛 雷滿

經義外紀前

卷三十九

三十二

鄧處訥字冲韞邵州龍潭人少從江西人閔頊防秋安南中和元年還道潭州逐觀察使李裕召諸州戍校徇曰今與君等安護州邑以待天子命若何衆稱善乃推頊為留後請諸朝僖宗方在蜀遣使者撫慰當是時撫州刺史鍾傳據洪州議者欲二盜相噬即復置鎮南軍擢頊節度使頊悟不受命更為檢校尚書右僕射欽化軍節度使以處訥為邵州刺史荆南節度使高駢擢雷滿為裨將將鎮蠻軍與里人區景思獵澤中彌聚下命少年千人署伍長自號朗團軍推滿為帥景思為司襲殺刺

史崔翥詔授滿朗州兵馬留後歲略江陵焚廬落  
劫居人俄進武貞軍節度使先是陝溪人周岳字  
峻昭與滿狎因獵宰肉不平而鬪欲殺滿不克見  
滿已據州悉衆趨衡州逐刺史徐顥詔授衡州刺  
史石門峒酋向瓌聞滿得志亦集夷獠數千屠牛  
勞衆操長刀柘弩寇州縣自稱朗北團陷澧州殺  
刺史呂自牧自稱刺史既疆大且治人有恩哀徐  
顥窮率兵納之向瓌召梅山十峒獠斷邵州道項  
掩其營周岳羸軍誘戰項墮伏中故大敗淮西將  
黃皓殺項岳聞亂以輕兵入潭州自稱欽化軍節

度使處訥聞之哭諸將入弔處訥曰與君等荷僕

射恩若合一州之兵問周岳罪奈何衆曰善於是

二十三

後昭宗詔拜武安軍節度使不三日會劉建鋒馬  
殷兵至攻澧陵處訥遣邵州豪傑將助鄧繼崇率  
兵三千斷龍回關勛以牛酒犒師殷說勛曰劉公  
勇智絕人術家言當與翼軫間今精兵十萬攻必  
下戰必克收敗衆以餉軍公哀鄉兵扞關殆矣不  
如下之富貴可得也勛謂然又其下畏建鋒雪夜  
棄甲走建鋒至關曰此天意也盡用邵旗鎧趨潭

州守者以爲軍既入處訥方宴執而殺之

將助邵州人與鄧繼宗同起兵應鄧處訥馬殷說之  
使應劉建鋒殺處訥建鋒初啖以重賞未及行勲  
怒率鄧繼宗攻相鄉取邵州進壁定勝武安建鋒  
使殷督諸將擊之殷大敗走江許鄉人夏侯陟教  
殷以奇兵出迪田踰澗山據江為壁伏兵于莽誘  
勲渡江勲見士未陣爭出鬪殷分兵襲其壁麾灝  
江軍夾擊勲大敗拔定勝一壁進圍邵州未下而  
建鋒死殷代爲節度使勛請和不許卒禽勲斬之  
是時道州蠻酋蔡結何便衡人楊師遠各據州叛

處訥外紀前

卷三十九

二十四

郴人陳彥謙殺刺史董岳發官帑募士自稱都統  
勝兵四千零陵人唐世旻乘黃巢亂脇衆自立與  
景仁合從數遣謀殷虛實完壘自守殷遣將李瓊  
攻永州殺行旻李瓊攻道州蔡結約峒獠為援久  
不勝謀曰蠻所恃林數耳乃屯大川伐山焚林獠  
驚走城陷執蔡結何便殷斬之李瓊出未陽常寧  
攻郴州陳彥謙出戰軍亂不能陣斬彥謙

雷滿字秉仁武陵人兇悍僑勇文身斷髮唐廣明中  
湖南饑盜賊起滿與里人區景思周岳聚諸蠻數  
千獵大澤中乃擊鮮醢酒擇坐中豪者補置伍長

號上團軍諸蠻從之推滿為帥是時高駢鎮荆南召滿隸麾下使以蠻軍擊賊駢徙淮南滿從至廣陵逃歸殺刺史崔勣遂據朗州請命于唐昭宗以澧朗為武真軍滿節度使是時澧陽人向瓌殺刺史呂自牧據澧州而溪洞諸蠻宋鄴昌師益等皆起兵剽掠湖外滿亦以輕舟上下荆江攻剗州縣楊行密攻杜洪于鄂州荆南成汭出兵救洪汭戰敗溺死于君山滿襲破荆南不能守焚掠殆盡而去滿嘗鑿深池於府中客有過者召宴池上指府其水曰蛟龍水恠皆窟於此盖水府也酒酣取坐

雜錄外紀前

卷三十九

二十五

上器擲池中因裸而入取其器嬉水上久之乃出治衣復出意氣自若滿居朗州引沅水塹其城上為長橋為不可攻之計大祐中滿卒子彥恭附于楊行密亦嘗攻剗為荆南湖患開平元年馬殷發兵攻彥恭恃塹為阻逾年不能破三年彥恭奔于楊行密馬殷擒其弟彥雄等七人送于梁斬于汴市彥恭卒于淮南豐朗遂入于楚

史南曰楚地蠻氓雜處溪峒交密黃巢之亂馬殷入楚而鄧處訥將勛雷滿爭為先驅此何異使羊驅狼為鴟驅爵雖曰人謀寔亦地利君子

當酌其時而已贊曰群雄乘翼操刃敵于五季之初彪飛虺螭蟠將勛雷滿處訥相殘嗟乎天道人亦何言

陳儒 杜洪

陳儒江陵人世為牙右職廣明元年以鄭紹業為荆南節度使時朗州刺史段彥謨方據荆南紹業憚之踰半歲乃至僖宗入蜀石紹業還行在以彥謨代節度彥謨與監軍朱敬玫不平謀殺之敬玫覺先率兵入其府彥謨方寢拔劍絕城奔親軍塹不得入彥謨曰而等負我俄見害親屬僚佐皆死敬

雜錄外紀前

卷三十九

二十六

玫以少尹李燧為留後且誣彥謨以罪帝遣中人以先元錫王魯琪慰撫密戒曰敬玫可誅誅之以爾代魯琪為副敬玫盛兵出迎元錫等不敢發而還復詔鄭紹業為節度使逗遛不進敬玫署儒領府事明年遷檢校工部尚書為節度使進右僕射敬玫有悍卒三千號忠勇軍暴甚儒不能制初紹業將申屠宗率兵五千援京師既歸儒告以忠勇挽治琮請除之大將程君從聞之率眾奔澧州琮追斬百餘人軍乃潰已而琮復領軍雷滿三以兵薄城儒厚啖以利乃去淮南將張瓌韓師德據復

岳二州自署刺史儒請璩攝行軍司馬師德攝節度副共擊滿師德兵上峽大畧去璩引兵入逐儒儒將奔行在既又却還囚之時以楊玄晦代敬玟監軍召敬玟還成都懼帝治前罪自解前此數殺大將富商故積賄每曝衣紬繡不可計璩見心動刺遣卒賊之敬玟衣黃衣盜刺其腹死秦宗言來寇馬步使趙匡凝欲奉儒出璩覺之殺匡凝絕儒食七日死璩固壘二歲樵蘇皆盡米斗錢四十千計杯而食號為腸疫死者爭啗其尸縣首千戶以備饌軍中甲鼓無遺夜擊闔為警宗言不能下乃解

續梁外紀前

卷三十九

二十七

去二年宗權遣趙德諱攻璩璩求救于歸州刺史郭禹禹率峽州刺史潘童解圍明年德諱又至諸將困於戰城遂陷璩死人無識者併尸於井復州長史陳璠從璩至江陵密斷璩首置囊中走京師獻之授安州刺史

杜洪鄂州人為里俳兒乾符末黃巢亂江南永興民皆亡為盜刺史崔紹募民疆雄為土團軍賊不敢侵於是人人知兵杭州刺史路審中為董昌所拒走客黃州中和末聞紹率募士三千人鄂州守以洪為州將有功亦逐岳州刺史居之光啓二年安

陸賊周通率兵攻審中審中亡去洪乘虛入鄂自為節度留後僖宗即拜本軍節度使是時永興民吳討譙黃州駱殷據永興二人皆隸土團者也故軍剽甚洪雖得節制而附朱全忠絕東南貢路乾寧初自將擊討乞師淮南楊行密遣朱延壽助之洪引還延壽援黃州俘討獻京師駱殷棄永興走行密取其地洪得駱殷倚為心腹間取水興守之全忠方圖鳳翔昭宗遣使者東出道武昌洪皆殺之時行密畧光州詔洪出兵與忠義趙匡凝武安馬殷襲安州行密使李神福劉存率舟師萬人討

續梁外紀前

卷三十九

二十八

洪駱殷棄永興走縣民方詔守以待命福已得詔大喜以永興杜縣饋餉所仰既得鄂半矣遂進圍鄂州洪嬰城請救於汴全忠率兵五萬營霍立行密禦之汴兵不利引還使別將吳章以三千兵解圍神福迎破之時全忠方與河東軍薄戰故不能救洪洪乃求助於馬殷殷不答洪計窮復走全忠全忠遣曹延祚合吳章兵萬三千救洪淮南將劉存濟坎傳城殷為洪謀曰淮兵深入仰永興以濟若奇兵取之賊不戰而潰洪以精兵合汴人間道掩永興三十里而舍存以方詔苗彥當之汴亡卒

走淮壁言軍虛實曰鄆軍懦可取開道軍不可當也  
也辨曰殺強則弱者挽矣乃自擊開道軍敗之禽  
汴士三百人狗城下洪軍氣沮存使辯士臨說洪  
恃汴方強無降意或勸存急擊援兵則城自下存  
曰擊之賊入則城固矣若縱其遁城可取也俄而  
汴軍走是日城陷執洪及曹延祚斬其餘行密見  
洪責曰爾何逆賊弑主與孤為仇吾軍還而復為  
賊後拒今定何如洪謝曰不忍負朱公與延祚皆  
斬揚州市以劉存守鄂州行密死馬殷遂取其地  
史南曰陳儒杜洪俱以梟獍之資狙儉之謀乘

經學外紀前

卷三十九

二十九

唐室之傾頽肆亂雄之狡黠狐鼠為奸鯨鯢是  
戮局足重輕可垂擣杙于以誅元兇于既死示  
鑒戒于將來云爾贊曰陳儒拔劍杜洪枕戈橫  
行湘嶠跳躍川河山鬼騎豹水若乘龜可為世  
慨將若之何

羅紹威

子周翰附

羅紹威字端已其先長沙人祖讓北遷魏州父弘信  
為牧馬監卒文德元年魏博牙軍亂殺其帥彥貞  
立趙文建為留後又殺之牙軍未知所立弘信狀  
貌奇恠面色青黑軍中與之乃共立為留後唐昭

宗即位拜弘信節度使梁主將攻晉乞糴于洪信  
弘信不與由是有隙梁兵攻魏取黎陽諸縣戰于  
內黃魏兵五戰五敗弘信懼請盟是時梁方東攻  
兗鄆北敵晉遣李存信救朱宣假道於魏太祖間  
遣使語弘信曰晉人志在河朔兵還滅魏矣弘信  
以為然乃發兵擊存信於華縣梁主遣葛從周助  
之梁兵擒晉王子潞送於魏弘信殺之乃與晉絕  
太祖猶疑弘信有二心乃以兄事弘信常卑辭厚  
幣以聘魏魏使者至梁梁主北面拜受謂使者曰  
六兄於我倍長吾何敢慢之弘信大喜以為厚已

經學外紀前

卷三十九

三十

以故太祖往來燕趙之間卒有河壯者魏不為之  
患也弘信死紹威好學工書頗知屬文聚書數萬  
卷開館延士以其先長沙人故封長沙郡王紹威  
新立幽州劉任恭以兵十萬攻魏屠具州紹威求  
救於梁大敗燕軍於內黃明年梁主遣葛從周會  
魏兵攻滄州取德州遂敗燕兵紹威以故梁助已  
魏博自田承嗣始有牙軍歲久益驕至紹威時已  
二百年世相婚姻以自固結前帥史憲誠何全皞  
韓君雄樂彦等皆由牙軍所立怒輒逐殺之紹  
威為政有威嚴然其家世由牙軍所立天祐二年



魏州城中地陷紹威懼有變已而牙校李公怪作亂紹威誅之乃遣使告梁乞兵欲盡誅牙軍梁太祖許之遣李思安等攻滄州召兵於魏紹威因悉發魏兵以從獨牙軍在紹威子廷規娶梁女會梁女卒太祖陰遣客將馬嗣勲選良兵實輿中以長直軍千人雜輿夫入魏詐為助塋梁主以兵繼其後紹威夜以奴兵數百會嗣勲兵擊牙軍并其家屬盡殺之梁主自內黃馳至魏魏兵從攻滄州者行至歷亭聞之皆反分入瀘博諸州魏境大亂數月梁主悉平之牙軍死魏兵悉叛紹威勢益孤梁

魏書卷三十九

三十一

主乃欲奪其地紹威始大悔是歲梁主復攻滄州宿長蘆紹威饋給梁兵自滄至魏五百里起候供帳什物自具梁兵數十萬皆取足紹威以此重因昭宗東遷洛陽詔諸鎮繕理京師紹威營太廟成加拜侍中進封鄴王梁主圍滄州未下劉守光會晉軍破梁潞州梁主自長蘆歸過魏疾作帥府諸將莫得見紹威懼終襲已乃乘間入見曰今四方稱兵為梁患者以唐在故也唐家天下命已去不如早自取之梁主喜乃急歸梁主即位將都洛陽紹威取魏良材為五鳳樓朝元前殿浮河而上梁主

歎曰吾聞蕭何守關中為漢起未央宮豈若紹威越千里而為此功過蕭何遠矣賜以寶帶名馬燕王劉守光囚其父仁恭與其弟守仁有隙紹威馳書勸守光等降梁主聞之笑曰吾嘗攻燕不能下今紹威折簡乃勝用兵十萬每有事多遣使者問之紹威時亦馳簡入白使者相遇適中其事紹威自以魏久不用兵願伐木安陽淇門為船自河入洛歲漕穀百萬石以供京師梁主益以紹威為盡忠遣將程厚盧凝督其役舟未成而紹威病乃表言魏故大鎮多外兵願得梁一有功重臣臨之請

魏書卷三十九

三十二

以骸骨就弟太祖亟命其子周翰監府事語使者曰亟行語而主為我疆飯如有不諱當世世貴爾子孫今使周翰監府事尚冀卿復愈耳紹威仕梁累拜太師兼中書令卒年三十四贈尚書令謚曰貞壯子三人廷規官至司農卿卒周翰襲父位乾化十年八月為揚師厚所逐徙為宣義軍節度使卒于官年十四周敬代為宣義軍節度使年十歲徙鎮忠武明年為祕書監駙馬都尉光祿卿唐莊宗時為左右金吾大將軍明宗以為匡國軍節度使罷為上將軍晉天福二年卒年三十二廷規娶



梁太祖二女一曰安陽公主一曰金華公主周翰娶末帝女曰壽春公主周敬亦娶末帝女曰普安公主

史南曰紹威席其父弘信之餘烈聽其子廷規之陋見納交梁主屠戮牙軍自剪羽翼為人廝役卒之宗祧覆亡祚胤衰絕豈非天道之驅祛哉贊曰紹威南人雄據北土間關群雄彼亦何有身封王侯子尚公主五季糾紛茲為勅虜

王進達 周行逢 張文表

王進達武陵人初為靜江軍卒事希範為指揮使希

範變外紀前

卷三十九

三十三

夢攻希廣以進達為先鋒陷長沙長沙遭故殘敗希夢使進達以靜江兵營緝之兵皆愁怨進達因擁之夜以長柯巨斧斫關奔歸武陵希夢方醉不省明旦遣將唐翥追之及于武陵翥戰大敗而還進達乃遂出留後馬光惠迎劉言於辰州以馬師進達自為副已而希夢將徐威等作亂縛希夢而立希崇湖南大亂李景遣邊鐫入楚遷馬氏于金陵遣進達與行軍司馬何景直等攻鐫於長沙鐫敗走周廣順三年劉言表請移治武陵周主從之乃升朗州為武平軍以劉言為節度使以武安軍

授進達進達自以言已所立不為之下二人始有

隙欲相圖進達謀曰言將可用者不過何景真朱全瑋召而殺之言可取也又况是時劉晟取楚梧

桂宜蒙等州進達因白言召景直等會兵攻晟言

信之遣景員全瑋往至皆見殺進達乃舉兵襲武

陵執言殺之奉表京師周主以進達為武平軍節

度使世宗征淮南授進達南面行營都統進達攻

鄂州遇岳州刺史潘叔嗣故時同列待進達甚謹

進達左右就叔嗣求賂不與因讒其短進達面罵

之叔嗣慙恨語其下曰進達戰勝而還吾無遺類

變外紀前

卷三十九

三十四

矣進達入鄂州方攻下長山叔嗣以兵襲武陵進

達聞之輕舟而歸與叔嗣戰武陵城外進達敗見

殺

劉行逢武陵人與王進達俱為靜江軍卒事希範為

軍校進達攻邊鐫行逢破益陽殺李景兵二千餘

人擒其將李建期拜行逢集州刺史為進達行軍

司馬進達與劉言有隙行逢為畫謀策遂襲殺言

進達據武陵行逢據潭州顯德元年拜行逢武清

軍節度使權知潭州軍府事潘叔嗣殺進達或勸

其入武陵叔嗣曰吾殺進達救死而已非吾利也

乃還岳州李簡率武陵人迎行逢於潭州行逢入  
武陵或請以潭州與叔嗣行逢曰叔嗣殺主帥罪  
當死以其迎我未忍殺耳若與武安是吾使之殺  
王公也召以為行軍司馬叔嗣怒稱疾不至行逢  
怒曰是又欲殺我矣乃陽以武安與之召使至府  
受命至則殺之行逢故武陵農家子素貧賤無能  
慷慨大言及居武陵能儉約自勵而性勇敢果於  
殺戮麾下以法繩之大將十餘人謀亂行逢召宴  
諸將酒半擒斬之二境皆畏服民過無大小皆死  
夫人嚴氏諫曰人情有善惡安得一槩殺之乎行  
逢怒曰此外事婦人何用知嚴氏不悅紿曰家曰  
佃戶以公貴頗不力農多恃勢以侵民請往視之  
至則營居以老歲時衣青裙押佃戶送租入城行  
逢往就見之勞曰吾貴矣夫人何自苦耶嚴氏曰  
公思作戶長時乎民租後時常苦鞭朴今貴矣宜  
先期以率眾安得遂忘寵貶間乎行逢疆邀之以  
群妾擁升肩輿嚴氏卒無留意因曰公用法太嚴  
失人心不欲留者一旦禍起田野間易死爾行  
逢為少損建隆三年行逢病召將吏以其子保權  
屬之曰吾起寵貶為國兵同時十人皆以誅死惟

衡州刺史張文表獨存然常快快不得行軍司馬  
吾死文表必叛當以楊師璠討之如其不能則嬰  
城勿戰自歸於朝廷行逢卒子保權立文表聞之  
怒曰行逢與我起微賤立功名今日安能北面事  
小兒乎遂舉兵叛攻下潭州保權乞師于朝廷楊  
師璠討文表告以先人之言感激涕泣師璠亦泣  
顧其軍曰汝見即君乎年未成人而賢若此軍士  
皆思自効師璠至平津亭文表出戰大敗之初保  
權之乞師也太祖遣慕容延釗討文表未至而文  
表為師璠所執延釗兵入朗州保權舉族朝京師  
張文表武陵人從王進逵周行逢舉兵逐邊鐫行逢  
署文表衡州刺史頗心忌之常欲誅文表未有以  
發及行逢卒保權遣兵伐永州戍卒路出衡州文  
表遂驅之以襲潭州時行軍司馬廖簡知留後素  
輕表不為備方宴飲外報文表兵至簡殊不以介  
意謂四坐曰此黃口小兒至則成擒何足患也飲  
啖如故俄文表率眾徑入府中簡醉不能殺弓弩  
但按膝叱之文表率遂害簡及坐客十餘人保權遣  
其將楊師璠悉眾以禦文表保權泣謂眾曰先君  
可謂知人矣今墳土未乾文表構逆軍府安危在

此一舉諸公勉之衆皆感憤遂破其衆於平津亭擒文表鬻而食之初文表將攻長沙猶豫未決有小校夢文表龍出領下明日以告文表喜曰天命也及敗梟首朗陵

史南曰王進達周行逢張文表俱以帳下健兒起圖主將進達既殺劉言以奪之權行逢又殺叔嗣以代其位而文表又加兵于保權然則何時而已乎天地之運合而復分渙而復聚其間餘之世必有雜氣紛擾沴妖紛沓如六朝之逆旅五代之戰場者此歐陽永叔所為作史也贊

經變外紀前

卷三十九

三十七

曰馬殷據楚乃有進達首犯沙土繼踵鄂湘行逢狡險文表傾危君子奚取殷鑒貽規

王延範

王延範江陵人形貌奇偉喜任俠家富於財父保義為荆南高氏行軍司馬兼領武泰軍留後高從誨奏署延範太子舍人後隨從誨孫繼冲入覲薦為大理寺丞知泰州累遷司門員外郎太平興國九年為廣南轉運使性豪率尚氣尤好術數嘗通判梓州有杜先生以左道惑衆謂延範曰汝意有所之我常陰為之助延範心喜敢為恣橫後為江南

轉運使有劉昂賣卜於吉州市其言多驗謂延範

曰公當偏霸一方又有徐肇為延範推九宮算法得入少一筆驚起曰君侯大貴有不可言當如江南李國主前戎城主簿田辦自言善相謂延範曰君是坐天王形頗似服仙人鼻雌龍耳虎望有大威德猛烈當貴之相也即日當乘四門輦至是有豹入其公宇噬傷數吏從者皆恐懼不敢進延範獨拔戟前逐刺殺之益以此自負與廣州掌務殿直趙延貴將作監丞雷說會宿觀天象延貴指西方一大星曰此所謂火入南斗天子下殿走者也

經變外紀前

卷三十九

三十八

雷說出星經證之乃太白行度經南斗延貴謬為火星也延範日夕與掌市舶陸坦議欲發兵會坦代歸延範寓書左拾遺韋務昇為隱語偵伺機事延範奴視僚屬峻刑多怨會懷勇少將張霸給使轉運事延範因事杖之霸知延範與知廣州徐休復不協詣休復告延範將謀不軌及諸不法事休復馳奏之太宗遣高品閻承翰葉傳會驛運副使李瑄暨休復雜治延範具伏與昂辨坦俱斬廣州市籍沒延範家務昇除名配商州延貴等皆抵罪賜霸錢十萬

史南曰宋太宗以龍行虎步之英主而剪滅狐鳴鬼蜮之群寇王延範乃以么麼上千斧鎖其族誅也非無辜也贊曰延範鬼蜮季興遺奸任俠使氣人胡能堪招納亡命自作之讒休復告變為世巨貪

管如德

管如德黃陂人父景模為宋將以蘄州降授淮西宣撫使如德為江州都統制至元十二年以城降先是如德嘗被俘虜思其父與同輩七人間道南馳為邏者所獲械送于郡如德伺邏者怠即引械擊

經集外紀前

卷三十九

三十九

死數十人破械脫走間關萬里達父所景模喜曰此真吾兒也至是入覲元世祖笑曰是孝於父者必忠於我矣一日授以強弓二如德以左手兼握右手悉引滿之帝曰得無傷汝臂乎後母復然嘗從獵遇大溝馬不可越如德即解衣浮渡帝壯之由是稱為拔都賞優渥帝問我何以得天下宋何以亡如德對曰陛下以福德勝之襄樊宋咽喉也咽喉被塞不亡何恃帝曰善帝又命習國書曰習成當為朕言之一日帝語如德曰朕治天下重惜人命凡有罪者必令面對果實而後罪之非如

經集外紀前

卷三十九

四十

宋權姦擅權書片紙數字即殺人也汝但一心奉職毋懼授湖北招討使總管本部軍馬佩金虎符是年陸月丞相阿木南攻宋如德以軍為前鋒至揚州子橋與宋戰晝夜不息如德先發陷陣擒其帥張都統等宋軍遂潰七月進軍佳山江上復大戰奪宋師夏都統牌印衣甲及餉軍海船悉送阿木所事聞帝命賞之軍至鎮江如德招安諸郡守將皆望風降附丞相伯顏取臨安復選能招諸郡者眾推如德銜命往諭紹興諸郡皆下初世祖以寶刀賜如德及與敵戰刀刃盡缺宋平入覲如德以刀上呈曰陛下向所賜刀從軍以來刀缺如是矣帝嘉其朴十二年遷浙西宣慰使上時政五條曰立額薄征息兵懷遠立法用人省役恤民設官制祿時法制未備仕多冗員又方用兵日本倭國而原祿未有定制故如德言及之權臣抑不得上二年丞相阿塔海命馳驛奏出兵事入見世祖問曰江南之民得無有二心乎如德對曰往歲旱涝相仍民不聊生今累歲豐稔沐恩多矣敢有貳志帝善其言且諭之曰阿塔海有未及者卿善輔導之有當奏聞者卿勿憚勞宜馳捷足之馬來告於

朕二十四年遷江西行省參知政事被豪猾去姦

吏居民大悅是時贛汀二州盜起如德指揮諸將

討平之脅從者多所全宥二十六年遷江西行尚

書省左丞時鍾明亮以循州叛殺掠州縣千里丘

墟帝命如德統四省兵討之諸將欲直搗其巢穴

如德曰嘻今田野之氓疲于轉輸介冑之士病于

暴露重困斯民而自為功吾不為也於是遣使諭

以禍福賊感如德即擁十餘騎詣贛州石城縣降

平章政事與魯亦怒其跋扈不臣欲以事殺明亮

如德聞之曰皇元仁厚未嘗殺降明亮叛人何足

惜所重者信不失耳卒年四十有四贈江西行省

左丞平昌郡謚武襄子九淳祖積官中順大夫龍

興路富州尹

史南曰元以夷狄入主並夏管如德父為宋將

身以城降此亂世之奸雄孽胡之妖賊雖有片

善安足取乎丘濬作史綱於許衡書死以誅之

矧如德者又衡之罪人也贊曰如德華士屈身

於夷猷策軍門取我湘湄胡為列傳稱彼為奇

予以誅心孰曰不宜

楚紀卷之三十九

經變外紀前

卷三十九

四十一

通紀卷之四十

皇明賜進士經筵日講修國史奉直大夫翰林院侍講學士臣廖道南謹撰

經變外記後篇

熊天瑞

歐普祥 附

熊天瑞荊州人初以樂工乘亂聚兵從徐壽輝攻掠

江湘間後以陳友諒命陷臨江吉安至贛州凡四

越月下其城友諒以其有功加天瑞參政俾守贛

州兼統吉安南安雄韶州諸郡孫本立之降于

我也遣其姪士安攻贛之興國縣為天瑞子元震

所敗天瑞因攻本立殺之復據吉安遣其第三子

經變外紀後

卷四十

乙

劫掠山寨獲貨物牛馬而歸乃脩戰艦揚言欲領

兵東下置其幟曰無敵自稱金紫光祿大夫司徒

平章軍國重事兼侍衛親軍都指揮使歲辛卯陳

友諒攻江西檄天瑞以兵來援天瑞坐觀勝負不

應命及友諒敗死乃佯遣其子元震赴援已而與

龍泉彭時中爭萬安地以兵相攻又欲圖取廣東

乃預於南雄造戰艦遣元震攻掠程鄉興寧長山

寨攻韶州命其部將袁仁仲守之甲辰春戰艦成

即率兵數萬進攻廣州時何真據守以兵逆於胥

江天瑞一戰而破之意廣東可不戰而下忽天晝

大雨如注雷震其檣舟不能進天瑞驚惶乃仰天  
祝曰若廣州非予所當有則天爲霽明當即日還  
師祝已不果霽既歸賴望氣者言將有外兵至可  
厭之天瑞不之信是年夏以兵攻湖南桂陽山寨  
皆俘獲之以歸王師既渡江天瑞始懼遣元震築  
壘大壘所爲備禦計秋九月王師至賴天瑞閉城  
拒守常遇春鄧愈乃浚濠立柵以困之至是凡五  
閱月天瑞援絕糧盡遣元震出降天瑞尋亦肉袒  
詣軍門盡獻其地

上聞遇春克賴不殺喜甚遣使褒諭之曰予聞仁者

經變外紀後

卷四十

二

之師無敵非仁者之將不能行也今將軍破敵不  
殺是天賜將軍隆我國家千載相遇非偶然也捷  
書至予爲將軍喜雖曹彬之下江南何以加之將  
軍能廣宣威德保全生靈予深有賴焉先是天瑞  
據賴常加賦橫歛民財及其既降有司請仍舊徵  
之

上曰此豈可爲額耶命亟罷之并免甲辰秋糧之未  
輸者元震本姓田氏爲天瑞養子善戰有名遇春  
喜其才勇薦之授指揮後復姓田氏

歐普祥黃岡人歲辛卯從徐壽輝以燒香起兵爲元

師稱爲歐道人壬辰二月引兵掠江西諸郡縣攻  
袁州焚室廬掠人民以去遣別將守之既而分宜  
人彭繼凱與元帥別速堅起義兵復袁州普祥怒  
復往攻之不克乃攻陷分宜新喻等縣括其丁壯  
圍結營寨癸巳二月復攻袁州元帥別速堅與萬  
戶寶同等堅守城中民困食盡死者相枕藉十二  
月城陷普祥遂據之分兵陷吉之安福瑞之高安  
諸縣與元兵屢戰獲勝壽輝加普祥左丞大司徒  
袁國公普祥性殘暴所過室廬皆焚蕩俘掠無遺  
庚子歲陳友諒弒壽輝徵兵於普祥普祥不聽其

經變外紀後

卷四十

三

節制壬寅王師克江西普祥令其子文廣納款歸  
附

上厚賜之命普祥仍以本部軍馬守袁州

史南曰熊天瑞歐普祥俱以狗鼠憑藉寵靈奪  
彼爪牙冒干運祚既而

真主龍飛奸雄虺伏執訊獲醜隕身亡家盜乘致寇  
剥床以膚固其所也

墨古送

劉千斤

龔福全

墨古送下溪州人宣德初其父老虎惡糾同向添  
福等爲亂二年墨古送同奸夷冉豪虎賄通東鄉

五路安撫軍信捏春保勘開設九處長官司

宣宗命湖廣總兵官蕭綬巡按御史陳搏出師問罪  
追印革署後其子鵝麻不悛

上復命湖廣鎮巡等官起調漢土官軍擒斬墨古送  
并討其黨四百一人指揮潘海等各陞一級致永  
順志曰爲下而亂則刑在醜而爭則兵如墨古送  
者非殃民於堯舜之世者與

劉千斤不知何許人成化初與石和尚李胡子後  
先嘯聚鄖西三年四月辛酉靖虜將軍朱永尚書  
白圭等奏至

經變外紀後 卷四十

四

憲皇降勅諭曰爾等分布官軍進逼賊巢四面攻擊  
賊衆大敗元惡千斤劉就擒餘孽殆盡足見調度  
有方成此平賊安民之功朕甚嘉悅但石和尚未  
見下落必是逃匿他所此賊不除恐爲後患宜多  
方設法搜捕之聞報前功務須從實官軍土兵可  
散遣者即便散遣毋坐費供給因此一方民若皆  
安爾其即具奏班師嗣是流民後聚荆襄一路俱  
深山大谷綿亘千里所至爲梗

勅遣都御史原傑巡視以籌之傑晨夕驅馳按行三  
省隨處延問逋民父老皆云願附籍爲良悉令附

報圖籍給與田畝令其開墾以供賦役安集於荆  
州襄陽德安鄖陽四府通得流移男婦共丁口八  
萬伍千有奇既令附籍遂經營量勘以鄖邑外寬  
內敞山水環抱且地通江漢舟楫往來商賈時至  
宜濟築城池升爲新府號曰鄖陽統治六邑新舊  
半之郡邑有定乃立行都司一衛一所其餘學  
校巡司郵傳亦各有制府衛諸司既設廼大會巡  
撫三司公行薦舉凡文武守臣長佐通二十餘員  
皆才識足以任重布列分理

詔允從之祭酒吳節撰詩曰乾樞坤軸開楚邦快觀

經變外紀後 卷四十

五

真龍天際翔贊謀宜力扶紀綱一朝手捧金鑒率隨  
歷河陝連荆襄招延父老咨流亡萬人稽顙官道  
傍願操畚耒鋤榛荒墾山爲城濬爲隄弘建新府  
居鄖陽行司衛所羅封疆營官學海流湯湯茂選  
文武相頡頑生靈樂業爲安康功成理定朝明光  
聖恩嘉獎陞六尚鈞天無人仙佩揚群黎悲泣聲渾  
皇憲臺持節繡衣即稽功考德與祠堂召公去後  
留甘棠濃陰蔽帟存民望惟公神遊在  
帝鄉有時陟降來彼蒼儲祥集慶護一方滌牲報祀  
禮有常千秋萬載誰能忘



龔福全不知何許人正德初嘯聚柳桂丁丑春安仁攸數縣俱震

武宗命都御史陳金靖詔連王守仁靖賴秦金靖柳桂冬十一月金率兵破其寨峒若柵九十擒福全斬其偽總兵劉福興李仁才若首若從與屬而俘者凡三千有奇尚書林俊撰詩曰粵在禹服旬侯要荒綏慶文武華夷之防維時山徑入我陣塞鷗義矯虔作我蠹賊王者無外合是以容來柔采馴息其諄兇維昔有苗言格干羽徐方其來亦戒師旅維徃罔念卒玩以征擇肉輔縣翼虎斯張

經變外紀後卷四十

六

帝念邊人懼茲慘毒兩燐熒熒冤鬼夜哭咨爾臺臣其總朕師錫之弓矢玉書銀符公時征苗擇可以泣選將練兵物馬功噐有赫甲令宿戒其隣如雷如霆三方以征何神矢至寇是大窘魂飛計窮縮如蛭蟥困獸猶聞厥聲弗雄截其魁酋活其甿童會應稅投策無遺笑匪臣之能蔡功之斷言擇其俘以訓以教胡不藝樹借我衣食胡不貿販借我經營胡不絃誦借我太平維特南荆文物上國胡襲獮頑以赤其族維帝之威亦天之怒遏其亂源章我王度南荒既平八方肅清歷服無疆

天皇聖明

徐景榮

徐景榮武昌護衛軍餘嘉靖二十四年正月十八日黨逆楚子英耀謀弒

楚王顯榕先是英耀上忝官婢方三兒及通妓女宋公兒

楚王聞之懲以法英耀慚恚遂與景榮及劉金楊惠田堯謝六兒曹景昂曹良輔夏臘兒周瘦兒張貴李林官保孫保兒王大學楊洪孟章楊廷佐汪漢梁棟吳銳彭廷玉馬仁胡滿盧王李仁段祖兒劉

經變外紀後卷四十

七

六兒等歃血為盟篝燈放炮揮手為號執瓜鞭尸長史孫立平時不能輔以禮法臨難又復貪其賄賂承奉王憲張慶膝騰掩飾饕餮欺誣商臣之惡上通於天趙盾之奸罪不容貸巡撫都御史車純巡按御史伊敏生具奏內開叅照徐景榮等各犯本由老奸巨猾資以極惡窮兇競以艷淫蠱惑英耀繼因罪惡聞知楚主自知身命之難容又恐富貴之難保遂謀不道延禍滔天內造意徐景榮劉金楊惠包藏禍心鼓掉鸞舌駕視奪嫡之飛語釀成弒主之兇謀每不時商說於卧房更臨時主使

於暗室加功田堯謝六兒曹景昂曹良輔夏臘兒周瘦兒張貴李林官保刑鷄結誓舉砲揚聲席方設而藏伏於後堂門甫開而擁出於旁座乘篝燈之沉闇逞兇器之紛撓銅瓜一擊而腦先破棗棍亂槌而首已垂五竅血流一身氣絕罪擬極典惡浮叛情蓋家王豈敢仰比於親王而奴婢又難同於各犯段祖兒先事鎖門以杜聲問楊洪臨事收刀以遏救援孫保兒之改裝吳銳之持杖劉六兒敢施敲挺之兇器馬仁逼取收殮之冠袍彭廷王款待武岡於西房李仁穩住朱恩於雪洞汪漢晏應浙酒王大學故點渾油孟章梁棟楊廷佐分布堂旁司尊捧盞俱藏逆機胡滿盧玉趕打武岡落冠披髮亂施毒手比擬前罪情法允宜及照李瑞李世祥張滿張玘甘玉湖朱銘李繼謝震胡雄邵惠甘甫楊茂徐洲徐恩柴朋舞文枉法設計騙財捏奏辯之詞敢於欺法違打點之例曲爲彌縫顛倒是非瀆亂名義趙廷鑾廖彬樊鑾彭慶段元兒吳寅楊廷芳陳爵殷真市井無賴槽櫃下材懷鷄狗之心隨事撥置肆谿壑之慾先意逢迎皆自先王靈惑英耀雲梯鉄尺風實驚人呂拐鐵鞭意在

結主內儀賓李瑞有礙覆遣內官李紹難擬充但李瑞受賊肆百捏撰妄辯本稿李繼誣銀伍百齋奏報計虛情實與常犯不同合無別從重處再照右長史孫立承奉張慶王憲才本疎庸職居輔導明知親王被絀捏稱中風反與英耀逆謀妄行奏辯甘心黨惡自謂富貴可圖背德主公豈知名義爲重行同狗彘身愧衣冠又與別犯不同似應更加重處但王憲指摘打點而片語萬金孫立誣受帶鉤而一身二主原情尤爲不忠論義似應重處樊寶來么兒押邦小人倡優下賤園中之繫已

蓄怨心湖上之蓬蓬成淫惡觀其逆及未投而頓開禁錮親尸始蓋而輒啓延暉居明陽宮禁濫尊嚴服圍龍袍儲擬妃配壘或得計撥置成姦雖無與謀之情實爲首禍之地若論大變所由各應從重極處再照護衛指揮羅璧千戶張沂劉鸞周福徐椿常勝徐彬儀衛葛蔓奉祠姚珪紀善朱綸典儀陸申典實何潭工正楊鼎典膳程恩良醫王萬春均屬王官各有臣道當君父之變若罔聞知懷顧忌之心不能舉正既昧纓冠之義難辭閉戶之廷與夫百尸黃甲尅而盜賊典實聞倫聽從用印

問擬前罪誠為允當照得英耀冥悍已極悖逆罔知聽儉人離間之言懷孽子奪嫡之懼遂嫁外淫之故輒生內弑之謀舉手機關天理已絕軟血密室鬼神難欺一念千

九廟之靈片時成萬古之禍檢諸律例五刑無間稽之典章百王罕見天厭其逆神禡其魄執先王之喪既不寢苦枕塊安祖靈之地乃復昵妓宣淫脅賄各宗意圖滅法計用諸實事涉欺

君而身而家而國覆載所不容無父無主無天神人所共怒

經變外紀後

卷四十

十

天憲昭布

祖訓具存及照顯休榮漢顯梧榮淑並列宗藩親

聞弑逆既不攻發以正其罪乃復妄保以飾其非情雖出於逼從事寔干於違枉俱於

祖訓亦各有違臣等俱未敢遽議通前勘議事情均

乞

聖明裁處題奉

聖旨依擬便會多官議擬明白來說刑部尚書聞淵

會同東寧伯焦棟吏部尚書熊浹等將司禮監太

監溫祥駙馬都尉鄧景和刑部左侍郎喻茂堅錦

衣衛都指揮使袁天章會同勘問徐景榮等二十

六名俱係英耀隨侍人役同行謀弑親王罪惡深

重比擬前律情法相應內造意徐景榮等三名加

功田堯等八名惡跡浮於同伴處死未盡其辜勘

官參要仍照謀叛律條籍沒財產妻子入官為奴

相應依擬孫玄王憲張慶均為藩府之親臣濫叨

輔導之責任明知弑逆全無討賊之心謀捏奏詞

實同故縱之罪若依前擬情重律輕原未擬罪官

人方三兒私通世子啓天親離間之端原擬徒罪

樂婦宋么兒蠱惑英耀釀宗藩弑逆之變根究禍

經變外紀後

卷四十

十

源亦難輕貸以上各犯勘官參要從重極處論罪

雖無正條原情俱該處死參照英耀性本兇殘行

多穢惡聽信讒言謀弑父王忍心害理軟血於舉

事之先報怨行兇鞭屍於既殺之後古今罕見覆

載難容絕滅天地之綱常敗壞

祖宗之家法罪大惡極國典具存伏望

皇上大奮乾剛割恩正法五月二十二日欽奉

聖旨英耀悖逆天道主謀弑父罪惡無前覆載不容

既經差官勘實并恁多官會議明白皆欲明正典

刑朕不敢赦本當凌遲處死但係宗支姑從輕着

告子

皇祖斬首以示仍焚棄身屍不與埋葬徐景榮等二十六名同謀弒逆罪惡深重俱凌遲處死着在彼處便會官決了內除徐景榮等三名田堯等八名財產籍沒妻子解京給功臣為奴宋公兒方三兒各打壹百孫立王憲張慶聞難不能討賊却又黨逆捏奏都着處斬馬天祐提問革職其餘俱依擬發遣發落顯休榮漢顯梧榮淑扶同保奏本當處治姑從寬革去祿米三分之一英坎守正不阿顯槐被難出自各寫勅獎諭還各賜慰銀五十兩絲

經變外紀後

卷四十

十三

段四表裏該府應行事宜并楚王應得卹典着禮

兵二部查議

龍求兒

龍母史等附

龍求兒蜡爾山苗也與龍母史龍子賢等同姓為姻嘉靖初求兒借爾苗王南結貴州土僚西誘酉陽諸蠻連巨各寨流毒三省虔劉生靈燒燬城廓

事聞

皇上震怒特起都御史萬鏜會同湖廣撫臣都御史車純調集兵糧兼行撫勦歲癸卯十二月十一日率永順土官彭宗舜保靖土官彭蓋臣等攻克

鬼朦朧瓦聶諸峒十九日攻克巴龍都庫諸寨甲

辰正月六日攻克蜡爾雷公諸山二月十一日攻

克糯塘崖口諸寨三月七日復進蜡爾山後攻克

木葉諸山及治古諸峒上下塘諸寨斬獲龍老桶

吳卜者等七百七十有奇俘擒吳瓦業石老懶及

龍阿細吳得業等三百有奇都御史萬鏜奏曰臣

傳訪蠻清番度事勢各賊巢穴周圍千數百里懸

崖道莫可躋攀狹路羊腸不容並足加以嵐瘴

蒸鬱陰雨恒多當其險絕之處悔冥之時一夫拒

守百夫莫前且竹箐叢生密如櫛比高下遠近極

經變外紀後

卷四十

十三

目皆然此又他省之所無者也賊伏弩於其中而出沒俱便我環兵於其外而追逐則難與其多兵以冒險而犯歆速之虞不若減兵以存糧而圖持久之效臣鏜會同巡撫都御史車純總兵官豐城侯李熙都督同知張經議照鎮巢銅平等處叛苗憑山箐之險恃種類之繁構亂有年流毒三省殺虜人財於蕩廬舍姦汙婦女剝剔嬰孩攻圍城堡執辱縣官燒燬衙門殺死軍職罪惡貫盈神人憤怒乃今

王師有征至仁無敵山峒險巢盡皆克破首從惡賊

以次殄除生致之苗孽而請命服辜之衆撫以全  
生是皆仰仗我

皇上德合重玄明見萬里彰天討有罪之義寓神武  
不殺之威臣誓心圖報每切於啣環量力知難實  
慚於負鼎徒供六月采薇之役冀贊七旬格苗之  
切續該兵部題奉

聖旨會官覆勘時右布政使張時澈按察副使孫世  
祐會同叅將芮恩李經守備李英等查得湖廣所  
轄鎮溪寧子坪貴州所轄銅仁平頭諸司其東南  
則抵辰州府盧溪麻陽諸縣界其西則抵貴州平

經界外紀後

卷四十

十四

頭諸司界其正南則抵銅仁諸司界其西北則抵  
酉陽宣撫司各平茶邑梅諸司界其正北則抵湖  
廣保靖宣慰司界其東北則抵沅陵縣及永順宣  
慰司界其間惡苗屢叛各據巢穴在貴州銅仁守  
備所轄其為寨者十有九名曰地宙寨液溪寨漢  
寨革洛寨唐寨盤蠻寨竹故寨地架寨麥地寨普  
杓寨老見寨罵勞寨亞寨關老若寨鬼提寨龍塘  
寨陳關二父寨但逞寨在湖廣鎮寧守備所轄其  
為寨者四十有六名曰陽民寨鬼板民寨鬼老民  
寨桃枝民寨新寨民寨萬達民寨平即民寨項勤

經界外紀後

卷四十

十五

民寨大稍苗寨孟洞苗寨小積苗寨高岩苗寨崇  
山衛苗寨東那苗寨彪山苗寨下水苗寨板桃寨  
紅岩苗寨沙溜苗寨盤孕苗寨西酉寨排那苗寨  
大畧變寨中畧變寨小畧變寨爆木平寨老麻苗  
寨亞保苗寨谷扯苗寨小五圖寨孟更苗寨惡黨  
苗寨冷水溪寨地耳苗寨昔即苗寨毛江苗寨大  
五圖寨呼囉關岩洞苗寨板栗苗寨團溪苗寨小  
八坪苗寨杉木苗寨亞吾苗寨回保苗寨溜絞洞  
寨科鐵塘寨大塘寨盤營苗寨老莽苗寨上岩口  
寨下岩口寨高都民寨鄔牌寨得天冲寨新寨民  
寨二省連界有山名蜡爾地形深曲山勢險絕中  
為峒者不一有雷公比納山峒雷公山鬼龍峒  
臘瓦聶峒小稍峒木葉峒蜡爾彪山峒竹木關東  
木那盤朵大山箐例鬼留絞強虎孺塘老萊溪山  
革坡高崖爆竹山堤帶毛口隘峒竹箐叢生經路  
紆回黨與盤據出沒為患宣德七年總兵官蕭綬  
率兵征剿南土獲寧六十餘年正德七年都御史  
周南協謀撫剿南土獲寧二十餘年茲苗酋龍求  
兒橫肆狼毒大張虎吻死尸厥于世濟其惡仍復  
襲其舊名而貴州苗酋龍子賢頗知方技結為死

黨三省土官或利人之有或報已之讎暗邀諸苗  
怵威起釁樂禍射利故苗衆日滋侵淫劫掠益無  
忌憚近自嘉靖十五年至二十年龍母叟龍子賢  
等劫害三省地方殺死守哨百戶李時二十一年  
三月內守備李英等將龍求兒撫出隨於本年十  
月仍復統衆攻打崖門巡司圍困麻陽縣治涼劫  
五寨地方屢該責令永順宣慰彭明輔保靖宣慰  
彭蓋臣四川酉陽宣撫冉玄平茶邑梅長官楊再  
顯約速撫諭相機進剿已經通行會委辰州府知  
府胡恩忠常德府知府林應亮議照鎮筵銅平所

經變外紀後

卷四十

十六

轄各苗大羊成性梟獍為心阻石巖之縱橫據竹  
箐之叢密蠢茲負固敢肆跳梁棄畔織而不務恃  
劫虜以為生撫之則而從心違莫革反側之圖剿  
之則依潛鼠竄難收蕩平之績自昔已然於今為  
甚近該會同守巡各道右叅政鄒守愚副使李愷  
督同叅將守備等官整擷兵馬處備糧餉召募勇  
士懸立價格立保甲以為應援結遊兵以備調遣  
控要害以防侵突制火器以便攻圍常嚴偵候之  
命多為防禦之謀其漢土官兵老弱者即行揀退  
扣除行糧以充募兵之費其永保酉平諸司世受

國家之恩各有封疆之責先日班師具有井結見在  
嗣後論功重蒙賞會方新今殘苗龍子賢等亡命  
逋誅效尤起釁若果協力防守豈敢怙終為患今  
乃仍懷宿昔之嫌故縱門庭之寇責任有虧罪實  
難委相應記其方命之過責以贖罪之功再照鎮  
溪指揮田應朝平茶長官楊再顯俱於  
國初拓土歸順節經洪武永樂年間授任世襲其鎮  
筵五寨三司隸湖廣銅仁平頭隸貴州各有  
欽降印信及納糧地土兼以土漢衙門叅錯相制不  
惟

經變外紀後

卷四十

十七

祖宗舊制難議變更而地方保障當圖又遠后因永  
保酉平諸司欲利鎮筵銅平土地或誘其為惡或  
逼其順從各懷窺伺之心又肆吞併之術故保靖  
假官制以爭筵坪平茶因退賊以占銅平積歲窮  
年連兵構禍蓋皆分地之欲為之也即其包藏禍  
心已當明正  
國法但因踪跡未章以故誅削未及今若再倡割地  
之議則目前之寇患未弭將來之讐殺滋啓各樹  
黨與爭擾邊疆不徒蠢爾苗衆而已揆之事宜非  
所以宣

朝廷威靈為久遠計也

史南曰臣攷諸堯征丹水舜巡蒼梧聖神廣運文明光被固與天地同無疆矣然舜傳位于禹惟以分比有苗為說禹敷文命舜于羽至七旬而後格商高宗懋昭成湯之烈三年而後克鬼方周宣王丕修文武之業亦以蠻荆讐大邦為言豈數聖人之智弗若與蓋王者之禦蠻夷以夷治夷而已我

皇祖肇平南土即設永順保靖于湖設酉陽于川而施夔貴竹各有安撫宣撫及長官諸司兼收並

總變錄後

卷四十

十八

蓄納汙包荒治之以不治而已此年以來守臣以經畧為空談土官以構爭為上策債帥擁虛位而殖利戌卒鮮長技而寡謀以致苗酋煽霍積寇窮兇官不任職無兼制兵不死守人無固志故也臣以為割地不若建官據其要害擇一全才如漢之虞詡唐之李德裕父其任而不遷責其成而示守若鄭襄之兼蜀汀賴之兼閩以制永保酉竹諸司以控蠻僚徕徕諸夷兵法曰我制人而不制於人是或一道也

楚紀卷之四十

楚紀卷之四十一

皇明賜進士經筵日講同修國史奉直大夫前翰林院侍讀學士廖道南謹撰

考履內紀前篇

履之為道以定民志見危授命存義至顯堅定不渝周旋不匱歷千載餘環兩間內我思古人庶幾無愧撰考履內紀前篇

潘旭

逢伯堂附大夫

潘旭字師叔楚大夫初庸人率群蠻以叛楚囚子揚窓三宿而逸請起王卒潘旭曰不可姑再與之遇以驕彼彼驕我怒而後可克此先君蚡冒所以服

考履內紀前

卷四十一

陘隰也楚子從之會師于歸崑分為三隊闔椒子越自石溪子貝自仍以伐庸厥後楚子伐鄭潘旭入盟旭之子叔黨從事于邲之戰逐魏錡楚子乘左廣以逐趙旃叔黨望車塵曰晉師至矣楚子使唐狡與蔡鳩居告唐惠侯使叔黨率游闕四十乘隨唐侯為左偃克之遂次于鄒雍叔黨曰君盍築武庫而收晉尸為京觀焉臣聞克敵必示子孫無忘武功也時有逢伯者楚子園許許男面縛啣璧大夫衰經士輿觀楚子問之逢伯對曰武王克殷微子啓如是武王親釋其縛受其璧而後之楚其



禮而命之使復其所楚子從之

史南曰君子善善長惡惡短者何善不積不足以成名惡不積不足以殺身勿謂善小而不為勿謂惡小為之此先哲所為錄微善略小過也潘奭之策彼善于此叔黨京觀之封逢伯釋縛之對猶足祛楚子之惑也是故善善惡惡天道章矣贊曰師叔善謀群蠻退師叔黨從邲晉人罔窺君子取之各有攸宜

馬武 樊宏

馬武字子張其先南陽湖陽人也少時避讎客居江

考後內紀前

卷四十一

二

夏王莽末竟陵西陽三老起兵郡界武從之後入當陽綠林中與漢軍合更始立以武為侍即與世祖破王尋等拜振威將軍世祖即位以武為侍中騎都尉封山都侯十三年更封鄃侯又為楊虛侯二十五年將兵擊武陵蠻顯宗初復拜捕勇將軍永平四年卒檀嗣孫震封膠亭侯

樊宏字靡陽其先南陽湖陽人周中山甫封于樊今為樊城宏父重字君雲善營產業陂渠灌漑露閭鄉閭宏少有志行為世祖元舅拜光祿大夫位特進封長羅侯弟丹為射陽侯兄子尋玄鄉侯族兄

忠更父侯世祖幸湖陽追封壽張敬侯子儵嗣復封少子茂為平望侯兄子梵為大鴻臚曾孫準為御史中丞燕尚書令光祿勳

史南曰臣攷襄志以岑彭岑暉為棗陽人及讀范曄漢書皆棘陽人也光武起舂陵而諸將多出南陽其義陽湖陽冠軍宛葉皆楚舊域也矧樊城為山甫肇封而馬武樊宏俱有遺蹟矣乎贊曰子張江夏客游有蹤靡陽樊城厥聯是封漢水為池方城攸崇于以彰之考履來同

谷朗 谷險 劉優

考後內紀前

卷四十一

三

谷朗未陽人事繼母以孝聞東漢時仕至大中大夫值交南叛朗往征之恩威大著遷九真太守厥後子姓多占士籍冒谷永者非是

谷險桂陽人少有志行晉元帝時甘卓為湘州刺史禮聘之險赴臺試以高等除中郎時南土凋荒經籍道息險辭居家研精理術恥于銜耀鄉閭稱之劉優零陵人父綽自彭城起家出補零陵太守優少為雋聲舉孝廉漢獻帝時為御史大夫遷尚書僕射孫敏弱冠與蔣琬俱知名舉孝廉後主劉禪時為揚威將軍魏曹爽侵蜀敏與大將軍王平率眾

迎敵多張旗幟懸亘百里會費祿至魏軍退以功封雲亭侯

史南曰臣讀衡州志以谷永為耒陽人考諸漢書永字子雲長安人也永州志以劉敏為劉巴父考諸三國志劉巴父名祥為江夏太守乃知文獻不足徵故也贊曰谷朗孝廉交南樹勸谷險繼之高尚不屈劉優之始彭城肇跡劉敏仲蜀降魏可盡

蔣晉 曾譚

蔣晉零陵人漢靈帝時舉孝廉授尚書朗出補汝南

考後內紀前

卷四十一

四

太守遷交州刺史召入奏事應對不滯拜尚書僕射在位清直為群僚所服

曾譚零陵人舉孝廉歷尚書郎仕至太常卿

史南曰蔣晉曾譚具載未志然而晉之獨持風裁尚之屢著勲庸皆可書也贊曰蔣晉仕漢綽有才能交州召入僕射列卿曾譚受辟群工見欽愛蒐鑿簡以彰厥名

蔡瑁 李衡

蔡瑁字德珪襄陽人少為曹操所知劉宗之敗操入其家呼見妻子是時瑁家在蔡洲室美家宿別業

佳玩蔡諷姊適太尉張溫長文為黃彥承妻小女為劉景升後婦即瑁姊也瑁弟瓚字茂素為鄢相琰字文珪為巴郡太守劉表時瑁為江夏郡竟陵太守鎮南將軍仕魏為從事中郎司馬長水校尉封漢陽亭侯嗣後有蔡道貴者拳勇多智時人擬之關雲長云

李衡字叔平襄陽人習筮以女英習配之漢末仕為丹陽太守孫休在丹陽數以法絕之英習每從中規不聽會孫亮廢休立衡懼及禍英習曰瑯琊王好善慕名博學深廣君可自詣欲請罪衡從之可

考後內紀前

卷四十一

五

下令曰丹陽守李衡以往事之嫌自拘有司夫斬祛射鉤在古為忠其加威遠將軍還郡衡還武陵種橘龍陽洲上勅兒曰吾州里有千頭木奴汝食歲上千匹絹亦是用爾

史南曰臣觀水經沔水又東南逕蔡洲注云洲西有泗水色常綠長水校尉居之及李衡種橘龍洲上事亦相類嗟乎州一也而今安在哉是故君子以仁為宅以禮為基而蔡李之豪俊不與焉贊曰蔡瑁世族曹瞞相與直入其宅呼為爾汝李衡仕吳種橘洲渚英習之賢武譽與處

鄧騫 子掣 附

鄧騫字長真，沙人。少有志氣，為鄉鄰所重。暨刺史譙王承命為主，薄使說其卓曰：「桓將軍以私憾，稱兵象魏，實失天下心。此忠臣義士匡救之時也。昔魯連匹夫猶懷蹈海之志，況受任方伯，位同體國者乎？」今因天人之心，倡桓文之舉，伏大順以掃逆節，擁義兵以勤王室，千載一時也。卓笑曰：「吾當盡力，國難耳。」騫曰：「今既不義舉，又不承檄，此必至之禍也。釋必勝之策，坐待危亡，不可言智矣。」卓留為參軍，欲與同行。以母老辭，承為魏人所敗，以虞懼。

孝懷內紀前

卷四十一

六

兄弟為承黨，又盡誅之。求騫甚急，鄉人為之懼。騫笑曰：「欲用我耳，彼新得州，多戮忠良，是其求賢之時。豈以行人為罪，乃往詰？」又喜曰：「君所謂古之解揚也，以為別駕，騫識量弘遠，善與人交，久而益敬。」大尉庾亮稱為長者。歷武陵，始興太守，遷太司農，卒於官。子掣。

鄧掣，少以高潔著名。與南陽劉麟之、南郡劉尚、公同志，友善，並不應州郡辟命。荆州刺史桓冲卑辭厚禮，請掣為別駕。掣嘉其好賢，乃起應召。麟之尚公謂曰：「卿道廣學深，衆所惟懷。忽然改節，誠失所望。」

掣答曰：「足下有志於隱，而未知隱夫隱之為道，朝市皆隱在我，不在物也。尚公等不吝然，掣譽亦頓減矣。後患足疾，不能朝求去職，不聽令卧視事。後以病篤，乞骸許之。掣以父騫有忠信言，而世無知者，乃著元明紀十篇，注老子，並存于世。」

史南曰：鄧氏父子一則從魏，又以苟利一則從桓冲，以釣名，回視虞、惲、易、雄之死，劉麟之、劉南公之隱，真有醜矣。贊曰：鄧騫豪俠，見敵不疑，委身事之。司農可為掣亦著名。桓冲辟之，城市山林，疇測其宜。

孝懷內紀前

卷四十一

七

嚴植之，字孝源，秣陵人。少善老莊，晚通周易、毛詩。左氏春秋、鄭氏禮書、梁天監中辟為五經博士，開館授徒，居潮溝，生儒常數百人。講說精當，後遷中撫軍記室參軍。

蔡允恭，江陵人。父名大業，仕後梁，為左民尚書。允恭美姿容，工於詩，仕隋為起居舍人。煬帝有所賦，必令諷誦，遣教宮人。俾入宮，改內史舍人。允恭恥之，由是疎斥。所著有後梁春秋。史南曰：臣觀荆志，乃見嚴植之、蔡允恭，咸以文。

學置位通顯及攷梁書唐書乃知二子之行不同一則發經史之精蘊於梁武捨身之時一則著春秋之大義於煬帝荒淫之日均之取其文焉爾矣贊曰孝源憐冷開館授徒潮溝居肆充棟文腴允恭精密為掖庭師後梁遷鼎載筆紀時

段文昌 段承式附

段文昌字墨卿其先臨淄人世客荊州疏爽任節不為齷齪小行即度使裴胃禮之胃採古今禮要為書數從文昌質所疑後依韋臯為校書郎宰相李

考後內紀前 卷四十一

吉甫才之授登封尉集賢校理再遷左補闕憲宗數欲親用為常貴之所詆貴之罷用為翰林學士遷中書舍人遂為承旨穆宗即位召入思政殿顧問率至夕乃出俄拜中書侍郎同中書門下平章事未踰年自表還政授劍南西川節度使文昌素諳蜀利病治尚寬靜間以威斷群蠻震服長慶二年黔中蠻叛觀察使崔元略以問文昌遣使開曉蠻即引還彭溪蠻大酋蹉祿來請立石刊誓修貢獻入遷兵部尚書文宗立拜御史大夫進鄒平郡公俄檢校尚書右僕射平章事太和四年徙帥荆

南謹曰早不苦禱而雨雨不愁公出游南詔叛帝以文昌得蠻夷心詔使遺檄責讓即日解去復節度西川九年卒贈太尉

段成式字柯古文昌之族也仕至太常少卿寓襄陽水香村撰楊柳宮詞後徙辰州撰酉陽雜俎自叙曰夫易象一車之言近於怪也詩言南箕之與近乎戲也若夫禮味太羹史為折俎炙鴛羞豔豔容下著乎成式無崔駰真龍之嘆有孔璋畫虎之譏乃撰書三十卷

史南曰臣攷唐書見段文昌祖基俱在荊州每歲時亭祀必歌舞以為樂識者譏之及重撰

考後內紀前 卷四十一

裴度淮西碑世固訾之視韓昌黎為何如者至承式宮詞之作雜俎之著則不啻為太玄覆瓿之緒餘焉耳贊曰文昌固才孰與翰公文章日月淮西紀功成式蚤慧宮詞雖工酉陽雜俎有文風

李遜 弟建

李遜字友道魏申公發之後也客居荊州初署山東道掌書記累遷濠州刺史濠兵謀殺其將楊騰因滅騰家遜至諭以利害衆釋鎧自歸觀察使歛

利自殖遜一不應入爲虞部郎中由衢州刺史以政最擢浙東觀察使貞元初代嚴綬爲山南東道節度使時方討蔡析山南東道爲兩節度以唐鄧隋三州授高霞寓得專攻討而遜督襄復郢均房五州餽餉初襄陽兵隸霞寓者多逃後霞寓戰不勝言爲遜所撓帝欲按狀宰相請置不問左遷太子賓客中人誣之更貶爲恩王傳父乃歷京兆尹國子祭酒以檢校禮部尚書爲忠武節度使未幾徙節鳳翔過京師以疾求解爲刑部尚書卒年六十三贈尚書右僕射謚曰貞子方玄字景業弟進

士裴誼奏署江西判官終處州刺史初遜在襄鄧韓文公送之詩云帝憂南國切改命付忠良壤畫星搖動旗分獸歟揚五營兵轉肅千里地還方控帶荆門遠飄浮漢水長賜書寬屬郡戰馬隔鄰疆縱獵雷霆迅觀基玉石忙風流峴首客花豔大堤倡富貴由身致誰教不自強亦可想見其爲人矣

柳子元亦有啓謝

李建字杓直與兄遜俱客荊州鄉人爭鬪不詣府而詣建平決無頗母憐其孝每字之曰倭子勸食進藥吾意甚慙貞元中補校書郎德宗思得文學士

宰相鄭珣瑜曰臣爲吏部時嘗補校書者八人他皆藉貴勢以請建獨無有擢左拾遺翰林學士順宗立李師古侵曹州建作詔諭詞不假借王叔文欲更之建不從除太子詹事改殿中侍御史以兵部郎中知制誥宰相有窺定必害者函請解職除京兆尹會遜被謫建申治之出爲澧州刺史召拜刑部侍郎卒贈工部尚書始建家貧兄造知其賢爲成就之故遜建皆舉進士後通顯未嘗置垣屋以河儉稱建子訥字敦止及進士第累遷中書舍人爲浙江觀察使性疏下遇士及以禮爲下所逐

貶朗州刺史召爲河南尹歷兵部尚書以太子太傅卒初建在澧州柳宗元爲永州司馬上書略云永州在楚爲最南僕悶即出游持到幽樹好石暫得一咲杓直以爲誠然乎其寄與曠達類如此史南曰臣攷荆志載遜建事不數語及觀唐書乃見遜之被謫于高霞寓建之抗節于王叔文且韓公之詩柳子之書交輝並美亦卓爾不群矣贊曰申公之後子姓多賢友道皆餉五州爭先杓直校書八人讓能韓公賦詩藻翰星聯柳子上書水石霞連君子考復正直無愆

何堅 孟瑄 附

何堅道州人唐德宗時舉進士時楊憑鎮湖南陽城為道州守堅見舉于韓愈故愈贈之文曰堅以進士舉于吾為同業其在太學也吾為博士堅為生為同道其識堅也十年為故人堅歸倡其州之父老子弟服陽公之令適亦倡其縣與其比州服楊公之令吾聞鳥有鳳恒出於有道之國漢時黃霸為潁川是鳥集而鳴焉堅歸吾將賀其見鳳而鳴也已厥後有何仲舉何嗣全何洵直何誼直何廔皆堅之裔俱以茂才舉甲科仲舉登後唐長興間進士與范質為同榜仕至天策府學士廔後更名棄登宋政和間進士為隨州倅改雅州累官朝請大夫

孟瑄郴州人唐元和間五年崔樞知貢舉試洪鍾侍撞賦舉進士韓愈贈之文曰今年秋見孟氏子于郴州甚少禮甚度手其文一編甚鉅吾固心存而目識之矣十月吾道於衡潭累見之其所與偕盡善人長者吾以是益奇之京師進士以千數吾嘗折肱焉其要在詳擇而固交之其於高爵猶階而升堂况其細者耶瑄所著有嶺南異物志

考後內紀前

卷四十一

十三

史南曰臣讀韓昌黎集乃見何堅孟瑄之賢夫愈以孤忠直節登衡嶽而開雲峯浮沅湘而詠石鼓二子乃能樞衣從之以就正焉可不謂同心之言其臭如蘭矣乎贊曰昌黎名儒南嶽開雲諸子從之輩其德茶何堅孟瑄獲其贈文珠璣璀璨鏗然有聞

劉棗疆 沈正字 李正字

劉棗疆襄陽人或傳其名為言唐時曾辟為棗疆令故以邑呼善為詩美麗恢瞻與李賀齊名王武俊鎮冀州敬重之辟為從事辭不應嘗觀武俊射鴨

考後內紀前

卷四十一

十三

于蒲稗間一發疊中武俊曰俊之伎先生之詞可謂文武之會矣何賦一詩言即於馬上賦射鴨歌武俊喜甚表授棗疆令固辭不受隴西公夷簡鄴度漢南復聘為賓卒于襄陽郡人劉永高述其事以告裴日休日休為撰墓碑

沈正字衡山人不知其名唐時兄弟三人聯登高第澧浦李群玉贈之詩云春月三改令花枝成綠陰年光東流水浩蕩傷羈心酌桂烟嶼晚鳴江草深良圖一忽萬恨空相尋上國川翹楚才微耳陸沉衡嶽三麒麟各振黃金音卿雲被文采芳價

傾詞林夫子芸閣英養鱗湘水澤晴莎踏蘭菊隱  
几當青岑明月洞庭上悠揚掛離襟停盃一握筆  
聊寄生芻吟又有李正字者名礎韓昌黎贈之詩  
云長沙入楚深洞庭值秋晚人隨鴻鴈少江共兼  
葭遠歷歷予所經悠悠子當返孤游懷耿介旅宿  
夢婉婉風土稍殊音魚蝦異飯親交俱在此誰  
與共息偃

史南曰臣攷諸皮日休集乃見劉棗疆碑及李  
群玉集有送沈正字詩昌黎集又有送李正字  
者夫杞宋無徵孔子惜之而況楚至于唐文獻

考廣南紀前

卷四十一

十四

大備使逸賢無傳高士罔誅楚之不文亦至是  
乎贊曰日休隱書乃著棗疆射鴨揮毫金聲琳  
琅群玉詩筒正字有光芸閣蘭臺猶有餘香

劉虬

關會 屈隱之 既洪古

劉虬字復愚長沙人唐懿宗咸通間進士及第為左  
拾遺帝欲調令狄瀉為虬同官虬言瀉無家法布  
衣竊卿相權寵其父綯訴之貶虬為山陽令寓居  
潼川垂老瘞文為塚于南山刻石銘曰文乎文乎  
其有神乎山水為真利其子孫乎

閩會武陵人涼州牧張茂專隴石築靈鈞臺邇人苦

之會扣門諫止人皆德之

屈隱之祁陽人初舉茂才通判廣州兼司馬事後轉  
韶州刺史居官清慎郡人思之

既洪古安鄉人剛峭寡合不事產業或與交之度非  
義輒去後卒于桂陽柳宗元志其墓

劉昌嗣湘鄉人後漢隱帝時為磁相二州刺史帝遇  
害昌嗣憤之即避地衡山馬殷招以賓禮不赴周  
行逢逼為掾昌嗣曰吾嘗致身漢氏縱不能為夷  
齊獨不可效梅福乎乃改姓范號愚叟躬耕終身  
史南曰夫逸俗之士多奇氣泛駕之驥多神駒

考廣南紀前

卷四十一

十五

劉虬之瘞文塚閩會之諫築臺屈隱之之復郡  
庶慎段洪古之持身剛峭劉昌嗣之不應辟召  
皆苦節不可貞者也贊曰虬瘞文塚勒銘潼川  
會諫築臺留滯邇關洪古方峻宗元有編昌嗣  
避地愚叟猶傳

史青

史裴 胡魯 陳光問

史青零陵人唐天寶間上疏自薦召試集賢院稱旨  
特命錄之

史裴道州人善屬文吳王恪辟為判官謂曰國難未  
殄君若惠顧黎兄不孤所望矣遂起應之



閩武陵人博學善屬辭嘗撰沅志精覈可紀廉奉  
懷太子為郡國志多采其說

胡曾邵陽人長於才幹後晉天福間應舉不第高駢  
鎮四川乃置門下時南詔叛乘傳入川辭旨不遜  
者幕客各撰書答之曾云四方之於中國猶衆星  
之拱北辰百川之趨東海天地尚不能違况於人  
乎駢盛稱之凡箋奏皆出其手撰安定集十二卷  
詠史詩百首

陳光問長沙人讀書靈岩山中年近六表忽有雙鶴  
鳴舞其灰沈彬曰必登雲兆也果同曹松登第為

考廣內紀南

卷四十一

十六

五老榜時有燕德元者永州人制科首選見荆  
茂狀元樓記

史南曰學之為道大矣自周以後漢以孝廉舉  
故士多尚行而不尚言唐以文藝招故士多尚  
言而不尚行乃若史青之修詞史長之應辟黃  
閣之撰志胡曾之詠史亦可嘉矣而陳先問董  
德元之志于自售亦藝焉而已爾贊曰史青史  
長其詞有無黃閣撰志德鄰不孤胡曾詠語史  
亦可書光問德元名盛識疎

孫何

孫僅 王世則 王容

吳必達 樂雷發 李大同

畢新 楊起莘

考廣內紀南

卷四十一

十七

孫何字漢公其先汝陽人徙居荆門祖鑑唐末秦宗  
權據州強以賓佐起之鑑偽疾不應以講授為業  
父庸字鼎臣顯德中獻贊聖策九篇命中書試補  
開封兵曹掾改左贊善大夫歷殿中丞知龍州卒  
何生十歲識音韻十五能屬文篤學嗜古為文必  
本經義在貢籍中甚有聲與丁謂齊名時號為孫  
丁王禹偁尤推重之嘗作兩晉名臣贊宋詩二十  
篇春秋意尊儒教儀聞於時淳化三年舉進士開  
封禮部俱首薦及第連得甲科解褐將作監丞通  
判陳州召入直史館賜緋遷秘書丞京西轉運副  
使歷右正言改右司諫真宗初何獻五議其一請  
擇儒臣有方畧者統兵其二請世祿之家肄業太  
學寒賈之士州郡推薦而禁投贊自嫌者其三請  
復制舉其四請行鄉飲酒禮其五請以能授官勿  
用恩遷例上覽而善之咸平二年舉入閣故事何  
次當待制獻疏曰六卿分職邦家之大柄也有吏  
部辨考績而育人材有兵部簡車徒而治戎備有  
戶部正叛圖而阜貨財有刑部謹紀律而誅暴強  
有禮部祀神祇而選賢俊有工部繕宮室而修隄  
防六職舉而天下之事備矣故周之會府漢之尚

書立庶政之根本提百司之綱紀令僕率其屬丞  
郎分其行二十四司察焉星拱郎中員外判其曹  
主事令史承其事四海九州之大若綱在綱盛時  
亦不聞別分利權勑使額而軍須取足及玄宗侈  
心既萌召發既廣租調不充於是蕭景揚別始以  
地官判度支而宇文融為租調地稅使始開利之  
臣攘臂於其間矣於是叛亂相仍經費不充迫於  
軍期切於國計用救當時之急卒以權宜裁之五  
代短促魯莫是思今國家三聖相承五兵不試太  
平之業垂統立制在此時也所宜三部使額還之

考優內紀前

卷四十一

十六

六卿慎擇戶部尚書一人專掌監鐵使事俾金郎  
中員外郎判之又擇本行侍郎二人分掌度支戶  
部使事各以本曹郎中員外郎分判之則三使洎  
判官雖省猶不省也仍命左右司郎中員外總知  
帳目分勾稽違職守有常規程既定則進無掇克  
之慮退有詳練之名周官唐式可以復矣茲事非  
艱在陛下嗣位以來訓師擇將可至多以高祖之  
大度兼肅王之赤心神武冠於百王精兵倍於前  
代分閭伏鉞者當以身先士卒為心賊遺君父為  
恥而列城相望堅壁自全手握強兵坐達成算遂

使腥羶得計蛇豕肆行焚劫我郡縣係累我黎庶  
陛下撫人神之忿怒憫河朔之生靈爰御六師親  
幸澶魏天聲一振敵騎四迎雖鎮定道路已通而  
德棣烽塵未息此殆將帥或未得人違奏或有壅  
閑鄰境不相救援糗糧須俟轉輸之所致也將帥  
或恃勇無謀或忌功玩寇但全城堡不卹人民邊  
奏護塞之臣固祿守位城池焚劫不以實聞老幼  
殺傷託言他盜緣邊州縣城壘參錯如輔車唇齒  
之相依若頭目手足之相衛託稱兵少不出或待  
奏可乃行敵騎往還疾騎鳥逝羸糧景從萬兩方

考優內紀前

卷四十一

十九

行迨夫我來寇已遁去數者當今急務擇將帥則  
莫若文武之內參用謀臣防壅閑則莫若凡奏邊  
防陞見遷問合救援則莫若督以軍令聽其便宜  
運糗糧則莫若輕齎疾驅角彼趨捷今大駕既駐  
鄴下契丹終不敢萌心南牧所慮荐食者惟東虜  
無備之城繕完周防不可不慎蜂蠆有毒豺狼無  
厭今契丹西畏大兵北無歸路獸窮則搏物不可  
輕除孽尚或稽誅奔突亦宜預備大河津濟在處  
有之量屯禁兵扼其要害則請和之使不日可待  
真宗覽而嘉之及傳潛逗撓無功何又請斬潛以

狗俄權戶部判官出為京東轉運副使又獻疏擇  
州縣守宰省三司冗員遴選庶官增秩益奉未幾  
徙轉兩浙轉運使加起居舍人景德初代還判太  
常禮院俄與晁迥陳堯咨並知制詔賜金紫掌三  
班院撫何以被疾勉強親職一日奏事上前墜奏  
牘於地俯而取之復墜笏有司劾之何請西京養  
疾上不許第賜告遣醫診視醫勉其然艾何荅曰  
死生有命卒不聽是冬卒年四十四上在澶淵聞  
之憫惜錄其子言為大理評事何樂名教勤接士  
類後進之有詞藝者必為稱揚然性下急不能容  
物在浙右專務峻刻州郡病焉好學著駁史通十  
餘篇有集四十卷弟僅

考後內紀前

卷四十一

二十

孫僅字鄰幾少勤學與何俱有名于時咸平先年進  
士甲科兄弟連冠貢籍時人榮之解褐舒州團練  
推官會詔舉賢良方正之士趙安仁以僅名聞策  
入第四等擢光祿寺丞直集賢院俄知浚儀縣景  
德初拜太子中允開封府推官賜緋紱邊請盟遣  
使交聘僅首為國母生辰使改本府判官遷右正  
言制誥賜金紫同知審官院是冬永興孫全熙求  
代真宗思擇循良任之御書邊肅泊僅二名示宰

相或言僅嘗倖京府諸民政乃命和永興軍府僅  
絕厚長者為政頗寬嘗詔戒焉至祥符元年加比  
部員外郎代還之審刑院頃之拜右諫議大夫出  
知河中府歸朝復領審刑院又次進給事中天禧  
元年正月卒年四十九錄其子大理評事和為衛  
尉寺丞僅性端慤中立無競篤於儒學士大夫推  
其履尚有集五十卷僅弟侑亦登進士第至殿中  
丞

王世則長沙人宋太平興國二年進士第一雍熙初  
為右正言與左正言尹黃裳馮拯伏閣請立元僖

考後內紀前

卷四十一

二十一

為諸嗣太宗怒黜世則知蒙州至道二年為永州  
太守

王容湘鄉人宋孝宗淳熙十四年進士第一時省元  
湯璿殿其後容累官禮部侍郎贈銀青光祿大夫  
登第時有詩云天上催班曉色晴五星伏盡極星  
明奎章讀罷三千字驢昌傳來第一聲名實兩言  
雖朴語始終一節悉真誠聖恩深厚難圖報願登  
愚衷異此生

畢漸潛江人紹聖元年進士第一時省元劉範同登  
漸歷官膳部員外郎知荆南鄉人以其典郡榮之

吳必達道州人宋時進士第一

樂雷發寧遠人宋理宗寶祐元年進士第一

李大同嘉魚人宋度宗咸淳戊辰進士第一授國子學錄

楊起莘通城人宋理宗寶祐戊辰進士第二人

史南曰楚士在宋若倫魁宋元獻公兄弟暨馮

文簡公鄭毅夫皆天挺英特人望允孚乃孫何

兄弟聯登倫魁攷之宋史本傳及宋文鑑有論

賦碑解諸篇僅詩一章永志載王世則荆志亦

載王容詩而畢漸樂雷發李大同吳必達楊起

考廣內紀前

卷四十一

主

萃則寂寥無聞也豈當渡江航海時耶贊曰大

廷甲第寔謂倫魁下乎士望上應星台太上立

德其次掄才群英寥落謂之何哉

連舜賓

連庶

連萬夫

王以寧

附

連舜賓字輔之祖光裕為應山令遂自閩徙家于應

山後為磁郢二州刺史舜賓少習毛詩悉散家貲

周卹鄉閭教其二子庶庶曰此吾貲也嘗有盜牛

者官捕之急其人即以牛歸舜賓厚遺以遣之有

弟在靈夢往省之得疾而卒邑人爭哭為之罷市

子四人庶庶廩庸庶庶俱登進士庶為宜城令

都官郎中歐陽修表舜賓墓曰連君以一布衣終

而應山之人至今思之其長老教其子弟所以孝

友恭謹禮讓而溫仁必以君為法其矜寡孤獨凶

荒饑饉之人皆曰君亡無所依嗚呼君非有政令

恩威而能使其人如此其行之以躬不言而信者

與

連庶字居錫舉進士調商水尉壽春令興學尊禮秀

民以勸其俗開頻淮田千頃縣大治淮南王舊壘

在山間會大水州守議取其甃為縣城庶曰弓矢

舞衣傳百世藏王府非為不可用蓋以古之物得

考廣內紀前

卷四十一

主

於今尚有典刑也後以母老乞監陳州稅嘗送客

出北門見日西風塵如冠蓋憧憧不已慨然有感

即日求分司歸父之翰林學士歐陽脩龍圖閣直

學士祖無擇言庶文學行義宜在臺閣起知崑山

縣辭不行累遷職方員外郎卒庶始與弟庶在鄉

里時宋郊兄弟歐陽修皆依之及三宋貴退居守

道非其人不交非其義秋毫不可污也宋郊之孫

義年為應山令緣邑人之意作堂於法興僧舍繪

二宋及庶庶之像祠事之庶亦登科敏於政事號

良吏終部官郎中

連萬夫德安人或曰南湖弟也補將仕郎建炎四年  
群寇犯應山萬夫率邑人數千保山砦賊不能犯  
寇浪子者以兵至圍之三日卒破之賊知萬夫勇  
敢謀欲留為用萬夫怒厲聲罵賊為所害贈右承  
務郎時有謝淳者字景祥瀏陽人建炎間孟彥卿  
通判潭州遇寇杜彥叛害彥卿淳率眾兵為先鋒  
被害贈龍圖閣成忠郎仍官其子晞古朱熹祠之  
史南曰臣嘗過應山訪諸連之墟慨然躊躇者  
久之及攷諸宋史乃見庶及萬夫事則又驚嘆  
其多才既而閱文忠集及常德志乃知萬夫及

考慶內紀前

卷四十一

二

淳之忠義所繇來者遠矣贊曰諸連清介史策  
所稱舜賓磁郢居錫壽春萬夫扞寇謝淳起兵  
國史大書足為世箴

任獻夫

譚申

任獻夫字安世蒲圻人登宋徽宗政和八年嘉王榜  
進士及第為人溫厚醇雅發喙若不能言而中抱  
淵實立志甚遠大為文冲澹平易不求異於眾而  
理致精密人自不能及娶南嘉李宗儀季女終其  
身夫婦相敬如賓有龐德公之風仕歷荆門刑曹  
著有異績民懷其惠

譚申長沙人政和間進士張昌邦偕辟為屯田郎中  
不拜紹興四年知筠州禱旱於郊大雨數十里歲  
饑民不能輸申請罷徵監司督益急坐降秩後致  
仕歸民感其仁立祠祀之號曰古譚

史南曰任獻夫譚申俱以徽宗時甲科別歷州  
郡至今任為蒲圻著姓譚為茶陵望族未必無  
所本云贊曰任繫于蒲譚繫于茶江湘遙望均  
為世家獻夫擢第固為可嘉古譚立祠繫嚆吁  
嗟

丁公膺

丁仁

丁必稱

考慶內紀前

卷四十一

二十五

丁公膺醴陵人其先有丁雋者習春秋熟于三傳時  
人稱之登第十七人義聚三百口家無間言宋祥  
符間詔表其門公膺在高宗紹興初為高郵尉拒  
金兵力戰死之朝廷嘉其忠節官其子倚為衡山  
令靖康間公億與兄公萬避難於鄉賊得公萬縛  
之將就炮烙公億號呼願以身代賊義舍之闔族  
獲全嗣是有丁仁

丁仁擢進士第參謀淮蜀制募及高沙之變仁諭以  
順逆降之知無為軍依城築堰郡人感德名曰丁  
公堰繼解合肥之圍進知太平軍湖北漕運

居二十年卒年八十四厥後有丁應奎者元寶祐間發解第一歷官至禮部尚書

丁必稱字季言新州人知臨江軍江西和置例以稅產均敷無稅者以物力稱因積郡帑之贏輸後改提刑于潼川

史南曰諸丁文獻無徵徒取諸郡志訛以傳信予罪惡乎辭贊曰公膺祀難抗不何奪公億公萬不辱于賊丁仁築堤民被其澤必稱均輸終

東蜀節

鄭平

蔣淳 蔣復 附

考廣內紀前

卷四十一

王

鄭平衡陽人個儻有大志宋真宗天禧三年登進士

甲科初授郴州軍事推官監潭州茶場坐免久之

召試秘書省校書郎出知連州陽山縣有善政復

補道州推官以內艱調永州判官監衡州艾源銀

冶伯兄本與弟革皆舉進士子六人及卒之日歐

陽修作誌曰自信者不疑知命者不惑故得失不

累其心喜愠不見其色鄭君學幾於此可謂君子

已矣

蔣淳零陵人少游太學歸聞黃山谷寓宜州病革淳往視之山谷托以後事卒為具舟送棺及鄒浩謫

韶州淳入厚待之嗣是有蔣復者受學于張南軒所著有滄巖文稿又有蔣曷者字彥忠嘗隨南軒至天慶觀誦宋真宗御製碑文一覽無遺時黃彪嚴昌裔皆名士也善與之交至忘年焉厥後有蔣雍者郢中人范致虛薦之

史南曰善無微而弗錄錄之懼遺善也名沒世而可稱稱之懼失名也然而名在人善在我名必稽實善必微行君子是以有取焉爾乃若平

之見稱于永叔漳之見孚于魯直復曷之受學于敬夫雍之蒙薦于致虛胡可以弗錄乎哉贊

考廣內紀前

卷四十一

王

曰士膺一命當守三箴達不離道政在養民平

之自信漳之知人復曷暨雍齊賢有徵

周堯卿

周堯卿字子俞道州永明人警悟強記以學行名天

聖二年進士歷連衡二州司理叅軍桂州司錄知

高安寧化二縣提點刑獄揚統入其境見被刑而

耘苗者詢之對曰令不我欺卒無怨言統遂嘆而

薦之後通判饒州累官太常博士范仲淹復薦之

始堯卿年十二喪父憂戚見母則匿其情及母喪

倚廬枕塊慈烏嘶土成隴人以為孝感為學不專

於注疏尤長於毛詩左氏春秋及讀孟莊之書則曰孟善言性周善言理天何言哉所著有詩春秋說各三十卷文集二十卷子七人諭鼎州司理參軍說湖州歸安王簿謚諷諷說誼皆知名事見宋史

周世南祁陽人幼學游上庠初聘董氏女未婚而滕或議改娶世南順受既登第猶不改其初累官駕部郎中至少卿

周式湘陰人有行義為嶽麓書院山長祥符八年召見輪對拜國子主簿歸而教授鄉里張南軒撰文

考後內紀前

卷四十一

天

紀之

史南曰臣攷宋史見周堯卿繫于儒林傳豈其間濂溪之風而與起者耶而世南之納聲婦式之廸鄉士皆可紀也贊曰周起營道派衍春陵堯卿好學世南聖盟式游嶽麓士林有聲

廖倚

李公佐

廖倚衡山人宋進士備之弟也歐陽修贈之文曰元氣之融結為山川之秀麗在衡湘其蒸為雲霓其生為杞梓人居其間得之為俊傑秀才廖倚生於衡山之陽而秀麗之精英者得之尤多故其文則

考後內紀前

卷四十一

天

雲霓其材則杞梓始以進士舉於有司不中遂遊公卿間所至皆虛館設席爭以禮下之今永興大原公雅識沉正器君深其初鎮秦川也請與俱行遂趨函關以覽秦都則西方士君子得以承望乎風采矣凡居秦幾歲而東將過京師以歸予嘗以上計吏客中都識君於文達屏之以益友當君之西也獲餞於國門及夫斯來又相見於洛嶺語故舊數日乃行夫山川固能產異物而不能蓄之者誠有利其用者爾今君之行也余疑夫不能久蓄於衡山之阿也兄爾著洪範封建二論見崇道紀

史南曰衡為湘南之望隨為漢東之望山蓋以



峻水益以駛而倚與公佐乃能闡其靈秀永叔又發之以文章皆可書也贊曰衡宅湘南厥嶽祝融隨居漢東厥鎮大洪二子奇特稊有古風誰其表之曰文忠公

鄧咸

鄧忠臣

鄧淵

鄧深

鄧咸相陰人素負巨志宋真宗天禧間郡國學宮未廣咸創義學于邑南招延儒碩訓誨子弟湘楚之士如江夏馮京安州鄭儼胥從之游姪珙為豐城簿指俸以助庫丁却其獻文皆成教也嗣後子姓繁衍有鄧忠臣登熙寧三年進士第初任大理丞

考優帝紀前

卷四十一

三

獻賦擢正字轉考功郎中時議范忠宣公謚忠臣覆奏詳允會黨論起罪編元祐黨籍卒贈直秘閣官弟孝臣杜門力學宣和間屢辟不就後有鄧淵者登寧宗三年第初任郎延經畧司稅宜入奏邊務徽宗嘉其敏練改國子丞虞部員外郎大觀中值星變淵上封事言多剴切蔡京甚之左遷監酒稅知懷州又有名深者登紹興進士為大府丞補廣東提舉市舶汪澈薦之擢潼川路轉運使監醴酒務疏請蠲祛虞允文貽書云不畏強禦挺然之節贈中散大夫

陳起沅江人初為寧鄉令改秩歸疏鑿新灘歐陽修稱之轉湘鄉華鄉令及遷黃梅有妖寇籍祐幻術惑眾起悉眾禽之繇是知名召拜侍御史

史南曰鄧氏雜見于郡志陳子見稱于文忠若夫闕文無徵固古史所不廢贊曰鄧咸創塾以延俊乂允文薦剡光照來裔陳起疏江行者不滯永叔撰文價增百倍

李受

李康

李漢臣

李傑

李譽

李堯臣

李受字益之瀏陽人宋英宗治平中與李迪之子東之登進士拜諫議大夫天章閣待制神宗在東宮

考優帝紀前

卷四十一

三

廉侍讀屢疏請老不允帝即位進給事中龍圖閣直學士復言在先帝時年已七十不敢竊祿自安今又加數年耄憊矣惟賜歸焉加刑部侍郎致仕帝嘉其知止賜宴賦詩及序如東之請老禮時以兩疏擬二李云卒年八十贈工部尚書事在宋史李東之同傳

李揆登乾道二年鄉薦授寧遠尉獲盜數多或謂可得美選揆曰殺人以階榮顯吾不為也後遷上高令召入為中舍人

李漢臣字仲良荊州人兄元叔大史黃庭堅之姻也

庭堅謫黔州漢臣懇款辛勤問疾不備漢臣求科  
舉不遂乃依駙馬曹詩門以恩補郊齋郎調漢陽  
尉獲盜數十人或曰此可市美官君曰吾寧殺  
人為利耶再調上饒尉改理定令黃庭堅銘曰嗟  
乎仲良其才可以頡頏於世其義可以長雄於鄉  
信矣

李傑邵陽人熙寧初登進士出帥湖南有俸置書籍  
以貽邵庠置祭田以贍宗族鄉人稱之

李堯言熙寧中除侍御史未七十即解綬其兄立言  
自潭州歸老又有李竦亦納履同時里居鄉人語  
考後內紀前

卷四十一

三十一

云元豐濟濟稱三李一縣樂在其中矣

李康年江夏人父昌國善與人交黃山谷與之游兄  
康侯仕至河陽太守康年仕至國子監丞弟康直  
仕至左司員外郎

李長庚寧遠人徙居江華紹興中登進士歷仕五十  
歲潔有守不事生業惟藏書數千卷顏其亭曰水  
壺卒年八十六有水壺集官至朝請大夫

李舉字崇道桂陽州人紹熙中登進士又李椿衡陽  
人仕宋為御史大夫卒贈文肅

史南曰臣於諸李蓋無足徵郡志者國史之權

輿國史者天下後世之公是公非胥繫焉故諸  
各志乃知李受之辭秩李揆之居卑李漢臣之  
受知于山谷其他若傑與譽與長庚蓋無足徵  
也而堯言三人之勇退康年三仲之並美可嘉  
已贊曰李受天章晉階龍圖李揆鄉薦言亦有  
孚靈之守鼎厥志不誣漢臣連姻山谷之徒堯  
言葆光康年服休長庚諸書傑譽稱謨

廖視

廖視字德遠端明學士明畧之裔也宋寧宗時初任  
司理察軍歷秩房陵縣令轉朝奉郎通判衡州事

考後內紀前

卷四十一

三十一

狀元許涇經畧湖南舉視于朝薦劾有曰視器質  
端方克守家法嘗任理掾以直去官兩為劇縣治  
狀稱最衡陽二郡備著賢勞承攝道永二州首尾  
年餘剔除奸弊愛惜財賦一毫不以妄用代者賴  
之宋名臣奏議載涇舉視狀又云近蒙朝廷差知  
房陵然其才術操行宜在激濁揚清之地後家衡  
州族甚蕃衍有紹昇者為郡守而角通岩先俱官  
國史云

史南曰臣以嘉靖乙酉于役千岷道出衡陽訪  
諸宗派乃獲世綵堂舊譜及改名臣奏議又見

許涇薦剡有足徵也贊曰德遠儒才明略之胃  
兩邑績殊三州澤茂薦剡彌光孰出其右子孫  
繩繩克昌厥後

袁申儒

袁申儒龍陽人宋紹熙二年進士歷官武陵郡守丕  
創學宮及貢士莊以贍多士申儒撰記畧曰精神  
內固則文有定見志氣外鬯則文有定力苟清明  
者洎昭徹者蔽內不先固則定見亂矣深守者謬  
蘊蓄者蔽外不復望則力移矣成周取士自鄉校  
黨庠升之天子之學宴飲以樂之詠歌以鼓之以

考獲內紀前

卷四十一

三十四

稍聚待賓客以旬聚待羈旅非徒以其文而已蓋  
不如是則精神抑厭志氣消索渠能極言肆論干  
冕旒前乎常德古黔中地固不可以文言也而層  
巒絕崖野豁廢丘有蘭其馨有芷其芳足以繼風  
雅育多士申儒既守郡又承之憲司月征歲歛不  
以供日膳而以供貢士保其天和存其正性從容  
整暇以應上求則精神內固志氣外鬯是亦觀願  
之義也又建楚望亭及臨睨仰上二亭于德山善  
卷壇之麓自為文記之其善政流風固可想矣

史南曰臣攷陳高吾撰常德志列申儒于名宦

徐觀其楚望三亭及貢士莊記乃嘆其人品學  
術不易得也贊曰惟彼美人牧鄉閭兮創田養  
士文璀璨兮臨亭揮毫藻爛燦兮德山善壇寶  
光煥兮

馮子振

李士瞻 王崇忠 金希說 劉永悅 馮元理 李崇道 馮道  
陳元明 馮吉甫 姜天麟 黃濟

馮子振寧鄉人仕元為集賢待制宣撫使陳孚極故  
畏之子振為文酒酣耳熱命傳二三人潤筆以俟  
據紙疾書隨其多寡頃刻輒盡事料醲美如蔗  
錦律之法度未免乖刺人亦以此少之

考獲內紀前

卷四十一

三十五

李士瞻字彥夫其先沙洋人後徙荊州登河南行省  
進士歷戶部侍郎陞遼陽二省左丞當在閩時通  
海寇據福州城士瞻論以禍福自降閩人立祠祀  
之後至光祿大夫翰林承旨學士

晉元理其先高昌人官江南因家公安元至正壬辰  
進士任御史僉江南湖北廉訪司事時郡縣皆入  
於寇遂詣湘憲假分司印徵兵屬郡未幾授嶺南  
叅知政事兵潰一門死者過半而元理終不屈自  
號安節先生

李崇德字象賢醴陵人世以儒名家元成宗大德間

辟湖南憲府史時宣尉使乃阿里海牙之子誣燕訪李棟強質民田崇德白其枉學士虞集壯其節為立傳曰世之畏威顯誣異懦不自立者觀象賢亦可以少自勗哉

歐道字性之寧鄉人初隱居泉溪石山讀書避兵元阿里海牙至潭州欲屠城道即伏策入軍門勸勿殺人以干天和海牙解之辟荊州行樞密院掌書記轉中書令史

趙錫衡州人知吉水縣簡靜慈祥民稱為趙佛子賴寇揚聲屠廬陵民欲逃去錫携酒飲山亭民始安

考懷內紀前

卷四十一

三六

樞府調兵誅討邑當衝要吏請稱貨以應錫不聽如是數四吏懼不知所為及統師至即其文移為畫方畧帥大喜呼酒握手相勸曰此去州見四十里無得更擾汝民德之既丁艱歸道茶陵值寇被執有識者驚曰此佛子也還所掠送之出境王榮忠岳州人元至正間同知時盜賊日起掠興國陷會昌榮忠與賊戰數十合禽三百有奇克復縣治坐劄零都相形勢以建宇募義兵以禦賊創鍾樓以警晨昏賊復集五千餘人攻零都榮忠身先士卒矢石交下破賊幾千餘人收公私銅鐵鎔

液澆汪賊由是潰走

趙淇字元德其先臨淄人徙家衡山年七歲以父蔭補承奉即明年中童子選舉累官右文殿修撰刑部侍郎至元十五年起為湖南宣慰使盧處道銘其墓曰爰諏爰謀斯著蔡只爰構大厦斯棟載只金希說襄陽人仕元為御史與弟希舜齊名又景厚字德載漢陽人領鄉薦許有士師之又劉永悅長沙人號雪峯仕元為御史又陳元字伯元至正間進士為道州錄事參軍

趙吉甫其先蜀人徙居沔陽與許衡友善衡嘗稱曰

考懷內紀前

卷四十一

三七

吉甫天資高於德遠矣又姜天麟舉進士官翰林檢討又樊簡南安仁人兄弟連中三科又黃濤字彥博蒲圻人至元間鄉薦授鄧山書院山長史南曰元入中國以夷統華而楚邦人士仕之者僅數十輩而已其功業聞望可以超軼絕塵者蓋亦鮮矣贊曰龍戰于野其血玄黃載鬼一車後脫先張彼美群士組紱輝煌未知決擇孰為龍光

楚紀卷之四十一

楚紀卷之四十二

皇明賜進士 經筵日講同修 國史纂修 太常翰林院侍講學士臣廖道南謹撰

考履內紀後篇

方必壽 周舟

方必壽巴陵人洪武乙丑進士初知宛平縣政績茂彰擢北平知府歷陝西按察使操履堅確赫然有聲厥後庭王克紹厥緒永樂丙申進士仕至浙江布政使裔孫鈍字仲敏正德辛巳進士授知華亭縣守制起復改內黃縣清苦練達召入為監察御史巡視山東舉劾方面不避恩讐事竣督理大

工擢大理寺丞

周舟益陽人洪武中以人才薦授知句容縣永樂紀

元天下各府州庶官朝見

上夢金水橋大舟載小舟詰朝閱吏部郡臣姓名以

為符應即擢大理卿克稱厥職

史南曰尹翁歸以治郡高第入為右扶風田千

秋以一言悟主遂封富民侯夫士之遇與不遇

惟其時焉爾乃若方必壽令宛平而采諸物望

周舟令句容而形諸夢應其時之所遇視翁歸

千秋何如哉贊曰北郎燕薊宛平觀光南都吳

會句容

帝鄉方令起北奮庸用章周令起南緝熙思光考其

幽履終焉允臧

梁德遠

陳順成 賀守貞 唐貞 盧文政  
張從道 戴本 李守中 陳文宗  
周謙 彭友信 甘謙 周謙  
徐子高 陳文 蕭忠 宋忠  
劉從政

梁德遠邵陽人洪武乙丑進士父廷用任戶部郎中

逮繫詔獄德遠中甲科不赴瓊林宴及父謫戍上

言請以身代

考履內紀後 卷四十二

高皇帝憫其孝行特拜工科給事中命釋其父

陳順成歿縣人洪武乙丑進士拜監察御史毅然以

天下為己任憲度貞肅百察多憚之

賀守貞攸縣人洪武辛未解元甲戌進士拜監察御

史糾正貪墨克勵官箴

唐貞夷陵人洪武中以鄉薦拜給事中耿介敢言求

樂聞益勵厥志丕振直聲卒于官時

仁宗在儲宮製文誅之教諭吳弘道跋其末簡云君

臣義重難難真生死情深自不忘識者悲之

盧文政江夏人幼嗜學溫雅有度洪武已卯領鄉薦

拜吏部主事累官太僕丞致仕年八十餘手不釋卷所著有歷代一覽

劉必聰沅陵人洪武丁卯領鄉薦嘗留題于郵亭云為國時垂淚觀天或自舒原非漢諸葛三顧定何如部使者薦諸朝拜山西道監察御史振揚風紀所至肅然

陳讓穀城人洪武甲子領鄉薦授刑部主事獄獄明允改監察御史銓司以品級相拘為言

上命擢之

張啓善化人洪武丙子鄉薦入胃監選授吏部主事

考廉內紀後

卷四十一

三

轉郎中操履清慎歷官浙江布政使

傅霖湘陰人洪武中領鄉薦拜監察御史督察戎務

茂著能名

張從道京山人洪武中鄉舉授廬州府通判勤能有聲永樂初擢徽州知府盡心民事有循吏風後

調永平府政聲益著

戴本澧州人洪武中貢入胃監拜兵科給事中出補

廣西叅議茂彰政績

李守中寧鄉人洪武中貢入胃監拜工科給事中出

補廣東叅議民懷其惠

陳文宗字景周崇陽人洪武中貢入胃監拜吏科給事中出補江西僉事風采肅然

陶鑄通山人洪武中貢入胃監

高皇帝微行至鷄鳴山聞書聲誅之鑄云日食廩餼無以酬功即拜北平布政使

彭友信攸縣人洪武初貢入胃監

高皇帝微行至竹橋因指虹為題

御製云誰把青紅線兩條和雲和雨繫天腰友信應

聲云玉皇昨夜鑾輿出萬里長虹駕玉橋次日早

朝

考廉內紀後

卷四十二

四

上問故具以實對即拜北平布政使

甘鏞字以聲湘陰人洪武已卯以明經薦授訓導除

休寧縣有政聲拜廣東道監察御史

周敏字好學海陽人洪武中任浙江按察司副使性

明敏遇事立斷鞠訊獄訟洞察情偽徃無滯囚永

樂十二年以秩滿去

周謨瀏陽人洪武中以明經舉授河南左叅政問學

博洽優于吏治

周幹瀏陽人洪武中貢入胃監選授山西布政司照

磨政廉

康慶襄陽人洪武中貢拜監察御史改知縣遷和州坐事免復起為御史擢四川叅政

楊雄九溪衛人洪武中以貢拜監察御史鞠獄明慎剛毅不撓

徐子高湘陰人洪武中以人才薦拜監察御史時肇修漕河子高督察厥勞居多

陳文禮蒲圻人洪武中貢拜監察御史嘗鞠疑獄夢有孚焉果得殺人者宜諸重典名遂日振

蕭忠岳州人洪武中貢入胄監歷官山東布政使左遷高審典史永樂初復任江西僉事調廣西

考廉內紀後

卷四十二

五

宋忠崇陽人洪武中貢知清流調仁化先是群盜嘯聚山洞忠挺身抵賊巢推誠撫綏賊乃出降擢員外郎以清流耆民保留陞汀州知府

劉從政字恭民黃州人洪武中拜監察御史嘗諤彈劾歷官河南山西叅議綽著能聲卒于官

史南曰夫變通不滯者時也持守有貞者道也時變而道不變君子亦論其常爾

皇祖履飛龍之運乘虎變之期寤寐英雄登延嚴壑凡栖遲于黌校藏修于里閭者咸歛而升之

大廷列之庶采若梁德逮唐貞諸人起為諫議劉必

聰陳讓諸人起為柱史其他周旋即署敷歷藩

臬彬彬盛矣豈非遘時良會然哉贊曰天降時

雨山川出雲

聖作御極哲賢彙征濟濟多士萬邦惟寧何以徵之

史有餘馨

廖思敬

杜文德

吳山 方嵩

廖思敬衡州人洪武間以明經任直隸常州府教授與修性理大全纂輯諸家註釋頒行天下學校

杜文德衡州人洪武二年以明經舉任府學訓導知府高從訓建理廣官開拓基址文德謀畫居多士

考廉內紀後

卷四十二

六

慕其德塑像鄉賢祠祀之

吳山黃州人洪武初舉明經授合州教諭循循善教擢內江知縣廉聲茂著尋以憂去改知青神至石

首卒山博學多聞尤精于春秋鄒來學輩皆出其門

方嵩咸寧人受學於勝國鮮元胡可仕業春秋之學洪武庚午中經魁兩任教諭遷邵武學教授典試

浙江得楊復江西得陳循各置第一人服其藻鑑以子洙貴封監察御史

鮑琮咸寧人洪武庚午鄉薦歷任台州瑞州吉安三



學教授所至以身率人不在言語文字間永樂間楊文貞公櫛其善誘學者咸知自勵實與多琮門下士居顯宦者尤衆後年老徙居安福

史南贊曰震庠九德姬龐大藝虎閣齒胃警澤延又思敬陳藝文德昭緯吳山授經方鮑典試允矣諸君擊蒙拔萃

鄧槐

鄧槐字大材蒲圻人洪武庚辰進士性資端慎循循守禮與人交未嘗有倦色初授成都新繁知縣時蜀土自明玉珍竊據後百務廢弛民無聊生槐蒞

考後內紀後

卷四十二

七

政慨然思紹衛常王孟之績創規制設條教修水利墾荒田民多賴之再任新津政聲益著四川志又謂新繁有清白江槐以此自勵故終身清白以琴鶴爲侶

史南贊云美哉大材肇薦甲科視篆二邑民莫以和清白之江輿人謳歌媲美清獻績載岷嶓

李寧

事畢

李寧字景安麻城人洪武初知餘干州才識英發盜群肆掠寧率鄉兵協同官軍擒其渠魁復以土兵邏散其黨數百人歲饑移粟賑民民懷其惠作遺

愛文

辜畢江夏人洪武初知饒州德安縣宣布號令招撫流亡會寇發聚民兵保障時開礦權銅爲民患奏請罷之乃修學校建橋梁拓葦蕪鷄犬相聞遂爲樂土

史南贊曰龔遂渤海帶牛佩犢虞詡朝歌減竈易服李寧希遂驅盜空谷辜畢効詡民獲其欲

李懋

陳時雨

楊敦

黃安素

易成

李懋蒲圻人洪武初知新昌州創州治建譙樓學校橋梁百廢具興諭俗條規以敬父母厚人倫訓子

考後內紀後

卷四十二

八

弟務農桑崇學校息訟爭禁賭博慎廉恥爲先務皆切實可行

廖時雨黔陽人洪武乙丑進士授山陽縣丞簡重自守平易爲政澹然無欲即掛冠歸

楊敬麻城人洪武初知富陽縣創置廳宇建學校寬猛得宜民懷其惠

黃安泰蘄州人洪武元年知彭澤縣會兵燹後阻艱跋涉以身勞國廉勤爲政

易成瀏陽人博涉經史善屬文洪武間領鄉薦歷官廣東肇慶知府民畏而愛之

陳佑文湘潭人洪武初為泰安州同知尋陞知州公勤廉慎蒞政有為遷湖州知府民甚德之

程瑞漢陽人洪武初知南豐州為政廉謹不以一私自騷侵晨治事日晏方罷隨事剖決庭無留詞

史南贊曰天造草昧雲雷經綸體國經野啟天勤民李懋諭俗時雨含貞楊政盤錯易程章明

安泰佑文所在有聲

陳堅

但元行 江恕

陳堅臨湘人洪武中知長樂縣時兵燹黎民阻饑堅請賑之賴全活者眾復奏立守禦千戶所創築城

考後內紀後

卷四十二

九

池

但元行今鍾祥人洪武初知武寧縣開荒田興水利建公署民至今賴之

江恕漢陽人洪武中知福清縣調崇明善決斷民不敢欺未幾秩滿陞刑部主事士庶挽留特命擢蘄

州府通判仕至台州知府

何燦字仲明蒲圻人魏孫之子也學有原委慎默自檢篤行彰聞

國初甲辰授休寧縣簿時戎務倥傯徵賦督迫燦區畫有方民賴休養暨董木植築城垣雖邇寒暑雨

不憚勤苦三載考績復職後坐事誅誤民思慕之洪武十七年復以明經薦知雲南之鎮南州卒于官

史南贊曰炎海混茫八閩環焉婺山聳秀兩浙縣焉陳堅江恕海之瀛嶼元行仲明江之淞川

君子考履察其所安

夏則中

楊節 楊浩 陳汝梅

夏則中武昌人洪武中知興寧縣值周寇亂又官兵壓境洶洶弗靖則中率耆老訴於征南將軍纔免橫酷招攜流亡既集病官田稅重莫肯承籍則中

考後內紀後

卷四十一

十

請以官田減同民產定賦分給耕業歲饑發廩賑拯凋瘵復生民感其惠久而不諼

楊節樊城人洪武三十一年以經明行修薦授徐州知州為政以厚風俗為務郡中大疫節遣醫治瘥

躬自督視又捐俸以給貧者且獎拔士類多所造就任六年屬邑各上疏留之陞大理知府

楊浩江陵人洪武間以人才薦任本縣儒學訓導啓迪有方歷陞長史廣平知府遇事敢為時有巨盜

流劫郡縣為害甚酷浩設方畧捕獲無遺境內輯寧又興學校均賦役民立祠奉祀

陳汝楫字濟民蒲圻人博雅醇實善吟詠工草書洪武初舉明經授徽州府通判轉監泰州茶馬司謫知渭南政聲卓異擢知廣平府卒于官汝楫有幽居四景及楚林諸詩

史南曰若耶父老一錢必售中牟兒童一雉罔捕則中暨節含私有度汝楫紹紹浩政靡紕繆

朱敏

張績 妻昇 李忠 荆政芳 吳軌 何楚英 余士賢 余汝靜 楊輔 陳澄 陳文質 蕭昇 陳鑑 陳宜 冉寧

朱敏荆門人洪武壬午鄉薦永樂間拜監察御史風

考履內紀後

卷四十二

上

采凝重囊無贏餘嘗被抄沒惟敝衣一襲以是知其廉正卒于官歸葬命沿途有司祭奠

張績襄陽人洪武庚午鄉薦拜監察御史有直聲尋

陞廣西按察司副使公廉生威百粵肅然

婁昇湘潭人永樂癸卯鄉薦第一典教以師道自勵

宣德己酉考試山西得人最多奏績廷試賢豪贊

經綸詩拔居優列擢禮科給事中

李志松滋人永樂辛卯鄉薦拜山東道監察御史剛

毅執法宣德間遼東采顏衛指揮哈刺孫朝貢不

至命志擊之志奏曰古者馭夷狄來不拒去不追

今朝貢雖缺遽加以兵非懷遠之道遂罷兵

荆政芳淑浦人永樂丙戌進士歷官交趾按察僉事

改山東廉慎自恃不苟取與致仕歸囊中惟俸金

三兩家居不入城郭澹泊自如不給饘粥未嘗悶

悔壽登八袞

吳軌江夏人永樂癸卯鄉薦授兵部主事廉勤明敏

沉機先物料無遺策丁父憂用當道薦詔奪情起

復轉戶部主事陞山東按察司僉事

何楚英攸縣人永樂辛卯進士拜監察御史擢陝西

副使歷遷雲南布政使賜璽書褒異黔人懷之不

考履內紀後

卷四十二

上

忍諼

鄧啟零陵人永樂戊戌進士拜監察御史沙汰冗官

除興泰令在任奏蠲歲征民藉以安

成務興國州人洪武丙子鄉薦永樂間拜監察御史

振揚有聲超擢貴州按察使

唐原辰溪人家貧力學篤信尚義永樂初拜監察御

史振舉憲度

陳志茶陵人永樂戊子鄉薦拜監察御史才行可稱

余仕賢武陵人永樂中授順天治中有治行陞蘄州

知府理繁治劇綽著政聲

余汝弼宜都人永樂辛卯鄉薦歷官屯田郎中里營大疫與諸兄煮湯粥往飲食之人德其惠居官儉約不改其操楊文定嘗以靜澹如義稱之

楊輔武陵人永樂丁酉鄉薦授刑部主事轉郎中獄獄公平擢雲南按察使事還山東按察使克振風紀

張澄武陵人永樂中鄉薦歷官河南布政司叅議閑於職務聲華茂著

陳文質武陵人永樂中授雲南安寧州同知持身廉謹和輯諸吏累陞廣東按察使事

考廉內紀後

卷四十二

十三

蕭昇字彥高黃岡人永樂丙戌進士拜福建道監察御史九載考績上疏省親

文皇帝命給道里費且賜勅以褒之中允王愷撰文贈之稱其禮以律身明以折獄皂囊曉進臺閣生風白簡夕森奸回落膽夫固有所試矣

程鑑嘉魚人祖從龍有隱德鑑克承其緒中允王愷以女妻之永樂丙戌進士歷官虞衡郎中鑑特達持重卓有定見營繕虞衡稱劇司鑑所至裕如歷大夫官所御淡素人皆推服刑部侍郎曹憲以鑑堪大任薦之適鑑奉使卒于途

陳宜字仲誼嘉魚人洪武辛卯鄉薦授桂林衛經歷替畫戎政召為兵科給事中改工部主事轉員外郎

文皇帝營建兩京仲誼効勞居多洪熙初擢廣西叅議中允王愷撰文稱其德懋厥官凡三十年老而不倦

再寧字士安夷陵人洪武丙子鄉薦初授大竹教諭訓士有成永樂中擢刑科給事中考績轉中城兵馬遷工部營繕主事歷陞兵部郎中中允王愷撰文稱其勤以勵已惠以臨下百工効能罔有廢事

考廉內紀後

卷四十二

十四

史南贊曰不惟其官允惟其人不惟其跡當于其心朱張婁李綽著休聲荆吳何鄧懋著弘勳成唐楊蕭可用汲明四陳二余不損厥名程冉即署居身可珍

孔文英

王誨

邵或

馬駿

李光學

倪永壽

卓朝用

孔文英字世傑其先陝西人徙襄陽永樂辛丑進士授知廬陵拜監察御史巡視京畿折黃岩大獄擢湖廣按察使陟大理卿督守紫荊關卒訃聞上遣官祭塋墓在峴山薛文清公銘曰君惟其魁孔

牒世揮所持不回所職不渝所積既微所成惟丕  
王訥穀城人永樂甲申進士授高唐知州教民稼穡  
作新學校均租賦省刑罰急于救荒民賴全活秩  
滿父老詣闕懇留

宣廟駕經其地聞善政嘉之賜以金綺

邢或應山人永樂中貢授桂林府同知改東昌擢安  
慶知府德性寬宥理民事如家事時文移督責躬  
任其咎以事被建民祈神請禱事白父老忻懌六  
載考績民挽留之至攀卧不能釋九載若績六邑  
耆民咸以或廉幹詣御史臺表之

孝廉內紀後

卷四十一

十五

馬駿字驩良蒲圻人永樂六年中鄉試銓授崖州同  
知候值颶風大作海寇蜂起駿保全城池與有力  
焉厥孫文明文獻俱起貢為教官曾孫練舉進士  
任嘉定知縣擢南京戶部主事負外郎中出補河  
南知府

李光學武陵人永樂間貢入胄監授知直隸興化政  
存仁厚廳東有鵲巢二雛皆飛去其一折翼獨留  
光學以藥哺之亦飛去後光學病危思魚忽鵲銜  
一鱖置於庭光學烹食病遂愈人以為能愛物之  
驗

武楫江夏人永樂甲申進士任知縣司牧有方民安  
如堵秩滿百姓詣留命馳驛復任

唐慎江華人永樂丁酉鄉薦拜監察御史巡視廣西  
有淫祠俗傳緒衣過廟者災慎服緋衣往焚其像  
廬其廟邪慝自息後擢按察僉事

黃鍾字景陽景陵人永樂辛卯鄉薦授崇慶知州改  
知山東武定州漢庶人告變鍾面奉

宣廟聖諭馳驛至州州賴以安三年卒于官

盧坦巴陵人永樂中貢授知南城縣剛果善斷庶事  
畢集時聞盜攻劫鄉村坦率民勦捕無遺縣境翕

然服之

孝廉內紀後

卷四十一

十六

李思中荆門人永樂四年知進賢縣持已公勤處事  
得宜陞刑部郎中

卓朝用通山人永樂間貢知寧縣公平廣恕節省科  
差惟恐傷民董夫役于太和山以病卒役夫哀籲

倪永壽桃源人永樂辛卯領鄉薦貴州鎮寧知州性  
和易治郡清簡政不煩苛教民務農力本民懷其  
惠

史南贊曰奉天司牧敬授明時贊君宣化祗若  
敷施文英廷平文清撰詞訥或有典駿揖罔私

光學慎鍾醇政不疵盧李卓倪寂績咸熙

李滄 劉淵 王彥 徐良

李滄字朝宗嘉魚人宣德己酉鄉試第一

宣宗詔賜冠帶給俸入翰林讀書應制獻詩輒蒙恩  
賚除金谿教諭陞保寧教授六十致仕居村中客  
至無貴賤必具服出見兄弟同居舊宅悉遜乃闢  
宅傍隙地居之

劉淵字伯廣江陵人天資俊逸字法趙松雪詩效薩

天錫宣德九年以明經行修

宣宗御批卷曰文理通暢宜授教職遂授雲南嵩明

考履內紀後

卷四十一

十七

州學訓導改安陸江夏歷京山教諭修舉學政聞

人多出其門

徐良字明善邵陽人性敏質粹嘗輯讀易指南以啓

後學尤工詩文善草書素為鄉邦重宣德中以經

明行修任本縣訓導造就功多秩滿少傳楊澤薦

知均州介守清澹政施仁愛興學勸士有古君子

風卒于官孫永澄弘治癸丑進士

史南贊曰

宣皇宸翰日麗呈輝青編載閱彤管頻輝李滄入院

劉淵親題明善測易理學管窺

劉以文 易倫 鄭彥舉 賀宗

劉以文字彥章黃州人洪熙乙巳任温州府照磨綽  
著廉能秩滿陞泰和知縣改陽城有美政重書贈  
秩命再任民樹碑彰惠歿時耆庶數十人往吊于  
家立祠祀之御史李經撰記

易倫益陽人少有大志宣德中拜監察御史獨立敢  
言忤權貴謫教宜川尚書江淵贊曰其進可取卿  
相而言動蹇蹇其退可式後學而模範循循識者  
以為知言

鄭彥舉臨武人宣德中舉賢良方正任四川布政司

考履內紀後

卷四十一

十六

檢校正統十年遷錢塘知縣心存愷悌政尚寬平

擢浙江按察僉事

賀宗湘鄉人宣德庚戌進士授大理評事嘗疏其邑

田稅增多多被水潦民苦役輸減十之一湘民賴

之正統間浙寇葉宗叛宗畫策討之

上命同尚書石璞任蒞其事有功

史南贊曰文武真麗多士用寧成康斤明大猷

允升世至宣德泰階以平劉易鄭賀士林之英

重熙累洽莫可得稱

盧中 劉深 張信 馮維

盧中宇守正蒲圻人考貴賢訓嚴中奉命惟謹習誦  
 禮經正統九年中鄉試魁選明年登商輅榜進士  
 授刑部主事歷員外郎中居常布衣蔬食無重帛  
 兼味遇權璫貴戚屹然峻絕弗少遜避以故門無  
 私謁而用法罔撓奏績推恩及親錫以誥命蒲令  
 葛鳳儀令里人捧冠服謁其第厥考設具候令執  
 禮甚恭令去召中于庭責之曰爾胡以名器極楷  
 乃翁執仍鞭之乃已及中陟浙江叅議守父之訓  
 如初逮歸行李蕭然無長物里中人稱其廉朴而  
 貴賢之賢益彰

考履內紀後 卷四十一

九

劉深沔陽人正統己未進士初知崇寧縣嚴厲有威  
 遇事果斷聽訟能得民情吏不敢欺境內肅然  
 張信字誠之景泰辛未進士授刑部主事員外郎陞  
 成都知府為人溫謹廉靜寡欲人號為青萊張所  
 著有夢庵集

馮維字文綱武陵人正統乙丑進士授刑部主事歷  
 員外郎中決獄勤慎陞廣西布政司叅議轉叅政  
 所在以寬平致譽

史南贊曰淳厚者流簡重不誇循良之吏悃悃  
 無華中深太朴信維可嘉于以章之得臣無家

王應清  
張瑄 羅文 譚公望 黎忠 謝鐸 周文 李慶 王佐 賀勛 孔儒

王應清江陵人正統初貢授同知性寬厚平易持身  
 廉謹事少過誤擢池州知府

張瑄雲夢人正統甲子鄉薦初知義烏縣天順初考  
 覈庶官以張瑄第一賜宴并襲衣擢金華知府

羅琥茶陵人正統中任南陽通判捕盜白誣積粟三  
 十萬石撫綏流民以萬計築封丘隄八十餘里改  
 衢州進南京戶部郎中尚書缺署掌部事諸司咸

考履內紀後 卷四十二

三

祇令焉

鄭達字叔通襄陽人博涉經史正統間知藍屋縣景  
 泰五年移崑山有捕盜千戶不法殃民達縱至即  
 糾去之注思校學存卹窮困勸貸民藉生活  
 自奉清約圖書自娛他無所好孫傑正德辛未進  
 士吏部大選郎中謫節州知州

黎忠字行恕江夏人正統中任建昌推官閩寇鄧茂  
 七攻陷隣境忠選驍勇屢出奇謀克摧賊鋒撫臣

楊寧上其功擢福建知府  
 賀讓衡山人正統中授四川知縣隍傷田稼牒告城



隍皇盡死有虎為害復詛捕之遇旱禱雨有應

黃贊衡陽人正統中授四川知縣潔已勤政興學勸

農廣驗地以養士豐儲蓄以牧民父老至今思之

譚公望茶陵人正統間知宿松縣政嚴而利於治故

輒伏姦黠作興士民有聲于時未幾疾卒人咸惜之

曹子徽字士美公安人正統三年貢入胄監授中軍

都督府經歷廉介守正擢漢中知府深獲士民心

聞憂歸父老赴闕留之不報周易同頌曰冰也斯

清玉也斯潔月也斯白惟是豪傑入佐明哲厥邁

考廣內紀後

卷四十二

主

休烈亦可以想見其人矣

謝鎮公安人領鄉薦知宿松縣豈弟廉慎政務寬明

每剖訟獄必推誠以求其情未始見疾言遽色民

咸愛戴之

羅文袞寶慶人貢任安慶通判性資明遠留心於撫

字日夜孜孜思所以安集百姓者由是民皆安堵

鮮有逃移

李慶宇積善景陵人正統九年貢授建昌同知催科

甚急慶為緩期民悅之輸納恐後遷南京戶部郎

中調禮部儀制補浙江鹽運使稽簿書絕請謁有

持券請鹽者按歲月先後給之二年歲課三倍尋

乞歸卒於舟

張璉字宗器安陸人景泰庚午鄉薦天順末知四川

梓潼縣時流賊趙鐸等攻劫州縣璉練習民兵豫

設伏於蛾溪橋賊果夜至火舉伏起遂擒賊首趙

鐸等五十人餘衆駭散加同知俸級仍視縣事

沈溥字大霖辰州衛人景泰癸卯鄉薦性剛直疎爽

善談論博學彊記凡天文地理陰陽醫術律曆刑

名罔弗窮究授廣西靈川知縣民徭雜處難治溥

操縱有法民皆安之在任十一年致仕壽至九十

考廣內紀後

卷四十二

二十二

卒

周彞承明人好學善屬文永樂間進士知瓊州府事

守分謹職撫民仁恕人多稱之

歐陽復字時亨桂陽人景泰辛未進士授兵部主事

歷員外郎出補福建泉州知府政平刑簡釋囚致

兩翼日邁疾百姓禱於神以祈祐者千餘人及其

卒也哭之如喪考妣立三太守祠曰蔡公尹公歐

公至今泉民禱輒應大學士彭時記之

王佐蘄州人景泰間任徽州同知民上章挽車以留

遷知饒州府民愛之如徽令其復任父老趨迎罷

市

賀勛湘鄉人景泰丙子鄉薦第一歷官雲南參政以直著名與俗寡合引疾還家屏居一室環堵蕭然孔儒嘉魚人賴直尚氣節景泰庚午鄉薦拜監察御史數上疏動關大計嘗以星變條陳災異指斥無所忌諱清軍浙江益樹風節郡縣凜然出補慶遠知府

史南贊曰大道為公至德躬行王張羅鄭迥抱真誠黎實黃譚允際昇平謝羅張沈顧義斯行歐陽何李不墜厥名王馬賀孔王功為勲

考後內紀後

卷四十一

王三

昌昇

龔成

戴賓

王綸

王三

馮允中

昌昇字明遠襄陽人祖義永樂間以戎功任綏州衛千戶父貴岫庵

英宗復辟拜錦衣衛指揮僉事後調貴州之平越昇幼學于侍郎刑簡以易領順天鄉薦天順甲申進士授戶部主事轉員外郎即中督餉建州擢雲南叅議值蒲蠻叛奉檄宣諭夷皆帖服病歸與李文正公商訂詩法故文正銘其墓曰生不溺貴富功學以成旋棄其職保茲令名胡取之難而委之輕

乃以其餘托詩以自鳴蓋惜之者深矣

龔歲字德輝蒲圻人封君濟之子也幼聰穎不類凡兒弱冠肆力經史天順八年進士拜監察御史巡畿內多善政時廣西徭倡亂奏建總制府于蒼梧自是將權有統兵力不分陟貴州叅議孫良傳舉嘉靖丙戌進士授工部主事改兵部員外郎陞浙江僉事轉河南叅議山東副使卒于官

戴賓字邦彥荊州人天順甲申進士選南京刑部主事剖決如流獄無冤滯轉員外郎陞四川按察司僉事豪右侵地悉正板圖化白草寨克之遷兵備

考後內紀後

卷四十一

王三

副使撫守松茂奏設青州守禦所學以化戎俗修葺索橋冠帶番長使知名分以憂歸卒

王綸字廷言襄陽人天順庚辰進士授南京刑部主事歷員外郎即中出補山東按察僉事時齊魯大饑晝晦人相食綸處之咸宜全活甚眾辭歸襄郡杜門讀書不妄交接門人如艾檜張雲漢王瑀徐徵郭做輩俱登鄉舉

王瑀字良玉襄陽人天順丁丑進士歷戶部郎中督運淮揚漕運賴之都御史韓雍征大藤峽徑擒紛起瑀餽餉有功擢河南彰德知府性耿介於人寡

合以憂歸卒

王琰字良璧襄陽人成化乙未進士拜監察御史巡視蘇松諸郡刻剔囊橐服慙強凡與臺吏胥悉懲之不少貸卒之日囊無贏帛不備殯歛臺中諸史賻之始克葬

李端字表正宣城人成化辛丑進士拜留臺監察御史剛毅不撓屢忤權貴逮繫詔獄中官汪直憾之謫永寧安撫司經歷遷温州知府

趙聰字時憲穀城人成化己丑進士授戶部主事監收太倉臨清漕儲克樹風聲節宣盈縮奸豪歛避

考復內紀後

卷四十一

十五

而財用賴以不匱

陳廷璉字宗器攸縣人成化丙戌進士初授知府才識通敏善獎進士類召入為南京刑部員外郎中遷延平知府

馮允中字執之成化甲辰進士初知滑縣滑為近畿劇地素稱難治允中操割有餘及拜監察御史權兩淮鹽運濯滌宿蠹巡視蘇松諸郡徭賦裁減羨餘後疏免折金備賑民甚庇之

史南贊曰

英皇復辟勵精勤政璧月澄暉珠星朗曜口龔賜登

李戴持正三王趙馮不殄厥問

劉懋

陳年 趙安 曾健 李顯 汪宣

劉懋字勉之江陵人成化壬辰進士拜刑科給事中糾劾封駁無所避值中貴汪直用事首倡舉劾尋論昭德貴妃專寵挾繫詔獄補浙江僉事督蘇松水利勛強植弱興利除害以納艱歸不起懋明爽遇事剖決如流疾惡太嚴與人不苟合家居數十年足跡不至城市號不垢子

陳策字廷獻武陵人成化丁未進士初知宜興縣重厚有量政尚循良雖居劇邑綽有可稱徵拜監察

考復內紀後

卷四十二

十六

御史謹於持憲論事率循忠厚巡視貴州廣西皆得憲體歲甲子河南監試藻鑑汙人士論翕然歸之

蔡暹字文輝江陵人成化辛丑進士初知泰興縣有謀殺叔母事無左驗累詰不屈時方晴霽修甬大震侍者股栗暹給之曰後晚者為誰其人驚顧即所謀殺者遂服人皆神之召補太僕寺臣

程沂字宗魯湘陰人成化丁未進士任戶部主事修滯鹽弊大同使葉公甚寵之已而權稅于江州未行卒主峰羅珣銘其墓曰功以事立事以氣集

以志師志以傳遂位以年升年以養增其知言哉

李顯字榮宗桃源人祖思政永樂庚子鄉薦為惠安

令顯承祖武成化甲辰進士授戶部主事改南康

吏部考功主事轉驗封郎中出補南康知府徵朱

文公白鹿洞規興學勸士乞休歸年八十四司馬

陳高吾誌其墓

汪宣字德卿江陵人成化甲辰進士初知華亭縣以

考最徵拜監察御史時宦官李廣擅權蠹政事敗

頗連大臣太宰屠瀟以為不必深究宣上疏劾之

數其黨護及壞選法數事人稱其直巡視松江貪

考復內紀前

卷四十一

王

墨望風解印綬去

趙盛江陵人成化辛丑進士授大理評事轉寺副正

廉恕詳審多所平反出補雲南按察僉事始巡安

普道訟牒旁午盛治之無留滯部下土官有不法

及掣肘難治者鑒敷實立真于法久之勑平善寨

邊土用安建昌與南詔土酋仇殺徙處靖定士論

建之

羅安自時泰益陽人成化戊戌進士授戶部主事出

補屯田僉事歷四川副使江西按察使調貴州叅

政卒遇事多所建明丘備廬州功績尤偉為立生

祠

曾鉅字文載永興人成化乙未進士授刑部主事轉

員外郎值平陽府有訟田久淹及蘇州衛有誣殺

人罪者繫獄十餘年鉅往訊立訣出補紹興知府

時驛遞多包攬射利輒均輸薄賦釐弊補役乞休

年七十四終于介全念皆登進士第

曾全字復初成化丁未進士授戶部主事值彗星變

上疏陳四事且言都御史屠鑄不法遂以他事逮

繫詔獄褫秩歸所著有尋樂稿

史南贊曰有官守者孰曰盡職有言責者孰曰

考復內紀後

卷四十二

王

盡忠劉陳汪蔡敷奏惟公程李趙羅明誠以庸

曾氏父子克紹戎功

劉璟

作

張寬

黃埏

黃順

劉璟字時瑩武陵人成化丙戌進士初知雷化縣勵

志清苦時邑有姦豪攬權勸餉率至連有環禁戢

嚴甚賦用無匱加意撫字民瘼稍甦辛卯鄉試受

卷於落卷中搜得名士王敷事竣徵拜監察御史

巡視山西憲度嚴明貪吏望風解綬去宗藩嘗訟

民田璟判償民貴戚斂手

彭銓字大用襄陽人成化壬辰進士授大理評事轉

寺正醇朴不謹時山東歲荒往賑之多所全活子  
縉登弘治癸丑進士歷官雲南參政

張寬字伯仁襄陽人成化丙戌進士選庶吉士授翰林  
檢討還雲南食事與學敦化洱海孚悅

黃玠字敬潤蒲圻人合肥教諭煜之孫溫江訓導城  
之孫也煜宅心忠懇積學該博屢典文衡為時所  
宗子城暨壻同中鄉試力行好古雅有父風及孫  
玠生天資英毅成化乙未進士授江西高安知縣  
為政嚴峻豪宗屏跡徵拜監察御史堅持風紀不  
畏強禦時貴州都營苗亂乃勅玠往紀功收土為

考履內紀後

元

流改州為衛厥功居多陟大理寺丞

黃順字敬德大理寺丞玠之族兄也為人淳謹實任  
自然無疾言遽色然博學強記不苟許可成化戊  
戌進士初知溫縣再調陳留為政豈弟平易近民  
凡頑民梗化多為條約諭之邑民懷其惠及致仕  
歸鄉黨尚如諸生時

件紳字佩之蒲圻人訓導佑之子也性多警慧早游  
邑庠與江工部克永廖戶部天章為莫逆交督學  
副使薛綱稱為三傑成化丁未進士授戶部主事  
監稅九江紳精于心計明習吏事舉伍考驗悉中

機宜創置公署代者便之厥後子瑜舉正德庚午  
鄉試第一丁丑進士授禮部主事提督四夷館上  
疏論十事勤聖學篤親親開言路敬大臣選諍臣  
去浮屠極困窮重守令修武備儲人才未幾以爭  
禮杖卒

江師古字克永蒲圻人元鄉貢存禮之裔也叔父晟  
司訓吳江志識淵邁師古從之游恒受華楚勵志  
苦形畧無倦態弘治癸丑進士授工部主事清江  
浦官閤時中貴往來無虛日舟經沽頭作威凌轡  
師古不為屈正德初逆瑾柄國即投疏歸性儉朴

考履內紀後

卷聖

手

敝衣垢襪陋室匡牀獨脩然肆意然喜風鑑豫則  
人禍福先是西涯李文正公有子兆先少負才名  
一日延師古往視麻太夫人病即愕然曰太夫人  
無恙相國位極人臣恐終乏嗣宜亟圖之後果如  
其言師古致政歸自為畫像贊言多近俚亦以自  
嘲又題其所居之壁云門對兩山如拱壁腰纏四  
水似灣弓行人試問何官府鷗鳥沙頭翳笠翁  
史南贇曰武陵桃源夙稱仙宅棗陽蕩川亦號  
澤國環銓之政玠願之德張件江翁楚邦之傑  
風節可嘉孝思維則

謝綱 李愷 李昂 嚴賓 王本義 吳原聰

謝綱字振倫岳州人成化中知高安縣有岷素強梗綱諭以利害革心為善徵拜監察御史清戎四川所至無冤民擢山按察副使所著有素軒文集

李愷江陵人成化丁亥知永新縣境內有梅花峒者頑民梗化不供賦役愷至單車詣峒示以恩威遂皆感化擢同知吉安府

李昂江陵人少有才名初知長寧縣尚書周洪謨稱之曰長寧得賢令四湯行以善政稱胡諒以惠民稱朱思明以賢能稱昂則兼三子之長而有之考

考復內紀後

卷四十一

三十一

嚴賓字邦賢潛江人成化中知南城縣愛民甚切自

奉甚薄清慎勤勞徵拜監察御史子詢詔俱擢賢科

王本義字汝宜松滋人成化丁酉解元授江陰訓導弘治初擢知高安縣每治公事令兩吏讀民詞且治且聽竟無違錯操守清白子相之復中解元人為積德之報

吳原聰通山人成化甲午鄉薦知濟寧州張秋河決尚書劉大夏往治原聰乃克就緒後改知嵩

明高明俗多盜且無城郭原聰度地營築弘治辛酉米魯福佑寇貴州尚書王軾復令原聰督率事不避難中瘴毒卒

史南曰士階一命貴守三歲之屏之翰克慎克勤綱愷昂賓能保厥名本義原聰無愧此心清之一字尤為難稱

袁宗臯 陳軾 劉思賢 袁經 趙文奎

袁宗臯字仲德石首人父愷景泰庚午鄉薦官廣東布政使宗臯與弟宗變同舉成化癸卯至弘治庚戌宗臯登進士時

考復內紀後

卷四十二

三十二

獻皇帝以甲寅之興邸擢宗臯為藩府長史與同承張景明進講

純一殿撰述

含春恩紀諸集多所啟沃正德辛巳

今上登極宗臯扈從至京陟禮部尚書文淵閣大學士賜玉帶蟒衣永幾江西撫臣獲謀叛都御史李士實妾姝色穠麗

上命賜宗臯不數月感疾卒謚榮襄

陳軾字子敬應城人弘治乙丑進士授知縣拜監察御史出補山西按察副使歷陞戶部侍郎為人小

心謹畏本分無他才能卒于京師

劉思賢字周賓石首人弘治丙辰進士歷戶部郎中致仕起補知府轉長盧運使遷山東參政陝西布政使歷陝工部侍郎恭慎端懿凡事不苟以善終表經字大倫寧鄉人弘治庚戌進士授推官拜監察御史出補按察僉事轉按察使擢僉都御史巡撫遼東改大同卒于途所著有犀潭集

趙文奎字天章江陵人少與弟文衡勵志講習文奎登成化丁未進士初知繁昌縣徵拜監察御史巡視鳳陽清戎西浙出補雷州知府擢雲南參政轉

考履內紀後

卷四十二

三十三

遼東苑馬寺卿貴州布政使召入為應天府尹

史蘭曰臣讀中秘書時見袁榮襄翊

運入輔想望其羽儀俱年已耄昏謾不可否天下事

而子敬之雅飭用賓之淳篤大倫之嚴教天章

之端諒亦皆不可少也贊曰宋昌代邸侃侃直

言古有其人榮襄孤騫陳劉表趙後先輕軒風

度凝嶮折檻排闥

何珊

曾大有 王昊 潘子秀 譚玉瑞  
劉暉 楊遜 朱袞 黃昭道

何珊字廷佩公安人父皞永樂癸酉鄉薦初知睢寧

縣在邑九載禱雨有應麥秀三岐蝗不入境繭為

異政珊幼孝友弘治癸丑進士授南京刑部主事

轉員外郎中補重慶知府有惠政歷陞按察使陟

布政使珊為人溫粹與物無競居常以身為教與

鄒荏簡公布衣竹杖時相往來結社賦詩有唐香

山宋洛陽諸老風

曾大有字世亨麻城人弘治癸丑進士授知縣徵拜

監察御史振紀銜憲直轂動臺端忤逆瑾除名瑾

敗起擢知府遷按察副使四川參政江西按察使

陝布政使弟大顯弘治壬戌進士仕至參議子珽

考履內紀後

卷四十二

三十四

亦舉嘉靖癸未進士授知縣徵拜兵科給事中

轉戶科都給事中謫廣西典史起擢四川僉事

王昊字汝欽衡州人弘治癸丑進士授桐鄉知縣徵

拜監察御史擢雲南副使昊持正不阿積忤權勢

歸卒

潘子秀字人傑江陵人幼穎異日記數千言弘治癸

丑進士授戶部主事有能轍馬端肅公器之調文

選員外郎精于品藻臧否人物允當出補江西提

學副使造就人材振起風教卓有可紀卒年四十

六



譚玉瑞字雅祥茶陵人弘治癸丑進士授行人進司  
正性坦直處困無戚容在官無私蓄妻子僅自給  
奉使寧藩餽遺不受居家睦族置義倉設祭田立  
鄉約家政井然

劉璵字士約麻城人弘治庚戌進士初知豐城縣蒞  
政嚴明庭無私謁事無留滯以才見稱

楊遜字崇讓均州人弘治癸丑進士拜留臺監察御  
史彈劾不避權寵擢淮安知府以慈惠為政愛養  
群黎煦如子姓進按察副使

朱衮字子文永州人弘治壬戌進士選翰林院庶吉

考復內紀後

卷四十一

三十五

士拜監察御史以忤逆瑾謫縣丞瑾敗起擢南京  
吏部郎中出補雲南參議轉按察副使進參政為  
人朴茂善談論如涌泉懸河清冽澎湃其為文馳  
回雲結萃律嶠嶷其所蘊人莫能測至今猶可想  
見之

黃昭道字文顯平江人弘治己未進士授知縣拜監  
察御史以忤逆瑾除名瑾敗起擢僉事轉山東副  
使遷雲南參政為人醇朴無華居嘗深居山谷市  
人罔見其蹤 薦余廷珣屢稱之

劉寓生字奇進石首人弘治乙丑進士選翰林庶吉

士與湛甘泉穆玄菴講明性學拜監察御史以忤  
逆瑾致仕起擢福建僉事

廖珊字邦重衡陽人正德戊辰進士授行人才識通  
敏位不滿德里閔惜之子正僑舉鄉薦

史南贊曰孰謂鄉評月旦可徵孰謂史論春秋

斯明弘治泰和群賢彙征曾王藩譚各効爾能

劉楊何朱適駁有嚴黃劉守官邦重揚名

龍誥

周廷徵

范軫

唐鳳儀

劉淑

朱衣

龍誥字孔錫攸縣人正德戊辰進士初知臨川縣時

考復內紀後

卷四十二

三十六

盜起誥率兵往平之遷戶部主事歷郎中督賦江  
西有惠政擢廬州知府歲旱民飢誥粥其饑者疏  
罷馬價茶芽諸賦置義倉備荒政擢四川副使轉  
廣西參政所著有東洲奏議諸集

周廷徵字公賢麻城人以鄉薦授安福教諭徵拜監  
察御史正德辛未擢九江兵備副使蒞政嚴明推  
誠馭下綜理周密百度皆舉且樂於課士後以流  
賊犯境奮志勦捕發疽而卒

范軫字以載桂陽人正德辛未進士授行人拜監察  
御史謫四川宣撫司經歷起擢福建僉事江西副

使適宸豪謀叛輅首撻其樂工殺之誣繫獄除名

事白復起山東副使姪鑾字汝和甲戌進士拜監

察御史擢四川副使弟永宇永官俱領鄉薦

唐鳳儀字應韶邵陽人正德戊辰進士授行人拜監

察御史堂河南道凡廷臣考課精核攸當擢應天

府丞陞僉御史巡撫四川卒

劉淑相字養忠麻城人正德甲戌進士授南京兵部

車駕司主事值

武宗南征邊將中官鰲腫蝟集無敢當其鋒者淑相

請行時家宰喬白嚴為司馬獨壯之出補廣西按

考履內紀後

卷四十一

三十七

察使擢順天府尹上疏論事為人木強不屈以是

除名卒

黎奭字師召今奉天府人正德辛未進士授兵科給

事中轉南京通政司叅議通政擢順天府尹陟工

部侍郎卒

侯位字世卿平谿衛人正德辛未進士授知縣召入

為兵部主事轉車駕員外武選郎中出補山東叅

議歷陞都御史巡撫應天督理京儲致仕

賈啟字啟之黃岡人正德辛未進士授知縣徵拜監

察御史擢光祿少卿謫徽州推官歷陟都御史巡

延綏

楊禕字介福武陵人成化癸卯鄉試第一弘治丙辰

進士選翰林院庶吉士拜兵科給事中持正敢言

忤逆瑾致仕瑾敗起遷吏科都給事中轉通政歷

陞南京太僕卿

王廷陳字稚欽黃岡人叅政濟之子也正德丁丑進

士選翰林院庶吉士補吏科給事中諫阻南征謫

裕州知州

劉黻字伯綱衡陽人正德丁丑進士授行人謫國子

助教拜監察御史養病子允領鄉薦

考履內紀後

卷四十二

三十八

陰汝登字民獻崇陽人其先有名天與者為元萬戶

避亂入蜀占籍內江厥後子淑字宗孟成化戊戌

進士官按察副使汝登領正德癸酉鄉薦授安鄉

學諭擢國子監學正拜監察御史巡視雲南事竣

出補鎮遠知府

史南曰人有恒言為政紀綱生前節義死後文

章龍周范唐士節無傷劉黎侯賈政績允藏介

福稚欽文學有光伯繡民獻可謂知方書之未

簡流譽無疆

楚紀卷之四十二

楚紀卷之四十三

皇明賜進士 經筵官講學 國史直學 翰林院庶吉士 盛南撰

考履外紀前篇

夫履之素也其可以考無咎乎孔子曰吾猶及史之闕文也又曰其義則丘竊取之矣是故仍其文則事核而可徵附以義則群分而不窳知我罪我庶其在茲乎撰考履外紀前篇

司馬徽

馮彥承

鄧方 輔匡

司馬徽字德操襄陽人清雅有風致善知人漢先主訪士于徽徽曰識時務者在俊傑此間有伏龍鳳

考履外紀前

卷四十三

雖謂諸葛孔明龐士元也後果如所論梓潼李仁

尹默俱從之游

黃彥承襄陽人性資高朗為河南望族嘗謂諸葛孔明曰聞君擇婦身有弱息可堪作配孔明娶之里人諺曰莫作孔明擇婦正得阿承醜女

鄧方字孔山南郡人也以荊州從事隨先主入蜀為犍為屬國都尉因易郡名為朱提太守遷安遠將軍來降都督章武二年卒蜀史贊曰揚威才幹欬

歐文武當官理任行行辯舉圖殞財施有義有叙輔匡字元弼襄陽人也隨先主入蜀為巴郡太守建

興中徙鎮南為右軍封中鄉侯

馮習字休元南郡人也隨先主入蜀為領軍統馭于

魏亭死難

史南曰知人則哲帝堯猶以為難方人為賢仲尼亦且不暇而況其他乎德操物色孔明于隆中彥承遂以薦蘊櫟附乃若方之揚威匡之建勲習之死難皆有裨于昭烈者也匪其相知之深又安能相濟其不足也哉贊曰伏龍高卧鳳雛軒翥相厥攸止阿承醜女方匡贊謨斯夕與處習敗魏亭死亦可取

考履外紀前

卷四十三

殷觀

張悌 蒯越 賴恭

殷觀字孔休宜城人先主辟為荊州主簿孫權遣使約先主共取蜀或謂宜聽之觀曰若有吳先驅進未能克蜀退為吳所乘即事去矣今但可贊其伐蜀新據諸郡未可輕動吳必不敢越我而獨取蜀也如此進退之計可以收吳蜀之利先主從之遷觀為別駕從事

張悌襄陽人孫皓時為丞相封山都侯晉伐吳諸葛觀太敗走使迎悌悌不去觀自率之曰天下存亡有數豈卿一人所知何乃自苦為悌論曰仰思今

日是悌死所也恐不得死負名賢矣今當以身殉社稷復何之耶為晉軍所害

蒯越字異度南郡人劉表為荊州刺史時盜賊縱橫道路梗塞表入宜城聞其經畧辟越及蒯良與謀表謂越曰宗賊雖盛而眾未附若表術因之禍必至矣吾欲徵兵其策焉出越曰理平者先仁義理亂者先權謀兵不在多貴乎得人表術驕而無謀宗賊率多貪暴有所素養者使人怵之以利必恃眾來使君誅其無道施其才用威德既行禍負而至矣兵集眾附南據江陵北守襄陽荊州八郡可

考優外紀前

卷四十三

三

傳檄而定公路雖至無能為也表曰善乃使越誘宗賊及江夏賊張虎悉降後曹操封越為列侯誘賊殺之州境遂平蒯欽者亦襄陽人有名于時蒯恭零陵人荊州牧劉表遣恭代張津為交州刺史吳匡代史璜為蒼梧太守後恭與巨相失恭還零陵

史南曰殷觀獻策以拒吳張悌赴義以死晉蒯越賴恭則又有事于劉表者是亦可書也贊曰三國鼎分群雄崛起劉焉之後表為刺史殷觀張悌大吠為主蒯越賴恭靖共是與

魚弘 秦頡 繁仲皇附

魚弘襄陽人身長八尺皆美姿容累從征為軍鋒歷南譙盱眙竟陵太守嘗謂人曰我為郡水中魚鼈山中麋鹿田中米穀咸盡也丈夫生如輕塵棲弱草白駒之過隙耳富貴幾何時於是恣意酣賞侍妾百餘人金翠服翫車馬皆窮其選同時有徐緄者亦以豪侈相尚時人語曰北路魚南路徐又有秦頡者襄陽人仕漢為江夏都尉轉南陽太守行至宜城嘆曰茲地可卜佳城後卒于官輜車過此不行遂葬之如其言又有繁仲皇者為青州刺史

考優外紀前

卷四十三

四

皆以豪侈相尚云

史南曰儉德之懿也侈德之衰也謙德之基也驕德之覆也以儉律身猶恐其放而况侈乎以謙處物猶忌其滿而况驕乎乃若魚弘之生盡其欲秦頡之死戀其土而繁氏之俠又有踰焉惡得弗覆且襄乎贊曰天道虧盈謙乃有益人道忌滿儉斯可得魚弘鏤牀秦頡勒石繁氏豪奢均為失德

唐諶 唐宏 唐獻之 附

唐諶零陵人晉武帝咸寧間舉茂才拜武騎常侍南

平吳楚還拜零陵太守境內稱治

唐宏幼穎悟晉懷帝末嘉中舉孝廉拜殿中郎累遷尚書令又有唐獻之者仕南齊官至都督嶺南諸軍事

史南曰臣觀零陵志甚稱唐氏為著姓夫浯溪至柳子摩崖至元子而名始彰若唐氏者其浯溪之儲秀摩崖之毓靈已乎贊曰浯溪挺秀摩崖于霄唐氏諸子德音孔昭謚之平吳謙退不忼宏之應辟孝廉惟修獻之績緒未言延休樂廣 樂藹 樂法才

考優外紀前

卷四十三

五

樂廣字彥輔其先南陽人徙居江陵父方為魏夏侯玄參軍廣性冲約有遠識王戎為荊州刺史舉廣為秀才轉太子舍人出輔元城令入遷中書侍郎至侍中時王澄胡毋輔之皆任放達廣曰名教中自有樂地何必乃爾武陵潘京舉秀才共談累曰廣曰君天才過人但恨寡學耳若學必為詞宗京感其言向學不倦值世道多虞清己中立任誠保素而已人莫見其際焉後遷吏部尚書左僕射成都王穎廣之婿也與長沙王入邁難廣以憂卒三子凱為齊王驃騎肇為東海王椽謨為吳郡內史

六世孫藹

樂藹字蔚遠徙家江陵生而方頤隆準舉動醞藉雍州刺史宗慤嘗陳器物試諸甥姪藹時尚幼無所取遂音之齊豫章王嶷為荊州刺史以藹為驃騎將軍嶷嘗問城隍風俗山川險易藹隨問立應若按圖牒或諧其門如市嶷遣覘之藹方閉閣讀書後為大司馬記室永明八年荊州刺史巴東王子響叛官曹文書悉為焚盡武帝見藹占對詳敏帝悅用為荊州從事藹還州繕修解署一時皆疑藹率荆湘二州建碑北城南康王以藹為諮議參

考優外紀前

卷四十三

六

軍蕭穎胄引藹及宗夫劉坦任以經略天監中擢御史中丞初藹發江陵偶獲八車輻如憲御者至是果符性公果甚稱其職值長沙宣武王薨忽庫中火藹曰晉武庫火張華以為積油久灰既而檢之如其言二年出為平越將軍廣州刺史徐元瑜謀害藹誅之藹姊適徵士劉科子法才樂法才字元備幼與弟法藏俱有名沈約奇之為建康內史不拜歷少府卿江夏太守過家劉宅為梵宇棲心物表法藏任征西參軍子雲美為江陵令

死難

史南曰臣攷武陵志以為樂謫為縣令植桃李民不忍伐有祖廣之遺風及觀梁書則又著其徙家江陵然則何所從乎徵諸國史可也贊曰樂起南陽避亂江陵清談神理歷表官情廣之高尚謫之清貞法才法藏為梁世臣

席固 薛愷

席固字子堅其先安定人也高祖衡因後秦之亂寓居襄陽仕晉為建威將軍遂為襄陽著姓固少有遠志內明敏外質朴梁大同中為齊興郡守屬侯

景亂固父居郡職士多附之遂有親兵千餘人梁

元帝嗣位江陵遷興州刺史固欲自據且以觀時

七

變密謂所親曰今梁氏失政揚都覆沒湖東不能復讎雪恥而骨肉相殘宇文丞相初啓霸基招徠以禮吾欲決意歸之與卿等共圖富貴左右未有應者固更諭以禍福諸人從之魏大統十五年以地來附宇文泰方欲南取江陵西定蜀漢聞固之至甚禮遇之乃遣使就拜持節驃騎大將軍開府儀同三司大都督封新豐縣公邑二千戶後轉湖州刺史固以未經朝謁心不自安啓求入覲魏主

許之及因至太祖與之歡醺賞賜甚厚進爵靜安

郡公增邑并前三千三百戶拜昌歸憲三州諸軍事蒞官之處頗有聲績保定四年卒於州時年六十贈大將軍襄豐唐鄧復五州刺史謚曰肅仍勅襄州賜其墓田子世雅字彥文少以孝聞初授車騎大將軍儀同三司除贊城郡守順直三州刺史大象末位至大將軍世雅弟世英亦授上開府儀同大將軍

薛愷字景猷河東汾陰人也曾祖弘敞值赫連之亂率宗人避地襄陽愷早喪父家貧躬耕以養祖母

考優外紀前

卷四三

八

有暇則覽文籍時人未之奇也江表取人多以世族愷既羈旅不被擢用然負才使氣未嘗趨世槓之門京兆常潛度謂愷曰君門地非下身材不劣何不曳裾數參吏部愷曰世胄躡高位英俊沉下僚古人以為歎息竊所未能也潛度告人曰此年少極慷慨但不遭時耳愷終日讀書手自抄略集一百卷惟郡守元襲時相要之愷與抗禮族人懷僞每勸之營產業愷亦恬然自處不改其舊晉泰中拜給事中加伏波將軍

史南曰臣攷諸後周書乃見席固比郡人也薛

愷河東人也而咸徙寓襄陽夫二子以河朔之英遭仇離之變舉族南遷僑居勝地近日如劉通政曰乾儲御史良材亦寓茲地豈非以隆中西踞鹿門東盤固可嘉客執贊曰中原塵起南國山幽習池未溷蔡洲可遊席固豪士薛愷好仇興言于邁不失其儒

皇甫方回

葉譚 李珪之

皇甫方回安定人玄宴先生謚之子也少遵父操兼有文才永嘉初博士徵不起避亂荊州閉戶間居未嘗入城府黷而後衣耕而後食先人後已尊賢

考優外紀前

卷四十三

九

愛物南土人士咸崇敬之刺史陶侃禮之甚厚侃每造之披素士服望門輒下而進王敦遣從弟庾伐侃遷侃爲廣州侃將請敦方回諫曰吾聞敵國滅功臣亡足下新破杜弢功莫與二欲無危其可得乎侃不從而行敦果欲殺侃賴周訪獲免屢既至荊州大失物情百姓叛屢迎杜弢屢大行誅戮以立威以方回爲侃所敬責其不來詣已乃收而斬之荆土華夷莫不流涕厥後有皇甫璠者建德三年爲隨州刺史有惠政

葉譚零陵人清簡有節操至洛陽舉孝廉王濟謂曰

君吳楚人也亡國有何秀異乃應斯舉譚曰君不聞明珠大貝生于江海之濱乎武子無以對後除郎中拜太子舍人

李珪之字孔璋江夏鍾武人父祖皆爲縣令珪仕晉遷鎮諮議右軍將軍兼都水使者珪之歷職稱爲清能轉游擊將軍仍兼少府

熊尚字子尚零陵人其先熊繹後也尚初補桂陽曲江長轉綏民校尉遷騎都尉改灌陽長

史南曰臣攷楚志乃見葉譚偉辯熊尚清風及觀晉史則又徵皇甫方回之志節與夫李珪之

考優外紀前

卷四十三

十

之宦業世著勲名有光于楚也贊曰天下有道行有枝葉天下無道辭有枝葉方回邁難迥然清節譚之高論徒尚口說珪之清能尚之敦實舍彼取此庶幾可則

向弘

馮行襲 桓誕

向弘施州人世有施地晉太興三年與向璠等詣臺求拜除元帝詔特以弘爲折衝將軍當平鄉侯賜以朝服

馮行襲字正臣均州人唐末山南盜孫喜以衆千人襲均州刺史呂燁行襲爲州校陰選勇士獨乘小



舟逆喜給云頭為前導以慰安民喜信之乃留其  
兵江北獨與行襲潛行喜為行襲所殺山南節度  
使劉巨容表為均州刺史昭宗以金州為戎昭軍  
拜行襲為節度使後附于梁遣子勗以舟兵會均  
房梁拜為司官封長樂郡王卒贈太傅諡曰忠敬  
桓誕施州人晉桓玄之裔也流竄大陽蠻中遂習其  
俗及長多智謀為群蠻所歸僭稱施王延興三年  
擁沔水以北漁業以南八萬餘落遣使內屬孝文  
嘉之拜征南將軍東荊州刺史命尚書郎常珍偕  
誕招降桐栢諸蠻封誕襄陽王聽自選郡縣徙治  
於朗陵魏南伐誕請為前驅乃授使持節南征西  
道大都督討義陽入宋而還降為公卒諡曰剛子  
暉龍驤將軍次子叔興襲爵襄陽公

考卷外紀前 卷四十一

史南曰後魏文帝號延興齊海陵王亦同其號  
不知志所謂元帝者即後魏明元帝平向弘見  
于郡志然大興又晉元帝號也馮行襲見于五  
代史桓誕見于比史姑存之云爾贊白楚子彌  
王春秋削之施陽桓誕曷敢蹈斯向弘邊畧乎  
卿有祠太興延興率多繆詞

朱元英 魏景傳 裴叔業

元英南郡人梁武帝時侯景來降有沙門陸法和  
隱于百里州豫知其將叛謂元英曰吾將助擊之  
元英曰景為國報効師云擊之何也法和曰正伺  
如此即往青谿山景果叛元英往問曰景合圖織  
其事云何法和曰取果待熟不撩自落吾將待候  
景熟何勞問也後果敗景獲其將于赤沙湖  
劉靈遺襄陽人仕劉宋為輔軍將軍元徽元年自淮  
南太守徙豫州刺史轉歷陽郡將軍如故徽為散  
騎常侍領步兵校尉終蘭陵太守諡曰壯  
魏益得襄陽人有才幹膽力過人數從軍征討有功  
累遷郡守蕭譽在襄陽以益得為其府司馬承制  
拜將軍加大將軍及譽稱制進位柱國封上黃侯  
加車騎將軍卒贈司空諡曰忠壯進爵為公配饗  
啓廟

考卷外紀前 卷四十二

裴叔業其先河東人徙居襄陽仕魏宣武帝為征南  
將軍封蘭陵郡公卒于襄陽贈開府儀同三司諡  
曰忠武  
成景儒仕魏文帝太和中為豫州刺史南征荆楚遂  
寓衡之藍山  
岑善方字思義其先岑彭之後隨梁宣帝寓襄陽魏

恭帝二年遷襄陽太守加散騎常侍卒贈太常卿  
謚曰敬子四人之元之利為司復丞之象為邵陵  
令

史南曰臣攷諸六朝書及南北史乃知元英之  
訪法和靈遺之仕宋主益得之從蕭譽叔業之  
翊魏宣景偽之隨魏文善方之忠梁裔其跡不  
同其事固有攸往也贊曰六朝屋社諸臣佐命  
率濟權謀罔由中正數子遺會黷武啓釁或謚  
為忠或謚為敬或配廟庭或遷鄉井三復遺編  
爰以志警

考廣外紀前

卷四十三

十三

田康 趙國珍 鄧正直 韓約

康施州人貞觀中仕至黔州都督邇臨趙蠻遙距  
夷僚西屬昆明南接洱河山川阻深莫知道路趙  
氏世為酋長夷子渠師姓季氏與西趙皆南蠻別  
種勝兵各萬人未嘗通中國康諷諭之皆遣使入  
朝

趙國珍施州人開元中有趙君道代謝氏為梓州刺  
史封夜郎郡公國珍天寶中有戰功閣羅鳳叛宰  
相楊國忠兼劍南節度使以國珍有方畧授黔中  
都督屢敗南詔保障五溪十餘年天下亂其部獨

寧仕至工部尚書又房武在唐為施州刺史韓愈  
撰其妻鄭氏表

鄧正直衡陽人以行義聞陳未定初歐陽頠刺衡州  
雅知其賢辟為廬陽令罷征弭盜修城濬河興學  
崇教人多稱之

韓約武陵人仕唐為虔州刺史歷兩淮發運使權安  
南都護文宗時拜金吾大將軍約初在郡修屯田  
儲餽餉多著政績

史南曰惟楚有材惟晉用之豈必借才異代哉  
存乎其人耳施介楚蜀之交衡居鼎澧之間而

考廣外紀前

卷四十三

十四

田趙之不受變于夷鄧韓之能振振于俗固可  
紀也贊曰巫峰憎恨川靈所鑿衡嶽嶺嶺祇  
攸崇德山桃源誕育豪雄田趙鄧韓報國有功

劉晏 甄逢 梁震 徐仲雅

劉晏字士安曹州南華人玄宗封泰山晏始八歲獻  
頌行在帝奇其幼命宰相張說試之說曰國瑞也  
即授太子正字公卿邀請旁午號神童名震一時  
再遷侍御史祿山亂避地襄陽永王璘署晏右職  
固辭詔拜度支郎中兼侍御史領江淮租庸事代  
宗立復為京兆尹戶部侍郎領度鹽鐵轉運租庸

便

甄逢初名憲臺甄濟之子其先定州無極人天寶十載以左拾遺召未至而安祿山入朝求濟玄宗授范陽掌書記值來瑱辟爲襄陽參謀拜禮部員外郎宜城楚昭王廟埏地廣濟立墅其左瑱死屏居七年大曆初江西節度魏少游表爲著作郎兼侍御史卒逢少孤長耕城野自力讀書不謁州縣歲飢節用以給親里大穰則振其餘於鄉黨貧狹者朋友有緩急輒出家貲周贍以義聞逢常以父名不得在國史欲詣京師自言元和中袁滋表濟節

考復外紀前

卷四十五

十五

行與權臯同科宜載國史有詔贈濟秘書少監而逢與元稹善稹移書於史館修撰韓愈曰濟棄去祿山及其友有名號又逼致之執不起卒不汙其名矣辨所從於居易之時堅再操於利仁之世而猶冀懦者之所不爲蓋拂人之心難而害已之避深也至天下大亂死忠者不必顯從亂者不必誅而眷眷本朝甘心白刃難矣哉若甄生者弁冕不加其身祿食不進其口直布衣一男子耳及亂則延頸受刃分死不回不以不顯而廢中不以不誅而從亂在古與今蓋石一焉愈荅曰逢能修

身幸於方州大臣以標目其先人事載之天下耳目微之天子追爵其父弟四品赫然驚人逢與其父俱當得書矣由是父子俱顯名

梁震蜀人後梁開平元年進士寓江陵高季昌慕其才名留之欲辟爲判官震耻不就欲去恐禍及乃曰震素不懷榮公不以震爲愚願以白衣侍樽俎許之乃築室于土州披鶴氅襦荆臺隱士每詣村乘黃牛高從誨時過其廬贈遺持厚

徐仲雅其先關中人徙居長沙年方弱冠馬希範辟置天策府與拓拔恒李弘皋廖匡圖等爲學士時

考復外紀前

卷四十五

十六

造九龍殿沉香雕龍飾以金寶重欵供役仲雅規正不從後遷鎬入長沙仲雅辭去周行逢慕其名辟之不仕

史南曰楚地廣邈多高山大川而夫魁梧卓犖之材跼地侷儻之士多栖馬是故劉晏齊人也寓襄陽甄逢燕人也寓宜城梁震蜀人也寓江陵徐仲雅秦人也寓長沙其所建樹率皆有數名動燕公乾沒財利鮮克有終甄逢力學宜城寄蹤顯名橋梓元禎表忠梁震負才跡寄渚官

逍遙郊野以暢厥衷仲雅應辟派衍關中徙居沙土規諷發滕

李植 李燾

李植字元直泗川臨淮人徙居潭州初植兩領鄉薦從父中行從蘇長公游太史晁無咎曰此國士也以女妻之靖康初何子諱薦植補迪功郎督餉募士厥功居多高宗駐師鉅野間植以布衣統兵至喜賜之食曰得一士如獲拱壁豈特軍餉已乎植上表勸進高宗即位守札獎諭尋以奉議郎知潭州湘陰縣時楊公蕩折植披荆棘立縣治發廩賑

考履外紀前

卷四十三

十七

貧撫窮恤孤張浚督師薦知鄂州大寇馬友孔彥舟未平植修戰艦習水戰分為二翼大破之以功擢朝奉大夫通判荆南府秩滿遷戶部員外郎時秦檜當國植丐祠奉親寓醴陵十九年杜門不出檜死子諱復薦之帝曰朕故人也方欲大用以毋老辭知桂陽軍毋沒廬墓有白鷺朱草之瑞服闋起知瓊州改知徽州直秘閣遷荆湘大提點乾道二年直寶文閣知建康府上言防江十策語在宋史後以老還湘時胡安國父子家南嶽下劉錡家湘潭相與往還言及國事每憂形于色年七十六

卒有臨淮集十卷胡銓叙之子五人汝虞知桃源汝士知黃州汝士知昌化軍

李燾字仁甫眉州丹稜人唐宗室曹王後也徙居瀏陽燾登紹興八年進士調荊陽簿乾道五年遷秘書少監直顯謨閣出為湖北轉運副使歲饑發鄂州大軍倉賑之僚友執不可燾曰吾自任不以累諸君也進秘閣脩撰子垕中制科坐累知常德府豐辰沅靖四州初慮營田努手擾民燾請度田立額且約帥臣張栻列奏詔從之境產茶商賈交兵為敵燾撫之明堂禮成擢敷文閣待制所撰長編

考履外紀前

卷四十三

十八

九百七十八卷張栻曰李仁甫如霜松雪栢卒年七十

史南曰臣攷宋史見南渡之後鉅家華冑播遷江南有若胡康侯傳經于紫蓋張南軒講道于嶽麓朱昂佐賦于湘臯范如圭貽訓于荆門卓欽大雅不群爾矣若李植藏書于湘潭李燾撰史于瀏陽固皆曠世之儲才無區之挺秀者也贊曰湘水澄澈中涵太虛瀏山嶢嶢上聯皇雲植之徙潭杜門著書燾之僑瀏撰史盈車邈矣高風立懦起愚

范如圭 何鎬

范如圭字伯達建陽人父舜始登進士第官從事郎卒于荆門如圭從舅胡文定公受春秋學鄉舉類試皆第一對策廷中極論人主正心立學之方力訴和議言甚壯切授左從事郎武安節度推官時虜騎已陷長沙湘中大亂如圭崎嶇避地荆門艱苦百罹而志業益脩江東安撫司機宜文字近臣交薦召試除秘書省正字改宣義郎遷校書郎兼史館校勘會秦檜力建和議虜使鼎來而朝廷草創無所館將闕秘書省以處之如圭亟見趙鼎曰

考後外紀前

卷五十五

九

秘府謨訓所藏可使腥羶處之乎檜以是怒又寄荆門中更變亂乃謁告奉樞歸葬故鄉飯蔬帶經往返數千里既寔即以病告差主管台州崇道觀杜門讀書不與人事者十餘年尋起通判邵州又通判荆南府事省荆南戶口賦稅數十萬時檜已死如圭所與同時去國者多召用如圭亦被命入對高宗猶記前議勞問久之因進言為治以知人為先知人以清心寡慾為本語甚懇至時宗藩並建儲位未定道路竊有異言如圭雖在遠外獨深憂之嘗劄至和嘉祐間名臣章奏凡三十六篇合

為一書至是囊封以獻且言曰願陛下深考群言仰師成憲斷以公道無貳無疑則天下幸甚人或以越職危之如圭不顧也上見其疏歎之曰如圭可謂愛君矣遂留覽因逐泉州卒朱熹銘其墓曰嗚呼惟公廣博易良不耀其章不劇其方斤斤其容坦坦其行懇懇其言循循其政剛毅勁切以時祭之賁育雖強孰能奪之晚殫厥猷遂啓明聖萬世之傳一語而定凡今有慶孰匪公功我銘斯闕以詔無窮

考後外紀前

卷四十五

十

何鎬字叔京福建人父克仕為左朝奉郎通判辰州事生鎬于辰州既長孝謹有器識嘗受中庸大學於東平馬伸所服勤不怠又以其忠節事狀移書太史忤秦檜下吏竄南方瀕死不恨操存杜門終日澹然若無營者至於論說古今指陳得失則又明白慷慨可舉而行由此南州之為程學者自鎬始用父任辰州恩補官授泉州安溪主簿再調汀州久之以年格循資調漳州善化令將行而率鎬為人清夷恬曠廉直惠和談經論事簡易條暢所著書有易論語說史論詩文數十卷晚築書堂南坂上名以高遠用見已意朱熹銘其墓曰清直而

溫夷易而方惟學不憚厥猷以先孰啓于家而居于邦孰豐其粹而齒其長帝罔弗表氣或交診既欽厥承君則奚愧莫尊匪德莫乂匪言銘以相之刻石墓門

史南曰臣觀

興都志列如圭爲荆門人辰州志亦以鎬爲流寓及攷諸晦菴所撰二子墓銘則知其咸爲閩人而反葬于鄉然其流風餘韻猶有存者故及之贊曰荆門山翠近浥岷江辰溪霞綺遠結湘邦伯達進講君德攸光叔京授學士習允臧爰以錄

考履外紀前

卷四十三

王

之以表其長

張錫 張君房 張翹 張嘉猷

張錫字貺之其先京兆人曾祖山甫嘗從唐僖宗入蜀蜀平徙家漢陽錫進士甲科試秘書省校書郎補南昌令遷著作郎知新州初建學于州自是人始知學再遷太常博士監染院詔選能吏治畿縣乃以錫知東明至令其下曰吾所治者三恃力恃富恃贖者吾所先也治有聲績遷樞密直學士李及薦爲監察御史丁謂貶崖州議還利地錫疏謂姦邪弄國本與天下共棄之今復還是遠天下意

向是止健雷州王清昭應宮災連繫甚衆錫言天災反以罪人恐重天怒願修德以應之會論者衆欲遂解遷殿中侍御史權三司鹽鐵判官出爲荆湖北路轉運使改尚書兵部員外郎還判度支知勾院爲京東轉運使淄青齊濮鄆諸州人冒耕河壩地數起爭訟者亦息判鹽鐵勾院爲河北轉運使改江淮制置發運使召兼侍御史知雜事判大理評事權知諫院安撫利夔路歷度支鹽鐵副使喪母起復擢天章閣待制知河中府累遷右司郎中以龍圖閣直學士知滑州遷右諫議大夫知審

考履外紀前

卷四十三

王

官翰林院侍讀學士判大常寺國子監卒贈工部侍郎錫淳重清約雖貴奉養如少賤時讀書老而彌篤初舉廣文館進士考官任隨以爲第一及隨死無後錫屢調其家

張君房安陸人宋真宗時爲著作郎時日本遣使入貢詔本國建寺詞臣譔記君房代爲之夷使待命君房醉飲市樓索之不獲直院大窘後楊億改閑忙令曰世上何人最號忙紫微失却張君房張景字晦之公安人少從河東柳開游悉出家書畧之嗜學益力時富春孫僅沛國朱巖成紀李庶景

與麗益聲華日振真宗詔有司計偕天下士景居  
首列調館陶簿坐累謫全州尋爲房襄二州文學  
參軍陳堯咨知其才薦爲寶應簿淮島僉維馮戾  
峨巫景剪除之後通理真州事天禧二年卒所著  
有洪範王霸數十篇宋景文公祁銘曰礪才章号  
懿淳孝至撫仕号難老譽皇皇号晚獲伸發吾懷  
号露珍神茫号安究尚立言号不朽

張翹沅陵人神宗時章惇經畧湖北翹上書言南北  
江利害惇卿之或以告翹翹曰苟利於人死不惡  
也惇無以害焉晚居深山中以文史自娛杜門不

考履外紀前

卷四十三

王

出幾二十年

史南曰臣聞諸孔子云吾猶及史之闕文也是  
故春秋書夏五書郭公以存疑耳吾觀國史至  
張錫則有傳君房則見於說家及考宋文鑑張  
景則有銘張翹則見于郡志近公安鄒督府廷  
澤賦以邑志則又以景爲隱士仁宗時人也故  
紀之考履豈志有尹及詳國史耶贊曰大別宛  
起漢水所經黃山秀麗繚繞洞庭賦之君房夙  
負才名晦之及翹國史有聲胡爲郡志支獻無  
徵

王質 金烈 謝淳 附

王質字景文其先鄆州人後徙興國質博通經史善  
屬文游太學與九江王沆齊名阮每云聽景文論  
古如讀鄴道元水經名山大川貫穿周匝無有間  
斷咳唾皆成珠璣質與張孝祥父子游深見器重  
孝祥爲中書舍人將薦質舉制科會去國不果著  
論五十篇言歷代君臣治亂謂之朴論紹興三十  
年舉進士召試館職不就明年金主完顏亮南侵  
御史中丞汪澈宣諭荆襄又明年樞密使張浚都  
督江淮皆避爲屬入爲太學正時孝宗屢易相質

考履外紀前

卷四十三

王

上疏曰陛下即位以來慨然有爲而陳康伯葉義  
間汪澈在廷皆不以為才獨徘徊康伯難於進退  
遂用史浩而浩不稱用張浚而浚無成今湯思退  
專任國政又且數月臣度其終無益也夫宰相之  
任一不稱則志沮康伯持以和和不成浚持以戰  
戰不驗又持以守守既困思退又持以和陛下亦  
嘗深察和戰守之事乎李牧在鴈門法主於守守  
乃有戰祖逖在河南法主於戰戰乃有和羊祜在  
襄陽法主於和和乃有守今陛下之心志未定規  
模未立或告金弱且亡而吾兵甚振陛下則勃然



有勒燕然之志或告吾力不足恃而金人且來陛  
下即委然有盟平涼之心或告吾不可進金不可  
入陛下又蹇然有指鴻溝之意使會三者為一天  
下烏有不治哉天子心知賢忠而忌者共讒其年  
少好異論遂罷去會虞允文宣撫川陝辟質偕行  
一日令草檄契丹文援毫立就辭氣激壯兄文起  
執其首曰景文天才也入為樞密院編修官兄文  
當國孝宗命擬進諫官兄文以質鯁亮不回可右  
正言時中貴人用事多畏憚質陰沮之出判荆南  
府奉祠山居絕意祿仕淳熙十五年卒先是金人  
考履外紀前 卷四十三 十五

入寇湖盜蜂起金烈者湘鄉人慷慨上書又謝淳  
字景祥瀏陽人孟彥卿判潭州值潰卒亂淳率民  
兵為先鋒手刃數十人力屈被執為賊所殺朱熹  
請為立祠  
史南曰臣攷宋史見王質徙居興國上書論天  
下事而卒不見售豈權臣當國匿不以聞史又  
稱天子心知質忠為讒者所沮詩有之讒人罔  
極交亂四國可畏也執質曰得庸才易得奇才  
難保初節易保晚節難景文國士目擊時難排  
雲叫閭虎豹守關栖霞入谷松菊怡顏嗟乎苦

### 人才節奇觀

張徽

張徽 張從道 張地 張淵道 張山翁

張徽景陵人元祐中司馬光范純仁與之友第微七  
持使節八割郡符公清超邁計口受俸其遺表美  
不忘君嗣後有張迪者元豐間舉進士累官諫議  
大夫至元時有張淵道與弟從道俱安陸人同舉  
進士淵道官秘書監從道官通城尹永樂四年知  
徽州府改知永平府

張樞字子發零陵人性豪爽善屬文紹聖中自太學  
上書言孟后事不報姪子紆字公飭性高尚嘗游

紫岩先生門與張南軒為友

考履外紀前

卷四十三

十五

張山翁字君壽其先普州人景定三年進士德祐元  
年為荆湖宣撫司幹官鄂守張晏然議納款山翁  
以書策之晏然既降山翁被執令降山翁不屈行  
省官賈思貞義之貸不殺後居黃鵠山聚徒教授  
而終有南紀繇林藏雲山相鋤諸編

史南曰元祐中司馬君實省洛入汴兒童走卒  
皆顧復相以開熙治而徽乃與之同心其人品  
可知矣乃樞奮起大學上書論天下事雖陳東  
歐陽澈何以加焉而山翁之抗志不屈願老黃

鵠息心白雲又何其烈也徹之遺表迪之納誨  
固有足徵而淵道從道亦可書也贊曰君實純  
臣元祐輔政克贊徽猷厥趨亦正迪樞後先史  
冊輝映淵道從道順受明命山翁樹節天植其  
性黃鵠白雲山水交映

唐儒

唐續

曹裕

唐微

唐如晦附

唐儒字景仁零陵人宋仁宗皇祐元年登馮京榜進  
士初授陽朔令弟彥輔彥材同時俱為縣令嗣後  
有唐績少警敏嗜學能文登哲宗元符進士為衡  
山令通判鼎州權福州運判帝諭之曰卿久歷州

考履外紀前

卷四十三

七

縣知民疾苦其具以聞績敏奏詳兄嗣是有唐開  
者高宗建炎初登進士通判蘄州有唐容者博學  
強記與唐麟樂韶同學人稱三傑後舉進士為豐  
城令政績茂彰尋知邕州交趾入寇容率兵征之  
有功而歸隱于建昌之麻姑山號雲壑老人唐徹  
者字子卓績之族人也謁劉靜春先生授以近思  
錄學益式弘歷官廉慎徹弟復字子立受學于呂  
東萊之門號敬齋登嘉定甲戌進士為衡陽尉如  
晦字幼光博雅好學易山齊後顏其亭曰善齋人  
鑑字德明亦善屬文楊誠齋萬里深與納交一日

問卜人鑑否以詩曰聞焚爐香要決疑不疑何用  
卜著龜聖人自有常編在進退存亡豈不知後築  
室于州西植竹萬竿誠齋題曰王立齋

曹裕未陽人舉進士為潭州司祿參軍能辨枉獄後  
罕漂水值歲旱蝗漕使以歲計不足諷諸邑裕曰  
吾能忍視其死而不救乎卒以實聞于洪舉進士  
為永興令邑小民貧上供匱乏洪漢曰吾八歷縣  
未嘗橫歛豈倒行逆施乎遂棄官歸

曹靖郴州人性孝友嘉祐中為益陽令有美政去後  
民思之累官尚書比部郎知賓州黃庭堅為作善

考履外紀前

卷四十三

三八

政頌稱為御史嚴而不殘使民寬而不弛厥有曹  
肅者字士先蚤膺鄉薦晚就恩科初任道州寧遠  
簿再監廬陵酒稅平生安貧樂道四方學者多從  
之游著述數十卷於詩尤工識者謂有騷人風  
史南曰唐氏起零陵有若儒之克正家範而績  
之警敏麟之博雅徹之淳實寔繼之曹氏起郴  
衡有若裕之克守官箴而靖之孝友肅之澹寔  
繼之寔皆鄉之望也贊曰零陵勝域山峙川澄  
篤生諸唐世有休聞載觀郴地嶽秀連衡曹氏  
長發適駿有聲

戴國忠

陳順夫 彭天益 陶岳  
邵應豹

戴國忠光化人慶曆中進士歐陽脩稱其忠信篤于朋友孝弟孚于宗族禮義達于鄉閭仕終屯田郎中

米芾字元章其先吳人寓居襄陽為文奇險天秀善大書哲宗時補書學博士遇無為州巨石輒秉笏下拜為觀察使所劾出知淮陽軍子友仁字元暉亦善書從高宗渡江紹興中通判太平住至兵部侍郎數文閣直學士人以大小米稱之

考復外紀前

卷四十三

三十九

郭昱初舉周顯德中進士上書于宰相趙普紹聖初為太學博士出為湖南提舉大觀中上言時政力抵權姦致仕居司空山所著有瑞麟集

彭天益攸縣人元祐二年領鄉薦崇寧初為太學博士出為湖南提舉大觀中上言時政力抵權姦致仕居司空山所著有瑞麟集

陶岳祁陽人累官太常博士知瑞州余靖稱不持端硯者自包孝肅後及岳而已後歷五郡凡四十餘

年

邢繹其先鄭人父倬仕宋知鼎州因家焉繹補陰為

五郡倬自襄州歸起知興國軍秩滿復歸武陵

陳純夫永興人宋元豐初監舉第一尋以易經魁省

試京師號為湖南夫子累官通奉大夫後間居以

文自娛卒年八十六

朱輅郴州人紹聖間登進士通判邵州再補郴州洗

冤澤物有甘露降于州署

岳宗字次姚桂陽州人紹興二年登進士累官朝請

郎

邵應豹字啓南號菊逸其先淳安人父寓武昌生應

豹遂家焉宋時登進士授鼎州司戶參軍歷知江

考復外紀前

卷四十三

三十

夏涿州後階淳安縣男

史南曰戴國忠行孚于文忠米元章名並于松

雪與夫陶岳見稱于余靖固有可徵爾矣乃若

昱之遇宰衡天益之抵權姦純夫之號夫子皆

一節之士也而邢繹朱輅岳宗雖登甲科列近

侍宦爾無間而應豹之受封亦可紀也贊曰脩

為名儒請為直諫許可持重戴陶堪嘆天益純

夫金輝玉粦繹邈輅宗要亦可贊應豹受封里

間有閑

盛章

龔興

梅應春

雷應春

葉蓋

盛章字季文襄陽人政和元年以朝奉郎直龍圖閣京畿轉運副使充集賢殿修撰知蘇州二年四月以治狀有功就除顯謨閣侍制轉朝請郎賜紫金魚袋三年二月春進木心太吉字及申請府領重建譙樓閏四月除知貞定府五月仍知蘇州六月以招徠賈客舖戶勾過新鈔轉一官九月詔赴闕陞顯謨閣直學士依前知平江府十二月除樞密直學士宣和元年七月臣僚言章守平江日於豪民居世英家借貸動數千百緡請求囑託悉出其手物論喧騰章遂以女妻之以弭外議

考復外紀前

卷五十一

三十一

龔興湘陰人乾道五年進士剛介廉潔為浙東檢法隨憲按部郡饋送皆不受憲聞大慚以其已受者還之後知湘鄉民戶逋官賦興指已俸代輸終福建運幹身後家無餘石儲

梅應春廣濟人皇祐丙辰進士為餘干令以趙葵薦陞瀘州安撫使淳祐間進禮部侍郎

雷應春郴州人以詩擅名累官監察御史首疏時相忤權貴出知全州弗就歸隱比湖後知臨江軍安靜不擾嘗欲城新淦以備不虞當路阻之及已未之亂臨江倉卒無備人始服其先見所著有洞庭

王虹曰遷盟鷗清江諸集

葉蓋桂陽人熙寧間試才難賦魁上庠後知郴州

郭鴻字儀仲政和中登進士授澧陽令歲飢捐俸賑

民擢奉議郎

易拔寧鄉人淳熙中累官翰林學士至禮部尚書號

山齋所著有周易總義周禮釋禹貢疆理記漢南

北軍制嗣後有易炎正茶陵人熈祐間登進士為

寧鄉丞

史南曰程子以清慎勤為官箴朱子以孝弟忠信為家法乃若章之勤與之清應春之慎益之

考復外紀前

卷五十一

三十一

敏鴻之信祓之忠鎬之學皆可紀也而雷應春則又高于梅應春數等矣贊曰濟濟群英湖南之望出千載不立三代上得意忘言見數知象盛龔諸君勵志邁往

歐慶 歐海 歐陽澤 歐陽程 歐陽言

歐慶字貽孫光化人在宋時以同三禮出身累官彰州推官知永春縣為人忠信孝弟居官廉貧宗族之孤幼者皆養于家與同邑太傅張士遜也由郎中戴國忠雖位有崇卑而鄉人稱之無異歟卒歐陽脩為表其墓子世英鄧城今世勛舉進士

歐海茶陵人乾道中領鄉薦時楊誠齋以文鳴持所作謁之令熟讀語孟後復見之誠齋大喜丁酉登進士授零陵令有勸農十詩真西山甚稱其為風化之助遂以表聞

歐陽澤道州人少貧充本州戶房吏因弟程登宋太平進士第仕至屯田員外郎乃陳乞罷役發憤讀書次科亦請文解咸平二年中孫暨榜進士官至推官節度使

歐陽程道州人少貧為郡吏郡後有池常淬鐵為戎器名鐵作池植亭其傍一日太守於吏牘間得幅

考復外紀前

卷四十一

三十三

紙紀池亭之勝有寒影倒吞淩漢樹冷光高浴半天星之句問知為程語太驚異之與之金使歸為學登進士第累官屯田員外郎

歐陽言宋高宗建炎初登第性廉退任遷江令嘗獲冒爵人陳椿以嘗言散秩固辭不受後宰劇邑訊刑獄愈有聲尋倅賓陽遷員外郎致仕故廬蕭然僅蔽風雨

史南曰歐氏歐陽氏蓋世家云慶之寓光化海之寓茶陵澤與程言之寓營道也其流風遺度猶有存者贊曰襄衡相望不啻千里彼美人兮

若隔湘水諸歐樹名率由坦履慶海澤言彤管有煒

賀德英

羅孝芬 李平西 鍾正甫 陳康民  
曹進之 鄭向 趙觀 劉彥舉  
詹遜 張康 黃照隣 黃拱  
楊淳夫 石康 王元春 楊齊賢  
張晏然 張泰 顯 劉夢應 許炳

賀德英湘鄉人七歲熊文淳熙間父以訟繫獄乃詣縣自乞廷試以贖父罪令問所習對以通毛詩春秋語孟策與詩賦令各出一題援筆立就遂薦諸朝與金起岩等同賦德英第一卒年十四

羅孝芬平江人宣和中登進士甲科仕吏部郎中靖

考復外紀前

卷四十一

三十四

康問歸建秀野亭

李平西即西坪平江人父純皇祐中進士平士亦登元符中進士知澧州累遷樞密院承旨金人入寇平西同李綱上守禦策宰相何栗不能用

鍾正甫武陵人宋治平二年登進士與米芾游樞密蔣之奇薦之起為廣東轉運使蔡京當國置其籍于黨碑

陳康民咸寧人宋仁宗皇祐間登進士仕至太中大夫

畢由長沙人宋真宗時以吏部郎官兼王府侍讀一

日遇講汪寒奏指臨湘七都稞租里人德之

鄭向耒陽人祥符間省元文天祥撰題名記教授周

道興刻之

趙觀張嘉猷俱石首人舉宋進士為翰林學士

劉彥舉寧鄉人舉宋進士為翰林學士

曹進之耒陽人嘉泰初廣昌令既視事金芝產廨中

嘉禾生于野人以為政化所感

張康湘潭人少孤力學宰相江萬里留夢炎皆重之

元世祖時中丞崔或祀南嶽訪康隱居表上之授

秘書監著作佐郎時有張韶者道州人以易學舉

考履外紀前

卷四十三

三十五

仕至朝列大夫海北道僉事

黃照麟桂陽人舉宋進士仕為職方郎中嘗讀書於

郡西芙蓉山石林亭鄉人號為職方巖子植字立

之元熙二年進士官朝請郎知貴州

黃珙衡陽人資質方正嘗以善行誨人長子師道仕

為屯田郎中次子師日為屯田員外郎皆以清白

名

詹邈施州人宋元祐壬午進士

石濂光化人仕宋為朝散郎

王元春慶元中進士歷官吏部侍郎有清譽

楊齊賢字子見寧遠人少穎悟無書不讀兩應制科

免省類試中第一

暢淳夫襄陽人仕至翰林學士卒贈文肅子敏仲亦

有才名

秦噩衡州安仁人宋嘉定十二年登劉渭榜進士深

於理學號南潤

劉夢應衡州臨武人宋咸淳元年登徐儼夫榜進士

官朝請郎所著有明善錄

許炳字仲明嘉定中登進士授寧鄉縣尉

張晏然廣濟人咸淳間守鄂降金仕致禮部尚書

考履外紀前

卷四十三

三十六

張顯桃源人登進士第有才幹為時所稱

史南曰臣攷諸通志錯雜無犯臧榮緒舊人也

車胤潤人也范如圭閩人也而繫之楚何居乃

若賀德英中童子科羅孝芬李平西鍾正甫陳

康民畢由鄭向趙觀劉彥舉曹進之黃照隣王

元春楊齊賢秦噩劉夢應許炳張晏然張顯俱

進士科而米友仁張康詹邈暢淳夫其初或以

辟舉寧闕疑焉耳贊曰童而秀兮士之翹楚士

而文兮世亦希偶拔茅彙征兮神功不有持心

如水兮權衡不節

趙璠 王夢應

趙璠衡山人宋咸淳十年甲戌進士歲丁丑三月張虎起兵竇慶邵之新化潭之安化益陽寧鄉湘潭大擾弗靖元將薩里變攻之五月朔璠暨叔父漂起兵勤王自湘鄉馳奏行在授璠軍器監於是朝奉郎長沙張唐進士湘潭熊桂省魁劉斗元皆應之明年督府敗績元兵焚嶽祠璠漂遁莫知所在張唐被執元行省參政崔斌欲降之唐罵曰紹興至今五十年乃我祖魏公收拾撐持今日若降何以見魏公于地下遂遇害

考後外紀前

卷十三

手七

王夢應倭縣人宋咸淳十年與趙璠同舉進士調廬陵尉元兵陷臨安夢應率同邑吳希夷陳子全起兵勤王馳疏奉聞又遣使區仲舉通桂帥馬暨旬月響應七月復袁州元兵敗走已而湘部諸縣陷沒子全中流矢死希夷戰死于醴陵夢應收合潰卒奔永新依顏明叔闔門疫死

史南曰金兵入汴時則岳武穆督師而劉鼎孫尹耕史皆楚人也元兵入浙時則文丞相起兵而趙璠王夢應皆楚人也嗟乎豪傑之士雖無文王猶興而況忠義之不可泯乎贊曰崖山澤

險楚江波濶不有君子其何能國趙王諸君萬夫之杰文山猖之孤忠大節

陳桂孫 子仁子

陳桂孫茶陵人父天福歲凶發廩平糶貧不能糶者周之有羽士從天福丐米福畀之不受其值羽士題其壁曰他年桂子與蘭孫平步玉堂與金馬其子桂孫蘭孫果登甲第置經濟倉歲豐則隨時入糶歲凶則視值出糶自撰序志子仁子字同甫宋季請漕舉屬國易姓弗仕營東山書院以自終焉博學好古著述尤富輯文選補遺四十卷廬陵趙文叙曰同甫少講學家庭以為昭明所選封禪書何如仲舒三策劇秦論何如更生封事九錫文何如出師表且詔令人主播告之章奏疏人臣經濟之畧凡此未備宜錄補遺其為世教民彝之助豈小補哉其甥學錄譚紹校之今行于世

考後外紀前

卷十三

手八

史南曰臣臧棹維揚有葛生澗者持文選補遺于舟中讀之見其用心精密著論詳縝嗣後梅國劉司寇衍為廣文選所收雖富未必如仁子之醇也博雅君子其必有所擇矣贊曰淮巖桂茂澧浦蘭香級蘭倚桂雲霄蒼厓孫仁子藝



圖幽光薄言采之湘水浩茫

李祁

李祁字一初號希蘧茶陵人元至順癸酉登進士高第應奉翰林丁祖父母及父憂乞外補同知婺源州迎母就養文學政事炳然可稱尋提舉學校於江浙方巽駿嚮用顧以親老就養姑蘇以母憂扶喪還鄉里擢江浙儒學提舉至正壬辰兵起道梗不赴乃自茶陵避地吉安之永新每與諸將言必陳君臣大義聞他將不守輒憤切食不下咽談及國家事至流涕不自勝雖無官守而憂國之心不

考履外紀前

卷四十三

李九

忘祁尤善楷書所著有雲陽集永新千戶俞茂為刻梓以傳余闕撰序

史南曰臣觀李文正公文集乃見述其先世為唐忠武王之後祁登李齊榜第二人其所繇來者遠矣及攷元朝試錄乃見祁之經義諸篇渢渢乎其猶有古之風也凡君子是以論其世也贊曰雲陽毓秀皇雲錫靈篤生希蘧為國良臣延至西涯統領縉紳演綸調鼎黃閣昭勲

何維

何維蒲圻人元延祐元年中鄉試時常德孫以忠沅

州李壽醴陵李明孫才名相埒而維尤為奇特逸

氣煥發莫之與京是科梓行求賢詔一篇擢辭爾雅有兩漢詔令之風維中鄉試第十一名元文選載求賢詔云粵稽唐虞咸以得賢為盛故元凱舉庶績熙黎獻臣九功叙朕蕤嗣丕基夙夜祇懼思得吉士以圖治理咨爾在位于茲有年乃佐養未臻厥効貢舉未見其人豈招採之道未至與抑奉行者弗虔與茲賓興制舉詳酌古今法周選士豈弟君子來游來歌時也是用申命中外體予至懷其公乃心慎乃事職郡縣者嚴保選司貢舉者精

考履外紀前

卷四十三

甲

考嚴務得經明行修之實則予一人汝嘉其或徇私習故邦有常刑欽哉毋替朕命

史南贊曰胡塵翳空其何能國下詔求賢邦制常則彼美何君學既有得敷奏以言為上為德

楚紀卷之四十三

楚紀卷之四十四

皇朝進士 經筵官講讀同修 國史奉直大夫翰林院侍讀學士臣廖道南謹

考履外紀後篇

洪武朝宦履

蔣奎 沅州人洪武乙丑進士拜刑科給事中剛

毅有為屢上封事切時政卒于官

艾良 監利人洪武己卯鄉薦仕至大理寺丞

陳泰 衡山人洪武戊辰進士拜兵科給事中

蕭英 襄陽人洪武甲子鄉薦拜兵科給事中

張宗 枝江人洪武戊子鄉薦授工科給事中

考履外紀後

卷四十四

廖則敬 京山人洪武中貢拜禮科給事中

黃哲 雲夢人洪武中貢拜兵科給事中

袁克俊 興寧人洪武中貢拜給事中

李永思 石首人洪武中貢拜禮科給事中

謝徵 石首人洪武中貢拜兵科給事中

張文海 石首人洪武中貢歷官都給事中

王成美 夷陵人洪武中貢授給事中

譚思敬 巴東人洪武中貢拜工科給事中

劉和 襄陽人洪武中貢拜兵科給事中

王汝器 襄陽人洪武中貢拜刑科給事中

任憲 南漳人洪武中貢拜刑科給事中

胡昌 景陵人洪武中貢拜吏科給事中

熊義 京山人洪武中貢拜刑科給事中

葛素 咸寧人洪武中貢拜工科給事中

趙德庸 蒲圻人洪武中貢拜工科給事中

賀光 龍陽人洪武中貢拜刑科給事中

葉子彰 衡州人洪武中貢拜給事中

王朴 羅田人洪武中貢拜給事中

吳炳 桃源人洪武中貢拜兵科給事中

陳英 竹山人洪武中貢拜刑科給事中

考履外紀後

卷四十四

鄭俊 歸州人洪武中貢拜給事中

吳文友 監利人洪武中以人才薦拜禮科給事中

楊以道 黃梅人洪武中以人才薦拜兵科給事中

劉宗海 瀏陽人洪武乙丑進士拜禮科給事中改

監察御史

賀守貞 攸縣人洪武甲戌進士拜監察御史

曾玉 零陵人洪武乙丑進士拜監察御史

夏銘善 淑浦人洪武戊辰進士拜監察御史

管谷奇 沅江人洪武戊辰進士拜監察御史

陳順成 攸縣人洪武乙丑進士拜監察御史

李巽 寧遠人洪武乙丑進士拜監察御史

段以文 今鍾祥人洪武中進士拜監察御史

何魯 今鍾祥人洪武中進士拜監察御史

吳中 隨州人洪武己卯鄉薦拜監察御史

趙著 穀城人洪武丁卯鄉薦拜監察御史

謝宗禮 武岡人洪武甲子鄉薦拜監察御史巡視

廣東宋漁作誌

陳平 興國人洪武庚午鄉薦拜監察御史

劉應彰 安仁人洪武丁卯鄉薦拜監察御史

李開 夷陵人洪武甲子鄉薦拜監察御史

考履外紀後

卷四

三

劉世教 茶陵人洪武壬午鄉薦拜監察御史

史願 夷陵人洪武丁卯鄉薦拜監察御史

趙獻 麻城人洪武壬午鄉薦拜監察御史

戴綸 黃陂人洪武庚午鄉薦拜監察御史

劉翼 監利人洪武丙子鄉薦拜監察御史

萬質 沔陽人洪武甲子鄉薦拜監察御史

賀裕 衡山人洪武中貢拜吏科給事中改監察

御史

闔勝先 隨州人洪武中貢拜監察御史

田斌 應山人洪武中貢拜監察御史

蔡敬 襄陽人洪武中貢拜監察御史

吳文應 襄陽人洪武中貢拜監察御史

尹晉 漢川人洪武中貢拜監察御史

彭度 湘鄉人洪武中貢拜監察御史

晏允忠 咸寧人洪武中貢拜監察御史

賀汝 會同人洪武中貢拜監察御史

劉宗貴 靖州人洪武中貢拜監察御史

徐珪 零陵人洪武中貢拜監察御史

李廷蘭 衡州人洪武中貢拜監察御史

劉福源 衡州人洪武中貢拜監察御史

考履外紀後

卷四

四

羅德彰 衡山人洪武中貢拜監察御史

謝思義 衡山人洪武中貢拜監察御史

劉芳 今鍾祥人洪武中貢拜監察御史

楊義 安陸縣人洪武中貢拜監察御史

李朝順 興寧人洪武中貢拜監察御史

宋詡 石首人洪武中貢拜監察御史

胡思文 武昌人洪武中貢拜監察御史

王添福 武昌人洪武中貢拜監察御史

牟達 松滋人洪武中貢拜北平道監察御史

姚允誠 松滋人洪武中貢拜山東道監察御史

謝恭	宜都人洪武中貢拜監察御史
宋允恭	華容人洪武中貢拜監察御史
張質	廣濟人洪武中貢拜監察御史
馮思齊	蘄州人洪武中貢拜監察御史
吳純	羅田人洪武中貢拜監察御史
徐大禮	蘄水人洪武中貢拜監察御史
汪必先	武陵人洪武中貢拜監察御史
黃文惠	永興人洪武中貢拜監察御史
岳奎	臨湘人洪武中以孝廉薦拜監察御史
金潤	安鄉人洪武乙丑進士歷官禮部郎中
考履外紀後	
卷四十四	
五	
胡昱	沅州人洪武乙丑進士授刑部主事
鄧志學	沅江人洪武乙丑進士授主事
王廉	安陸縣人洪武庚午鄉薦授戶部主事
夏景	安陸縣人洪武庚午鄉薦授戶部主事
楊昂	枝江人洪武丁卯鄉薦授主事
周雲翰	茶陵人洪武乙酉鄉薦授兵部主事
楊亨	麻陽人洪武癸酉鄉薦授工部主事
劉永貞	南漳人洪武丁卯鄉薦授刑部主事
盧文政	武昌府人洪武己卯鄉薦授主事
譚友諒	攸縣人洪武丙子鄉薦授主事

劉紹先	衡山人洪武庚午鄉薦歷官刑部員外郎
劉大名	淑浦人洪武甲子鄉薦歷官戶部郎中
高桂	沔陽人洪武甲子鄉薦授工部主事
李惟善	沔陽人洪武甲子鄉薦授兵部主事
李義	沔陽人洪武甲子鄉薦授刑部主事
鄭敬祖	雲夢人洪武中鄉薦授工部主事
田文質	公安人洪武中舉授工部主事
潘榮	竹山人洪武中貢授刑部主事
李仕寧	衡山人洪武中貢授刑部主事
姚福貴	松滋人洪武中貢授刑部主事
考履外紀後	
卷四十四	
六	
羅瑛	宜城人洪武中貢歷官工部郎中
張濬	當陽人洪武中貢歷官刑部郎中
劉謙	當陽人洪武中貢歷官戶部員外郎
覃忠信	長陽人洪武中貢授主事
吳敬銘	長陽人洪武中貢授主事
張宗善	夷陵人洪武中貢授主事
李濂	咸寧人洪武中貢授刑部主事
黃友善	咸寧人洪武中貢授工部郎中
劉忠	咸寧人洪武中貢授大理評事
劉景文	嘉魚人洪武中貢授刑部主事

陳敬	黃州人洪武中貢仕至刑部員外郎
史仲銘	麻城人洪武中貢仕至刑部員外郎
張遜	麻城人洪武中貢授刑部主事
胡文用	黃陂人洪武中貢授戶部主事
鄒以脩	蘄水人洪武中貢授刑部主事
周志雄	羅田人洪武中貢授戶部主事
於敬	黃梅人洪武中貢授刑部主事
胡興文	廣濟人洪武中貢授主事
胡志華	衡山人洪武中貢授禮部主事
周原孫	衡山人洪武中貢授兵部主事
考廉外紀後	卷四
余復	衡州人洪武中貢授兵部主事
劉敬	寧遠人洪武中貢授刑部主事
申必聰	祁陽人洪武中貢授戶部主事
周忠遠	祁陽人洪武中貢授刑部主事
李欽祖	祁陽人洪武中貢授刑部主事
余麟	漢陽人洪武中貢授戶部
李亨泰	均州人洪武中貢授戶部主事
楊復先	襄陽人洪武中貢授兵部主事
楊俊	寶慶人洪武中貢授戶部主事
李仲良	寶慶人洪武中貢授刑部主事

劉以文	善化人洪武中貢授主事
陳貴華	善化人洪武中貢授刑部主事
劉必用	瀏陽人洪武中貢授戶部主事
鍾仲	桂東人洪武初貢授戶部主事
甄士和	靖州人洪武中貢授工部
劉聰	益陽人洪武中貢授工部主事
馮昭	棗陽人洪武中貢歷官戶部員外
周從政	夷陵人洪武中貢授主事
彭昌	夷陵人洪武中貢授主事
傅礪	沔陽人洪武中貢授刑部主事
考廉外紀後	卷四
殷莊	沔陽人洪武中貢授刑部主事
嚴貢	沔陽人洪武中貢授禮部主事
胡英	沔陽人洪武中貢授刑部主事
王恕	沔陽人洪武中貢歷陞刑部員外郎
秦伯卿	景陵人洪武中貢歷陞工部員外郎
孟文	景陵人洪武中貢授戶部主事
洪士才	武陵人洪武中貢授通政司經歷南京大理評事
唐敏	監利人洪武中貢授大理評事
魯均賢	武陵人洪武中貢授刑部主事

李文富	雲慶人洪武中貢授戶部主事
熊兆	應城人洪武中貢授工部主事
陳瑀	孝感入洪武中貢授戶部主事
傅楫	孝感入洪武中貢授戶部主事
鍾昂	永興人洪武中貢授戶部主事
吳紹福	興寧人洪武中貢歷陞郎中
李福	興寧人洪武中貢授主事
王宗儒	湘陰人洪武中貢授主事
符節	寧鄉人洪武中貢授刑部主事
韓源	瀏陽人洪武中貢授刑部主事
考優外紀後 卷四十四	
賀泰	醴陵人洪武中貢授戶部主事
武興忠	安化人洪武中貢授大理評事
葛中	夷陵人洪武中貢歷官工部郎中
宮侑	隨州人洪武中貢授禮部主事
劉華	隨州人洪武中貢授刑部主事
張友壽	穀城人洪武中以人才授工部主事
張以證	武陵人洪武已卯鄉薦仕至河南參議
陳紹平	臨武人洪武庚午鄉薦仕至浙江參政
畢德	襄陽人洪武已卯鄉薦仕至參議
趙緯	監利人洪武丙子鄉薦仕至浙江副使

李守中	寧鄉人洪武中貢拜給事中擢廣西參政
榮志銘	醴陵人洪武中貢拜給事中擢福建參政
王靈	安化人洪武中貢仕至江西參政
劉子祿	安化人洪武中貢仕至僉事
饒仕榮	武陵人洪武中貢授兵部員外郎中按察
僉事	
劉渙	當陽人洪武中貢仕至山西副使
雷友德	武陵人洪武中貢仕至廣西僉事
唐友善	黃岡人洪武中貢仕至按察副使
彭進	黃州人洪武中貢仕至雲南副使
考優外紀後 卷四十四	
蕭英	黃州人洪武中貢仕至河南參政
楊鼎	長陽人洪武中貢仕至參政
唐宗	孝感入洪武中貢仕至江西參議
楊彬	應山人洪武中貢仕至雲南參政
鄧之和	監利人洪武中貢仕至福建布政司
存善	安陸人洪武中貢仕至參議
馮子恭	麻城人洪武中貢仕至雲南僉事
周梅	孝感人洪武中以卓行薦仕至福建僉事
劉大貴	石首人洪武中以薦舉仕至僉事
李炳文	應城人洪武中以明經薦仕至河南僉事

何立 漢川人洪武中以人才薦仕至四川叅政

陳傑 漢川人洪武中以明經薦歷官江西叅議

陳昂 漢陽人洪武中以明經薦拜監察御史擢

山西按察僉事

羅琰 安鄉人洪武中以孝廉薦福建鹽運使歷

官廣東叅政

朱應祖 武陵人洪武中以材能薦拜監察御史擢

雲南按察僉事

張谷琇 景陵人洪武中以人才薦仕至山西僉事

李原暹 邵陽人洪武中以才能薦拜監察御史擢

考後外紀後

卷四

十一

雲南按察僉事

陳文通 漢川人洪武中以人才薦仕至廣東按察

僉事

朱源 沔陽人洪武中以才能薦仕至浙江副使

彭本 雲夢人洪武中以人材薦仕至廣東僉事

譚子英 攸縣人洪武乙丑進士歷官福建建寧知

府

蔡雄 興國人洪武庚午鄉薦仕至知府

謝興謙 湘鄉人洪武中貢仕至知府

朱璜 湘鄉人洪武中貢仕至袁州知府

歐彥貴 寧鄉人洪武中貢仕至大理知府

何毅 當陽人洪武中貢仕至漳州府知府

吳炳 桃源人洪武中貢仕至知府

梁用 今承天人洪武中貢授戶部主事轉吏部

郎中出補重慶知府

李廣 漢川人洪武中貢歷吏部郎中出補知府

范瑛 岳州人洪武中貢授臨江同知擢雲南姚

安知府

王仕忠 武昌人洪武中貢仕至知府

宋忠 崇陽人洪武中貢仕至知府

考後外紀後

卷四

十二

祝暹 公安人洪武中以人才薦仕至知府

胡霖 監利人洪武中貢仕至湖州知府

李思默 蘄水人洪武中貢仕至溫州知府

吳英 黃岡人洪武中貢仕至處州知府

田潮海 長陽人洪武中貢仕至知府

吳復初 宜都人洪武中貢仕至溆州知府

馬載 竹山人洪武中貢仕至嘉興知府

陳思琳 蘄水人洪武中貢仕至知府

王慶 蘄州人洪武中貢仕至知府

鄧忠字以恕武陵人洪武中貢授工部主事順德知



府政湖州府

朱仕俊潘浩葉纂替蘄州人洪武中貢俱仕至知府

田潮祖 長陽人洪武中貢仕至湖州知府

黃德春 隨州人洪武中貢仕至汝寧知府

諶彥清 隨州人洪武中貢仕至河南知府

賀子亨 隨州人洪武中以明經薦仕至遠知府

陳謨 應山人洪武中貢仕至梧州知府

陳坦 應城人洪武中貢仕至夔州知府

劉政 黃州人洪武中貢仕至鎮遠知府

胡敏 今鍾祥人洪武中貢仕至紹興知府

考履外紀後

卷四

十三

譚淮 今鍾祥人洪武中貢仕至成都知府

吳俊 今鍾祥人洪武中貢仕至廣南知府

吳國珍 景陵人洪武中貢仕至萊州知府

王道 羅田人洪武中以人才薦仕至惠州知府

史南曰臣讀書至湯誥未嘗不嘆湯之立賢無方也伊尹則曰與人不求備仲虺則曰用人惟已夫用之惟視乎已則俊又旁招而大度足以容乎人與之不求其備則忠良顯遂而大智足以知乎人是故聖敬日躋而式于九圍咸有德而格于皇天其所繇來遠矣哉

皇祖復帝王所自有之土宇建帝王所未有之事功

草昧之初雲雷經綸明良之會地天交泰或取

之于甲科或得之于貢舉視湯之立賢無方允

有孚矣贊曰易著交泰拔茅彙征書稱輔德大

旱作霖參贊三才左右萬民多士奮庸

帝心載寧肇握直符泰階用平載躋熙洽四海永清

永樂朝宦履

習嘉言 湘潭人繫藉江西安福永樂戊戌進士翰

林院庶吉士

胡清 監利人永樂丙申進士選翰林院庶吉士

考履外紀後

卷四

十四

孫子敏 石首人永樂癸未鄉薦擢翰林院檢討

曾哲 孝感人永樂乙酉鄉薦選翰林院庶吉士

鍾永用 醴陵人永樂中貢仕至光祿寺少卿

彭理 安陸縣人永樂中貢仕至大僕寺卿

鄭傑 荊門人永樂丙戌進士拜工科給事中

易思義 漢陽人永樂丙戌進士拜刑部給事中

焦起良 興寧人永樂戊戌進士拜南京戶部給事中

中子從周正統己未進士

郭永清 巴陵人永樂辛丑進士拜工科給事中

李源縉 湘鄉人永樂甲辰進士拜刑科給事中

楊忠	荆門人永樂戊子鄉薦拜給事中
王材	今鍾祥人永樂壬辰進士拜兵科給事中
蔣輔	麻城人永樂乙酉鄉薦歷官都給事中
張義	襄陽人永樂辛卯鄉薦拜給事中
婁昇	湘潭人永樂癸卯解元拜給事中
張宗	枝江人永樂戊子鄉薦拜工科給事中
熊義	京山人永樂乙酉鄉薦拜刑科給事中
周弘	枝江人永樂丙申進士拜監察御史
田原慶	枝江人永樂丙申進士拜監察御史
方佺	巴陵人永樂丙申進士拜監察御史
考履外紀後 卷四 十五	
鄧敬	零陵人永樂戊戌進士拜監察御史
范克泰	荆門人永樂戊戌進士拜監察御史
任綸	監利人永樂辛丑進士拜監察御史
况必寧	房縣人永樂辛丑進士拜監察御史
張震	永興人永樂丙戌進士拜監察御史
趙貴和	興國人永樂丙戌進士拜監察御史
胡敬	漢川人永樂甲辰進士拜監察御史
宋友謙	公安人永樂戊子鄉薦拜監察御史
梁綏	穀城人永樂辛卯鄉薦拜監察御史
張斌	公安人永樂丁酉鄉薦拜監察御史

周軌	字克持崇陽人永樂庚子鄉薦拜監察御史
蔡寧	崇陽人永樂辛卯鄉薦拜監察御史孫乾
正德丁丑進士仕至僉事	
陳載	漢陽人永樂辛卯鄉薦拜監察御史
周佐	茶陵人永樂辛卯鄉薦拜監察御史
唐慎	永州人永樂丁酉鄉薦拜監察御史
姚勉	石首人永樂丁酉鄉薦拜監察御史
譚源清	茶陵人永樂乙酉鄉薦拜監察御史
李志	松滋人永樂辛卯鄉薦
陳志	善化人永樂戊子鄉薦拜監察御史
考履外紀後 卷四 十六	
王信	沅陵人永樂間以薦舉拜監察御史
唐原	辰溪人永樂中以薦舉拜監察御史
趙永恭	沅江人永樂中貢拜監察御史
徐儉	通山人永樂中貢拜監察御史
馮承祖	松滋人永樂中貢拜監察御史
萬鵬	衡陽人永樂中貢拜監察御史
何清	沅陵人永樂甲申進士歷官員外郎
袁天祿	衡山人永樂甲申進士授吏部考功司主事
劉良	零陵人永樂丙戌進士歷官戶部郎中

侯福	攸縣人永樂丙戌進士授戶部主事
李讓	當陽人永樂甲申進士授評事
邵暹	沔陽人永樂壬辰進士歷官禮部郎中
習侃	醴陵人永樂丙申進士授禮部主事
胡鳳	桂陽人永樂丙申進士授戶部主事
吳新	雲夢人永樂丙申進士授戶部主事
劉儀	襄陽人永樂戊戌進士授戶部主事
袁才輔	興寧人永樂戊戌進士授戶部主事
王佐	監利人永樂戊戌進士歷官戶部員外郎
王仲實	公安人永樂辛丑進士授大理評事
考履外紀後 卷四 十	
李範	興寧人永樂甲辰進士授主事
龔英	枝江人永樂丙申進士授工部主事
胡誠	荊州人永樂戊子鄉薦授吏部主事
周以清	潛江人永樂戊子鄉薦授主事
孫衍	遠安人永樂辛卯鄉薦歷官戶部員外郎
邵珪	武昌人永樂甲午鄉薦歷官戶部郎中
何惟學	零陵人永樂甲午鄉薦授戶部主事
余忠	沔陽人永樂戊子鄉薦授主事
袁玉	零陵人永樂癸未鄉薦授刑部主事
史貫	孝感人永樂丁酉鄉薦授工部主事

劉必用	瀏陽人永樂乙酉鄉薦授工部主事
徐克賢	羅田人永樂丁酉鄉薦歷官禮部郎中
胡友仁	宜城人永樂中以人才薦授南京戶部主事
事	
高成文	黔陽人永樂初貢入胄監授工部
舒茂政	辰溪人永樂初貢入胄監授刑部主事
唐璉	辰溪人永樂初貢入胄監歷官刑部郎中
何文煥	武昌人永樂中貢授戶部主事
商振	咸寧人永樂中貢歷官戶部員外郎
聶錦	通山人永樂中貢授禮部主事
考履外紀後 卷四 十	
王繼宗	衡山人永樂中貢授刑部主事
宋禎	穀城人永樂中貢授主事
王會	光化人永樂中貢授戶部主事
朱良衡	衡陽人永樂中貢授刑部主事
何志	枝江人永樂中貢授戶部主事
李讓	衡山人永樂中貢授兵部主事
趙璫	今鍾祥人永樂乙未進士授工部主事
胡俊	景陵人永樂甲申進士仕至江西參政
計澄	遠安人永樂甲辰進士仕至廣西按察使
朱光才	郴州人永樂甲申進士仕至陝西參政

李敏

新寧人永樂甲辰進士仕至廣西僉事

高信

柳州人永樂甲辰進士授行人仕至河南

叅政

鮑時

咸寧人永樂甲辰進士仕至叅議

張鉞

瀏陽人永樂戊子鄉薦仕至叅議

唐震

咸寧人永樂丁酉鄉薦仕至按察僉事

夏泰

崇陽人永樂中貢仕至交趾僉事

陳友質

武陵人永樂中貢授雲南同知持身廉謹

撫輯諸夷擢廣東按察僉事

楊思誠

武陵人永樂間貢歷官廣東僉事

考績外紀後

卷四

十九

羅以禮

桂陽人永樂甲申進士仕至西安知府

張庸

監利人永樂甲申進士仕至真定知府

周彛

永明人永樂乙未進士好學善屬文仕至

瓊州知府臨民惠恕

湯銘

襄陽人永樂乙未進士授戶部主事仕至

太平知府

彭忠

竹山人永樂乙未進士授戶部主事仕至

知府

江恕

漢陽人永樂丙午鄉薦仕至知府

胡規

穀城人永樂中貢授御史仕至知府

賀添琪

湘鄉人永樂中貢仕至交趾知府

陳賢

零陵人初名晟永樂中貢仕至知府

胡敏

由貢任紹興知府

譚淮

由貢任成都府知府

吳俊

由貢任廣南府知府

史南曰漢太宗履極代邸諸臣為之先驅唐太

宗踐祚秦府諸臣為之夾輔我

成祖入靖內難上繼大統東開日域西罄月谷南究

丹垠北盡玄漠罔不來王而况岩壑賁園之士

賢離鼓篋之儔有弗洗濯川鱗奮揚雲翼以自

靖自獻于

考績外紀後

卷四

二十

天子之廷乎是故表之以彰其爵里云爾

宣德朝宦履

余謙

宜都人宣德初以善楷書選入秘書省仕至

太常卿

蔡吉

公安人宣德中貢授南京戶部主事仕至

太僕寺丞

秦景

興山人宣德中貢拜戶科給事中

方泚

咸寧人宣德丁未進士拜監察御史

趙淵

南漳人宣德中貢授刑部主事

馬驥 安仁人宣德中貢授兵部轉工部主事

賀宗字敬祖湘鄉人宣德庚戌進士授大理評事

章瑛 潛江人宣德丁未進士歷官戶部員外郎

謝磷 新化人宣德癸未進士歷官刑部郎中

朱衡字永平衡州人宣德癸丑進士授行人

何史訓 遠安人宣德癸卯鄉薦歷官戶部郎中

李才郁 沅州人宣德中貢歷官郎中

李璽字朝用耒陽人宣德庚戌進士拜監察御史仕

至雲南按察使

鄧履純字不貳邵陽人宣德庚戌進士仕至叅議

賀勛 湘鄉人宣德己卯解元仕至雲南叅政

王彥誠 武昌人宣德己酉鄉薦仕至叅議

鄧達 麻城人宣德乙卯鄉薦仕至僉事

張本端 廣濟人宣德丙午鄉薦仕至僉事

賀從政 湘鄉人宣德己卯鄉薦仕至廣南知府

李騰芳 長沙人宣德壬午鄉薦仕至肇慶知府

汪鑑 黃州人宣德壬子鄉薦仕至南安知府

劉海 石首人宣德中貢仕至高州知府

張約 隨州人宣德中以人才薦仕至知府

正統朝宦履

曾貫 永興人正統中貢仕至大僕寺丞

陳謨 安仁人正統戊午鄉薦拜禮科給事中

辛浩字養正江夏人正統戊戌進士拜監察御史

毛玘字廷貴華容人正統乙丑進士拜監察御史

李本道字正倫善化人正統戊辰進士拜監察御史

甯良字元善祁陽人正統乙丑進士仕至浙江布政

使子欽領鄉薦拜監察御史

曾瓚字廷器邵陽人正統戊辰進士授戶部主事

趙訪字資善麻城人正統乙丑進士仕至僉事

周鑑字孔明麻城人正統乙丑進士授監察御史仕

至山東副使

劉敬 石首人正統甲子鄉薦仕至山東副使

蘇燮 石首人正統辛酉鄉薦仕至陝西僉事

陳愷 廣濟人正統辛酉鄉薦仕至知府

宋誠 蘄水人正統戊午鄉薦仕至知府

李遜字時敏巴陵人正統己未進士仕至知府

李鑑字明遠安化人正統壬戌進士仕至知府

曹子微 公安人正統中貢仕至漢中知府

景泰朝宦履

張寶 黃州人景泰癸酉鄉薦仕至應天知府

嚴誠字克誠京山人景泰辛未進士拜兵科給事中  
張浩字養正澧州人景泰甲戌進士拜工科給事中  
張銘 荊州人尚書純之子也景泰庚午鄉薦授  
戶部主事

黃紳字朝儀興寧人景泰甲戌進士授戶部主事

上泰字志同江夏人景泰甲戌進士仕至叅政

陳瑄 江夏人景泰丙子鄉薦仕至叅政

劉餘慶 武昌府人景泰癸酉鄉薦仕至按察副使

張奎字漢文石首人景泰甲戌進士仕至汝寧知府

袁盛 棗陽人景泰丙子鄉薦仕至知府

考履外紀後

卷四十五

三十三

郭本字道充平江人景泰辛未進士仕至知府

張信字成之江陵人景泰辛未進士成都知府

黎永明字光亨京山人景泰甲戌進士仕至夔州知府

府

曹隆字邦盛興寧人景泰甲戌進士仕至彰德知府

天順朝宦履

劉昊字孟元衡陽人天順丁丑進士拜兵科給事中

黃鍾字孟陽寧遠人天順丁丑進士拜監察御史

陳伯良字易之華容人天順丁丑進士歷官郎中

袁玘字廷玉興寧人天順甲申進士歷官刑部郎中

劉澄字巨困蘄州人天順丁丑進士授主事

文宜字時中攸縣人天順丁丑進士歷官郎中

尚冕字從周棗陽人天順甲申進士歷官刑部郎中

劉熙召字克宣石首人天順甲申進士授刑部主事

鄧球字廷鳴寧遠人天順甲申進士授主事

姜輔 武昌人天順己卯鄉薦歷實錄外郎

張鑑字景昭永州人天順丁丑進士仕至山西按察

使

杜鉉字聞遠江夏人天順丁丑進士仕至叅議

張子言字允嘉石首人天順庚辰進士仕至四川僉

考履外紀後

卷四十五

三十四

事

徐演字文敷荊州人天順庚辰進士仕至按察副使

王綸字廷言襄陽人天順庚辰進士仕至山東僉事

楊廷芳字孟仁邵陽人天順庚辰進士授南京評事

轉寺正仕至貴州僉事

趙弘字弘道道州人天順甲申進士授刑部主事仕

至廣東副使

唐震字孔亨醴陵人天順甲申進士仕至叅政

戴賓字邦彥江陵人天順甲申進士仕至兵備副使

林璧字廷玉武岡人天順甲申進士拜監察御史

副使

洪性字萬善攸縣人天順甲申進士仕至副使

周易同字宗義石首人天順丁丑進士仕至大理知

府

王瑤字良玉襄陽人天順丁丑進士仕至彰德知府

張本濟字汝楫潛江人天順丁丑進士仕至知府

王翰字廷舉蘄州人天順丁丑進士仕至知府

李端字宗正興寧人天順丁丑進士授監察御史仕

至梧州知府

周宗智字子正大冶人天順庚辰進士仕至知府

考後外紀後

卷四

二十五

陝茂字本深公安人天順甲申進士仕至漢中知府

韓廣字道洪歸州人天順庚辰進士仕至知府

陳寶咸寧人天順己卯鄉薦仕至知府

史南曰昔人有言天下無事則庸夫高枕而有

餘海內多故則智者奔馳而不足夫以

宣皇履重熙之運昭文明之象薄海內外罔弗霑渥

蚺飛蠕動川泳雲翔咸若其性士幸而生斯昌

時被茲寵靈有弗澡心浴德以自見於世者非

夫也迨已已之變

飛北狩萬國含憤曾無一人含生取義殺身成仁

翊頽扶顛傾否躋泰以挽旋國步於危疑者

景泰時則又依阿渙浼尸寵貪利包憐恣睢而

莫之敢伍迨

英皇復辟則又掀髯攘臂冒貪天功以為己謀宋王

嚴叟云自古大聖大賢不世出大奸大惡亦不

常見惟中才之士為多不其然乎是故叙宣德

以來至天順以考厥履云

贊曰

宣皇纂曆泰階和平珠星聯緯壁月含精矯矯多士

湘湖之英手扶日輦心翊王庭蓋舊規煌紆組

考後外紀後

卷四

二十六

續紛爰以紀之昂石垂勲

成化朝宦履

楊廷和字介夫其先孝感人明王珍入蜀從之繫籍

新都祖玫官永寧州吏目父春登進士督湖湘學

政廷和自幼穎異成化戊戌進士翰林檢討歷陟

少師兼太子太師吏部尚書華蓋殿大學士子慎

正德辛未廷試第一人

黃珂字鳴玉其先崇陽人繫籍于蜀登進士歷官工

部尚書

羅鑒字緝熙茶陵人成化戊戌進士拜給事中歷布



政使陟副都御史

夏景和字時雍長沙人成化丁未進士拜監察御史

歷陟都御史

黃鉞字廷威湘陰人成化乙未進士仕至大僕卿

張賁字彥質廬溪人成化丙戌進士仕至太僕卿

黃伯埏字鵬遠黃岡人成化丙戌進士仕至苑馬寺

卿

成實字廷秀漢川人成化丙戌進士歷官都給事中

胡金宇字聲之漢陽人成化甲辰進士授給事中

宗彞字子孝隨州人成化甲辰進士拜監察御史子

考優外紀後

卷四十四

七

良臣正德辛巳進士

馮允中字執之永興人成化甲辰進士授知縣徵拜

監察御史

王鑑字世明零陵人成化甲辰進士拜監察御史

汪宣字德卿江陵人成化甲辰進士拜監察御史

李紹字思承均州人成化甲辰進士拜監察御史

曹璘字廷輝襄陽人成化戊戌進士授行人拜監察

御史

歐陽復字孟亨安仁人成化戊戌進士拜監察御史

魯得之字希魯武陵人成化丁未進士拜監察御史

陳策字廷獻武陵人成化丁未進士拜監察御史

程溫字德和祁陽人成化甲辰進士歷官南京郎中

通政叅議

萬山字壽夫麻城人成化丙戌進士歷官郎中

凌山字安之麻城人成化甲辰進士歷官員外郎

周原學字希古廣濟人成化丙戌進士授行人

趙榮字永實醴陵人成化戊戌進士授戶部主事

呂渭字惟清蘄水人成化戊戌進士授行人

薛俊字彥卿龍陽人成化甲辰進士授大理評事

鄧冕字朝儀華容人成化丙戌進士授戶部主事

考優外紀後

卷四十四

七

陳福字宗範漢陽人成化壬辰進士授主事

朱慶雲字奇逢黃陂人成化壬辰進士授行人

樂宣字季諧寧遠人成化己丑進士授戶部主事

趙聰字時憲穀城人成化己丑進士授戶部主事

何鍾字廷宣道州人成化壬辰進士授大理評事

劉紳字宗儒衡陽人成化壬辰進士歷官郎中

樊經字大經澧州人成化己丑進士授戶部主事

壽儒字宗魯黃州人成化丁未進士授主事

曾全字復初永興人知府轅之子也成化丁未進士

授主事

彭銓字大用襄陽人成化壬辰進士歷官大理寺正  
蔡暹字文輝荊州人成化辛丑進士歷官大僕寺丞  
劉良字質臣寧遠人成化丁未進士授翰林檢討出  
補長史

荆茂字廷春寧遠人成化戊戌進士選翰林庶吉士  
出授監察御史

吳禔字克誠零陵人成化丙戌進士拜監察御史仕  
至四川叅政

方昇字起東岳州人成化丙戌進士拜監察御史仕  
至副使

考廉外紀後  
李轍字由道沅陵人成化丙戌進士仕至僉事  
二十九

張寬字伯仁襄陽人成化丙戌進士仕至僉事  
謝綱字振倫巴陵人成化己丑進士拜監察御史仕  
至山東副使

雷升字大亨江陵人成化己丑進士歷官戶部主事  
至江西南叅政

負外郎中仕至運使  
邵敏字汝學湘陰人成化壬辰進士仕至叅政

歐瑄字廷璧興寧人成化壬辰進士仕至叅議  
王介字世瞻襄陽人成化壬辰進士仕至雲南按察  
使

華仲賢字廷佐蘄州人成化乙未進士仕至布政使  
楊蓮字循德衡山人成化己丑進士歷官南京戶部  
主事負外郎中仕至四川叅議

周鵬字萬里永明人成化戊戌進士授刑部主事歷  
負外郎中潮州知府仕至雲南叅政

吳紀字理之衡山人成化戊戌進士授兵部主事歷  
負外郎中仕至浙江叅議

羅安字時泰益陽人成化戊戌進士仕至叅政  
王本儉字節之麻城人成化戊戌進士仕至僉事

張佐字良弼黃州衛人成化戊戌進士仕至僉事  
考廉外紀後  
王璘字廷玉黃岡人成化甲辰進士仕至叅政  
三十

郭秉昭字文輝桂陽人成化辛丑進士仕至僉事  
陳銓字秉衡永州人成化辛丑進士仕至四川副使

陳經字貫之臨武人成化乙未進士仕至僉事  
董朴字汝淳麻城人成化甲辰進士歷郎中知府仕  
至江西叅政

王琰字廷用孝感人成化甲辰進士授主事太僕寺  
卿出補江西布政使

賈澄字廉夫辰州人成化丁未進士仕至四川僉事  
高胤先字世德宣寧人成化丁未進士拜監察御史

仕至參議

邢纓字文甫黃梅人成化丁未進士拜監察御史仕

至雲南副使子寰字伯宇正德戊辰進士歷官刑

科都給事中補太平知府

袁佐字國佐京山人成化丁未進士拜監察御史仕

至僉事

王希旦字景哲京山人成化丁未進士仕至僉事

程春震字時舉雲夢人成化壬辰進士仕至知府

彭恭字敬之龍陽人成化壬辰進士歷官郎中知府

周鳳字文明龍陽人成化乙未進士歷官南京吏部

考優外紀後

卷四

三

郎中仕至贛州知府

喻宗府字孔修麻城人成化辛丑進士仕至知府

劉紹玄字顯之通城人成化戊戌進士仕至知府

李端字表正棗陽人成化戊戌進士溫州府知府

王溥字公濟江夏人成化甲辰進士仕至知府

徐紹元字繼之蘄水人成化丁未進士仕至知府

嚴禎字廷瑞孝感人成化丁未進士仕至知府

謝汝陽字晉卿衡陽人刑部主事謫通判終知府

鄭宗載字本厚石首人成化丁未進士九江知府

陳廷璉字宗器攸縣人成化丙戌進士廣信知府

楊維字憲維武陵人成化壬辰進士仕至夔州知府

許節字本立武昌府人成化戊戌進士仕至知府

弘治朝宦履

柳尚義字宗正巴陵人弘治己未進士授知縣徵拜

監察御史陟僉都御史以忤逆瑾除名瑾敗復起

副使仕至參政

彭鳳來字泰和黃陂人弘治甲戌進士拜監察御史

李翔字鳳儀寧遠人弘治丙辰進士授太常博士拜

監察御史

張纁字朝儀均州人弘治己未進士授知縣徵拜監

考優外紀後

卷四

三

察御史

孫泰醴陵人弘治己酉鄉薦知銅梁多惠政隣民爭

赴訴于庭居官清苦任十年惟以一僕自歸徵拜

監察御史

劉珂字公佩興國州人弘治丙辰進士授知縣遷太

僕寺丞

徐鉞字用寧興國人弘治庚戌進士仕至知府

徐欽字敬之黃州府黃梅縣人弘治庚戌進士授行

人

唐惟學字時敏零陵人弘治己未進士授行人

阮章字龍芝麻城人弘治己未進士授行人

田緩字大章松滋人弘治壬戌進士授行人

莫英字中美道州人弘治庚戌進士授工部主事

董俊字肅宦辰州人弘治癸丑進士歷官兵部員外

郎子謹策嘉靖癸未進士

袁仕字良輔棗陽人弘治癸丑進士拜監察御史調

大理評事陞長史

李廷惠字秀卿武昌縣人弘治癸丑進士授刑部主

事

曾得祿字天與鄖陽人弘治己未進士授主事

考履外紀後

卷四十四

三

歐陽祿字萬鍾永明人弘治壬戌進士授南京戶部

主事

曾念字聖初永興人弘治乙丑進士知府轅子也授

知縣補戶部主事

朱鎰字以獻道州人弘治乙丑進士授戶部主事

曾瑀字胡儀桂陽人弘治乙丑進士授刑部主事

王良佐字明遇夷陵人弘治乙丑進士授行人拜兵

科給事中出補陝西參議調四川

張思齊字希賢蘄州人弘治乙丑進士授知縣轉知

州擢四川僉事仕至按察使

趙仕賢字希孟石首人弘治癸丑進士拜兵科給事

中歷官參政子中道戊辰進士授刑部主事歷負

外郎中四川副使復除浙江

郁浩字子淵永州人弘治丁丑進士授知縣轉全州

知州江西僉事

鄧文璧字良仲桂陽人弘治乙丑進士知縣擢兵部

主事工部郎中改刑部陞雲南副使

潘崇字希召辰州衛人弘治乙丑進士推官徵拜南

京吏科給事中謫縣丞遷知縣陞僉事

董紱字嗣文麻城人弘治癸丑進士授行人拜監察

御史仕至參議

卷四十四

三

御史仕至參議

徐永字昌齡邵陽人弘治癸丑進士授工部主事轉

負外郎調兵部郎中仕至山西參議

周鼎字定之茶陵人弘治丙辰進士拜兵科給事中

仕至河南參議

沈文章字崇實今承天人弘治丙辰進士歷官刑部

郎中出補河南陝西提學副使謫浙江參議致仕

楊鳳字文明黃州衛人弘治丙辰進士授知縣徵拜

監察御史出補寧國知府陝西副使

范淵字靜之桂陽人弘治丙辰進士授刑部主事歷

負外郎中降知州陞雲南僉事仕至副使

楊璋字廷宜孝感人弘治庚戌進士拜監察御史擢

江西按察使遇宸濠變除名

劉績字用熙江夏人弘治庚戌進士授戶部主事改

吏部負外出補鎮江知府績博通群書精研考宗

所著有禮記王訓

李敷字春敷寧遠人弘治庚戌進士授主事歷負外

郎中出補雷州知府

孫徽字德夫襄陽人弘治癸丑進士授主事仕至廣

西僉事

考廉外紀後

卷中

主五

郭浹字從仁興國人弘治癸丑進士授知縣召為監

察御史謫知縣仕至僉事

彭縉字文卿襄陽人弘治癸丑進士授主事歷負外

郎中仕至雲南叅議

王濟字體明黃岡人弘治壬戌進士授南京戶部主

事負外改吏部驗封郎中出補河南叅政子廷陳

正德丁丑進士選翰林庶吉士

王子成字公大成寧人弘治癸丑進士授主事歷官

負外郎郎中仕至瓊州知府

曹琚字仲玉桂陽人弘治丙辰進士授主事歷官負

外郎中出補廣州知府調梧州府謫知州

鍾湘字用秀興國人弘治壬戌進士仕至知府

李誠字則明黃陂人弘治丙辰進士授戶部主事歷

官負外郎中出補永平知府

陳伯安字汝正黃陂人弘治己未進士授知縣歷官

刑部郎中登州知府調兗州

梅吉字仲修麻城人弘治己未進士授兵部主事歷

官負外郎中出補惠州知府

劉悅字以真江陵人弘治壬戌進士僉事懋子授戶

部主事歷官負外郎中蘇州知府

考廉外紀後

卷四

主六

馬文字贊夫永興人弘治壬戌進士授南京戶部主

事歷官負外郎中安慶知府

魏廷楫字秉濟華容人弘治乙丑進士授戶部主事

轉負外郎中廣州知府

向文璽字國信宜都人弘治乙丑進士授戶部主事

轉負外郎中廬州知府終運使

胥文相字士衡巴陵人弘治乙丑進士授知縣陞南

京戶部主事轉負外郎中出補汀州知府

黎民牧字本恕尚書淳子也弘治庚戌進士仕至南

康知府

正德朝宦履

戴金字純夫漢陽人正德甲戌進士仕至兵部尚書

張漢字濯之今承天人正德甲戌進士授南京戶部

主事轉負外郎中出補贛州知府歷陟都御史戶

部侍郎調兵部謫戍

胡文璧字汝重耒陽人正德辛未進士歷官郎中改

監察御史陞知府副使謫府檢校起陞四川按察

使弟文奎字汝章嘉靖癸未進士歷官戶部主事

余守觀字尚賓衡陽人正德辛未進士拜禮科給事

中

考廉外紀後

卷四十四

三七

傅桂字汝芳漢陽人正德甲戌進士授知縣徵拜雲

南道監察御史

李邦用字尚賓棗陽人朱志榮夷陵人為御史坐事

謝珊字伯穀松滋人正德辛未進士授知縣徵拜浙

江道監察御史

曹珪字廷獻黃岡人正德辛未進士授知縣徵拜山

東道監察御史

范輅字以載桂陽人正德辛未進士授行人拜監察

御史巡視江西值逆濠謀叛輅械其樂工秦恭至

死誣輅謫四川宣撫司經歷事平擢福建按察司

僉事轉江西副使輅為人有氣節歷官有能嚴時

論多稱之姪永鑾字汝和正德甲戌進士授知縣

徵拜浙江道監察御史擢四川副使

嚴承範字仲洪華容人正德戊辰進士授刑部主事

周知字希旦道州人正德戊辰進士授南京戶部主

事改刑部終吏部主事

胡椿字永齡武昌人正德戊辰進士授戶部主事

龍琰字廷重武陵人正德戊辰進士授知縣刑部主

事

吳寅字時正湘陰人正德辛未進士授主事

考廉外紀後

卷四十四

三八

鄭雲翔字仕鳳麻城人正德辛未進士授知縣戶部

主事員外郎

許鎰字子完道州人正德辛未進士授評事

李悅字德進敕城人正德甲戌進士授主事

鄭傑字伯興襄陽人正德辛未進士授推官召入為

吏部文選主事轉考功員外文選郎中謫邳州知

州

沈良佐字克卿零陵人正德戊辰進士授戶部主事

員外郎中順慶知府仕至雲南副使

陳大中字時甫蘄州人正德戊辰進士授戶部主事

員外工部郎中慶遠知府福建監運使

王疇字叙之崇陽人正德戊辰進士授大理評事

副寺正仕至江西僉事

周鎬字宗化辰州人正德戊辰進士授知縣刑部主

事員外陝西僉事

龍誥字孔錫攸縣人正德戊辰進士授知縣戶部主

事員外郎廬州知府四川副使

鄭元字伯生夷陵人正德辛未進士授主事歷禮部

郎中雲南提學副使

胡堯元字廷獻蒲圻人正德辛未進士授主事謫高

考廣外紀後

卷四十四

三十九

郵州同知轉瑞州通判陞本府知府廣西叅政

孫繼芳字世其華容人正德辛未進士授戶部主事

員外郎中雲南提學副使

吳嘉聰字惟德湘陰人正德辛未進士授知縣歷官

知州知府擢副使

嚴時泰字應階江夏人正德辛未進士授知縣鎮江

同知福建運司同知雲南永昌知府四川布政使

孟廷柯字培之武昌縣人正德辛未進士授評事轉

寺副以諫謫戶部照磨歷四川僉事仕至叅政

王俊民字用章石首人正德甲戌進士授知州大名

府同知福建僉事雲南布政使

周文熙字質粹麻城人正德甲戌進士拜兵科給事

中陝西僉事復除福建按察司

傅尚文字原質華容人正德甲戌進士授南京大理

寺平事以諫謫南京戶部照磨歷雲南僉事

楊材字天賦零陵人正德甲戌進士授知縣徵拜南

京江西道御史雲南僉事

孫元字從一今承天人正德甲戌進士戶部尚書交

子也授溫州推官陝西道御史改編修四川副使

徐一鳴字伯和醴陵人正德丁丑進士郎中廷用子

考廣外紀後

卷四十四

四

也授禮部主事改吏部郎中出補江西提學副使

龍大有字道亨長沙茶陵人正德丁丑進士授知州

歷河南布政政陟大同都御史謫戍

蔡乾字汝健崇陽人正德丁丑進士授戶部主事員

外郎中歷浙江僉事

蕭一中字執夫華容人正德丁丑進士授知縣徵拜

貴州道監察御史歷陞河南布政使陟僉都御史

余志字惟學蘄州人正德戊辰進士授主事歷員外

郎中仕至知府

吳天俸字子膺宜都人正德戊辰進士授行人左司



副歷南京刑部員外郎中仕至台州知府

史紳字道存辰州人正德戊辰進士授中書舍人陞

南京刑部員外禮部郎中仕至邵武知府

陳能字大用華容人正德甲戌進士授刑部主事郎

中延平知府

詹瑩字廷王麻城人正德甲戌進士授南京戶部主

事郎中漳州知府

羅英字汝延江夏人正德甲戌進士授戶部主事轉

員外郎中安慶知府

劉守緒字克承興國人正德甲戌進士授知縣陞南

考履外紀後

卷四

四

京禮部主事郎中知府弟守愚舉進士授知縣

王澄字克清羅田人正德甲戌進士授戶部主事員

外子德純監察御史出補姚安知府

朱衣字子宜漢陽人正德辛巳進士拜監察御史提

督北畿學政觸忤大學士張孚敬除名俞希禮字

節之麻城人上疏謫戍

韓楷字以正江夏人正德辛巳進士拜刑科給事中

轉禮科都給事中出補池州知府歷陞福建參政

江西按察使

周卿字光載蘄水人正德辛巳進士授吏科給事中

出補廣東按察副使

胡仲謨字啟忠蘄水人正德辛巳進士授知縣南京

戶部主事知府歷陞雲南副使

趙鐘字振夫江陵人正德辛巳進士授金壇知縣仕

至江西參政

毛鳳韶字瑞成麻城人正德辛巳進士授浦江知縣

徵拜監察御史謫嘉定州判陞雲南僉事

張寅字仲明江陵人正德辛巳進士歷陞南京吏部

郎中改左春坊左司諫

葛鳴字子中羅田人正德辛巳進士改翰林庶吉士

考履外紀後

卷五

五

拜刑科給事中出補銅仁知府

方啟顏字叔希巴陵人正德辛巳進士拜廣東道監

察御史

嚴志迪字子吉孝感人正德辛巳進士授南京評事

黃表字汝明咸寧人正德辛巳進士授工部主事

廖自顯字德潛湘潭人正德辛巳進士授潁上知縣

徵拜監察御史出補汝寧知府

史南曰或有問于予曰子之考履也詳于貢舉

畧于甲科何居曰甲科者今仕之顯途也文為

而已爾貢舉者古人之良法也實為而已爾上

以實徵之則士皆務實而修行上以名求之則士皆務名而修言矧甲科有志人皆知之然而有始發軔而終覆轍者矣貢舉無徵人皆遺之然而有朝壯頰而夕遯尾者矣豈聖人任士之實政哲王求賢之初意哉或又問考履始于洪武而訖于正德何謂也曰洪武如春萬物出震永樂洪熙宣德正統其萬物相見於離乎景泰如秋萬物齊巽天順成化弘治正德其萬物成言于艮乎迨我

皇上天申純佑地闡真符嶽祇錫靈川若貢祥矧

考履外紀後

卷四十四

四十三

龍飛郢邸虎變湘谷必有佐命之黎老名世之真才

出而啟沃

龍筵弼丞鶴禁以贊文明之運者矣贊曰

純皇撫運士皆尚忠商彭握軸祿以酬功

敬皇紹祚士皆尚質徐劉調鼎名必稽實傳至

毅皇士皆尚文中遭多故糾糾紛紛惟我

聖神丕昭泰運永握乾符光凝華命多士如雲

龍飛景從微臣作紀考履惟公

楚紀卷之四十四

楚紀卷之四十五

皇明賜進士繹旦講同修國史奉直大夫翰林院侍講學士臣廖道南謹撰

闡幽內紀前篇

幽人履貞達士大觀洗耳澗中考槃山間猿鶴與朋魚鳥相懽葯房孫宇星裾雲冠彼美君子永矢弗諼撰闡幽內紀前篇

善卷

善卷者楚志紀之或曰莊生寓言也舜以天下讓善

卷善卷曰余立於宇宙之中冬日衣皮毛夏日衣

葛絺春耕種形足以勞動秋收斂身足以休食日

闡幽內紀前

卷四十五

十

出而佐日又而息逍遙於天地之間而心意自得

吾何以天下為哉悲夫不余知也遂去而入深山

不知其處宋李燾記曰武陵有卷壇辰溪有卷家

故劉禹錫詩云先生見堯心相與去九有斯民既

已治我得安林藪道為自然福名是無疆壽瑤壇

在此山識者常回首

史南曰臣觀武陵志謂宋政和間賜號曰遜世

高蹈先生今毗陵之陽羨亦有善卷洞及觀莊

子離篇謂堯以天下讓許由舜讓天下于子州支伯而遂及于善卷又及于石戶之農意者其

寓言耶然信以傳信疑以傳疑史家法也故存之以發幽光以為天下風李壽贊曰德山蒼蒼德光湯湯先生之名善積德彰

### 楚狂接輿

接輿楚人也或曰姓陸名通孔子適楚接輿歌曰鳳兮鳳兮何德之衰往者不可諫來者猶可追已而已而今之從政者殆而莊子又述其言曰天下有道聖人成焉天下無道聖人生焉方今之世僅免刑焉福輕乎羽莫之知載禍重乎地莫之知避已乎已乎歸人以德殆乎殆乎畫地而趨迷陽迷陽

關西紀前

卷五

二

無傷吾行吾行卻曲無傷吾足山木自寇也膏火自煎也桂可食故伐之漆可用故割之人皆知有用之用而莫知無用之用也肩吾見接輿接輿曰日中始何以語女肩吾曰告我君人者以已出經式義度人孰敢不聽而化諸接輿曰是欺德也其於治天下也猶涉海鑿河而使蚤負山也夫聖人之治也殆外乎正而後行確乎能其事者而已且鳥高飛以避矰弋之害鼯鼠深穴神丘之下以避重鑿之患而魯二蟲之無知

史南曰史記載楚昭王欲封孔子以書社地子

西沮之孔子至陳蔡而反不知接輿之歌寓何所也列女傳又載其妻同隱楚志所述不敢盡削特著其大者爾

### 老萊子

老萊子楚人也事親至孝嘗服斑衣以娛親莊子載孔子之楚老萊子之弟子遇之于途告老萊子曰有人於彼修上而趨下未僂而後耳視若營四海老萊子曰是丘也孔子至老萊子自焚弗忍一世之傷而驚萬世之患相引以名相結以隱反無非傷也動無非邪也聖人躊躇以興事以成功奈何

關西紀前

卷五

三

我後楚王欲召為相其妻云可啗以酒食者可隨以鞭朴可餌以爵祿者可加以斧鉞請辭

史南曰臣觀老萊子書窮天地之變析萬物之微然其事親則天性至孝辭爵則道真自守非葆其天和而純氣之固者乎

### 承蜩丈人

漁者附

承蜩丈人蓋病癯者也孔子適楚出於林中見病癯者承蜩猶撥謂之曰子巧乎有道耶曰我有道也五六月累丸二而不墜則失者十一累五而不墜猶撥之也吾處身也若槁木

之技雖天地之大萬物之多而唯蜩翼之知吾不  
反不側不以萬物易蜩之翼何為而不得孔子顧  
謂弟子曰用志不分乃凝於神其殆癡丈人之謂  
乎又有楚漁者孔子之楚獻魚曰天暑行遠思欲  
棄之不若獻之孔子受而祭之

史南曰臣讀魯論若長沮桀溺及荷蕢植杖者  
流蓋賢而隱者也乃若承蜩丈人雖疑于莊生  
之寓言然其所言亦理所必有者惡得而棄諸  
若夫漁者之獻其亦知聖人如儀封人者與

灌畦丈人

蘭南紀前

卷五

四

灌畦丈人為圃者也子貢南遊于楚過漢陰見一丈  
人方將為圃畦鑿隧而入井抱甕而出灌搗搗然  
用力甚多而見功寡子貢曰有械於此一日浸百  
畦用力甚寡而見功多夫子不欲手丈人叩而視  
之曰奈何曰鑿木為機後重前輕挈水若抽數若  
決湯其名為槁丈人忿然佐色曰吾聞之有機械  
者必有機事有機事者必有心機心存於胸中  
則純白不備純白不備則神生不定神生不定者  
道之所不載也吾非不知羞而不為也子貢瞞然  
俯而不對丈人曰子奚為者耶子非博學以擬聖

于以獨絃哀歌者乎子往矣

史南曰臣親莊列載子貢反告孔子曰是渾沌  
氏之術也體性抱神以遊世俗之間者也疑亦  
寓言然其機事機心之論深切時病嗟乎安得  
忘機之士與之語天道也哉

於陵子

於陵子荆志載為荆人初楚王聞於陵子賢欲以為  
相使人持金往聘入語其妻對曰夫子織屨以為  
食非與物無治也左琴右書樂亦在其中矣夫結  
駟騶騎所安不過容膝食前方丈所甘不過一飽

蘭南紀前

卷五

五

乃今懷楚國之憂而值亂世之害其可乎於是出  
謝使者而辭之相與逃去

史南曰於陵子何人也其亦聞老萊子之風而  
灑然洗心者耶夫士之自立于天地間與造化  
為游息何求不得而乃屈于物其為愧耻其不  
見泣于妻孥者幾何若於陵子者辭楚聘而不  
就投荆山以長往蓋已邈乎其不可親矣

楚津漁父

漁父不知何許人初伍負奔吳漁父艤舟以渡歌曰  
日月昭昭兮寢以馳與子期兮又歌曰日已多兮

予心憂悲目已馳兮何不渡為事浸急兮將奈何  
史南曰漁父之歌蓋亦悲公子哀王孫之類也  
子胥之奔吳也以雪父兄之耻其入郢也以報  
平王之怨漁父固豫燭其微矣

### 洪瀨老父

漢瀨老父不知何許人漢桓帝延熹中幸竟陵過雲  
夢臨沔水百姓莫不觀者老父獨耕不輟何耶老  
人笑而不對瀨下道百步自與言老人曰我野人  
耳不達斯語請問天下亂而立天子耶理而立天  
子耶立天子以理天下耶役天下以奉天子耶昔

### 閩山內紀前

卷十五

六

聖王宰世茅茨采椽而萬人以寧今子之君勞人  
自縱逸遊無忌吾為子羞之子何忍欲人觀之乎  
瀨大慙問其姓名不告而去

史南曰臣讀沔陽志史叙論云是時政移五倖  
刑淫三獄漢家之業索然愈衰尚志之士卷跡  
山林甘心雲壑如老父者非其人耶使瀨致敬  
如孔子之於漁父其言必胥進於是者瀨徒能  
慙而不能問使謹言不盡姓名俱逸惜哉

### 飛源隱者

飛源隱者秦時人也避亂隱武陵陶靖節記曰晉太

### 閩山內紀前

卷十五

七

元中武陵人捕魚為業緣溪行遂忘路之遠近忽  
逢桃花林夾岸數百步中無雜樹芳草鮮美落英  
繽紛漁人異之復前行欲窮其林林盡水源便得  
一山山有小口髣髴若有光便捨舟從口入初極  
狹纔通人復行數十步豁然開朗土地平曠屋舍  
儼然有良田美池桑竹之屬阡陌交通雞犬相聞  
其中往來種作男女衣著悉如外人黃髮垂髫並  
怡然自樂見漁人大驚問所從來具答之還家設  
酒殺雞作食村中聞有此人咸來問訊自云先世  
避秦亂率妻子邑人來此絕境不復出焉遂與外  
人問隔今是何世不知有漢無論魏晉此人具述  
皆嘆惋餘人復延至家出酒食停數日辭去既出  
告太守劉歆時劉子驥聞之親往不知其處

陶靖節詩云嬴氏亂天紀賢者避其世黃綺之  
商山伊人亦云逝往跡浸復湮來逕遂蕪廢相  
命肆農耕日入從所憩憩桑竹垂餘蔭救黍隨時  
執春蠶收長絲秋熟靡王稅荒路曖交通雞犬  
互鳴吠俎豆猶古法衣冠無新製童孺縱行歌  
斑白憐游詣草榮識節和木衰知風厲雖無紀  
曆誌四時自成歲怡然有餘樂于何勞智慧奇

蹤隱五百一朝敬神界淳薄既異源旋復還幽  
敲借問游方士焉測塵囂外願言躡輕風高舉  
尋古契史南曰臣讀陶詩固儵然有塵外之思  
及觀韓蘇大家作則又疑為寓言武陵之辯徒  
貽千古之一嘔也贊曰沮溺避世孔聖所稱黃  
綺定儲遷史著名云胡荏源乃有秦人豈仙家  
流將隱者淪靖節之詩實獲我心

### 宋郢野老

宋郢野老衡陽王義季代歸川王義慶都督荊州事  
嘗春月出獵于郢野老被苦而耕義季命左右斥

蘭幽內紀前

卷四十五

八

之老人曰盤于遊暇古人所戒方今陽和布氣播  
厥之始一日不耕民失其時柰何以從禽之樂而  
驅斥老夫非勸農也義季止馬曰賢者也命賜之  
食老人辭曰苟不奪時則境內之民皆飽大王之  
食老夫何敢獨受其賜乎義季問名不言而退先  
是其楚江漁者不言姓氏江陵守崔鉉見而問之  
曰君之漁隱者之漁耶漁者之漁耶漁者曰姜子  
牙嚴子陵皆隱者也不釣其漁釣其名耳遂鼓楫  
而去

史南曰宋郢野老其即漢濱之耕而不顧楚江

漁者其即獻魚而不取直者耶何其高尚先後  
一揆也易有之不事王侯志可則也其是之謂  
乎

### 南嶽鄧先生

南嶽鄧先生名郁字彥達荊州建平人也少而不仕  
隱居衡山洞靈臺極峻之嶺立小板屋兩間足不  
下山斷穀三十餘載唯以澗水服雲母屑嘗合金  
石為丹梁武帝建五嶽樓駐之天監十四年有青  
鳥降于隱所語弟子曰求之甚勞得之甚逸吾當  
去矣遂無疾而逝武帝命周捨撰傳紀之

蘭幽內紀前

卷四十五

九

史南曰臣以嘉靖乙酉登岢嶠嶠嶠直至祝  
融之巔乃訪所謂洞靈臺者思鄧君之為人鵷  
衣而馭食必有道者也而梁武汨沒于釋氏豈  
知鄧君者哉

### 洞庭老父

洞庭老父夷堅志卓彥恭嘗過洞庭月下有小漁舟  
過其傍因呼問有魚否應曰無魚有詩題喜曰願  
聞一篇可乎老人鼓枻徐去高吟一絕云八十滄  
浪一老翁蘆花江上水連空世間多少乘除事良  
夜月明收釣筒欲邀喚之不可致矣

史南曰幽貞之士寄跡煙霞者而豈徒執蓋備  
眇濁世汨沒塵埃而脩然萬物之表而物莫之  
京也若洞庭老父者非有道者耶

任棠

任棠漢陽人有奇節隱居教授時緱氏龐參為郡太  
守聞其名往候之棠不與言但以薤一大本水一  
盂置戶屏間自抱孫兒伏于戶下主簿白以為倨  
參思其微意良久曰棠是欲曉太守也水者欲吾  
清也薤大本薤者欲吾擊強宗也抱兒當戶欲吾  
開門恤孤也於是嘆息而還參果在職抑強助弱  
以惠政得民太尉黃瓊上疏薦處士賀純楊厚黃  
錯及棠宜更引致助崇大化於是詔公車令徵之  
不就

史南曰臣觀鄒長倩嘗以素絲一綬襟滿一枚  
贈公孫弘矣殆與任棠同意然而龐參能行之  
於漢陽之郡而公孫弘不能用之於平津之位  
其定論固有在矣

龐德公

龐德公襄陽人居峴山之南未嘗入城府躬耕田里  
天婦相敬如賓荊州牧劉表數延請不能屈乃就

蘭溪內紀前

卷五

十

蘭溪內紀前

卷五

十

候之曰夫保全一身孰與保全天下乎公笑曰鴻  
鵠巢於高林而得所棲黿鼉穴于深淵而得所宿  
夫趨舍行止一人之巢穴也但各得其棲宿而已  
天下非所保也每釋耕壠上妻子耨于前表詣而  
復問曰先生苦居畎畝而不肯官祿何以遺子孫  
乎公曰人皆遺之以危吾獨遺之以安雖所遺不  
同未為無所遺也表嘆息而去諸葛孔明每至公  
家獨解牀下公殊不令止司馬徽嘗造公值公上  
塚徑入堂上拜公妻子徐庶亦每就之後携妻子  
登鹿門采藥不知所在于名仙人仕魏為黃門侍  
郎孫資字世文仕晉為特科太守德公從子統別  
有傳

蘇文忠公詩云襄陽龐公少檢束白髮不髡亦  
不俗世所奔趨我獨棄我已有餘彼不足鹿門  
有月樹下行虎溪無風舟上宿不識當時捕魚  
客但愛長康畫金粟粒口如今不復言龐公為  
人不拘縮東西有人問老翁為道明燈照華屋  
五言七言正兒戲三行五行亦偶耳我性不欲  
正解醉正如春風弄群卉四十年來同幼事老  
去何須別愚知古人不仕亦不滅我今不作亦



不止寄與悠悠世上人浪生浪死一埃塵洗墨  
無也筆無塚聊爾作戲悅吾神

史南曰臣讀蘇長公詩乃知德公抗跡塵表寄  
情物外乘飈馭氣直與造物者游及臣游鹿門  
訪德公遺址想見其為人未嘗不嚮往之馬詩  
曰皎皎白駒在彼空谷有美一人溫其如玉其  
德公之謂乎范蔚宗贊曰江海宜滅山林宜往  
遠性風疎逸情雲上道就虛全事遠塵往

或問曰子撰蘭幽固有徵已然而善卷承蜩南  
華寓言飛源衡嶽達士寄興亦可信乎曰孔子

蘭幽內紀前

卷四十五

十一

有言不義而富且貴於我如浮雲飯蔬食飲水  
曲肱而枕之樂亦在其中矣夫子豈厭富貴而  
樂賤貧哉真樂不在彼而在此也乃若擊磬荷  
簣問津止宿雖各守其志保全厥身然而負高  
尚之節懷幽貞之志銖視金玉塵視軒冕翛然  
嘯傲于浮雲間視夫覲顏孤媚以傲寵靈垂首  
徇喪以保祿位固莊生德公之所深鄙而不以  
入吾室焉者也是故小隱山林大隱城市出我  
處我夫何心哉求吾仲尼之真樂而已矣

楚紀卷之四十五

通紀卷之四十六

皇賜進士經筵日講同修國史奉直學士前翰林院侍講學士廖扶南撰

蘭幽內紀後篇

廖扶字文起其先自汝南之平輿徙居沙羨父為北  
地太守漢永初四年坐羌沒郡下獄死扶感父以  
法喪身憚為吏及服終嘆曰老子有言名與身孰  
親吾豈為名乎遂絕志世外初習韓詩歐陽尚書  
教授常數百人至是專精經典尤明天文織綿風  
角推步之術州郡公府辟召皆不應就問災異亦

蘭幽內紀後

卷四十六

一

無所對扶逆知歲荒乃聚穀數千斛悉用給宗族  
姻親又歛瘞遭疫死亡不能自收者常居先人冢  
側未入城市太守謁煥先為諸生從扶學後臨郡  
未到遣吏修門人禮又欲擢扶子弟固不肯當時  
因踴為北郭先生年八十終于家二子孟舉儒舉  
並知名

史南曰按衡譜北郭先生蓋其鼻祖也鄭樵通  
志亦謂廖氏惟衡山為大先生佑啓我人詎不  
信夫贊曰善藏其用北郭先生經術既通秘典  
尤精元氣守身浮雲視名千載而下風節雙清

郭翻 孫希林附

郭翻字長翔武昌人也伯父訥廣州刺史父察安城太守翻少有志操辭州郡辟及賢良之舉家于臨川不交世事惟以漁釣射獵為娛居貧無業欲墾荒田先立表題經年無主然後乃作稻將熟有認之者悉推與之縣令聞而詰之以稻還翻翻遂不受嘗以車獵去家百餘里道中逢病人以車送之徒步而歸其漁獵所得或從買者便與之而不取直亦不告姓名由是士庶咸敬貴焉時翟湯同翻俱為庾亮所薦公車博士徵不就咸康末乘小船歸武昌省墳墓安西將軍庾翼躬往造翻欲強起之翻曰人性各有所短焉可彊逼翼又以其船小狹欲引就大船翻曰君不以鄙賤而辱臨之此固野人之舟也翼俯屈入其船中終日而去嘗墜刀於水路人有為取者因與之其人固辭翻曰爾何不取哉豈能得曰我若取此將為天地鬼神所責矣翻知其終不受復投刀於水其人復汨沒取之翻於是不逆其意乃以十倍刀價與之其廉不受惠類如此曾孫希林

郭希林翻之曾孫也少守家業徵州主簿秀才衛參

關內紀後

卷四十六

三

軍並不就元嘉初吏部尚書王敬弘舉希林為著作郎後又徵散騎侍郎亦不就卒子蒙亦隱居不仕泰始中郢州刺史蔡興宗辟為主簿不屈史南曰臣嘗登武昌之西山訪郭氏之遺墟衆莫識也乃知大山窮谷龍蛇所宮深林茂澤狹所巢非守貞不回強立不返之士安能鬱鬱居耶贊曰宜鴻高翔九霄太清潛龍深居九淵則靈二郭霞心崇谷密林誰其朋之造物無心

劉凝之 劉虬

劉凝之字隱安南郡枝江人也父期公衡陽太守兄

關內紀後

卷四十六

三

盛公高尚不仕凝之慕老萊嚴子陵為人推家財與弟及兄子立屋於野外非其力不食州里重其行辟君一無所就妻梁州刺史郭銓女也奩具豐麗凝之悉散之屬親妻亦能其窮苦共乘蒲葦重出市貿易周用之外輒以施人為村里所誣一年三輪公調求輒與之又有認其所著屐即解予之其人後於田中得所失屐送還不肯復受臨川王義季鎮江陵並遣使存問凝之答書頓首稱僕人或譏焉凝之曰昔老萊何楚王稱僕嚴陵亦抗禮光武未聞巢許稱臣堯舜時戴顓與衡陽王義季

書亦稱僕荊州年飢義季慮其餒餽錢十萬疑之太喜將錢至市門觀有飢色者悉分與之俄頃立盡性好山水一旦携妻子泛江湖隱衡山之陽登高顧絕人迹為小屋居之採藥服食妻子皆從其志時有劉驥之者南陽人負藥衡山深入忘返後居于陽岐山

劉虬字靈預其先南陽人徙居江陵少抗節好學宋大始中為當陽令寵歸斷穀餌木豫童王為荊州牧辟不就永明中廬陵王表虬及宗測宗尚之庾易劉昭五人徵復不就蚪荅曰三時營灌四時

關雎內紀後

卷四十六

四

卧病暢餘音于山澤託暮情于魚鳥謹收樵牧之嫌敬加軼罷之義乃卜居江陵西沙洲建武二年徵國子博士不就劉昭者與蚪同宗州辟祭酒從事不就

史南曰臣觀晉史謂數君子或弋釣而棲泌衡箕踞而傲王侯含貞隱璞秉道匿輝若劉驥之者可謂遁世不見知而不悔者矣乃若劉虬之深粹劉驥之之朴素或隱陽岐或卜江陵要亦長往不返者哉

宗炳

弟或 孫測 附

宗炳字少文其先南陽人祖承宜都太守徙居江陵父繇之湘鄉令母同郡師氏聰辯有學義教授諸子少文善居喪為鄉閭所稱宋武帝既誅劉毅領荊州問毅府諮議參軍申永曰今日何施而可永曰除其宿釁倍其惠澤貫叙門次顯擢才能如此而已武帝納之乃辟少文為主簿不起問其故荅曰栖丘飲谷三十餘年武帝善其對而止少文妙善琴書圖畫精於言理每游山水往輒忘鄉征西長史王敬弘每從之未嘗不彌日也乃入廬山就釋慧遠考尋文義凡城為南平太守適與俱還乃

關雎內紀後

卷四十六

五

於江陵三湖立宅間居無事武帝召為太尉行參軍驃騎道憐命為記室參軍武帝敕南郡長給吏役又數致餽養後子弟從祿乃悉不復受武帝開府辟召移書召少文與鴈門周續之並為太尉掾皆不起宋受禪及元嘉中頗微並不應妻羅氏亦有高情與少文協趣衡陽王義季親至其室與之歡宴命為諮議參軍不起好山水愛遠遊西陟荆巫南登衡嶽因結宇衡山欲懷尚平之志有疾還江陵歎曰老疾俱至名山恐難循覩唯澄懷觀道卧以游之凡所游履皆圖之於室謂之撫琴動操

欲令衆山皆響古有金石弄為諸桓所重桓氏亡其殼遂絕唯少文傳焉文帝遣樂師楊歡就受之從弟或之孫測

宗或之字叔粲少文從父弟也早孤事兄恭謹家貧好學雖文義不逮少文而貞澹過之徵辟一無所就宋元嘉初大使陸子貞觀采風俗三諸或之每辭疾不見語人曰我布衣草萊之人少長壘畝何宜枉軒冕之客子貞還表薦之又不就徵卒於家又有宗尚之字敬之雅好山水徵辟俱不應以壽終

關內紀後

卷四十六

六

宗測字敬微一字茂深家居江陵少靜退不樂人間歎曰家貧親老不擇官而仕先哲以為美談余竊有感誠不能潛感地金冥致江鯉但當用天之道分地之利孰能食人厚祿憂人重事乎齊驃騎豫章王疑徵為參軍不起測答有云謬傷海鳥橫斤山木母喪身負土植松柏疑復遺書請之辟為參軍測答曰性同鱗羽受止山壑眷戀松雲徑迷人路縱岩臨流有若狂者忽不知老至而今鬚已白豈容課虛青有限魚鳥慕哉永明三年詔徵太子舍人不就欲游名山乃寓祖少文所作尚子平圖

關內紀後

卷四十六

七

於壁土測長子賓宜在都知父此旨便求祿還為南郡丞付以家事刺史安陸王子敬長史劉寅以下皆贈送之測無所受齊老莊書自隨子孫拜悲泣測長嘯不視遂往廬山止祖少文舊宅魚復侯子響牧江州厚遺贈遺測少有狂疾尋山採藥遠來至此量腹而進松木度形而衣薛蘿淡然已足豈容當此橫施子響命駕造之測不見後子響不告而未奄之所住測不得已巾褐對之竟不交言子響不悅而退侍中王秀之彌欽慕乃令祿探微畫其形與已相對又貽書曰昔人有圖畫僑松輕以自方耳王儉亦雅重之贈以蒲褥筍席頃之測送弟喪還西仍留舊宅永業寺絕賓友唯與同志庾易劉亂宗尚之等往來講說荊州刺史隨王子隆至遣別駕宗忻口致勞問測咲曰貴賤理隔何以及此竟不答建武二年徵為司徒主簿不就卒測善畫自圖阮籍遇蘇門於行轡上坐卧對之又畫永業佛影皆為妙佐好音律善易老續皇甫謐高士傳三卷嘗游衡山七嶺著衡山廬山記史南曰宗氏蓋鉅族云觀諸六朝書所紀或擢秀鄢陵或翹英涅陽或採藥于衡山或卜居于

廬阜雲心鶴興蘭紉蕙纈真足以袞藻巖岫韶  
韻泉壑非夫人所得而跡者矣

龔玄之 元嘉 龔祈 附

龔玄之字道玄武陵漢壽人也父登歷長沙相散騎  
常侍玄之好學潛默安於陋巷州舉秀才公府辟  
不就孝武帝下詔曰夫哲王御世必搜揚幽隱故  
空谷流縈維之詠丘園旋束帛之觀譙國戴逵武  
陵龔玄之並高尚其操依仁游藝潔已貞鮮學弘  
儒業朕虛懷久矣二三君子豈其戢賢於懷抱哉  
思挹雅言冀呈諷議可並以為散騎常侍領國子  
博士命下所在備禮發遣不得循常以稽側席之  
望郡縣敦逼苦辭疾篤不行尋卒時年五十八弟  
子元嘉亦有德操高尚不仕舉秀才及州辟召並  
稱疾不就孝武帝以太學博士散騎侍郎給事中  
累徵遂不起從孫龔祈

龔祈字蓋道玄之之從孫也祈風姿端雅容止可觀  
中書郎范述見之歎曰此荆楚之儂人也自少及  
長徵辟一無所就時或賦詩而言不及世事

史南曰少司馬高吾公為予言武陵山水之勝  
豈惟秦人所傳專執龔氏祖孫蓋亦聞高尚之

龔祈傳後 卷四十六 八

風而興起焉者矣每遇春深采紫芝摘紅藥對  
絕壁吟鳴泉條然不復知宇宙為何物也

伍朝 伍安貧

五朝字世明武陵漢壽人也少有雅操閒居樂道不  
修世事性好學以博士徵不就刺史劉弘薦朝為  
零陵太守主者以非選例不聽尚書郎胡濟奏曰  
臣以為當今資喪亂之餘運承百王之遺弊進趨  
者乘國故以僥倖守道者懷蘊匱以終身故令敦  
褒之化虧退讓之風薄按朝游心物外不屑時務  
守靜衡門志道日新年過耳順而所尚無虧誠江  
南之奇才丘園之逸民也不加飾進何以勸善且  
白衣為郡前漢有舊宜聽光顯以獎風尚奏可而  
朝不就終于家厥後有伍安貧者博雅幽尚有朝  
之風梁屢命有司徵之不就所著有武陵圖志

史南曰荆楚之士多風節豈其地氣使然哉蓋  
其性資高潔志趣幽遐猿鶴與朋鹿豕與游以  
增芳九疑流潤七澤又豈汨沒于功利者可同  
日語哉贊曰劉隱衡嶽宗宅江陵龔栖漢壽伍  
樂苑源江上清風山間明月朝霞暮靄玄蹤  
通紀卷之四十六

龔朝傳後 卷四十六 九

通紀卷之四十七

皇明賜進士經筵日講同修國史纂修翰林院侍講學士臣廖道南謹撰

闡幽外紀前篇

夫易稱高尚幽人之履允貞詩著考槃碩人之歌依永是以肥遁林臯或躬耕以肆志徵賁丘園或子旌以昭節介焉逸塵浩乎葆素寢巢耀漱流激清川濤嶽峙邈然莫追王輝氷潔宵而無悶此孔子之所謂逸民而莊生稱為至人也撰闡幽外紀前篇

陸羽

闡幽外紀前 卷四十七

陸羽字鴻漸一名疾字季疵復州竟陵人不知所生或言有僧得諸水濱畜之既長以易自筮得蹇之漸曰鴻漸于陸其羽可用為儀乃以陸為氏名而字之幼時其師教以旁行書卷曰終鮮兄弟兼絕嗣育得為孝乎師怒使執糞除圻填以苦之又使牧牛羽潛以竹畫牛背為字得張衡南都賦不餘讀危坐効群兒囁嚅若成誦狀師拘之令雞草莽當其記文字情情若有遺主者鞭苦因歡曰歲月往矣奈何不知書鳴咽不自勝因亡去效優伶作詠諧天寶中州人酺吏署羽伶師太守李齊物見

與之授以書遂廬天門山貌伧陋口吃而辯

善若在已見有過者規切至忤朋友燕處意有所

行輒去人疑其多嗔與人期雨雪虎狼不避也上

元初更隱若溪自稱桑苧翁闔門著書或獨行野

心誦詩擊木徘徊慟哭而歸久之詔拜羽大子文

學徙太常寺太祝不就貞元末卒羽嗜茶著經三

篇言茶之原之法之具尤備時嚮茶者至陶羽形

置煬突間祀為茶神有常伯熊者因羽論復廣著

茶之功御史大夫李季卿宣慰江南次臨淮知伯

熊善煮茶召之伯熊執器前季卿為再舉杯至江

闡幽外紀前 卷四十七

南又有薦羽者召之羽衣野服挈具而入季卿不

為禮羽愧之更著毀茶論其後尚茶成風時回紇

入朝始驅馬市茶云

史南曰臣攷諸史叙志云羽少厭髣髴驚嗜墳

素本非忘世者卒乃寄號桑苧遁跡若隱嘯歌

獨行繼以痛哭其意必有所在至其性其若舜

味辨淄澠清風雅趣膾炙今古嗟乎豈惟羽哉

陶元亮之嗜菊阮嗣宗之嗜琴稽中散之嗜鍛

其情豈有所寄而然哉不然忘世而不離乎世

其亦無方之民耶

王仕原

王仕原

宜城人藻思清遠深鑒文理嘗好游

佳山水年十八登陵山踐恒嶽咨求通玄夫人過蘇門山問道於隱者元知運入太行山採藥經王屋穿小有洞訪太白山習隱訣躡終南天寶四載徂夏詔徵京邑討論校孟浩然詩集開國公常滔叙曰士源為序詞理卓絕吟誦忘疲君使逸駕與驚駘俱疲孤桐與樵蘇共爨匪其清鑒曷識道妙遂上秘府傳芳無窮所著有九倉子其上篇曰全道曰用道曰政道其中篇曰君道曰臣道曰賢道

關雎外紀前

卷十七

三

其下篇曰訓道曰農道曰兵道凡九篇

史南曰臣嘗讀黃學士叙亢倉子述高子評其泛而不醇濫而不實以今觀之仕原登崇山憩古洞栖茂林飲清波其為志坦乎其幽也曠乎其容也故其為文也黜乎其光也茫乎其遠也汎乎其無不之也奚用責其他耶

李寬

龐鑑

譚峰

戴簡

張季秀

唐節

李寬衡陽人自幼業儒隱德弗耀唐元和中憇石鼓山蒸湘二水環帶左右結廬其間刺史呂溫訪之先是齊映為刺史建台江亭韓愈詩云江亭枕湘

江沅水會其左瞰臨渺空濶綠淨不可唾即其處也宋至道間有李士真者重加修建自是與高陽嶽麓並名勝矣

龐鑑其先衡陽人徙家襄陽潔身修行里人重之唐刺史于頔訪之值其屬續蘊曰但願空諸所有慎勿實諸所無其曠達如此遂稱為龐居士有德公之風焉

戴簡長沙人以文行累為連帥所賓禮貢之澤宮而志不願仕好孔氏書旁及莊老莫不總統嘗有堂因東城而池環之九里遊覽之勝於是為最柳宗

元佐記

關雎外紀前

卷十七

四

譚一峰不知其名茶陵人元次山居道州訪之次山贈之言曰吾於九疑之下賞愛泉石幾三年能扁舟數千里來游者獨雲陽譚子焉譚子以文學隱身雲陽之阿松竹滿庭水石滿堂石魚肩櫛鳬舫運觴醉送譚子于雲陽

張季秀永州人唐永泰二年元次山為道州表稱其行云臣州僻在嶺隅土風貪於貨賄季秀介直自全退守廉讓文書為業不求人知寒餒切身願老山林人皆趨兢苟利分寸不愧其心誠不可不褒



尚也望令州縣造草舍十數間給水田一兩頃免其徭役得遂其志此實聖朝旌退讓之道庶為士識廉耻之方及其卒也次山撰墓表云

唐節零陵人嘗為瀧水令去官家於瀧下水石間自號丹崖翁元次山叙云丹崖湘中水石之異者翁湘中得道之逸者為之銘曰瀧山未盡瀧水猶峻忽見淵洄丹崖千仞礧礧丹崖其下誰家門前斷舟離下釣車不知幾峰為其四墉竹幽石磴泉飛戶中恠石臨淵硯石巔何得石巔翁獨醉眠吾欲與翁東西茅宇飲啄終老翁亦悅許世俗常事

關外紀前

卷四十七

五

阻入心情徘徊崖下遂勒此銘

董挺字庶中武陵人幼嗜詩晚而不倦心源為鑑筆端為炭鍛鍊元本雕礪群形糾紛并錯逐意奔走與杜甫盧象包佶李紆游為荊州從事移疾歸卧武陵劉禹錫叙其詩云片言可以明百意坐馳可以後萬景得董生之詩如搏玉屏浮層瀾明金翠羽得于遐裔非風塵中物也

史南曰臣讀昌黎合江亭記及元次山劉禹錫集乃見李寬之創廬石鼓及譚一峰之鼓楫渚溪張季秀之習靜零陵唐節之移家丹崖與夫

龐蘊之一死生董挺之嗜詩學皆乘氣馭風而不可即焉者也激懦廉頑可以興矣

廖融 廖凝

廖融字元素衡陽人隱衡山與任鵠凌澹王正己相交善皆一時名士也融有夢仙詩曰琪木扶疎係辟邪麻姑夜宴紫皇家銀河旌節搖波影珠閣笙簫吸月華翠鳳引游三島路赤龍齊駕五雲車星移猶倚虹橋立擬就張騫搭漢槎王正己贈之詩曰病起坐當秋閣迥酒醒迎對夜濤寒爐中藥熟分僧飲枕上琴閒借客彈左司諫某贈之詩曰未

關外紀前

卷四十七

六

向漆園為傲吏定應明代佐徵君傳家變世無金玉樂道經年有典墳積雨小舟橫別浦隔花幽犬吠深雲到頭終為蒼生起休戀耕烟楚水濱融不樂進取不苟勢利乃獨耽于山水自為詩有曰雲穿搗藥屋雪壓釣魚船亡何卒刺史何承矩壘之進士鄭鉉誌其墓

廖凝字熙績衡山人夙學邁德隱居南嶽時登眺祝融峯頂而石廩天柱芙蓉華蓋舉目盪胸烟雲荏苒奇艷異卉觸思成韻一時詩人盡屈其下南唐王李景平馬氏之亂遣使聘之凝初不屈後江南

父構為亂劇賊蜂起疑曰與其抱道而死以

名孰與就義而仕以存吾宗之為愈遂出為彭澤

令慕陶元亮之風或采菊南山或種柳江村陶然

自樂委心去留畧無凝滯其詩有曰風清竹閣留

僧宿雨潤莎亭放吏衙其寄興者遠矣視蒙未幾

浩然長往嗒爾嘯曰昔淵明不以五斗米折腰吾

何久為人役惻愴若轅下駒耶即解印歸衡山其

詩有曰五斗徒勞自折腰三年兩鬢為誰焦今朝

官滿重歸去還望來時舊酒瓢復聘起為連州刺

史與門下侍郎張居詠右僕射張延翰中書侍郎

關外紀前

卷四十七

七

李建勳為詩友建勳遇雨遺之詩曰江雲未散東

風煖溟濛正在高樓見細雨綠堤少過人平蕪隔

水時飛燕我有新詩與誰和憶君狂醉愁難破昨

夜南窓不得眠開窗點滴燈燈坐又訪疑山居題

曰郢客相尋夜荒庭雪灑高虛堂看何曙吟坐共

忘勞溪凍敲全滅燈寒焰不高他人莫相笑未易

會吾曹疑辭刺史歸復隱于衡山

史南曰臣以嘉靖乙酉弭節南嶽登祝融絕巔

乃見夫日暈月墮雷池風洞脩然有塵外之思

及訪融疑二詩人故廬慨然嘆曰錢若水有言

高尚之士不以名位為光寵忠正之士不以窮

遠易志操其然乎哉

曾紘

文範

謝英

胡晏

高驥

曾紘字伯容其先南豐人父阜字子山徙家襄陽紘

負高才善吟詠陽萬里叙峴集曰蔚乎若玉井之

蓮敷月露之下也沛乎若雪山之水瀉澗瀨而東

也琅乎若岐山之鳳鳴梧竹之和也望山谷之宮

庭蓋排闥而歷階矣子思字顯道亦有詩名

文範荆南人家邑西高沙湖不樂仕進時黃魯直贈

關外紀前

卷四十七

八

詩曰不趨吏部曹中板且膾高沙湖裏魚

謝英字楚華寧鄉人讀書于石桂山博學好古聞岳

武穆被害乃隱居道林教授子弟孝宗累辟之不

起所著有志伊錄白雲稿循吏龜鑑

魏泰襄陽人章惇為相欲官之不就著臨漢集東軒

筆錄及諸集

高驥崇文之後也早孤性孝友初從兄駢之西川因

嘆曰三世為將道家所忌日中則月月滿則虧况

於人乎遂遁去江漢間家于上雋築愚亭荆南高

季興圖其像高懌季興孫徙居荊州賜號玄素處

士

蘇庠澧州人以詩鳴蘇東坡一見稱之名藉甚宋紹聖中徐俯為樞密力薦于朝秦檜欲官之庠曰吾老矣不忍販賣雲壑卒年八十號後湖居士

潘大臨字邠老黃岡人同弟大觀皆有詩名時蘇軾寓黃州黃魯直張耒從之游而邠老獨蒙稱賞

李昌國江夏人善於教子三子長康侯仕至河陽守次康年仕至監丞善古篆與蘇軾黃廷堅遊次康直仕至左司員外郎休官歸里有稱裕老

胡晏衡陽人質任孝友鄉里慕之凡爭訟不到公庭

關外紀事

卷四十七

九

多往質為大開館舍延禮四方賢士以迪諸子及卒孔武仲表之曰處士胡君之墓

令狐揆安陸人卜築渢溪之南嘗雪中跨驢入城詣

張君房借書令小童携書籠負琴帛繒暖帽委轡

長吟曰借書離近郭冒雪渡寒溪布衣林逸善繪

因佐令狐掾雪中渡寒溪圖

呂陟字鼎弘張栻楊萬里為帥時因督租過其里往

見之郡守問萬里曰所過知有文才否答曰青桂

里得一有行有學即招致鄉校領袖諸生後為常

德府錄參累官監司有聲

周墳字伯和濂溪先生九世孫也世傳家學隱居鄉善時有陶元幹吳朝陽周德元何參者俱隱

陶元幹淹貫經史嘗註易世稱為陶氏易吳朝陽光化人博學好古周德元龍陽人以行義聞於時累徵不就何參夷陵人平居篤學不求聞達人稱為處士

管師復武陵人號白雲先生陳襄嘗稱復經明行修與伊川同薦於朝弟師常亦有名人稱為二管

史南曰張景龍洲之詠文範魯直之贈謝英白雲之稿貞我幽矣魏泰之拒章惇高澤之從種

關外紀事

卷四十七

十

放蘇庠之却秦檜潘大臨之友蘇軾李昌國之

侶黃庭堅胡晏之見知于孔武仲令狐揆之持

訪于張君房呂陟之怡致于楊萬里皆一時名

賢高尚可嘉也周墳為濂溪後人而陶吳周何

以及師復則清節與九疑增峻古風與七澤增

潤爾矣易有之介如石不終日貞吉其是之謂

手

吳瑛

姚宋佐 楊維 杜淦 王鶴  
王尚美 楊敏功 金步 丁鶴  
顧拱道 全自安 杜德卿

吳瑛字德仁新蔡人以父龍圖閣直學士遷路任補

太廟齋郎監西京竹木務簽書淮南判官通判

州黃州知郴州至虞部員外郎治平三年官滿

京師年四十六即請致仕公卿大夫知之者挽留

不聽相率賦詩飲餞于都門遂歸漸有田僅足自

給臨溪築室種花釀酒家事一付子弟賓至必飲

飲必醉或卧花間客去亦不問有臧否人物者不

酬一語但促行酒嘗有貴客過瑛酒酣而歌以樂

器扣其頭為節客亦不以為忤視財物如糞土妹

壻輒取家財數十萬貸人不能償瑛哀之曰是人

有母得無重憂君而焚其券門生為治田事歷歲

忽謝去曰聞有言某簿書為欺者誼不可留瑛命

取前後文書示之蓋未嘗發封也盜入室覺而不

言且取其被乃曰他物唯所欲夜至寒幸舍吾被

其真率曠達類此有薦之者召為吏部郎中就知

蘄州皆不起崇寧三年感疾閑閣謝醫藥至垂絕

不亂

姚宋佐郴州人靖康間其父寓郴生宋佐少嗜學舉

進士初調澧州戶掾典教桂林以詩名性廉介號

北湖有文集藏于家

楊維武陵人登宋進士第幼穎悟嘗撰宮柳詩百篇

關外紀前

卷四

士

以進上大櫛賞御書清白傳家四字賜之族人楊

續志在泉石不樂仕進隱居飛源山崇寧間賜號

冲真處士時有楊枋者號存齋弟岳號字溪嘗師

晦翁友其門人晏敦復所得益深世稱為大楊小

楊

杜淦江夏人自稱漢陽老人居水濱戴笠躬耕嘗曰

仕者忍耻耕者勞力皆大造之委蛇耳吾何心哉

王繪永州人與同邑鄧璋俱有才名胡安國提舉湖

南學事詔舉遺逸二人老不肯行安國疏命之官

以勸學者零陵簿稱二人乃范純仁客鄒浩黨也

蔡京聞而惡之反抵以罪

董南美湘鄉人少以文名東坡山谷嘗與之游號碧

廬居士

王南美安化人宋開國勳臣王傳之後也隱伊溪桂

巖嘗置義莊以給孤貧博通于史尤長於易遠近

學者畏糧景從所著有釣月樓耕雲堂等詩賦

林敏功蘄春人治春秋不第歸杜門不出者二十年

元符末詔徵不赴賜號高隱處士與其弟敏修以

文字相交世稱二林

金彥新化人力學善屬文天資敦厚喜賑困窶而悻

關外紀前

卷四

士

孝友邵人號義門金氏胡寅嘗記其事後牧守奉  
詔舉彥孝廉為天下第一

丁鶴年其先西域人元末寓居武昌之西山慕蘇長  
公之勝蹟結亭咏詩年九十卒有詩集

顏耕道讀書博古以詩賦鳴世尤長草書不樂仕進  
號林泉散人

全自安與弟自敬雅志不求聞達觴詠賡和怡愉如  
一家治喪不用佛老邑人稱重自安號半村老人  
自敬號西溪漁者人多贈以詩文

鄭菊隱其先閩人徙居長沙元統間再聘不起

關外紀前

卷四十七

十三

杜唐卿宜章人舉進士調浮梁簿到官興學校從之  
游者二百餘人

史南曰詩有之皎皎白駒在彼空谷言德輝之  
可愛也易有之履道坦坦幽人貞吉言道貞之  
可敬也夫德輝之發溫其如玉使人愛之而不  
忍忘焉道貞之著其臭如蘭使人敬之而不敢  
犯焉乃若吳瑛之見於宋史而姚宋佐以類從  
之楊維之見於鼎志而王繪以賢稱焉自二南  
美而下或耕雲衡嶽或釣月湘江豈非皎皎其  
德而不可汙坦坦其履而天下莫能尚者乎贊

曰吳瑛釣溪宋佐汎湖楊維摘詞杜淦流腹王  
繪抗跡敏功杜閭彥及鶴年神理自舒耕道自  
安誦詩讀書菊隱唐卿物外用娛董王二美其  
樂只且

王綱 廖及 胡天游

王綱字振冲其先自閩徙錢塘又徙襄陽遂家于穀  
城宋元符間進士通判徽州即解緩歸求深林密  
谷居之人望其儀溫然知其為德人也平生無忿  
恚稱為長者有寇自均房來綱曰吾若去必殘吾  
鄉因具牛酒以待寇素聞其賢約其黨不忍犯繇

關外紀前

卷四十七

十四

是郡國間風爭奔其廬饑者待哺凍者索衣婚喪  
弗舉者助之貲里人名為無怨公比之伏不闕云  
子之望諫議大夫叅知政事贈綱太子太傅見稽  
謀紀學士梅溪王十朋銘曰王氏之先自閩徙杭  
有唐開元徙家于襄至無怨公值德好誼善積名  
成如漢伏氏宮傳遵之不懈有加慶鍾少保進士  
起家小試黑曹活人惟死攝官太府政嚴有婦匪  
人不附偽命不汙凜然節義可激懦夫天嗇其年  
志不克究不在其身以昌厥後果生人傑蚤蜚大  
聲模範大學作新諸生勤勞于外治最削蜀帝曰

來歸資爾啟沃進司言責入贊政機密疏輸忠而人不知惟帝知之大藩是畀不令而行德威惟畏帝念老成行將相之先世之褒奚止于斯龜山之原小黃之口紀德豐碑有同峴首

廖及字成叟其先衡山人避亂健家黔中厥考翰辭不受父祖屯田生二子曰璆曰琮累贈翰至宣德即璆及是謂遜翁天資魁梧性遲重長而刻意問學治春秋三傳於聖人之意有所發明不以世不尚而奪其業元祐初舉進士至禮部有司罷之不愠居父喪卒哭而哀不衰遜翁嘗病親黨皆請從

蘭山外紀前

卷十七

十五

俗禱焉遜翁曰不愧於天吾病將已天且剝之於禱何益里中嘗薦士應經明行修詔者上下皆以為可遜翁獨不可既而不果薦識者以為然年四十遂築南園曰吾期終於此遜於人而全於天不亦可乎則自號南園遜翁幽居獨樂非其所好姻家鄰室不覲也生三男鐸構桐太史脩寧黃庭堅銘其墓曰嗚呼遜翁於人乃其不逢全於天乃其不窮初若泛也考於仁而中若隘也考於義而通卒不病於孝諱然有古人之風

胡天游平江人恃學尚志遭元季亂遂抗志不仕

晦岩谷所著傲軒集中有述志賦其辭曰繫余生之碌碌兮承祖考之餘輝方髫年而志學兮思

武於前微丁文運之再昌兮期一舉而遂志何中道之阻艱兮終抱志而莫展霜毛颯以垂領兮懼五十而無聞挾遺編以私淑兮庶弗墜於斯文嗟蚩蚩之世俗兮紛賤目而貴耳顧區區之魯人兮尚弗知乎尼父青黃眩而莫分兮美惡混而相同計微功於呻誦兮希速化於顯蒙朝卑辭以致幣兮夕怠色而忘禮群飛黠而王浣兮衆口參哆而金毀毛嫵靚立而自揚兮曾不申乎蹇修抱雙壁

蘭山外紀前

卷十七

十六

以行媒兮反効鞠局而卑是求謂驕驕為下乘兮以歛段為疾走乘鳧茨於道周兮登砥硤於犀櫓鯨紛紛其得志兮長裾曳地濟濟而相望俊爭食於鷄鷩兮仰閣視而揚揚余方索居孑立而無與儔兮聊逍遙乎林下睇浮雲以舒嘯兮倚翠竹而為伍崇續紛其荆棘兮時覽德而踟躕哂饑為之疾眇兮攫腐鼠而嚇余龍門峯崒以干雲兮亦何往而不我階彼睨睨之蛙黽兮夫豈入於我懷阿容媚世以希寵靈兮誠有識之所嗤使予為倚市之娼兮孰與夫空谷而幽居撫青萍以自珍兮曰

有待夫知已儻千金而非吾徒兮寧掛壁而無耻  
惟聖賢之與愚兮亦皇皇而西東矧吾人之數奇  
兮敢皆道而慍窮躋達觀之無不可兮付出處於  
流然苟素志靡違兮又何傷乎覺額正余冠之崔  
嵬兮理余琴之鏗鏘良時詎不可再得兮姑從容  
而徜徉

史南曰孔子云隱居以求其志行義以達其道  
孟子云窮則獨善其身達則兼善天下夫隱顯  
者時也窮達者跡也合隱顯窮達而一之者心  
也心不則義雖隱且窮焉是亦終南之捷徑已

開幽外紀前

卷四十七

十七

爾心不體道雖顯且達焉未免王屋之虛名已  
爾王綱廖及固有梅溪之銘山谷之謫足徵也  
世至胡元天地不塞士居其時高尚不事若胡  
天游者曷可多得故特著之以為闡幽之終云  
贊曰以夷居夏古今大變以華事夷犬豕可賤  
不汙其名不受其薦彼天游兮南士之冠

通紀卷之四十七

楚紀卷之四十八

皇朝賜進士經筵日講同修國史奉直學士翰林院侍講學士臣廖道南謹撰

闡幽外紀後篇

廖均用

廖均用號南山居士元末與隱者歸玉崖遊紅巾盜  
起避亂南山均用散財饗士鄉民庇之賴以全活  
無算玉崖為卜其葬地曰君有隱德地有山靈子  
孫必昌世守厥珍後子瑜娶南嘉李譯史女生孫  
四人崇仁崇義崇信崇善均用躬耕南山下督諸  
孫樹藝儲穀至二十萬石畜牛至五百餘頭值歲

闡幽外紀後

卷四十八

大旱有司勸賑崇咸嘉蒲四縣倉廩盡發粒米不  
償人稱為長者

玄孫史南謁墓詩云查林鬱蒼蒼宛延南山支  
昭恍發幕阜靈應趨河渭忽從東北轉幽蘭登  
欽崙峯飛萬馬驟水遶雙龍馳偃蹇虎豹躍翔  
翔鸞鳳追左右四環抱生氣結于茲矯如望仙  
闕金碧何參差我祖邁種德吉地神所司迄今  
百餘年子孫符螽斯佳城儼如許桑梓交蚪枝  
夙夜崇敬畏勿替永保之贊云維彼南山萬種  
厥德輸粟賑饑布惠施澤有必其分有光其烈



子孫保之咸正無缺

燕遺民

程從龍 丁易東 田希呂 劉異

燕遺民字逸德號空谷老人累以賢良樹高卧不起  
脩然獨往深山絕壁或臨水濱則嘯歌終日感物  
寓懷濡毫揮藻逸氣鬱發識者重之遺氏感興詩  
云寥落湖山曲憑誰話起居出門惟水石相見但  
樵漁酒熟還堪漉葵荒欲自鋤久深泉石想早晚  
賦歸與又云泉谷煙花淨林塘暑氣清幽花籬落  
見好鳥竹間鳴禾黍皆豐稔桑麻自長成還聞茅  
屋底燈火讀書聲

關外紀後

卷四十六

二

史南贊云古之逸民遺風猶烈棲山可樵飲水

自潔抱璞奚售含章不試見幾而作不俟終日

程從龍字登雲嘉魚人少嗜學嘗夜讀至五鼓鄰人

扣門乞火始覺天曙值元興不樂仕進環居栽梅

賦詩酌酒而吟倚樹而歌號梅軒有詩集傳於世

丁易東龍陽人號石壇登進士累官翰林編修入元

耻事二姓屢徵不起築石壇精舍教授生徒捐已

田以贍之著周易傳素詠梅花詩百餘律事聞於

朝授以山長賜額沅陽書院

田希呂慈利人隱居天門山大德中創書院以延師

儒後為山長

劉巽字公敏荊州人禮部河南行省貢士元初任南

漳教官撰方域詩時有顏達龍江陵人所著有詩

經誦說

嚴士真字正卿崇陽人踰寄菴嘗遊學栖息廬山博

洽子史尤嗜仙書善詩文嘗作崇陽志有桃溪百

詠集

史南曰凡士之自立者其幽貞之履含章之美

可以輔轍山谷韶護川泉若燕遺民之于蕁川

程從之于梅軒丁易東之于石壇田希呂之于

關外紀後

卷四十八

三

天門嚴士貞之于爽溪皆隱文于豹谷顧頴于

錐囊者也

李承芳 弟承箕

李承芳字茂卿自幼穎敏生七月以筋畫灰作土地

二字年十四其伯父田為中丞指鄉富貴者示之

曰兒志及此乎對曰富貴不淫貧賤樂兒之志也

弘治庚戌進士大學士王鏊讀其卷躍然曰此必

名士也授大理評事承芳不喜羈束為評事無辭

表良馬儉苦嘗謂主事楊循吉曰予得俸錢三十

緡可津而南矣及陞寺副遂謝病歸隱黃公山下

以講學賦詩為樂其論道以教化為本雖疏食屨  
空未悔有勸之復仕者辭以素無佐官才非敢要  
譽相薄也所著有東矯集子榮任代州學官

李承箕見昭文紀有幼有大志不喜舉子業好佐古  
詩文提學嚴銓批其試文云子力行之則孔孟可  
學入太崖山讀書非禮不言動時人目為道學成  
化癸卯應鄉試考官蔡悅見其卷欲取魁多士監  
歸者不聽悅題一絕於卷末云三復斯文感慨深  
扶桑枝上鳳凰吟臨風不盡英雄淚湘水衡山知  
此心尋上書政府論薦丙午方領鄉薦丁未嘗一

關外紀後

卷四十八

四

試禮闈歸而往從白沙陳獻章游自是不復言仕  
進為築釣臺黃公山與兄承芳日夕奉母相與怡  
愉棹一堂雖貧約不計及母喪寢苦枕塊不離喪  
次為不寡宦笑終日端坐人莫窺其所存工草書  
為詩文下筆立就若不經意所著有大厓集子整  
中正德庚午鄉試亦有父風不仕卒

東南嘗著李兩卿篇詩曰有嘉維魚于嘉之河  
與河之出矣于彼江沱于彼江沱東嶠峨峨峨峨  
者嶠其樂如何有嘉維魚于嘉之湖湖之出矣  
于彼山源于彼山源大崖蘧蘧蘧蘧者崖其樂

只且有嘉維魚其魚維嶠維嶠倬倬維水潏潏  
我思美人我心孔懣我心孔懣云何不樂大學

士王整表承芳則曰卓然自立不顧流俗求合  
乎義不求合乎人求信于後不求信于今表承  
基則曰山川出雲雷兩交至倏然兩霽天日清  
朗白沙所謂虛以立本動而能神凝而涵之天  
飛淵淪其殆以字見也夫枚乎守溪翁可謂知  
二李之深矣贊曰漢有兩疏見幾辭秩唐有五  
老結社志勢何哉二李伯仲之間增麓相和水  
石同惟南嘉一水室邇人遠戒心孔懷知德者

關外紀後

卷四十八

五

鮮

廖思謨

朱伯驥 汪文明

廖思謨字克仁衡陽人父通判河州未幾詣父所請  
父曰古人謂人生貴適志何能羈數千里要名爵  
耶况乎未老得閒尤為適志寥絕者父奇其志納  
其言即辭去思謨賦性敏自少老成鄉達朱衡以  
其兄之子妻之侍親孝求備甘旨以悅親曰早預  
苦舟水預蓄輿自然之理也故治產日豐歲歉輸  
粟活人不吝歲又歉輒輸粟人皆得之憲副信陽  
馮鎬兵備湖南悲軍士貧窮思謨助金二鎰嘗謂

都御史廣信高明奇之贈以詩大書扁於堂曰懷德亦嘗造其廬扁其堂曰烟霞怡老聞者可以想見其人矣大厓李承箕銘其墓曰烟霞與間石廩與積嗟為君好義樂施聖王不佐井田制廢分濟窮之十室空視蟲沙於隧不貴千駟

朱伯驥號溪南翁通山人幼為諸生山陰薛之綱督視學政獨奇之與蒲庠許紳江師古及先大夫並稱成化癸卯同舉鄉試禮闈下第乃築室于溪南臨水而山專精墳典脫去俗紛後起為廣州推官往從白沙陳獻章游浩然有歸志退而上書論古

關外紀後

卷四十八

六

今人才不相及者古之待士也甚恕故士之自為也甚通今之待士也甚刻故士之自飭也甚周自為之通也伸縮弛張由乎我也光明俊偉之業成自飭之周也舉動視聽從乎人也銷沮閉藏之念佐此人才所繇分而事業所繇異也且夫人之情忌人之獲譽喜人之獲謗九人者我譽一人者我謗是故九人之譽不足以敵一人之謗苟非中流砥柱如陶士行松栢獨秀如胡康侯幾何不薰灼而波蕩也白沙以為知言遂棄官歸日課其子橫經講學時放歌山谷自適其意子廷立字子禮嘉

靖癸未進士授監察御史擢太僕少卿

汪文明字希舜崇陽人正德丁卯鄉舉授樂安教諭遷順慶教授知彭縣文明天性朴直初為諸生讀書大集山下每游龍洞濯白泉脩然有自得意人尊其隆及教樂安日進諸生語以正學先行而後文在順慶時循夫樂安無倦教也彭在蜀為難治又值歲旱躬禱雨即應力勸農桑民曰殷阜父之士民相信慶幸以為不圖今日復古循良未幾即移疾云人生貴適志耳何乃自苦後于簿書案牘間即疾作彭民禱于冊景山及九壠山竟不

關外紀後

卷四十八

七

起于宗元字子允嘉靖己丑進士授南京工科給事中擢太僕少卿宗凱字子才壬辰進士工部郎中宗伊字子衡乙未進士宗召領鄉舉禮部侍郎呂柟銘其墓曰倚嗟鹿門厥履軒軒蒞政寬厚立教以倫彭民既阜型士風敦宜爾有子諫議攸攸載其殷問百世如言

史南賢曰祝融在衡天柱中雲彼君子兮迥莫可群九宮在通翠崖千霄彼君子兮邈莫可招大集在崇苑溪濶川彼君子兮厥履惟玄

楚紀卷之四十八

楚紀卷之四十九

勸進士 經筵日講同修 國史 直大夫前翰林院侍讀 直學士 廣通南謹撰

登績內紀前篇

粵稽諸古唐虞肇基百工惟和庶績咸熙明試  
有功考課以時夏商官倍用又攸宜越若周邦  
立政諸司孤卿寅亮侯牧保釐漢制近古循良  
可稽唐典紹濼善家不渝宋分諸道亦克嗣徽  
肆若我

明式于九圖浚采邦家兢業時幾兼銓縣鑑陟明永  
析撰登績內紀前篇

登績內紀前 卷之四十九

蕭育

字次君東海蘭陵人太傅蕭望之子也少以父

任為太子庶子元帝即位起為御史除功曹遷謁  
者使匈奴還為茂陵令課暇居前後坐失大將軍  
意免官復為中郎將使匈奴歷青冀二州刺史長  
水校尉泰山太守入守太鴻臚轉右扶風哀帝時  
南郡江中多盜拜南郡太守策曰南郡盜賊群輩  
為害朕甚憂之以公威信素著故委為太守其為  
民去害以安元元亡拘于小文加賜黃金一十斤  
育至郡盜賊靜以病去官復起為光祿大夫執金

吾以壽終第由字子驕為安平太守治郡有聲眾

帝為定陶王時失其指免官復起為左輔都尉轉

江夏太守平江賊成重等有功增秩為陳留太守

元始中徵為太鴻臚嗣是母將隆字君房與育同

郡自沛郡都尉遷南郡太守王莽時徙合浦李尚

亦為南郡太守為孫寶所糾下獄

召信臣字翁歸壽春人以明經甲科為郎補陽穀及

上蔡長超遷零陵太守其治視民如子好為興利

躬耕勸農出入阡陌止舍鄉亭時行視郡中水泉

開通溝瀆起水門廣灌溉蓄積有餘民獲其利作

登績內紀前 卷之四十九

均水約束刻石田畔以防紛爭禁止奢靡務出儉

約戶口日增盜賊息屏號曰召父荊州刺史表其

治績賜黃金四十斤移河南太守元帝竟寧中徵

為少府列諸九卿奏請上林離宮勿復繕治減免

諸黃門優劇及御園不時之植信臣年老卒於官

平帝元始四年詔郡中立祠祀之

衛諷字子產河內人家貧好學王莽時仕歷州宰建

武二年除襄城令遷桂陽太守郡舊不知禮諷下

車修庠序之教設婚姻之儀暮年邦人從化先是

武帝平合涯漬陽曲江屬之桂陽民居深山濱溪

谷習其風土不供王賦諷乃鑿山通道列亭傳置郵驛役省勞息奸吏杜絕山多產鐵亡命私鑄風乃起立鐵官歲多增入理郵民事居官如家其設適合于物宜二十五年徵還光武欲以為少府被疾不能拜勅以桂陽太守歸家賜錢十萬卒嗣後南陽茨充字子河代諷為桂陽太守亦善其政教民種植桑柘麻紵勸令養蠶織屨民獲利益張機為長沙太守民多疾疫製藥投之全活甚廣

許荆字少張會稽人少為郡吏舉孝廉和帝時遷桂陽太守郡濱南州風物脆薄不識學義荆為設喪

坐績南紀南

卷之四十九

三

紀婚姻制度俾知禮禁嘗行春至耒陽有將均者兄弟爭財互訟荆嘆曰吾荷國重任教化不行咎在太守乃使吏部尚書陳狀均感悔在任十二年父老稱歌徵拜諫議大夫卒於官桂陽立廟樹碑孫馘後為太尉有王寵者守荆州鑿蠻水與木里溝溉田甚袤胡烈亦守襄陽築堤杆水百姓歌之陸康字季寧吳郡人祖續父褒俱有名康少負毅烈舉歲才除高城令光和元年遷武陵太守轉守桂陽所在稱之時靈帝欲鑄銅人康上疏諫不聽內倖譖之檻車徵逮侍御史劉岱為白其枉釋之會

廬江賊黃穰等與江夏蠻連結攻沒四邑拜廬江太守帝嘉其功官其孫尚為郎中後死子孫策之難

樂巴字叔元內黃人初補黃門令出為郎中遷桂陽太守以郡處南垂不開典訓乃定婚喪禮儀興學校獎進之雖幹吏胥史咸課令習讀程試殿取隨能除授政事明察視事七年荆州刺史李固表之徵拜議郎守光祿大夫與杜喬周舉八使徇行郡國後死黨錮之難子賀官至雲中守

郭賀字喬卿頤陽人建武中為尚書令晚習政事多

坐績南紀南

卷四十九

四

所匡益拜荆州刺史引見寵異到官有殊政百姓歌之曰厥德仁明郭喬卿忠正朝廷上下平顯宗至南陽特見嗟嘆賜以三公服黼黻冕旒勅行部去儋帷令人見其容服以章有德永平四年徵拜河南尹在官三年卒賜車一乘錢四十萬

第五頡字子陵京兆人第五倫之子也倫初為武岡扶夷長未至擢會稽太守入代年融為司空元和三年策免頡嗣拜桂陽太守轉廬江南陽所在見稱入為太中大夫仕至將作大匠

徐璆字孟玉廣陵人少博學辟公府舉高第遷荆州

刺史時董太后姊子張忠守南陽汙濫璆當一部  
太后遣中常侍屬忠璆曰臣身為國不敢聞命太  
后怒徵忠為司隸校尉璆到州舉奏忠賊億萬及  
五郡太守不法悉案其罪威風大行中平元年同  
中郎將朱雋擊黃巾賊張忠構之免官再起汝南  
太守獻帝時以廷尉徵中道為袁術所扼後拜太  
常有楊璆者肇築柳城殊有治績張羨亦為永州  
太守甚得江漢間心

周璟字君光徐州下邳人舉孝廉為柳州太守郡接  
南海自暴亭至曲江水勢險迅行旅號跳璟開六

登績內紀市

卷四十九

五

龍以合真水泄其勢郡人便之立祠樹碑先是有  
周嘉者字惠文為永州太守百姓思其遺愛立祠  
祀之

史南曰虞廷咨四岳而牧伯熙厥績其績也凝  
焉周官馭八柄而冢宰奏厥功其功也崇焉秦  
易守令漢綜循良以刺史司州牧以太守綰郡  
符遣使徇行則繡斧明威樹侯列藩屏則茅土  
分錫其制猶為近古楚自高祖分南郡為臨江  
郡統縣十有八江夏郡統縣十有五桂陽郡統  
縣十有一武陵郡統縣十有四零陵郡統縣十

以荊州刺史率之至光武起舂陵則又置南  
郡統三十七城南郡統十七城長沙統十三城  
而武陵零陵江夏桂陽則仍其舊咸屬之示荆  
州刺史是故蕭育牧南郡召信臣守零陵衛風  
長桂陽而許荆陸康樂巴較若畫一郭賀靖荆  
州而第五詡徐璆周璟各奏爾能漢治之近古  
也不猶有三代之遺風乎贊曰西漢肇創淳大  
龐洪東漢恢復明作有功諸臣循良穆有古風  
蕭召衛許同寅協恭陸樂郭徐照媼和雖頡頏  
供職亦有治功

登績內紀市

卷四十九

六

楊震

李固

楊震字伯起華陽人少好學稱為關西夫子客居湖  
城不應辟召年近五十有冠崔曄三鯁于講堂諸  
生進曰先生自此升矣此卿大夫三台象也大將  
軍鄧騭聞其賢舉茂才四遷至荊州刺史屢彰政  
績改東萊守道經昌邑時令王密乃前荊州所舉  
茂才也夜懷金十斤遺之震曰故人知君君何不  
知故人密曰暮夜無知震曰天知地知子知我知  
何謂無知密愧而去轉守涿州安帝元初四年徵  
為太僕遷太常永寧元年代劉愷為司徒鄧太后

薨乳母王聖出入宮掖為姦震上疏忤帝不納  
二年為太尉中常侍樊豐周廣謝暉更相扇動地  
震京師震因言地宜安靜土位中官此中官持權  
用事之象語在震傳大將軍耿寶誣震怨望詔遣  
監本郡行至夕陽亭飲醢而卒弘農守承樊豐意  
停棺道側歲餘順帝即位震門生虞放陳翼上書  
雪之詔改葬于章亭有大鳥高丈餘悲鳴帝感震  
忠以中牢祀之震五子長子牧為富波相仲子秉  
為荊州刺史初震之被譖也門人高舒亦獲譖及  
事明拜侍御史遷荊州刺史

李固字子堅南鄭人

卷四十九

七

李固字子堅南鄭人司徒郤之子也順帝陽嘉二年  
地震山虧公卿舉固對策固上疏極論帝覽其奏  
異之命為議郎諸常侍及阿母疾之出為廣漢領  
令至白水關解印綬不仕梁商請為從事中郎永  
和中荊南盜起復召固為荊州刺史固到郡遣使  
勞問境內赦其舊繫與之更始賊帥夏密等歛其  
魁黨六百餘人自縛歸首固皆原之遣還使自相  
招集開示威法十歲間餘黨悉降州內清宴時南  
陽太守高賜為固所糾納賂梁冀固持之愈急冀  
遂改固為太山太守滿歲遷將作大匠上疏論事

語在固傳冲帝即位以固為太尉質帝立梁冀嫉  
之飛章誣固賴太后持之獲免固與杜喬同心秉  
政及帝遇毒復共立清河王蒜梁冀忌其威明誣  
固與謀矯詔誅之臨刑與胡廣趙戒得書流涕  
戒成都人舉孝廉為荊州刺史堊固二子死獄少  
子燮變姓名入徐貢卜後徵拜議郎靈帝時為安  
平相遷河南尹

史南曰楊伯起負特立之資屢進讜言宦寺橫  
魄李子堅抱邁往之志戚畹含憤卒之停柩都  
亭神鳥感異暴尸京邑義士吞聲人之云亡邦

李固字子堅南

卷四十九

八

國殄瘁悲夫是故君子之用世惟其時而已時  
可以仕則行春布令不害為良吏時可以死則  
顯天俟命不失為忠臣是故並錄之以昭厥績  
云爾贊曰可仕則仕澤貴及民可死則死忠貴  
安身震之忠懼石鳥感靈固之清貞烈士吞聲  
石渠蘭室史有餘馨

馬援

宋均

度尚

陳球

抗徐

援字文淵茂陵人初遇光武一見如故語在援傳  
拜太中大夫涼州平遷隴西太守擊先零于臨洮  
徵入為虎賁中郎將征交趾封伏波將軍封息侯



建武二十四年武威將軍劉尚擊武陵蠻敗績援時年六十二請行帝老之援據鞍被甲上馬以示可用帝笑曰嬰鏢哉是翁也遂遣援率中郎將耿舒劉匡孫永等將十二郡募士及弛刑徒四萬餘人征五溪明年諸軍至臨鄉遇賊攻縣援迎擊破之斬獲二千餘人散走竹林中初軍次下雋有兩道可入從壺頭則路近而水險從克則塗夷而運遠帝初以為疑及軍至耿舒欲從克援以為棄曰費糧不如從壺頭搃其喉咽充賊自破以事上之帝從援策三月進營壺頭賊來高守隘水疾船不

登續內紀前

卷四十九

九

得上會暑盛士卒多疫死迷困乃穿岸為屋以避暑賊升險鼓譟援徹曳足以觀之左右哀其意皆為流涕耿舒與兄好時侯弁書以援不用其策遂致失利弁得其書奏之帝遣中郎將梁松代之會援病卒松宿懷憤因言加譖帝大怒收新息侯印綬初援遺書戒其子弟寧為龍伯高之刺鵠類驚毋為杜季良之畫虎類狗季良事連梁松以故憾之伯高亦繇此為零陵太守後雲陽令朱勃詰闕上書訟援之功始得歸葬帝建初三年追謚曰忠成侯子度封順陽侯孫遵程鄉侯曾孫度穎陽

侯次子防翟鄉侯今湖南有新息侯祠

宋均字叔庠南陽人以父任為郎年十五受業博士二十餘補辰陽長俗好鬼鮮學均為立學宮禁淫祀人皆安之以祖母服歸客游潁川會武陵蠻反劉尚敗沒詔均乘傳發江夏奔命三千人援之適馬援至因令均監軍與諸將並進賊拒扼不得前及援卒軍士多溫涇死者大半均與諸將議曰道遠士病不可以戰忠臣出境有可以安國家者專之可也乃矯制調伏波司馬呂种等守沅陵長命种奉詔入虜營告以恩信因勒兵隨其後遣歸本

登續內紀前

卷四十九

十

郡為置長吏而還均先自劾矯制罪光武嘉其功賜以金帛令過家上冢每有四方異議數訪問焉遷上蔡令轉九江守虎北渡河蝗飛出界明帝永平元年擢東海相七年徵拜尚書令司隸校尉數月出為河內大守教化太行以疾上書上命官其子條為太子舍人

度尚字博平山陽人初由中官侯覽上計拜郎中除上虞長為政嚴峻發擿姦非人稱神明轉文安令桓帝延熹五年長沙零陵寇大起交趾刺史蒼梧太守望風遁遣御史中丞盛修募兵討之不克賊

兵燒長沙又遣謁者馬睦督荊州刺史劉度擊之敗績桓帝詔舉任代尚書朱穆舉尚自右校令擢荊州刺史尚躬率部曲與同勢逸廣募雜夷明設購賞進擊大敗之降者數萬人桂陽渠帥卜陽潘鴻等畏尚威烈徙入山谷尚窮追之破其屯聚申令軍中恣聽射獵兵士喜方從禽尚密遣人焚營深自咎責衆益憤踊秣馬蓐食徑赴賊屯遂大破之尚出兵三年群寇悉定以功封右鄉侯遷桂陽太守八年徵還京師時荊州兵朱蓋等征戍日久忿恚復作與桂陽賊胡蘭等三千餘人攻郡邑太守任胤棄城走零陵太守陳球固守拒之於是以尚為中郎將率幽冀烏桓步騎救球又與長沙太守杭徐等發諸郡兵討之斬蘭等三千五百級詔賜尚錢百萬復以尚為荊州刺史延熹九年卒于官有董宣者為江夏太守平劇賊夏喜等事見酷吏傳

陳球字伯真淮浦人父豐廣漢太守球陽嘉中舉孝廉除繁陽令辟公府舉高第拜侍御史是時桂陽黠賊李研等陸梁太尉楊秉表球為零陵太守球設方略林月解散適州兵朱蓋亂轉攻零陵郡郡

苦卑陘編木為城不可守備掾史白徙家避難球怒曰太守分國虎符受任一邦豈顧妻孥而沮國威重乎乃悉老弱死守弦木為弓羽子為矢引機發之射千餘步賊激水灌城球因地勢決水反淦相拒不下會中郎將度尚至球募士共擊破之上命賜錢五十萬拜子一人為郎遷魏郡太守徵拜將作大匠陟廷尉司隸校尉進太尉與司徒劉郃謀誅宦官曹節等不克下獄死子瑀吳郡太守琮汝陰太守珪沛相有陳奉者為武陵太守永昌中五溪蠻叛奉擊破之蠻夷畏服

杭徐字伯徐丹陽人鄉邦稱其膽智初試宣城長為移深林遠數推髻烏語之人置縣下境內無復盜賊後為中郎將宗資別部擊泰山賊孫舉等平之封東鄉侯及為長沙太守宿寇皆平卒于官桓帝時詔增封千戶侯

史南曰臣攷郡志止書伏波及梁松龍伯高宋均度尚諸人而陳球杭徐不少見焉夫伏波載在盟府宋均度尚紀諸國史而球徐之功亦不可誣也若夫梁松馮寵靈以肆讒董宣恣酷吏以行雷雖有他功安足贖乎贊曰伏波人豪詞

柱標功老猶嬰鏢哲不忘忠壺頭瘡霧遑恤厥躬宋均請變撫綏疲瘵虎北渡河蝗飛墮空度尚槌奸綽有成功球徐協力敷奏爾庸

馮緄 法雄 楊璇

馮緄字鴻卿宕渠人少學春秋司馬法舉孝廉七遷為廣漢都尉拜御史中丞順帝時持節督揚州諸軍事遷隴州遼東二郡太守徵拜京兆尹司隸校尉所在立威遷廷尉時長沙蠻寇益陽延熹五年衆轉盛而零陵蠻相為內應武陵蠻悉掠江陵間荊州刺史劉度南郡太守李肅並遁走荆南皆沒

登續前

卷四十九

十三

於是拜緄為車騎將軍將兵十餘萬討之策曰蠻夷猾夏久不討攝各焚都城將軍素有威猛擢率六師前代陳湯馮傳之徒以寡擊衆郅支夜郎樓蘭之戎頭懸都街衛霍北征功列金石將軍所究覽也今非將軍誰與修復出郊之事不復內御已命有司祖于國門詩不云乎進厥虎臣闕如彪虎將軍其勉之時海內饑饉帑藏空虛出征伐常減公卿俸祿假王侯租賦緄性烈直不行賄賂乃上疏曰勢得容奸伯夷可疑荀曰無猜盜跖可信願請中常侍一人監軍尚書朱穆言其失體緄至長

沙賊悉詣營道乞降進擊武陵蠻斬首四千餘級受降十餘萬人荊州平詔賜錢一億固讓不受振旅還京師推功于中郎應奉薦為司隸校尉上書乞骸骨不許監軍張敞奏其刻石江陵傳婢自隨不究會長沙賊復叛策免頃之復拜將作大匠轉河南尹徵為廷尉卒

法雄字文疆扶風郿人初仕郡工曹除平氏長擢宛陵令永初二年征海寇張伯路等轉青州刺史平東萊寇有功遷南郡太守斷獄省少戶口益增郡濱帶江河有雲夢數澤多虎狼雄乃移書曰凡虎

登續前

卷四十九

十四

狼之在山林猶人之居城市者至化之世猛獸不擾皆由恩信寬澤仁及飛走太守雖不德敢忘斯義其毀檻阱破機械勿妄捕山林是後虎害頓息人以獲安子真見逸人傳

楊璇字機平會稽人舉孝廉靈帝時為零陵太守是時蒼梧桂陽寇起吏人恐懼璇乃制馬車數十乘以排囊盛石灰繫布索于馬尾又為兵車專轂弓努尅期會戰乃令馬軍居前順風鼓灰賊不得視因以灰燒布馬驚奔突賊陣後車弓努亂發鉦鼓鳴震群盜破駭梟其渠帥境內以寧荊州刺史趙

凱誣璇妄有其功檻車徵逮乃噬臂血書詣闕上之詔原璇拜議郎三遷為渤海太守張溫薦之拜尚書僕射先是有胡爽者桓帝時為江陵主簿時武陵蠻亂江陵太守李肅棄城走爽力諫被殺

史南曰臣攷諸漢書自伏波壺頭之後溪蠻紛起峒酋嘯聚馮緄持虎符以督率奮鷹揚以宣威在師中吉王三錫命信有之矣乃若法雄牧南郡毀檻而虎徙渡河楊璇守零陵設機而馬驚衝陣皆異績也贊曰先武開基宅中圖大伏波南征無遠弗届沿至末季南蠻肆害馮緄持

卷四十九

十五

節法雄破械楊璇奔馬宣威敵愾

應奉 應詹

應奉字世叔南頓人祖疊江夏太守父郴武陵太守奉少聰警讀書五行俱下為郡決曹史著漢書多所述載舉茂才永興元年遷武陵太守蠻酋詹山等四千餘黨叛執縣令奉到官山等皆降於是興學校舉側陋政稱變俗坐事免延熹中蠻復亂馮緄以奉有威請與俱拜從事中郎詔曰蠻夷叛逆積惡放恣釜中之魚火熾湯盡爾奉昔守南土威名播越故復式序爾其勉之奉勤設方略賊破鯢

推功于奉薦為司隸校尉上書論官關事桓帝納之及黨錮起奉引疾自退追愍屈原著離騷三十篇子邵字仲遠有傳才為車騎將軍邵弟珣珣子珣世茂才名先是有李進者順帝時為武陵太守為政有體蠻安之

應詹字思遠奉之裔也魏初辟公府為太子舍人遷南平太守王澄為荊州假詹督南平天門武陵三郡軍事黠蠻並反詹討降之時政令不一諸蠻缺望並謀背叛詹召蠻酋破銅券與盟由是懷綏數郡無虞海內大亂詹境獨全百姓歌之山簡復假

卷四十九

十六

詹督五郡軍事會蜀賊杜疇作亂來攻詹力戰摧之尋與陶侃破杜弢於長沙賊巢金寶溢目詹悉無所取唯收圖書元帝假詹建武將軍監巴東五郡軍事賜爵隸陽侯陳郡王冲擁眾荊州素服詹名迎為刺史詹以冲等無賴棄還南平冲亦不怨其得人情如此後還益州刺史領巴東監軍

史南曰臣幼誦文選見應璩百一之詩及與滿公琰岑長瑜諸書所謂結春芳以崇佩折若華以翳日其所從來遠矣及攻漢書則嘉世叔之功晉史則羨思遠之畧前有所創後有所承應

氏其不朽乎贊曰世叔在漢征蠻揚勲思遠在  
晉靖寇著名休連于中藻思若雲盈篇累牘瑾  
璵續紛誰其紹之大雅不群

李孝恭

李復 李嵩 李元則 李石  
李程 李峴 李從誨 李舉  
李回 李福 李夷簡 李宗閔

李孝恭唐西平懷王之次子也少沉敏有識量高祖  
登極拜山南招討大使初蕭銑據江陵孝恭獻策  
圖之帝嘉納會李靖使江南孝恭倚其謀盡召巴  
蜀子弟圖江陵俄進荆湘道總管統水陸十二軍  
發夷陵破銑孝恭曰銑之境南際嶺表左薄洞庭

李孝恭

李復 李嵩 李元則 李石  
李程 李峴 李從誨 李舉  
李回 李福 李夷簡 李宗閔

十七

地險士衆若城未拔而援至我且有內外虞舟雖  
多何所用之於是縱戰艦放江中援兵至巴陵見  
舟疑阻銑內外絕遂降帝悅遷荆州大總管孝恭  
治荆置屯田立銅冶百姓利之轉襄州道行臺左  
僕射時嶺南未平乃分遣使綏緝其款附者四十  
九州唐之威令暢南嶠矣命討輔公柘忽栢水變  
為血衆皆失色孝恭自如卒破之江南平璽書褒  
美進東南道行臺左僕射孝恭雖宗室寬恕退讓  
無矜伐色太宗益親重之封河間王卒贈司空李  
瓌代為荆州都督政務清靜嶺南酋豪數相攻遣

諭威德皆如約封漢陽郡王

李復字初陽宗正卿齊物之子也齊物字道用以  
室為河南尹貶竟陵太守復任蔭江陵司錄參軍  
衛伯玉才之表為江陵令李希烈叛荆南節度使  
張伯儀數為賊窘朝廷以復在江陵得士心奪母  
喪起為少尹充行軍司馬佐伯儀討之真元十年  
以復為檢校尚書加僕射卒贈司定謚曰昭

李島孝節之曾孫也始為枝江丞時張柬之為荆州  
長史稱之曰帝宗千里駒吾得其人矣累擢衛尉  
卿為太子少傅封武都伯又有李必文者武德九

李島

李島

十

年為蒲圻令始遷縣治于鳳山監地

李元則字彞唐高祖之子也初為澧州刺史折節厲  
行卒贈荆州大都督

李石字中玉襄邑恭王神符五世孫也元和中進士  
遷給事中進戶部侍郎判度支石器雄遠當軸東  
權亡所撓是時宦寺氣盛每對延英殿而仇士良  
等順指氣使以折大臣石徐謂曰亂京師者李訓  
鄭注也三年正月出為荆南節度使召拜同中書  
門下平章事以身殉國不卹近倖仇士良疾之將  
加害帝知其然詔以太子少傅分司東都俄除

吏部尚書卒

李臣字表程神符五世孫擢進士宏辭賦日五色造語警拔士流推之調藍田尉遷監察御史召拜翰林學士再遷司勳員外郎爵渭源男凡學士入署常視日影為侯程性矜日過八磚乃至時號八磚學士元和三年出為隨州刺史以能政稱賜金紫服李夷簡鎮西川辟成都少尹以兵部郎中入知制誥韓弘為都統命程宣慰汴州歷御史中丞鄂岳觀察使還為吏部侍郎敬宗初召拜同中書門下平章事在鄂時韓愈贈之詩曰故人辭禮闈旌

登績內紀前

卷四十九

十九

節鎮江圻其度亦可想美

李峴吳王恪孫也折節下士長於吏治天寶間累遷京兆尹出為零陵太守峴為政得人心尋徙長沙永王為江陵大都督假峴為長史肅宗召拜扶風太守兼御史大夫明年擢京兆尹封梁國公代宗立改荆南節度使入為禮部尚書肅宗正卿罷為太子詹事遷吏部尚書

李從誨神符孫也寶曆初進士擢太常博士埴露之變李孝本誅從誨以族昆弟貶朗州司戶參軍後歷山南西道節度使

李夷簡字易之鄭惠王元懿四世孫初補鄭丞中拔萃科調藍田尉授監察御史坐累遷虔州司戶參

軍九歲復為殿中侍御史元和間為御史中丞京兆尹楊憑始為江表觀察使冒沒于財夷簡為屬刺史不為憑所禮至是發其貪惡貶臨賀尉夷簡賜金紫以戶部侍郎判度支俄檢校禮部尚書山南東道節度使初貞元時取江西兵五百戍襄陽制蔡右脅仰給度支亡死略盡而歲取貲不置夷簡奏罷之十三年召為御史大夫拜同中書門下平章事

登績內紀前

卷四十九

二十

李宗閔字損之元懿四世孫擢進士調華州參軍事授監察御史禮部員外郎裴度伐蔡引為判官蔡平遷為部郎中知制誥穆宗即位進中書舍人太和中以吏部侍郎同中書門下平章事久之李德裕為相與宗閔共當國俄為山南西道節度使李訓鄭注始用事進襄武縣侯宣宗立貶郴州司馬卒韓愈作南山猛虎行以白之宗閔私黨益熾卒以此敗

李臯字子蘭曹王明之子也少補左司參軍天寶十一載安祿山反遷左領軍將軍上書論治道詔授

衡州刺史為觀察使貶潮州會楊炎起道州為宰相如臯直復為衡州刺史建中元年進湖南觀察使前帥辛京果使部將王國良戍武岡貪其富即劾以死國良據縣反臯至遺書國良迎拜叩頭請罪臯執手納為昆弟盡焚攻守具散其兵有詔赦之賜名維新明年其母喪至江陵會梁崇義叛臯為左衛大將軍復觀察使湖南值李希烈叛臯設方畧乃取蘄州降其將李良平黃州兵益振舒王為元帥授臯前軍兵馬使德宗待奉天包信為陳少游所窘以運糧泝江次蘄口希烈使杜少誠絕江道臯遣伊慎禦于永安走之以功進工部尚書又遣伊慎王鏐攻安州未下希烈遣劉戒援之臯命李伯潛迎擊於應山俘之遂下安州斬偽刺史王嘉祥希烈別遣兵援隋州臯破之屬鄉賊遂不敢南略遷荆南節度使臯轉戰數千里餉路遂通江漢倚臯為固初江陵東北傍漢有古鄆不沿臯修塞之得良田五千頃規江南廢州為廬舍構二橋跨江而流人自占者二千餘家餘荆抵樂鄉二百里其間墟聚凡數十臯始鑿井以便人貞元初徙鎮山南東道割隋汝以益軍練兵峙糧市回鶻

馬以益戰騎歲時大蒐以教士少誠畏之臯性勤儉能知人張柬之有圖在襄陽臯嘗宴集將市取之以人言而止其善補過類此卒年六十贈尚書右僕射謚曰成韓愈撰碑其辭曰太玄十二曹於弟卒或亡或微曾始就事曹之祖王畏塞絕遷零王黎公不聞存成王之作一自其躬文被明童武鷹駿功蘊枯弱強猷其奸猖以報于宗以昭于王  
李回字昭慶新興王德良六世孫長慶中進士策賢良方正異等辟義成淮南幕府稍遷監察御史進起居郎會昌中以刑部侍郎兼御史中丞俄拜同中書門下平章事以與德裕善坐貶湖南觀察使尋以太子賓客分司東都卒大中九年詔復湖南觀察使贈刑部尚書  
李福字能之大和中第進士僖宗初以檢校尚書左僕射拜留守改山南東道節度使王仙芝寇山南福團鄉兵邀險偵之賊不敢入轉略岳鄂以逼江陵節度使楊知溫求援於福乃自將州兵率沙陀壯騎赴之賊已殘江陵鄂聞福至乃走還檢校司空同中書門下平章事旋為太子太傅卒



史南曰自漢而降為三國自晉而分為六朝其間服采于朝列職干郡者皆權謀以飾詐僥倖以圖存雖有魁梧軼宕之士朝剖符而莫屠戮者亦夥矣且統匪承乾治慚保泰故著之外紀而漢而唐而宋則內之焉爾贊曰有唐開國宗室登賢河間元功襄邑大編初陽元則固有可傳中王表臣厥德不愆峴暨從誨夷簡惟詮昭度能之星聚虹連于以昭之山潢渺綿

李德裕

李珣 李珣 李珣 李珣 李珣

李德裕字文饒吉甫子也初吉甫為郴州刺史能滅

登續南紀前

卷四十九

二十三

公署物怪人咸稱之德裕以陰補校書郎河東張弘靖辟為掌書記召授監察御史穆宗即位擢翰林學士牛僧孺樹黨乃出德裕為浙江觀察使時帝荒游狎比辟小德裕上丹宸六箴表太和三年召拜兵部侍郎裴度薦其才以兵部尚書拜中書門下平章事封贊皇伯俄而李宗閔罷德裕代為中書侍郎集賢殿大學士分司東都復貶袁州長史十年遷淮南節度使武宗立召拜門下侍郎同平章事入謝即進戒辦邪正專委任而後朝廷治近星家言熒惑犯上相又懇丐去位不允當國凡

六十年用兵籌邊決勝制威名獨重於時宣宗即位德裕奉冊太極殿帝退謂左右曰向行事近我者非太尉邪每顧我毛髮為森豎翌日罷為荆南節度使

李珣字侍價其先為趙郡人牛僧儒在武昌辟署掌

書記還為殿中侍御史及李宗閔以罪去珣為申

辦貶江州刺史徙河南尹復為戶部侍郎開成中

楊嗣復得君引珣同中書門下平章事武宗即位

再貶昭州刺史宣宗立內徙郴州刺史有李聽者

自蔚州刺史徙安州觀察使柳公綽甚重之入為

登續南紀前

卷四十九

又三

羽林將軍又有李璿者朗州刺史修水利民賴之

李承趙州人擢明經遷大理評事為河南採訪使未

幾出補山南東道節度使時希烈猶據襄州承誓

以死守希烈不能屈遂大掠去襄漢蕩然承撫安

之居一年闔境完復尋檢校工部尚書湖廣節度

使

李異字令叔贊皇人以明經補華州參軍舉拔萃科

授鄆尉進左司郎中常州刺史召授給事中出為

湖南觀察使異銳於為治持下以法察無遺私吏

不敢少給順宗立轉兵部郎中長於吏事至私家

亦勾檢秦續簿書如公府會實參貶郴州異時觀  
察湖南宣武節度使劉士寧致緡數千匹於參異  
即劾參交通藩鎮以怒德宗遂殺參云又有李廩  
者為永州刺史元結撰記

李廻秀字茂之大亮之孫大亮安撫襄鄧還安州刺  
史平王弘烈有功封武陽男廻秀及進士第轉考  
功員外郎改鳳閣舍人貶衡州長史

李叔明名晉閬州人乾元中除司勳員外郎建中初  
吐蕃襲火井掠龍州叔明分五將擊之以功加檢  
校戶部尚書梁崇義阻命詔引兵下峽戰荆門敗

登續高紀前

卷四十九

二十四

其衆襄州平遷檢校尚書左僕射德宗幸薊元出  
家貨助軍悉衣幣獻宮掖加太子太傅封蘄國公  
時有李芑者亦仕湖南又有李仁鈞登貞元進士  
元和初自秘書省遷湖南觀察推官韓愈贈之文  
又有李兼者為鄂州刺史李希烈襲鄂兼大破之  
李翱字習之後魏尚書左僕射冲十世孫韓愈門人  
也中進士第始調校書郎元和初為國子博士史  
館修撰再遷考功員外郎貶朗州刺史久之召為  
禮部郎中翱峭鯁論議無所屈仕不得顯官改中  
書舍人遷桂管湖南觀察使唐末有李絢者為岳

州刺史死黃巢之難

史南曰唐宰相多自宗室諸賢仙李盤根而德  
裕秀挺丹宸之歲維州之議加人數等矣但其  
黨禍與唐終始可惜也哉自珣以下若承若異  
若廻秀若叔明若翱有定論矣而翱又韓門佳  
弟子也贊曰德裕人豪克光先烈丹宸上歲雪  
山建勳珣承異芑咸有可述李翱之賢昌黎麗  
益

楊元琰

楊於陵

楊嗣復

楊憑

楊漢公

楊元琰名溫閬鄉人漢太尉震十八代孫也始除補

登續高紀前

卷四十九

二十五

梓州叅軍為平棘令再擢永寧軍副使三徙為荆  
府長史轉刺史咸有風績初張柬之代為荊州共  
乘艦江中私語外家革命元琰悲涕慷慨志在王  
室東之執政故引為右羽林將軍謂曰江上之言  
君臣忘之今可以勉乃與李多詐等定計斬張昌  
宗張易之進雲麾將軍封弘農公

楊於陵字達夫元琰之族也擢進士為主簿入拜部  
部員外郎改吏部出補絳州刺史德宗雅聞其名  
擢中書舍人元和初貶郴州刺史徙原王傳復以  
戶部侍郎知吏部數上疏乞身不許授太子少傅

封弘農郡公俄以尚書左僕射致仕於陵器量方峻進止有常度節操堅明始終不失其正大和四年卒年七十八贈司空謚曰貞孝子嗣復

楊嗣復字繼之父於陵娶觀察使韓滉女生嗣復滉撫其頂曰名與位皆踰其父大和中宗閔罷嗣復出為劔南東川節度宗閔復相徙四川開成初以戶部侍郎出為嶺南轉運使俄與李珣並拜同中書門下平章事未幾中尉仇士良廢立用李德裕而罷嗣復為湖南觀察使會誅薛季稜劉弘逸中人多言嘗附嗣復珣不利帝剛下詔中使分道

登續南紀前

卷四十九

二十六

誅嗣復賴德裕與崔郾崔珙等救免宣宗立召為吏部尚書卒年六十六贈尚書左僕射謚曰孝穆子裴字公隱累擢左拾遺朱全忠叛師裴挈族奔湖南

楊憑字虛受弘農人大曆中進士授監察御史累遷太常少卿貞元十八年出為湖南觀察使性慙敦接下脫略人多怨之在二鎮尤侈怵入拜京兆尹陟御史中丞禮部尚書卒柳宗元祭之文曰卿雲輪囷天漢昭回自然物外寧間塵埃公稟間氣心靈洞開翱翔自得誰屑群猜御史之選朝之所汪

公勤干養授劾引去京兆之難下多怨惡公捍其強仁及童孺煩言既訖倚法斯繩南過九疑東逾秣陵頓沛三載天書乃徵入傳王國嘉聲聿興楊漢公字用又始辟李絳幕府累遷戶部郎中史館修撰轉司封郎中浙東觀察使歸戶部侍郎拜荆南節度使入為工部尚書

楊汝士字慕巢中進士第文擢宏辭牛李侍之善為中書舍人開成初繇兵部侍郎出為荆南節度使楊儀之貞元十八年楊憑為湖南觀察使辟儀之為支使韓愈贈之文曰儀之智足以造謀才足以立

登續南紀前

卷四十九

二十七

事忠足以勤上惠足以存下而又侈之以詩書六藝之學先聖賢之德音以威其文以輔其質宜乎從事于是府而聲實于夫朝也

史南曰臣幼誦韓柳文稱楊氏者不一而足若元琰之風度於陵之節操嗣復之耿介虛受之抗直漢公之雅淳與夫汝士儀之之端慤皆可書也贊曰諸楊秀茂鬱為國華元琰受知東之有加於陵自守嗣復靡他憑為觀察宗元通家漢公出鎮守已不終汝士儀之昌黎興嗟

常倫

常思謙

名

常錯

常倫京兆人始為監察御史貶衡州司理參軍度文使第五琦薦倫才擢荆襄道租庸使襄州裨將康楚元亂刺史王政棄城遁賊南襲江陵絕漢沔餉道倫調兵屯鄧州厚撫降賊寇益急乃擊禽楚元以獻收租庸二百萬緡召為廷尉卿俄兼寧隴二州刺史乾元中襄州亂詔倫為山南東道節度使盧杞惡之改太子少保後封郢國公有常慤者亦京兆人宣宗時為武昌節度使子保衡字蘊用咸通中尚同昌公主

常思謙名仁約以近武后父諱以字行其先出雍州

登續內紀前

卷四十九

二十九

杜陵後客襄陽更徙為鄭州陽武人八歲喪母以孝聞及進士累調應城令高季輔曰子始得此夫豈以小疵棄大德耶擢監察御史思謙為御史自言不能動搖山岳震懼州縣為不任職復拜右肅政大夫封博昌縣男同鳳閣鸞臺三品

常虛字心無逸舉孝廉遷大理丞殿中侍御史神龍中歷荆潞揚大都督府長史荊州有鄉豪負勢干法虛心籍其貲入之官士人奉法盜賊為平入為工部尚書東京留守累封南皮子

常銛字弱金中進士宏辭科辟河東府參謀歷吏部

負外郎遷中書舍人開成元年權知貢舉繇吏部侍郎出為鄂岳觀察使卒贈禮部尚書

常宙京兆人觀察使舟之子也出為永州刺史州方災歟乃并官中什用供刺史者得九十餘萬錢為市糧餉俗不知法多觸罪宙書制律并種植為生之宜戶給之州負嶺轉餉艱險每饑人輒等死宙始築常平倉收穀羨餘以待乏罷冗役九百四十員縣置吏督戰宙俾民自輪家十相保常先期豫備零陵產香歲貢上用之苦之宙為奏罷民貧無牛以力耕宙為置杜鰲牛以是為準義之牛不乏立學官取仕家子弟十五充之舊民繙出財會賓無間晝夜多至數百人宙條約如禮邑中少年常以七月擊鼓群入民家喧呼疾闢宙禁之遷為大理少卿徙江西觀察使遷嶺南度節使旋加檢校尚書左僕射同中書門下平章事卒

登續內紀前

卷四十九

二十九

史南曰臣攷諸唐宰相世系常氏自平齊公而下知藝為襄州刺史慤為武昌節度使自高平男而下彤為澧州刺史延安為鄂州刺史之晉為湖南觀察使自彭城公而下仿為邵陽令懌然為鄂州別駕詵為荊州士曹絳為襄州司法

玄寶為安州司法元沚為襄陽令自逍遙公而下班為荊州刺史涵為邵州刺史擊為岳州刺史洸為襄陽總管自郎公而下潛為澧州刺史勉為復州刺史凜為朗州刺史自南皮公而下詞為湖南觀察使乃若倫之有勞于襄而思謙之令應城也敷德政虛心之服采于荆而錯之鎮鄂岳也著威名至宙之綏民裕國則又越數子遠矣贊曰韋族華胄唐之台輔內弼皇謨立繩祖武倫暨思謙世篤其祐錯與虛心不渝厥度宙為循吏楚邦景慕

裴續南史前

卷四十九

三十

裴度

裴胃 裴均 裴冕

裴度字中立河東聞喜人貞元初擢進士第以宏辭補校書郎舉賢良方正異等調河陰尉遷監察御史論權嬖梗切補河南工曹叅軍召為起居舍人元和六年以司封員外郎知制誥進御史中丞拜同中書門下平章事時諸道連兵內外大恐及度平蔡還朝內外治安進金紫光祿大夫弘文館學士上柱國晉國公是時牛僧孺李宗閔媚度勛業欲有所逞出度為山南東道節度使白罷元和所置臨漢兼收馬納之校以善田四百頃還襄人徙

東郡留守俄加中書令值關監擅威天子擁虛器縉紳道喪度乃治第集賢里沼石林叢岑繚幽勝午橋作別墅具燠館涼臺號綠野堂激波其下度野服蕭散與白居易劉禹錫為文章晝夜相歡不問人間事而帝知度年雖及神明不衰復以本官節度河東卒贈太傅謚文忠子識字通理補京兆叅軍擢大理少卿進湖南觀察使入拜大理卿襲晉國公韓愈為撰淮西碑

裴續南史前

卷四十九

三十一

裴賈子胤叔擢明經代宗時授殿中侍御史為元載所惡載誅始拜刑部員外郎遷宣州刺史楊炎當國為載復讐貶汀洲司馬遷國子司業出為江南觀察使樊澤徙襄州宰相議所代德宗雅記胄才拜荆南節度使是時方鎮爭剝下希恩製重錦異綾名貢奉有中使者至即悉公帑市歡胄待之有節獻餉直不數金宴勞止三爵是時武臣多粗暴庸人待賓介不以禮胄亦劾斥之卒年七十五贈尚書右僕射謚曰成

裴潯晉公同邑人也元和初遷左補闕起居郎舍人帝起嚮方士而柳泌為治丹劑御之劑中躁渴潯諫曰夫除天下之害者受天下之利共天下之樂

者享天下之福故上自黃帝顓頊堯舜禹湯文武以功濟生人天皆報以壽考陛下以孝安宗廟以仁牧黎庶今乃信方士韋山甫柳泌等以丹術自神更相稱引詭為延年可乎夫味以行氣氣以實志水人塩梅以烹魚肉宰夫和之齊之以味君子食之以平其心聖人節調以致康疆若乃藥劑所以禦疾豈常進之餌哉况金石酷烈包炎產毒未易可制秦漢之君亦信方士矣如盧生徐福藥大李少君後皆詐譎無成願以所治劑俾其人服之以考真偽罔弗驗矣帝怒貶江陵令穆宗立召為

刑部郎中久之繇給事中為汝州刺史以大子左庶子分司東都遷左散騎常侍集賢殿學士改刑部侍郎卒贈戶部尚書謚曰敬侯

裴冕字童南河東人蔭補渭南尉召為侍御史玄宗入蜀拜御史中丞肅宗立進中書侍郎同平章事坐薦舍人劉烜貶施州刺史徙澧州大厯中郭子儀白其誣復入為左僕射杜甫上詩曰廟廊之具裴施州宿昔一逢無此流金鐘大鑪在東序冰壺玉衡懸清秋自從相遇減多病三歲為客銷邊愁先有四岳明至理漢二千石真分憂幾度寄書白

鹽北苦寒贈我青羔裘霜雪回光避錦軸龍蛇動篋鏹銀鈎紫衣使者辭後命再拜故人謝佳政將老已失子孫憂後來况接才華盛按甫集又送裴二端公赴道州有云上請減兵甲下請安井田其亦江湖而有廟廊之慮者耶

裴休字公美孟州濟源人擢進士第舉賢良方正異等歷諸府辟署入為監察御史拜門下平章事又之由太子少保分司東都復起為荆南節度使卒七十四贈太尉休不為驟察行所治畏信人不忍欺

裴均字君濟貞元十一年以吏部尚書為荆南節度使韓愈佐之為江陵法曹賦喜雪詩上之曰宿雲寒不卷春雪墮如筵聘巧先投隙潛光半入池喜深將策試驚密仰簷窺自下何曾汗增高未覺危比心明可燭拂面愛還吹如舞時飄袖欺梅併壓枝地空迷界限砌滿接高卑浩蕩乾坤合霏微物象移為祥矜大熟布澤荷平施已分年華晚猶憐曙色隨氣嚴當酒換灑急聽窓知照躍臨初日玲瓏滴晚漸聚庭看嶽聳掃路見雲披陣勢魚麗遠書文鳥篆奇縱惟羅豔點列賀擁熊鸞履敝行偏

冷門倚卧更羸悲嘶聞病馬以走快嬌兒竈靜愁  
煙絕絲繁念鬢衰擬監吟舊句授簡慕前規捧贈  
同燕石多慙失所宜

史南曰裴氏為相者凡十有七人而有事於楚  
者則茂為襄陽節度使懷感為澧州刺史友悌  
為郴州刺史藏之及液為道州刺史而晉公之  
駿烈胤叔之勁節敬侯之直言君齊之美政與  
夫隣冕之貞操史炳如丹矣贊曰唐至中葉藩  
鎮崛強晉公平蔡建議朝堂淮西紀功昌黎大  
章胤叔持正力抗權璫敬侯謹議方士敗常章

登續前紀前

卷四十九

三十四

甫秦膚少陵掄揚公美秉節褒翰飛翔君齊姬  
休干前有光

崔光遠

崔推

崔瑄

崔口用

崔慎由

崔鉉

崔元畧

崔光遠其先博陵人徙靈昌中宗在房州祖敬嗣獨

盡誠供億帝德之每擬官趣超拜召見非是時敬  
嗣已死即官其子汪汪先光遠卒玄宗時留光遠  
為京兆尹遂趨靈武肅宗嘉之擢御史大夫復為  
京兆尹帝還改禮部尚書鄴國公會襄州將康楚  
元張嘉延叛陷荆襄因拜持節荆襄招討充山南  
東道兵馬都使

崔權光遠之族也以士行修謹累官至澧州刺史不  
為煩苛人便安之居二十年增戶數萬詔特進五  
階以寵異政大厝中遷湖南觀察使時將吏寬弛  
權稍以禮法裁之下多怨別將藏介判官達奚覲  
忿爭覲曰今幸無事玠曰欲有事耶遂去是夜以  
兵殺覲權遇害帝聞悼之

崔瑄字從律權之族兄累歷吏部員外郎進給事中  
太和初持節宣尉盧龍還遷工部侍郎京兆尹尚  
書右丞出為荆南節度使進左丞會昌中終山南  
西道節度使贈尚書左僕射

登續前紀前

卷四十九

三十五

崔日用滑州人擢進士第歷芮城尉新豐令授監察  
御史出為荊州長史入奏計因上言太平公主逆  
節事後進吏部尚書卒謚曰昭贈荊州大都督子  
駿以明經進至兵部員外郎調荊州長史入為京  
兆尹封中山公

崔郾字廣略清河人中進士第補集賢校書郎歷吏  
部員外郎還諫議大夫給事中敬宗嗣位拜翰林  
學士中書舍人出為鄂岳觀察使自蔡人叛鄂岳  
常苦兵江湖盜賊顯行郾修治繕仗造蒙衝追擊  
之歲中悉捕平盜鄂之日嚴法峻誅或問其故曰



鄂土沃民剽雜以夷俗非用威莫能治政所以貴知變者也聞者服之未幾召為檢校禮部尚書卒于官子璆任鄂岳觀察使瑾湖南觀察使

崔鉉字台碩擢進士第從李石鎮荆南為賓佐入為司勳員外郎翰林學士遷中書舍人學士承旨武宗會昌三年拜中書侍郎同中書門下平章事鉉入朝凡三歲至宰相而石猶在江陵澤潞平蕪戶部尚書與李德裕不協罷為陝虢觀察使咸通初徙山南東道荆南二鎮封魏國公龐勛叛所過剽略鉉聞大募兵屯江湖邀賊歸路賊懼更踰嶺朝

唐書

卷四十九

三十七

廷壯其忠卒於官子沆字內融累遷中書舍人貶循州司戶參軍僖宗立召為永州刺史

崔慎由字敬止中進士第擢賢良方正異等為右拾遺進翰林學士授湖南觀察使

崔元略博州人中進士第更辟諸府累遷殿中侍御史以刑部侍郎知御史雜事拜中丞乃出為黔南觀察使徙鄂岳久乃拜大理卿

崔勉元和間為復州刺史時于頔節制襄陽政尚苛急勉之治所韓愈贈之文曰崔君為復州其連帥則于公崔君之仁足以撫使人于公之賢足以庸

崔君有刺史之榮而無其難為者將在於此乎愈嘗辱于公之知而舊遊於崔君慶復人之將蒙其休澤也

崔陵字德長祐甫從子也性介潔喜矜已視賊負者若讐以蘇州刺史奏課第一遷湖南觀察使湖舊例雖豐年貿易不出境隣部災荒不恤也陵至謂屬吏曰此豈人情乎無閉糴以重困民削其禁自是商賈流通貨物益饒入為戶部侍郎判度支出為鳳翔節度使踰年徙河南尹以戶部尚書致仕卒贈太子少保諡曰肅又有崔簡字子敬柳宗元

唐書

卷四十九

三十七

姊丈也徙永州刺史卒

崔敏清河人尚書漪之子也初歷整屋三原藍田尉遷臨穎龍興令擢揚州錄事參軍入為太子司議出補歸州刺史州嚴險湍悍人多類鳥獸敏治多馴擾改永州刺史俗好尚鬼尸為胥徙家有穰稊悖於政經莫能禁禦敏約束部吏黜其侵牟毀其淫昏戮其奸帥征貢用集民狎於野嘗譙南池柳宗元撰文以為連山倒垂萬象在下浮空泛景蕩若無外羽觴飛翔匏竹激越熙然而歌婆然而舞不知日之將莫矣其卒也宗元銘其墓曰清河瀝

源遠哉云云世有顯懿揚其清芬渙炳增華昭于後昆惟魴與鯉舊史是尊尚書清風藹其有融勃然而興披草從龍布令諸夏敷和六戎赫矣太陽克昇於中公嗣餘慶刑於謠咏小成其功大遂其性黠吏是省妖風以正于邑于邦奉揚休命

史南曰臣按唐宰相世系自滎陽而下蔚為鄧州刺史言道為岳州刺史知久為鄂州刺史自清河而下傳為鄂州刺史公復為復州刺史瑤為鄂岳觀察使自博陵而下曇為澧州刺史益為朗州刺史嚴為襄州觀察使士謙為江陵總

登績內紀前

卷四十九

三十九

管若夫光遠而確而瑄日用而邸而鉉慎由而元略而陵而敏均之政績可書者也贊曰崔氏著姓唐室宗臣公出司岳牧入典絲綸觀察節度歷播威名州牧長史累効勞勲九子之績陟明用登

呂諲

呂元膺

呂溫

呂諲河東人開元末中進士第調寧陵尉授殿中侍御史肅宗才之拜御史中丞乾元二年九節度兵帝憂之擢諲同中書門下平章封瀕昌伯數月拜荊州長史澧朗峽忠等五州節度使諲始建請

荊州置南郡詔可於是更號江陵府以諲為尹置永平軍屯萬人遏吳蜀之衝以湖南之岳潭柳道邵連黔中之涪凡七州隸其道初荊州長史張惟一以衡州蠻酋陳希昂為司馬督家兵自防親將牟逐金與相忤惟一懼斬遂金首以謝悉以兵屬之自是政一出希昂後遷常州刺史過江陵入謁諲伏甲擊殺之誅黨數十人積尸府門内外震服妖人申泰芝用左道事李輔國置軍邵道二州以泰芝總之納群蠻金寶群蠻林於賞而不足更為剽掠吏不敢制潭州刺史龐承鼎疾其姦縛泰芝

登績內紀前

卷四十九

三十九

輔國矯追泰芝還京譖承鼎陷不韋詔諲按罪諲使判官嚴郢具獄暴泰芝之惡帝不省賜承鼎罪沅郢建州後泰芝以賊敗承鼎得白其誣諲為治不怠細務決大事剛果不撓故威惠兩行諲與李揆不平既斥乃用善治聞揆恐帝復用即妄奏置軍湖南非便又陰遣人刺諲過諲上疏訟其事帝怒逐揆顯條其罪諲苦羸疾卒年五十一贈吏部尚書諲為荊州號令明賦歛均治尚威信軍士用命闔境無盜賊民歌詠之自至德以來處方面數十人諲最有名荊人生構祠及歿更徙祠府西永

泰中嚴郢以故吏請謚有司博士獨孤及謚曰肅  
郢以故事宰相謚皆二名請謚曰忠肅

呂元膺字景夫東平人始游京師策賢良高第調安  
邑尉辟長春宮判官授殿中侍御史歷右司員外  
郎出為蘄州刺史嘗錄囚或白父母在明日歲旦  
不得省為恨因泣元膺惻然悉釋械縱歸而戒還  
期吏白不可荅曰吾以信待人豈我違如期而  
至自是群盜感愧悉避境去元和中累擢給事中  
又出為同州刺史未幾兼皇太子侍讀進御史中  
丞遷鄂岳觀察使嘗夜登城守者不納左右曰中  
丞績內紀前

卷四十九

四十

丞至對曰夜不可辨乃還明日擢守者為大將軍  
入拜尚書左丞吏部侍郎改太子賓客卒年七十  
二贈吏部尚書

呂溫字和叔河東人潭州刺史渭之子也貞元末舉  
進士補左拾遺元和元年進戶部員外郎為崔群  
所薦上許李吉甫陰事貶道州刺史徙衡州治有  
善狀卒於官柳宗元誄曰惟公舒文奮藻含章決  
科連中休問用張署讐百氏錯綜逾光超都諫列  
屢皂其囊帝殊爾能人服其智戎悔厥禍款邊求  
侍公登御史贊命承事風動海嶠皇威以致來終

卷四十九

四十

征賦甲茲郎吏制用經邦時推重器君自他曹載  
筆於扶筆削自任群儒革議正郎司刑邦憲為貳  
糾逃伊肅民服休嘉恩疎若暱惕適如遐寔閉其  
閤而撫其家載其愉樂申以舞歌賦無吏迫威不  
刑加浩然順風從令無譁絲蠶外邑我爾盈車維  
耕鄰封我黍之華既字其畜亦藝其麻馨詖斯屏  
人喜則多始富中教興良廢邪考績既成王用興  
嗟陟于嶽濱言進其律號呼南竭謳歌比溢欺吏  
悍民先聲如失通租匿役歸誠自出兼并既悉罷  
羸乃逸惟昔舉善盜奔於憐今我興仁化為齊人

惟昔富氓或賑之粟今我厚生不竭而足邦思其  
鄙人戴惟父俾民伊而胡不壽

史南曰臣攷諸唐史乃見呂諲之誄希昂按泰  
芝呂元膺之感群盜擢守陴有足稱者及觀柳  
宗元之誄而呂溫之政又過人遠矣贊曰諸呂  
出牧咸在湖湘荊州沃壤蘄州名邦衡州上游  
祝融紫蒼三君善政民懷不忘

柳公綽

柳仲郢

溫造

令狐楚

令狐岷

柳公綽字寬夫京兆人補校書郎授渭南尉召入為  
吏部郎踰月拜御史中丞公綽與裴垍善李吉甫

當國拜翰林學士元和六年出為湖南觀察使後徙鄂岳時方討吳元濟詔發鄂岳卒五千隸安州刺史李聽公綽曰朝廷謂吾儒生不知兵耶即請自行許之引兵渡江抵安州聽以軍禮迎謁公綽謂曰公屬健負弩豈非兵事邪若虜戎容則兩郡守耳以公世將晚兵吾豈且欲著職以兵法從事曰惟命即故鄂軍每戰輒克元和十一年還除給事中兼御史大夫長慶元年復為京兆尹改禮部尚書俄檢校戶部尚書山南東道節度使入為刑部尚書拜鄂寧節度使贈太子太保謚曰元公初

李績南紀前

卷四十九

中士

綽在湖南值武岡苗叛公綽討之柳宗元撰武岡銘曰黔山之墳巫水之磻魚駭而離獸犯而殘戶恐谷竄彼攘乃亂王師來誅期死以緩公明不疑公信不期援師定命俾邦克正皇天仁施我反其性我途既避公示之門我愚抵死公示之恩既骨而完既亡而存奉公之訓貽我子孫我始螫賊由公而仁我始冠酌由公而親山畋澤獻輸賦于都陶穴刊木室我姻族烹牲是祀公受介福揲著以占公宜百祿皇德公功陟於大邦遠哉去我誰嗣其良有穴之冊有犀之顛匪曰余故公不可略視

鄰之德恒依公則最余之世永謹來制南夷作詩刻示來裔

柳仲郢字諭蒙母韓即臯女也元和末進士授校書郎牛僧儒辟武昌幕府有父風召入為監察御史遷左諫議大夫武宗延方士築望仙臺仲郢累諫諄切帝遣中人諭之御史崔元藻以覆按吳相獄得罪仲郢切諫宰相李德裕不為憐奏拜京兆尹以刑部尚書轉戶部封河東男出為山南西道節度使

令狐楚子穀士德蔡之齊也生五歲能為辭章逮冠舉進士召授右拾遺憲宗時累擢職方員外郎知制誥為翰林學士進中書舍人方伐蔡父未下議者多欲罷兵帝獨與裴度斷然行之元和中出為宣歙觀察使俄貶衡州刺史徙太子賓客分司東都開成元年上半年已賜群臣宴曲江楚以新誅大臣暴骸未收怨怵感結稱疾不出乃請給衣衾櫬槨以斂形骨是時政在宦豎數上疏辭位拜山南西道節度使卒年七十二贈司空謚曰文公子緒以

蔭仕歷隋壽汝三州刺史絢門下同平章事

狐岷德蔡五世孫也天寶末進士遇祿山亂去終

李績南紀前

卷四十九

中士

南山豹林谷楊綰薦授華原尉授右拾遺兼史職  
遷起居舍人大曆中以刑部員外郎判南曹司封  
郎中知制誥兼史館修撰建中初恒為禮部侍郎  
楊炎執政乃貶衡州別駕遷刺史李泌入相召拜  
太子右庶子復為修撰恒性耿介人人與為怨貞  
元五年坐守衡州冒前刺史戶口為已最實參素  
惡之復坐貶

溫造字簡與姿表瑰傑性嗜書然盛氣少所降屈不  
善為吏隱王屋山號其居曰處士野後應辟累遷  
朗州刺史開後鄉渠百里溉田二千頃民獲其利

登續前紀前

卷四十九

四十四

號右史渠召授侍御史值夏州節度使李祐拜大  
金吾遣詔進馬造正衙抨劾祐曰吾夜入蔡州擒  
吳元濟未嘗心動今日膽落於溫御史遷左司郎  
中進中丞文宗以為能乃授山南西道節度使許  
以便宜從事造至欲大宴視廳事曰此隘狹不足  
饗士更徙牙門坐定將卒羅拜徐曰吾欲聞新軍  
去住意可悉前舊軍無得進勞問畢就坐酒行從  
兵合卒有覺者欲引去造傳言叱之乃不敢動悉  
殺之斬首凡八百餘人祭死事官王景延等餘悉  
伐之漢江監軍楊叔元擁造靴祈哀造以兵衛出

之詔流康州叔元始激兵亂者也以造不戮為  
恨以功加檢校禮部尚書卒贈尚書右僕射

溫廷筠字飛卿少敏悟徐商鎮襄陽辟為巡官又有  
溫遷約者知唐年累官司空卒于官

史南曰夫負奇氣者敷駿猷抱儒才者揚鴻烈  
乃若柳公綽守公權直耿之節而仲郢克遵成  
規令孤楚懷德蔡卓偉之才而緒恒咸踐顯位  
溫造氣直瑩端才華邦表而庭筠亦聞丕猷以  
承遠烈不亦允滅矣乎贊曰矯矯諸柳河東之  
英奕奕令孤有美德蔡溫氏世濟丕赫其勳增

登續前紀前

卷四十九

四十五

光石室如蘭斯馨

高履行

高重

高元裕

杜正倫

高履行文獻公士廉之子也居母喪毀其太宗諭使  
疆食尚東陽公主襲爵縣戶部尚書為益州大都  
督府長史坐長孫元忌事遷洪州都督改永州刺  
史為政有名

高重字文明以明經中第李巽表鹽鐵轉運巡官善  
職凡十年進累同門下郎中敬宗慎置侍講學士  
重以簡厚博雅與崔郾被選再擢國子祭酒文宗  
好左氏春秋命重釋其義書成與鄭元判定九經

復出為鄂岳觀察使以美政被褒久之徵拜太子  
賓客分司東都卒贈太子少保

高元裕字景圭其先渤海人第進士辟節度府以右  
補闕累遷尚書左丞出鎮宣歙入陟吏部尚書拜  
山南東道節度使封渤海郡公奏蠲逋賦甚衆在  
鎮五年復召為吏部尚書元裕性勤約通經術敏  
於為吏嚴嚴有風采推重于時卒贈尚書左僕射  
杜正倫洹水人隋世舉秀才調武騎尉太宗素知名  
表直秦王府文學館貞觀元年魏徵薦其才授兵  
部員外郎進中書侍郎封南陽侯仍兼太子左庶  
子出入兩宮典機密以辨治稱再貶交州都督太  
子廢坐流驩州久之徙郢州刺史顯慶元年召為  
黃門侍郎兼崇賢館學士拜同中書門下三品封  
襄陽縣公

杜正倫傳

卷四十九

四十六

杜棕字永裕以門蔭遷太子司議郎召見麟德殿授  
殿中少監駙馬都尉太和初由澧州刺史召為京  
兆尹出鎮鳳翔入為工部尚書判度支會公主薨  
棕父不謝文宗怪之李珣曰比駙馬都尉皆為公  
主服斬衰三年故棕不得謝帝矍然始詔杖而暮  
著于今會昌初節度淮南未幾而拜司空封鄆國

公以檢校司徒為荆南節度使加兼太傅適秦匡  
謀討蠻兵敗奔於棕棕囚之劾不能伏節有詔斬  
之棕不意其死駭愕得疾卒年八十贈太師

杜景佺武邑人舉明經中第累遷殿中侍御史出為  
益州錄事參軍荊州司馬民歌之曰錄事意與天  
通州司馬折威風由是知名入為司刑丞檢校鳳  
閣侍郎同平章事

史南曰古之為名執政者必先為良守令以其  
澤及民化及士也化及士則君子有所恃而為  
善澤及民則小人有所畏而不為惡若高氏三

杜杜氏三子

卷四十九

四十七

君杜氏三子或自宰輔出牧郡邑或自守令入  
躋台斗可不謂賢乎贊曰士廉之後三君垂名  
履行元裕善取彰聞正倫之族諸子能文棕暨  
景佺所在有聲傳書于紀以詔後人

貞半千

沈傳師

蘇瓌

蕭鄴

牛僧孺

貞半千字榮期全節人擢高第歷華原武功尉遷水  
部郎中為弘文館學士武三思用事以賢見忌出  
為新州刺史半千不顯任吏常以文雅飾澤故所  
至禮化大行肅宗初召為太子右諭德仍學士職  
累封平原郡公表半千事五君有清白節年老樂

山水自放開元九年遊堯山沮水間愛其地遂定居卒年九十四

沈傳師字子言少為杜佑所器貞元間舉進士復登制科授太子校書郎以鄆尉轉右拾遺左補闕史館修撰遷翰林學士休告帝遣中使敦召李德裕素與善開曉諄切終不出遂以本官兼史職出為湖南觀察使傳師與修憲宗實錄未成至是付傳師即官成之詔可寶曆三年入拜尚書右丞

蘇環字昌容武功人隋尚書僕射威之曾孫擢進士第補恒州參軍歷朗州刺史入為尚書右丞同中

書門下三品封許國公肅宗即位進右僕射景雲

甲十

元年罷為太子少傅卒年七十二贈司空荊州大都督謚曰文貞

蕭鄴字愬之梁長沙宣王懿九世孫及進士第授監察御史入翰林為學士出為衡州刺史召還為中書舍人以工部尚書同平章事懿宗初罷為荆南節度使仍平章事進檢校尚書左僕射徙劍南西川南詔內寇不能制下遷檢校右僕射山南西道節度使

白敏中字用晦太原人白居易為襄州別駕敏中承

學長慶初中進士第遷右拾遺改殿中侍御史入翰林為學士承旨宣宗立以兵部侍郎同平章事刑部尚書檢校司徒加兼太子太師徙荆南懿宗立召拜司徒平章事咸通二年南蠻擾邊召敏中入議以太傅致仕卒贈太尉

魯吳幽州薊人以蔭補左羽林安祿山反拜上洛太守徙南陽封金鄉公尋為山南東道節度使時襄陽節度徐浩未至其子弟在軍挾金為資吳糾治之人心益固吳被祿山圍凡一年晝夜戰人至相食卒無救至德二載五月率眾突圍走襄陽吳殊

死戰斬獲甚重賊引去俄拜御史大夫襄鄧十州

四十九

節度使兩京平賊走河北襄漢數百里鄧聚蕩然無樵煙賊欲剽亂江湖賴吳適扼其衝故南夏以完封峻國公

陸扆字祥文宰相贊族孫客於陝為陝人光啓二年擢進士第入翰林為學士陟尚書左丞封嘉興男徙戶部侍郎同平章事貶峽州刺史久之召拜工部尚書從天子自華州還以兵部尚書復當國封吳郡公

路巖字魯瞻魏州人及進士第懿宗咸通初歷屯田



負外郎入為翰林學士以兵部侍郎同平章事年三十六居位八歲至尚書左僕射徙荆南節度使

貶新州刺史至江陵免官流儋州籍其家

牛僧孺字師黯隋僕射奇章公弘之裔元和初以賢良方正對策與李公閑皇甫湜俱第一調伊闕尉遷監察御史進考功員外郎集賢殿直學士穆宗初改御史中丞尋遷中書侍郎敬宗立進封奇章郡公出為武昌節度使鄂城土惡亟圯歲頻築賦義茅於民吏倚為擾僧孺陶甕以成五年畢鄂人無復歲費又廢泗州以省冗官文宗立李宗閔當

金續內紀前

卷四十九

五十

國屢薦僧孺復以兵部尚書同平章事宣宗立徙衡州還為太子少師卒贈太尉

史南曰唐制六典有節度有觀察有刺史有縣令有參軍長史書記之任以故士無遺逸官無曠錄天寶以後彞法蕩然矣半千為斬刺史傳師為湖南觀察使環為荆都督鄴為荆南節度敏中為荆南檢校吳為襄陽節度展為峽州刺史嚴為荆南節度僧孺為武昌節度或以使相而下兼或以牧長而上陟或忤當途而左遷或扞強寇而右傳人品不同政績亦異馬爾贊曰

負沈之節用汲王明蘇蕭之政徵諸庶民自魯之勞寒寒王臣陸路之跡詵詵靡寧僧孺之績

武昌始城

鄭餘慶

鄭朗

鄭審

實祥玉

盧尚祥

盧景亮

鄭餘慶字居業鄭州人少善屬文擢進士第貞元初遷庫部郎中入翰林為學士十四年拜中書侍郎同平章事每奏對多傳經義素善慶文使於碩凡所陳必左右之知坐事貶餘慶為郴州司馬順宗時召為尚書左丞憲宗立復拜同平章事加太子少師封鄖陽公贈太保諡曰貞

金續內紀前

卷四十九

五十一

鄭朗字有融始辟柳公綽山南幕府入補右拾遺開成中擢起居郎累遷諫議大夫為侍講學士出守華州入拜御史中丞復出為鄂岳觀察使進義武宣武二節度歷工部尚書同平章事

鄭審大曆初為秘書監三年出補江陵少尹杜甫秋日寄鄭監詩百韻有曰鄭李尤時論文章並我先陰何尚清省沈宋剡聯翩律比崑崙行音知燥濕絃風流俱善價愜當久忘筌置驛常如此登龍蓋有焉

寶參字時中刑部尚書誕四世孫貶江夏尉召為監

察御史先是湖南判官馬彞發部令賊千萬因彞  
往按直其侵蟻發後佐曹王臯以幹直聞彞復坐  
貶郴州別駕宣武劉士寧餉彞絹五千疋湖南觀  
察使李巽以狀聞帝大怒欲殺彞陸贄雖舊有怨  
力救之乃免貶驪州司馬今蒲圻有寶丞相祠豈  
其謫居流寓耶

寶群王字丹列京兆人德宗擢為右拾遺憲宗立轉  
膳部員外郎兼侍御史出鎮唐州于頔聞其名與  
語奇之表以自副出為湖南觀察使改黔中會水  
壞城郭群蠻亂貶開州刺史稍遷容管經畧使召

登續內紀前

卷四十九

五十二

還卒于行

寶常字中行大曆中進士客廣陵多所論著隱居三  
十年鎮州王武俊聞其才奏辟不應杜佑鎮淮西  
署為將軍參謀歷朗州刺史國子祭酒致仕卒贈  
越州都督

盧簡字子策累擢湖南觀察使以檢校工部尚書為  
忠武節度使

盧景亮字長晦范陽人中進士第授秘書郎張延賞  
節度荆南表為枝江尉掌書記入遷右補闕宰相  
李泌劾之貶永州司馬又盧行簡父為襄陽丞韓

愈誌其墓

史南曰臣攷諸唐宰相世系鄭氏自胤伯而下  
玄瑾為蒲圻令光系為蒲圻尉怱為湘潭令李  
良為澧陽尉依義為湘鄉令德秀為江陵令遐  
為衡山令武為竟陵令正則為復州刺史伸為  
鄂岳觀察使延休為山南東道節度使詔業為  
荆南節度使自靈虬而下常伯為鄂州刺史孝  
寬為黃州刺史道德為安州刺史崇業為永州  
司馬表微為江陵少尹寶氏自義安而下宣孟  
為長沙令承孝為夷陵太守自西河而下弘餘

登續內紀前

卷四十九

五十三

為黃州刺史鞏為鄂岳觀察使盧氏自陽鳥而  
下大道為荊州刺史正道為鄂州刺史士英為  
岳州刺史全操為房州刺史當為邵州刺史疑  
為郢州刺史自孝簡而下翊為鄂州刺史昂為  
澧州刺史而各有名于時若餘慶若朗若審若  
參若群王若常若簡辭若景亮皆有聞于楚者  
也贊曰鄭伯之後世為閔閔寶武之後代表勲  
烈盧氏多賢惟勤廣業爰發蘭臺以章史策玄  
瑾光系吾補流澤

于頔

齊映

關樞

袁滋

于頔字允元後周太師謹七世孫蔭補華陰尉歷長安令為駕部郎中貞元十四年拜山南東道節度使時吳少誠叛頔率兵自唐州戰吳房朗山取之禽其將李樂於是升襄州為大都督府以頔總之庶募戰士儲良械擱然有專漢南意帝晚務姑息頔所奏建無不開納累遷檢校尚書左僕射同中書門下平章事封燕國公初裴器甚工頔驕蹇故方帥不法者多劾充憲宗立權綱自出頔稍懼頔以子尚主帝許之遂入朝拜司空同中書門下平章事

登續南紀前

卷四十九

五十四

齊映高陽人中進士第補河南府參軍貞元二年以舍人同中書門下平章事封河間男與崔造劉滋輔政始映微時張延賞遇之善及映相而延賞左僕射數為映畫事坐貶夔州刺史徙衡州久之為桂管江西兩觀察使映罷乃掎歛獻貢以中帝欲初諸藩銀瓶止五尺李兼為江西始獻六尺瓶至映乃加八尺云年四十八卒贈禮部尚書

關播字務元汲人及進士第德宗初湖南尚賊王國良叛詔播宣輯因得請事對殿中帝問政治之要播曰為政之本要得有道賢人乃治且言奉詔平

賊有知不受命臣請發州兵翦定之帝納之貞元初檢校尚書左僕射

袁滋字德深蔡州人陳侍中憲之後少依道州刺史元結讀書自解其義結重之後客荆郢間起學廬講授建中初趙贊薦于朝授校書郎德宗選郎吏可撫循者皆憚行滋不辭帝嘉之擢祠部郎中兼御史中丞憲宗監國進拜中書侍郎同中書門下平章事復出檢校兵部尚書山南東道節度使徙荆南吳元濟反遷湖南觀察使累封淮陽郡公卒年七十贈太子少保

登續南紀前

卷四十九

五十五

史南曰詩有之維此聖人瞻言百里秉心宣猶考慎其相夫人君以論相為務宰相以正君為急太宗相房杜而貞觀之治成玄宗相姚宋而開元之業興天寶以後內盡于楊貴妃外惑于李林甫是故安史亂而藩鎮強唐之元氣索然矣于頔之製髹器齊映之飾銀瓶開播之擅誅勅袁滋之專寵貶臣而有作福作威王食尚為僭分而况四子出為岳牧入踐台衡可不加慎乎贊曰宰相之職上干中台內居綸閣外總制臺協恭和衷調元化裁于齊關表亦已焉哉

顏真卿 劉知幾 吳兢

顏真卿字清臣祕書監師古五世從孫也少孤母殷躬加訓導既長博學工辭章開元中舉進士擢制科調醴泉尉授監察御史出為平原太守安祿山逆伏芽蘖真卿增陴濬隍料才壯諸廩廩祿山以為書生不校也祿山反河朔盡陷獨平原城守完使司兵參軍李平馳奏玄宗歎曰河北二十四郡無一忠臣朕不識真卿何如人所為乃若此是時從父兄杲卿為常山太守斬賊將李欽奏等情土門十七郡同日自歸推真卿為盟主詔郎拜戶

登續內紀前

卷四十九

五十六

部侍郎佐李光弼討賊肅宗即位靈武真卿數遣使以蠟丸裹書陳事拜工部尚書兼御史大夫復為河北招討使遷御史大夫李輔國遷上皇于西宮真卿率百官問起居輔國惡之貶蓬州長史代宗立起為利州刺史不拜再遷吏部侍郎除荆南節度表云荆南巨鎮江漢上游右控巴蜀左聯吳越南通五嶺北走上都冠賊雖平襟帶尤切雖叔子仁德元凱智囊居之猶或病諸過此豈宜濫據祇承虜顧伏深慙惕先是春卿為荆南司馬杲卿為湖南川官故今蒲圻有白石忠節祠又南承嗣

者霽雲子也自涪州徙澧州柳宗元贈之文又有南卓者為松滋令以政績聞

劉知幾字子玄擢進士第調獲嘉主簿中宗時擢太子率更令介直自守遷太子左庶子兼崇文館學士開元初兼左散騎常侍會子貺有罪子玄請于執政玄宗怒貶安州別駕子玄領國史且三十年官雖徙職常如舊禮部尚書鄭惟忠嘗問自古文士多史才何耶對曰史有三長才學識世罕兼之夫有學無才猶愚貴宗金不能殖貨有才無學猶巧匠無榱桷斧斤弗能成室為史者善惡必書使

登續內紀前

卷四十九

五十七

驕君賊臣知懼此為無可加矣時以為篤論吳兢浚儀人神龍中改右補闕始兢在長安景龍間任史事時武三思張易之等監領事多不實兢不得志私撰唐書春秋未就至是丐官筆札冀得成書詔兢就集賢院論次時張說罷相在家修史大臣奏國史不容在外詔兢等赴館撰錄進封長垣男久之坐書事不當貶荊州司馬以史草進隨蕭嵩校史奏遣使者就兢取書得六十餘篇累遷洪州刺史天寶初入為恒王傳

史南曰諫官者一時之耳目史官者萬世之龜

驅南史敬讓顏氏忠節光昭寧壤廟祀白石我

心嚮往

王翊

王起 韓思復 韓朝宗

王翊字充肱晉陽人天寶中授翊衛尉出為辰州刺史預討襄州康楚元有功加兼秘書少監選朗州刺史大曆中擢容管經畧使初安祿山亂詔領南兵隸南陽魯炆敗績衆奔潰谿洞夷獠相挺為亂翊討平之號平南郡代宗知其名目為純臣卒贈戶部尚書謚曰忠惠

王起字舉之始為校書郎補監田尉召為殿中侍御

史兼集賢殿直學士元和末累遷中書舍人授兵部尚書山南東道節度使地濱漢江塘堰聯屬吏弗完治起至部修復與民著為水令凶年有賴李訓為相引與共政加銀青光祿大夫復以兵部尚書召判戶部開元三年入翰林為學士陟太子少師卒贈太尉曰文懿

韓思復字紹之長安人初為梁府參軍擢司禮博士轉禮部郎中出為襄州刺史入拜給事中開元中為諫議大夫黃門侍郎復為襄州刺史治郡有聲故吏廬僊邑人孟浩然勤石峴山以紀其績名為

太子賓客卒謚曰文子朝宗

韓朝宗初歷左拾遺出為荊州長史開元二十二年初置十道採訪使朝宗以襄州刺史兼山南東道襄樊故城有昭王井傳言汲者死行人雖渴困不敢視朝宗移書諭神自是飲者亡恙人更號韓公井坐所任吏擅賦役貶洪州刺史天寶初召為京兆尹

史南曰朗州近谿洞諸夷荆江雅靈夢諸藪而襄陽峴山為鎮漢水為池皆形勝他也二王二韓咸有遺績亦可擬跡伏波姬勳元凱爾矣贊

曰伏波壺頭尚滯干羽王翊平之厥功可紀召父石渠猶鮮疏治王起達之厥利水裕襄陽雄鎮誰紹杜羊韓氏父子于前有光

薛季昶 薛存義 薛伯高 薛莘 薛景晦 第五琦

薛季昶者龍門人武后時上書自布衣擢監察御史坐累左遷平遥尉復拜御史進戶部侍郎五王失柄出為荊州長史

薛華寶鼎人初為長安令歷虢州刺史憲宗時奏最擢湖南觀察使徙浙東以治行加御史大夫累封河東郡公所居守法度務在安民治身儉薄所衣

登續前

卷四十九

六十一

綠袍更十年至緋衣乃易居三鎮聲樂不聞于家所得祿即散親故無餘藏除左散騎常侍年七十致仕

薛存義河東人唐元和間為湘源令會永郡政厖賦擾改零陵令蒞邑遁逃復還蠹奸披露通租匿役暮月而理門不施胥吏之席耳不聞簪鼓之聲乃積坳為池礱石為亭高者冠山巔下者俯清池山水魚鳥之樂澹如也柳宗元為記

薛伯高河東人元和七年自刑部郎中出為永州刺史除穢革邪斥象祠新學校州民說曰我有考老

公燠其饒我有疲瘡公起其羸鬚重之歸公實智之鰥寡孔艱公實遂之柳宗元為毀鼻亭記時有薛異者貶朗州

薛景晦長慶間為道州刺史居郡事理無所事事劉禹錫云兄出中臺守江華人咸以為牛鼎烹鮮是亦孔子牛刀割鷄之況也

第五琦字禹圭長安人少以吏幹進頗能言疆國富民術天寶中事肅堅敗不得調久之為潁江丞乾元二年進同中書門下平章事實應初起為朗州刺史有異政拜太子賓客

登續前

卷四十九

六十一

狄謙謨字汝諧梁公之後也及進士第辟襄陽府使剛正有祖風令狐楚執政薦授左拾遺上書言事歷刑部郎中出為蘄州刺史

史南曰臣攷諸唐宰相世系薛氏自馥為荊州刺史長為江陵少尹第五氏自倫有聲于漢狄氏自仁傑有功于唐若季昶若華若存義若伯高若景晦皆見于韓柳文集而琦之治邇兼謨之智蘄胥有足徵矣贊曰河東三鳳薛氏著名季昶存義錯節盤根伯高景晦排難解紛華守儉素琦懋才能廉謨繼武狄梁昭勳

左振

孟簡 鄒士美 樊澤 趙宗儒 孫簡 周果 許志雍

左振唐元和己亥為黃州刺史元結表云振初下車  
黃人歌曰我欲逃鄉里欲逃墳墓左公今既來誰  
忍棄之去天下共興今七年矣河淮之北千里荒  
草自關已東海濱之南屯兵百萬不勝征稅豈獨  
黃人能使其人忍不去者誰曰不可頃乎近年以  
來以陰陽變恠鬼神之道罔上惑下尊重於當時  
者日見欺人黃之巫女亦以妖妄得蒙恩澤朝廷  
不敢詰州縣惟其意振忿殺之居三年遷侍御史  
判金州刺史將去黃黃人多去思

登續內紀前

卷四十九

六十一

孟簡字幾道德州人舉進士宏辭擢倉部員外郎元  
和中拜諫議大夫出為山南東道節度使時中使  
華重宰相多由此進崔群既相而簡代之故簡意  
且柄任及出鎮不樂政頗嚴峭

鄒士美字和夫兗州金鄉人德宗即位召為太子左  
庶子集賢殿學士出為縣中守累觀察使溪州賊  
向子琪以衆八千峙山剽劫士美討平之加檢校  
右散騎常侍封高平公遷京兆尹天子多所咨建  
復出為鄂岳觀察使贈尚書左僕射謚曰景

庾準者常州人初為汝州刺史復入為司農卿善楊

炎出為荆南節度尚書左丞建中三年卒贈工部  
尚書

嚴郢字叔敷華陰人及進士第補太常協律郎呂誼  
鎮江陵表為判官方士申泰芝以術得幸肅宗邀  
遊湖衡間以妖幻詭衆竊賊鉅萬潭州刺史龐承  
鼎按治帝不信召還泰芝下承鼎于江陵獄御史  
中丞敬羽白其芝郢方入朝亟辨之帝怒叱郢去  
郢復曰承鼎劾泰芝詭皆有實泰之言承鼎驗不  
存今緩有罪急無罪臣死不敢如詔帝卒殺承鼎  
沅郢遠州泰芝後坐妖妄不道誅代宗初追還承

登續內紀前

卷四十九

六十一

鼎官召郢為監察御史

孫簡字樞中元和初登進士辟荆南幕府累遷吏部  
郎中繇諫議大夫知制誥進中書舍人初孫邀掌  
誥至代宗時孫宿又居職建簡凡三世會昌初遷  
尚書左丞

樊澤字安時河中人始為堯山令舉賢良方正遷山  
南東道司馬就拜節度使諸將憚其才武貞元三  
年為荆南節度使會曹王皋卒軍亂剽居人以澤  
威惠著襄漢間復徙山南東道加檢校尚書左僕  
射卒年五十七贈司空謚曰成計至帝為撤宴廢



朝韓愈與其子宗師游為撰墓誌

趙宗儒字秉文鄧州人能文章開元中進士初為御史擢翰林學士轉司勳貞元十二年同平章事累遷禮部尚書出為荊南節度使柳宗元上啓曰今之為文莫有居趙司勳右者恒欲飾論薦之閣下嘗見稱于崔鵬又辟符載為江陵士曹散冗食戍二千人歷山南西道召入為吏部尚書卒謚曰昭

許志雍或曰名仲輿貞元九年進士于頔節制山南時志雍為郢州刺史韓愈贈之文曰先達之士得

登續內紀前

卷四十九

六十四

人而託之則道德彰而名譽流後進之士得人而託之則事業顯而爵位通誠使刺史不忘其民觀察使不急其賦如是而政不均令不行者未之有也時于頔政大急故愈言及之

周巢唐元和間為員外郎出補隨州刺史韓愈贈之詩曰行行指漢東暫喜笑言同兩雪離江上兼薛出夢中面猶含瘡色眼已見華風歲暮難相值酣歌未可終先是陸長源孟叔度丘穎楊凝暨巢固為董晉幕府故愈詩又云陸孟丘楊又作塵同時存者更何人金冊別後知傳得乞取刀圭救病身

柳宗元亦有答巢論餌藥延壽書

史南曰不惟其官惟其人不惟其人惟其德元結知左振之賢也而表之韓愈知樊澤之賢也而志之柳宗元知趙宗儒之賢也而贈之乃若孟簡之為節度祁士美之為觀察庾準之鎮荆南嚴郢之効方士孫簡之贊幕府許志雍周巢之司攝牧尉非無一善可稱其寸朽不足損連抱也贊白荆楚之分上昭軫翼岳牧之職內衛京邑群賢出鎮各有其秩左孟祁庾克熙厥績嚴孫趙許允協于極樊周贈章詩詞有矣

登續內紀前

卷四十九

六十五

趙善俊

趙善俊

趙善俊

趙善俊

趙善俊字俊臣宋太宗七世孫紹興二十七年進士補承務郎調南城丞虞允文薦知郴州敷奏稱旨遷龍圖閣學士復出知鄂州適南市火善俊亟往視事弛竹木稅發粟賑民開古溝創火巷以絕後患僚衆欲增俸善俊曰將瘠已肥民乃省宴游車騎鼓吹諸費代輸役錢郡計用裕轉湖南帥郴桂地遠守多非才善俊疏宜精其選於是輸潭州經總制錢俸醴陵潯水渡稅民被其澤加秘閣修撰孝宗時日有黑子善俊極論相位不可無人以此

觸忤權臣卒年六十四

趙彥俊字安卿彭城使叔聚曾孫初調溧陽尉徙於潛令累遷湖南運判僑人羅孟傳叛彥俊謂帥臣離其黨與俾目相攻遂降之徙知紹興召入直寶謨閣為大府少卿

趙彥櫛字文長悼王七世孫乾道二年進士初調樂清尉徙晉陵令累遷湖廣總領官舊士卒物故大將多私其月餉彥櫛置別籍核之持行三年贏積益饒遷寶謨閣侍制

趙汝愚字子直漢恭憲王元佐七世孫居饒之餘干

登續內紀前

卷四十九

六十七

縣擢進士第一簽書寧國軍判官召試秘書省正字孝宗銳意恢復始見即陳自治之策遷校書郎兼太子侍講光宗受揮趣召未至殿中侍御史范處義論其稽命除知潭州紹熙二年召為吏部尚書坐累水州安置韓侂胄忌之至衡州病作為守臣錢鏐所窘暴薨天下聞而冤之時慶元二年正月壬午也卒謚忠定弟汝謙孫必愿

趙汝謙字蹈中汝愚之弟也胡統攻汝愚而汝謙亦坐廢十年後辟浙東幕官改湖南提舉既至表直臣龔夬之墓瀏陽有豪宗羅氏侵民產汝謙懲以

法嘗言宗子不忘君孝子不忘親立身當如子政臨難當如朱虛其素志如此

趙必愿字立夫汝愚之孫也投湖廣總所幹辦公事上言請訪周敦頤之後士民稱服

趙聿之安定郡王叔東子也建炎中授成忠郎金人圍潭州帥臣向子諲率眾守城諫東壁金兵登城縱火聿之巷戰被執大罵而死武經郎劉玠亦死之事聞贈左監門衛大將軍

史南曰趙宋自東宮而下列侯樹屏有親親之道焉拔僞夾輔有賢賢之道焉是故聯親親以

登續內紀前

卷四十九

六十七

叔玉牒無唐家推刃之嫌錄賢賢以鞏金城有周室維藩之義乃若善俊之瘠已肥民而彥俊彥櫛各奏爾能汝愚之薦賢為國而汝謙必愿繩其祖武至聿之之死難又宗室尤難也贊曰宗子維城周詩所紀宗室夾輔漢史多隳宋氏本支或源或委尊尊親親守法無訾善俊侯櫛仙潢並美汝愚謙愿王勲有煇聿之死難名垂不死

趙普

趙普字則平幽州蓟人建隆三年拜樞密使檢校大

趙普字則平幽州蓟人建隆三年拜樞密使檢校大

保乾德二年范質等三相同日罷以普為閣下侍郎平章事五年春加右僕射昭文館大學士未幾出鎮河陽太宗太平興國元年召入為太子太保四年復出為山南東道節度使先是有趙延進者為襄州總管築堤扞水易甃以石民多賴之召入為武衛將軍

趙抃字閱道衢州西安人及進士第歷遷殿中侍御史神宗立召知諫院尋為江南提刑時周敦頤為邵州別駕始臨之甚威既而熟視立執其手曰幾失老友又有趙誠者皇祐間知歸州先是山頽江

集賢閣前

卷四十九

六十八

石斷流誠附新縱火烈石功成名曰趙江

趙野開封人政和二年進士歷殿中侍御史中書舍人歷陟刑部尚書兼翰林學士徽宗蒙塵坐事安置邵州建炎中盜賊充斥作亂被害

趙蕃字昌父其先鄭州人建炎初祖暘以秘書少監調辰州司理叅軍蕃少受學於劉清之後清之守衡州蕃求監安仁酒庫以卒業焉真德秀書于國史曰蕃於師友如此肯負國乎

趙湘字巨源華州人舉進士遷秘書著作佐郎累歷太常少卿知襄州有善政負為集賢院學士其秋

日詩云天遠草離離秋霖寄信逢相思逢葉盡獨坐聽蟬悲岳色寒前見松心雪後知頻招猶未至時復檢清辭

趙逢龍字應甫鄞人嘉定十六年進士歷知興國及衡州提舉湖南常平有司例設供帳悉令撤去曰惟蔬食坐公署事至即決務存寬恕撫諭惻怛一以天理民彝為言究心荒政以羨餘為平糴後召為宗正少卿兼侍講

趙雄字溫叔資州人隆興元年省試第一淳熙中知江陵府始築城固守民不告擾又有趙汝瞻紹定

集賢閣前

卷四十九

六十九

間知臨武秩滿民祠有德政碑

史南曰宋有韓王開國以半部論語佐太平論者多譏之以其托孤寄命臨節不奪有愧焉爾然而清獻琴鶴自隨能識漁溪子屬曹是蓋有過人者至若野之去國蕃之講學湘之詠歌逢龍與雄之出牧咸可書也贊曰韓國元勳宋朝碩輔金匱渝盟豈容再誤野蕃暨湘逢龍篤祐溫叔築城汝瞻懷慕

張齊賢

張詠 張商英

張齊賢字師亮曹州人太祖幸西都齊賢獻策十事

歸語大宗曰他時可使為相太宗擢進士欲置齊賢高第有司失選上不悅特賜齊賢為大理評事通判衡州時州鞠劫盜論皆死齊賢至活其失入者五人自荆渚至桂州水逆舖夫數千戶困于鄣役衣食多不給論奏減其半四年代還六年為江南西路轉運副使改右補闕加正使初李氏據有江南民戶稅錢三千已上者戶出一人黥面自備器甲輸官庫出即給之各為義軍至是言者以為此輩不樂耕農宜選充軍伍齊賢上言江南義軍例皆良民橫遭黥配無所逃避克復之後便放

登續前

卷四十九

七十一

歸農久被皇風並皆樂業若逐戶搜索不無驚擾法貴有常政尚清淨人皆賴之齊賢居職勤究民弊務行寬大召還拜樞密直學士擢右諫議大夫簽書樞密院事淳化二年叅知政事數月拜吏部侍郎同中書門下平章事真宗即位拜兵部尚書卒贈司徒謚曰文定

張詠字復之郾城人少任氣不拘小節太平興國五年進士乙科授大理評事知鄂州崇陽縣拔茶植桑民庇其利遷著作佐郎以蘇易簡薦入為太子中允祕書丞通判麟相二州俄召還賜緋魚拜謝

湖北路轉運使奏罷歸峽二州水滄失就轉太常博士太宗聞其強幹召還超擢虞部郎中賜金紫旬日與向敏中並擢為樞密直學士同知銀臺司兼掌三班院復出知益州真宗即位遷諫議大夫咸平初甫拜給事中改御史中丞二年同知貢舉故其言曰事君者庶不言已苦忠不言已效公不言已能斯可以事君矣性躁果下急以為乖則違衆崖不利物有乖崖集十卷卒謚曰忠定韓魏公琦銘曰大行峙朔洪河瀉天河山之間實生大賢賢不徒出惟聖偶焉發為事業文武之全兩治西

登續前

卷四十九

七十一

蜀荐綬南夏易亂以寧即荒而化夫惟管蕭尚足王霸如公之才不宰天下而俾惠澤止濡一方錫民父母遺國棟梁有常公蹟日星之光何假斯文始傳其芳

張商英字天覺新津人長身偉然姿采如侍玉負氣傲黨豪視一世調通州主簿擢監察御史臺獄偶逸盜劉奉世駁之詔責商英監荆南稅更十年乃得館閣校勘出為河北都轉運使降知隨州崇寧初為翰林學士蔡京拜相商英與之善拜尚書左丞京罷相削籍知鄂州京復相以散官安置歸峽

兩州後以觀文殿大學士知河南府旋貶崇信軍節度副使衡州安置宣和三年卒贈少保謚曰文忠

史南曰臣聞諸葛孔明開誠心布公道集衆思廣忠益萬世相天下者之龜鑑也蓋必君臣相知之深而後能相濟其不足乃若宋藝祖知齊賢有謀國之畧詠有靖變之才商英乃獨不然者存乎其宅心之弗宏耳是故開誠布公集思廣益又相度不可少也贊曰大都君相登崇俊良地天交泰風雷感祥文定獻策卒奠疆場忠

定宣猷殄滅暴強文忠比朋罔可頡頏

寇準

寇準字平仲華州下邳人少英邁通春秋三傳年十九舉進士授大理評事知歸州巴東召試學士院授右正言直史館會詔百官言事進陳利害帝器重之擢尚書虞部郎中真宗即位遷尚書工部侍郎咸平初陟兵部尚書為樞密院使同中書平章事三年集賢殿大學士坐累為太常卿知湘州徙安州貶道州司馬帝初不知也他日問左右曰吾

寇準字平仲華州下邳人少英邁通春秋三傳年十九舉進士授大理評事知歸州巴東召試學士院授右正言直史館會詔百官言事進陳利害帝器重之擢尚書虞部郎中真宗即位遷尚書工部侍郎咸平初陟兵部尚書為樞密院使同中書平章事三年集賢殿大學士坐累為太常卿知湘州徙安州貶道州司馬帝初不知也他日問左右曰吾

目中久不見寇準左右莫敢對乾興元年再貶雷州司戶叅軍天聖元年徙衡州司馬卒歸葬西京道出公安人皆設祭哭於路折竹植掛紙錢逾月視之枯竹盡生筍衆因為立廟後復太子太傅贈中書令萊國公謚曰忠愍皇祐四年詔翰林學士孫抃撰神道碑帝為篆其首曰旌忠

寇城字次公臨汝人擢進士授蓬州推官開封推官會施州蠻叛命城討之城至請募人入來償以鹽軍食遂足而民力紓復招諭田彥伊子承寶入朝得給印紙未幾溪南蠻復內寇城率衆擒其酋領

戮之以向芳子弟數百人築柵守其險要就除大理寺丞

薛居正字子平浚儀人宋初遷戶部侍郎為樞密直學士知貢舉初平湖湘以居正知朗州會亡卒數千人聚山澤為盜監軍使疑城中僧千餘人皆其黨欲盡誅之居正緩其事擒賊帥汪端詰之僧皆不預賴以全活乾德初加吏部侍郎開寶五年兼湖南都提舉召入為門下侍郎監修國史六年拜侍郎同平章事

薛弼字直老永嘉人政和二年進士調懷州刑曹掾

州教授改湖南運判楊公據洞庭寇鼎州王燮久不能平更命岳飛討之飛謀造大舟弼曰若是則未可歲月勝矣且彼之所長可避不可闢也今大旱湖水落作筏斷江路葉其上流使彼之長坐廢而精騎直擣其壘則破在目前矣果如其策破之歲荒道殣相望弼以聞帝惻然命給錢陸萬緡賑之未幾除戶部郎官再知荆南桃源劇盜白俊招安復叛提點万俟卨不能制乃以委弼處之咸宜遷秘閣修撰陝西轉運使以左司郎官移黃州薛徽言字德文溫州人舉進士第為樞密院計議官

登續內紀前

卷四十九

七十四

紹興二年奉命拜監察御史宣諭湖南時郴道桂陽旱飢徽言諭漕臣發衡永米以賑而以經制銀市米償之所刺舉二十人使還他使皆進擢宰相呂頤浩以徽言擅易守臣移用經制銀出知興國軍久之遷起居舍人子季宣字士龍年十七辟荆南帥未幾府幕中武昌令劉琦諮討居多汪澈宣諭荆襄金兵遣至季宣贊其謀

夏竦字子喬江州人舉賢良方正擢光祿寺丞直集賢院為國史編修官仁宗初王旦數言竦才擢尚書禮部員外郎知制誥左遷職方員外郎知黃州

後徙襄州屬歲饒大發公廩不足竦又勸州大姓使出粟得二萬斛用全活者四十餘萬人又徙安州召判集賢院左司郎中拜翰林學士加龍圖閣學士遷諫議大夫為樞密副使修國史子安期字清卿以父任為將作監主簿召試賜進士出身累遷太常博士提點荆湖南道刑獄又為荆西轉運使

登續內紀前

卷四十九

七十五

史嵩之字子由鄞人嘉定十三年進士調光化司戶參軍十六年差充湖北路制置司寶慶三年通判襄陽府紹定元年以經理屯田襄陽積穀六十八萬加其官權知襄陽軍二年遷軍器監丞兼權知棗陽軍尋兼制置司參議官三十年棗陽屯田成轉兩官以堂恩封鄞縣男兼安撫制置參議五年加大理少卿兼權刑部侍郎陞制置使知襄陽府六年進寶章閣學士兼知鄂州嘉熙元年進華文學士京西荆湖安撫制置使兼節制光黃蘄舒條奏江淮各三事又陳十難又言江陵非孟珙不可守乞勉諭之漢陽受攻嵩之帥師發江陵奏誅張可大竄李士達以其棄城也二年黃州圍解拜端明殿學士數規執政封奉化侯詔入覲拜參知政

事督視京西荆湖南北江西路軍馬邦州置司

虞允文字彬甫隆州人紹興二十三年進士通判彭州秦檜死陳康伯主戰遣成閔制置京湖允文上疏敵兵出上流則荆湖之兵制于前江之兵援于後是一軍而兩用之康伯然其說令閔屯武昌秦以允文參謀軍事未幾陟兵部尚書湖廣制置使為湯思退所沮允文上疏力爭不從金兵復至帝始悔之乾道元年召入參知政事三年西歸過郢秦築黃鵠山城過襄陽秦築府城五年拜右僕射同平章事淳熙元年卒贈大傅謚忠肅子杭孫知

登續內紀前

卷四十九

七十六

興國軍

辛次膺字起季萊州人政和二年進士調軍父丞除直祕閣湖南提刑先是湖南賊龍淵李朝擁眾數萬據衡之茶陵秦檜不奏乃以見闕處次膺陛辭上曰卿以將母為請朕不得留湖湘風物甚佳且無盜賊職名異恩卒歲當召既抵長沙賊勢方張戎將抽回始悟檜欲陷之即單車趨茶陵擒賊賊將戮之募賊黨毛義龍麟等齎榜諭以朝廷抽回戎將務在招安宜亟降待以不死龍淵李朝相繼降仍請料精銳可得禁旅萬餘次膺笑曰是皆

登續內紀前

卷四十九

七十七

吾民正當棄兵甲持鋤耰趣令復業秦檜和議成赦書至衡陽次膺極陳其計略曰臣昨在諫列嘗數論金人變詐無常願陛下為宗社生靈深慮檜大怒不報隆興改元同知樞密院事乾道二年卒辛棄疾字幼安歷城人紹興三十二年進士初建康府乾道六年孝宗召對延和殿棄疾慷慨有大畧遷倉部郎官加祕閣修撰知江陵府兼湖北安撫使召入為大理少卿復出為湖北轉運副使改湖南尋知潭州兼湖南安撫使盜起湖湘棄疾悉討平之遂奏疏曰今朝廷清明比年李全賴文政陳子明李峒相繼竊發嘯聚殺掠吏民死且不顧至煩大兵翦滅由田野之民郡以聚斂害之縣以科斂害之吏以乞取害之豪民以兼并害之盜賊以剽奪害之民不為盜去將安之夫民為國本而貪吏迫使為盜今年剽除明年剽盜譬之木焉日刻月削不損則折伏望陛下深思致盜之由講求弭盜之申飭州縣以惠養元元為意又以湖南控帶二廣與溪峒蠻獠接連復奏疏曰軍政之敝統率不二奔走公門苟圖衣食故教閱廢弛平居則奸民無所忌憚緩急則卒伍不堪征行至調大軍



千里討捕務負未決傷威損重乞依廣東摧鋒荆  
南神勁福建左翼別剏一軍以湖南飛虎為名專  
聽帥臣節制庶使夷獠知威望風懾服詔委以規  
畫廼訪馬殷營壘故基起蓋若柵招補軍伍時樞  
府數沮撓之棄疾行愈力卒不能奪經度費鉅萬  
計棄疾善幹旋事皆立辦議者以聚斂聞降御前  
金字牌棄疾受而藏之出責監辦者期一月飛虎  
營柵成開陳本末繪圖繳進上遂釋然時秋霖幾  
月所司言造瓦不易問須瓦幾何曰二十萬棄疾  
曰勿憂令廂官自官舍神祠外居民家取溝甃瓦

登續南紀前

卷四十九

七十八

皆具僚屬歎伏軍成雄鎮一方為江上諸軍之冠  
加右文殿修撰

洪适字景伯皓長子也紹興十三年與弟遵同中博  
學宏詞科高宗曰父在遠方子能自立此忠義報  
也秦檜死皓還道卒服闋起知荆門軍應詔上寬  
恤四事輕茶額錢它州代貢禮物闕試闈以復舊  
額蠲官田令不種者輸租乾道元年五月遷翰林  
學士兼中書舍人淳熙十一年卒謚文惠适以文  
學名望遭時遇主自兩制一月入政府又四閱月  
居相位又三月罷政家居十有六年兄弟鼎立于

孫森然

洪彦昇字仲達樂平人登第調常熟尉歷郴州判官  
尋加右文殿修撰進徽猷閣侍制知潭州卒贈太  
中大夫又有洪芻字駒父宣和間監黃州酒務權  
酣賦詩陶然自得靖康中召為諫議大夫

史南曰臣聞諸胡寇言事有大變時有大宜通  
其變然後可為也務其宜然後有功也是故識  
時務者其惟俊傑矣乎苟先幾而為之是之曰  
逆逆天者危後幾而為之是之曰悖悖天者亡  
古之聖人先天而天不違後天而奉天時時之

登續南紀前

卷四十九

七十九

時義大矣哉宋自藝祖以藩鎮開基太宗以皇  
弟承統宜若夫識夫先天之宜矣然而趙普起  
自刀筆招權納賂徒知金匱之盟為可渝而不  
顧卧薪之艱睡所當警至景德祥符契丹渡河  
烽火迅速匪寇準危蹙澶淵神武振肅則鐵騎  
未旋金縢已輸自河以比瞻烏其爰止矣向使  
薛居正夏竦猶在相位無益也迨夫徽欽北狩  
於五國高宗南渡于三江宜若識夫後天之宜  
矣然而秦檜返自穽廬主和罷戰徒知金牌之  
召以戮主將而不思神器之據以辱宗社至建

炎德祐元木渡江東與奔竄匪虞允文持節經  
畧則江淮既失吳越尋破自海以南巢燕其焚  
如矣向使李綱宗澤猶在制帥尚可圖也是故  
辛氏之奏議可擬陸贄洪氏之氣節克追蘇武  
其如天何其如時何故未可以成敗論人物也  
贊曰忠臣不私私臣不忠萊公忠憤澶淵樹功  
允文經畧痛憤和戎辛氏昌論惜時弗庸洪氏  
危節返自虜中居正餌丹奚調化工夏史庸碌  
鼎折渥凶冠賊薛弼遇變能通微言彥昇亦有  
可宗

登續內紀前

卷四十九

八十

李昉

李沆

李若谷

李迪

李昉字明遠深州人漢乾祐舉進士周顯德間為記  
室宋初遷中書舍人建隆四年湖湘平詔祀南嶽  
知衡州太平興國中召為文明殿學士時趙普出  
鎮同宋琪叅知政事監修國史昉為人和厚多恕  
不忿舊惡小心循謹慕白居易為詩文淺近易曉  
江南士夫歸朝者多從之游至道二年卒贈司徒  
謚曰文正子宗諤與楊億齊名為翰林學士

李沆字太初洺州人太平興國五年進士授將作監  
丞出判潭州召為贊善大夫四年拜翰林學士擢

禮部侍郎叅知政事真宗咸平初進同中書門下  
平章事景德元年卒贈太尉謚曰文靖

李若谷字子淵徐州人舉進士調長社尉天聖初為  
度支員外郎出知荆南有王蒙正者挾后姻黨若  
谷懲之不少貸洞庭賊數掠商賈致之磔于市  
擢太常少卿龍圖閣直學士叅知政事卒贈太子  
太傅謚曰康靖子淑為翰林學士孫壽朋字正老  
知荆門復圭字審言知荆南

李迪字復古幽州人舉進士第一授秘書省著作郎  
累官集賢殿大學士仁宗即位貶衡州團練使或

登續內紀前

卷四十九

八十一

告丁謂曰迪若貶死如士論何謂曰異日諸生記  
事不過書天下惜之而已謂賂召為工部尚書資  
政殿大學士卒贈太尉帝篆碑曰遺直之碑子東  
之字公明知荆南孫孝基字伯季知隨州

史南曰孔子謂大臣以道事君不可則止孟子  
謂大人格君心之非一正君而國定矣觀諸明  
遠之歷事異姓何異于馮道太初之日進災異  
有光于劉向子淵之力拒戚畹上追于鮑宣復  
古之積忤權姦遠同于李膺自夫千載上下觀  
之固可以尚友也已爾贊曰所貴大臣同寅協

恭斷斷無枝休有容四李之賢德懋懋功  
也貳心沆也精忠若谷不渝迪也惟公岡居寵  
利相業有終

李至 李建中 李絢 李有 李南公 李慶

李至字言幾真定人舉進士授將作監丞出判鄂州  
召為著作郎直史館遷右補闕知制誥太平興國  
八年拜翰林學士叅知政事

李建中字得中太平興國八年進士授大理評事出  
為岳州錄事叅軍轉運使李惟清薦之遷著作郎  
監潭州茶場歷知郢道二州轉太常博士又有李

登續前紀前 卷四十九 八十三  
瑄者太平興國九年知永州奉行宋初條規邦紀  
不振

李絢字公素邛州人景祐五年進士授大理評事通  
判邠州轉開封推官時五溪蠻叛仁宗問輔臣曰  
有館職善飲者其人安在輔臣不對又曰是佳歲  
城邠州者輔臣以絢對遂除湖南轉運使絢奉命  
乘傳至邵陽戒諸部按兵遣使諭蠻以禍福皆罷  
兵受約束事平加龍圖閣直學士司馬光銘曰才  
氣以為實文學以為華孤舉秀出以大其家千里  
之足羈的所不能制百圍之木鉤矩所不能加可

謂不妄語矣

李有字仲嚴自吳徙青州唐宗室裔也舉進士調火  
山判遷集賢校理出知蘄州歲荒多棄嬰孩有令  
吏收之計口給穀乳哺煦嫗所活甚衆有殺人者  
賂吏匿奸宄得其情論如法擢湖南刑

李南公字楚老鄭州人進士及第調浦江尉轉知長  
沙縣有妾婦携兒再嫁七年兒族訟之婦謂非前  
子南公曰歲幾何族人曰九歲問其歲已亂矣斷

歸其族熙寧中召為龍圖閣侍制又有李仲芳知  
光化軍漢水暴至作石堤以係之民賴其利

登續前紀前 卷四十九 八十三  
李周字純之馮翊人舉進士調長安尉遷判施州地  
介群僚罔習牛耕周示以方選謫成知田者市牛

墾荒民食充足入京司馬光將薦為御史要之來  
謁周曰君實吾所願見但聞薦而往是呈身御史  
也神宗聞之改集賢殿修撰

李虛已字公受建安人舉進士調沈丘尉城固令提  
屯田負外郎出為湖南提刑復入為諫議大夫所

政

著有雅正集又有李伯魯者嘉熙間知岳州有善  
李仕衡字天均成紀人進士及第調鄆縣簿彭山令

擢度支員外郎出為荆湖北路轉運使召入為司農卿又有李森者為殿中丞劾侍郎鄧之綱諂王黼黜知復州

李廔眉州人為沿江制置使開府于鄂其得江漢間心入為禮部尚書資政殿學士卒謚文肅

李誠之字茂欽東陽人受學呂祖謙鄉舉大學舍選皆第一慶元初為饒州教授改知郢州知金人必敗盟大修邊防戰具移知蘄州相視城壁備樓櫓築女牆閱廂民兵儲公帑以助兵食嘉定十四年金人犯淮南乃分布城守募死士迎擊遇于橫槎

登續內紀前

卷四十九

八十四

橋破之居數日金人擁衆臨沙河欲度又破之金兵大至決湟水焚戰樓又拒退之金移兵要衝攻益力圍之數重遂燔木柵誠之出兵禦之又殺其將卒數十人奪佩印金人攻西門射卻之俄登望樓以窺城使人脅降誠之斬以徇金人卒不得志會黃州失守城陷巷戰誠之赴水死子士允力戰死事聞封正節侯立廟于蘄賜額曰褒忠

李宗勉字彊父富陽人開禧元年進士歷黃州教授進左司諫兼侍講首言均房安勦光化兵禍甚烈然江面可藉以無憂者猶有襄州今又告變矣襄

州失則江陵危長江之險不足恃矣江陵不守則事迫勢蹙悔將何及拜殿中侍御史時史高之知鄂州就鄂建言宗勉言荆襄殘破淮西正當南北之交當置司淮西則脉絡相連可以應援邈在鄂渚豈無鞭不及腹之慮然齊安正與武昌對如就彼措置則藩籬壯而江面安矣所謂欲保江南先守江北也詔侍從兩省臺諫條陳邊事宗勉率合臺奏云今郢破荆門又破江陵孤城何以能立誠能亟下哀痛之詔以身率先深自貶損服御飲宴一從簡儉放後宮淨食之文罷掖庭不急之費止

登續內紀前

卷四十九

八十五

錫賚絕工役出內帑儲蓄以風動四方語在宋史俄擢工部侍郎兼給事中

史南曰臺諫者朝廷之義氣也守令者國家之仁氣也有仁以育之則天下懷之不忍忘有義以肅之則天下畏之不敢越仁義並用長久之術也乃若諸季自至與建中絢與南公以弄監出軫民艱宥與虛已周與仕衡以州邑入補君闕至于誠之受學名儒試政雄郡宗勉則又嘉猷入告直氣上伸可不謂賢乎贊曰郎官應宿列侯司城言幾德成出能裕民公素帥嚴入可

告君楚老純之不墜厥名公受天均克提其身  
乃若誠之師友講明疆父之諍有聲宋庭

王旦

王旦字子明大名華人太平興國五年進士及第授  
大理評事知平江縣舊傳有物恠憑于廨舍旦將  
至前夕守吏聞聲云相君至矣當避去自是遂絕  
趙昌言為轉運使稱其善政以女妻之代還命監  
潭州銀場何承矩典郡薦入為著作佐郎預編文  
苑英華遷殿中丞淳化初王禹偁薦且才任轉運  
使驛召至京命試直史館真宗即位歷中書舍人

登續內紀前

卷四十九

八十六

翰林學士咸平三年擢工部侍郎參知政事集賢  
殿大學士監修國史大中祥符初從封泰山為大  
禮使加兵部尚書天禧中進太尉卒贈太師謚曰  
文正子素字仲儀舉進士為侍御史謫知鄂州姪  
質字子舒舉進士累遷荆湖轉運使攝江陵有民  
不能婚者捐俸助之有盜人衣者與之人稱其治  
行擢天章閣待制又王子融字熙仲文正公曾之  
弟也以吏部郎中知荆南府還諫議大夫

史南曰臣觀宋名臣錄乃知旦之為相也溫厚  
和平鮮格心之學將順容悅之弼違之忠至受

美珠造天書則又有愧于李文靖多矣歐陽脩  
撰神道碑銘曰烈烈魏公相我真宗真廟翼戴  
魏公配食公相真宗不言以躬時有大事事有  
大疑匪小匪筮公為蒼龜公在相位終日如默  
問其夷狄包裹兵革問其鄉士百官以職問其  
庶民耕織衣食相有賞罰功當罪明相有黜升  
惟否惟能執其權衡萬物之平孰不事君胡能  
必信孰不為相其誰有終天子念功報公之隆

王巖叟

王洙 王安國 王曙 王彬 王象  
王祖道 王庶 王鼎 王師愈  
王佐 王益 王讓 王居安

登續內紀前

卷四十九

八十七

王定民 王安中 王蘭

王巖叟字彥霖大名入仁宗初置明經科巖叟居首  
選調樂城簿哲宗立劉摯薦為監察御史湖北諸  
蠻擾邊靡有寧歲巖叟請專以疆場委唐義問遂  
自草檄文諭以朝廷敦尚恩信勿徼功賞後遂安  
輯元祐六年拜樞密直學士

王洙字原叔宋城人舉進士調富川簿召為直講擢  
天章閣待制修國史會要加龍圖閣出知襄州會  
州卒叛佐史惶駭洙教練如恒卒無譴者徙知隨  
州召入為兵部員外郎除史館修撰知制誥與胡

璦定雅樂改侍講學士謚曰文又有王覲字明叟秦州人舉進士為編修貶鼎州團練使

王曙字晦叔河汾人隋東臯子績之後也舉進士調定國推官咸平中遷著作佐郎為諫議大夫樞密直學士寇準為曙婦翁準貶曙謫郢州團練使起為光祿卿知襄州召為工部侍郎叅知政事卒贈太保謚曰文康

王彬固始人淳化三年進士及第調雍丘尉通判筠州擢荊湖提刑徙知潭州

王襄南陽人舉進士崇寧二年自庫部改光祿少師登績南紀前

卷四十九

八十九

大觀三年加集賢殿修撰知潭州復知郢州後坐金兵圍城責州安置

王安國字平甫臨川人介甫之從弟也舉茂才異等熙寧初登進士第初授武昌節度推官神宗召問曰卿學通古今以漢文帝為何如主恐其才不能立法對曰三代以來未有也自代入未央定變故以德化民幾至刑措才高人一等矣又曰卿兄秉政外議謂何曰恨知人不明聚斂太急耳安石不悅改崇文院校書

王介字元石金華人紹熙元年進士授太學博士國

史編修上疏論事出知襄陽嘉定六年卒贈寶章閣待制謚曰忠簡子堃字文先嘉定十二年進士真德秀奇之辟至潭幕授以理學上言八事駁史嵩之之議識者矜之

王信字誠之嚴水人紹興三十年進士授考功郎出知永州入奏適者日月五星會軫分野在楚願思所以順天應人遂條列七事上之帝覽已加煥章閣待制徙知鄂州有星實于其居卒所著有是齋集又有王子旣者紹興間知江夏民多懷之

王祖道字若愚福州人舉進士累官端明殿學士知登績南紀前

卷四十九

八十九

復州召為刑部尚書大觀二年卒

王罕字師言王珪之季父也以蔭知宜興縣徙知潭州為政務適人情不加威罰有狂婦數訴事前守每叱逐之罕獨引至徐問乃為人妻無子夫死妾子遂專有其家因恚發狂罕為治妾而反其資婦良愈郡人傳為神明璽書褒之徵為光祿卿有王廷珪者政和間知茶陵築城浚隍賑饑弭盜遷敷文閣學士

王鼎字鼎臣舉進士第累遷太常博士吏部司封員外郎出為荊湖制置副使居二年悉憲精吏事凡



調發綱吏度漕路遠近定先後為成法官舟舊禁私載兵無以自給盡盜官米為奸鼎為移州縣督償之召入為刑部郎中遷天章閣待制

王師愈字與正金華人師事楊時呂祖謙為學有得舉進士調崇安尉徙知長沙縣民以事至者降意撫循辯治諄切罷征歛毀淫祠散賊黨帥臣張安國薦之遷荆湖北路轉運使紹熙元年卒朱熹銘曰天賦之奇又粹以溫篤行敏學有本有文可謂知之深矣又有王邁字貫之仙遊人嘉定十年進士授潭州推官

登續內紀前

卷四十九

九十

王佐字宣子山陰人高宗時廷對第一授平江判官入為校書郎累遷吏部員外郎紹興二十九年進起居郎出知永州民有冤者盡言無情者畏法暇即延見諸生咨詢長老請增解額張浚王十朋薦之加直寶文閣知潭州淳熙六年宜章陳峒倡亂江華藍山臨武陽山俱騷動佐令馮湛率兵討平之誅賊魁李晞進工部尚書知臨安淳熙二年卒陸游銘曰維宋中興三聖相承公聽並觀以出賢能公奮于幽有德有勲知我者天用我者君蹈義秉節迄至耆艾山立在庭以道進退大履方建拱

杞觚材豈茲棟梁萬牛莫回生或忘之亦嘆其死我銘弗誣用諗太史

王庶字子尚慶陽人崇寧五年進士調保定令六年除湖北安撫使知鄂州上言荊州左吳右蜀利盡南海前臨江漢出三川涉大河以圖中原曹操所以畏關羽者也上大異之復顯謨閣待制知荆南府湖北經略安撫使復直學士七年召為兵部侍郎上曰召卿之日張浚已去趙鼎未來此朕親擢非左右之助庶頓首謝因奏恢復七疏復以資政殿學士知潭州御史胡汝明論庶譏訕朝政道州

登續內紀前

卷四十九

九十一

安置至貶所卒孝宗思言追復其官謚敏節王讓初名寧南陽人舉進士崇寧二年以軍器監主簿言事稱旨擢庫部員外郎改光祿少卿太觀三年加集賢殿修撰知潭州

王居安字資道黃巖人淳熙十四年進士授徽州推官累遷工部侍郎會盜起郴州羅世傳倡亂黑風洞湖南騷然命居安為帥調江鄂兵屯衡賴賴以底定又王煥者知武當被賊所執死之

王定民元祐間知衡陽縣修葺學宮撰勸學文以播告多士樂育成材又王時升者昭興罔知衡陽治



多善狀王濯守沅州置學田以養士王長源守沅州修浚城池巨寇曹成來攻多方禦之

王益景定間知蘄州遷州治于麒麟山下地復古幹文又王肅知郴州能除害興利王琪寶元間知泗陽多政績有詩留郡

王安中字履道陽曲人進士及第調瀛州司理參軍累官觀文殿學士責隨州居住又王自中字道甫溫州人淳熙中舉進士通判郢州王友直字聖益紹興三十一年進士歷徽猷閣直學士出為復州防禦使

卷四十九

九十二

王蘭宗謙仲廬江人乾道五年進士歷鄂州教授光宗即位條上八事遷樞密使寧宗時自江陵徙湖南又王瑞為岳州司法參軍值歲饑縱囚免死者衆

史南曰古者后稷治農大禹治水伯夷典禮后夔典樂而子孫亦世其官後世則不然如宋之諸王朝迴旋于廊署夕徙倚于邸國豈其才智出聖人上哉錄任之者弗久且專而上無定法受任者弗忠且敬而下無定志故也贊曰王氏多才在野在朝嚴叟而下洙信克昭安國而下

宰鼎人豪師愈堃佐論事有條庶讓居安視民不怵居安定民熙績庶僚安中益簡史策寂寥

呂大防

呂景初 呂希純 呂祐之 呂頤浩 呂勝己 呂泰 呂祉 呂行中

呂大防字微仲京兆人進士及第調馮翊簿永壽令英宗立擢監察御史熙寧初自泗華秦三州徙求興學見求言陳三說九宜神宗納之元祐元年拜尚書右丞進中書侍郎封汲郡公與范純仁同心輔政宜仁后薨上官均攻之出知隨州又貶郢州徙安州兄大忠入對哲宗問曰卿弟大防安否執

卷四十九

九十三

政欲遷嶺南朕獨令處安陸為朕寄聲二三年可復相見也大忠泄其語于童淳阻之益力紹聖四年連竄舒循虔三州語其子景山曰吾不復南矣卒年七十一高宗紹興初贈太師宣國公謚曰正愍

呂誨字獻可開封人正惠公端之子也伯父餘慶建隆初知襄州潭州遷兵部侍郎知江陵府誨舉進士歷殿中侍御史會詔漢王稱親誨與范純仁呂大防力諫不聽左遷工部員外郎出知蘄州神宗立召為集賢殿修撰加天章閣待制熙寧四年卒

司馬溫公銘曰有宋名臣呂正惠公之孫以忠直  
敢言克紹其門位則不究道則不負年則不壽名  
則不朽嗚呼為人臣為人嗣終無愧能底于是可  
謂備矣

呂希純字子進正獻公公著之子也舉進士為太常  
博士轉起居舍人章淳既相以竇謨閣待制出知  
亳州徙歸州復追貶公著而希純責道州安置徽  
宗立欲召之曾布忌之因其請亟以邊趣遣之後  
入崇寧黨籍

呂祐之字元吉鉅野人太平興國初進士授大理評  
事至道初為諫議大夫賜金紫出知襄州真宗即

登續內紀前

卷四十九

位轉給事中復知襄州移昇州未幾又典襄陽召  
為工部侍郎拜侍讀學士

呂頤浩字元直齊州人舉進士高宗南渡頤入見陟  
戶部尚書兼少保同平章事紹興二年桑仲叛于  
襄陽頤浩議出師身自督戰條上十事除湖南安  
撫使兼知潭州時郴桂衡盜起頤浩悉討平之加  
封成國公卒贈太師謚忠穆

呂景初字冲之酸棗人以父蔭試校書郎舉進士歷  
汝州推官召為侍御史通判江陵府徙知衡州

呂溱字濟叔揚州人進士第一通判亳州召直集賢  
院出知蘄州入為翰林學士卒贈禮部侍郎

呂祉字安老建陽人宣和初上舍釋褐紹興元年盜  
起湖南出為荆湖提刑招捕有方進直徽猷閣陟  
兵部尚書後死于鄴璫之難

呂行中東平人紹興初為零陵令作種愛堂于縣治  
楊萬里撰記

呂勝已寧宗時為沅州守遇旱禱雨有應勤儉愛民  
郡人稱之又有呂午為龍陽令誅豪民陶守正威  
聞南土

登續內紀前

卷四十九

九十五

史南曰詩稱崧高維嶽維嶽降神禮稱天降時  
雨山川出雲是故觀諸降嶽之神出雲之象而  
賢才出國將昌其徵可知矣然而賢才之生也  
原諸天地繫諸山川其用與舍也則由乎君相  
安石變法斥逐正人而微仲獻可措身無地及  
元术入寇則號召豪傑而元真安老設策靡遑  
何君子不幸小人之幸哉若夫子進元吉冲之  
濟叔行中勝已皆賢而可書者也贊曰內健外  
順是謂陽明秉正嫉邪是謂忠貞微仲顛直獻  
可端純子進遵訓元吉竭城元直簡諒冲之慎

勤濟叔和易安老樸誠行中勝已遺愛在民

范雍

范純仁

范祖禹

范致虛

范應鈴

范雍字伯純太原人舉進士調洛陽簿累官龍圖閣直學士拜樞密副使左遷知安州久之召為吏部侍郎知資政殿大學士陟禮部尚書卒贈太子太師謚曰忠獻孫奇字中濟唐介薦之徙湖廣轉運副使建言梅山蠻為邊患宜經畧之後章惇開五溪召為將作監丞

范純仁字堯夫文正公仲淹子也皇祐元年進士調武進襄邑二縣令入為殿中侍御史元祐初陟吏

登續內紀前

卷四十九

九十六

部尚書出知隨州又貶永州安置失明怡然就道居永三年徽宗即位遣中使賜茶藥召為光祿卿純仁力疾稱謝加觀文殿大學士卒年七十五謚曰忠宣御書碑額曰世濟忠直之碑純粹字德孺以蔭補滕縣令元豐中為陝西轉運判官鄂州別駕安置後復徵為徽猷閣待制

范祖禹字淳甫華陽人舉進士從司馬光編纂資治通鑑居洛十五年光薦為秘書省正字拜翰林學士章惇將入相祖禹極言其不可出知陝州言者希惇意論其實錄詆訐安置永州范氏自蜀公至

祖禹三世居詞林時著有帝學政典及唐鑑

范致虛字謙叔建陽人舉進士為博士徽宗立除右正言出判鄂州崇寧初召為起居舍人遷尚書左丞高宗幸建康復為資政殿學士出知鼎州行次巴陵卒贈銀青光祿大夫

范應鈴字旂叟豐城人開禧元年進士調衡州錄事改知崇仁治有善狀真德秀扁其堂曰對越通判蘄州改湖南轉運判官兼安撫使時洞獠將何三族執令倡亂制帥招之不至應鈴調飛虎軍討之禽其魁將時選等事平擢大理少卿

登續內紀前

卷四十九

九十七

史南曰范祖禹有言君子為名譽而為善則其善必不誠人臣為利祿而効忠則其忠必不盡蓋無所為而為則誠且盡矣乃若伯純之經畧雖不滿于邊徭然而希文之愛樂猶有垂于家法堯夫德孺其取著焉者也淳甫獻納經緯兼叔起居行在拔茅連彙固未負其如苞桑覆隍何哉贊曰范氏在宋取多名臣龍圖老子殿上中丞經幄講官起居舍人出膺節鎮入演絲綸六范膚公難乎其名

陳恕

陳堯佐

陳堯咨

陳彭年

陳世卿

陳堯 陳大素 陳現 陳瑩  
陳憚 陳過庭 陳楠

陳恕字仲言南昌人少為縣吏折節讀書太平興國二年進士解褐大理評事通判澧州恕至清查夙弊郡中稱為神明後召入為贊政大夫同判三司出知江陵大發郡吏姦賊境內稱治淳化四年擢為工部侍郎

陳堯佐字希元其先河朔人徙家于蜀父省華字善則歷知潭州堯佐進士及第調中牟徙下邳遷秘書郎坐言事降監鄂州茶場第堯咨

陳堯咨字嘉謨舉進士第一授將作監丞遷著作佐郎直史館擢右正言出知荆南召為諫議大夫集賢院學士

陳彭年字永年南城人太平興國中進士雍熙二年調江陵府司理叅軍改江陵主簿歷澧州推官大中祥符間遷龍圖閣直學士

陳世卿字光遠南劍人雍熙二年進士解褐衡州推官大中祥符四年改度支員外郎出為荆湖北路轉運使屬澧州慈利下溪四州蠻人侵境世卿與閭門祗候史方知澧州劉仁霸同領兵討之遂還侵地正經界納所掠漢口千餘復置澧川武口等

若以控制之嘉獎還朝屢述溪洞利害真宗召對器其材會邵晔被疾乃授世卿秘書少監代之加賜金紫在任九年卒

陳希亮字公弼京兆人天聖八年進士授大理評事授長沙令屬僧海印恃章獻后家據民地捕治之闔邑竦懼郴州有偽券輸官者論死希亮察其非辜出之已而果得其實召為殿中丞坐免富弼薦之起知房州殿侍雷遂禦盜竹山不能戢兵希亮禁之劇賊党軍子園竹山供俸官崔德贊捕之失律希亮下之獄代還民畫像以祠

陳太素字仲華緱氏人舉進士歷大理少卿知襄州值歲饑襄人群入巨家掠困累以食太素貸之詔著為例終司農卿

陳知微字希顏高郵人咸平五年進士解褐將作監丞出為湖南轉運使又陳軾知黃州時蘇長公為團練軾知重之又有陳仲微者嘉禧中舉進士為崇陽令累官吏部尚書

陳祐字純益仙井人舉進士元符末以吏部員外郎拜右正言論章淳蔡京蔡卞郝隨鄧洵武忤旨編管澧州徙歸州復承議郎卒

史 48-280

陳從易字簡夫晉江人舉進士授嵐州推官天禧中糾察在京刑獄出為湖南轉運使徙知荆南先是寇準貶道州丁謂語曰廬陵之事可以釋憾從易曰當以故相待之謂有愧色

陳過庭字賓玉山陰人舉進士調館陶簿宣和二年遷禮部侍郎罷知蘄州安置黃州欽宗立改潭州後為金人遮留卒謚曰忠肅

陳瓘字望中沙縣人中甲科調判湖州徽宗即位召為右正言歷司諫忤蔡京宗室中除名竄郴州宣和六年卒靖康初贈諫議大夫謚曰忠肅所著有

登續內紀前

卷四十九

一百

尊堯錄

陳規字元則安丘人靖康末金人入寇規為安陸令起兵勤王適寇祝進攻德安府守棄城遁規令射士張立攻之進以砲石驚軍窺城規連戰破之建炎元年加龍圖閣知德安府又寇李友義張世重平合兵圍城規出城與祝進折箭為誓斬董平將黃進事聞除德安漢陽復州鎮撫使又寇桑仲李橫造天橋臨城規率衆禦之砲傷其足不退圖急糧盡士氣益振規令以火牛焚其天橋湏更灰燼召赴行在加顯謨閣學士仍知德安府

陳瓘字子爽嘉興人歷京湖制置使主管機宜文字知德安府加直寶謨閣轉湖南提刑召為右司郎中擢戶部尚書以寶文閣學士知潭州兼湖南安撫使咸淳四年卒謚曰清所著有可齋覆瓿集

陳桷字季士温州人政和三年進士紹興三年為金部員外郎出知襄陽府時兵燹之餘民物凋瘵桷奏減租金房兵叛遣將平之漢水漂蕩室廬修築隄圯賴以無虞改秘閣修撰

陳麟字子華福州人開禧元年進士累官徽猷閣學士知潭州荆南路安撫使淳祐四年召為兵部尚

登續內紀前

卷四十九

一百一

書端明殿學士兼知政事七年知樞密院事復出為湖南安撫大使兼知潭州

史南曰虞廷以三考稽績其化也熙馬周官以六廉馭吏其風也皞馬是故帝王風天下而成化功知先務為急而已內而宰相百官之表也外而守令萬民之導也可不慎與有宋諸陳自恕以計相得名而堯佐兄弟俱出牧荆鄂世卿以吏治受褒而希亮彭年知微咸涉江湖乃若祐之于澧從易之于道瓘之于郴忤權貴而出牧者也規塏之于安州桷之于襄州麟之于潭

理盤錯而歷試者也惡得而勿書贊曰諸陳之績殊有可觀恕為計相國裕以安佐咨彭年鴻漸于磐世卿希亮猛代以寬知微從易守道不遷規堦桷榱嚴憲無愆祐權之賢莫能居先

劉摯

劉拯 劉沆 劉安世 劉師道  
劉述 劉天祐 劉平 劉洪  
劉宰 劉浚 劉光祖 劉夔

劉摯字華老東光人嘉祐中擢甲科歷南宮令疏奏安石欲竄之嶺外神宗不聽謫監衡州鹽倉元豐初改集賢校理神宗開天章閣議新官制除禮部紹聖初來之邵周秩論摯變法棄地罪奪職知黃

登續前紀前

卷四十九

一百二

州再貶蘄州居住將行語諸子曰上用章惇吾且得罪若惇顧國事不遷怒百姓但責吾曹死無所恨正慮意在報復法令益峻奈天下何憂形于色無一言及遷謫意四年坐邢恕之謗貶鼎州團練副使新州安置惟一子從家人涕泣願侍皆不聽至數月以疾卒年六十八厥後孫甲字師文淳熙二年進士累官至度支郎中遷國子院編修官寶謨閣待制知江陵府湖北安撫使甲謂荊州為首吳蜀為脊高保融據江流渚之為海太祖常令決去之蓋保江陵之要害也即因遺址浚築亘四十

里移知廬州

劉拯字彥修南陵人登進士第元豐中為監察御史蔡京編元祐黨籍拯歷陳漢唐黨禍京怒出拯知蘄州張商英入相召為吏部尚書又劉季誥豫章人政和初知臨武有去思碑

劉沆字冲之永新人天聖八年進士授大理評事直集賢院出知蘄州有巨姓尹氏偽券侵田沆鞠奪之人稱其明時湖南徭數叛徙知潭州兼安撫使沆發兵至桂陽招降二千餘人使散居所部蠻酋皆命以官已而賊復出殺裨將諱元坐降鄂州

登續前紀前

卷四十九

一百三

劉安世字需之魏人舉進士從司馬光游遷起居舍人諫議大夫有旨暫罷講筵安世上疏極論語在宋史章惇用事深嫉之貶新州徽宗立移衡州及鼎州曾布又甚之不使入朝蔡京復相謫峽州劉師道字損之開封人雍熙二年進士調和州推官擢殿中丞直宗即位出為荆湖發運使四年入奏拜樞密直學士徙知潭州長沙當湖嶺要會剖煩折滯案無留牘歲滿加樞密直學士留任七年卒又劉愚為安鄉令平賦賑饑修范文正祠立常平倉民甚德之

劉述字孝叔湖州人舉進士為御史臺簿累官都官  
員外郎胡宿言其沉静有守特遷兵部員外郎改  
荆湖南北京西路轉運使神宗立召為侍御史

劉元瑜字君玉河南人舉進士補武陽簿改秘書省  
知郢州入為監察御史復以天章閣待制知潭州  
徭人數寇元瑜使州人楊瑜入梅山說酋長聽命  
因厚犒之籍以為民凡千二百戶徙桂州後坐在  
潭州擅補畫工易元吉為助教降知隨州徙襄州  
劉湜字子正徐州人舉進士為澶州推官再調湖南  
節度推官改秘書省著作佐郎拜監察御史王德

登續前紀前

卷四十九

百四

用自隨州召還或言其有反相湜保其無他拜殿  
中侍御史又劉芮字駒父吉州人紹興十八年為  
永州司理參軍疏駁疑獄入為大理司直又劉審  
瓊知茶陵罷大政以節民役劉子邁知茶陵祛寇  
盜其酋民居人咸稱之

劉平字士衡祥符人進士及第補無錫尉徵拜監察  
御史出知襄州仁宗立遷殿中侍御史改荆湖制  
置發運副使景祐元年拜神龍衛都指揮永州防  
禦使又劉清之知衡州多善政民祠之又劉玠建  
炎中金人陷潭州死于陣張栻撰記

劉珙字共父崇安人資政殿給之孫徽猷閣子羽之  
長子也子羽字彥修以集英殿修撰知鄂州珙幼  
從叔父子翬學舉進士主管南嶽廟乾道元年湖  
南旱饑宜章民李金為亂入道州桂陽犯九郡朝  
廷憂之以珙知潭州湖南安撫使入境將發兵討  
之移書制使沈介請以便宜出師介即遣田寶楊  
欽以兵至珙犒賜過厚軍士感奮檄諸軍受節制  
令募賊徒相捕斬欽與寶連戰破賊追至莽山賊  
黨曹彥黃珙執李金以降上賜璽書褒之拜翰林  
學士知制誥服闋再知潭州過關極論時事進寶

登續前紀前

卷四十九

一百五

政殿大學士湖北茶寇數千人入境珙曰此非必  
死之寇緩之則散而求生急之則聚而致死揭榜  
諭之珙乃遣兵戒曰來毋亟戰去毋窮追不去者  
擊之耳盡擒以歸淳熙二年進觀文殿大學士珙  
為人機鑒精明議論英發其在州郡治平聽察修  
飾徽麓書院屬張栻告以正學在荊州時虜亦  
使諜者詞其家世卒封彭城侯謚曰忠肅朱熹銘  
曰昔在陽九失我泰平東游三紀汴洛羶腥帝始  
靈承俯仰顧嘆曰汝在廷執抗斯難爰有俊哲三  
世一心忠精義烈思遠憂深沐血奮辭曰此離耳



乃盟乃惟賴得無泚不有豪聖孰慮孰圖孰秉武節以行天誅帝曰俞哉予欽汝論既啓干中盍布于外澤流威憚汝則來歸卒輔吾志以究汝為四鎮十年帝適西顧彼皇顯蒼胡奪之遽

劉光祖字德修簡州人舉進士授劔南推官淳熙五年召對論恢復事請以太祖用人為法光宗即位遷殿中侍御史出為湖南運判主管王局觀趙汝愚既罷相奪職謫居房州久之許自便佐胄誅召除右文殿修撰知襄陽府改京湖制置使加寶謨閣直學士卒謚曰文節又劉頴為潭州判官王佐

登續南紀前

卷四十九

一百六

為帥頴多規正

劉宰字平國金壇人紹熙元年進士調江陵尉時巫風為盛宰令保伍相糾正改業為農歲旱賑荒多所全活與吏卒同蔬食水飲去官惟篋藏趙師秀酬倡詩而已尋監南岳廟江淮制置使黃度辟之入幕宰辭曰君命召不往矧可出耶端平元年加寶謨閣所著有漫塘集又劉理為沅州守行釋菜禮撥浚官以養士又劉應龍字漢臣高安人嘉禧二年進士授零陵簿

劉夢字道元崇安人舉進士累遷屯田員外郎擢侍

御史桂陽蠻唐和寇邊以右諫議大夫知潭州兼

湖南安撫使舉兵擊之破其巢穴蠻遁州境獲安

史南曰臣讀畢命至道有升降政由俗革未嘗

不嘆有周之治之熙明也是故表厥宅里樹之

風聲俾為善者知所勸殊厥井疆俾克畏慕俾

為惡者知所懲然後澤潤生民而無疆惟休爾

矣使非畢公忠誠弼亮正色率下民能保釐若

是哉茲觀于有宋諸劉而知畢公之道未泯也

自擊之獨立不黨極之直陳黨禍安石之疏親

講筵至光祖則又極論偽學之禁而皇極朋比

登續南紀前

卷四十九

一百七

之戒嚴矣自沉之出平蠻寇師道之剗理劇繁

元瑜之招降酋帥至瑛則又不敷懷柔之政而

皇謨明允之訓乎矣自湜之保全功臣平之防

禦炎微罕之洗濯巫風至夔則又遠振神武之

威而方叔顯允之名著矣贊曰諸劉哲髦保又

宋室昌論朝堂效黨股栗丕冒海宇善良懷德

犖則罔黨真躬獨立安世師道守貞不屈瑛則

有猷光輝篤實元瑜光祖嘉謨徽猷述平宰夔

州郡敷歷庶績登明詞林有奕

通紀卷之四十九

楚紀卷之五十

皇明賜進士 經筵日講同修 國史奉直大夫 翰林院侍講學士 臣廖道南謹撰

登績內紀後篇

鄧愈

楊璟 戴德

周德興 管彥中

吳復 呂琛

吳良 胡海

鄧愈泗州虹縣人上而魁偉幼有大志膂力過人元

季壬辰年方十六因父順興起兵死于陣歲乙未

皇祖駐師滁陽愈自盱眙來歸充總管六月從渡江

取采石乙巳正月熊天瑞降開行省于湖廣

上命愈為平章鎮襄陽賜之璽書曰予命爾戍守襄

登績內紀後

卷五十一

陽法度已定切宜謹守襄土西抵巴蜀北控河洛

烽火相望新附之民未有定志且隣于王保保若

爾惠加於民法行於軍則彼部曲望風來歸如脫

虎口而就慈母我之賴爾猶萬里長城義雖君臣

恩同骨肉所以告語者以成事難償事易也故欲

汝謹度施恩無罪者勿妄殺有罪者宜詳審古之

良將仁義為先勇略次之爾能勉焉則功名垂于

竹帛我亦無西顧之憂矣愈奉命惟謹開設公署

增築城池澤霑襄漢民懷其惠軍忘其勞四境謐

寧洪武元年加左諭德夾輔

皇太子仍命為征戍將軍三月克隨州元右丞來降

三年轉征虜左副將軍討王保保于定西五年復

為征南將軍討澧州諸洞蠻封衛國公賜之券曰

朕觀江海之深淵為神龍出沒之所藏由其波濤

洶湧人莫能窺其淺深神龍得以出沒於其間於

是奉天時而出興雲致雨代天澤物有益於民此

雖龍之能神亦由深淵有以資其神而致然也朕

起自草萊與群雄並驅獨居江左周迴皆勁敵爾

愈從朕戰勝之役守山越鎮襄陽爾處方面雖有

敵人未嘗輕犯其境智如深淵不可測也及號令

登績內紀後

卷五十二

三軍所向無敵若洪濤洶湧人莫敢窺是以匡論

籌謀遂成帝業今天下已定論功行賞是以加爾

爵祿以報爾功吳元年八月卒于軍追封寧河王

謚武順

楊璟合肥人本儒家子少沉毅讀書不喜章句好武

略元季兵起璟聚眾保鄉閭歲丁未陳友諒平命

為湖廣行省叅知政事九月

皇祖命璟帥師取江陵次於沙市友諒故帥姜瑄等

以城降改江陵為荊州府以璟分鎮其地撫輯軍

民威望甚著丙午九月璟命指揮副使張勝宗討

寧鄉易華平之周文貴復攻掠辰州諸郡

上諭曰湖南地接溪洞賊恃險負固叛服不常宜多設方略以取之薄其山寨絕其樵採糧道彼烏合之徒志在剽掠既無所得勢必潰散乘機勦捕庶無遺患

有脅從者則開釋之收復郡縣留兵鎮撫以綏遠人於是璟與張彬分兵進討諸洞蠻衆皆潰文貴遁還寶慶丁未三月壬午率師由松滋至澧陽等處駐三江口慈利軍民宣撫使覃垕詣軍門謁見璟諭遣之丁酉取澧州石門縣陳友諒故將鄧義亨帥衆降十月丙午

登績內紀後

卷五十

三

上以璟鎮禦招討有功擢湖廣等處行中書省平章政事階榮祿大夫仍於荊州分省署事授以誥曰天戈大舉威揚逐鹿之秋日馭方升氣壯攀龍之士助我神武集此大勲咨爾璟始從義旅於太平尋著武功於建業擁旌整而當萬人之敵建旌節以佐四方之征遂俾參贊政機守臨鄂渚而復委承邊寄分署荊州錄功宜位於平章關守更資於大將於乎明韜畧於奇正控制甲兵萬壘之雄敷聲教於朔南弼成海宇一家之治以光盛業庶體至懷甲子命為征南將軍偕左丞周德興參政張

彬率武昌荊州益陽常德岳衡澧諸衛軍取廣西

洪武元年正月取永州元右丞鄧祖勝求救於平章阿思蘭遣兵來援璟命德興等逆擊敗之獲其卒馬有差遂逼其城祖勝出兵南門拒戰又敗之獲其將王鑑祖勝收兵入城固守璟盛兵圍之元兵復自廣西來援駐東鄉倚湘水列七營軍勢甚盛璟復遣鎮撫使呂琛指揮袁子明等擊敗其衆獲其萬戶丁武等遣兵攻武岡州降元守將曹權四月丁巳克永州鄧祖勝自殺時璟圍永久不下乃分兵命指揮胡海洋等於各門外築壘困之復

登績內紀後

卷五十

四

造浮橋於西江上練習軍士示以必克祖勝屢戰屢屈至是食盡力窮仰藥而死參政張子賢等猶率衆拒守百戶夏昇縋城詣璟降夜三鼓璟督兵攻之胡海洋等踰城入子賢復率衆戰天明衆潰子賢與元帥鄧思誠等就執并獲其全城士馬璟調衡州指揮丁王守之於是耒陽等州皆款附六月壬戌取靖江七月乙巳平田州故元柳將楊左手降八月師旋至京三年土酋覃垕復叛上諭曰蠻恃險阻乘時竊發若深入山谷傷損士馬得不償費宜約束麾下慎無逐利輕動璟奉命惟

謹大戰破之屋乃遣人詐降瑯部將黃永謙被執  
上遣叅政戴德益以兵仍令撫綏慈利諸民六月綏  
寧民蕭天祐等叛瑯捕斬之十一月封營陽侯四  
年伐蜀五年辰州十八洞及九溪九渡散毛柿溪  
諸蠻亂命璟討平之十五年卒封芮國公謚武信  
周德興濠州人居太平鄉有勇略善騎射至正甲午  
來歸明年六月從渡江取太平丙申三月取金陵  
丁酉十月以功授左翼大元帥丙午拜湖廣叅知  
政事甲辰同楊璟率武昌荊州益陽常德潭岳衡  
澧諸軍取廣西洪武元年正月取永州三月克道

登績而後

卷五十

五

州萬戶吳有遜等來降三年十月命為征西將軍  
以討覃垕功封江夏侯四年同廖永忠率荆湘舟  
師伐蜀十四年五月五溪蠻亂議出師討之德興  
請行

上以其年老德興自示矍鑠乃諭以趙充國討开羌  
馬援取交趾以壯其行德興果皆平之十七年三  
月德興請决荊州嶽山壩以通水利溉田甚廣歲  
增屯租十八年四月五開諸蠻亂命為征虜將軍  
討平是年秋卒追封江夏侯

吳復字伯起合肥人元季聚里中子弟為兵歲甲午

從克泗州取盱眙收滁州授千戶乙未克和州渡  
江取當塗甲辰二月征陳理于武昌三月下漢沔  
荊州諸郡授鎮武衛指揮同知守沔陽時元同僉  
任亮擁兵安陸肆魘復率兵縛亮以歸改安陸衛  
指揮留鎮其地威懾德懷欵附日衆雍荆榛建麻  
宇樓堞墜整糧餉器械固弗畢具洪武元年四月  
破洪山寨拔黃口砦取鄭西均房諸州授懷遠大  
將軍五年四月從鄧愈平九溪辰溪諸蠻旋守安  
陸七年進鎮國大將軍封安陸侯

吳良定遠人元季與弟禎奮自布衣歲乙未從克和

登績而後

卷五十

六

陽六月從渡江乘勝先驅丙申三月定建康丁酉  
取江陰權良為指揮使守其地

上勞之曰汝非昔之吳起乎命宋濂等為詩贈之封  
江陰侯洪武五年正月命為征南將軍討五溪諸  
蠻良跋履宗山深入險阻剪薙荆棘衝冒瘴霧次  
于渠陽之靈溪一鼓而入銅鼓破五開再鼓而破  
騰浪三鼓而復地青惟古州之蠻地廣人衆良不  
忍加兵悉聽降附溪洞畏威懷德輸租納貢莫敢  
後十四年十一月卒封江國公謚襄烈

戴德盱眙人初從取太平定金陵擊陳友諒於龍灣

克安慶征九江皆預有功繇總管擢元帥癸卯戰彭蠡甲辰從平武昌勲績益著陞指揮副使是年從克荆常澧衡潭淑寶慶等郡乙巳取襄陽丙午克湘鄉及辰州諸郡溪洞蠻寇丁未正月率兵至沅州圍其城凡六日守將李興祖出降以功拜湖廣叅知政事洪武四年二月壬戌卒贈湖廣行中書省右丞追封譙郡伯

詹彥中臨淮人生而嶷秀博通史傳初繇幕宦除行省負外郎歲甲辰辰沅蠻叛

上命彥中鎮守辰州創立衛所增浚城池軍政嚴肅

登績內紀後

卷五十一

七

洪武初拜湖廣行省叅知政事辰有五溪為蠻獠蠻獠離處彥中處之悉中機宜端坐則江漢澄清舉目則邊鄙寧謐其勲猷德化流溢于湖湘卒于任郡人為立懷德碑文詹允亨亦為叅知政事

呂琛初以軍功授鎮撫歲丁未冬十月從平章楊璟平湖相洪武元年春正月進兵攻永州元守將右丞鄧祖勝拒敵戰却之獲其士馬祖勝收兵入城固守璟命琛等圍之元兵自廣西來援軍勢甚盛璟遣琛率兵擊之元兵大敗獲其萬戶丁武等一千二百三十九人馬一百餘疋夏四月克永州繼

取耒陽進拔靖江皆預有功

海宇海洋定遠人甲辰從徐達克荆常澧衡潭辰諸郡十一月克寶慶俘元帥唐隆鎮撫李賢俾海守之於是靖州軍民安撫司來降擢寶慶衛指揮僉事獨鎮益陽洪武元年四月擒元萬戶周壽何義千戶劉仲百戶文壽等永州平二年十月命為左副總兵取上思州三年十月攻天門山四年春討覃屋率銳卒徐忠等布柵緣崖克之四年師入武岡飛雲寨及新寧石鶴金竹寨斬其渠魁楊子貴康景新等

登績內紀後

卷五十一

八

上遣使勞以金縷五年五開諸蠻亂海宣布威德招降山峒十有三授鎮國將軍封東川侯

吳永寧初從征江南平武昌取益陽常德江陵克襄州安陸積有戰功累官荊州衛指揮丁未冬十月上命楊璟率師取廣西永寧為部將洪武元年正月師次永州擊敗鄧祖勝兵進取道州藍山武岡諸郡先是璟圍永州周德興分兵據險要以絕其聲援璟既克永州遂引兵抵靖江城下璟命永寧等率眾登城也兒吉尼聞變出走永寧追至城東伏波門執之遂克靖江及彬州土官守將以次皆降

三年三月論功賞文綺有差

胡閏初從王師取江南攻湖廣累樹勲績歷官襄陽  
衛鎮撫鄧愈鎮襄陽閏為部將戮力禦王保保開  
屯田省刑役遠近悅附洪武元年隨克南陽等處  
繼下隨州破洪山老馬劉寨討蜀河莽張四年正  
月

上命傅友德伐蜀勅鄧愈選襄陽衛指揮任亮等率  
師佐之慮襄陽城守無人命閏統兵鎮其地

張彬初從渡江有功乙巳二月陞湖廣行省中書參  
政守禦岳州取湖南未附州縣丙午九月攻下和  
登績內紀後 卷五十九

鄉周文貴復克辰州諸郡

上諭彬曰湖南地接溪洞賊人恃險負固叛服不常  
爾其慎諸丁未九月召彬及湖廣左丞周德興還  
建康以是年冬復命為征南副將軍率兵下郴州  
事竣頒賞有差

史南曰書稱帝堯乃聖乃神乃武乃文詩稱文  
王宣哲維人文武維后夫堯大聖人也文武而  
極于聖神故光被四表與天地同其廣運文王  
亦大聖人也文武而備乎宣哲故顯于四方與  
日月同其照臨是故文也者象陽者也武也者

象陰者也合陰陽而一之天道全矣合文武而

一之君道全矣三代而止文武合為一道故用  
其才也為全才三代而下文武分為二途雖能  
成功未免小康而非大同爾矣我

皇祖聖神之極上配帝堯宣哲之純遠乎文王故乾  
坤錫靈

景運攸啓風雲感會全才彙征一時魁梧奇偉附翼  
攀鱗疏付奔走策勲揚烈若李善長之創造徐  
達之翊贊皆有事于楚未領專符惟愈之鎮襄  
楊璟之鎮鄂德興之封江夏復之封安陸良之

登績內紀後 卷五十九

十

服五溪德之服三湘琛海之俾謀永寧閏彬之  
効力率鑄功牛鼎圖像麟閣名振華夷澤流江  
漢視帝堯丹水之征文王崇墉之伐殆有越焉  
臣於三代以下若漢若唐若宋釐文武而內外  
之從時也我

朝則合文武而統一之遵制也臣何心哉贊曰天運  
神道若雲從龍地載神氣如虎斯風

聖作物覩地天泰通若師尚父鷹揚凌空若尹吉甫  
彪怒即戎愈如鄧禹附翼成功良如吳起

宸諭豐隆德興永寧後先來同環復海閩盟府光融



彥中琛彬丕烈載崇

陶安

陶安字主敬當途人幼穎敏有志肆力問學博極群書究心濂洛沉潛道藝元至正甲申舉浙江鄉薦為明道書院山長再調高節書院乙未夏六月朔高皇帝渡江至太平安偕耆儒李習率父老迎謁驚相謂曰龍資鳳質非常人也我輩今有主矣上召見與語安因說曰四海鼎沸豪傑並爭悉多攻城屠邑志在子女王帛爾非有撥亂救民安天下之心明公率衆渡江神武不殺人心悅服應天順

藝文四庫

卷五

十一

人以行吊伐天下不足平也

上曰爾言甚善吾欲取金陵何如安曰金陵古帝王都龍蟠虎踞長江天塹取而有之撫形勝以臨四方所向無敵何憂不克此天所以資明公也

上甚悅乃改太平路為府以安參謀拜左司員外郎丙午克金陵轉本司郎中先是劉基宋濂章溢葉琛來謁

上問安孰賢安曰臣謀不如基學不如濂治民之才不如溢琛遠甚

上嘉其讓已而克武昌乃以安知黃州府事安蒞郡

剪荆棘披草萊建廨宇闢田野均賦役綏通亡庶

務悉舉其詩云初入黃州市蕭然綠樹村刈茅低

縛屋剖竹密編門苑李花零露山川勢吐吞屢民

來一二歌喜為溫存又云霧雨一城暗梨花三月

天空梁春蟻墮踈壁暮蚊穿草密蔽枯井苔荒蝨

斷碑開門山色好飛翠落吟笺又云江月蕭聲遠

城春竹色斑天文鵜鳥次地險虎頭關綰綬此為

郡結茅先對山雨晴聞布穀闢草未能閒又云雨

過山添色推牕翠撲衣秧隨新水長蝶趁落花飛

江近簷頭掛春從客裏歸沙乾聊可安倚杖綠陰

藝文四庫

卷五

十二

肥又云千村新雨過水滿綠苗生蠶麥收成連兵

農賦役輕紛紛挈家至日日到州城訟簡有公暇

江山共此清後轉知饒州

上親製詩勞之吳元年始置翰林院開禮樂二局首

召安為學士凡制度儀章悉安草創

上錫之誥命有曰國家之立必有一心之臣尊戴匡

輔用能張紀綱植表儀正名位善辭命基圖不安

朕初渡江卿安首謁軍門即期以帝王事功贊襄

兵務多歷年所宣賜令則軍民信議禮樂則體要

成建陳以忠出納惟允捍城禦侮勞績茂著朕甚



嘉焉廼者開翰苑以崇文治設學士以冠儒英

道尊賢莫先於爾擢居宥密俾職論思錫以寵章

用昭國典尚勤獻納贊我皇猷綜理人文以臻至

治可翰林學士為總裁官

上親製春帖褒之遂代汪廣洋叅知江西行省知政事

上曰躬擐甲冑決勝負於西陣間此武夫之事儒生

非所能若承流宣化綏輯一方此儒者之事非武

夫所能也卿才宜是任吾豈私一人弗愛一方乃

錫以誥命追封其祖父為姑孰侯秋九月癸卯卒

登續內紀後

卷五十

十三

年五十九封為姑孰公安為外人外廩而內實精于

易數為文純雅疏暢而力追古人一日侍

上論學術安曰道之不明邪說害之也

上曰邪說害道猶美味悅口美色眩目人鮮不為所

惑非有豪傑之見不能決去之也戰國之時縱橫

捭闔類皆游說諸侯急于功利者多從其術事未

就而國隨以亡此誠何益夫邪說不去則正道不

興天下焉得而治安對曰陛下所言深探其本

上曰仁義治天下之本也賈生論秦之亡不行仁義

之過夫秦襲戰國習弊又安知此安頓首謝其所

啓沃類此

史南曰自孟子以後仁義之說不聞于天下久

矣漢興董公說高祖以仁義祇以綈素為義帝

發喪以為鼓舞群雄之術非無所為而為也唐

興魏徵勸太宗以仁義亦惟粉飾為真觀相業

以為統馭胡越之灑然而漸不克終爾矣

皇祖起自農家艱難稼穡非若亭長一劍藩鎮一方

之比而又用夏變夷廓清宇宙非若約盟項籍

借兵突厥之比夷攷壬辰以後丙午以前未聞

得一儒臣如陶主敬者也主敬首倡仁義于當

登續內紀後

卷五十

十四

途擐甲之時繼創禮樂于建康投戈之後論學

術闢邪說此其志節勲望何如者較之劉誠意

之好殺宋潛溪之好佛汪廣洋胡惟庸之弗庇

其身豈若是班乎是故肇開黃宇編竹結茅入

采楚風揮毫搗藻非識時務者在俊傑乎贊曰

皇運天開名儒首出雲擁龍鱗風翔鳳翼幽贊神謨

敷言皇極仁不以勇義不以力允沃

帝心來儀楚域彤管怡情赤心許國

宸翰有奕拜封孔赫國史遺編三復嘆息

一陶凱

吳雲

滕德懋

李叔正

趙耀

僕智 華士瞻 吳存 郝麟 徐永達

陶凱字中立臨海人仕元為學官吳元年同宋濂修元史成授翰林供奉洪武三年拜禮部尚書五年十二月凱上言漢唐宋皆有會要紀載時政今起居注等官雖設而言動弗紀非所以崇國史為後世法也於是命凱及張篴等纂集會湖廣叅知政事缺

上特命凱往七年五月賜凱與吳雲公田米各百石以養其廉

吳雲字友雲宜興人性明敏善詩詞洪武初以賢才

來績尚紀後

卷五十五

十五

薦授弘文館校書郎累官刑部尚書出為湖廣行

省叅知政事始建學校嘉尚師儒時元運既終遺

孽梁王據有滇南自恃險遠

皇祖命雲往諭時漠北鐵知院等偕行至沙塘口鐵

知院懼奉使不達逼雲改易制書雲不從欲殺之

會梁王遣人劫降勒令胡服辨髮來見雲不屈而

死守臣以聞詔歸其柩葬于江夏金口磯山弘治

戊午大學士徐溥奏陳卹典

孝宗命雲南立廟祀之謚曰忠節

滕德懋字思勉吳縣人元季為江浙行省掾叅政朶

耳只班討方國珍辟為叅謀我

皇祖征陳友諒命德懋從行後武昌平改知潭州進湖廣行省左司郎中召入為兵部尚書

李叔正靖安人年十三以能詩名既長博通于史洪

武四年自國子學正出補興化令入為禮部員外

郎從遷助教改監察御史擢湖廣叅知政事轉右

布政召拜禮部尚書

趙耀真定人初為湖廣行省掾入為左司提控從徐

達取蘓州授都督府都事優于機畧達深器之擢

湖廣行省叅知政事先是黃義自武英堂紀事監

登績尚紀後

卷五十五

十六

生洪武九年擢湖廣叅知政事周成北平行省叅

政調湖廣

王景範初為國子助教洪武十四年正月乙巳命為

湖廣右叅政時鄭賜自御史為左叅議吳文自掾

討為右叅議陞辭

上諭之曰今布政使司視古之州牧其任甚重所以

承流宣化達民情也若上德不下究則鬱而不宣

下情不上達則遠邇乖隔上下不親得失無所聞

美惡無所見如此則弊政百出民不可得而治矣

卿等所學常懷致君澤民之志朕用卿等冀儒術

之異於常人也尚宜勉之

鄭賜既寧人洪武中進士拜監察御史十四年擢湖廣左叅議召入為工部尚書調刑部終禮部尚書章善洪武九年為湖廣叅政以廉公著名班平為叅議綽有治才嘗捐俸修學又沈成縣人才舉為左布政方溫縣國子生為右布政俱洪武二十六年楊礪縣行人司副為左叅議錢古訓縣行人為右叅議俱洪武三十年

安德汝州人舉元進士隱居授徒洪武初為州學正手錄五經四書以授生徒復以明經徵入召對稱

奉續內紀後

卷五十一

十七

善擢湖廣左叅政

儀智高密人縣教諭知高郵州歷守寶慶為政博厚

深得民心入為右通政兼右中允擢湖廣布政使

智簡易凝重得藩宣體會都指揮龔忠入覲

成祖咨訪湖湘老儒以智對遂召為禮部左侍郎遇

事明辨不少附會正旦日食呂震以為宜賀智執

不可

上從之後簡侍從授

皇太孫講學年八十啓迪不倦于銘舉進士累官兵

部尚書

吳存南昌人洪武中領鄉薦授刑部主事歷陞湖廣

叅政以才著名善吟咏長于草書又郝鵬徐溝人

縣國子生歷湖廣左叅政郭璵巴縣人于廣陽縣

人俱縣國子生賴子英上猶人縣貢選為左叅政

華士瞻偃師人性淳篤節操堅確洪武初以賢才舉

擢湖廣右布政使武友諒同邑人同時以賢才擢

湖廣左叅政

賈昭濟陽人洪武中縣鄉舉授靈石教諭歷官湖廣

左叅政陞雲南布政使

王麟字應隆魚臺人性倜儻肆力于學洪武中縣太

奉續內紀後

卷五十一

十六

學生授刑部郎中擢湖廣左叅政督軍討交趾所

向克捷坐誣左遷行人後轉廣西右叅政卒于交

趾

何廣上海人洪武中以明經薦為縣令累官湖廣叅

議在藩垣得方岳體所著有律解辨疑

史南曰虞廷咨四岳而衡岳以夏月南巡周家

正六官而荊州以翼軫分野祝融司令召伯敷

政其所繇來遠矣

皇祖稽古建官濶周定制乃設布政司以任旬宣有

左右布政以握厥符有左右叅政以贊厥化有

左右參議以協厥謀不可謂不備矣乃于天造草昧之初陶凱自宗伯為參政吳文自史官為參議鄭賜自臺諫為參議不可謂不重矣乃又立賢無方用人惟器李叔正王景範安德儀智賈昭以典教舉吳存章善武友諒班平何廣以文學薦至趙耀滕德懋則又出自掾屬不可謂不廣矣守正捐軀奮忠就義如吳雲者豈可與王麟並稱哉贊曰虞廷六府政在養民周官八柄直哉惟清方伯之職代天理人慎慮以動政事惟醇

登續內紀後

卷五十

十九

皇肇熙運雲雷經綸或輟侍從刻偽而真或拔俊髦變漓而淳嗣時厥後濛紹天明

梁貞

郭修

朱逢吉

黃信

黃宗

黃宗

黃宗

黃宗

黃宗

黃宗

黃宗

黃宗

黃宗

梁貞字叔亨紹興人仕元為國子伴讀歲丙午與諸儒迎謁

上命為江南行省都事遷湖廣按察僉事誥詞有曰古者致泰和于寰宇遂生民之休息使世守而繩不律則天王以時而狩兼考政也當時事簡民安故獄無滯囚野無怨聲自秦置郡縣官無世守之

心乃有剝削之貪故漢唐宋以來皆設糾察之職分道以鎮覈之今按察司之設豈輕授匪人以靜方隅而振綱紀使權豪歛跡姦宄潛蹤是其人也爾其敬慎無私吉哉

朱吉字季寧崑山人元編修德潤子也洪武中薦授戶科給事中時糧長稽違勘合皆坐死籍沒吉疏言減死又乞寬胡藍黨禁以安反側皆從之後以善書入為中書舍人尋改侍書擢湖廣按察僉事繁獄永樂中復為中書舍人年八十一卒

朱逢吉嘉興人洪武中以賢才薦知寧津縣有德政

登續內紀後

卷五十

二十

擢湖廣按察司僉事入為大理寺丞長於文學所著有牧民心鑑童子習二書

黃信彭澤人洪武中繇薦舉授監察御史以才著名

出為廣西按察使未幾改湖廣信秉憲持正不撓後拜右副都御史丕振統體九江志列之布政與

楚志少異

黃宗載豐城人洪武乙丑進士授行人歷遷湖廣按察僉事時銅鼓五開多巨姦踞難治宗載毅然往諭諸豪傑悚懼無敢犯者後謫驛丞起為監察御史

鄔修字有誠南昌人洪武丁丑進士授行人擢湖廣按察僉事坐貶廣西太平知府操履清勁士論無間然又王慶敬廬陵人洪武中仕至僉事謫交趾後復職貞白不易其操

商惠金華人洪武進士授刑科給事中三十五年擢湖廣按察僉事入為吏部稽勲員外郎後歷廣東

左察政

鄭雲字行從伯玉之後也洪武戊辰進士授監察御史擢湖廣按察僉事改山西以事左遷兗州府同

知復陞廣東參議廉慎仁恕雅有文采

登續尚紀後

卷五十一

三十一

徐永達歸德人洪武末繇鄉舉授翰林編修轉左春坊左中允改鴻臚寺卿三使交趾出為湖廣按察

使先是李法自刑部侍郎出為湖廣按察使

宋性德州人洪武中繇國子生為刑部主事署本部

右侍郎後黜為湖廣按察副使調陝西仕至刑部

右侍郎所至以廉能稱

周鼎大慶人洪武中薦歷兵刑二科給事中直身顯

聞上言時政多所建明擢湖廣按察使後左遷廣

東市舶提舉

劉淵臨桂人洪武中鄉薦拜監察御史激揚有聲擢

湖廣按察副使高懷敬延川人洪武中舉人材歷遷湖廣按察副使田敏道五臺人洪武中以才行

薦任副使雷亮咸寧人洪武中以才行薦任僉事

史南曰周官以六廉馭群吏漢家以八察糾邦

治是故廉察之名逖哉遐矣唐分天下為十道

置巡察使景雲間改為按察至德後改為觀察

至宋改為提刑其名雖殊上有道揆則下有灋

守其極一也

皇祖設按察司于十三省所以糾官褒肅邦紀事有

大疑得以決之民有大眚得以稽之其意淵矣

登續尚紀後

卷五十一

三十一

洪武初若梁貞之祗承

宸諭而二黃則峻持憲度二朱則堅秉權綱鄔鄭之

拔自京僚徐宋之明揚胄監周高之敷歷有聲

商周之超登臺察可謂上不負

明主爾矣贊曰勁松不屈鷺鳥不朋臺紀之職邦典

攸敦苟匪其人國勢奚尊爰攷諸賢惇德允元

廉訪克稱尚復何言

滕德懋

陳慎

傅藻

宋元貞

唐庸

滕德懋字思勉吳縣人元季為江浙行省掾從征陳

友諒有功改知長沙府進湖廣行省郎中陟兵部

尚書才辯豪爽器量宏偉奏疏檄布多出其手

陳楨字景禎華亭人洪武中舉為禮部主事有聲嘗定大議俾攝部事出知湖廣襄陽府時荆土蝗獨不入禎境永樂初召為鴻臚少卿治水東吳陞河南右叅政後卒于交趾子詢永樂戊戌進士累官侍讀學士謫知安陸後至國子祭酒又鄒律懷寧人洪武初貢知襄陽府居官以廉稱見安慶志

傅藻字伯長義烏人博通經史初為義烏訓導洪武五年擢翰林應奉改監察御史宋濂屢薦之出知武昌府十四年放還後起遷河南按察使先是汪

登績內紀後

卷五十

五

大本洪武初知本府構講堂修齋舍教士有方煦民不倦又王德芳清河人洪武初舉賢良方正授知本府特賜召對見淮志又朱勝字仲高湯溪人洪武中領鄉薦授刑部轉郎中知本府後調蘄州府所在有善政超擢江西左布政

宋原貞婺源人洪武庚戌進士授吏科給事中歷詹事府丞出知荊州府剽繁治劇簡易近民後以逸囚左遷廣信府同知又周政洪武二年知荊州府招集流亡創建黉舍政聲為諸郡最又姚哲蒲城人洪武中繇南康同知遷知荊州府召入為春坊

贊善又程瑞洪武中知漢陽府肇建廨宇脩立城樓招撫逋氓選拔俊秀又蘓恭讓廣平人知本府視民如子吏不敢欺時有薛瑾者同邑人同知府事又凌輅相繼知本府建五美樓士人頌之

唐庸寧夏人洪武初知岳州府廉慎有為擢湖廣叅政先是蔣思德自本府知府徵拜戶部尚書秦迺自工部尚書出知本府嚴恕字景用蕪湖人軀幹豐偉氣質剛方洪武貳拾年貢擢知寶慶府郡方採大木適沉于淵恕親臨祭告水大漲浮出以父憂歸起知岳州府又周以先望江人洪武末以明

登績內紀後

卷五十

五

經授郴州改衡州知府又滕揖洪武初知長沙府公直廉審幾善斷在任六年訟簡賦均又劉清洪武中知本府蒞政勤謹躬表屬邑賦役均平獄訟詳慎又張子俊字傑夫洪武初知常德府課農桑勸蠶績延師儒選髦又舉行鄉飲尊者年作燕賢詩以美之

李仁字守道洪武初蒞黃州府性資端謹言行老成謙以下士慈以撫民凡廨宇壇廟學校倉庫皆其創建陶安之後克婉休焉又葉宗字允承永嘉人洪武中知本府心志宏大決事明果又白范錢塘

人同知府事俱有善政又余彥誠德興人洪武初知安陸遷永州知府勤慎公平時洞徭劫掠郡邑彥誠諭以威信率皆畏服民賴以寧坐事繫獄者民詣闕陳請詔嘉之賜襲衣靴襪復還任後擢陝西都轉運使又虞自銘吳縣人洪武間知本府創修府治皆有成算民不勞而事集又馮惟德洪武中知辰州府廉介明敏躬行教化蠻夷歛跡境內晏然又閔用新涪州人繇貢知本府又羅彥彰望江人洪武末知寶慶府

史南曰書有之元后作民父母詩有之豈弟君

登績內紀後

卷五十

五十五

子民之父母夫天以父母之任寄之元后君以父母之責付之守令是故三代而上四岳以倡九官九官以率十二牧其父母之心感通而為一焉者也三代而下二千石以糾刺史刺史以督縣令其父母之責睽離而為二焉者也我皇祖諭天下各省知府有曰非君不得人由人負天其知天人父母合一之道乎自滕德懋以至張壽凡三十有二人皆乘熙明肇開之運受天人交與之諭而以父母天下為王道者也贊曰群守而上是為監司苟曰無明善取昌稽郡守而

下是為有司苟曰無良化理奚宜

皇運肇啟群辟來賓

宸章諄切赤子抱機明徵有訓庶績咸熙

劉德明

王尚文 王格 樊繼齡 高從訓 陳仲智 徐麟 歐陽率 修陳道生 左安善

劉德明滁州人蚤有才譽歷長興宜興二郡經歷後

遷同知武昌府屢樹政績綽著能聲子景原洪武

三十三年薦知平陽又潘亨字從禮山陽人繇鄉

舉自順慶調武昌府同知馮原智字公鑑吳縣人

繼之俱有善政

登績內紀後

卷五十一

五十六

安貞洪武初同知黃州府守法不撓為姦吏訐奏被

逮成獄按察司以聞

皇祖諭湖廣提刑官曰律在法司守法固宜朕觀原

貞非私也物皆公用猶吏此風一長則諸司無官

矣其釋之又甄誼同知長沙府有善政擢順天府

尹又何晚齡漳州人洪武初同知黃州府綽有政

聲

高從訓洪武初通判衡州蒞政匪懈愛民如子轉同

知後知本府積久化孚父老傳誦其事多類古人

王恪紹興人洪武六年知郴州廉勤有守至九年改



府為州赴銓別用又陳伯傑洪武中知郴州值歲旱禱雨輒應入杜智字仲才蕪湖人儀幹魁梧性敏嗜學洪武二十一年繇貢擢知隨州以不忍竣征例當調戍廷臣奏其治狀詔乘傳復任後改知北平歷右都御史

樊繼洪武初知興國州時有虎為害禱于城隍虎自鬪死捐俸修湖西堤水患自息革去浮屠行家禮民立去思亭又應伯和洪武中知荊門州律已廉介臨民仁恕去任惟琴書數卷又潘道原繼之戴昌滁州人洪武末知州事俱有善政

歷續內紀後

卷五十

二十七

陳申洪武末知安陸即今承天勸學校均賦役以廉能稱又焦潤洪武間通判郴州勤公廉潔擢知常德府又王尚文洪武三年知靖州撫蠻平獠遠近來歸又朱衡武進人洪武中以人材薦知靖州撫字有方

歐陽聿修洪武初知茶陵修葺舍奏除水運民受慕之先是有成麟草昧初創嗣後有李士兼皆良

有司

陳道生會稽人洪武間自全壇簿權知桂陽州不幾妻子不通干謁為政剛果先是有黃昂者知本州

有遺愛焉又左安善吳元年守蘄州創建公宇興學宮公勤廉潔惠政露渥超拜刑部侍郎出知河南府

徐麟廣濟人洪武三年自河南知府自陳便養親調知蘄州以政績聞又蓋恒弼洪武初同知道州招集流民興建學校百廢具舉擢知永州府又吉岳洪武初知房州撫綏新附創建公署民不告勞史南曰夫府之有僚以替政而庶明勸翼者也州之有牧以宣化而亮采有邦者也苟非其人其何能國臣嘗受

歷續內紀後

卷五十

二十八

命管校

寶訓實錄乃見洪武間如梁貞方惟法而復宥杜智被謫戍而即擢此蓋用不測之威施不測之恩如雷霆之震擊雨露之霑濡天地亦何心哉其諸府察州牧可例推矣贊曰列秩郡堂懸魚斯清視篆州署馴維斯仁諸賢適時拔茅彙征靖共爾位泰階永平

徐誼

王叔英 柯日新

丁士梅

李居仁

孫喚 李希賢

方暉

徐誼字宜叔壽昌人誦翠屏歲甲辰征陳友諒子理

于武昌命誼知黃岡縣事乃作詩送使者曰紅旗  
招颶壓滄溟畫舸長驅上洞庭百萬生靈新撫納  
九重天語自丁寧猿啼山月灘聲咽鼉吼江風水氣  
腥好語湖湘諸將帥漢家信誓重丹青

皇祖見其詩壯之加授承務事時兵燹後邑里寥寂  
誼紼附流氓百廢具舉洪武十七年擢知鎮江府  
先是黃梅知縣黃武歸安人擢知荊州廣濟知縣  
高偉浙江人擢四川魚事麻城知縣趙乾歸安人  
俱有善政

王叔英字原采天台人洪武末知漢陽縣歲大旱躬  
歷陂池後

卷十

十九

禱奠章有云為官而祿食茲士視民失所而不能  
救官之耻也為神而血食茲土視民失所而不之  
救寧不為神羞乎遂大雨三日復祈晴應亦如之  
其卒也大學士楊士奇祭曰先生之學聖賢是師  
先生之德綱常是持先生之心金石其貞先生之  
志雪霜其明浩然歸全乘雲翺翔我懷先生崇山  
長川先是趙蘭和州人洪武初開創縣治趙子芳  
滁州人洪武三年治有政聲

柯日新平涼人歲甲辰初平陳理命日新知蒲圻縣  
時干戈甫息民多逋竄日新憂勤立政撫煦凋殘

墾闢草萊疆理土田躬督農桑民皆襁負而至乃  
創署宇修學校置郵傳治橋梁唐岳撰文紀之又  
侯王濟陰人為縣尉有紙衾清勝蘆花被菜飯香  
於首著盤之詩

丁士梅洪武初為翰林院編修出尹蒲圻陳紀叙倫  
莫麗文教秩滿乃擢蘄州知府祭酒魏觀贈之詩  
云士梅炳炳名家子玉珮瓊琚迥絕塵

聖主用賢需後進相公知已乃先掄編修翰院誇才  
俊出宰蒲圻立政新豈但文章關政教更持綱紀  
保民人荒煙蔓草孤城外流水柴門曲澗瀟半席

卷十

卷十

三

繁陰依綠樹一襟清爽薦芳蘋偶逢故老庭廡甚  
為說薊軍檢剝頗頗沛流離皆此類癆病疾痛切  
吾身寸心惟日增愁緒華髮經秋颯滿巾隨壠觀  
田情癸華從公籍戶稅糧均徑緣仙井深虞虎灘  
挹朱橋淺露蟬任恁可能追范叔辨姦曾擬效蘓  
洵松聲枕上吹濤夕野色吟邊濯雨晨重想

朝廷宣美化忽聞鄉校講明倫震區漸復休兵戰儒  
衍行將致俗淳風靜林垌泉鳥逝旭晴沙渚鴈鴻  
遵乾坤太白三人月湖海淵明五柳春百里輝煌  
生瓦礫九天咳唾散珠珍琴鳴花嶼僧聽慣硯洗

芹池鶴見馴到處督農慈若父有時聽訟智如神  
從容黎杖臨江許邂逅樓舫津浦客倚節方  
共話釣翁繫舸亦相親周瑜赤壁嗟豪傑謝眺青  
山悼隱淪乳竇雲腰凝石笋翠崖煙溜滴溪筠閒  
分萼綠烹香茗小立苔磯翫細鱗征吏遠過爭作  
慇懃人稽緩即貽嗔徒知州縣皆常秩誰識即官  
應列辰聯句頗資侯喜俊拾遺恒念杜陵貧歸謀  
穠糞兒初學育鰥菁莪理未循臚臚西郊成舊址  
駸駸南畝避華隣近多桑梓傳音至總為簞瓢樂  
意真蘭友以之增激勵薇垣亦爾慰咨詢龍光暫

登績南紀後

卷十

三十

掩衝牛斗鳧藻終看炫鳳麟要與群英崇典禮直  
從當道展經綸商家正統承堯舜周室雄藩頌甫  
申四海雍熙千載會與君歌舞樂同仁

李居仁山東人洪武十年知蒲圻興學校建壇墀神  
人咸奠上下允孚又錢昭字魯麟鄆城人洪武二  
十九年知蒲圻周知閭里循行阡陌六載考績一  
介不取又黃廣字業廣同安人洪武二十五年知  
蒲圻時遭旱禱雨輒應且獎率士類風教翕然又  
張煜古田人學士張以寧子也洪武中知蒲圻楊  
文敏公具載碑銘

爾朱欽字敬伯陝西富平人洪武四年進士是歲詹  
同宋濂為會試考官魏觀孫吾與為殿試讀卷官  
皇祖親製策題以敬天勤民為問欽對稱旨欽授蒲  
圻丞又戴城字邦固青田人洪武十八年進士授  
蒲圻丞建讀書樓後擢戶部員外郎又夏生善餘  
杭縣人洪武乙丑進士授松滋丞後擢禮部郎中  
卒于交趾

孫瓊字萬方建德人洪武二十五年繇貢授知景陵  
縣抑強扶弱興廢舉墜後遷督理蘓松水利先是  
有嚴真知景陵厥後楊季安繼之劉桓知京山王

登績南紀後

卷十

三十

蔓榮繼之俱有善政

李永信洪武初知江夏縣創建縣宇講明理性徐善  
繼之又謝叔賓知武昌明于物情剛以馭吏張光  
大繼之後遷大僕寺丞又馮昶知咸寧唐子儀知  
興國俱有善政

顧華平陽人洪武甲寅以工部主事知崇陽縣有靜  
思亭記先是胡興福崇陽人肇創治宇楊伯成龍  
泉人初稅畝則厥後元俊字世臨河南人濬石規  
陂揚泰渭南人耆民懷留孔禧章丘人操履端慎  
駱士廉山陰人繇進士擢太原知府李善將樂人

虞宗順昌人俱有善政

吳懋洪武四年自蘇州知府左遷知大冶縣宅心公

正守已廉潔馬極洪武初知通城縣除越雲撫子

遺闢疆理廣戶口邑民立碑頌之又王克中知通

山縣有善政

尹希文字質夫直隸武清人洪武間知宣城縣提身

廉謹蒞事勤慎歷任二十七年加知州俸又鑑復

明知江陵許德知公安許彥盛知松滋王滿知枝

江魏忠知當陽大有知遠安陳獻知監利杜堅知

興寧戴用繼之馬伯庸知鄖縣呂仲彬繼之張安

登績而紀後

卷五十一

三

政知竹山俱有善政

史希賢直隸無為州人洪武初知瀏陽縣開創邑治

興建學校起顏振湮薛德昭長州人知寧鄉楊武

平度州人繼之孫初知湘陰黃恩讓繼之孟吉知

善化朱敬繼之莫玉知湘潭朱調繼之王叔攝又

繼之正銓知長沙王公範知攸縣梅源善知安化

俱有善政

方暉字彥昭壽昌人洪武中縣人材舉知應山蒞政

廉明事無留滯又龔巖崇明人縣鄉薦知孝感後

遷按察僉事任仲晦新淦人繼之擢監察御史汪

璫以監察御史知雲夢張本清繼之諸葛平知應

城張敬楊觀又繼之俱有善政

唐吉祥字彥禎歙人洪武庚辰進士知祁陽縣考績

為天下最錫燕禮部尋擢工部主事又吉嶽知東

安洞僚焚毀公宇嶽創修之朱公慶知寧遠楊守

禮知江華黃道伯繼之

齊伯良四川人洪武中知麻陽縣時民避軍伍深匿

蠻洞田畝荒蕪稅課逋負伯良奏免租徭之乃招

集安附始有華風又郭原知黔陽丁允中知淑浦

張子登丞沅陵王守約知廬溪薛得中知邵陽張

登績而紀後

卷五十二

四

原善知新寧俱有善政

史南曰程伯子有言一命之士苟存心于愛物

於人必有所濟而况縣令親民尤為重任我

皇祖起自稼穡周知閭里每除一令必告詔淳切痛

鰥乃身當時庶辟爭自洗心以承休德若楚之

諸尹循良居多克保泰矣贊曰惟天牧民惟聖

憲天凡厥縣令必擇仁賢修政陳典罔或弗銓

鹽書褒嘉有光史編

李琦

李衡

鄒覽

周文

汪景明

周泰亨

王怡

熊昱

朱景言

李琦真定元氏人洪武初舉經明行修授監察御史遷大理寺副永樂中將征安南命琦先往諭以禍福陳氏來歸侵地使竣上其書藁以聞

成祖嘉之擢禮部侍郎後占城與交人角復命往諭如初事平乃命為湖廣布政使是年以吏科都給事中姚行為湖廣右叅政戶科給事中羅義為左叅政刑科都給事中周鼎為按察使禮科都給事中黃永壽刑科右給事中吳讓俱為副使刑科給事中商惠為僉事

李衡字秉均當途人永樂甲申進士與楊相周悅等

李衡字秉均

當途人

永樂甲申

進士與楊相周悅等

被選為庶吉士同時二十九人  
成祖親校課業除戶部主事廉慎守已夏原吉每器重之薦擢湖廣叅政方拜命時建繫赴獄事白履任剗繁理劇持重不苟後擢兵部右侍郎所著有澹軒集

蕭寬吉水人永樂甲申進士選翰林院庶吉士授兵部主事累遷湖廣左布政使寬素有量端簡不諱未嘗疾言遽色而處大事則裕如也先是楊祚為叅議有政聲陞鴻臚寺卿

周文字宗武錢塘人永樂甲申進士選翰林庶吉士

授兵部主事累遷湖廣叅議歲饑民流乃捐俸粥民賑屢施賑憂勞成疾卒于斬

汪景明黟人永樂甲申進士選翰林院庶吉士遷左衛經歷尋復監察御史巡按江西擢湖廣叅議冰蘗有聲轉廣西左叅議卒又聞質字仲彬桐廬人永樂中繇鄉舉授工部主事轉吏部郎中擢湖廣叅政有廉名轉江西叅政卒又蕭聰字孟奎泰和人永樂中鄉舉授刑部主事轉郎中奉命督修京成調度有方改禮部祠祭陟本部侍郎調南京吏部左遷湖廣叅政

蕭聰字孟奎

泰和人

永樂中

鄉舉授工部主事轉吏部郎中擢湖廣叅政有廉名轉江西叅政卒又蕭聰字孟奎泰和人永樂中鄉舉授刑部主事轉郎中奉命督修京成調度有方改禮部祠祭陟本部侍郎調南京吏部左遷湖廣叅政

鄉舉授工部

主事轉吏部郎中擢湖廣叅政有廉名轉江西叅政卒又蕭聰字孟奎泰和人永樂中鄉舉授刑部主事轉郎中奉命督修京成調度有方改禮部祠祭陟本部侍郎調南京吏部左遷湖廣叅政

鄉舉授工部主事轉吏部郎中擢湖廣叅政有廉名轉江西叅政卒又蕭聰字孟奎泰和人永樂中鄉舉授刑部主事轉郎中奉命督修京成調度有方改禮部祠祭陟本部侍郎調南京吏部左遷湖廣叅政

史獨持風紀聲稱凜然

周泰亨字文通彭澤人永樂乙未進士授監察御史

巡按直隸及湖廣克貞憲慶群僚畏憚後擢湖廣

按察僉事又潘黼洪武中任按察僉事有直名

王恪字孟誠湖口人永樂甲申進士授監察御史擢

湖廣按察僉事不振憲綱權豪歛跡轉四川參議

熊昱字爾耆豐城人永樂辛丑進士授監察御史擢

湖廣按察僉事後至參政又柳芳字堦茂都昌人

永樂甲辰進士歷刑部郎中擢湖廣參政改調山

西

侯爵蒙城人永樂甲辰進士授監察御史振肅風紀

吏民畏服擢湖廣按察副使卒于官

劉紹吳縣人永樂丙戌進士授行人擢湖廣按察副

使又葉承宗字繼先授工部主事擢湖廣按察僉

事又鄭進善祁門人繇國子生授監察御史擢湖

廣按察副使

朱穀大庾人洪武中貢授於潛典史永樂初入覲題

元宵燈詩有云鼇戴山來接九天金蓮開遍早春

前

允修無錫人永樂初任戶部主事轉郎中歷官湖

廣左參政

俞士悅字仕朝長洲人永樂乙未進士授監察御史

歷遷湖廣按察副使振肅綱紀貪墨望風解印綬

去民居失火延及臬署僚屬多奔避士悅具衣冠

再拜返風滅火歲大旱禱雨即應遷浙江參政入

為大理卿正統己巳之變以副都御史留守尋陟

刑部尚書加太子太保

李至剛名銅寧海人洪武戊辰舉明經授禮部郎中

謫戍召還改工部擢湖廣參議坐解縉事繫獄永

樂初宥之改河南尋入為通政陟禮部尚書宋禮

糾之降儀制郎中洪熙復秩大學士楊士奇表其

墓

史南曰詩有之价人難藩大邦維垣言屏翰存

乎人也書有之爾身克正乃罔不正言表率存

乎已也夫屏翰固則樹國之植表率端則立民

之極矣洪武以來分藩臬而申告之永樂以後

則合藩臬而通叙之隨時變易以從道也贊曰

世登熙洽國用仁賢或司天牧浚采旬宣或持

天憲弼違繩愆剛柔相濟高明沉潛共臻化理

體坤承乾

應履平

洪鈞 盛璞 劉永 朱勝  
徐述 史中 鄒良 薛理  
陳靜 許譽 汪善 黃汝濟 徐壽  
伏伯安

應履平浙江奉化人永樂間自吏部郎中出知常德

府郡舊賦交為稅履平奏易以稻民甚便之加意

學校作新士類文教勃興超遷雲南右布政使初

至郡有詩云花向東風幾度開鼎城司馬又重來

街頭稚子爭迎笑沙際漁翁亦解猜霜簡故然先

聖像王函載上御書臺武陵自有桃千樹誰道劉

聲績兩紀後

卷五十一

五

即去後裁嗣是朱縉自監察御史出守有善政

洪鈞浙江新城人永樂丁酉鄉舉初為新喻令遷銅

仁轉知長沙府政通人和有甘露凝于郡齋林木

士人賦詩以彰厥瑞嗣是劉燾繼之性本慈祥不

施鞭朴諄告諸民咸悅服

盛璞字玉夫宣城人永樂丁亥繇國子生同知寧波

入為南京戶部郎中出知黃州府不携妻孥惟匹

馬一僕而已嗣是錢敏舒城人自評事滕霄汝州

人自禮部員外郎相繼守黃咸有善政

朱勝字仲高湯溪人繇鄉舉永樂中授刑部主事轉

郎中出知武昌府調蘇州超遷江西左布政又朱

肇字本初義烏人繇鄉舉授戶科給事中同知長

沙府又夏子謙浙江人自大理評事出補德安府

推官又張崑字子瞻繇宣城教諭擢知荊州府節

財任怨超遷都御史

徐述字信古建德人永樂中繇稽勲主事擢守漢陽

首新學校勸課農桑創建譙樓修葺壇祠政教大

行值朝廷採大木輓輸得宜民不告疲歲歉民艱

於租權關市代民輸納有虎傷人為文禱神就捕

郡人咸以神明太守譽之既去思之如失父母

聲績兩紀後

卷五十一

四

吏中德化人永樂中繇國子生通判衡州守法恤民

不畏強禦擢知衡州府時有中貴人贖貨滿載中

執以聞

成祖特命戮之名震中外後遷陝西叅政又楊謹行

鄱陽人永樂初知岳州府作士善教不假刑罰民

自畏肅郡志稱其賢嗣是陳安福繼之禱雨詛虎

俱有應

王靜字永靜歙人繇貢授監察御史時肇建北京營

運木植靜督山陝河朔凡五年不遑寧處

成祖命齎金符往西域直抵雪山窮崑崙至弱水所



圖山川險易藏之秘書永樂辛卯巡視湖廣宋興  
擢知漢陽府釐弊貸通賑乏清獄又刊文公小學  
及陳定宇通畧以惠初學

汪善字存初歙人永樂丙戌進士授吏科給事中出  
知夷陵州未幾擢同知永州府勤于撫字力本勸  
農商文毅公表其墓

鄒良字子都樂安人永樂乙未進士初歷松溪邵武  
令擢知衡州府在郡臨民慈惠即掛冠歸所著有  
存養齋稿

薛理歷城人永樂間進士初授戶科給事中出知衡  
州府捐俸以給士之貧者在郡數年乞歸

卷五十一

四十一

四十一

伏伯安歸德州人永樂中自工部侍郎左遷知荆門  
州政教兼舉吏民悅服後知荊州府

許譽臨清人永樂間繇進士知寶慶府守身廉慎決

獄明敏嗣是姜啓隆繼之勸農有方賑荒多惠蕭  
岐繼之墾闢荒埔撫綏蠻獠又周鼎達州人永樂

乙丑進士授戶部主事知常德府

徐彝永樂中通判武岡州時洞苗寇率衆與戰死  
之嗣是白素真定人繇庠生劉同繇國子生知州  
事俱有善政又王孟福清人自博士擢知沔陽卒

于官俱有善政

陳華橫州人永樂初繇國子生知隨州修學作士闕  
田勸民嗣是朱幹鳳陽人繇應城令擢知本州有  
聲申端海鹽人繇鄉舉繼之又梁棟青州人薦知  
安陸州俱有善政

黃汝潛字巨川祁門人永樂三年繇鄉舉知攸縣授  
諸生以春秋因才造就文教勃興又周魯山東黃  
縣人知應城孫士良知應山蔡禎知大冶仇存知  
未陽胡暹知常寧楊越知臨武俱有善政

洪誠昆明人永樂間進士二十一年知孝感廉而不  
諂慈而有為羅勉吉水人繇江夏丞繼之袁孟正

卷五十二

四十二

四十二

豐城人知襄陽俱有善政

燕善德化人永樂間繇鄉舉知武陵縣吏以嚴撫民  
以寬擢太僕寺丞劉鏗知江陵梁恭知潛江高敏

知枝江徐天輔知黃陂劉祥和鄖陽俱有善政

史南曰洪武初定官制故分列庶僚以紀厥績  
永樂以後則承流宣化各有所司懋德建功不

改其舊故合為一乃自府而州而縣若臂指相  
運腹心是托而不可解矣贊曰邦其永孚君子  
之暉陳常時夏庶績允熙薄海外內咸綏保登

刑我南楚量軫流輝凡厥王臣服采攸司

賈諒

賈諒山東嶧縣人永樂中縣舉擢刑科給事中宣德四年七月內寅諒同給事中張居傑等劾奏戶部郎中蕭翔醜酒廢職名震臺端

宣宗諭夏原吉曰朝廷置給事所以出納命令封駁章奏凡朝政闕失民情休戚皆得言之

祖宗時慎重用人其有敷奏詳明蒞事勤敏智識優長者有補政治者不次用之久之擢諒為右副都御史巡視湖廣鋤強梗展衰魑振彛綱存大體楚之

登績內紀後

卷五十

四

有重臣以保釐茲土自諒始

蕭暄字仰善恭和人宣德丁未進士累官湖廣左布政使時

宣宗親製百官箴其布政使箴有曰國有方岳統治列郡克舉其綱紀斯不紊舜命牧伯農時為先柔遠能邇惇德允元咨爾藩臣往欽汝職惟誠無斁克熙乃績承流宣化夙夜念茲謹其操持端其表儀郡邑守令有賢有否明其廉察公其去取維予夙夜求民之莫為藩為翰維民之度生息有養禮讓有興兩政之成式觀爾誠暄奉持匪懈沉靜行

守出公帑以輸征苗儲鳩材以供船料綜理微密

楚人賴之嗣是蕭聰字孟奎暄之族也宣德癸丑

進士授刑部主事轉郎中累官南京戶部侍郎左

遷湖廣參政

羅銓山陽人永樂甲申進士授監察御史宣德初擢

湖廣按察僉事時孟桓曹榮陳諤後先為按察使宣宗賜按察箴曰國家養民司牧是寄必有憲臣紀

綱攸繫乃有提刑厥署以名有使以長有貳有丞比而藩垣下而郡邑廣聰達明無或不及鋤姦戢暴去蠹革器用植善柔用暢鬱湮以義行仁以刑

登績內紀後

卷五十

四

弼教豈曰今茲亶古之道法以坊人必自爾躬表之克端景靡弗從母念于職母敗于度母權之攝毋勢之怙吐剛茹柔或私滅公惟身之辜惟家之凶明明上天臨下有赫性敬爾職以懋爾績景銓奉命不苟楊文貞誌其父墓稱銓廉正公慎必有所試矣宣德五年八年壬寅湖廣按察司奏五開指揮倪善趙興各弗協上諭都御史顧佐曰同僚有兄弟之情當情意相孚可否相濟譬如操舟行車雖衆論不同但欲舟車可行而已何必爭競此輩皆膠于私意以致妨廢

職務若倉卒有警不能協和何以濟事故不可不治以示倣也嗣是有熊鍊字學淵進賢人宣德庚戌進士授刑部主事改大理寺丞擢湖廣提學僉事以正本惇行為先後遷廣西叅政

史南曰臣嘗奉

勅管校

列聖寶訓實錄至

宣皇為

皇太孫時年方幼冲

成祖試以春聯云萬方玉帛風雲會即對云一統山

卷十

卷十

四十五

河日月明迨登

寶極又製百官箴以戒群辟為君難為臣不易置其

然乎贊曰二曜合璧五星聯珠重熙累洽禮樂

車書

宸章飛灑丹禁紫除藩垣憲臬夙夜啓居至今列署

奎璧揚耀仰瞻法象敢不敬諸

范理

刀鵬

朱祐

邵旻

呂崇

黃象

范理字道濟天台人宣德庚戌進士召試

齋官以用人何以得真才為題理試第二賜白金五

兩褚幣五十緡歸省還授江陵令時荆土負租十

四萬石理為處分平徭役勸樹蓄恤窮弱禁豪右楊文定公稱曰世有為縣七月得民心如理者乎薦知德安府每歲按屬邑以稽有司每月試諸生以拔髦又政聲大播時

宣宗御製各府箴曰列郡有守民之司牧有佐有基

協恭教育邦國之本寔維斯民教之育之一主于

仁千里之地膺受明命安危休戚一繫厥政耕桑

之業毋奪其時督之勤之民困寒饑學校之政必

修必飭無怠無荒善教斯植正其範防去其蠹賊

所惡勿施所欲與聚循典祇祀以為民福禮賢尚

卷十

卷十

四十六

德以勵民俗循理奉法為下表儀廉公與明政乃

弗疵豈第君子民之父母慎哉故哉用永終譽理

拜服捧誦昕夕匪懈後遷貴州布政使仕至南京

工部侍郎楊文懿公銘其墓曰太公國齊簡禮從

俗公為江陵報政何速去不能馳稚耄遮祖執祛

誦啼如子失母黃霸守郡治莫與夷公自令長入

副尚書才匪偏長所在有績於赫厥聲不損彌益

刀鵬祥符人永樂甲申進士累官江西按察僉事宣

德初左遷知荊州府門無私謁囊無贏帛歷任九

載益勵初服嗣是張宏陽山人宣德五年自戶部

郎中知本府持已廉慎決事明敏荆志綱之

朱祐字逢吉邵武人永樂間繇國子生授兵部主事  
出判紹興宣德中擢知漢陽府舊無廩庫軍民渡  
江輸于武昌祐奏請立倉府城甚便從之又邵晏  
宣德初知武昌府三載考績庶政克修召為工部  
右侍郎戴新山東人知寶慶府擢雲南布政使曹  
衡繼之李應庚溧水人知永州府奏革三關稅課  
民稱其便孫浩知辰州府一梨不食至遣其妻駱  
暹重慶人知襄陽府俱有善政

呂崇濟寧人宣德中繇進士歷戶部員外郎知郴州  
登績尚紀後

卷五十一

四七

政聲不著又李震永平人宣德中知沔陽州介而  
不阿廉而能撫又黃昂知桂陽州陳道生繼之時  
宣宗御製各州箴曰環州千里置府以治州亞于府  
建官次之有臨乎上有仰乎下凡爾所職承流宣  
化蚩蚩者氓休戚在爾心誠求之如保赤子無妨  
其穡乃衣乃食無殫其力乃休乃逸興舉學政敬  
恭神祇獄訟必平賦稅必時毋縱民厲毋侈貨黜  
惟仁惟清如水如玉如繩之直如鑑之平豈第君  
子懋永令名

黃象永嘉人宣德間繇貢知興寧縣臨民寬恕治事

簡易又杜紳重慶人知蒲圻沈文知麻陽謝詢知  
江陵沈九思知平江張恭知宜城上官儀知咸寧  
楊慶知通城章以簡知雲夢吳傑知臨武蘇嗣先  
知松滋俱有善政

宣宗御製各縣箴曰人君代天子養兆民任牧民者  
邑令尤親丞簿佐令慕有善畫民之休戚咸其所  
職保民之方心誠求之若父與母字厥孩提察其  
凍餒俾衣俾食恤其疾痛俾康俾適既厚其生必  
道其行有禮有義善俗用興致恭神祀致勵學校  
毋肆侵漁毋縱苛暴爾端爾心務恪與誠政用有

登績尚紀後

卷五十一

四八

成民用底寧

史南曰臣嘗恭誦

宣皇百官箴視虞舜明良之歌商湯風愆之戒一而  
已矣當時聞之者足以戒而况豪傑之士有不  
勃然興也哉贊曰曜靈重光望舒重華百度惟  
貞萬福咸嘉自府而州自州而縣上應星辰昭  
回雲漢凡諸民牧昭茲天監

王恕

王恕字宗貫陝西三原人正統戊辰進士選翰林庶  
吉士授大理評事出知楊州府歷遷江西河南左

右布政使進右副都御史撫治荆襄會鄖陽盜起上命恕征勦事平改南京刑部左侍郎巡視河防未幾兼左副都御史進南京兵部尚書陟冢宰加太子太保其在荆襄時劉千斤亂總帥欲縱兵搜山恕恐罪及無辜力諭止之值東南大水奏捐歲稅數十萬荆襄人德之正德三年卒贈太師謚端毅子承裕弘治癸丑進士仕至戶部尚書大學士王鏊銘曰國有正氣曰惟忠義忠義所存國勢乃尊侃侃王公奮自三原歷事

五朝正色危言其言維何別邪與正邪正既分國是

卷五十一

五十一

五十一

斯定逆鱗屢犯懼且弗傷唯公之誠唯

先皇之明帝曰老臣國之耆耄卹典榮名有加於舊公如汲黯逆亂寢謀公如裴度邪佞所仇公雖亡矣神豈云邈上騎箕尾丁壯河嶽大學士李東陽撰神道碑銘曰巖巖華嶽雄鎮秦封靈秀攸萃為人中雄端居廟堂進退不辟高舉長步其言不迫奮翼而起排雲厲空紛彼羽族瞻其下風群疑糾紛中有定括南山可移三軍可奪用我則出舍我則還外若可移其中浩然秉彝在躬弗枯弗失其所餘者以還造物

原傑字子英陽城人正統乙丑進士授監察御史按察副使轉布政使進左副都御史時劉千斤寇鄖西而河陝荆襄相繼扇動傑奉

勅巡視三省八郡行無停轍撫綏通氓凡八萬五千奏請立鄖陽府又置行都司以統之薦御史吳宏以代已任久之拜南京兵部尚書祭酒吳節紀其政績詩云惟天降命惟皇建極惟臣靖共斯奠疆域邈彼汝漢雍梁房均西連關陝南接衛荆大山長阜縣巨嶺嶺流連四移于焉假息

皇曰噫嘻朕式九圖胡為中夏而容趙趙乃命元臣

卷五十一

五十一

五十一

駕彼輪轂按行千里周爰咨度

皇衷天啓寸喙可伸願托圖籍永為良民生被華風當安止分惟賦惟徭敢不祇敬公曰爾民衣食所資由狹徙寬優典盡施乃籍姓名乃立堡伍俾事耕耘各安爾所相視古鄖水碧山蒼可築郡城更踞鄖陽百堵登登十旬而集崇高為城深邃為室三衢五市六門洞開境通江漢商帆去來晨星熒熒漏鼓戒候隸士駿奔踰附先後守握郡章列邑承之以安兆庶以隆化樞統以行司翼以衛所安不忘危振揚威武武以警頑文以興賢山行水宿

罔不晏然昔者茲境阻山為勢今為樂邦遵王之義昔者斯民恃險為門今安仁里王道平平凡此經營悉繇都憲馳報天子曰惟民便惟傳聞里聲若隱雷山川風景豁焉以開惟古平祐以紹以續制事維殊安民則一我我太嶽汎汎漢江永言不替萬古鄖邦

史南曰臣先大夫嘗言原中丞開宇鄖陽厥功尤鉅及與王端毅公之子司徒為同榜進士以故知其家世忠義且二老碑銘猶在也嘉靖己亥恭迎

水清內紀後

卷五十

五十一

聖駕登臨泰和則見夫山勢蜿蜒自陝之漢中河之鄧州蜀之夔府結于鄖西而分列形勝趨于荆

襄古英雄用武地也

成祖神識高遠故建祠宇以防姦宄

憲皇宸慮深微故開府衛以綏通逃

聖見真高遠矣嗣守茲土者當以二老為龜鑑贊曰

天險九圻地險萬域王公設險以守其國端毅

忠直保釐荆襄子英經畧撫納叛亡二公之

澤大造我楚于以紀之受天之祐

李實

羅麓

白圭

侯進

項忠

李實字士誠四川合州人正統壬戌進士授禮科給事中歷陝都御史巡視湖廣振綱紀樹風教綜理微密已已也先入寇

英皇北狩實上言奉迎即以為禮部侍郎往虜懷持正善辯卒逐龍沙事見否泰錄實撰詩紀行別有錄嗣是王儉安居人宣德中進士歷陝都御史巡撫湖廣頗有政聲

羅麓字應韶南昌人正統乙丑進士授監察御史歷陝都御史巡視湖廣時蠻僚並叛麓會總兵官李震遣人諭以威德即率兵擣其巢穴大破之歲饑

水清內紀後

卷五十

五十一

發賑民困賴魁上言時政數事召入掌院卒所著有知菴集

白圭字宗玉南昌人正統壬戌進士授監察御史擢

陝西副使轉浙江布政陝都御史巡視湖廣務存

大體入為兵部尚書加太子太保卒贈少傅謚恭

敏

侯進澤州人宣德丁未進士授行人遷兵部主事正

統初虜寇甘肅命往會官討之事竣委調湖廣兵

馬同尚書王驥征麓川進禮部侍郎復平貴州蠻

僚陝兵部尚書時有黃節字順中豐城人正統戊

辰進士授兵部主事同總兵李震征酉陽諸洞大破絞羅諸蠻有功擢大僕卿

項忠字蓋臣嘉興人正統壬戌進士授兵部主事轉負外郎已巳之變忠陷虜懷遠歸進郎中擢廣東按察副使累官都御史會荆襄賊李胡子亂命忠總督軍務遣使招諭率兵捕擊二千餘撫散者凡百四十萬仍上便宜十事仍留撫治進左都御史有星孛于天田言者謂荆襄殺戮所致忠自疏為國任怨後陟兵部尚書

史南曰臣嘗觀劉定之否泰錄及袁彬北征記

盛清內紀後

卷平

五十三

乃見李實出使奉迎始末亦偉丈人也當時若

高穀之解帶激士商輅之迎

蹕受命亦有加於人數等矣或者乃以實所紀誇張何不情之甚乎乃若羅麓之平驥白圭之撫民而侯進項忠雖未專職李文正公以為荆襄三十餘年牙孽不作者忠之功居多故併錄進以勵夫嗣職者贊曰也先胡雛敢塵天蹕實也倡義高論不屈來撫南土恢其餘烈麓主有體進忠多益片善勿遺以昭勲勩

宋欽

方勉

陳安

駱敏

應顯

宋欽蒼梧人正統中擢湖廣參議仙麓川亂命尚書

王驥征之欽督運糧餉不避艱險於辰沅清浪鎮遠山行乘騎又乘小舸艚舡往安江洪江苗賊要害至盧溪被賊遮留欽率兵挽弓揚矢迎敵厲聲歷數其罪詞氣壯烈賊不敢逼

方勉字懋德欽人永樂乙未進士選翰林院庶吉士正統四年擢湖廣按察司僉事躬詣五開整飭邊務會同守將張善撫捕八蠻宣布威德陳言二十二事皆便於民悉允行之

陳安字靜簡新建人正統丙辰進士授大理寺副擢

盛清內紀後

卷平

五十四

湖廣左叅政歷遷左右布政使安沅靜守已寬裕待物故能久於其位而人亦多被其澤

駱敏字士聰湖口人正統壬戌進士歷擢湖廣按察僉事時宗室多故敏疏以聞召還為祭酒辭不就又王宣長壽人正統己丑進士授大理評事擢湖廣僉事

應顯字文明淳化人正統乙丑進士授監察御史已巳之變聞礦寇亂命往捕之擢大理寺丞左遷雲南同知轉守揚州遷湖廣按察僉事時都御史項忠羅麓知其才檄治平溪清浪征靖州蠻黃強委



築沿江堤及撫荆襄新附通氓勞勩懋著後轉福

建泰政

成始終字敬之無錫人正統己未進士授行人拜監察御史已巳之變督兵紮荆關守要害地事竣擢湖廣按察僉事敏于疏決獄無滯囚以直慤忤當途歸結屋顏曰錦江舲海嶽軒善吟詠所著有澹軒集倪文僖公表其墓

畢麟字冲霄井陘人正統壬戌進士授監察御史擢

湖廣右叅議督運糧餉克濟邊儲時有刑端者同

邑人永樂庚子鄉舉授監察御史擢湖廣副使撫

登績南紀後

卷十

五十五

輯苗夷甚有恩紀秩滿父老懇留復任卒于官

史南曰臣攷正統初中官王振擅權也先入寇

誘引

英皇親征駐蹕土木逼令司馬鄭埜司徒王佐少宰

曹鼐學士張益冒塵陷虜當時陳循為相輔立

邸王賴有于謙保全

神器而中外群辟恐度日其在吾楚若陳安駱敏

畢驚固多具位而宋欽方勉成始終應顯撫夷

督衆功亦不可誣也贊曰胡虜犯順忠賢靖變

居宇社稷出綏寓縣群辟翺翺湖湘底莫孰居

其先莫之敢殿

劉永

章綸

何源

廖仕

吳貞

劉永大庾人永樂壬辰進士授刑部主事轉郎中奉勅巡視萬全正統中大學士楊榮薦知荊州府勸農興學均賦簡訟會遼藩不靖永疏之逮繫事白仍令復任以憂去老幼懇留詔奪情復任在郡凡十四年卒于官民肖像立祠祀之楊溥贊其像曰自侯下車惓惓安利勞逸以均耕種以時

章綸字恩綸桐城人正統乙丑進士授戶部給事中

忤權貴謫通判趙州尋擢知武昌府大學士丘文

登績南紀後

卷十

五十六

莊公贈之文曰君之守武昌也其治在會城其職

任之重土地之廣人民之多事務之殷奚啻千百

譬則金愈鍊而厲玉用久而澤異時鑄為鼎以象

物用為璧以薦天子固知其為金玉君子也又易

善南海人自兵科給事中知岳州府後擢湖廣布

政使

何源字本清涇州人繇文安令正統中擢知襄陽府

修學宮改漢江驛士民甚稱之卒塋于百丈山又

余清巴縣人永樂乙酉鄉舉正統中知黃州府又

邢寧知荊門州鯁直不屈撫字恩盛祥丹徒人

知道州尚書魏驥薦之王垣字子平郾城人知新

州劉同許州人知武岡州席貴同知沅州鄒烜福

寧人自監察御史左遷知沔陽州俱有善政

吳真字秉誠歙人天順丁丑進士授知茶陵充秉廉

慎杜絕請謁拜監察御史

廖仕字國卿梧州人正統中繇鄉舉知宜城縣遠謫

袁崇朴厚章吏弊恤民隱又周濠知永興重教養

士修政牧民擢江西僉事又高寧知穀城修古洋

汾水二河民田賴以灌慨又馬經東光人繇進士

知宜章龐敬嘉興人知羅田傅翔眉州人知零陵

卷五十七

卷五十七

卷五十七

俞雍宜興人知公安馬祥汲縣人知石首吳迪知

淑浦劉芳知長陽王友信知武昌祝傑知武陵俱

有善政

史南曰臣嘗聞三楊柄國文貞有相業文敏有

相才文定有相度夷攷其時凡郡縣繁劇守令

賢能必薦之其言未必盡同而其薦賢為國一

而已矣若劉永受知于楊榮盛祥蒙薦于魏驥

其他可例推也臯謨在知人在安民苟弗知人

苟克以安民乎哉贊曰知人則哲惟帝其難安

民則惠何畏于頑獲上有道薦賢孔艱吁嗟守

令祈底治安

劉敷

吳璠

何喬新

崔恭

錢所

劉敷字叔榮永新人景泰辛未進士授監察御史擢

湖廣按察使累官都御史巡撫湖廣時荆遼分封

營造日滋民財日詘有中官至常德擁金數極言

其弊靖州苗叛率兵討平之會同都御史原傑議

處荆襄流民悉中機宜陟右都御史卒楊守陟銘

其墓曰永新義山有聰明泉三出相臣閱五百年

宋荆楚公著為詩篇公於楚公豈其苗裔游泳山

卷五十七

卷五十七

卷五十七

泉夙懷遠志遂擢魏科遂躋臚仕內駁外歷文事

武備歷事

四朝鞠躬盡瘁御史大夫古之相臣公至大拜適際

昌辰疇昔之志今果得伸楚公之詩又一驗云

吳琛字與璧繁昌人景泰辛未進士受監察御史率

同官糾權貴謫儂安令會天變復職擢大理丞進

僉都御史荆襄歲旱寇起命琛巡撫兼賑濟不憚

險遠遍歷遐陬召父老乃咨詢之廉官吏而黜陟

之究淑慝而興革之酷暑不張蓋山嶠不乘輿夜

宿于草次凡一百五十日遍歷十府九州七十二

縣二十五衛十四所為程萬三千餘里黜文武官僚三百餘員問譴胥吏賊罰六百六十餘人威惠並行華夷咸震後陟右都御史巡撫兩廣

何喬新字廷秀廣昌人吏部尚書文淵子也景泰甲戌進士歷刑部郎中河南按察使擢湖廣布政使喬新幹父之蠱為政以寬凡國儲盈縮民財豐耗悉留情會計暇即著述吟詠不營囊橐不阿權貴陟都御史刑部尚書所著有周禮註解左傳擲英宋元史臆見及椒丘集卒贈太子少傅謚文肅

崔恭字克讓廣宗人正統丙辰進士授戶部主事楊

登績內紀後

卷五十

五十九

文定公薦知萊州府景泰四年奏課為天下取超遷湖廣布政使後陟都御史進南京吏部尚書

錢昕字景寅常熟人正統乙丑進士授監察御史出

守荊州律已廉慎遇事敏決江陵潛江水大漲乃

築黃潭堤以扞之長亘幾千里暇則課諸生獎進

多知名士景泰中超遷湖廣布政使又有錢文煥

鄞人自給事中仕至湖廣左布政楊文懿公撰文

送之

周晟字德明安陽人景泰甲戌進士授刑部主事出守永平超遷湖廣叅政雖南北殊風晟酌勢權情

值蕪黃大旱屏驛却輿雨大降遷江西布政楊文懿公銘其墓曰世德之家積而不發逢時純熙沛不可遏公家累仁有本有葉自拙逸始緋紫鱗襲乃守太郡乃廉大藩乃陟方伯位莫與尊乘世之美惟國之休不顯亦世陳錫哉周侍郎崔銑撰郡誌美之

李清字希憲上海人景泰甲戌進士伯璵之子也伯璵著文翰類選清幼誦之甚悉居官清謹尚書姚夔稱其為真君子始宦南京刑部主事轉兵部終湖廣布政使

登績內紀後

卷五十

六十

唐瑜字廷美上海人景泰辛未進士授南京禮科給事中出守金華擢湖廣左叅政分守荆襄寧廣儲穀遇旱發賑撫綏鈞房流民咸遂其願荆湖大水輓舟載米濟之水退築堤民賴其利後遷雲南布政陟都御史卒大學士王鏊表其墓

嚴淦字宗源莆田人景泰甲戌進士選翰林院庶吉士授監察御史擢浙江按察副使仍督南畿學政改湖廣撫治流民復提學秩進右布政使先是黃舉字廷永淦同邑人以正統戊辰進士歷湖廣叅政舉弟謹景泰甲戌進士自御史為湖廣僉事

劉觀字廷賓武進人景泰辛未進士歷刑部郎中擢湖廣叅議性狷寡合所至有聲後遷廣西布政

洪弼字士直嚴州人吏部侍郎璵之姪也景泰二年進士授監察御史擢湖廣按察僉事適常德辰沅饑都御史白奎檄弼賑濟募民分粟仍給牛種多所全活靖州徭叛弼設畫經畧擒其首惡餘黨悉平賜金綺有差遷福建按察使又陶魯字自強繇進士累官湖廣按察使湛若水誌其墓

項聰字彥耀崑山人正統乙丑進士授監察御史累遷湖廣按察使時唐維字叔方吳縣人同榜進士

歷績考紀後

卷五十一

本二

授刑部主事擢湖廣僉事又李冕字文中梓潼人天順甲申進士授刑部主事累遷湖廣按察僉事政聲赫然後遷福建副使又郭經字用常天順庚辰進士自廬陵令徵拜監察御史擢湖廣僉事又沈慶錢塘人繇翰林博士擢湖廣副使謁石鼓書院慨然嘆息檄郡守余敬重修

吳智字宏哲莆田人景泰二年進士授南京戶部主事擢四川僉事轉湖廣副使提督學政師範端嚴士習丕變即引疾歸又張綱字大振長靖人景泰丙戌進士授監察御史劾奏曹吉祥名遂大振巡

視湖廣總兵李震餽以千金具疏論之有言聲詩曰持節曾巡三楚地却金不愧四知名

史南曰臣攷景泰時內閣則陳循為相浮沉取容王文以臺臣兼秘書省威震僚屬故一時藩臬雖爭自奮庸以雪國耻其特立不懼守貞勿渝者蓋亦鮮矣乃若劉敷之撫夷靖變吳琛之宣勞黜貪撫臣之尤者也何喬新之著書平政周晟之酌勢權情藩臣之尤者也唐瑜之訓士馭吏洪弼之平徭展廩臬臣之尤者也乃張綱却金豈非柱史之巨擘乎而恭而听或以德政名

歷績考紀後

卷五十一

本二

而淦而智或以文學顯皆不可遺焉贊曰上皇遠狩監國中臨遺大投艱保境息民群僚淬厲以彰厥勲歷躋膺仕適駿有聲

謝省字世修黃巖人景泰甲戌進士授南京兵部主事轉郎中出知寶慶府至則大書真德秀四事十害為僚屬戒上言民隱十事凡行春秋時行郊野勸耕省歛或給以牛種其怙終不悛者則裁之以法選士之秀髦者躬課諭之多所造就革去佛老及諸俗忌舉行鄉約闡明禮法修撰羅倫謂謝侯之政庶幾周子之遺化焉姪祭酒鐸銘其墓曰仕

而能退君子之介遺而能儉君子之仁仁以激貪  
介以起懦君子之風可以百世於乎貞肅考德易  
名是曰不愧

翁世資字資甫莆田人正統壬戌進士授戶部主事  
轉郎中名望甚著擢工部右侍郎未幾謫知衡州  
府革宿弊悖滿俗郡有疑獄旬日決之修石鼓書  
院置便民倉循次舉行有衡帥誣其怨望遂逮繫  
事白復任後遷江西布政陟戶部尚書卒贈太子  
少傅

程宗字原伊常熟人景泰辛未進士授刑部主事轉  
登績內紀後

卷五十

六十五

負外郎自吉安守調知武昌府政聲丕播擢陝西  
布政入為都御史掌院仕至工部尚書

康汝芳字仲實祁門人宣德丙辰進士授兵部主事  
改戶部景泰二年出知辰州府都御史劉廣衡薦  
之汝芳性恬退辭歸又王巨平陽人景泰中知本  
府剛方自守慎修不倦卒于官又朱縉餘姚人景  
泰初知常德府六載考績一介不取卒于官又袁  
均哲字庶明建昌人景泰初知郴州六事克修五  
邑咸服擢順天府治中

李裕字容德豐城人景泰甲戌進士授監察御史疏

劾權貴謫知襄陽縣擢山東按察使累遷吏部尚  
書月湖楊濂誌其墓又李春字維亨桐城人繇鄉  
舉授監察御史謫知應山縣

王漢字朝遠進賢人景泰甲戌進士授陝西監察御  
史疏劾權貴謫知衡山縣擢陝西按察使累遷左  
僉都御史又陳潁平陽人知咸寧雋熙陝西人知  
崇陽達貴賴縣人知興寧文哲知武昌俱有善政  
史南曰臣嘗聞先大夫言謝司成兩浙之望也  
文正公屢述其為古君子其述寶慶政績卑欺  
我哉及攻莆陽文獻林司冠亟稱翁司徒百折

登績內紀後

卷五十一

六十六

不改其操而程康之居郡守王李之謫邑令皆  
風節卓犖者也贊曰立朝大體正直忠厚四德  
無愆受天之祐立身大節禮義燕耻四箴克守  
為國之紀諸賢守令名良有司四德四箴可謂  
無虧

戴珊

梁璟

張輟

盧雍

唐珣

薛綱

徐懷

汪進

方中

戴珊字廷珍浮梁人天順甲申進士授監察御史督  
南畿學政遷陝西按察副使累官左副都御史撫  
治鄧陽諸郡多豪有流聚剽掠珊蒞任明紀綱練

兵伍仿古營陣申明軍法會寇野王剛烈亂  
竹山平利珊疏請合湖陝兵誅其首惡有厥脅從  
一方底寧徵拜刑部侍郎會勘荆藩事皆覈實陝  
南京刑部尚書未幾入為左都御史掌院事卒贈  
太子太保謚公簡李文正公銘其墓曰昔我  
孝宗咨訪耆碩公長內臺時聞造膝公秘不洩曰我  
后之德公簡

帝心帝監公直公所執法躬就絕墨其所弗率則惟  
我職無曰棘棘或爾默然我法弗或曰我無遺責  
世有碎玉亦鮮完璧惟公始終有美無數惟

登績功紀後

卷五十五

六十五

帝嗣位惟舊臣是式臺評廟議方懋爾績古亦有言  
天壽平格有平若公壽弗臻極惟所遭值及所樹  
植令德令名永耀金石

梁璟字廷美太原崞人天順甲申進士授兵科給事  
中累官陝西布政進右副都御史巡撫湖廣會永  
州寇作率兵討平鎮守中官歐宗藩親至死力拒  
請托不為撓陝戶部尚書卒李文正公銘其墓曰  
公起諫垣出領方牧入為都憲兩鎮南服均勞內  
外偏涉川陸政勤教條法慎刑獄亦有兵威匪我  
窮黷有言有功並受褒錄既登留曹遂典錢穀維

容廟堂以率群屬官無躡資器不罪鍊功成志倦  
勇脫羈束若駕康莊永謝顛蹶苦飄巨津既往而  
復彼疾行者匪溺斯踣相彼川流往過來續亦惟  
天道盈禍虧福

張敦華字公實安福人天順甲申進士選翰林院庶  
吉士授兵部主事轉郎中累官浙江布政擢湖廣  
左布政使歲大饑給粟散粥藥病瘞骸增價致賈  
告糴修學進右副都御史巡撫山西民攀留遮道  
至不得行陝南刑部尚書李文正公銘其墓曰學  
有規矩必先自治矩以治物物莫我違違或在物

登績功紀後

卷五十五

六十六

用亦有時一我或曲又何物為公辭禁垣出就任  
使身所樹植不庇桑梓亨衢平平軼發伊始式占  
厥終曰固在此公在藩邦藪操冰心公在憲府裁  
冠正襟虎豹于山鷹鷂于林色不外動人皆內欽  
任瀾既奔有砥誰遏名場載熱如寢斯脫紛紛仕  
途疇直疇屈行或我尼志不我奪公論固存公死  
不沒

盧雍字廷佐江寧人天順丁丑進士授兵部主事轉  
郎中擢福建參議浙江參政遷湖廣左布政使卒  
太宰倪文毅公其婿也奠之文曰惟公之操如冰



之清惟公之德如金之精才學優贍器識深宏修  
髯欲飄西頰微頰自遠望之偉觀崢嶸吳中白下  
靈秀所生蚤游京校時之俊英鄉榜騰踏甲科軒  
轟授職戎曹赫煒有聲乃奉簡書往遶西兵虜患  
既祛武功告成迨典選部持銓秉衡姦弊悉除遠  
邇知名遂膺薦擢藩憲之榮偉績在閩政和浦城  
載佐兩浙復蒞楚荆敷歷三省政譽播盈引年而  
歸負國躬耕翛然高舉盡濯塵纓

唐珣字廷貴華亭人天順丁丑進士授知合州累官  
湖廣叅政布政使入為順天府尹遷右副都御史

登績南紀後

卷十

李七

巡撫薊州會南蠻弗靖進右都御史巡撫兩廣後  
是吳哲字克明臨川人天順壬辰進士授監察御  
史監試癸卯科選士號為得人

楊璿字宗器莆田人天順丁丑進士授吏部考功主  
事轉郎中作歲寒亭記曰舉茂才而得懷金之人  
其智未盡也卻金而存四知之名其廉未盡也銓  
曹允孚擢湖廣叅政

倪輔字良弼平湖人天順甲申進士授吏部主事歷  
禮部郎中擢湖廣左叅政輔性警悟喜談論處官  
事不苟善工詩為文務去陳語所著有類劇藏藁

劉誠雞澤人天順初進士累官湖廣叅議

張悅字時敏華亭人天順庚辰進士授刑部主事轉  
負外郎擢江西僉事改浙江督學擢湖廣按察使  
執法嚴峻確不可拔會藩府承奉張通怙勢悅痛  
繩之不少貸凡百請謁拒不與通俄進都御史陟  
南京兵部尚書加太子少保致仕

蕭禎字彥祥泰和人天順甲申進士授刑部主事轉  
負外郎擢湖廣按察僉事歷按察使精核法律決  
斷如流庭無留牘進都御史仕至刑部尚書大學  
士李文正公銘其墓曰業不隸黷校學則一經身

登績南紀後

卷十

李八

不辟州縣官則六卿非其人孰與有成不覆于盈  
不蹶于行以保茲令名

薛綱字之綱山陰人天順八年進士累官湖廣按察  
副使提督學政宅心中正訓士勤篤雖大山窮谷  
深林絕澗必躬造其地嚴加考閱每遇名士尤注  
意焉如嘉魚李司馬承勛已陵顏司寇顧壽公安  
鄒司徒文盛柳陽何少宰孟春與吾蒲仵戶部紳  
江工部師古諸老豫加藻鑑卒如其言

徐懷字明德建德人天順庚辰進士授刑部主事轉  
負外郎擢江西僉事廣東副使湖廣按察使秉公



持廉所在有聲

汪進字希顏婺源人天順甲申進士授刑部主事擢湖廣按察僉事分巡衡永痛懲豪右會施州土官覃景隆不法特按治之躬歷其地撤去元帥舊衙毀其印牒民獲安堵

方中字大本淳安人天順丁丑進士授監察御史巡按湖廣會苗獠入寇督兵討平建議遵常任專委任省班運設屯堡飭邊備浚河灘立巡司防夷患八事允行遷河南僉事

史南曰臣嘗直史館恭閱

卷五

卷五

卷五

英皇實錄其初為正統則王振擅權政出中貴其後為天順則石亨恃寵政出勲戚迨李賢納牘薛瑄講學而後天下之政出於一矣故其時保釐若戴珊旬宣若張敷華廉訪若張悅督學若薛綱皆一時人望也其他咸澡雪洗心以承休德者固可例推矣贊曰恒才易得異才難得苟非其人其何能國

英皇復辟雷風助烈薄海外內咸仰至德保釐旬宣

廉訪百辟各奏爾庸於昭孔赫

秦變

俞盡

楊典

徐泰

李人儀

秦變字廷詒無錫人天順庚辰進士授南京兵部主

事轉郎中出知武昌府屏姦植善興學勸農創養濟院定均徭法積穀備荒節財裕國都御史吳琛劉敷允加器重乃創張乖厓祠葺黃鶴樓祀神江許力縛劇盜辨獄會城首罪妖伶皆美政也倪文毅公銘其墓曰惟貌之癯惟德之腴揚于天衢燁乎今譽其進也徐樵藩載居公望未逾公才有餘若彼龍駒扼于馳驅孰不歎獻公心則娛

俞蓋字廷臣桐廬人進士授監察御史值萬氏怙冒蓋糾之貴戚歛手坐是謫判澧州徙茶陵又徙安

卷五

卷五

卷五

陸會流寇嘯聚鄖西擢知鄖陽府特創設府治博詢民隱寬省征派凡百城池衛所學校廨宇區畫咸宜卒于途大學士王鏊銘其墓曰桐江之濱鄖公之庸奮自多史惠文則指于澧于茶于郢于鄖公惠多矣祿乃不贏

楊興漳浦人累官工部侍郎天順初謫知永州府會民間疫大作興禱于神病者多甦後楊宗字尚賢豐城人天順壬午鄉舉自桂林同知擢知本府通征苗獠督餉均稅行三等九則法民甚便之又馮彥輝慈溪人縣國子生同知武昌楊文懿公作文

送之又侯蓋華亭人縣鄉薦同知襄陽俱有善政  
徐泰字士亨江陰人景泰間劉文介公主順天試時  
大學士陳循子瑛都御史王文子倫下第以泰居  
首選循文誣奏考官俱謫戍

上命覆試連中授知羅田縣教民務農發粟賑饑善

治日彰擢守荆門會夷陵缺守檄往治之有鳩巢

于廳以憂歸卒尚書吳宮誌其墓又汪璿字舜璣

徽州人繇進士知武岡州遷南京工部員外郎李芳

廣西融人繇進士知夷陵州仕至雲南布政使

李人儀字士傑南昌人景泰壬戌進士授監察御史

登績尚純後

卷五十一

七十一

天順初忠國公石亨太平侯張軫與大學士徐有  
貞俱恃奪門功放恣人儀劾之謫知襄陽縣任法  
鉅強不避權要擢守荊州東海張汝弼贈之詩云  
耳根歷歷李荊州春雨風惠澤流又趙熙臨海  
人繇進士知安陸政不苛而事集擢知楚雄府方  
祐自御史謫知攸縣李春繇鄉舉知應山黎容高  
麗人繇進士知大冶王友信知武昌許誠文哲繼  
之韓璟知湘陰俱有善政

史南曰臣嘗觀懷麓稿及震澤集成稱秦武昌  
俞郎陽之政金坡稿及青谿集則又稱徐荊門

之政川東志及湖南志則又稱李荊州之政豈  
阿私所好而然耶蓋事必久而論定德必積而  
名成也贊曰海內嚮治官必擇人境內趨化澤  
必及民善苟積矣慎無近名澤苟敷矣永觀厥  
成天順近古特表諸臣誰其嗣之為忝令箴

韓文

楊璿

黎福之

徐恪

劉璣

韓文字貫道洪洞人成化丙戌進士授工科給事中

建言時政考訊瀕死出補湖廣叅議分巡荆南所

至軫民隱正士風力行古道歷陟都御史巡撫湖

廣在襄陽建羊叔子祠以為牧守勸在鄂渚則飾

登績尚純後

卷五十一

七十二

馮文簡祠以為士子風其諸振紀肅僚施政澤物  
者罔可枚舉後遷南京工部尚書改北京戶部值  
逆瑾柄國輔臣焦芳劉宇曹元附黨煽虐交率百  
官伏諫落職歸田逮繫罰米瑾誅復職卒贈太傅  
謚忠定尚書林俊曰質慈諫垣時不立異無所爭  
而論事侃侃歷永藩至中丞少宰司馬司徒廓大  
邃永滌簡而凝重休休有容親賢下善容猷布憲  
泯乎其無形而天下陰受其賜蓋有人不能行獨  
行之者故其謚議有云愚同寓子竟保其身老似  
武公不弛于學

揚璿字叔璣無錫人正統丙辰進士累官戶部侍郎  
成化四年兼副都御史撫治荆襄會鄧西流民嘯

聚歲大旱賑荒靖亂率有成功

黎福字天與樂平人成化丙戌進士授監察御史累  
官右副都御史撫治鄖陽節制三省鎮之以靜民  
咸被澤陟南京兵部右侍郎

徐恪字公肅常熟人成化丙戌進士授工科給事中  
擢湖廣叅議值時萬安柄國中官汪直擅權使者  
旁午採辦竹筴恪力抗之遷陝西叅政轉左右布  
政進都御史巡撫湖廣陟南京工部侍郎卒李文

登績尚紀後

卷五十一

七十五

正公銘詞曰國有四維廉乃一士而弗廉曷以律  
觀德之隅如彼室徐公手持法三尺威來如山氣  
如屈深言遠計心在國群猜衆忌不我卹避嫌遠  
耻如有激臺高省殿出復入身椎廟堂志巖穴旋  
亦棄之如屣脫乘堅驅良虞覆躑躅營蝸爭竟何  
益公懷謙冲歛不伐天實成之豈人力

劉喬字述憲萬安人成化丙戌進士授歸安令徵拜  
監察御史歷遷湖廣按察使彭文憲公薦之轉布  
政使會建各藩府極力綜治民不告勞勘諸府獄  
事嘗得理代祀南嶽卒于潯州李文正公銘其墓

曰有湖在南楚邦是瞻藩臬之間有牧有監有賢  
寔多來者踵接前過後續功施惠浹仡仡劉公有  
言有功植我善良蘇我病瘥星霜六周亦詎非久  
民無訾謗譽則多有汗竹有傳甘棠有詩麗牲有  
碑邦人之思

鄭時字宗良舒城人景泰辛未進士累官都御史巡  
撫陝西建言忤當道左遷叅政成化末進左副都  
御史撫治荆襄仕至刑部尚書加太子太保  
王鑑之字明仲山陰人成化戊戌進士累官都御史  
撫治荆襄法嚴而果政寬而平襄志稱之

登績尚紀後

卷五十一

七十六

劉琬字德資宜春人成化戊戌進士累官都御史撫  
治鄖襄直而不撓和而有體襄志稱之

林俊字待用莆田人成化戊戌進士初為郎官時見  
妖人李孜省繼曉巫風蠱政上疏極論逮繫謫黜  
屏居雲莊青野方中野服翛然塵表後起為湖廣  
按察使復歸正德戊辰蜀寇藍廷瑞喻思倖亂  
詔起為都御史恩威並著尋與總制洪鍾議不協又  
歸嘉靖初起為刑部尚書自歸州出峽留題云買  
舟賦歸來巫峽不用試先驅開行雲相送峯十二  
來時峽水濁去時峽水清來時峽水高去時峽水

平此峽繫行止進難而退易所遺而文字巫峽相  
光氣

史南曰臣官吏局時見嘉靖初冢宰則喬希大  
司徒則孫志同宗伯則毛憲清司馬則彭濟物  
司寇則林待用司空則陶時莊皆海內人望諸  
老每相過論天下事以為洪武永樂時則熙熙  
如春若弘熙宣德時則皞皞如夏正統景泰時  
則肅然如秋至天順成化時

英皇復辟勵精圖治

憲皇承統祈天永命時則凜然如冬矣故諸臣有事

登績內紀後

卷五

七

于楚者自忠定而下若璿若福若格若喬自見  
素而上若琬若鑑之若時雖事功不同其趣一  
而已矣贊曰非仕之難守道為難非事之難守  
身為難

憲皇御天遺大授艱諸臣易地履正秉端忠定見素

納牖責難

周南

徐源

張謐

李昊

馬銓

謝綬

何淳

周南字文化縉雲人成化戊戌進士累官江西按察  
使轉湖南左布政使陟都御史巡撫南贛宅中寬  
厚處物和平其在湖廣鎮靜不浮清嚴有守楚人

稱之

徐源字仲山長洲人成化乙未進士授工部主事改  
兵部郎中擢廣東叅政轉浙江右布政湖廣左布  
政遷都御史巡撫山東大學士王鏊銘其墓曰端  
粹溫文以富厥有犯于有政亦既克守毀或求全  
非我所取

張穀字濟民上海人成化乙未進士授中書舍人擢  
湖廣叅議提督泰和山卒于官又王瑞字良璧望  
江人成化間進士授吏科給事中出補湖廣叅議  
李昊字志遠長洲人成化己丑進士自翰林檢討擢

登績內紀後

卷五

七

湖廣叅議又徐暉字以質崇明人成化丙戌進士  
授工部主事轉郎中擢湖廣叅議

馬銓字秉衡南和人成化丁未進士授戶科給事中  
出補湖廣叅議提督泰和山又林沂字居魯莆田

人成化辛丑進士累官湖廣叅議

謝綬字朝章朝城人成化間進士授南京監察御史  
擢湖廣按察副使後以直道忤中貴事白遷僉都  
御史又劉景字世熙吳人成化乙未進士授工部  
主事轉刑部員外郎擢湖廣按察副使

何淳字尚質淳安人成化丙戌進士授監察御史累

遷湖廣按察副使時旱潦相仍民艱于食區畫賑  
抹成得其所山陝河南流聚荆襄淳命有司隨地  
施給民皆感泣轉按察使又何琛字廷獻成都人  
成化甲辰進士授蠡縣令徵拜監察御史累官湖  
廣按察使

姚文灝字秀夫貴溪人成化甲辰進士授主事以註  
誤調常州通判治水有聲復工部主事仍督浙西  
水利未幾擢湖廣提學僉事慨然以作人自任崇  
正學黜浮靡規條甚悉常自謂所能者三毀譽不  
入請託不行賄賂不通而已所著有學齋稿經說  
登續內紀後 卷五十 七

雜說報德錄中庸本義藏于家

卜同字從大宜興人成化乙未進士授刑部主事累  
遷湖廣按察僉事長于吟詠卒于官又馮俊宜山  
人成化間進士累遷湖廣按察副使分守沅州建  
明倫堂創譙樓刻漏架沅水浮橋有益于民後遷  
都御史又廖德茂莆田人成化己丑進士累官湖  
廣按察僉事

張誥字汝欽華亭人成化丙戌進士選翰林院庶吉  
士授監察御史正色率下革弊發奸貪墨望風竦  
息巡視湖廣猶有遺烈

黃仲昭名潛莆田人成化丙戌進士選翰林院庶吉  
士授編修時遇元夕諸詞臣撰擬

西宮燈詞仲昭與同官章懋莊景上疏論之謫知湘  
潭後改南京大理評事遷江西督學僉事

王叔字嘉謫歷城人成化甲辰進士及第授翰林編  
修謫夷陵州判官苦節自甘一毫不苟擢四川僉  
事轉河南督學仕至祭酒

史南曰書謂王省惟歲鄉士惟月師尹惟日庶  
民惟星言君臣之交修在乎從民之欲也詩謂  
訂謨定命遠猶辰告敬慎威儀維民之則言國  
登續內紀後 卷五十 七

家之先務在乎立民之極也從民之欲則好惡  
公而絜矩存矣立民之極則謀謨定而皇極建  
矣成化間自周南而下王叔而上凡十有六人  
率質而不矯和而能衷其亦有以識此乎否也  
贊曰從民之欲若彼畢箕好雨好風各以其時  
立民之極若彼台斗是訓是行不失其所矯矯  
諸臣登賢奮庸從民立民各奏爾功

李鏡

陳綱

鍾蕃

王齊

楊宣

陰子叔

李鏡字文明廣信人成化己丑進士授刑部主事轉  
員外郎出知岳州府修廟學葺倉庾築湖堤通城

節

童瑞號嘉州三傑瑞至工部尚書節亦出身有龜

鍾蕃字廷芳崇德人成化丙戌進士授刑部主事累

官知鄆陽府時余蓋創于前蕃繼于後撫納叛亡

修明法軌厥功居多擢貴州叅政遷山東布政使

王霽字景明上海人天順庚辰進士累遷知黃州府

關邢崇政興利除害秩滿九載起拜僉都御史巡

撫山東入為大理卿

楊宣樂安人正統丁卯鄉舉知常德府肇修郡志清

理桃源民田都御史吳琛薦之璽書褒異又蕭清

陵磯墾隙為田引水灌溉其為民利甚溥洞庭君

山為水寇淵藪鏡擒其渠魁餘黨解散政聲大播

擢陝西叅政遷浙江布政使岳民立祠祀之李文

正公銘其墓曰民有二長布政按察布者主恩按

者主法同功異用鮮克備之吁嗟李君實兼誠之

劉肅字敬之嘉定州人成化丙戌進士授監察御史

巡視湖廣風采凝峻擢雲南副使謫知黃州府值

蘄州宗藩弗靖監司倚重于肅卒致于理屬歲饑

賑拯有方遷貴州叅政河南布政初予祖竹崖學

正教嘉州築書院于簫韶洞乃得肅與其弟節及

惠州人縣進士知永州府于播嘉興人自給事中

出知襄陽府又汪正字惟中歛人成化己丑進士

自長樂令遷郎中擢知辰州府又謝恭字文安休

寧人成化己丑進士擢知黃州府俱有善政

陰子淑字宗孟其先崇陽人徙居內江父秉衡博學

善教子淑成化壬辰進士知荊門州鯁介不阿保

民如子肇修學宮載建陸文安公祠于蒙惠二泉

惇倫理樹風教舉廢墜濯靡士習丕變民風皞

興邦人感其德為立生祠遷浙江按察使

陳綱字堅遠鄞人成化乙酉鄉舉授黔陽令擢同知

長沙府倪文毅公表其墓又劉海字用涵吳人成

化戊子鄉舉為漢陽推官大學士王鏊表其墓又

楊士儆字敬甫建安人文敏公之孫也同知桂陽

州尚書吳寬銘其墓

董傑字萬英成化丁未進士王疏論經筵事出知沔

陽州尋謫四川都事又方向桐城人授南京戶科

給事中言事謫驛丞擢知安陸州以一僮自隨

戶無高論性嚴峻人不敢干以私後遷守瓊州府

吳澤三原人縣進士知茶陵州又趙全陝州人縣

進士知安陸呂禴昆明人縣鄉舉知隨州洪寬字

有約繇鄉舉知桂陽州張官知沅州擢太僕卿錢承德字世恒常熟人成化乙未進士知蘄州後擢副使俱有善政

馬炳然字思進四川人成化辛丑進士授嘉魚令政通民和百廢俱興擢御史出守西安才名益起陝右副都御史巡撫寧夏正德壬申總督南京糧儲至湖廣青山江中遇流賊劉六為所挾令作書以退軍不從遇害妻女俱溺水死事聞贈右都御史謚毅愍

周洪字廷誥上海人成化辛丑進士授蒲圻令督農

廉績附紀後

卷五十一

小十一

種粟麥植桑麻令婦女業紡績為絲帛高田製筒車下隲創陂堰民食既足士教聿興徵拜監察御史又謝緝字維熙洪同年進士知醴陵臨民慈恕治獄明慎入為主部主事又趙炯永州人繇進士知瀏陽後擢雲南副使又石敏中江津人知松滋姜英福建人知當陽李忠臨川人知石首劉英會稽人知遠安晏鑣上高人知寧鄉汪道休寧人知醴陵又汪琬字朝用吳人繇鄉舉知光化大學士鑾父也具文定公表其墓又謝傑祁門人成化戊子鄉舉知武陵又金玄字相用崑山人成化乙

未進士知黃梅俱有善政

史南曰易有之積善之家必有余慶言善則必自積德始傳有之正臣進者治之表言善治必自進賢始是故觀夫成化間至治馨香達諸神明泰和氤氲溢于宇宙而夫百僚奏績于其間者其善則善治固有明徵被其澤者固不知帝力為何有矣李鏡為郡守之表陰于叔為州牧之表周洪為邑令之表而夫王琬之後為守溪閣老陳綱之後為石亭殿講謂積善不足以成名粹和不足以致祥豈理也哉資曰周至成康德

廉績附紀後

卷五十一

小十一

化洋溢漢至文景海內嚮極我

明受命于茲孔赫北溟鯤化南天鵬翼靜言思之蜚聲騰實

劉丙 秦金 畢亨 朱廷聲

劉丙字文煥安福人成化丁未進士選翰林院庶吉士授監察御史累遷貴州按察使陟都御史巡撫湖廣時方大營建遷工部侍郎督採大木竭心區畫憂勞成疾丙嘗作崇正堂銘以自警銘曰維正伊始無極之真清濁既判正由以名惟氣之正人乃有形惟理之正與心俱生惟心之正在意惟誠



為學之正必理是明言以正發動以正行仕以正  
進功以正成事君而正君以安榮治民而正法無  
變更秉正而生固爾之享使弊而正使亦爾輕草  
哉孔孟正學以宏嗣是而正紹于周程張朱繼作  
皆以正名寒蒙影響誰抗斯旌懿茲南楚千里專  
城崇正有院翼翼崢嶸祀彼先哲爰集俊英惟正  
是學若見墻羹夙夜匪懈以紹芳聲已正人正天  
下以平豈媒利祿徒弋替纓我思崇正以求稱情  
秦金字國聲無錫人弘治癸丑進士授戶部主事轉  
郎中累遷都御史巡撫湖廣值逆瑾敗後餘烈猶

登績內紀後

卷五十一

全主

存湖南旱魃流災盜賊蜂起柳桂則龔福全等以  
萬計蒲圻則有羅大弘嘉魚則賀璋等以千計連  
連詔賴諸郡事聞  
上命王守仁靖贛陳金靖韶而柳桂則屬之金率兵  
大破之斬其偽總兵劉福興等三千有奇蒲圻則  
委令張佩嘉魚則委令陸槐蕩平廓清無遺賴  
司空陳雍紀以詩曰平南有策伊誰籌之惟我鳳  
山心寔謀之平南有役伊誰主之惟我鳳山身寔  
以之蠢爾有猱惟犬惟羊蹂踐我疆場肆  
天兵一臨勿遺爾猖狂蠢爾有猱惟虺惟蛇荼毒我

民庶肆月羽一揮勿遺爾噍類南既平矣厥績偉  
矣歸以告

明天子若曰休哉加封汝廩餼世蔭汝後嗣以報汝  
勞勩於乎嘉哉於斯為至

畢亨字嘉會新城人成化乙未進士授戶部主事轉

郎中歷順天府左遷兩淮運使尋遷湖廣參政仕

至戶部尚書正德戊辰起兼都御史賑濟湖廣子

昭舉進士仕至都御史

朱廷聲字克諧進賢人弘治壬戌進士累官都御史

巡撫湖廣器量宏博風紀振肅僚屬不敢玩吏人

登績內紀後

卷五十一

全主

不忍欺後遷刑部侍郎

史南曰嘗讀畢命有云道有升降政由俗革聖

人所以交通宜民者時而已矣是故表厥宅里

樹之風聲所以章善也殊厥井疆俾克畏慕所

以羣惡也善善則君子進而為泰惡惡則小人

退而不為否畢公正色弼亮之道不在茲乎乃

若劉文煥之崇正秦國聲之持平朱克諧之宅

厚咸有得于古道也已保釐之政如斯而已乎

贊曰侃侃文煥崇正是銘毅然風節上干台衡

桓桓國聲持平不傾縛乎弘裕下鎮湘岷嘉會

寬和克慎克勤克諧朴厚古貌古心茲四君子

不棄其貞

周季鳳

林庭樞  
王時中  
劉岳

顧源

童瑞

周季鳳字公儀寧州人弘治癸丑進士授刑部主事

轉郎中擢四川副使雲南督學遷行太僕寺卿湖

廣按察使左右布政使平抑寇有功陟都御史巡

撫保定尋掌南臺進南京刑部侍郎卒贈刑部尚

書謚康惠其在湖廣寂久德澤寂深鑿井于會城

題曰汲福劉績銘曰惟泉臧沸亦既滌兮隆冬獨

溫氣蒸結兮三伏獨寒解暍熱兮存之不盈汲不

卷五十五

卷五十五

卷五十五

竭兮博施有常比奇節兮

林庭樞字利瞻閩人弘治丙戌進士歷兵部郎中出

知蘄州擢雲南叅政嘉靖初起遷湖廣布政使後

仕至工部尚書大學士王鏊贊其像曰王為之潤

水為之潔政也罔缺割國之符來牧于吳厥膏不

心厥守不滯不振不諱吳民其孚以瞻以儀貌在

南荒誰其繼之俾也可忘

官琪字儒珍崑山人成化戊戌進士授中書舍人遷

刑部員外禮部郎中擢廣東叅議廣西叅政轉湖

廣左布政時朱文字天昭與琪同邑人成化甲辰

進士授監察御史擢湖廣按察副使

顧源字達源長洲人成化辛丑進士授刑部主事轉

郎中擢湖廣副使河南按察使復遷湖廣布政使

又夏從壽字如山江陰人弘治癸丑進士累遷湖

廣叅議轉布政使長於吟詠又劉挺字咸卓吉安

人弘治庚戌進士授兵部主事轉郎中擢光祿少

卿出補湖廣叅政後遷河南布政

童瑞字士奇隸為人弘治庚戌進士累官湖廣布政

使入為工部尚書時使落忠字汝弼長寧人弘治

癸丑進士累官湖廣叅政又高江字萬里莆田人

卷五十五

卷五十五

卷五十五

弘治癸丑進士為人嚴毅自守端亮待物累官湖

廣按察使時吳彰德字昌符修撰汝賢之姪也與

江同邑人累官湖廣僉事

王時中字道夫山東黃縣人弘治庚戌進士歷湖廣

按察使執而有守介以不隨入為刑部尚書又聶

賢字承之四川長壽人弘治庚戌進士授武昌令

徵拜監察御史累遷湖廣按察使入為刑部尚書

又陳鳳梧字文明吉安人弘治丙辰進士選翰林

院庶吉士授刑部主事轉員外郎擢湖廣督學僉

事仕至南京吏部侍郎

鄭岳字汝華莆田人弘治癸丑進士累官湖廣按察使嚴毅不屈端諒敢為後遷大理寺卿戶部侍郎又劉景字世熙長洲人成化乙未進士授工部主事轉刑部員外郎擢湖廣副使

史南曰弘治十八年間兵以不試為厲刑以不殺為威財以不用為裕所以致此者

孝宗休養生息故為政者多務實而不務名肆于正德始以逆瑾繼以姦寧又終以惡彬而士大夫與時高下隨勢詭隨者曷可勝數旬宣如周季鳳廉訪如鄭岳蓋不可多得其他固亦有守有聲績內絕後

猷可書者也贊曰天下道一政與法同政以布澤法以厲庸

孝皇履極豫大亨豐政修事立業廣功崇公是權衡寔歸厥中

胡世寧

王震

馬自然

楊瑛

徐咸

胡世寧字永清仁和人弘治癸丑進士授刑部主事轉郎中出知寶慶府自謝省以後一人而已擢江西副使值宸濠謀叛莫敢發其奸世寧上疏極論其不軌濠乃密賂家宰陸完及姦黨錢寧輩逮繫世寧謫戍嘉靖初起為都御史兵部尚書先是王

營淮安人弘治庚戌進士知常德府有善政

王震字威遠邢臺人弘治癸丑進士累遷戶部主事轉郎中擢知鄖陽府建書院以訓士造浮橋以濟民政績大著遷河南參政順天府尹侍郎呂柟撰鎮郎樓記先是袁清邳州人成化戊戌進士自刑部員外知本府

馬自然內江人繇進士累遷寶慶知府剛毅不撓有兄炳然風後擢貴州參政又易貴州人知辰州府創禮儀治樂器士始知古道嗣是張珏仁和人張濂雲南人繼之又吳節眉州人自郎中出知岳

州府修舉廢政愛民育士後仕至都御史又吳彥華句容人繇進士知荊州府後仕至浙江布政沃類浙江人自御史出知本府

楊瑛字潤卿長洲人成化丁未進士授兵科給事中擢太僕少卿左遷知黃州府嗣是虞濬天台人繼之何亮登州人繇進士累遷兵科給事中出知漢陽府郡人立祠于鳳岡姚曷字趙明成化乙未進士自禮部郎中出知永州府盛應期字斯徵吳縣人弘治癸丑進士左遷同知武昌府後仕至都御史又蔡坤字以寧成化甲申進士自刑科給事中

左遷同知衡州府後擢山西僉事又顧福字天錫長洲人成化丙戌進士授刑部主事轉郎中左遷永州同知後擢吉安知府河南叅政又錢世德字世恒常熟人成化乙未進士歷監察御史謫捷為知縣擢知蘄州後擢山東副使又郁容字容德常熟人成化甲辰進士授刑部主事同知澧州後擢雲南僉事

徐咸字子正海鹽人弘治乙丑進士授知沔陽州捐俸修學發粟賑農遷知襄陽府每募羊叔子杜元凱時登眺吟詠有古人風先孫衍字世昌餘姚人張弘宜字時措華亭人知沔陽俱有善政而咸繼之益自崇樹史官童承叙目為三高咸仕至戶部尚書又胡瀛羅山人自戶部員外知興國俱有善政

登績尚紀後

卷五十一

十九

黃鞏字伯固莆田人弘治乙丑進士授德安推官徵入為刑部主事轉兵部郎中

武宗北狩復南巡鞏上疏四事逮繫杖責嘉靖元年起為南京大理寺丞蕭陽文獻曰甫一時人物鑒所樹立可與天壤俱散矣

劉遜安福人成化戊戌進士授南京監察御史上疏

論中官蔣琮謫知武岡州逮繫詔獄

孝宗親賜鞫問大學士李東陽救免復謫四川都事後遷福建按察使

沈暕字景明浙江雲和人弘治乙丑進士郎中出守武昌修岳武穆祠郡人稱之嗣是何城字叔防嘉靖壬辰進士翰林庶吉士工部郎中出守武昌殊有善政

史南曰古之循良或鳴琴以出政或塞帷以觀俗或閉門以思過或循陌以布惠何也政無定體惟時之宜時無定勢惟道之趨故曰化而裁之存乎變推而行之存乎通知變通者其知時乎觀永清之抗宸濠鞏之扼錢寧善出政者也震之守鄖陽自然之牧實慶亮之長永州善布惠者也福之謫永州遜之寘武岡暕之知武昌善觀俗者也也可不謂賢乎贊曰直道事人三黜奚悲廉節守已九折奚辭群賢蹇滯變通隨時各勵乃志高翔天遠

登績尚紀後

卷五十一

十九

羅列

徐淮 張珏 李邦 姜綰 劉一桂 吳本固

羅列字天爵南海人弘治庚戌進士授蒲圻令才識明敏器量寬洪擢監察御史仕至叅政嗣是徐淮

字伯川廣西人繇進士調知本縣綽有餘裕張珙  
字儒紳新淦人繇鄉舉調知本縣擢工部主事方  
一桂字世芬莆田人繇進士知本縣擢提學御史  
李邦字直卿重慶人繇鄉舉知本縣擢戶部員外  
郎吳本固字道寧商城人繇進士擢戶部郎中沈  
正當塗人繇學正知本縣李桂全州人繇大埔調  
補俱有善政

姜綰字玉卿弋陽人成化戊戌進士授景陵令徵拜  
監察御史陳言時政謫判桂陽尋遷知鎮遠府後  
擢廣東副使胡深新建人繇進士拜監察御史謫

聲績尚紀後

卷五

九十一

知黔陽吳世溥天台人繼之余敬新會人繇進士  
知淑浦楊紳長洲人繇鄉薦繼之王永河南人繇  
鄉舉知邵陽楊銓山東人繇國子生繼之范順休  
寧人知麻陽李春浮梁人繼之俱有善政

劉纓其先新淦人繇進士知滕縣徙武陵徵拜監察  
御史擢太僕少卿仕至南京刑部尚書嗣是應能  
繼之王珂字鳴玉其先崇陽人繇進士知桃源徵  
拜監察御史仕至南京工部尚書又劉信字明節  
繇進士知崇陽擢監察御史仕至參議楊銓字仲  
衡豐城人繇進士知襄陽仕至布政使又趙弼雲

南人繇進士知崇陽胡浚山東人繇鄉舉知通城  
褚潭天台人繇進士繼之王敬涪州人知祁陽喻  
時內江人繇進士繼之潘珏婺源人繇進士知蘄  
州羅勲永州人繇進士知羅田戴中新淦人知黃  
梅林宗同安人知城步吳輒青神人繼之沈孟儀  
知東安唐惟善知江華王介知咸寧蕭立業繼之  
俱有善政

史南曰孔子有言方六七十如五六十非諸侯  
而何今之府州縣即古諸侯國也上應列星出  
宰百里苟為善監司旌之銓曹取之

聲績尚紀後

卷五

九十二

朝廷聖書從而褒異之後世將稱之曰此清白吏也  
苟為害下民怨之上天怒之  
國家法典從而黜罰之後世將指之曰此貪墨吏也  
於乎可不慎哉贊曰唐虞州牧漢唐郡守國之  
禎幹民之父母仰應乾文俯因坤委居是邦者  
正人正己

楚紀卷之五十

楚紀卷之五十一

皇明賜進士經筵日講同修國史奉直學士翰林院侍講學士臣廖壽豐謹撰

登績外紀前篇

夫皇之世厥風泐泐爾時則法乾以為化而無績可名帝之世厥風穆穆爾時則效坤以為政而有績可紀王之世厥風皞皞爾時則立人以為極而庶績咸熙不亦允臧矣乎自漢而後為三國皇宇其昃分也自晉而降為六朝帝社其郵傳也自唐而衰為五代人類其鬼蜮也又自宋而遼而金而元日月晦冥是辰飛流山谷震

登績外紀前篇卷五十一

虧江河湮塞敝也已矣是故有經制之臣以為牧守或朝持節而暮賜劄春剖符而秋解麾者亦多矣夷攷其時尚謀好戰崇譎鮮正雖有豪杰磊落之才魁梧奇偉之氣不過因人成事隨時樹功故曰五霸三王之罪人仲尼之徒無道桓文之事者況叔季人才未必如桓文之徒乎撰登績外紀前篇

孫堅 孫皎 孫奭

孫堅字文臺吳郡富春人少為縣吏年十七與父共載船至錢塘追斬海賊胡玉等由是顯聞府召署

假尉熹平元年刺史臧旻列上功狀詔除鹽漬丞徙盱眙改下邳丞中平元年黃巾賊帥張角起魏郡漢遣車騎將軍皇甫嵩中郎將朱雋將兵討擊之拜堅別部司馬時長沙賊區星攻圍城邑乃以堅為長沙太守到郡親率將士施設方畧旬月克破星等周朝郭石起於零桂與星相應堅討平之三郡肅清漢錄其功封堅烏程侯靈帝崩董卓擅政堅欲舉討之荊州刺史王叡素遇堅無禮堅過殺之比至南陽眾數萬人南陽太守張咨聞軍至晏然自若堅以牛酒禮咨咨明日亦詣堅酒酣長沙主簿入白牽咨於軍門斬之郡中震慄無求不獲前到魯陽與袁術相見術表堅破虜將軍領豫州刺史卓憚堅猛壯乃遣將軍李傕等求和堅曰卓逆天無道蕩覆王室豈與乃和親邪復進軍大谷拒錐九十里引軍還任魯陽初平三年袁術使堅征荊州擊劉表表遣黃祖逆於樊鄧間堅擊破之迫渡漢水遂圍襄陽單馬行覘山為祖軍士射殺堅四子策權翊匡權既稱尊號謚堅曰武烈皇帝

孫皎字叔朗堅之族也初拜護軍校尉遷征虜將軍

代程普督夏口任江夏李元以庶務計擒關羽皎有力焉孫恢亦為武陵太守

孫魚字季明皎之弟也初以中郎將守江夏遵皎舊跡禮江夏閭舉等黃武伍年為權先鋒拜揚威將軍封沙羨侯

史南曰漢自東都播遷乘輿蒙塵帝原陸沉神器動搖老瞞以漢賊窺伺九鼎玄德以帝胃蕩析兩川遂致孫氏發蹤星沙據勢鄂渚雄吞吳會遠跨荆襄雖未混一區宇寔則三分霸業況其起家郡守肇基州牧以子則南面稱孤以孫

登續外紀前

卷五十一

三

則廟庭饗祀固一世之豪也而今安在哉贊曰破虜擊殺江左之雄勳卓威聲奄有成功伯符秀挺仲謀勲崇皎也護軍魚也先鋒爰以表之江夏遺蹤

劉表

劉封附

劉表字景升山陽高平人魯恭王後也身長八尺餘姿貌溫偉與同郡張儉等號為八顧黨禁解辟大將軍何進掾初平元年孫堅殺荊州刺史王叡詔以表代之時江南宗賊大盛又表術阻兵屯魯陽表不得至乃單馬入宜城請南郡人蒯越襄陽人

登續外紀前

卷五十一

四

蔡瑁與共謀畫乃使越誘宗賊帥魁皆斬之唯江夏賊張虎陳坐擁兵據襄陽城表使越與龐季往譬之乃降江南平諸守令聞表威名多解印綬去表遂理兵襄陽以觀時變表術與其從兄紹有隙而紹與表相結故術共孫堅合從襲表表敗堅遂圍襄陽會堅為黃祖流矢所中死餘眾退走及李傕等入長安表遣使奉貢惟以表為鎮南將軍荊州牧封成武侯建安三年長沙太守張羨率零陵桂陽三郡叛表遣兵平之於是北據漢川地方數千里帶甲十餘萬初荊州寇賊相煽糜沸表招誘有方威懷兼合關西兗豫歸者無慮千數表安慰賑贍皆得資全遂起立學校博求儒術綦母闔宗忠撰五經章句愛民養士從容自保及曹操與袁紹相持於官渡紹遣人求助表許之不至亦不援且欲觀變從事中郎南陽韓嵩別駕劉先說表曰今豪傑並爭兩雄相持天下之重在將軍若欲有為起乘其敝可也如其不然固將擇所宜從豈可擁甲十萬坐觀成敗求援而不能助見賢而不肯歸兩怨必集於將軍恐不得中立矣蒯越亦勸之表狐疑不斷乃遣嵩詣操觀望虛實謂嵩曰今天



下未知所定而曹操擁天子都許君為我觀操高  
對曰嵩觀曹公必得志於天下將軍若欲歸之使  
嵩可也如其猶豫嵩至京師天子假嵩一職不獲  
辭命則為天子之臣將軍之故吏耳惟加重思表  
以為憚強之至許果拜嵩侍中零陵太守及還勸  
遣子入侍表大怒以為懷貳陳兵詬嵩將斬之嵩  
不為動容表妻蔡氏知嵩賢諫止之六年劉先主  
奔荊州表厚相結十三年曹操自將征表未至八  
月表疽發背卒在荊州積有年家無餘積二子琦  
琮表初以琮貌類已甚愛之後為琮娶其後妻蔡  
氏之姪蔡氏遂愛琮而惡琦毀言曰聞妻弟蔡瑁  
及外甥張允並得幸於表又睦於琮而琦不自寧  
嘗與諸葛亮謀亮初不對後乃共升高樓因令去  
梯亮曰君不見申生在內而危重耳居外而安乎  
琦意感悟陰規出計會表將黃祖為孫權所殺琦  
遂求代其任及表病甚琦歸省允等恐其見表遂  
逼於戶外使不見琦流涕而去以琮為嗣琮以侯  
印授琦琦怒授之地將因奔喪作難會曹操軍至  
新野琦走江南蒯越韓嵩及東曹掾傅嬰等說琮  
歸降及操軍至襄陽先主奔夏口操以琮為青州

刺史蒯越等封列侯者十五人乃釋嵩為大鴻臚  
蒯越光祿勳劉先尚書令操後敗於赤壁劉先主  
表琦為荊州刺史  
劉封本羅侯寇氏之子長沙劉氏之甥也劉先主至  
荊州養封為子初劉璋遣孟達法正各將兵二千  
人迎先主先主因令達並領兵眾留屯江陵蜀平  
以達為宜都太守建安二十四年命達從秭歸北  
攻房陵太守蒯祺進攻上庸又恐達難獨任乃遣  
封自漢中乘沔水下統達軍與達會上庸太守申  
耽舉眾降遷封為副軍將軍自關羽圍樊城襄陽  
連呼封達令發兵自助封達辭以山郡新附不承  
羽命及羽敗先主恨之又封與達忿爭奪達鼓  
吹懼罪遂率所領降魏  
史南曰臣攷漢史至景升傳未嘗不廢書而嘆  
也炎祚式微群雄窺伺曹瞞圖篡遂以臨四方  
孫堅擅威福以肇三分景升以八顧之姿據列  
侯之郡內掣肘于豔妻外抗衡于勍敵僻則為  
天下僂也厥後劉封起于養養身為降虜固其  
所也贊曰曄史有云表亦長者專命江南擅強  
中夏閱圖漢龍奔群冀 二子琮琦關弓交射

劉封降魏安能久假

周瑜

魯肅 呂蒙 呂岱

周瑜字公瑾廬江舒人初孫策與瑜同年相友善瑜從父尚為丹陽太守瑜往省之會策將東渡馳書報瑜瑜將兵迎策大喜遂從之策欲取荊州以瑜為中護軍領江夏太守留鎮巴丘策薨權代之瑜與長史張昭共掌國事黃祖遣將鄧龍將兵入柴桑瑜擊之虜龍送吳權討江夏瑜為前部大督曹操入荊州劉琮舉眾降議者爭欲迎操瑜曰不然操雖託名漢相實漢賊也將軍以神武雄才割據

卷五十一

卷五十一

七

江東地方數千里兵精足用英雄樂業當橫行天下為漢家除殘去穢况操自送死而可迎之耶今北土未平馬超爭衡非中國所長又盛寒馬無藁草驅中國士眾遠涉江湖不習水土必生疾病此用兵之患也而操皆冒之將軍擒操宜在今日瑜請得精兵三萬人往夏口保為破之權曰老賊欲廢漢自立久矣徒息二袁呂布劉表與孤耳今數雄已滅惟孤尚存孤與老賊勢不兩立君言當擊甚與孤合此天以君授孤也時劉先主為操所破欲引南渡與魯肅遇於當陽遂共圖計遣諸葛亮

詣權權遂遣瑜及程普等與先主協力逆操遇於

赤壁時操軍已病初交戰軍敗退次江北瑜等在

南岸部將黃蓋曰寇眾我寡難與持久然觀操軍

船艫首尾相接可燒而走也乃取蒙衝關艦數十

艘實以薪油灌其中裹以帷幕上建牙旗先書報

操給以欲降又豫走舸各繫船後引次俱前操軍

吏士延望指言蓋降蓋放諸船同時發火時風猛

延燒諸營煙焰漲天人馬燒溺死者甚眾軍遂敗

退還保南郡先主與瑜等復共追之操留曹仁守

江陵徑自遁歸瑜與程普進攻南郡與仁相對各

卷五十一

卷五十一

八

隔大江兵未交鋒瑜即遣甘寧前據夷陵仁分兵騎別攻圍寧寧告急於瑜瑜用呂蒙計留凌統以守其後身自較寧寧圍既解乃屯北岸尅期大戰瑜親跨驍陣會流矢中脇瘡甚仁聞瑜即未起勒兵就陣瑜乃力疾激揚吏士仁退權拜瑜偏將軍領南郡太守以下雋漢昌瀏陽州陵為奉邑屯江陵劉先主以左將軍領荊州牧治公安瑜還江陵為行裝道巴丘病卒時年三十六魯肅字子敬臨淮人孫權住吳周瑜因薦肅才權即見與語甚悅之劉表死肅進曰夫荆楚與國鄰接

水流順北外帶江漢內阻山陵有金城之固沃野萬里士民殷富若撫而有之此帝王之資也今表新亡二子素不輯睦諸將不協劉備梟雄與操有隙寄寓於表若備與彼同心則宜撫安與之平好如有離違宜別圖之以濟大事權從之肅請弔表二子拜慰勞其用事者權即遣肅行至夏口聞曹操已向荊州晨夜兼道比至南郡而表子琮已降劉先主欲南奔肅徑迎至當陽長阪與之會宣權

登續外紀前卷五十一

九

旨先主歎甚肅謂諸葛亮曰吾子畏友也即共定交先主到夏口遣亮使權肅亦及命會曹操欲東諸將議皆勸迎而肅獨不言權知其意執肅手曰卿欲何言肅對曰向察眾議不足與圖大事肅可迎操如將軍不可也今肅迎操當以肅還鄉品其名位將軍迎操欲安所歸願早定大計權歎曰此天以卿賜我也即拜肅奮武校尉代瑜領兵令程普領南郡太守肅初住江陵屯陸口威恩大行眾增萬餘拜漢昌太守先主既定益州權求長沙零桂遣呂蒙率眾進取先主自還公安遣關羽爭三郡肅住益陽與羽相拒肅邀羽相見肅因責數羽曰國家本以土地借卿家者卿家軍敗遠來無以

為資故也今已得益州既無還意但求三郡又不從語未竟坐有一人曰夫土地者惟德所在耳何常之有肅厲聲呵之辭色甚切羽操刀起曰此自國家事是人何知目使之去遂割湘水為界於是罷軍肅年四十六建安二十二年卒子淑為昭武將軍都亭侯武昌督假節還夏口

登續外紀前卷五十一

十

呂蒙字子明汝南人少依鄧當為孫策將數討山越張昭薦蒙代之拜別部司馬從討丹陽有功拜平北都尉征黃祖又與周瑜程普禦曹操於烏林圍曹仁於南郡乃渡江立屯與相攻擊曹仁遁遂據南郡撫定荊州還拜偏將軍魯肅代周瑜之陸口諸蒙酒酣蒙問肅曰今東西雖為一家而羽實熊虎也計安可不豫因為肅畫五策肅於是越席就之拊其背曰呂子明吾不知卿才略所及一至於此遂拜蒙母結友而別時關羽鎮荊土權命蒙西取長沙零桂蒙移書二郡望風歸服惟零陵太守郝普不降而先主自蜀親至公安遣羽爭三郡權特住陸口使程普與魯肅將萬人屯益陽拒羽而飛書召蒙使捨零陵急還助肅初蒙既定長沙當之零陵過鄧會曹操引退拜蒙虎威將軍魯肅卒

蒙代之屯陸口拜漢昌太守食下雋瀏陽漢昌州  
陵與羽分土接境知羽驍雄居國土流蒙乃密陳  
計圖之權深納其策肅初至陸口外脩恩厚後羽  
討樊留兵備公安南郡蒙遂稱病篤權乃露檄召  
蒙還陰與圖計羽果信之稍檄兵以赴樊魏使于  
禁收樊羽盡擒禁等權聞之遂行先遣蒙在前蒙  
至潯陽伏其精兵艤艫中使白衣搖櫓作賈人服  
晝夜兼行至羽所至江邊屯候盡收縛之故羽不  
聞知到南郡士人糜芳皆降蒙入據城得羽及將  
士家屬皆撫慰令軍中毋擾蒙麾下取民一笠覆

鎧垂涕斬之於是道不拾遺蒙恤耆老軫疾病羽  
府藏財寶封以待權至羽還在跽數使人與蒙相  
聞蒙輒厚遇其使周游城中手書示信羽入還私  
相參訊知家問無恙過於平時故羽吏士無鬪心  
會權尋至羽走麥城西至漳鄉眾皆委羽而降權  
使朱然潘璋斷其徑路即父子俱獲荆州遂定以  
蒙為南郡太守封孱陵侯

呂岱字定公廣陵海陵人始為掾詣孫權幕府建安  
二十年督孫茂取長沙三郡安成攸永新茶陵四  
縣權留岱鎮長沙安成袁龍據醴陵權遣魯肅攻

攸黃龍三年召岱還屯長沙區口會武陵變動岱  
與潘濬共討定之嘉禾三年權令代領潘璋士眾  
屯陸口後徙蒲圻四年廖式起兵應諸葛亮零陵  
蒼梧鬱林諸郡咸應之岱自表輒行星夜兼路復  
還武昌時年已八十然體素精勤躬親國事代督  
右部自武昌上至蒲圻遷上大將軍拜子凱副軍  
校尉監兵蒲圻孫亮即位拜大司馬岱清公所在  
可述太平元年卒年九十六

史南曰臣攷諸三國志評云曹操挾天子掃群  
傑新濫荆城仗威東夏議者莫不疑貳周瑜魯

肅建獨斷之明出眾見之表呂蒙列屯陸口呂

岱督師蒲圻故壘尚存遺風猶烈惡得而弗紀  
軋贊曰公瑾人豪少年天挺子敬儒將內融機  
警子明定策刮目存省定公出鎮耄年克謹

陸遜 陸抗 陸凱

陸遜字伯言吳郡人孫權起兵遜為幕府令史拜定  
威校尉呂蒙在建業遜往見之曰關羽矜其驍氣  
陵轢於人始有大功意驕志逸今出其不意自可  
擒制蒙見權問計蒙對曰陸遜意思深長才堪負  
重觀其規慮終可大任而未有遠名非羽所忌可

用也構乃拜遜偏將軍右都督代蒙遜至陸口為書與羽羽不之疑遜與呂蒙為前部至公安南郡遜進克之領宜都太守拜撫邊將軍封華亭侯時先主宜都太守樊友委郡走諸城長吏及蠻夷酋長皆降建安二十四年遜遣將軍李異謝旌等攻蜀詹晏陳鳳又攻其房陵太守鄧輔南鄉太守郭睦大破之權以遜為右護軍鎮西將軍進封婁侯時荊州士人新附遜上疏曰昔漢高受命招延英異光武中興群俊畢至苟可以熙隆道教不必分其遠近今荊州始定人物未達臣愚以為並獲自進然四海延頸思歸大化權敬納之黃武元年劉先主從巫峽至夷陵立數十屯使將軍馮習為太督張南為前部輔匡趙融廖淳傅彤等各為別督先遣吳班將數千人於平地立營欲以挑戰諸將皆欲擊之遜曰此必有譎且觀之權加拜遜輔國將軍領荊州牧改封江陵侯嘉禾伍年權北征使遜與諸葛瑾攻襄陽滿遣將軍周峻張梁等擊江夏新市安陸石陽盛峻等奄至人皆入城城門噓不得開江夏功曹趙濯益陽備將裴生及夷酋梅順等並率支黨來附遜傾財周贍又魏江夏太守

遜式無領兵馬為邊患遜討平之後坐與太傅吳粲交書憤恚卒年六十二次子抗族子凱陸抗字幼節孫策外孫也初襲父爵建衡二年拜抗都督會羊祜率軍江夏諸將謂江夏平行道路通利抗令江陵督張咸作大堰遏水漸漬以絕寇叛祜令巴東監軍徐胤詣荊州刺史楊肇至西陵抗檄張咸固守公安督孫遵巡南岷破晉兵加拜都護未幾進大司馬荊州牧卒于晏嗣弟景玄機雲並有才名陸凱字敬風遜族子也黃武初為永興長五鳳二年討山賊陳忠於零陵拜巴丘督偏將軍封都鄉侯武昌右都督與諸將共赴壽春還遷綏遠將軍凱言武昌土地危險墻堞非王都安國養民之處船泊則沉漂陵居則峻危且童謡言寧飲建業水不食武昌魚寧還建業死不止武昌居臣聞翼星為變熒惑作妖童謡之言生於天心願留神思簡文武之臣定軍國之計務脩仁化丕拯黎民時何定佞巧凱切責之建衡元年卒年七十二子禕為黃門侍郎

史南曰臣攷諸吳志稱遜忠誠懷至憂國忘身

庶幾社稷之臣夫所謂社稷臣者以安社稷為悅者也遜委質于國抗流名于時而凱亦有聲于後謂為吳之良臣足矣豈社稷忘身者倫哉贊曰仲謀昂足伯言壯猷抗以徽嗣凱以智謀吳國雋流楚邦好仇名紀國史永世垂休

關羽

張飛 黃忠 趙雲

關羽字雲長河東解人劉先主自樊南渡遣羽乘船數百艘會江陵曹操追至當陽長阪先主斜趨漢津適與羽值甚至夏口遣兵相助先主拒操引軍收江南諸郡以羽為襄陽太守加盪寇將軍駐江

登續外紀前

卷五十一

十五

北先主西定益州拜羽董督荊州事為前將軍假節鉞是歲羽率眾攻曹仁於樊又南郡太守糜芳在江陵將軍傅士仁素皆嫌羽自輕已羽之出軍芳供給軍資不悉相救羽言還當治之芳仁懷懼於是權因誘芳仁芳仁使人迎權而操遣徐晃救曹仁羽不能克引軍退還權已據江陵盡虜羽士眾妻子羽軍遂散權遣將逆擊斬羽及子平于臨沮先主追謚羽曰壯繆侯

張飛字翼德涿郡人初從劉先主入荊州奔江南曹操追之及於當陽之長阪先主棄妻子走使飛將

二十騎殿後飛據水斷橋瞋目橫矛曰我是張翼德也可來共決死敵皆無敢近者故遂得免先主既定江南以飛為宜都太守征虜將軍封新亭侯轉牧南郡先主入益州以飛領巴西太守章武元年遷車騎將軍領司隸校尉進封西鄉侯

黃忠字漢升南陽人劉表以為中郎將與表從子磐共守長沙攸縣及曹操克荊州假裨將軍仍就故任劉先主南定諸郡忠隨入蜀自葭萌受任還攻劉璋忠常先登陷陣勇冠三軍益州既定拜討虜將軍建安二十四年擊夏侯淵斬之淵軍大敗遷

登續外紀前

卷五十一

十六

征西將軍賜爵關內侯卒謚剛侯子叙趙雲字子龍真定人初從劉先主追至當陽長阪牙門將軍及入蜀留雲守荊州建興元年為鎮南將軍封永昌亭侯五年隨諸葛亮駐漢中卒贈順平侯

史南曰漢鼎三分炎威九域先主以帝胃崛起西蜀孔明以王佐力圖中原而雲長益德情貌虎之資匡扶龍幄漢升子龍際風雲之會挽回日馭其靖難之忠籌變之畧有足嘉尚故備錄之贊曰雲長赳赳匡世扶翊益德桓桓翻飛震



激漢升士望孔明雅器子龍是膽敵國知畏若

茲數子名流將裔

鍾離牧 全琮 程普 步騭 嚴畯

鍾離牧字子幹山陰人永安六年蜀并于魏武陵五  
谿夷與蜀接界乃以牧為平魏將軍領武陵太守  
往之郡魏遣郭純守武陵率涪陵民入魏屯赤沙  
誘致諸夷進攻酉陽郡中震懼牧問諸吏曰西蜀  
傾覆遠境見侵何以禦之皆對曰二邑山險諸夷  
阻兵不可以軍恐彼盤詰宜以漸安牧曰不然外  
境內侵誑誘人民當及其根柢未深而撲取之此

續外紀前

卷五十一

七

救火貴速之勢也勅外趣嚴掾史沮議者便行軍  
法撫夷將軍高尚說牧曰昔潘濬督兵五萬討五  
谿夷是時劉氏連和諸夷率化今既不往援而郭  
純已據遷陵明府以三千兵深入未見其利也牧  
曰非常之事何得循舊即率所領晨夜進道緣山  
險行斬魁帥百餘人及其支黨凡千餘級五谿平  
遷公安督陽武將軍封都鄉侯復假節領武陵太  
守卒子棉嗣代領兵又有滕牧者仕孫皓鎮武昌  
恩惠並行人稱其能

全琮字子璜錢塘人父柔漢靈帝時補尚書郎右丞

董卓之亂棄官歸州徙桂陽太守柔嘗使琮齎米

數千斛到吳琮皆散之空船而還柔怒琮曰愚以  
所市非急而士大夫方有倒懸之患故便賑贍不  
及啓報衆更奇之是時中州士人避亂南依琮居  
者以百數琮傾家賑之二十四年關羽圖樊襄陽  
琮上疏陳羽可討孫權時已與呂蒙陰議襲之恐  
事泄故寢其表及擒羽權置酒公安顧謂琮曰君  
前陳此孤雖不相答今日之捷抑亦君之功也於  
是封華亭侯遷綏南將軍亦烏丸九年擢大司馬卒  
子憚嗣封臨湘侯

續外紀前

卷五十一

八

程普字德謀北平人仕吳拜盪寇中郎將領零陵太  
守討劉勲於潯陽攻黃祖於沙羨還鎮石城又從  
征江夏別討樂安與周瑜為左右督破曹操于烏  
林走曹仁于南郡拜裨將軍領江夏太守治沙羨  
食四縣在諸將中普最年長時人皆呼程公性好  
施喜士大夫瑜卒代領南郡太守權分荊州普復  
還領江夏遷盪寇將軍卒又有雷譚者仕吳為宜  
都太守諱令明肅威震鄰敵

步騭字子山淮陰人建安十六年拜征南中郎將延  
康元年孫權遣呂岱代騭之長沙會武陵蠻亂權



命騭上益陽零桂諸郡猶相驚擾騭周旋征討  
平之黃武三年遷右將軍改封臨湘侯子協嗣統  
騭所領加撫軍將軍協弟闡繼為西陵督加昭武  
將軍協之子璣監江陵諸軍事改封江陵侯璿給  
事中封都鄉侯

嚴峻字曼才彭城人與諸葛瑾步騭齊名性質直純  
厚志存補益張昭進之權以峻代魯肅督兵鎮陸  
口人咸為峻喜峻前後固辭發言慷慨至于流涕  
弟略為零陵太守又有吳彥者仕孫皓造鐵鎖以  
斷江流晉師至克禦之

登續外紀前

卷五十一

九

史南曰臣攷吳志鍾離牧守武陵全琮守桂陽  
或建平蠻之勲或施賑荒之策至若程普之平  
江夏步騭之靖零陵嚴峻之鎮陸口皆有可書  
故不之遺云贊曰臣各為主功與時偕牧琮之  
績普騭之才鴻漸于遠升吉之偕峻也齊名南

土攸懷

諸葛瑾

諸葛恪

朱然

朱績

諸葛瑾字子瑜琅邪陽都人漢末避亂江東建安二  
十年孫權遣瑾使蜀通好劉先主與其弟丞相亮  
公會相見退無私面與權談說諫喻未嘗切愕

見風采粗陳指歸後從討關羽封宣成侯以綬南  
將軍代呂蒙領南郡太守駐公安黃武元年遷左  
將軍督公安假節封宛陵侯赤烏四年卒子恪嗣  
封侯弟融襲爵攝駐公安秋冬則射獵講武春則  
延賓高會休吏假卒豪杰景附後坐事誅

諸葛恪字元遜瑾長子也弱冠拜騎都尉與顧譚張  
休等侍孫登講論道藝並為賓友從中庶子轉為  
左輔都尉會陸遜卒任恪大將軍假節駐武昌代  
領荊州事久之權不豫乃徵還後坐事誅

朱然字義封丹陽人黃武元年劉先主攻宜都然督  
登續外紀前

卷五十一

十

五千人與陸遜并力拒之攻破前鋒斷其後道拜  
征北將軍封永安侯魏遣曹真夏侯尚張郃等攻  
江陵時然城中兵多腫病堪戰者裁五千人起土  
山鑿地道立樓櫓臨城弓矢兩注將士皆失色然  
晏如無恐方厲吏士伺間攻破西屯然被圍凡六  
月未退江陵令姚泰領兵備城北門見外兵盛城  
中人少食謀為內應垂發事覺然治戮泰尚等不  
能克乃退由是名震敵國改封當陽侯子績  
績字公緒以父任為郎後拜建忠都尉叔父才卒  
績領其兵隨太常潘濬討五溪以膽力稱遷偏將

軍魏征南將軍王昶攻江陵城不克而退績與奮威將軍諸葛融移檄激厲績引兵及昶與紀南步城三十里績先戰勝而融不進績後失利權深嘉之

史南曰武侯以天挺之資負王佐之才翊運宣勞撫忠盡力而瑾之父于不失其親然之父子各為其主蓋升降者時廢興者跡識時勢者不在俊傑矣乎贊曰赤烏紀年黃龍時見不有哲人疇能非識瑾恪克勤然績克儉回視武侯有覩其面

卷五十一

井寧

井寧

井寧

井寧

井寧

井寧字祖霸臨江人初從孫權周瑜呂蒙薦之寧說權曰漢祚日微曹操彌憐終為篡盜南荆之地山陵形便江川通利誠有國之險也寧觀劇表慮既不遠兒子又劣匪克承業當早規之權深加納後盡獲其士衆遂授寧兵屯當口隨周瑜拒曹操攻曹仁寧建計攻破夷陵守之曹仁乃令五千人圍寧寧受攻累日敵設高樓雨射城中士衆皆懼寧談笑自若遣使報周瑜瑜用呂蒙計帥諸將解圍復隨魯肅鎮益陽拒關羽拜西陵太守領陽新下

雒兩縣後從攻皖城破之拜折衝將軍

井卓字季思丹陽人秦丞相茂後也晉元帝初渡江授卓前鋒都督揚威將軍進爵南鄉侯尋遷湘州刺史辟零陵谷儉為秀才命州厚禮遣之未幾儉節督沔北諸軍鎮襄陽卓外柔內剛善於綏撫王敦稱兵遣使告卓卓佯為許卒不赴使參軍孫雙詣武昌諫止敦聞雙言大驚曰井侯何異卿還言之雙還報卓卓不能決時湘州刺史譙王承遣主簿鄧騫說之卓咲曰桓文之事豈吾所能願盡心于國家乃可稱南平太守夏侯承宜都太守譚該俱露檄陳敦肆逆率所統致討遣參軍司馬譚孫雙奉表詣臺參軍羅英至廣州與陶侃期參軍鄧騫虞冲至長沙令譙王承堅守征西將軍戴若思得卓書表上之武昌驚傳卓軍至人皆奔散詔遷卓為鎮南大將軍侍中都督荆梁二州諸軍事陶侃得卓信即遣參軍高寶率兵援之卓軍次猪口累旬不前敦知卓無備乃襲害之傳首于敦四子皆被害太寧中追贈驃騎將軍謚曰敬

潘璋字文瑋東郡人劉表在荊州民數被寇自璋在事寇不入境權即分宜都至秭歸二縣為固陵郡

卷五十一

井卓

井卓

拜璋為太守振威將軍封溧陽侯其寧卒又并其軍劉備出夷陵璋與陸遜并力拒之拜平北將軍襄陽太守魏將夏侯尚等圍南郡璋曰魏勢始盛江水又淺未可與戰將所領到魏上流五十里伐薪數百萬束縛作大筏欲順流行筏伺水長當下尚引退璋備陸口拜右將軍

史南曰臣嘗艤棹富池謁井將軍祠見蘇長公祈風有應遂默禱之以為徽土之謫判循夫黃郡之團練也已而波濤水怪互隱迭見果獲其應及攷晉史又得井刺史卓遂同傳云贊曰忠

登續外紀前

卷五十一

三

臣殉國烈士殉時二井之勲光照常旂富池禱風神應幽期滿璋襄力舍命不渝書之同傳永

世名貽

羊祜 社預

羊祜字叔子泰山南城人蔡邕外孫也少聰穎長博學能屬文文帝為大將軍辟祜未就公軍徵拜中書侍郎俄遷黃門給事中爵關中侯以祜都督荊州諸軍事祜率營兵出鎮南夏開設庠序綏懷遠近甚得江漢心與吳人開布大信令吳罷守戍咸遷卒其始至軍無百日糧及至季年有十年積詔

置中郎將以所統諸軍在漢東江夏者皆以益祜常輕裘緩帶身不被甲鈴閣之下侍衛不過十數人吳西陵督步闡舉城來降陸抗攻之甚急詔祜迎闡祜率兵出江陵遣荊州刺史楊肇攻之不尅闡竟為抗所擒有司奏祜遠詔坐貶為平南將軍吳將鄧香掠夏口祜募生縛香既至宥之香率部來降祜每會眾江沔遊獵常止晉地或禽獸為晉兵所得者皆封還之吳人悅服祜與陸抗相對使命交通抗稱祜之德量雖樂殺諸葛孔明不能過也抗嘗病祜饋之藥抗服之不疑人多諫抗抗曰

登續外紀前

卷五十一

三

羊叔子豈歃人者耶祜樂山水每風景必造峴山置酒言詠終日不倦嘗慨然歎息顧謂中郎鄒湛等曰自有宇宙便有此山由來賢達登望多矣渙滅無聞使人悲傷湛曰公德冠四海道嗣前哲令聞令望必與此山俱傳會吳人寇襄陽江夏略戶口詔詰其故祜曰江夏去襄陽八百里比知賊聞已經數日矣軍方往安能救之勞師以免責非事宜也祜嘗有疾帝欲使祜卧護諸將祜曰取吳不必須臣自行但既平之後當勞聖慮耳疾漸篤乃舉杜預自代尋卒時年五十八南州人士聞祜喪

莫不號慟罷市巷哭吳守邊將士亦為之泣贈侍中太傅謚曰成襄陽百姓於峴山祔平生游憩之所建碑立廟歲時饗祭焉杜預因名為墮淚碑杜預字元凱京兆杜陵人文帝嗣立預尚帝妹高陸公主起家拜尚書郎襲爵豐樂亭侯時帝密有滅吳之計朝議多違唯預羊祜張華與帝意合祜病舉預自代假預節領鎮南將軍都督荊州諸軍事預至鎮繕兵甲耀威武簡精銳襲吳西陵督張政大破之預欲問吳邊將乃表還其所獲之衆於孫皓果召政還遣武昌監劉憲代之預嘗啓請伐吳之期帝報待明年預表陳賊之窮計力不兩完先認上流勤保夏口以延視息陛下過聽委棄大計縱敵患生此誠國之遠圖天時人事不得如常臣恐其更難也時帝與中書令張華圍棋而預表適至華推枰歛手曰吳主荒淫驕虐誅殺賢能當今討之可不勞而定帝乃許之預以太康元年正月率兵江陵遣參軍樊顯戶林鄧圭襄陽太守周奇等循江西上授以節度旬日累剋皆如預策又遣牙官管定周旨伍巢等率奇兵泛舟夜渡以襲樂鄉多張旗幟起火巴山進逼江陵吳都督孫歆震

恐與伍延書北來諸軍乃飛渡江於是沅湘以南至于交廣吳之州郡望風送印綬預仗節綬撫之孫皓既平振旅凱入進爵當陽縣侯封子耽為亭侯預以天下雖安忘戰必危勤於講武脩立泮宮江漢懷德攻破山夷錯置屯營分據要害又脩石信臣遺跡激湫涓諸水以浸原田分疆刊石使有定分公私同利衆庶賴之號曰杜父舊水道唯沔漢達江陵千數百里北無通路又巴丘湖沅湘之會表裏山川實為險固荆蠻之所恃也預乃開楊口起夏水達巴陵千餘里內瀉長江之險外通零桂之漕南土歌之曰後世無叛由杜翁孰識智名與勇功預刻石為二碑紀其勲績一沉萬山之下一立峴山之上曰焉知此後不為陵谷乎預身不跨馬射不穿札立功之後從容無事耽思經籍為春秋左氏經傳集解又撰女記秘書監擊虜賞之時王濟解相馬和嶠頗聚歛預常稱濟有馬癖嶠有錢癖武帝聞之謂預曰卿有何癖對曰臣有左傳癖預初在荊州因宴集醉卧齋中外人聞嘔吐聲竊窺於戶見一大蛇垂頭而吐聞者異之徵為司隸校尉加位特進行次鄧縣而卒時年六十三

贈征南大將軍謚曰成子錫起家長沙王又文  
累遷太子舍人

史南曰臣攷諸晉史稱泰始之際羊叔子垂大  
信于南服傾吳人于漢渚杜元凱振長策而攻  
取無儒風而轉戰不其優與以今論之二子有  
功於晉有利於楚者也輕裘緩帶以示整暇勒  
碑著書以垂廣遠其忠臣不私者耶晉史贊曰  
漢地西隄吳江左迴羊公恩信百萬歸來昔之  
誓旅懷經罕素元凱文場稱為武庫

劉弘 荆恒 仇勃 郭貞

登績外紀前 卷五十一

主七

劉弘字和季沛國相人太安中張昌作亂轉使持節  
南蠻校尉荊州刺史率前將軍趙驤等討昌有功  
遷鎮南將軍都督荊州諸軍事弘遣南蠻長史陶  
侃為大都護參軍荆恒為義軍督護牙門將皮初  
為都戰帥進據襄陽初范陽王虓遣長水校尉張  
奔領荊州弘至奔不受代舉兵拒弘弘討奔斬之  
張昌竄于下雋山弘又討昌斬之時荆部守宰多  
闕弘請補選帝從之弘表曰徵士伍朝補零陵太  
守以懲波蕩之弊養退讓之操長史陶侃參軍荆  
恒牙門皮初戮力致討蕩滅奸凶忠勇冠軍漢河

清肅臣以初補襄陽太守侃為府行司馬恒為山  
都令然歸鄉令虞潭忠誠烈正特補醴陵令南郡  
吏仇勃母老疾困守衛不移尚書令史郭貞不受  
偽命遁逃不出皆可以訓獎臣子長益風教臣輒  
以勃為歸鄉令貞為信陵令皆功行相參循名校  
實條列行狀帝從之以弘婿夏侯陟為襄陽太守  
舊制峴方二山澤中禁民捕魚弘下令弛之益州  
刺史羅尚為李特所敗遣使告急遂以零陵米三  
萬給之時流人在荊州十餘萬戶羈旅貧乏弘乃  
給其田種擢其賢才隨資叙用進拜侍中鎮南大

登績外紀前 卷五十一

主八

將軍弘專督江漢威行南服前廣漢太守羊冉說  
弘以從橫之事弘斬之後以蔣超為江夏太守陶  
陵為武陵太守應詹為寧遠將軍委侃以討陳敏  
事三年進車騎將軍卒于襄陽士女嗟痛若喪所  
親贈新城郡公謚曰元弘子璠為順陽內史江漢  
歸心及山簡代之簡至知璠得衆心恐百姓逼以  
為主表陳之由是徵璠為越騎校尉

史南曰臣攷晉史稱弘居方牧之地振異起之  
風自幽徂荆豺狼斂跡舉賢登善孔翠拔毛一  
州清晏百姓安堵易謂貞固足以幹事其是之

與贊曰和李承恩建旗南服威靜荆塞化揚江  
澳戮力天朝匪忘忠肅吁嗟厥名永世不沒

陶侃 陶稱 陶臻 李陽 殷浩 附

陶侃字士行鄱陽人徙家潯陽侃舉孝廉至洛陽數  
詣張華與語異之除郎尚書樂廣欲會荆揚士人  
武庫令黃慶進侃於廣曰此子終當遠到慶後為  
吏部令史補侃武岡令會劉弘為荊州刺史辟侃  
為南蠻長史遣討張昌破之以軍功封東鄉侯陳  
敏亂弘以侃為江夏太守加鷹揚將軍敏遣弟恢  
來寇武昌侃出兵禦之隨郡內史扈環間侃於弘

登續外紀前

卷五十一

三

曰侃與敏有鄉里舊脫有異志則荊州無東門矣  
弘曰侃之忠吾知之侃遣子洪及兄子臻詣弘以  
自固弘引為參軍加侃督護使與諸君并力距恢  
侃乃以運船為戰艦擊恢所向必破侃戎政齊肅  
凡有虜獲皆分士卒身無私焉頃之遷龍驤將軍  
領武昌太守時山夷多斷江劫掠侃令諸將生獲  
數人整陣於釣臺為後繼縛西陽王柔帳下二十  
人斬之自是水陸肅清時周顗為荊州刺史賊掠  
其良口侃使部將朱伺救之賊退保冷口侃謂諸  
將晝夜三日行可至武昌賊果增兵來攻侃使朱

登續外紀前

卷五十一

三

伺等逆擊大破之加寧遠將軍南蠻校尉荊州刺  
史領西陽江夏武昌鎮于沌口又移入沔江遣朱  
伺等討江夏賊殺之賊王冲據江陵王貢還至竟  
陵矯侃命以杜魯為前鋒進軍斬冲悉降其衆杜  
魯復叛敗朱伺於沔口侃欲退入湏中部將張弈  
將貳於侃侃惑之賊至釣侃所乘艦侃走入小船  
朱伺力戰獲免杜弢將王貢出武陵誘五谿夷以  
舟師斷官運徑向武昌侃使鄭攀及伏波將軍陶  
延夜趣巴陵潛師掩其不備大破之貢遁還湘城  
賊中離阻杜弢疑張弈殺之衆情益懼降者滋多  
太興初進平南將軍王敦平遷都督荆雍益梁諸  
州軍事領南蠻校尉征西大將軍荊州刺史楚郢  
士女莫不相慶侃終日歛膝危坐閫外多事罔有  
遺漏引接疎遠門無停客語曰大禹惜寸陰衆人  
當惜分陰豈可逸遊時造船木屑竹頭悉令不棄  
後會積雪以屑布地及桓溫伐蜀以所貯竹頭作  
釘裝船其綜理微密皆此類也蘇峻作逆殺侃子  
瞻平南將軍溫嶠要侃同赴侃妻龔氏固勸自行  
於是戎服登舟與溫嶠庾亮等俱會石頭王導入  
石頭城令取故節侃咲曰蘇武節似不知是導有



慚色侃旋江陵尋以為侍中太尉改封長沙郡公  
移鎮巴陵遣諮議參軍張誕討五谿夷平之侃命  
張夔子隱為參軍范達子珧為湘東太守辟劉弘  
曾孫安為掾屬遣子斌與中郎桓宣伐樊城走  
石勒將郭敬使兄子臻為竟陵太守李陽等共破  
新野遂平襄陽拜大將軍劔履上殿侃與疾出臨  
津卒于樊谿時年七十六謚曰桓故吏刊碑畫像  
於武昌侃在軍四十載雄毅有權明悟善決斷  
自南陵迄于白帝數千里中路不拾遺嘗課諸營  
種柳都尉夏施盜柳植之已門侃見問曰此是武

登續外紀前

卷五十一

王

昌西門柳何因盜來施惶怖謝罪時殷浩庾翼等  
皆為佐吏侃每飲酒有限浩等勸更少進侃懷懷  
良久曰年少曾有酒失故不敢踰其慎約多此類  
也子十人

陶稱侃子也初為中郎將南平太守南蠻校尉性慤  
勇不為與諸弟不協後加建威將軍咸康五年庾  
亮以侃為監江夏隨義陽三郡軍事江夏相以所  
領二千八百人自隨到夏口輕將二百人見庾亮亮大  
會吏佐責侃前後罪惡稱拜謝因罷出亮使人於  
閤外收之棄市弟臻字彥遐有勇略賜爵當陽亭

侯咸和中為南郡太守領南蠻校尉卒追贈平南  
將軍謚曰肅

史南曰臣攷諸陶靖節撰孟嘉傳及長沙公詩  
乃知靖節本侃之裔嘉之甥也晉史稱士行拔  
萃陬落比肩髦俊超居外相宏總上流布澤懷  
邊則嚴城靜析釋位匡主則淪鼎載寧運甓効  
勞析翼符夢信矣贊曰士行勤王擁旆疆場任  
隆三事功宣一匡緊賴之重匪但舟航靖節宣  
幽垂譽無疆

王濬

登續外紀前

卷五十一

王

王濬字士治弘農湖人也太康元年濬為益州刺史  
自表伐吳正月濬發自成都作大筏數十方百餘  
步縛草為人被甲持杖令善水者以筏先行遇吳  
人所置鐵錐輒著筏去又作火炬長十餘丈大數  
十圍灌以麻油遇鎖融液斷絕二月庚申剋吳西  
陸獲其宜都太守虞忠壬戌剋荊門夷道二城乙  
丑剋樂鄉進濬為平東將軍至武昌夏口兵不血  
刃攻無堅城遂底建康孫皓出降吳平六年卒謚  
曰武

王戎字濬仲臨沂人貢陽侯渾之子也幼穎悟神彩



秀微視日不眩年十五隨渾在郎舍兄鑒人倫渾卒襲爵歷吏部黃門郎領荊州刺史受詔伐吳遣參軍羅尚劉喬為前鋒攻武昌吳江夏太守劉即來降吳平進爵安豐侯戎撫慰新附宣揚威惠荆上悅服徵為侍中遷光祿勳吏部尚書卒謚曰元王澄字平子少歷顯位遷建威將軍荊州刺史領南蠻校尉會王如寇襄陽澄前鋒至宜城遣使詣山簡為如黨嚴疑所獲澄委罪于長史蔣俊殺之巴蜀流人散處湖湘為亂澄使內史王機討之流人推杜弢為主南破零桂東掠武昌澄無所事事與

登續外紀前

卷五十一

三十一

機縱酒及山簡參軍王冲叛澄懼遣杜蕤守江陵又使天門太守庖環次益陽卒無成功文帝初徵為軍諮祭酒與王敦相詬被害時年四十四敦平詔復澄官謚曰憲

王舒字處明晉丞相導之從弟也太寧初為荊州刺史領南蠻校尉監荊河軍事王敦敗王含父子俱奔舒悉沉之江進都督荊州後以陶侃代之舒不樂徙湘州刺史封彭澤侯謚曰穆又有王廙者字世將敦之弟也初為太傅掾轉參軍封武陵侯敦叛帝遣廙往諭被留為刺史

王鑒字茂高堂邑人元帝為侍郎杜弢叛鑒上疏勸帝親征語在晉史有曰進左軍於武昌為陶侃之重建名將于安成連其卓之壘南望交廣西撫蠻夷杜弢之首懸麾下矣會弢平出補永興令

史南曰臣改晉史王氏自王濬平吳翊運而宗支繁衍王映金粹郎弟昌隆鴻儀燕賀乃若濬仲之簡易名重銓曹平子之暢達才疎戎府而世將嗣美受制王敦丞相導謂亂臣賊子近出臣族嗟乎其復滿盈之戒矣乎贊曰諸王翹楚晉室之杰入綜台衡出揚風烈濬仲可嘉平子

登續外紀前

卷五十一

三十二

中折世將被拘胡稱閹閔

桓宣

桓冲 桓豁 桓石

桓宣譙國鉉人也初為晉元帝開府舍人轉參軍陶侃討郭默默求救于宣宣為許之西陽太守鄧嶽武昌太守劉詡皆疑宣與默通邵陵人陳光率部降宣嶽詡乃遣王隨說宣曰明府心無以自明惟以祖戎付隨耳宣乃遣戎與隨俱陶侃辟戎為掾以宣為武昌太守尋遷江夏相乃遣子陶斌與宣攻樊城拔之竟陵太守李陽又破石勒將郭敬遂平襄陽侃使宣鎮之宣招懷初附勤課農桑簡刑

蜀略威儀或載鉏耒千軺軒或親耘穫于隴畝能得衆心以寡擊衆十餘年間石勒不敢南向者宣力居多論者以為次于祖逖周訪庾亮代侃以宣都督沔北假節鎮襄陽石勒三面攻城宣募精勇出其不意殺傷大半庾翼代亮復以宣都督三州四郡封竟陵縣男宣久在襄陽撫綏舊舊甚有稱卒贈鎮南將軍又有桓譙字敬祖為荊州刺史桓冲字幼子溫之諸弟冲有武幹弱冠武陵王晞辟不就除鷹揚將軍西陽太子遷督荊州七郡會姚襄將張駿掠武昌府庫冲討獲之進監江荆六軍

登續外紀前

卷五十一

三五

事冲到荊州值苻堅強盛乃上疏曰自中興以來荊州所鎮隨宜回轉事與時遷勢無常定今宜全重江南輕戍江北且尋陵樂鄉北枕大江西接三峽若狂狡迭死則舊郢以北堅壁不戰遠乘其疲撲翦為易臣司閫外隨宜處分於是移鎮上明使將軍劉波守江陵楊亮守江夏厥後苻堅寇樊鄧冲遣江夏相劉爽中郎將朱房擊之及其兄子振威將軍石民冠軍將軍石虔拔武當冲還鎮表以石民督荊江十郡詔從之卒年五十七謚曰宣穆封其子為宜陽侯西中郎將荊州刺史嗣為江夏

相鎮夏口脩尚武昌公主為龍驤將軍荊州刺史桓豁字朗子桓彝之子也初辟秘書郎簡文帝召為撫軍從事後監荆楊諸郡南蠻校尉荊州刺史時司馬勳以梁益叛豁與竟陵太守羅崇尚討之苻堅寇蜀豁遣江夏相竺瑗距之太元初遷豁征西大將軍豁上疏曰三台麗天辰極增耀論道作弼王猷時宣弘易簡以翼化暢玄風於宗極故宜明楊文陋登庸賢雋臣階藉門寵遂叨非據伏望回神玄覽追收繆眷帝不許尋卒時年五十八子二十人石虔石民石秀知名

登續外紀前

卷五十一

三五

桓石虔字鎮惡從父荊州獵拔猛獸中箭人皆壯之後擊苻堅將王鑒于石橋除竟陵太守堅遣偽荊州刺史梁戒襲陽太守閻震寇竟陵石虔與弟石民距之進據樊城逐堅刺史張崇太元十三年卒追贈作唐侯弟石民領襄城太守虔夏口與隨郡太守夏侯澄破苻堅將慕容垂于漳口詔遷荊州刺史石虔為荊州刺史封武陵王石秀幼有令名為竟陵太守又有桓振字道金為江夏相鎮西將軍荊州刺史

史南曰桓氏左晉若溫之跋扈玄之染鼎不能

流芳百世祇以貽臭萬年其間功浮于過用稱其才若宣之拒石勒冲之禦符堅豁之討司馬勲石虔之擊王鑒皆宣勞于國者也是故美刺不嫌同辭焉爾贊曰諸桓崛起憑藉寵靈宣衡典午冲杆符秦朗子上疏鎮惡却兵彼善于此惡得無名

庾亮 庾翼 庾綽 庾冰 庾登

庾亮字元規晉明穆皇后之兄也亮姿容善談論性好老莊風格峻整元帝辟西曹掾甚器重之預討華軼功封都亭侯拜中書郎侍講東宮累遷給

登績外紀前

卷五十一

三七

事中黃門侍郎散騎常侍封永昌縣公與司徒王導受遺輔政陶侃卒遷亮都督六州領江荆豫三州刺史進征西將軍移鎮武昌亮欲率眾黜王導以郗鑒不從而止時石勒死亮有開復中原之志乃使將軍毛寶太守樊峻精兵萬人俱戍邾城以陶稱為中郎將江夏相率部曲入沔中亮弟翼為南郡太守鎮江陵以武昌太守陳騫為輔國將軍執荊州刺史李閔巴郡太守黃植送京師乃上疏曰襄陽北接宛許南阻漢水其險足固其土足食臣宜移鎮石城羅兵江河比及數年戍士習練乘

鸞齊進以臨河渚因天時順人情誅逋逆雪大耻實聖朝先務也會王導卒徵為司徒錄尚書事又辭帝許之亮在武昌佐使殷浩輩秉秋夜登南樓俄而亮至徐曰諸君少住老子於此處興復不淺便據胡牀與浩談詠其坦率類此咸康六年卒年五十二贈太尉謚曰文康子三人彬羲綽弟翼冰曾孫楷亦為武昌太守

庾翼字稚恭少有經略每見京兆杜人陳郡殷浩漢曰此輩宜束之高閣俟天下太平徐議其任耳後陶侃辟為從事中郎久之遷南蠻校尉領南郡太

登績外紀前

卷五十一

三七

守加輔國將軍賜爵都亭侯亮卒代都督六州荊州刺史鎮武昌翼以帝舅年少遐邇屬目恒竭志能勞讓匪懈人情翕然稱之先是殷浩父羨守長沙貪殘翼移書詰責又憤石勒慕容皝跋扈上疏北伐欲移鎮安陸率南郡太守王愷期江夏相謝尚等風馳上道御以長轡康帝不許師次襄陽大會僚佐陳旌甲援派矢曰我之行也若此射矣偶起如廁見有物如方相俄而疽發疾篤表以長子方之為義城太守次子爰之為荊州刺史司馬應誕為襄陽太守朱肱為南蠻校尉卒年四十一追

贈車騎將軍謚曰肅

庾冰字季堅亮之弟也亮以名德流訓冰以雅素盡風並為世重初討華軼封都鄉侯再擊張健遷給事中黃門侍郎代王導輔政朝野注心范汪謂曰天文錯度宜盡消弭冰曰玄象豈吾所測正當勸盡人事耳會弟翼疏伐石勒出為都督江荆七州假節鎮武昌以為翼援冰臨發奏曰頃者皇家多難累固頻仍朝望國器與時殲落臣不能光贊聖猷緝熙政道復策敗駕之駟以翼萬里之功今強寇未殄戎車未戢兵弱于郊人疲于內所以痛心

登續外紀前

卷五十一

五

既往傾首將來也誠願宅冲虛以為本勤訓督以為務廣引時彥詢于政道朝之得失人之情偽必達天聽以總國綱則天下幸甚冰出鎮疾篤卒年四十九贈侍中司空謚曰忠成

庾劭字道季亮之第三子也好學能文叔父翼將遷襄陽以書諫曰進據襄陽耀威荆楚且田且戍漸臨河洛使向化之萌懷德而附凶愚之徒畏威反善太平之基期在旦夕昔殷伐鬼方三年而克樂生守齊遂至歷載今河漢無萬仞之固方城無千尋之險加以運漕供繼有汧流之艱征夫勤役有

勞來之歎東西互出首尾俱進則廩糧有抄截之虞遠畧之牽然之勢未見其可也翼奇之厥後有庾登之仕宋為江夏王義恭長史出鎮江陵庾喬為荊州別駕

史南曰臣攷諸晉史稱亮筆數華藻吻縱濤波方駕縉紳足為翹楚然而翼之糾覈貪曹劭之諫遷雄鎮冰之剪除凶頑皆戚畹之豪也贊曰元規矯跡龍階椒掖識閭釐道亂由乘隙下拜長沙有慙忠益雅恭勤勞季堅直弼道季清貞不曠厥職

登續外紀前

卷五十一

四

山簡 周顒 謝尚

山簡字季倫濤之子也初為太子舍人累遷庶子黃門郎歷荊州刺史令南蠻校尉永嘉三年出為征南將軍都督荆湘交廣四川諸軍事假節鎮襄陽時四方寇亂朝野危懼簡優游卒歲唯酒是耽諸習氏襄土豪族有佳園池簡出遊多之池上置酒輒醉名之曰高陽池時有童歌曰山公出何許往至高陽池日夕倒載歸酩酊無所知時時能騎馬倒著白接離舉鞭向葛疆何如并州兒尋加督寧益軍事時劉聰入寇京師危逼簡遣督護王萬率

師赴難次于涅湯為宛賊王如所破遂嬰城自守  
及洛陽陷沒簡又為賊嚴毅所逼乃遷于夏口招  
納流亡江漢歸附時華軼以江州作難或勸簡討  
之簡曰與彥夏舊友為之惆悵簡豈利人之機以  
為功乎時樂府伶人避難多奔汙漢譙會之日寮  
佐或勸奏樂簡曰杜稷傾覆不能匡救晉之罪人  
也何作樂之有因流涕慷慨坐者咸愧焉年六十  
卒追贈征南大將軍

周顗字伯仁安東將軍浚之子也少有重名神彩秀  
徹元帝初鎮江左請為軍諮祭酒出為寧遠將軍

晉書

卷五十一

聖

荊州刺史領護南蠻校尉始到州值建平流人傳  
密等叛迎蜀賊杜弢狼狽失據陶侃遣將吳寄以  
兵救之故顗得免因奔豫章後死王敦之難王導  
泣曰吾雖不殺伯仁伯仁由我而死幽冥負良友  
矣

謝尚字仁祖豫章太守鯨之子也累官歷陽太守轉  
督江夏義陽隨三郡軍事時安西將軍庾翼鎮武  
昌尚數詣翼諮謀軍事會庾米蕞復以本號督豫  
州領江州刺史

史南曰典午渡江清談愈放王謝柄國實政益

衰乃若山簡之醉習池罔恤童謡之風周顗之  
奔豫章卒貽肘印之憾謝尚之趨江州終致輿  
尸之羞詩有之誰為厲階至今為梗可勝慨哉  
替曰為相死國為將死綏苟利社稷違恤其私  
季倫出鎮醕酏習池伯仁司牧逗遛至師仁祖  
轉督國事焉依庸彰品藻直筆不私

郭舒

車胤

范汪

虞潭

孫盛

郭微

郭微

郭舒字稚行初宗人武陵太守郭景弘卒于軍舒率  
將士推弘子璠為主討逆賊郭勵滅之保全一州  
王澄聞其名引為別駕澄終日酣飲不事事舒切

晉書

卷之五

聖

諫之勸以脩德養威保完州境澄雖不能從荆土  
士人宗欽嘗因酒忤澄澄怒叱左右捧獻舒厲色  
言曰使君過醉汝輩何敢妄動澄之奔也以舒領  
南郡乃留屯沌口採稻湖澤以自給鄉人盜食舒  
牛事覺來謝舒曰卿饑所以食牛耳餘肉可共啖  
之世以此服其弘量舒少與杜曾厚曾召之不往  
至是澄又轉舒為順陽太守曾密遣兵襲舒遁免  
襄陽都督周訪卒王敦遣舒監襄陽軍其卓至乃  
還晉主徵舒為右丞敦不留遣舒諫不從使守武  
昌荊州別駕宗澹忌舒才數譖之於王廙舒與

其卓同謀密以白敦敦不受督護繆垣嘗請武昌城西地為營太守樂凱言於敦曰百姓久買此地種菜自贍不宜奪之敦大怒曰王處仲不來江湖常有武昌地不而人云是我地邪凱懼不敢言舒曰古之狂也直周昌及黠朱雲不狂也昔堯立誹謗之木舜置敢諫之鼓然後事無枉縱茲乃逆折使舒不得言何與古人相遠耶

車胤字武子南平人曾祖浚景會稽太守父育郡主簿胤恭勤不倦博學多通家貧不常得油夏月則練囊盛螢以照書以夜繼日焉及長機悟敏速甚

登續外紀前

卷五十一

聖三

有鄉曲之譽桓溫在荊州辟為從事以辨識義理深重之引為主簿稍遷別駕征西長史時胤與吳隱之以寒素博學知名于世謝安游集輒開筵待之寧康初以胤為中書侍郎關內侯累遷侍中太元中以胤領國子博士還吏部尚書元顯有過胤與江績密言於道子將奏之事泄元顯逼令自殺胤而胤卒朝廷傷之

范汪字玄平雍州刺史器之孫也父稚早卒汪少孤貧六歲過江依外家新野庾氏荊州刺史王澄奇之曰此范族者必是子年十三居母喪盡禮賜爵

都鄉侯復為庾亮平西將軍從討郭默進亭侯汪為亮佐十有餘年甚相欽待轉鷹揚將軍武陵內史時庾翼將悉郢漢之眾以事中原軍次安陸轉屯襄陽汪上疏曰今至襄陽倉卒攻討凡百草創玄冬之月沔漢乾涸皆當魚貫而行一處有急勢不相救可慮一也既至之後桓宣當出宣往實翦豺狼之林招攜貳之眾待之以至寬御之以無法必有嗷然悔吝難測可慮二也奉師之費皆出江南運漕之難搬輓之苦可慮三也兵書云知彼知此百戰不殆知彼不知此一勝一負今實未暇而

登續外紀前

卷五十一

聖四

連兵不解患難將起可慮四也不從桓宣代翼為荊州復以汪為安西長史蜀平進武興侯先是郗恢為襄陽刺史而朱序鄧遐相繼守之胡質為荊州刺史而殷仲堪周訪劉道規相繼守之見通志虞潭字思奧會稽餘姚人吳騎都尉翻之孫也父忠仕至宜都太守潭清貞有操州辟從事主簿舉秀才大司馬齊王冏請為祭酒除祁鄉令徙醴陵令張昌作亂潭獨起兵斬昌襄陽太守華恢上潭鎮建平太守固辭遂周旋征討以軍功爵都亭侯時其卓屯宜陽為杜弢所逼潭進軍救卓卓表潭領

長沙太守亦辭不就王敦叛潭為湘東太守復以疾辭張平召補丞相軍諮祭酒進零陵侯加爵武昌侯卒謚曰孝烈

孫盛字安國太原人父恂為潁川太守盛年十歲避亂渡江起家著佐郎出補瀏陽令陶凱表為參軍庾亮代翼留盛在幕與俱伐蜀以功封吳昌侯為長沙太守後遷秘書監所著有魏氏春秋及冒陽秋

郗恢字道胤高平人郗鑒之後也少襲父勳爵仕晉累遷黃門侍郎會朱序去職以為都督荆揚諸軍

登續外紀前

卷五十一

四十五

事鎮襄陽甚得關隴之和降附日衆慕容永遣子獻王璽恢轉上之于臺楊佺期去恢薦隨郡太守夏侯宗之為代魏人入寇恢遣江夏相鄧啓方等禦之後為殷仲堪所殺

卞敦字仲仁濟陰人卞壺之族也初為山簡司馬值杜曾王如為亂乃徙敦監沔北七郡軍事領江夏相戍夏口討沔中皆平杜弢寇湘中加大都督伐弢尋征石勒鎮泗口明帝討王敦以功封益陽侯

湘州刺史

熊遠字孝文南昌人少有志向舉孝廉領武昌太守

元帝征杜弢遠上疏諫從之事平遷尚書左丞轉御史中丞子鳴鵠為武昌太守

毛寶字碩真陽武人始為臨湘令後隨溫嶠討祖約賊平封州陵侯庾亮鎮武昌表為江夏相督隨蕤陽二郡亮謀北伐與西陽太平樊峻守郢城石勒遣其子鑒及其將樊安李萇等來攻寶求援于亮不以時應遂與其士衆六千人死于江初寶麾下偶獲白龜徑尺于武昌投之江郢城之敗若有石乘其足得不死視之乃前所放龜也子穆之字憲祖督荊州五郡符堅入寇穆之率兵進討卒于巴

登續外紀前

卷五十一

四十六

東謚曰烈

鄧嶽字伯山陳郡人始為西陽太守及蘇峻叛溫嶠遣嶽與督護王愆期太守紀睦率兵赴難及討郭默有功封宜城伯子遠字應遠勇力絕人襄陽城此沔水中有蛟為害遐援劍入水蛟繞其足揮劍截之後為桓溫所忌坐免

丁紹字叔倫譙國人始為廣平太守徐州刺史復轉荊州刺史當官從政每事克舉士庶咸服從車下乘列循吏傳

史南曰詩有之文武吉甫萬國為憲其末章



則云侯誰在矣張仲孝友夫周宣王撫中興之運尹吉甫建憲邦之勲而其輕軒元戎帷幄神策亦有賴于張仲之孝友焉乃知事君以忠輔友以仁上下相須以成德興治莫有切於茲者晉室南遷非周宣統一之時而王敦跋扈桓溫跳梁又非吉甫文武之佐乃有如郭舒之忠實車胤之孝思范汪之慎慮虞潭之清操孫盛之博雅郗鑒之風流下敦之嚴毅熊遠之直諒而毛寶死難鄧嶠靖變可嘉也俾宗社不至于墟矣神州復奠于陸沉者諸子贊亮之力亦不可

誣君子於小善不遺微勞必錄是之取爾贊曰雅行坦夷穆有古風武子貞肅移孝為忠玄平規詞矢竭厥裏思與清操小心秉恭安國博雅陽秋惟公道胤勗同寅和衷仲仁嚴毅襄事有功孝文苦諍乃直厥躬碩真平寇敷奏爾庸伯山叔倫四下二中

周訪

周弘直

周吳

殷顗之

殷仲堪

沈林

周訪字士達汝南人漢末避地潯陽初陶侃為散吏與訪結為友晉元帝渡江辟為參軍尋加揚烈將軍領兵屯鄂因討華軼斬武昌守馮逸會杜曾逐

王廙徑造沔口帝命訪擊之訪進至北陽諭諸將曰先人有奪人之心軍之善也使將軍李恒督左甄許朝督右甄訪自領中軍杜曾先犯左右俱敗訪於陣後射雉以安衆心躬自督戰曾遂大潰漢沔平遷中郎將屯襄陽部將蘇溫獲曾斬之王廙去職以訪為荊州刺史訪練兵簡卒與李矩郭默相許慨然有平河洛之志善干撫綏士衆皆為致死太興三年卒謚曰壯子撫字道和為武昌太守周弘直字思方仕梁為湘東王記室參軍與宗慆鮑泉咸掌書記湘東王出鎮江荆二州弘方為諮議

官及承制封湘濱侯王琳叛弘直設畧居多後入陳為太常卿

周吳字文昭汝南人太清二年為弋陽太守陳主立改武昌太守太建五年都督安州刺史封龍源侯卒贈武昌公謚曰壯

殷顗字伯通陳郡人少有才氣與弟仲堪俱知名太元中擢南蠻校尉蒞職清明政績肅舉及仲堪南伐顗力諫之卒贈冠軍將軍

殷仲堪顗之族弟也始為著作即孝武用為中庶子尋出都督荊州刺史鎮江陵先是仲堪游江濱見

流棺焚之旬日門溝忽起為岍有人自稱徐伯玄仲堪問故對曰水中有岸其名為州君其為荆州乎桂陽人黃欽生父喪服衰府曹擬重刑仲堪宥之其後蜀水漂沒江陵數千家降寧遠將軍安帝即位進號冠軍將軍為恒玄所害

沈林子字敬士吳興人沈約之祖也晉太康中祖鄴先為零陵太守有黃龍芝草之瑞林子少有遠度義熙五年宋主征司馬休之及郭亮招集蠻眾屯據武陵太守王鎮惡出奔林子率軍討之斬亮子七里澗武陵平復敗魯軌于襄陽留守江陵後封

登續外紀前

卷五十一

四九

漢壽伯卒謚曰懷

沈慶之字悅先武康人兄敞之為征虜參軍慶之往省于襄陽留為竟陵太守蠻叛為設方畧討平之永初二年除殿中將軍元嘉十九年率隨郡太守宗慤中兵參軍柳元景伐河北諸蠻破降甚眾三十年為武昌內史孝武立以慶之為鎮軍將軍封南昌公大明三年為車騎大將軍年八十賜藥死謚曰襄弟攸之為荊州刺史加都督後謀叛與其子文和自縊于華容之鰲頭林

未序字次倫義陽人始為江夏相寧康初持節監沔

中諸軍事鎮襄陽符丕入寇序固守母韓登城率群婢守西北隅增築二十餘丈丕退土人謂為夫人城後擄于苻堅及淝水之後序謂謝石曰若堅百萬之眾莫可與敵及其未會擊之石如其言堅大敗序南歸拜龍驤將軍孫脩之

朱脩之字恭祖宋元嘉中累遷司徒中郎入魏事孝武為荊州刺史值南郡王義宣叛脩之斷馬鞍山道以扼其將魯秀乃率眾江陵時竺超已執義宣脩之正其罪以功封南昌侯脩之立身清約政務寬簡百城賦贈一無所受惟以蠻人宜存撫納有

登續外紀前

卷五十一

五

餉皆受與佐史共之去鎮之日秋毫無犯時有毛脩之字敬文陽武人為南郡太守所至必焚淫祠後封南郡公

史南曰詩有之子曰有疏附子曰有先後子曰有奔走子曰有禦侮夫文王大聖人也猶資多士以厲命矧其他乎世至兩晉俗雜五湖為君者多紕政為臣者尚清談視疏附先後奔走禦侮何人也而乃若此使當其時處其變又將如之何乃若周訪之死于所事而弘直與吳以寵利居成功殷覲之勤于其職而仲堪以矜誕遭

危禍沈林子感零陵之應而慶之設方畧以懷夷朱序助淝水之捷而脩之卻餽餉以緩民程伯子謂一命之士苟存心于愛物於人必有所濟而況多士戮力神州豈無所濟哉贊曰石勒勅虜周訪効忠符堅羯胡朱序奏功弘直之畧吳也奚同仲堪之果顓也罔從林子之勲慶之報容脩之靖南郡封公

司馬承

司馬休之

司馬楚之

司馬驎

司馬承字敬才晉譙王子也少篤厚有志行拜奉車都尉永嘉中依山簡進至武昌元帝為晉王承制

晉書

卷五十一

五十一

更封于譙太興初拜輔國將軍王敦謀叛帝謂承曰湘州南楚險固在上流是用武地也叔父居之何如承曰湘州蜀寇之餘人物凋盡若上憑天威比及三年可從戎役於是承監湘州諸軍事湘州刺史劉隗戴若思等並為州牧承至武昌王敦留宴語在晉史時湘土荒殘公私困弊承躬自儉約乘蕭蕭車傾心緩撫甚有能名敦恐其為患詐稱北伐徵境內舟楫承知其計半與之敦尋構難遣桓熊說以劉隗專寵即令討之承嘆曰吾其死矣歲荒人鮮地狹援絕赴君難心也死王事義也

惟忠與義夫復何求長史虞悺勸起義兵斬湘東太守鄭澹敦遣南蠻校尉魏人攻承且戰且守城陷被執為王廙所殺贈平騎將軍

司馬休之字季豫譙王後也少拜龍驤將軍襄城太守桓玄叛休之嬰城固守後徙荊州刺史到鎮未幾桓振復襲江陵休之奔襄陽預將軍張暢之劉懷肅擊振休之復還荊州後劉毅誅復以休之都督荊雍六州軍事頗得江漢間人心後奔魏

司馬楚之字德秀晉太常璠之八世孫也值劉裕誅夷司馬威蜀楚之奔竟陵蠻中規恢報復收合士

晉書

卷五十一

五十一

眾據長社魏山陽公奚斤畧地楚之遣使請降於是假楚之為征南將軍荊州刺史

司馬晞字道叔晉宗室也太興元年從武陵王詰開府咸和初拜散騎常侍建元間為桓溫所惡并新蔡王晃徙衡陽郡

司馬瑤字彥度晉武帝第五子也初封始平侯太康末徙封于楚都督荊州諸軍事瑤少年果銳多立威刑朝廷忌之後見誅弟又字士度分封長沙後為郢輔收金墉炎死

史南曰晉自司馬懿事曹操助神奸以熄炎鼎

司馬昭篡當途懷詭謀以躋閭位卒致中原陸沉裔夷蹂躪原野厭肉川谷流血嗟乎茲何時耶而其子若孫乃有若承之倡義與夫休之楚之繫囚虜庭睇也瑋也屠骨奸宦亦可悲夫贊曰典午遺胃瑣尾流離牙璋起旅姦黨誅夷鐵騎度關王袞式微亦已焉哉涕泗交頤

### 劉義季

劉誕

劉義季宋之宗室子也幼而夷簡不襲鄙近宋文帝在荊州義季時隨侍被愛幸焉初武帝以荊州上游形勝地廣兵強遺令諸子迭居之謝晦平後授

登績外紀前

卷五十一

五十五

彭城王義康次江夏王義恭見國基紀次臨川王義慶次南郡王義宣以貌寢故命義季代之為都督嘗因隊主續封母老給米又大蒐于野賁及老父見闔幽紀二十一年徵為征北大將軍發州之日帷帳供億悉留荆楚以為美談義季初封衡陽卒贈司空

劉誕字休文宋文帝第六子也帝欲大舉伐魏以襄陽外接關河欲廣其資力乃命開府入臺租稅悉給之及伐魏出師諸藩奔敗惟誕遣柳元景克關陝有功孝武入討元亮遣寧朔將軍受誕節制事

平以誕為荊州刺史嗣後又有武昌王渾桂陽王休範巴陵王休若邵陵王子元武陵王贊松滋侯房俱無政績可書

史南曰臣攷宋書字內沸騰王室如燬而帝之諸胤強不如弱斯言也蓋有感而然夫自典午既微劉裕稱雄斯民塗炭極矣幸而召問父老如義季敬事君父如休文者亦不幸中之幸也贊曰五湖亂後四海糾紛民皆倒懸王室如焚義季出牧休文入勤是之取爾不泯其名

劉道產

劉道規

劉粹

劉康珍

劉仁瞻

劉俊

劉秀之

登績外紀前

卷五十一

五十六

劉道產彭城人簡之子也初為無錫令宋元嘉三年累遷寧蠻校尉加都督無錫陽太守善干臨職政績尤著蠻夷叛者皆順服百姓樂業由是有襄陽樂歌自道產始也卒于官諸蠻皆服喪經踊哭送至沔口謚曰襄侯

劉道規為荊州刺史桓譙叛道規斬之于枝江又破徐道復有功在州庶慎及歸府庫帷幙儼然如舊劉粹字道冲沛郡蕭人宋武帝因文帝幼冲命粹侍之後改江夏相兄劉毅貳於武帝將圖祛之粹在夏口竭其誠力事平封灊縣男永初元年封建安

侯

劉俊字士操彭城人司空劬之子也初隨桂陽王休範為中兵參軍後遷武陵內史郡南江堤久廢俊脩未畢江水暴至役者奔走俊率厲之又表漢壽人邵榮興六世同爨有蠻酋田儼年百餘歲俊加之禮事竣還都吏人送者數萬人各執手涕泣後仕齊為散騎常侍卒謚曰敬族子繪為長沙內史劉秀之字道寶東莞宮人司徒穆之之從兄子也景平二年為江夏王義恭參軍元嘉十六年遷襄陽令脩鹿門堰灌田數千頃時漢川饑饉境內騷然

望續外紀前

卷五十一

五十五

秀之躬行儉約百姓受其利後封康樂侯遷鄧州刺史卒謚曰忠成

劉懷珍字道王平原人漢膠東康王後也初隨江夏王劉義恭為墨曹參軍明帝召還為輔國將軍封父縣侯出補竟陵太守建平王景壽為荊州仍徙右軍司馬南郡太守沈攸之寓荊南懷珍曰攸之矜躁虐加楚服阻兵中流聲劫幼主乃遣子靈哲領兵衛京師攸之遣許天保來說懷珍斬之及攸之圍郢城懷珍復令建寧太守張謨游擊將軍裴仲穆破之進平南將軍卒謚曰敬

劉仁瞻字守愚彭城人父金事楊行密為濠滁刺史仁瞻輕財重士法令嚴肅為黃州刺史所在稱治李景使掌親軍為武昌節度使先是有劉起者梁貞明中守安州時城中冬月井泉多涸乃于城西北隅置水樓以備不虞次年被圍始知其利

史南曰臣攷諸宋書見劉裕以梟雄之姿乘中原之亂起干神器列置藩服如彭城之道產及仁瞻與夫沛郡之粹東莞之秀之平原之懷珍皆一時之望也贊曰諸劉崛起海內人豪或派星潢或翻雲濤宗室龍驤率府豹韜爰昭法戒

望續外紀前

卷五十一

五十六

殷鑒用昭

蕭思話

蕭思話蘭陵人宋孝懿后弟之子也元嘉十四年遷南蠻校尉孝武即位徵為尚書僕射出為鄧州刺史思話勲戚令望善肄書鼓琴能騎射雖鮮清節愛才好士人多歸之子惠開為秘書郎出補南郡太守惠開子琛梁天監中為江夏太守

蕭子響字雲音梁世祖第四子也永明二年持節都督鄧州諸軍事徙荊州刺史子響勇力絕人開弓四斛自選壯士至鎮椎牛饗之私用錦袍絳襖餉

蠻交易齊王逼令自裁同父子良字雲英分封竟陵子卿字雲長徙督荆湘子敬字雲瑞初封安陸子懋字雲昌初封江陵子明字雲先初封武昌子倫字雲宗初封巴陵子貞字雲松初封邵陵子建字雲立初封湘東子峻字雲嵩初封衡陽子夏字雲黃初封南郡子隆字雲興初封枝江子真字雲仙為郢州刺史昭秀字懷尚初封巴陵昭黎初封桂陽又明帝子寶義字智勇亦封巴陵寶玄字智深亦封江夏脩字智宣亦封邵陵寶真亦封桂陽蕭映字宣光齊太祖第三子也宋元徽四年初為著作即齊主立以映為荊州刺史領湘州映以年少臨鎮吏治聰敏府州曹局皆奉禁令旋為都督荆湘九州軍事同父弟晃字宣明分封長沙暉字宣昭分封武陵鑠字宣朗分封桂陽鏗字宣嚴分封宜都鋒字宣穎分封江夏未有出映之右者蕭穎胄字雲長太子詹事赤斧之子也建武二年穎胄為南郡太守行荊州事永元二年梁王起兵太守劉山陽謀誅穎胄穎胄遣建威將軍陳秀輔國將軍孫末伏兵斬之送其馘于梁王中興元年進侍中尚書令都督八州仍兼荊州長史梁天監元

年謚曰獻武

蕭遙昌字季暉齊宗室也兄遙光字元暉湘州刺史遙欣字重暉荊州刺史興元元年以遙昌為郢州刺史值魏主入寇遙昌遣參軍崔慶遠詣之推對如響

蕭緬字景業齊宗室也初封安陸侯世祖即位轉都督郢州諸軍事緬蒞鎮留心詞訟親自隱卹劫掠度口許以自新為百姓所畏愛九年卒眾沿泗水設祭峴山謚曰邵子寶暉為湘州刺史寶覽為江陵公

蕭韶字德秀初封都鄉侯撰太清紀湘東王閔而善之後為郢州刺史初韶幼便信愛重信上江陵途經江夏韶坐青油幕下引信入宴坐信別榻有自矜色信酣乃上韶榻曰今日形容無乃異耶韶甚慚之厥後蕭元簡亦為郢州刺史蕭機為湘州刺史蕭脩亦如之蕭憺字僧達文帝第十一子也齊和帝即位以憺為給事黃門即時蕭瑱逼荊州復以憺為都督荊州刺州憺令將吏諭瑱降時軍旅之後公私乏困憺厲精為治廣闢屯田減省力役存問死士供給疫

瘡人甚安之四年荆土大旱憺禱于天井有巨蛇繞祠壇俄大雨歲豐有嘉禾甘露之應六年州大水江溢堤圯憺親臨將吏冒雨築之刑白馬祭江以身為百姓請言終水退兩州水浸憺募商賈之分遣諸曹遭水者給糶失田者給種又開導物情獄無停滯邦人歌之初封于始興後召為中書令十四年復鎮荊州十八年徵為侍中卒贈司徒謚曰忠武

蕭泰字世台恢之子也初平侯景梁元帝以泰為桂陽內史後代兄為司空脩為荊州刺史入齊為永

登續外紀前

卷五十一

壬九

州刺史政存簡惠吏人安之

蕭大心字仁恕簡文第二子也大通四年封當陽公大同元年都督荊州刺史簡文稱之曰事無大小悉委行事大心雖不親州務發言每合于理眾皆驚服第大款字仁師封江夏大連字仁靖分封南郡大春字仁經分封安陸大成字仁和分封桂陽大雅字仁風分封瀏陽厥後方諸字明智為荊州刺史

蕭巖字義遠梁宣帝登之第五子也性仁厚善於撫接歷侍中荊州刺史尚書令父登稱帝江陵諸子

姪列至顯位歸之千職亦為荊州刺史厥後有蕭結者廬陵人令祁陽禁競渡督縣人稱其政

史南曰蕭道成起于江左遂居宋杜而後繼之衍復為霸先所篡而啓圖恢之偏安江陵播還河朔可悼也已乃若思話于響之出秉洋節穎胃遙昌之分佩符契緬韶瞻泰之徙鎮荆郢大心巖巖之紹述胃緒固皆宗室之雄也黃曰諸蕭華胄森蔚蘭陵龍躍碧海鳳翔丹岑思話子響出牧有徵穎胃遙昌中裴允與韶瞻嗣續以及大心泰巖巖後留韻江陵

登續外紀前

卷五十一

本

王景文

王玄謀

王勸

王僧虔

王僧辨

王廣之

王珍國

王琳

王慧龍

王思政

王景文臨沂人父僧朗為湘州刺史景文少與謝莊齊名太明二年為秘書監五年出為安陸王子綬長史兼江夏內史行郢州事永光初為吏部尚書仍督郢州諸軍事封江安縣侯兄子蘊為湘州刺史

王玄謨字彥德太原祁人謝晦表玄謨為南蠻將軍領武昌太守元嘉中徙長沙王我欣中兵將軍王僧虔臨沂人孝武初為武陵太守遷為都督湘州



諸軍事無湘州刺史巴峽流民多在湘土僧虔表  
割益陽羅湘三縣緣江立湘陰縣從之元徽中召  
為吏部尚書卒謚曰簡穆

王僧辯字君才太原祁人初為元帝中兵代柳仲禮  
為竟陵太守討平安州叛蠻及荆湘疑貳與鮑泉  
平之侯景圍荊城僧辯堅守景乃燒營夜遁以功  
封長寧公僧辯率巴陵諸軍沿流討景攻拔郢城  
擒其將宋子仙丁和等復命為大都督荊州刺史  
後死于陳武帝之難子顗入齊為竟陵太守

王廣之字祐之沛郡相人宋太明中補本邑令遷南

齊書卷五十一

卒

譙太守封蒲圻縣子延興元年持節都督郢州諸  
軍事進封應城公卒謚曰莊

王秀之字伯奮琅邪臨沂人昇明二年為南郡太守  
豫章王疑於荊州立學以秀之為儒林祭酒卒謚  
曰簡

王勵字公齊太保弘之後也仕梁為太子洗馬會魏  
兵入寇元帝徵湘州刺史蕭循入援以勵監湘州  
後改衡州刺史時王琳據上流衡廣携貳勵寓庾  
嶺徵為尚書左僕射卒謚曰溫

王冲字長深太保弘之玄孫也仕齊封東安侯累遷

侍中領南郡太守習于法令政事平理紹泰中徵  
為尚書左僕射卒謚曰元簡

王茂字休連太原祁人仕齊為襄陽太守梁武帝以  
王佐期之事皆詢焉建康平以茂為侍中卒謚曰  
忠烈

王珍國字德重仕南齊永明初為郴州內史境內清  
肅柳世隆稱之曰此良二千石也

王琳字子珩山陰人梁太清二年為岳陽內史封建  
寧侯景遣其將宋子仙據郢州琳克之擒子仙拜  
湘州刺史時武陵王紀起兵命琳拒之事平改衡

齊書卷五十一

卒

州刺史琳果勁絕人傾身下士所得賞資悉予士  
衆後陳主遣安州刺史吳明徹將襲盆城令巴陵  
太守任忠破之又奉永嘉王莊紹梁祚于鄂州進  
封琳巴陵王吳明徹復進兵圍之城陷被執死之  
梁驃騎參軍朱錫求琳首于徐陵曰琳洛兵餘胃  
沂川舊族立功代邸効績中朝輕躬殉主以身許  
國寔追蹤于往哲信踵武於前修徒蘊包胥之念  
終邁義弘之肯陵嘉其志節畀之瘞于八公山  
王慧龍晉陽人晉尚書愉之孫也初隨沙門僧彬至  
江陵依叔祖忱故吏習辟疆及江陵令羅脩欲擁

為主不果後歸魏崔浩以女妻之出為荊州大中  
正領南蠻校尉在任十年農戰並脩大著聲績招  
携亡叛歸附日衆號為善政撰國典十八篇卒贈  
安南將軍荊州刺史謚曰穆

王思政太原人初從宇文泰起兵封祁縣侯大統十  
二年為荊州刺史州地卑濕城塹多圯命都督蘭  
小權督工繕得黃金三十斤悉封以聞周主嘉之  
後拜大將軍

王操字子高晉陽人蕭啓之外甥弟也初為尚書左  
丞尋遷郢州刺史魏人南侵操撫循將士江陵獲

魏續外紀前

卷五十一

五

全後遷荊州刺史卒謚曰康節五季時有王社者  
為隨州刺史奏請頒鎧式于諸州以免轉輸民甚  
便之子溥為宋相

史南曰典午肇邦王門啓胃延至六朝宗黨益  
盛在臨沂若景文僧虔以及秀之在太原若玄  
謨僧辯以及思政與茂勵與冲則太保之後琳  
與操則越晉之杰也贊曰臨沂東魯太原西晉  
王氏分派雲仍輝映景文之略玄謨之陣僧虔  
僧辯不墜厥命秀之廣之不隕厥問勵冲茂琳  
以及思政樹功轅門兵以義進操保江陵澤有

餘潤

張邵

張裕

張惠紹

張弘策

張邵字茂宗吳郡人會稽太守裕之弟也宋文帝鎮  
荊州以邵為湖南郡相事皆委決後封臨沮伯初  
立湘州邵為刺史值謝晦叛轉征虜將軍領寧蠻  
校尉加都督邵至襄陽築長圍脩堤堰開田數千  
頃郡人賴之蠻屢為寇大會誅之後徙守吳興卒  
曰簡伯子陽亦為南郡太守

張裕字茂度邵之兄也以避宋主諱稱字江陵平宗  
室道憐為荊州刺史茂度為諮議參軍元嘉元年

魏續外紀前

卷五十一

五

出督六郡軍事三年徵兵討謝晦不以時至被代  
還都起為廷尉子永字景雲初為江夏王義恭從  
事中郎孝建四年持節督四州郢之竟陵隨二郡  
子環仕齊為襄陽長史持節督郢州諸軍事

張惠紹字德繼義陽人少仕齊為景陵橫桑戍主梁  
武帝踐阼封石陽侯領安陸太守在州和理徵為  
左衛將軍卒謚曰忠

張弘策字真簡范陽人梁文獻后之從父弟也初為  
襄陽令梁武起兵遣弘策至郢州說肅懿曰郢州  
控帶荆湘西注漢沔雍州士馬呼吸數萬時安則

竭誠時亂則翦暴若不蚤圖悔無及矣後郢城平  
蕭穎達揚公則皆欲頓軍夏口弘策以為宜乘勝  
長驅與帝意合天監初封洮陽侯卒謚曰閔子緬  
為武陵太守續為湘州刺史時零陵衡陽鬱依山  
險聞續至乃服益陽田皆異畝同穎在陝西年流  
人自歸增戶口十萬州境大寧後為杜岸所害謚  
曰簡憲

張環字相逸仕宋武帝都督襄陽拜尚書後安陸王  
紆行部至襄有野老乞食問曰何不治生對曰張  
使君在郡百姓足食後人為政嚴酷故爾紆嘆息

不已

續外紀前 卷五十一

六五

史南曰張氏在六朝者最為繁衍而茂宗茂度  
之以事功惠紹弘策之著威名環之克承往烈  
又人所難能也贊曰茂宗討亂茂度諮議惠宣  
于時名流歆喬德繼和理貞簡嚴治祖逸去思

胡敢貽喙

蔡興宗

蔡太寶 陸慧曉  
孔休原 賀華 陸子隆  
顧玄成 宗慈 宗如周 孫瑒  
孫瑒 孫瑒 孫瑒

蔡興宗考城人宋祠部尚書廓之子也初為彭城王  
義康司徒參軍兼武昌太守為人方直不能容物

後徙南郡太守行荊州事時興宗甥袁凱為雍州  
刺史以書勸曰凱在襄沔地勝兵強去江陵咫尺  
水陸通便若朝廷有事可立桓文之功豈宜受制  
兇狂禍在不測乎興宗答曰內難得弭外憂尚未  
可量汝欲保全我欲免禍各行所見不亦善乎後  
召為尚書右僕射封樂安縣伯復出都督郢州兼  
刺史值晉安王子勔為吳喜所殺母老女穉興宗  
親自臨哭護其喪歸葬

蔡太寶字敬位考城人梁時以明經對策第一初為  
武陵王左常侍後隨梁宣帝平侯景領襄陽太守

續外紀前

卷之五十一

李本

擢吏部尚書復徙荊州刺史封安豐侯卒謚曰文  
陸慧曉字叔明吳郡人晉太尉玩之玄孫也齊隆昌  
元年為江夏內史行郢州事立身清肅僚佐以下  
造詣必起送之或問其故答曰人生何用立輕重  
于懷抱間哉建武初遷吏部即尚書令

陸子隆字興世慧曉之族也文帝立封益陽縣子遷  
都督荊州刺史開府公安脩立城郭綴集夷夏甚  
得人和號為稱職吏人詣闕請立碑頌績許之卒  
謚曰威厥後有陸希道字洪度代人仕魏為郢州  
刺史

孔靈符會稽人孔靖之弟也元嘉末為南郡太守太  
明初自侍中出補郢州刺史子淵之為此部郎時  
應城縣民張江陵嘗其母淵之議棄市詔從之

孔休源字慶緒山陰人初為竟陵王西邸學士梁武  
時拜御史中丞出為晉安王長史南郡太守行荆  
州府事帝曰荆州總領上流義高公陝卿輔幼冲  
勿憚周昌之舉乃勅王曰孔休源人倫義表汝當  
師之尋始興王代鎮荆州休源仍為太守在州以  
政績稱平心決斷不通干謁帝深嘉之大通二年  
加金紫光祿大夫

梁續外紀前

卷五十一

李士

賀革字文明山陰人晉司空循之玄孫也初為國子  
博士出補江陵令置學講三禮荆楚衣冠聽者甚  
衆尋為南郡太守所得俸祿不及妻孥為人吏所  
懷

賀蘭祥字盛樂其先與魏同起家武川後周保定三  
年封撫夷伯十四年都督荆襄十二州諸軍事無  
荆州刺史州境接襄陽通岷蜀物產所出類多珍  
異詳悉無所受漢南流民襁負而至遠近蠻夷莫  
不款附隨機撫納咸得惟心徵為大將軍

甄法崇中山人宋永初中為江陵令在任嚴整縣境

肅然先是南平繆士通為邑令先亡法崇偶見之  
于廳云邑人宋雅連米千石未償因令即席占詞  
徵濟繆室太守王華聞而異之法從孫柳亦有志  
行嘗于長沙寺質錢得金還其主寺僧予之固辭  
不受曰五月披裘負薪豈捨遺金者耶

甄玄成字敬平法從之後也博達經史為梁宣帝錄  
事隨鎮襄陽轉記室掌書記歷吏部尚書

宗慤字元幹南陽人元嘉二十二年為隨郡太守時  
南新蠻帥田產生叛燒郡城據白楊山柳元景攻  
之未下慤率其所領眾軍隨之群蠻畏服後封洮

梁續外紀前

卷五十一

李士

陽侯

宗如周慤之後也事梁宣帝歷度支尚書後寓荆州  
子希顏希華博通墳典為荆楚儒宗

孫瑒字德璉吳郡人初仕梁為宜都太守陳武帝立  
授湘州刺史太建四年都督荆州刺史出鎮公安  
為鄰境所憚居職六年以公事免始鎮郢州乃合  
十餘船為大舫於中立亭池植荷菱每遇良辰賓  
僚並集汎江置酒又于山齋召致玄儒冬夏資奉  
及卒江總銘之後主撰詞曰秋風驚竹煙水驚波  
幾人樵徑何處山阿今時日月宿昔綺羅長跼

遠地久靈多功臣未勒此意如何

孫謙字長遜東莞人齊永明初為江夏太守天監六年復為零陵太守強力為政居官廉慎素牀莞席不施幬帳郡多猛獸謙至絕跡常勤勸課農桑務盡地利收入多于隣境九年徵為光祿大夫孫邵字茂宗仕宋武帝以功封臨沮伯治襄陽堤脩堰溉田甚廣公私充足

史南曰臣攷諸六朝書乃見蔡氏惟興宗為賢大寶次之陸氏惟慧曉為賢子隆次之孔氏惟休源為賢靈符次之賀氏惟革為賢蘭祥次之

登續外紀前

卷五十一

空无

甄氏惟法崇為賢玄成又次之宗氏惟慈為賢如周又次之孫氏惟瑒為賢而謙與邵又次之君子是以論其世也贊曰蔡陸孔賀寔為著姓魏宗及孫克衍餘慶歷事六朝改心異姓何以書之守貞斯正

顧憲之

趙訪

趙倫之

袁粲

何昌寓

何遠

顧憲之字士思吳郡人晉司空和之族孫也祖觀之字偉仁孝建中為湘州刺史以政績稱後為吏部尚書謚曰簡子綽生憲之仕齊為衡陽內史時郡境疫甚多棄道傍憲之下車分告屬邑悉令殯葬

土俗有先亡者開塚滌骸號為除崇憲之為陳死生之故風俗遂變刺史王奐行縣為衡陽無訟嘆曰顧君之化至矣後入梁加太中大夫憲之累經宰郡資無僭石及歸環堵蕭然天監中卒所著有衡陽郡記

趙誘字元孫河南人初為王敦參軍與甘卓周訪共討華軼破之又擊杜弢于西湘太興初封平阿侯代陶侃為武昌太守時杜曾迎第五猗亂誘與襄陽太守朱軌共距之誘殊死戰歿于陳贈征虜將軍謚曰敬子龔與父同死難贈新昌太守

登續外紀前

卷五十一

年

趙倫之字幼成下邳人宋武穆后之弟也武帝登位以佐命功封霄城侯安北將軍鎮襄陽倫雖外戚貴盛以儉素自處性野拙不解世情子伯符為竟陵太守時諸蠻為寇伯符征之悉破其黨後為寧遠將軍

何昌寓字儼望司徒尚之之弟子也仕宋為尚書儀曹郎出為湘州太守後仕齊高帝為驃騎曹郎海王昭秀為荊州以昌寓為南郡太守明帝使裴叔業諭旨以便宜從事昌寓拒之曰國公委身以上流之重付以萬里之事敢私交耶遂具以聞叔

業曰是為拒詔昌寓曰能見殺者君也能拒命者臣也叔業不敢逼而退後入為吏部尚書

何遠東海郢人為武昌太守杜絕交遊餽遺悉無所受武昌汲江取水盛夏苦炎行者多病遠教以鑿井居民利用汲焉

袁甫字公胃淮南人少與袁譚齊名嘗詣中領軍何勗求宰縣除松滋令轉大農郎中令石玢問之曰壽陽西多旱東多澇何也對曰亡國之音哀以思魯僊憫旱故禱雨吳人已亡積憂成陰積陰成雨今日若能扶弱抑強先陳後親則天下和平矣

陸績外紀前

卷五十一

十一

袁象字緯才顗弟觀之子也觀為武陵內史象仕齊為中書郎兼御史中丞出為荊州刺史廬陸王諮議官時江陵荀蔣之胡之殺沙門之奸者付象議之曰迅寒急節乃見松筠危機回構方識貞操蔣之胡之跡同古人哀感行跡其原之後召入為太子中庶子族子昂為武陵內史

史南曰孟子有言可以取可以無取取傷廉可以與可以無與與傷惠可以死可以無死死傷勇其立言精矣乃若觀之守湘州惠矣而憲之亦無取焉誘之死陳難勇矣而倫之亦無死焉

昌寓之鎮南郡甫之牧松滋蕪矣而遠之汲福象之決獄亦無與焉孰謂六朝無若人乎贊曰觀之循吏吊喪賑孤憲之克紹日月居諸誘之烈士衝鋒死綏倫之僻野不爽厥初甫也良牧流譽松滋象也何人罔及無華

陳慧紀

陳慶之

常獻

李遷

李遷

裴俠

裴俠

裴俠

裴俠

陳慧紀字元方陳武帝之從孫也初平侯景有功封宜黃侯至德二年為都督荊州刺史及梁宗室蕭巖蕭巖來降加開府儀同三司貞明二年隋師濟江別將廖世龍欲燒隋艦決死一戰忽有五龍驤

陸績外紀前

卷五十一

十一

首順而東雲霧晦冥慧紀至漢口不得進盡焚公安之儲與水軍都督周羅暉鄖州刺史荀法尚推文為主為隋所敗諸弟昌字敬業分封衡陽姪伯信西衡州刺史方慶東衡州刺史族子伯義字堅之分封江夏伯禮字用之分封武陵皆文帝子也叔陵字子嵩生于江陵為湘州刺史叔堅字子成分封長沙叔明字子昭分封宜都叔慎字子敬分封岳陽叔虞字子安分封武昌叔平字子康分封湘東叔澄字子泉分封南郡叔興字子推分封沅陵叔韶字子欽分封岳州甘宣帝子也厥後多降

于隋

陳慶之字子雲義興人幼隨梁武帝供奉棋局終父不寐帝寵之為武威將軍大通二年出為司州刺史督江湘諸州開田六千頃二年之後倉庫充實人表省南司州復安陸郡置上明郡

常獻字懷文杜陵人齊末多故出為上庸太守梁武起兵獻伐竹為筏有衆二千馬二百疋帝喜曰今見君心矣大軍發郢留守難其人帝曰棄驢驥而不乘焉違違而更索即以為江夏太守行郢州事時郢被圍經年疫死大半積屍盈牀獻咸為營葬

陸績外紀前

卷五十一

主

百姓賴之徵為大理卿復出為南郡太守獻至安陸增城開塹既而魏人追馬仙琕聞獻在始退常珍杜陵人魏孝文初蠻黃桓誕納款遣珍同誕招降諸部珍至桐栢山窮淮源宣揚恩澤罔弗懷附蠻祠舊用人代牲珍乃告曰天地明靈為人父母豈甘子肉味而無天道乎群蠻改悔招諭七萬餘活列置郡邑遷顯武將軍郢州刺史尋轉荊州卒謚曰文弟肱為郢州刺史政多仁恕又有常矩字懷文領襄州刺史

裴鴻河東人兄寬事魏文帝為河州刺史陳將程靈

沈攸之力屈城陷為陳人所執死贈襄郢二州刺史鴻少慧累遷正中大夫隨衛公直鎮襄州為司馬天和初拜郢州刺史轉襄州總管封高邑侯

裴俠字嵩和河東解人仕魏太宗為郢州刺史持梁竟陵守孫暲鄧城守張建以城降俠見之語人曰暲目動言肆輕于去就建神情審定當無異心後遣都督符貴鎮竟陵而暲卒以郢叛果如其言先是有裴昭明者為長沙丞人稱其介

李崇仕魏孝文時為荊州刺史值巴渝亂發兵護行崇辭之遂輕騎馳至上洛宣諭威德民夷帖然凡

陸績外紀前

卷五十一

主

邊卒掠獲齊俘悉遣還之齊亦還其生口二境交睦無烽堠警

李遷哲字彥安南康人世為山南豪族少有識度慷慨善謀仕周明帝天和三年拜大將軍鎮襄陽封安康公卒于官謚曰壯

李文選仕魏莊帝為安州刺史善于綏納甚得物情時杜洛川葛榮等相繼叛文選嬰城自守鳩集流亡且耕且戰百姓皆樂為用卒于官長史許思祖復推其子果行州事遺表詣關帝嘉之除散騎常侍行安州事



史南曰六朝閏位也群辟郵吏也朝服采于宋  
夕紆綬于齊矣首戴璪于梁足束履于陳矣而  
其為心豈非狙詐猥愚不可方物也哉乃若慧  
紀以陳室懿親而慶之則供奉梁帝鴻以河東  
望族而俠則委屈魏主與夫二帝二裴三李之  
駁歷其責固有攸歸矣贊曰慧紀懿親焚儲漢  
濱慶之親臣墾田災垠獻珍無悔鴻俠有徵李  
氏三子不富以鄰

江夷

吉士瞻 呂安國 到彥之 魯爽  
蘭欽 權景先 淳于量 章昭達  
吳明微 程靈洗 樊毅

登績外紀前

卷五十一

主五

江夷字茂遠考城人以討桓玄功封州陵侯為南郡  
太守湘州刺史夷美風儀善舉止歷任以和簡著  
聞于湛有雋才為武陵內史被誅族子智淵亦著  
顯名江謚為長沙內史江數為竟陵王司馬

吉士瞻字梁容馮翊人年四十就江陵卜者王君詢  
之答曰君擁旄杖節非一州後一年當得戎馬大  
郡會梁武起兵天門太守王智遜武陵太守蕭疆  
不從蕭賴胃遣士瞻討平之後為武昌太守在郡  
清約家無私積卒謚曰胡

呂安國廣陵人宋明帝太始二年以征殷琰功封湘

南縣男尋為司州刺史齊高帝立改為湘州刺史  
永明二年加都督俄湘川蠻動安國督兵討之事  
平徵為光祿大夫又有呂僧珍者字元瑜仕梁武  
為中兵參軍富襄陽多所裨贊

到彥之字道豫武原人宋武帝義熙元年補鎮軍參  
軍宗室道憐鎮江陵以彥之為南郡太守佐守荆  
楚垂二十年威信為士庶所懷文帝踐阼命彥之  
鎮襄陽討謝晦追至蒲圻而還及江陵平改監荆  
州封建昌公卒謚曰忠

魯爽扶風郿人祖宗之為南郡太守父軌為荊州刺

登績外紀前

卷五十一

主五

史元嘉二十六年爽為寧南將軍鎮荊州三十年  
南譙王義宣起兵討元亮爽率部曲至襄陽與臧  
質共詣江陵進平北將軍領巴陵太守事平以爽  
持節督五州諸軍事後為薛安都所殺

蘭欽字休明中昌魏人天監中為衡州刺史在荊州  
有惠政吏人詣闕請立碑頌德詔許之後封曲江  
公

權景先仕周為安州刺史時梁定州初附復叛景先  
惡其誘貳龜裂破之自是酋帥懾服無敢叛者

淳于量字思明濟北人初梁元帝為荊州刺史量從

之以功封廣晉縣南侯景亂蓋還荊州與王僧辯併力拒景擒其將任約進攻郢州獲其將宋子仙尋為都督桂陽刺史華皎叛復以量為大將軍屯兵樊浦拒之後封醴陵公

章昭達字伯通武康人天嘉元年封欣樂侯都督郢州刺史周迪叛昭達討平之改封邵陽侯

吳明胤字通炤秦郡人仕宣帝為都督湘州刺史至德二年追封邵陵侯

程靈洗字玄滌海寧人初為蘭陵太守天嘉二年周迪叛徙都督郢州刺史封重安公

樊毅字智烈南陽人祖方興封魚復侯父文熾封新蔡侯毅初赴江陵隸王僧辯後遇陳武帝有功為荊州刺史歷封富川侯時有康徇者領安陸太守修浚城隍取為嚴飭

馬鄴仕宋為黃州刺史識見明遠時劉存為郢州殺鄴之外弟霍基存征湖南使人夜扣齊安門曰霍判官借馬鄴豫知之因書馬數匹祭而焚之後存果敗

史南曰人有恒言兩漢無三代才兩晉無三國才六朝無漢才五季無唐才豈其然哉存乎其

人焉爾乃若夷為考城鉅族士瞻為蓮勺達士安國之征殷琰彥之之討謝晦爽之誅元凶皆通變之才也而欽之于景先量之于昭達明胤之于靈洗毅之于鄴擬人必丁其倫豈敢必天下為無人乎贊曰六合塵起九縣颶迴群子于邁功首罪魁曷謂曰功江吉克恢呂到倡勇魯蘭扶危景先于量厥守不移章吳程樊丕振國威鄴也何尤畫馬贖類

魏詠之桓崇祖 鮑泉 崔士謙 楊公則 伏曼容 長孫倫 韓僧壽 崔彥穆 鄺道元 韓務 于栗璽 趙匡範

魏詠之字長道任城人初為州主簿義熙初為荊州刺史都督六州領南蠻校尉始而唇缺謁殷仲堪求醫補之百日而愈至是復其舊位卒于官贈江陵公

桓崇祖字敬遠略陽人仕梁武帝為五兵尚書後出為竟陵令惠化大行木生連理有光如燭咸以為善政所致

鮑泉字潤岳東海人初為春陵令改太常丞尚書郎郢州于元帝以世子方諸為刺史命泉為長史行郢州事後為侯景將所執沉之于黃鵠磯所著有

新儀三十卷

伏曼容字公儀平昌人初仕齊明帝為尚書外兵郎徙武昌太守謝玄暉同登孫權故城作詩贈之建武中拜中散大夫梁天監中卒年八十二子暄為湘州刺史

長孫儉代人初附周文表為都督荆襄諸軍事兼荆州刺史楚俗少不敬長儉勤於勸導風俗大革務廣耕桑兼習武事吏人為構清德樓樹碑刻頌徵授大行臺尚書僕射加侍中復出督荆襄十五州岳陽王蕭詧內附儉于廳事具戎服以賓禮見少

齊續外紀前

卷五十一

主九

乃著裙襦引宴于別齋後為荊州刺史進爵昌寧公

崔士謙博陵人大將軍楷之子也初隨賀拔勝鎮荊州為行臺左丞天和中授江陵總管荊州刺史州境邈遐俗無夷夏南接陳壤東隣齊寇士謙外禦強敵內撫疲民風教大行號稱良牧每歲考績為諸郡最卒于州士民祠之又有高賓者渤海人仕東魏為襄州刺史敏于從政卒于官

楊公則字君翼天水人初齊和帝為荊州刺史公則為中兵參軍後授湘州刺史梁武帝軍次沔口公

則率湘府之眾會于夏口荊州諸軍悉受節制號令嚴明秋毫無犯焉

楊素字處道華陰人初隋文帝平齊有功封清河郡公開寶四年拜御史大夫時陳將呂仲肅屯岐亭據荊門之延州素遣巴蛋乘艘破之於是荊州刺史陳紀懼而退走巴陵以東無復守者素至漢口與秦孝王會進荊州總管加封郢國公後賜死為子玄感以父素軍功位至柱國初拜郢州刺史到官潜布耳目察長吏能否其有善政并不職者必先知之屢發其隱吏民畏服皆稱其能素弟約字

齊續外紀前

卷五十一

十

惠伯亦為郢州刺史

龐晃字元顯榆林人初隨衛王直鎮襄州晃為驃騎將軍值隋主初為隋州守踞經襄陽晃深自結納偶有雄雉鳴于庭命晃射之曰中則有賞晃射中之及踐作擢為總管有李穰者亦為荊州大總管韓僧壽字玄慶河南人周武帝時為下大夫開皇初拜安州刺史後封新蔡郡公有獨孫信者本名如雲中人初從宇文泰起兵有功建明初為荊州郡守轉都督三州荆土既定拜車騎大將軍後封河內公又有申徽者仕魏為襄陽刺史時荆南初附

俗舊通餉徹畫楊震像於室以自戒代還人吏送之乃留題于清水亭父老皆來誦曰此申使君子澤也

崔彥穆清和人祖顓仕魏為郢州刺史父稚為秘書郎彥穆入後周進驃騎大將軍安州總管風韻閑曠器度方雅為荆土所稱後為襄州刺史進爵東郡公又有封回者仕魏宣武為安州刺史時鄭雲謠事長秋劉騰求為安州晚詣回問計曰安州與生何事回曰卿荷國寵靈位至方伯不能拔園葵去織婦宜思方畧以濟百姓何以貨為雲漸而退

續外紀前

卷五十一

全一

韓務字道世昌黎人刺史秀之子也仕魏為龍驤將軍郢州刺史獻七寶牀及象牙席于帝詔曰晉武帝焚雉頭裘朕甚嘉之今務所獻奇麗有乖風素其卻之後拜太中大夫又有賈儁者字異隣姑臧人父秀封武邑侯襲爵為荊州刺史儁表置學宮在州五載清靜寡事為人吏所安

于栗爾字伯符代人父翼後周建德二年為安州總管歲大旱渰水絕流禱于白兆山澍雨即降百姓頌之帝將東征詔問其計翼趨襄城旬日下齊十九城秋毫無犯徵拜大司空卒謚曰穆爾少有器

幹仕隋文帝為郢州刺史檢校江陵邵人張願等詣闕表留上嘉嘆邵州父老相慶卒謚曰靜

趙匡疑字光儀蔡州人父諲初事秦宗權為申州刺史攻下襄陽自歸于梁匡凝受命為荆襄節度以弟匡明為荆南留後是時唐哀藩鎮不朝獨匡凝兄弟貢賦不絕後匡凝奔楊行密匡明奔蜀

史南曰左氏有言不有居者誰守社稷不有行者誰扞牧圉世至六朝屋亡國之社者儻如奔電代逢五季煽燎原之焰者積若稿灰而群雄頤指氣使諸臣靦面汗背固不知其為何如人

續外紀前

卷五十一

全二

也是故繫三國于漢末繫六朝于晉末繫五季于唐末以其非大一統爾矣贊曰魏桓鮑伏豈曰無能長孫崔楊難乎其評楊龐韓申類聚群分封賈于趙盤錯糾紛

潘美

李處士

慕容延釗

司超

尹崇珂

解子諱

成克

馬德

史方

孟彥卿

潘美字仲詢太名人時湖南叛將汪端旣平人心未寧乃授美潭州防禦使嶺南劉鋹數寇桂陽江華美擊走之溪峒蠻僚侵畧為患美多所殺獲餘加

慰撫夷落遂定乾德二年從都監丁德裕等率兵克郴州開寶三年克富川鋹遣將來援大破之遂克賀州十月又下昭桂連及西江諸州以功拜山南東道節度使八年議征江南九月遣美與劉遇等率兵先赴江陵十月命美為昇州道行營都監先是宋藝祖欲伐蜀以劉光毅為歸州部置曹彬為都監至是與彬偕往遂平江南又丁德裕臨洛人後貶房州刺史

李處耘澧州人建隆三年拜宣徽南院樞密副使朗州軍亂以處耘為都監帝親授方畧令會兵漢上

續外紀前

卷五十一

全三

先是盧懷忠使荆南還具言可取遂命處耘圖之處耘至襄州遣閤門使丁德裕假道荆南荆人解願供芻餼處耘又遣德裕諭之乃聽命遂入江陵號令明肅師次荆門高繼冲遣其叔保寅犒師處耘待之有加諭令先還荆門距江陵百餘里是夕召保寅宴飲延釗帳中處耘密遣輕騎倍道前進大軍奄至高繼冲出迎遇處耘於江陵處耘揖繼冲還則兵已分據城中荆人束手聽命即調發江陵卒并其師趨岳州大破賊於三江口又遇賊師張從富於澧江擊敗之遂北至敖山朗人大懼縱

火焚城而潰會朗師周保權匿于僧寺處耘令將田守奇獲之遂盡有荆湖境先是李洪信晉陽人為岳州防禦侯弟洪義為安州刺史

慕容延釗太原人始以父蔭為襄州都尉宋初汪端擾朗州太祖命延釗討平之加檢校太尉節度襄州卒贈中書令追封河南郡王又康延沼仕晉為隨州刺史宋初領岳州防禦使

司超元城人宋初黃州未下太祖命超遙領刺史權右廂都校敗吳軍於麻城顯德四年隨王審琦征施仁望獲之開寶七年徙蘄州防禦使

續外紀前

卷五十一

全四

尹崇珂天水人宋初荆湖平授朗州團練使又與潘美丁德裕克郴州乾德中征嶺表擢行營副都署有尹勳者亦為郢州防禦使

盧懷忠河間人宋初遷內酒坊副使會朗州軍亂太祖遣懷忠使荆南還奏曰高繼冲甲兵雖整控弦不過三萬年穀雖登民苦暴斂南邇長沙東距金陵西迫巴蜀北奉朝廷觀其形勢日不暇給帝召宰相范質謂曰江陵四分伍裂今出師湖南假道荆渚用而下之萬全策也即以懷忠為前軍都監乾德二年出知江陵府及王師伐蜀江陵當峽江

會衝以供億之勞遷客省使又明年使江南還卒于途

集守節字秉直初補左班殿直咸平中命為江淮南荆湖路兵馬都監討施夔州叛蠻酋長皆降因畫界定約事竣遷閣門通事舍人有陳思讓字後已幽州人為隨州刺史

袁彥河東人顯德初授步軍都頭領泉州未幾改岳州防禦使先是武行德榆次人乾德二年鎮安州邊光範字子儀陽曲人建隆四年慕容延釗征湖南以光範權知襄州事餉饋無闕延釗卒復知襄州

全續外紀前

卷五十一

全

王師討蜀出漢上光範復當供億人不知勞嘗舉本鎮判官李檄為殿中侍御史檄後坐事左遷光範太子賓客仍知襄州先是焦繼勳字成績許州人為襄陽防禦使

解暉臨洛人宋初授步軍都頭建隆四年充湖廣道行營前軍都指揮使潭州平蠻書獎諭為統軍黃從志據岳州暉率舟師討平之改控鶴軍都指揮使先是郭崇金城人領郢州刺史

克明字克卿真宗問南方事對稱旨遷供備庫使時值督捕寇克明出錢佐之視賊中矯勇者釋縛使

還捕其黨前後擒獲無筭張詠以其事聞遷平州刺史知辰州

馬懷德字得之祥符人以范仲淹韓琦薦授閣門祗候又遷殿中都虞候領隨州觀察使英宗即位遷靜難軍節度觀察留後召還卒先是有高懷德字藏用常山人領岳州防禦使賜廐馬七疋又荆罕儒上郡人為蘄州巡檢賜金帶鞍馬

史方字正臣開封人始補殿班常侍出為潭鼎三州沿邊巡檢會下溪州蠻侵澧州乘傳往視自竹疎驛至申文崖復地四百餘里得所掠五百餘人又

全續外紀前

卷五十一

全

置澧州武口楊泉索溪四砦以扼賊衝移知邵州復徙澧州天禧中下溪州蠻彭仕漢寇辰州殺巡檢王文慶方勒兵討降其黨李順同等八百餘人乃誅其渠魁杜忽十九人遷供奉官知辰州兼沿邊溪洞都巡檢使時蠻田彥晏寇施州方領兵直抵富順蕩其巢穴窮追彥晏至七女柵降之遷內殿崇班承制使

向子諲字伯恭臨江人敏中之玄孫也元符三年以憲肅后恩補承奉郎坐張邦昌事謫知潭州禁卒縱火掠瀏陽諲遣孟彥卿追及攸縣平之金兵圍

潭趙韋之死難誣出奔城陷紹興元年主管鄂州東路安撫司劉益苗成據攸縣誣遣人招降後為曹成所執逸歸又竇舜卿字希元安陽人善騎射南蠻彭仕義叛徙為鈴轄知辰州

成閔字居仁邢州人靖康初隸劉貽麾下高宗南渡授武義大夫金主亮入寇閔堤旅三萬鎮武昌木幾進屯應城縣除湖北制置使詔閔發鄂州張成華旺軍回駐鄂金主亮死引軍趨北閔至泗州奏已克復超遷太尉後治第于平江

韓公裔字子泉開封人給事高宗于藩邸會修玉牒登續外紀前卷五十一

恩寵甚渥秦檜以公裔舊人仍領帥府檜死遷華容軍節度使仍改岳陽

吳挺字仲烈從吳璘為中郎將瓦亭之役以功擢鄂州防禦使又郝質字景純汾州人為武昌防禦使孟彥卿忠厚從父也通判潭州建炎三年叛卒焚掠東門帥臣向子諲命彥卿領兵追之潰兵杜彥入犯瀏陽善化長沙二縣彥率民兵拒之手殺數人賊勢挫退還瀏陽彥卿追與之戰俄而民兵有自潰者賊遂乘之斬彥卿持其首以告民兵曰此善戰孟通判首也因支解以徇時趙民彥以民兵赴

之鏖戰瀏陽城南依山為陣殺俘甚衆偶為間者衝其陣民彥為賊所得罪事聞彥卿民彥並贈直龍圖閣官朱熹帥湖南請為立廟

牛臯字伯遠魯山人初為射士金人入寇臯聚衆與戰屢勝金人自荆門北歸臯潛軍于寶豐之宋村擊敗之轉安州觀察使會岳飛制置湖北將由襄漢規中原命臯隸飛軍飛喜甚即辟為唐鄧襄鄖安撫使尋改神武後軍中郤統領偽麻李成入寇破襄陽六郡敵將王嵩在隨州遣臯襲三日糧執嵩斬之得卒五千遂復隨州又以騎兵擊破李成復襄陽從平楊么么技窮投于水臯投水擒么除武泰軍承宣使尋充湖北京西宣撫司統制改鄂州駐劄荆湖馬步軍副總管

史南曰善為將者仰測乾文俯諸坤險遠觀物變近協人和而中運之以神明則師貞有丈人之吉行險無輿尸之貶爾矣宋自五季以來天發殺機星辰彗孛地積沴氣血膏原野物青存孽人妖頻厲至此極矣幸而藝祖寬厚諸將守律藩美首加撫馭有得于曹彬之圖書李處耘不厭殘酷多愧于曹翰之梟勇其他若延釗若



超若宗珂若懷忠若守節若彥若光範若暉皆創業而有裨于國者也若明若懷德若方若挺若公尚若子諱皆守邦而克壯其猷者也彼善于此舍生取義其孟彥卿牛臯乎贊曰國以義起必以義終陳橋之變欺弱成功厓山之厄天道惟公諸將死綬惟義之從潘李開國諸臣泰功孟牛死難六將從戎靖敵在勇謀國在忠水濕火燥氣感志同

王彥超 王繼勳 王明 王顯 王承德

王彥超臨清人初事漢為復州防禦使宋太祖登極

登續外紀前 卷五十一 十九

謂曰朕往依卿何為弗納對曰勺水豈能止神龍當時陛下不留滯于小郡蓋天使然耳帝悅以為永興節度使太平開國六年封邠國公

王繼勳陝州人初事周為供奉官宋太祖平荆襄命知道州州境與嶺南接劉鋹入寇繼勳上言可伐因權為步軍都監

王明字如晦大名入晉天福中進士宋初為武寧軍節度使代歸帝召見勞問賜襲衣金帶鞍馬是歲將用師南唐以明為黃州刺史帝密授成箚明既視事即完葺城壘訓練士卒衆莫解其意俄而王

師自荆渚乘戰艦而下即以明為池岳江筠巡檢擊鄂州軍於江南又破萬餘人於武昌殺江南軍七百人拔樊山砦

王顯字德明開封人初為殿前司小吏太宗居藩邸嘗給事左右性謹介不好狎未嘗踐市肆即位補殿直稍遷供奉官太平興國三年授軍器庫副使八月黜授隨州刺史充崇信軍節度使遣之任俄知永興軍改授山南東道節度同中書門下平章事

王承衍字希悅遼西人審珂之子也年十二授開府

登續外紀前 卷五十一 十九

使賜紫袍金帶太平興國中出監隨州軍又為京西水南巡檢使知潭州遷大宅使改永州刺史姪克臣亦監潭州仕至工部侍郎厥後有王友直者字聖益高平人高宗時賜金帶革服改復州防禦使

王奇汾州人武舉中第童惇經營湖北溪洞以為將領降其酋舒光貴平懿洽等州累遷湖南都監又有王臯者知荆南遇寇張海掠襄鄧韓閔兵擊之遁去先是李彬青州人雍熙四年為溪州團練使王彥字子才上黨人巨寇桑仲其麾下也陷襄陽西

向均房假道入蜀彥阻水據山設伏以待賊蟻附  
傳戰彥進擊之追至白磧復房州仲復還襄陽陷  
鄧州攻德安西據均陽分衆三道彥曰仲以我寡  
彼衆故分三道以離吾勢法當先破其堅則脆者  
自走遣副將焦文通禦之自領親兵大戰六日賊  
遂大敗仲為其下所殺五年知荆門安撫荆南措  
置屯田買牛授耕分給將士六年知襄陽府張浚  
薦彥為行營前護副軍都統制知邵州彥入辭帝  
撫勞甚厚曰以卿能牧民故付卿便郡行即召矣  
九年卒于官

續外紀前

卷五十一

李

王震字定叟東陽人高大父豪帥衆誅方臘以功補  
官嘉定四年中絕倫異等喬行簡曰吾為朝廷得  
一帥矣授承節郎從軍于鄂鄂帥鍾興嗣請于樞  
密院以震為隨軍統領兵馬湖帥李臺遣震招諭  
淮右叛卒平之

王德字子華通遠人初隸姚古軍金兵入寇手勦數  
十百人伙人皆呼為王夜叉後趙鼎論之特加原  
宥編管郴州

史南曰臣觀宋史乃見王氏諸將或曹派晉室  
世盟帶礪之功或崛起邊陲特樹旂常之勳彥

超齊人如晦趙人德明汴人而承閏而奇而彥  
而震則又著名燕淞翊贊吳越其績亦不可泯  
也贊曰參宿七星是名七將上衛紫垣中護丹  
仗武庫威羅羽林森向彥超繼勲援萬天上如  
晦希悅功成孰讓顯奇彥震德也克壯

石曦

石保興

石普

劉審瓊

劉鈞

魏正

劉光世

石曦太原人建隆三年使高麗遷右驍衛大將軍出  
為潭州鈐轄開寶八年領兵敗南唐軍于袁州平  
梅山板倉諸洞蠻太平興國中歷神武羽林大將  
軍知襄州遷誠州

續外紀前

卷五十一

李

石保興字光裔浚儀人守信之子也建隆初年十四  
以蔭補供奉官遷尚食副使淳化五年拜蘄州團  
練使為永興軍鈐轄又有石光者通判岳州後寓  
大雲山卒民祠之

石普其先幽州人大中祥符五年上言九月下旬日  
食者三生私藏天文下百官雜議罪當死除名房  
州安置復為千牛衛將軍仁宗即位徙安州有趙  
振者字仲威雄州人景德中從晉有功徙湖南都  
巡檢後坐謫潭州安置

魏丕字齊物相州人宋初改佐坊副使端拱間遷度

支使出為黃州刺史召對便殿賜御書急就章不  
退佐歌以獻淳化初改知襄州境內久旱不禱雨  
沾足五年改郢州刺史俄改復州遷左驍衛大將  
軍

魏能鄆人也端拱二年加御前馬軍副都頭咸平三  
年出為黃州刺史明年鎮高陽關

劉載字德輿范陽人建隆四年遣載代張光翰知貝  
州開寶四年改山南東道行軍司馬太平興國初  
復入為給事中太平興國三年出知襄州六年入  
為工部侍郎

劉審瓊

卷五十一

七

劉審瓊范陽人宋初為給事中補殿直太宗征河東  
餽餉無闕遷知潭州舊州多火日調民積水為勞  
審瓊至悉罷之甚為民便淳化三年代歸徙坊州  
刺史又譚廷美大名入太平興國初為蘄州刺史  
劉錡字信叔德順人高宗召見奇之特授閤門舍人  
知岷州張浚奇其才請為涇原經畧使知荆南凡  
六年軍民安之魏良臣薦之命知潭州加太尉復  
帥荆南江陵東有黃潭建炎間決江水以禦盜夏  
秋漲溢荆衡間皆被水患錡始命塞之斥膏腴田  
數千頃民賴其利又有劉子薦者字賁伯安福人

父夢騷知澧州歿于王事子薦為湘鄉尉獲盜有  
功

劉光世字平叔保安人初為兵馬都監蘄州防禦使  
時隆佑太后在南昌議者謂金人自蘄黃渡江命  
光世移屯江州為屏蔽光世既至日置酒高會金  
人自黃州渡江凡三日無知之者太后退保虔州  
馮檜貽書光世言賊深入兵家所忌進則距山退  
則背江百無一利而敢橫行者以前無抗拒後無  
襲逐也太尉選精兵自將來洪州開令其歸伏兵  
掩之可使匹馬不還光世不能用

史南曰

卷五十一

七

人有恒言智將不如世將世將不如福  
將豈其然哉存乎其人焉耳乃若三石之鎮襄  
蘄而普以綿象受咎一魏之鎮黃郛而不以詩  
歌自娛三劉之鎮潭荆而光世以杯酒玩寇此  
其優劣不俟辯已贊曰自閫以外將軍制之左  
秉白鉞右抗黃麾石魏暨劉九將有輝光世末  
簡有醜厥辭

張暉

張從思  
張建侯  
張俊  
張龜

張勳  
張運

張璠  
張明

張暉幽州人晉末暉為努手指揮使宋乾祐初郢州

守慕容業不法以暉代之為刺史具有方畧

張從恩太原人父存信振武軍節度使安從進叛于襄陽以從恩為行營兵馬都監襄陽平遷檢校太尉封許國公又張廷翰澤州人乾德中為歸州行營都指揮使

張遜高唐人太平興國初補左殿直雍熙三年西蜀李順為亂詔發兵進討以荆渚居其要害命遜為右驍衛大將軍知江陵府遜既至會峽路諸曹卒聚江陵有告其謀蠻以應蜀寇遜捕首惡楊承進等斬於市餘黨親加慰撫太宗嘉之詔以其卒分

登續外紀前

卷五十一

九

配州郡數月遜齎贈桂州觀察使

張勳洛陽人周世宗時為巡檢敗吳人於麻城宋初為兵馬都監進討朗州荆湖平以功拜衡州刺史乾德初克郴州及桂陽以勳為刺史又張鐸河朔人為澧州刺史

張整字成伯鄆陽人神宗壯之調荆湖將拓溪蠻地築九城又破蠻於大田歲中三遷為廣西鈐轄

張綸字公信汝陰人遷東頭供奉官會辰州溪峒彭氏蠻內寇命知辰州綸至次蓬山驛賊不得通乃遁去徙知渭州蠻復入寇仍為辰州澧州等州緣

邊巡檢安撫使諭蠻酋還所掠民遣官與盟刻石

于境上

張俊字伯英鳳翔人政和七年從討南蠻轉都指揮使紹興元年孔彥舟據武陵張用據襄漢李成據江淮湖湘十餘州連兵數萬范宗尹請遣將致討俊慨然請行遂改江淮路招討使成黨馬進在筠州俊聞命就道急趨岳飛為先鋒楊沂中由山流徑絕生米渡出賊不意追奔七十里至筠州賊背河而陣俊以步兵當其前沂中及陳思恭從山後夾擊以午為期俊與賊戰至午精騎自山馳下賊

登續外紀前

卷五十一

九

駭敗走既復筠州已而興國軍等處群盜聞俊兵至皆遁俊引兵渡江至黃梅親與之戰成敗以功拜大尉

張運初為瀏陽尉討王在有功遷通判鼎州澧賊雷德倡亂軍將都統梁吉率兵直擣其巢破四十一柵降之復督餉拒金人稱其能

張汝明徽宗時知岳州屬邑得古編鍾欲獻之汝明曰天子命我以千里懼弗仰承德意敢覲賞乎拒不以獻

張建侯徽宗時守辰州聞黃安俊圍鎮江建侯命盧

陽令王憲之往救兵潰被執死

張龜字且老祥符人知武陵縣遷判沅州息囂訟戮

淫祠均賦役時郡獠大擾龜立邊約示威禁蠻人帖服

張憲岳飛將也飛破曹成憲與徐慶王貴招降其黨

二萬有郝政率眾走沅州首被白布為成報警號

曰布賊憲一鼓擒之飛遣憲復隨州敵將王嵩不

戰而遁進兵鄧州距城三十里遇賊兵數萬迎戰

賊眾大潰後秦檜主和殺飛及憲

張世傑范陽人呂文德召為小校累功至黃州武定

宋續外紀前

卷五十一

九七

軍都統制與高達援鄂州有功轉十官尋從賈似

道入黃州戰蘄草坪奪還所俘加環衛官歷知安

東州咸淳四年大兵築鹿門堡呂文德請益兵于

朝調世傑與夏貴赴之及呂文煥以襄陽降命世

傑將五千人守鄂州世傑以鐵鉅鎖兩城夾以砲

弩其要津皆設攻具元兵破新城長驅而下世傑

力戰不得前遣人招不聽丞相顏陽攻嚴山隘潛

舟自唐港盪舟入漢東攻鄂州鄂降世傑後與陸

秀夫至海中死塋于鼓山

史南曰國之興也必有翊運之臣乘鷹揚之會

起而匡贊以先後之其衰也亦必有勤王之師

起而扶衰以終始之繫乎人君鼓舞之機駕馭

之權何如耳然非養之有恩待之有禮彼豪傑

者寧不解體哉是故漢高嫚罵以馭食其故西

漢之墓也多諛夫光武屈節以下子陵故東漢

之類也多高士宋藝祖之待士何如者自張氏

論之如暉如遜如勲如綸猶夫吹簫屠狗之夫

如俊如運如汝明如龜又豈能追夫仗節死義

之輩哉然而俊之附檜殺飛固有愧于建侯之

死致憲之死金世傑之死元也贊曰國運方隆

宋續外紀前

卷五十一

九八

風雲景從暉恩遜勲翊運思忠整綸平蠻各奏

爾功國運式微海濤簸空憲與世傑遑恤厥躬

運明建龜亦敷其庸俊也附檜是為孽雄

宗澤

宗澤字汝霖義烏人元佑六年進士補館陶尉舉李

綱同入對相見論國事慷慨流涕綱奇之上欲用

澤黃潛善等沮之除龍圖閣學士知襄陽府時金

人議割地澤上疏曰天下者太祖太宗之天下陛

下當傳之萬世奈何遽議割河之東西及陝之蒲

解乎自金人再至朝廷未嘗命一將出師但聞姦

臣朝進一言以告和暮入一說以乞盟終致二聖北遷宗社蒙恥臣雖驚怯當冒矢石為諸將先得捐軀報國恩足矣上覽其言壯之改知青州加延康殿學士卒贈通議大夫謚曰忠簡

史南曰朱熹有言宗澤守京城治兵禦戎以圖恢復其所建論謀畫是非利害昭然耳觀耿南仲沮之于建康黃潛善汪伯彥沮之于淮甸動相掣肘不得有為嗟乎豈非天乎吾於澤也何尤贊曰華夷混沌天地晦冥英雄死國忠義勃興忠簡之出海嶽錫璽奸宄作孽宗社震驚渡

登續外紀前

卷五十一

十九

江弗振抱憤奚仲延康有殿雖死猶生

岳飛

岳飛字鵬舉湯陰人宣和四年劉韜募士飛從之紹興元年同張俊討李成于蘄州事平飛功第一加神武右軍副統制二年曹成擁眾十餘萬犯湖湘據道賀二州命飛知潭州無權荆湖東路安撫都總管招成成聞飛將至驚曰岳家軍來矣即分道而遁飛至茶陵奏詔招之成不從飛入賀州境得成謀者縛之帳下飛出帳調兵食吏曰糧盡矣奈何飛佯曰姑及茶陵已而顧謀若失意狀頓足而

登續外紀前

卷五十一

十甫

入陰令逸之謀歸告成大喜翌日來追飛命士詹食潛趨逸嶺麾兵掩擊賊大潰帝書精忠製旗以賜之授江南西路制置使成又挾金人侵襄陽及唐鄧隨鄆諸州湖寇楊么亦與之通順流而下帝命飛討之除荆南鄂岳制置使飛奏襄陽等六郡為恢復中原基本今當先取六郡以除心膂之病然後加兵湖湘以殄群盜帝以諭趙鼎曰知上流利害無如飛者授黃州復州漢陽德安制置使飛渡江中流顧幕屬曰飛不擒賊不涉此江抵鄆偽將京超弭萬人敵乘城拒飛飛鼓衆而登超投崖死復鄆州遣張憲徐慶復隨州飛移屯鄂授湖北路荆襄潭制置使使封武昌郡開國侯又除荆湖南北襄陽路制置使招捕楊么飛所部皆西北人不習水戰飛曰兵何常顧用之何如耳先遣使招之賊黨黃佐降表授佐武義大夫單騎按其部曲佐感泣誓以死報佐遂襲周倫倫若擒其統制陳貴等飛上其功遷武功大夫統制任士安不稟王燮令飛鞭之使餌賊曰三日賊不平斬汝賊見士安軍併力攻之飛設伏士安戰急伏四起擊賊走會召張浚還防秋飛袖小圖示浚浚欲俟來年議之

飛曰已有定畫不八日可破賊浚曰何言之易飛曰王四廂以王師攻水寇則難飛以水寇攻水寇則易飛遂如昂州黃佐招楊欽來降表授欽武義大夫欽說余端剗說等降飛詭罵欽曰賊不盡降何來也杖之復令入湖是夜掩賊營降其衆數萬么負固不服浮舟湖中以輪激水其行如飛旁置竿官舟迎之輒碎飛伐君山木為巨筏塞諸港洑撞以腐木亂草浮上流而下擇水淺處遣善罵者挑之且行且罵賊奴來追草木壅積舟輪礙不行飛亟遣兵擊之賊奔港中為筏所拒官軍乘筏張牛革以蔽矢石舉巨木撞其舟盡壞么投水中牛皇擒斬之還軍鄂州除荆湖南北襄陽路招討使六年飛入覲面陳襄陽自收復後未置監司州縣無以按察帝從之命飛屯襄陽以規中原飛移軍京西改武勝定國軍節度使命往武昌調軍帝慮俊光世不足任命飛東下飛自破曹成平楊么凡六年皆盛夏行師致目疾聞詔即日啓行八年還鄂州秋召赴行在命詣資善堂見皇太子飛退而喜曰社稷得人矣中興基業其是在乎厥後秦檜力主和議誣飛逮繫殺之時年三十九孝宗詔復

飛官追封鄂王謚曰武穆

史南於嘉靖戊寅謁武穆王祠鄂守沈煉樹碑乃撰廟銘曰於皇有宋城河之潰趙跋寧夏遼極燕雲暨蹂于金靖康未雪渡河以南嘻何能國桓桓鵬舉天肆其雄精結重夏氣于長虹帝曰予咨授汝閭軸畫驚胡嘯宵騰鬼哭顯允太尉受命自天曰昂曰澤咸亮其賢突如其來先聲浩洶白蠹星奔彤幢颺動陰山石裂瀚海濤翻孫狄拿攫蛟螭吐吞兀木褫魄黑風授首羗爾么成紛何足數謀沉頗牧勇冠彭英至孝所基疇其與京威行猙獍澤被父老金牌召旋號呼填道吁嗟少保功勒昂葵誰為厲階造化小兒德遠雖賢猶為齟齬彼檜孽雄奚其以齒精忠有錄武穆有祠方城為城長江為池隱映日星翕納煙霧天乎神焉萬葉如故

汪若海

汪澈 汪立信

汪若海字東叟歙人父叔詹字志道崇寧五年進士紹興中知鄂州若海初通判沅州值曹成李宏馬友歸附有貳志移書責之成怒謀加害若海夜宿王林帳中以計得印遂奪其衆五千人翼日成遂



道若海復遺宏書使刺成以自歸宏得書圖成弗勝走長沙群盜解散若海以林五千人歸招討使張俊時朝廷方出師若海獻平寇策高宗悉用之後李宏為劉忠襲死劉忠為韓世忠破走湖湘遂安尋以若海為承務郎監潭州南岳廟通判辰州遷湖北帥司叅議知道州陞辭得對上曰久不見卿安在授直秘閣又汪澥字仲容旌德人少從胡瑗學熙寧間舉進士調昌州司理叅軍又汪綱字仲舉黟縣人以祖勅蔭為鎮江司戶調桂陽令平蠻均賦有功後遷戶部侍郎

登續外紀前

卷五十一

王章

汪澈字明遠自新安徙居浮梁第進士教授衡州及沅州召為殿中侍御史尋宣諭湖北過九江王炎見澈論邊事辟為屬偕至襄陽撫諸軍鄂帥田思忠老而怯奏易之澈上言襄為荆楚門戶不可棄敵將劉蕡擁衆十萬揚聲欲取荆南又欲分軍自光黃擣武昌朝廷令吳拱護武昌津渡拱引兵回鄂澈聞止之自發鄂兵戍黃州俾拱留襄敵騎奄至樊城拱大戰漢水上敵衆敗走時唐鄧陳蔡汝穎相次歸職方未幾金主亮死澈乞出兵淮甸與荆襄軍夾擊未報而秦檜罷兵請和召澈入為叅

知政事孝宗卽位銳意恢復首用張浚以澈叅樞督軍荆襄分道進討時趙樽守唐王宣守鄧招皇甫侗於蔡澈以為襄漢沃壤請因古長渠築堰募耕給種歲可登穀七十餘萬斛隆慶元年入奏還武昌張浚尅期大舉詔澈出師應之澈以議不合乞罷從之

登續外紀前

卷五十一

王章

汪立信曾祖智初從澈宣諭湖北紹興六年舉進士授烏江簿辟湖南制司幹辦通判江陵趙葵辟兄叅議官葵去馬光祖代之立信猶在府中鄂州圍解質似道惡閫臣已與分功廼行打篆法於諸路立信遂投劾去充湖南安撫使知潭州凡貧無告者予錢病者加藥興學教士又勅威敵軍權兵部尚書荆湖安撫制置知江陵府時襄陽被圍危急立信疏請屯兵黃州移書似道謂今天下之勢十去八九而君臣宴安不以為虞廼酣歌深宮嘯傲湖山玩歲愒日仰祈天命俯遂民物不亦難乎似道不之聽文天祥啓立信曰尚書天之北斗光動玉垣荆楚國之西門勢雄赤壁穩惟騰落旌蓋風生起觀江漢之危枰正擊波濤之巨楫岷山落日追思羊太傅之經營江左風流孰奮魯夷吾之懷

慨北繞郢沔南卷沅湘一新牙蠹東達吳會西通巴蜀重整金湯許充國以便宜授孔明以節制真儒無敵于天下此虜已在吾目中箭青海弓天山橐鞬敵愾盍長河埵泰華樽俎折衝陳六月北伐之詩刻萬年中興之頌星輝翼軫莫隨東野之雲龍月滿關河尚策祁山之流馬其為名流所重如此

史南曰臣嘗進講

經筵衍義內引李林甫秦檜觸忤張孚敬謫判徽郡訪諸汪氏之蹟見所撰足徵錄者徒纂其畧及

續外紀前

卷五十一

重

登烏聊謁紫陽想東叟之高蹤蒐野史諮故老葺明遠之遺事已而閱文山集乃見夫荆湖制啓之詞益徵汪氏世傳忠義也已贊曰汪自越王錫封于唐星源分派練江流祥東叟杰士宋室之望明遠敵愾儼然于襄立信開府震耀湖湘

楚紀卷之五十一

楚紀卷之五十二

登績外紀後篇

錢易

錢即 錢熙 錢仁老 孫沔  
孫達吉 孫構 孫冲 孫永  
任顯 任中正 任伯雨 任布  
余靖 余良肱 余子

錢易字希白吳越王俶兄宗子也俶歸朝群從悉補

官易與兄昆不見錄遂刻志讀書易年十七舉進

士太宗嘗與蘇易簡論唐世文人歎時無李太白易

簡曰今進士錢易為歌詩殆不下白太宗驚喜曰

誠然朕當自布衣召置翰林值盜起劔南遂寢真

續外紀後

卷五十二

十

宗在東宮圖山水扇會易作歌嘗愛之易再舉進

士就開封府試第二自謂當第一為有司所屈乃

上書陳試朽索之馭六馬賦意涉譏諷真宗惡其

輕銳降第三補濠州推官召試中書改光祿寺丞

通判蘄州又錢餘字邑甫累遷知荆南府

錢即字中道毘陵人熙寧九年進士授安州司理叅

軍至元豐中進直龍圖閣值童貫用事即上言時

政貶永州團練副使上思其忠復徵猷閣待制楊

時銘其墓曰烈烈我公惟時干城威加鬼戎一塵

不驚壁倖恃權狂瀾稽天

錢熙字大雅，南安人。雍熙初，携文謁李昉，命子宗讓與之游。明年登進士補度州推官，坐事通判朗州。徙衡州。真宗即位，遷右司諫。又有錢適者，字德循，浦江人，累官御史中丞，提舉湖南常平。

錢仁老，海虞人。宋嘉定間，為蒲圻令。嘗登河北凌雲山，賦詩云：「遠岫青千疊，寒流碧一灣。」此情多汨沒，却羨白鷗閒。又錢師仁紹興間，為崇陽令。疏白泉陂，溉田甚廣。又錢衢者，嘉泰中為黔陽令，改修學校，人皆德之。又錢景持為桃源令，時鍾相圖城景持力戰而死。又錢名文嚴州人，舉進士為武岡令。

續外紀後

卷五十二

二

孫沔字元規，會稽人。舉進士，補秘書丞，為監察御史。裏行景祐元年，黜知衡山縣。上書言：「時政再貶，永州監酒稅徙通判潭州，復為監察御史，累遷尚書工部員外郎。又有孫甫者，慶曆中知安州，有善政，撰唐史七十卷。」

孫覽字傳師，舉進士，調尉氏令，為司農簿。舒亶欲引覽自助，覽拒不答。亶怒，劾之，提舉湖南常平。章惇開疆命往，相其便覽至沅州，上言：「所招溪洞，百三十一宜從本郡約束，勿建官置戍，以重困民。自誠州抵融江口，可通西廣，以省北道餉餽，悉從之。」檄大

將苗履禦夷，履稱疾，覽正其罪，竄諸房陵。

孫構字紹先，博平人。舉進士，調廣濟判官。歲舊入圭田粟六百石，構止受百石，餘以畀學宮。久之，加直昭文館，徙湖北轉運使。章惇開南北江，構渡辰溪舟毀而溺，得援，僅免。神宗憫之，賜帛，蠻酋彭師晏常持向背，構知彭儒武，與有隙，檄使攻之。師晏降，得其下溪州地五溪，皆平。進集賢殿修撰。又孫初字居敬，東陽人。淳熙間，進士知黃州，有善政。

孫冲字升伯，趙州人。舉明經，累官殿中侍御史，出知襄州。真宗遣中使捕蝗，奏襄為甚，帝怒，郎州設獄屬邑覆上言：「歲熟乃悟，咎其使。」

續外紀後

卷五十二

三

孫永字曼叔，趙州人。舉進士，授宜城令。疏白起舊渠，以時蓄洩，民甚利之。後徵為御史丞，又孫鏞者，孫何父也，知荆門軍，訓士有功。

孫逢吉字從之，龍泉人。隆興元年，進士授彬州司戶參軍，入遷國子司業，出為湖南提刑。又有孫夢觀字守叔，慈溪人。寶慶二年，進士調桂陽軍教授。任中正字慶之，濟陰人。進士及第，為池州推官。歷大理評事，通判邵州，還秘書省著作佐郎。中正軀幹頎長，帝擇大笏，命內臣取緋衣之長者，賜之後，擢

監察御史遷左司諫仁宗時進兵部尚書

任伯雨字德翁眉山人舉進士上言時政調施州簿  
郡守檄使監公庫拒不受第汲字師中亦知名嘗  
通判黃州當時稱大任小任伯雨撫民如傷治有  
成績召為大宗正右正言首擊章惇人皆壯之宣  
和中卒淳熙初賜諡忠敏

任布字應之河南人進士及第補安肅判官改荆湖  
提刑入權三司並鐵判官又任希夷為崇陽令累  
官叅知政事卒諡宣獻

任顥字誠之壽光人舉進士為衛尉丞擢天章閣待

奉續外紀後

卷五十二

四

制儂賊犯嶺表出知潭州蕪宣撫司適有卒補軍  
校顥察其色動曰必有異志訊之具服為賊內應  
蒐其家得所記潭事甚悉梟首以徇詔書褒激錫  
金進龍圖閣直學士知渭州後坐在潭日賤市商  
人珠降為待制

余靖字安道曲江人舉進士為贛縣尉遷秘書郎慶  
曆中為右正言出知潭州又以討儂智高功加集  
賢學士

余良肱字康臣分寧人舉進士調荆南司理叅軍屬  
邑捕殺人者自誣服良肱疑之為白其誣民有失

物方暑榜掠號呼或附吏耳語良肱陰知其為盜

亟捕誅之改鼎州推官五溪蠻叛良肱運糧境上  
奏請委地以與之不報尋加大理丞出知湘陰縣  
捐通米數千石後遷光祿卿子下葵

余卞字洪範爽字荀龍以父蔭補校書郎爽為湖北  
安撫司官討叛蠻知沅州蠻殺巡檢下討平之及  
蠻復叛斷渠陽道官軍不得進下適使湖北帥唐  
義問授下節制諸將陰選死士三千人夜啣枚繞  
出賊背伐山開道漏未盡數刻入渠陽黎明整衆  
出賊大駭來戰奮擊大破之鼓行度險七遇七捷

登續外紀後

卷五十二

五

斬首數千級蠻遂降尋有詔廢渠陽軍為砦盡拔  
居人護出之紹聖初免歸徽宗即位復奉議郎未  
幾復渠陽為靖州又論前事免終於家元豐初下  
上便宜十五事坐謫訕入元祐黨籍又余嶠者紹  
定四年為湖南安撫使築城修學又余童知潭州  
賑濟有方又余彥廣為松滋令治有能聲

余端禮字處恭龍游人舉進士累官吏部尚書判潭  
州加少保封郇國公卒贈太傅謚曰忠肅又余紹  
祖字光喬奉新人紹聖二十七年進士授潭州觀  
察推官獲盜有功後徙通判江陵府

鄭清之字德源，鄞人。嘉泰十年進士，調峽州教授。趙方稱之。湖北茶商群聚清之請募為軍以備差遣，號曰茶商軍。文鄭行已紹聖中知耒陽，有善政。鄭剛中字亨仲，金華人。舉進士，遷監察御史。上言時政，秦檜怒，貶桂陽。居住復州，安置。又鄭穀字致剛，建州人。政和八年進士，授安陸教授。又鄭憺，元豐中守岳州，以能稱。

史南曰錢氏自易受知于蘇易簡而卽為王孫  
熙受知于李昉而仁老為良吏孫自覽赦免李  
安世而覽復獲譖構討平彭師晏而冲永多善

登續外紀後

卷五十一

六

政任氏自中正受薦于錢若水而伯雨有直節  
顓伸威于儂智高而布有賢聲余氏自靖居秘  
省而良肱能辨疑獄卞亦能靖南夷端禮坐鎮  
星沙鄭氏自清之受知趙方而剛中激怒權臣  
可謂有宋之良材爾矣贊曰登崇俊良列置有  
位澤被海隅名彰夷裔四錢之肖吳越貽裔五  
孫之績宋邦呈瑞四任有聲厥名不墜三余二  
鄭不顯亦世

楊覃

楊柳  
翠華

魏 楊  
廷 岐

徐處仁

楊宏中  
徐夢莘

徐楊  
的結

徐起  
袁逢吉

謝麟

謝泌

但士衡

祖無擇

字中錫漢太尉震之後也太平興國八年進士  
改著作佐郎徙知隨州景德二年王師討寇冠軍  
需多出長沙乃以覃為潭州守餽餉不匱曹利用  
以聞詔褒勞之加刑部郎中祥符三年代馮亮為  
荆湖制置發運使入為太常卿

楊旼字樂道節度使重勛之曾孫也進士及第累遷大理寺丞出知岳州慶曆三年湖南徭唐和叛擢為提刑佃乃募材勇深入谿峒前師被衄旼踣巖下復厲士衆討平六峒以功遷太常博士轉荆湖路鈐轄入為司農卿韓魏公贈之詩云軺車勤按

登續外紀後

卷五十二

七

問并部此先行糴重傷農業年豐報力耕幾時蘇  
俗困異日復民兵公策方經遠提封可坐清又有  
陽抗者通判辰州置火樓以俟蠻出鳴鼓為節遠  
近相援蠻聞驚遁

楊偉字子竒幼學于兄億天禧元年獻頌召試學士  
院賜進士及第試秘書省校書郎補蘄州錄事叅  
軍入為國子監直講又楊文仲字時發彭山人淳  
祐七年胄試入大學調復州教授轉運使印應飛  
辟入幕明發婦冤獄應飛薦之荆湖宣撫使趙葵  
辟佐屬幕文有楊翼之字元禮淳熙六年為永州

傅士著曲禮講義諸生誦習又楊日嚴字岳訓河南人進士及第試校書郎遷大理寺丞出知襄州召為太常少卿兼集賢殿學士

楊宏中字克甫福州人開禧元年進士嘉定八年夏早上言時政出判衡州知武岡軍督餉有方民不告擾又楊汲字潛古晉江人舉進士調趙州司法叅軍元祐初以寶文閣待制知黃州徙襄州紹聖中復為戶部侍郎

楊繪字元素綿竹人舉進士通判荆南遇事迎刃而解諸吏惟日不足後為荆南節度副使又楊允元

登續外紀後

卷五十二

八

與繪同邑人允恭弟也咸平元年進士歷戶部鹽鐵判官出知潭州又楊恢知均州金兵入犯恢堅守建比干祠以勵衆士

魏瓘字用之補校書郎坐門客魏綱上書論天書之偽謫監鄂州茶稅歷知衡州隨州潭州鄂州累遷工部侍郎會下溪州彭士義叛徙知荆南瓘條上三策以招徠為主守禦為上攻取為失後果如瓘策再知安州又魏羽字番天婺源人太平興國初歷遷戶部郎中出知潭州

魏廷式字君憲大名入太平興國五年進士補朗州

法曹李惟清薦為桃源令端拱初轉著作佐郎至道初復知潭州民好訟廷式禁之吏人畏服真宗立入為諫議大夫

徐處仁字擇之應天人舉進士甲科調永州東安令值郡蠻叛處仁入峒開示恩信蠻感泣誓不復反擢監察御史遷右正言給事中復進戶部尚書出知蘄州召為顯謨閣直學士先是有徐君猷元豐間知黃州蘇軾與之友善又徐道隆字伯謙武義人以父煥任累官潭州判官荆湖制置使汪立信奏辟道隆為叅議官又徐逢字吉甫桐鄉人累官

登續外紀後

卷五十二

九

知常德府節財修政禁禦群蠻有功

徐夢莘字商老臨江人紹興二十四年進士知湘陰縣會湖南帥括田增稅夢莘獨謂邑無新田帥恚之檣撻其過終莫能得由是反器重之子天麟字仲祥開禧元年進士調撫州教授歷湖廣總領幹辦又徐如晦字光伯豐城人隆興初為慈利簿辦冤獄大旱致雨人以比東海孝婦事

徐的字公準建安人舉進士知吳縣徙荆湖北路轉運使辰州蠻彭士義為寇的開示恩信蠻黨悔悟攝江陵府事城中惡少年輒夜縱火的廉知其名

使相保任火遂息洗馬歐景不法發其奸竄之嶺  
外復為荆湖制置發運副使加直昭文館區希範  
寇衡湘的招撫之蠻酋相繼出降除荆湖南路安  
撫使桂陽蠻欽景石破華陰水頭諸洞不降者皆  
討平之斬其酋熊可清等千餘級卒於桂陽又徐  
彭年為辰州守沅陵蠻叛遣巡尉游序討平之

徐起字豫之郢城人舉進士累官樞密直學士出為  
荆湖北路轉運使部有戍卒殺人繫獄其徒欲劫  
之起聞之往按之事遂平後遷秘書監又徐清叟  
字直翁應龍之子也嘉定七年進士累官煥章閣

登績外紀後

卷五十二

十

直學士改知潭州又徐霖字景說衢州人淳祐四  
年試居第一知貢舉官入見理宗曰第一名得人  
嘉獎再三釋褐授沅州教授又徐經孫字中立寶  
慶二年進士授瀏陽簿潭州俾部牙校取契錢經  
孫曰此錢取諸保司出諸公庫奚可得哉詰且悉  
以所部錢上之辟永興令知臨武縣通判潭州

謝麟字應之甌寧人舉進士調石首令縣濱江堤不  
可禦麟築石障之民咸安堵號謝公堤轉通判辰  
州時章惇拓沅州以麟為守徙賊犯辰溪麟撫其  
種落四千八百有奇納思廣洞降得鎧甲二萬詔

賜甚渥徙知荆南元祐初加直秘閣知潭州又謝  
景溫字師直絳之子也舉進士知襄州徙潭州章  
惇開五溪景溫有力焉進禮部侍郎

謝泌字宗源歙人太平興國五年進士授大理評事  
累遷殿中丞淳化二年早上言時政帝從之咸平  
間出知荆南府改襄州後入為諫議大夫

袒士衡字平叔上蔡人舉進士授大理評事通判  
州再遷殿中丞直集賢院

祖無擇字擇之與士衡同族舉進士為湖北轉運判  
官與朱文公張南軒同登南嶽有詩

登績外紀後

卷五十二

十一

袁逢吉字延之鄢陵人曾祖儀仕唐為黃州刺史開  
寶八年逢吉以三傳擢第淳化中為水部員外郎  
至道初出為荆南轉運使咸平中知襄州

袁抗字立之南昌人舉進士調祁陽簿衡州推官  
入為大理寺丞又袁樞知江陵扞水種木有利於

民

司馬旦字伯康溫公光之兄也歷知安州治郡有體  
澹泊無欲奉養苟完人不見其貴與弟光尤友愛  
光居洛旦居夏縣一歲徃省凡平時所與論天下  
事旦有助焉又司馬朴字文秀少育于外祖范純



仁及純仁寓永失明朴方七歲應對賓客如老成人

司馬夢求景定二年進士咸淳末調江陵沙市監德祐元年湖水忽涸北兵橫遏統程文亮逆戰于馬頭岸制置使高遵束手不援夢求朝服望闕再拜自經死

史南曰臣嘗觀宋史見其北扼契丹西阻元昊金繒歲幣財不得不費虎符時發兵不得不厯既而王安石變法名為聚財而實則割肉以充腹章惇拓邊名為闢土而實則啓釁以召禍遂

登續外紀後

卷五十二

十二

使諸臣或以直道而三黜或以巧謀而三捷若五楊之于楚也覃旼為寂其次則儔則宏中則繪焉三魏之于楚也權為寂其次則羽則廷式焉四徐之于楚也處仁為寂其次則夢華則的則起焉二謝之于楚也麟為寂其次則泌焉二祖二表之于楚也士衡逢吉為寂其次則無擇則抗焉至司馬氏則又賢加于人數等矣贊曰知人固難用人尤難用人固難論人尤難揚魏徐祖表氏諸賢溫國伯仲洛陽名園朝徠暮鶴葯房芝田具彰國史敢續遺編

衛涇

家愿 孔平仲

蘇軾

薛叔微

朱台符

施師點

寇喜夏

潘雨

衛涇字清叔其先齊人淳熙十一年進士第一累官

工部尚書以忤秦檜屏居十年開禧二年起直學

士院進吏部尚書誅韓侂胄有力焉又忤史彌遠

出知潭州時朱熹寓南嶽雅相知重及涇奏召熹

還朝而熹已卒乃取所註四書梓之以傳又舉廖

視通判衡州事見名臣奏議後加資政殿學士封

吳郡伯寶慶四年卒贈太師謚曰文節

家愿字處厚眉山人進士紹聖元年量移黃州數年

始予祠又饒虎臣字宗召進士嘉定中澧州推官

登續外紀後

卷五十二

十三

孔平仲字義甫新喻人文仲弟也舉進士呂公著薦

為秘書丞紹聖中出知衡州董泌糾之置獄潭州

平仲疏言乘民缺食散陳易新义則廩朽無用矣

事白徙惠州徽宗立入為戶部郎中卒所著有世

說稗詩又孔端直者曲阜裔也為通城令有惠政

喻樗字子才嚴州人先世祖樂仕梁為安州刺史樗

少從楊時游慕伊洛之學建炎三年登進士趙鼎

都督荆襄辟樗為幕客秦檜主和樗與張九成論

之檜死復起為太常丞出知潭州

薛叔似字象允永嘉人初為國子學錄歷吏部侍郎

出為京湖宣諭使召為端明殿學士

朱台符字拱正眉山淳化三年進士授將作監丞為道州判官入直史館咸平二年旱求直言台符上疏指切時政優詔答之景德初出知郢州時耿望知襄州與台符制置營田有功召還卒于舟有集三十卷又朱服字行中烏程人熙寧中進士元豐中為監察御史坐與蘇軾游斬州安置

商飛卿字暉仲臨海人淳熙初由太學登進士第任無為軍教授累官秘閣修撰為荊湖路轉運判官後改司農卿

登續外紀後

卷五十二

十四

余舉字祗若江寧人崇寧四年進士授起居舍人累官顯謨閣待制出知襄州召為翰林學士進兵部尚書

蘇緘字宣甫晉江人舉進士調南海簿大將陳曙以失律誅緘亦貶房州司馬復為著作佐郎又坐謫潭州都監未幾知鼎州

施師點字聖與上饒人弱冠游太學司業高宏稱其文深醇有古風尋授以學職紹興二十七年廷對調復州教授兼權禮部侍郎除給事中端明殿知樞密院事

凌景夏字秀文餘杭人紹興二年補著作佐郎直龍

圖閣出知襄陽府徙知鼎州奏免程昌禹所增蔡兵邊儲六萬緡後入為吏部侍郎

邊廂字國安應天人進士及第除大理評事知柵潛縣遷太常博士貶岳州團練副使

史南曰諺有之欲學為吏視已成事言者今之鑑也傳有之苟已之不愆何恤乎人之言言已者人之則也以古為鑑克明厥德以已為則克修厥身措諸天下國家無難事矣乃若宋室諸臣清叔之雅重于文公義甫之見稱于申公

登續外紀後

卷五十二

十五

子才之從游于龜山象先之紹業于東萊其志可則也拱正之中孚于真宗茂獻之上褒于孝宗聖與之明揚于高宏季文之力改乎程昌禹其才可鑑也又處厚之直不喪其守麗仲之諒不失之隨祗若之宏曠其有容宣甫之達執以不撓志立而才充可不謂賢乎他如聖與醇朴而不愉堅強以不窳廣信先賢傳載之詳矣贊曰正人進兮昭治徵讜論陳兮折奸萌排九關兮直言伸叫重閣兮大節貞諸賢援兮連彙征出牧長兮民隱矜入台輔兮君德成吁嗟噫嘻

考維國之植

歐陽晔

歐陽晔 朱壽昌 周煥朝 周沆  
周開 吳季勝 吳愈 韓正  
韓彥直 韓駒 向子韶 向子志 向士璧  
郭汾 郭達 江滋 江海

歐陽晔字日華廬陵人文忠公修之叔父也父柳為

武昌令晔幼讀書于湖南咸平三年進士授隨州

推官州大洪山奇峰寺有僧數百人轉運使疑其

與奸為市令晔往按僧賂以金晔卻之令其輸金

賑饑多所全活遷江陵府後監興國監酒稅崇陽

素難治徙晔治之決滯獄數事有巨豪至明李通

訟產晔折以一言取其貲歸之于明通無怨言桂

登績外紀後

卷五十二

十六

陽有爭舟鬪死者晔辨其冤加太子中允尚書都

官負外郎卒葬于安州之應城修銘其墓曰明足

以決于事愛足以恩于民仁足以施其族清足以

潔其身而終之以此足以遺其子孫

歐陽穎字孝叔咸平三年進士穎克承祖柳之緒初

授峽州判官入為秘書郎知建寧起為峽路轉運

使徙鄂州明道二年分司荆南歐陽修銘曰壽孰

與之七十而老祿則自取於取猶少扶身以方亦

以從公不變其初以及其終又歐陽守道字公權

淳祐元年進士運使吳子良辟為徽麓書院山長

發明孟子正人心之論學者竦敬時族人歐陽新

字仲齊與其子必泰寓潭亦知理學及新卒守道

吊之以文又歐陽椿字永年分宜人紹興登進士

為永州教授

朱壽昌字康叔天長人異之子也以蔭補將作監簿

調蒲縣令創學校闢田野民甚德之通判荆南知

岳州地濱洞庭多水寇壽昌編著名氏伺察出入

盜為少弭富弼韓琦為相雅重其孝表遣壽昌寬

恤湖南罷邵州采金州徙知鄂州蘇軾與書曰武

昌寄居王殿直天麟偶說岳鄂間田野尤諱養女

登績外紀後

卷五十二

十七

初生以水浸殺咿嚶良久父母亦不忍聞鄂人有

秦兆亨者今已及第為安州司法方其在母也其

舅陳遵夢小兒挽其衣遵念其婢方娘兒已在水

盆中矣趨救乃免願以此明告諸邑令此風便華

人必樂從其陰德十倍于活壯夫也又贈其尋母

詩云嗟君七歲知念母憐君壯大心愈苦羨君臨

老得相逢喜極無言淚如雨不羨白衣作三公不

羨白日升青天愛君五十作絲服兒啼却得償當

年烹龍為炙王為酒鶴髮初生千萬壽金花詔書

錦作囊白滕肩與簾覺繡感君離合我酸辛此事

今無古或聞長陵謁來見大姊仲孺豈意逢將軍  
開皇苦挑空記面建中天子終不見西河郡守誰  
復譏潁谷封人羞自見

朱晞字子淵休寧人隆興二年進士初知靖州之永  
安民立生祠改知蘄之廣濟上言請更合肥之兵  
從之徙知靖州上言襄漢通吳蜀宜移武昌大軍  
戍襄陽以控漢沔孝宗嘉納後加奉議大夫封休  
寧縣男又朱洞開寶間創知潭州撤麓書院以教  
士朱慶基景祐間知峽州建東豐亭以樂民士民  
紀之

續外紀後

卷五十二

十八

周端朝字子靖從朱文公于武夷紹熙中入大學趙  
汝愚被免端朝率同舍楊宏中等上疏救之時號  
六君子嘉定辛未進士調桂陽教授首立濂溪祠  
于學以示標準後累官刑部侍郎卒謚文仲

周沆字子真益都人舉進士知渤海縣湖南蠻唐鑑  
二族叛以沆為轉運使沆言蠻驕勝方驕未易闢  
力宜須秋冬進兵且其地險氣毒人驍悍善用鉞  
北軍不能確請選邑宜融三州卒三千人習知山  
川技藝者徑擣其巢布餘兵絡山足出則獵取之  
俟其勢窮力屈乃可順撫朝廷用其策二族皆降

加直史館知潭州又周薰字世南寧都人知撫州  
遷駕部郎中

周闢淳熙中守沅州多士賓興闢於歲計田內擇其  
豐沃歲輸其租于學宮邦人感之立碑學宮以紀  
其事又周利見飭修廟廡大增學舍鑄齋感化又  
周堪知襄州襄以竹覆屋堪教之啗犬不為害又  
周薰字世南寧都人自國子博士知衡州遷駕部  
郎周世修字純德玉山人宣和間進士知興國  
吳審禮哲宗時知辰州徭數為寇審禮蒞州解甲撤  
備以誠待之徭人感悅審禮滿秩徭復叛令其復

續外紀後

卷五十二

十九

任在辰凡十年境內化孚

吳柔勝字勝之宣城人淳熙八年進士遷太學博士  
知隨州時議和好戒開邊隙郡民累輩有馬為北  
人所盜追之急北界以為言郡下七人午獄柔勝  
破械縱之孟宗政扈再興隸帳下皆為名將柔勝  
州及秦陽城立軍曰忠勇改湖北運判兼知鄂州  
值歲歉講荒政全活不可勝計召直華文閣謚曰  
正肅子淵字道夫嘉定七年進士工部尚書知江  
陵府召入參知政事又吳鑑淳熙中為宜章令修  
學宮解理性士子感悅

吳愈字秀謚德安人與兄元同登進士愈知鄂州值金兵入寇率衆禦之遷兵部侍郎卒贈光祿大夫謚文肅又吳輔為道州推官蠻徃叛或欲毀橋輔曰橋南非吾民乎卒不毀寇亦不至

韓子太簡華州人太平興國三年進士通判衡州石熙載薦之改左拾遺雍熙中加虞部郎中淳化二年出知均州召為工部侍郎又韓川字元伯陝人舉進士歷開封推官元祐初用劉摯薦為監察御史守郢州後坐事道州安置徽宗立復故官知襄州卒

登續外紀後

卷五十二

二十

韓彥直字子溫延安人蘄王世忠子也以父任補承直郎紹興十八年進士拜司農少卿出領湖北發運使知襄州七年移鄂州條奏六事彥直日命騎士被甲徒行習於勞動事聞詔令江上諸軍倣而行之八年授敷文閣待制入對岳飛為帥臣在鄂彥直上言荆襄始分為二宜復其舊京西湖北分置襄陽事體歸一詔從之遷刑部侍郎

韓駒字子蒼宣和間進士初為分寧令政和間知黃州時蘇軾為團練使贈之詩云唐朝學士例能詩李杜高深到者稀我讀君詩笑無語恍然再見儲

光義又韓瑋者魏公琦之兄也天聖中知黃州琦寄詩云予兄天聖中尚攝齊安守兄弟孰不宜吏治孰可偶公庭常寂然所樂在文酒又韓世清知蘄州遇寇劉忠入境清設方畧拒之境內獲安

向子韶字和卿開封人神宗后再從姪也元符三年進士授荆南節度判官累官轉運副使金兵入寇子韶被執死之詔贈通議大夫謚曰忠毅

向子志字宜卿初直秘閣建炎間湖南大旱衡陽為甚命志出守衡州蒞郡發大胥姦賊官吏肅于庭士卒救于伍制帥誣之坐免官久之得白其枉衡

登續外紀後

卷五十二

二十一

人為立生祠胡寅撰記又向伯奮字元伯樂平人建炎間知襄州累官戶部侍郎

向士璧字君王常州人紹定五年進士通判平江起知安慶兼知黃州加直寶章閣京湖制置參議官進湖北安撫副使兼歸峽施黔南平紹慶鎮撫使知潭州頃之加右文殿修撰權兵部侍郎湖南安撫使元將兀良哈兵自交趾北還至城下攻圍益急士璧極力守禦遣王輔佑率五百人往覘之以易正大監其軍遇於南岳市有功潭州圍解事聞賜金幣進兵部侍郎

郭份字仲質新淦人舉進士為辰州教授徙荆南幹辦通判鼎州督餉軍用不置擢守興國軍又郭知微字介卿龍泉人元豐間進士授桂陽令洞岷嘯聚知微撫平之

郭達知岳州時溪州彭士義叛達用嚮導征之悉平義棄桃花洞遁去又有郭贊知荆南歲旱禱雨即獲應又郭允升字彥信泰和人政和間進士為零陵令蠻獠向化徙知安化虎不為害民謠有蠻服虎藏之句

江滋建安人元符三年知耒陽作新學校勸率巨室登績外紀後卷五十二  
廟工告成士爭趨之又江海為襄州帥孟珙隸其麾下士氣自倍

史南曰夫負奇節者蘊鴻猷抱雋才者樹駿烈乃若曄為永叔之諸父而康叔為子瞻之畏友可以徵才矣靖為文公之門人而瑾為魏公之諸兄可以徵猷矣和卿為神后之懿親而彥直為世忠之冢嗣可以徵烈矣至三周三吳類多平夷靖變二郭二江亦能保境息民可以徵才矣贊曰天啓豪傑必為之先永叔文章曄賴光前國須佐理純佑二賢子瞻表著朱韓可傳三

周廻翔三吳錯盤三韓惟烈三向于宣三郭二江利見龍圖

安德裕

安	魯	田	林	沈	胡	滕	高	羅
德	安	況	況	作	純	南	岳	必
裕	德	安	安	安	安	安	安	安
裕	裕	裕	裕	裕	裕	裕	裕	裕
裕	裕	裕	裕	裕	裕	裕	裕	裕
裕	裕	裕	裕	裕	裕	裕	裕	裕
裕	裕	裕	裕	裕	裕	裕	裕	裕
裕	裕	裕	裕	裕	裕	裕	裕	裕
裕	裕	裕	裕	裕	裕	裕	裕	裕
裕	裕	裕	裕	裕	裕	裕	裕	裕

安德裕字益之河南人開寶二年進士調歸州推官

入為大理寺丞太平興國中累遷秘書丞知廣濟軍郡城新建德裕作軍記及圖經三卷優詔嘉獎

登績外紀後

卷五十二

三十三

改太常博士

安燾字厚卿開封人歐陽修薦為秘閣校理判吏部南曹出補荆湖北路轉運判官提刑兼常平農田水利時方行新法司農符檄旁午燾平心奏法入見神宗偉之留修起居注

安丙字子文廣安人淳熙間進士調大足簿後進觀文殿學士知潭州兼安撫使留意學校初大成樂但政尚嚴酷運判章徠御史李安行劾之罷授崇信節度使

苗肇字子開南城人舉進士初調黃巖簿擢崇文校

書館閣校勘燕國子監直講元祐初避兄布在相  
位拜龍圖閣學士出知岳州弟輩見穆風紀

曾孝序字逢原晉江人太保公亮之族也蔭補將作  
監簿量移永州蔡京罷相授知潭州復以論僉事  
與吳居厚不合再知潭州道州徃叛衆高恃險下  
矢石老序豫夜遺驍銳攀援而上以大兵繼進平  
之進顯謨閣直學士又曾孝廣字仲錫公亮之從  
子也元豐末為都水監出知潭州加顯謨閣直學  
士弟孝蘊字處善紹聖中遷左司員外郎知襄州  
曾幾字吉甫河南人繇上舍擢國子學正靖康初提  
舉辰沅靖州時行鹽與蠻為市得錢輸行在孔彥  
舟據鼎州柳桂道梗徙幾為荆湖南路悉討平之  
加直秘閣卒謚曰文靖陸游銘其墓厥後曾開字  
天游崇寧間舉進士建炎間知潭州為湖南安撫  
使

曾三聘字無逸新淦人乾道二年進士調贛州司戶  
參軍寧宗立兼考功郎出知郢州會韓侂冑為相  
指三聘為趙汝愚黨坐追兩官復知郴州改提點  
湖北刑獄嘉熙間卒贈直龍圖謚曰忠節又曾光  
字元明豐城人紹興二十七年進士知房陵擒叛

卒有功

曾從龍字君錫公亮四世孫也慶元五年進士第一  
授起居舍人兼國子祭酒出為湖南安撫使撫安  
洞僚威惠並行興學養士湘人紀之端平元年拜  
資政殿大學士叅知政事督視荆襄軍馬又曾如  
驥字德稱恭和人授寶慶府通判元兵入城死難  
事聞贈敷文閣待制謚忠愍

田瑜字資忠河南人舉進士歷郢州權官為大理寺  
丞慶曆中歐希範誘溪洞蠻叛除荆湖北路轉運  
使瑜檄屬郡募民擊賊以守要害賊勢大挫事平

徒兩浙轉運按察使

田况字元均信都人舉進士甲科補沅陵府推官遷  
秘書省著作佐郎加龍圖閣直學士

彭思永字季長廬陵人舉進士為湖北轉運使下溪  
蠻彭仕義作亂移書詆辰州守思永按部適至仕  
義懼遣使迎謝寢其謀加直史館神宗即位御史  
蔣之奇糾歐陽修陰事挽思永自助思永以為修  
首建濮議犯衆怒不宜更在政府詔問語所從來  
思永不肯對乃出知黃州又彭友方為茶陵簿通  
潛省費又彭璟為常寧令興學訓俗士民咸稱之



彭龜年字子壽清江人乾道五年進士歷官吏部侍郎  
即陳章閣待制出知江陵府湖北安撫使以從朱  
益壽集英殿學士再起集英殿學士贈龍圖閣學士  
諡曰忠肅所著有經解等書又彭乘康定間知  
安州府政

林祀字茂南溫州人崇寧間進士靖康初為湖南提  
舉李綱薦之遷湖南轉運判官會叛將苗傅南奔  
坐貶連州子紹伊政和間進士累官湖南提舉後  
至敷猷閣直學士

林湜字正甫與祀同族紹興間進士累遷監察御史  
登續外紀後 卷五十二 二十七

韓侂胄擅權出為湖南轉運副使時朱文公監南  
嶽湜執弟子禮從之游又林世聰為安化尉討蠻  
有功

曹輔字載德南劍州人舉進士政和二年歷秘書省  
正字官編管郴州靖康元年入拜監察御史出為  
荆湖轉運副使又有曹克明者知辰州瀘水蠻叛  
獻藥一器克明知其詐即以飲其酋長其人慚懼  
而去後召為延康殿學士

曹彥約字簡甫都昌人淳熙八年進士嘗從朱熹講  
學歷桂陽司錄辰溪令知澧州漢陽關守檄攝軍

事時金人大舉入寇郡兵寡弱彥約訪土豪得許  
弼總民兵趙觀防水道堯仲昇叱郡城金兵圍安  
陸遊騎闖漢川彥約授觀方略擊其先鋒焚其戰  
艦金人大敗文遣仲昇劫金人若殺千餘人仲昇  
以死矢死奏補觀成忠郎漢川簿贈仲昇修武郎  
彥約以守禦功進秩二等知漢陽嘉定元年提舉  
湖北常平知鄂州

沈與求字必先德清人政和五年進士遷明州通判  
以御史張守薦召為監察御史權翰林學士出為  
荆湖南路安撫使知潭州又有沈起字興宗鄞人  
登續外紀後 卷五十二 二十七

舉進士知蘄州遷湖南轉運使後安置鄂州  
沈作賓字實王歸安人初為大理評事改判紹興府  
除寶謨閣待制知潭州遷戶部侍郎上言湖北當  
儲粟湖南當增兵進龍圖閣待制又沈炎字若晦  
嘉興人寶慶二年進士調岷縣簿湖南安撫司幹  
辦計裨寇有功徙知金華後召為資政殿大學士  
沈錫字子昭揚子人以王安禮任為鄂州司戶叅軍  
崇寧初為講議司檢討蔡京方銓次元符上書者  
罪之錫極論其不可京不從改祠部員外郎  
沈晦字元用錢唐人學士議子也宣和間進士授校

書郎累官徽猷閣直學士出知潭州

胡宗回字醇夫用蔭登第為編修紹聖初以直龍圖

閣知桂州進寶文閣待制坐繫平民死降集賢殿

修撰知隨州復為待制又胡朝諝字達卿淳安人

乾道八年進士為武昌令歷守岳州兼湖北提刑

所著有武昌雜詠

胡純南昌人淳祐間知歸武正版圖立禁約置義塾

給學田視民如子至今稱之又胡敦實字觀光靖

安人紹興五年進士為漢陽幕官保全辰倅何允

以忤秦檜罷

登績外紀後

卷五十二

二十九

胡唐老字浚明樞密副使宿之曾孫也崇寧間與弟

世將同登進士歷南京國子博士知江陵縣入為

秘書省校書郎

胡閔休字良弼開封人宣和初入太學從辛道宗勤

王以忠義進兩官湖湘盜起無所適從閔休作致

寇禦寇二篇言天地之氣先春後秋招之不伏則

討之於是命岳飛為招討使飛辟閔休為主督機

宜文字以誅鍾子儀功進成忠郎孫照為德安大

守又胡价字仲藩徙居奉新乾道二年進士授桃

源簿轉辰溪令徙湘陰調湖北提刑平蠻有功

滕宗諱字京河南人與范仲淹同科進士授大理

寺丞出知岳州性剛直氣節岳陽樓記于

范仲淹有云天下郡國非有山水環異不為勝山

水非有樓觀登覽不為顯樓觀非有文字稱記不

為久岳陽樓自有唐以來文士編集詩賦詠與

洞庭君山相表裏卒無文字稱記徒見夫屹然而

踞呀然而負軒然而缺偃然而顧曾不若人具肢

體而精神未見也執事雅意在山水豈不欲撫遐

想千夙尚著大名于清賞哉仲淹記之以為子京

守武陵政通人和百廢具興此其一端也

登績外紀後

卷五十二

二十九

滕甫字元發東陽人舉進士廷試第三初授大理評

事拜御史中丞出知安州流落且十歲猶以前過

貶居筠州或以為復有後命元發談笑自若曰天

知吾直上知吾忠吾何憂哉遂上章自訟有樂筆

無功謗書滿篋即墨何罪毀言日聞神宗覽之惻

然即改湖州哲宗登位遷龍圖閣直學士

滕康字子濟應天人崇寧五年進士授秘書少監分

司南京永州居住又滕琛為松滋令始遷縣治建

廟學為政有方

馬光祖字華父金華人寶慶二年進士調新喻簿從

真德秀學歷遷端明殿學士荆湖制置使知江陵府後以資政殿學士兼沿江制置大使先是有馬正鄉者元豐間知黃州禁妖巫有善政

馬亮字叔明合肥人舉進士授大理評事遷殿中丞真宗即位出知潭州屬有亡命卒為鄉患鄉人殺之事覺亮貸之曰為民除害反坐以死非法意也後知江陵府江濤大溢調兵築堤亮禱于伍員祠下水為之退出橫沙十里堤成徵拜御史中丞又馬尋湏城人舉毛詩判大理寺出知襄州歲饑或群入富室掠困粟獄吏以盜論尋曰茲救死耳奏登績外紀後

卷五十二  
減死詔為例仕至司農卿

高岳淳化中知安仁縣初徙縣治于香草坪為治有體戶口益增又有高不倚者寶慶元年以朝請大夫知軍事創校武之場復寶泉之局時麥兩岐蓮並蒂人以為善政所感

高定子字瞻叔邛州人父稼字南叔舉嘉定七年進士調成都尉寶慶三年通判沔州死于金人之難贈龍圖閣學士定子嘉泰二年進士累官端明殿學士叅知政事出知潭州兼湖南安撫大使卒贈少保弟斯得

高斯得字立夫紹定二年進士提點湖南刑獄值倂縣陳衡老助寇殃民斯得發其奸衡老婿吳自性及門客馮煥賂諸朝貴欲中之傷理宗曰斯得硬漢安有是斯得求去鄭清之勉留遂薦潭州徐經孫及文天祥李希顏等十一人加直秘閣湖南轉運使天祥以啓謝之有曰邇英殿之進講總是經綸古靈臺之薦人不遺氣類遂令起廢復忝司平迪惠嘉師靈承清問敢比范滂之攬轡尚容李密之陳情其知人固如此

羅愿字端良徽州人博學好古朱熹特稱重知鄂州登績外紀後

卷五十二  
有善政以父汝楫附秦檜殺岳飛不敢入廟一日自念吾政善姑往祠之甫拜即卒于像前又羅斐恭字欽若吉水人建炎間進士為衡州司理叅軍又羅曰成字伯華郴州司理叅軍

羅必元字亨父進賢人嘉定十年進士補咸寧尉後忤史彌遠謫道州真德秀薦之度宗立直寶謨閣又羅上行字元亨廬陵人建炎間進士岳飛征楊么督餉有功

羅克開字達父永豐人乾道間進士累官大理寺正出知郴州廢銀冶立常平郴民德之又羅全累字

仲謀廬陵人乾道間進士為永州司戶歲饑賑荒多所全活

章穎字茂獻臨江人以蕪經中鄉薦孝宗嗣服求言穎為萬言書附驛以聞禮部奏名第一孝宗稱其文似陸贄調道州教授作周濂溪祠會宜章寇亂邵僚相繼引去穎獨留寇平除大學正

章肅字彥博宣城人以父元任蔭補官歷大理少卿坐免起知復州召還再免尋知蘄州為政寬平不擾斷產竹簞例充苞苴肅悉斥去擢湖南提刑乾道初拜刑部侍郎

歷績外紀後

卷五十二

三十二

史南曰易有之王公設險以守其國何以守位曰仁是故守國存乎地險守位存乎天德然而天時不如地利地利不如人和固萬世不易之論也宋之立國都于汴京已不如漢唐之險而其取國藉于藩鎮又安敢望湯武之仁且北無燕雲中原失鎖鑰矣西無寧夏關中失藩屏矣雖有諸臣謀國之智匡國之忠亦何所用之茲觀三安之于楚也或流惠于潭黃五岳之于楚也或樹功于襄郢二田二彭之克守官箴二林二苗之丕彰政績四沈三胡之治民扞寇二滕

二馬之蓄威昭德三高三羅二章之卓犖皆所當書也贊曰宋祖都汴北隣遠疆諸臣登仕南徙楚邦三安五曾各有所長四沈二田二彭不失其常林曹滕馬風韵悠揚高羅暨章終焉免

臧

李符

李惟清 李允則 李邈 李秉 李椿  
李山甫 李參 李魯伯 李大柱

李符字德昌內黃人乾德中知歸州奏上便宜四十八事詔著為令後隨軍征南康調發芻糧領船數千艘順流而下有功賜金紫為荆湖轉運使五年徵拜諫議大夫

歷績外紀後

卷五十二

三十三

李惟清字直臣下邑人太平興國三年為荆湖北路轉運判官太宗問曰荆湖累年豐稔民間甦否對曰臣見官賣鹽民以稻易其價數倍又官釀酒民以價鬻其害加倍太宗惻然詔減免之至道初徵拜為諫議大夫

李允則字禹範濟州團練使謙溥子也太平興國七年擢閤門使高溪州蠻田彥伊入寇遣詣辰州與轉運使張素荆南劉昌言計事允則以蠻徼不足加兵悉招輯之命知潭州真宗謂曰朕在南衙畢士安嘗道卿家世今以湖南屬卿初馬氏暴欽州

人出絹謂之地稅潘美計屋輪絹謂之屋稅又稅牛輸茶民不堪命名則悉捐之又下令開墾山田植之黍粟民乃不惰湖南歲饑發廩賑之徙為湖南轉運使發募兵禦邵州蠻安撫使陳克叟上聞帝嘆畢士安知人

李邕以父任為太廟齋郎調安州司理叅軍金兵入寇被執囚于燕山詔戮高宗贈昭化軍節度使謚曰忠烈又李宜知興國軍金兵渡江焚香斬其使嬰城堅守境賴以安又李道知隨州劉豫遣其將張琬招之道執以聞詔嘉獎之又李常字公擇建

登績外紀後

卷五十二

三十四

昌人舉進士熙寧中知鄂州

李秉字子正豐城人寶元元年進士與司馬溫公范蜀公俱同榜初授屯田員外郎出知桂陽監又李京字伯升趙州人舉進士謫監鄂州稅又李輒字遵道浮梁人崇寧間進士為巴陵令克正厥俗李椿字壽翁洛州人隆興元年知鄂州墾田招通曠土大闢遷湖南運副上疏十三事帝從之其大者減桂陽軍月椿錢損民稅折銀之值民刻石紀之入為司農卿越歲上念湖南欲鎮安之謂椿重厚可倚命待制顯謨閣知潭州兼安撫使撫綏凋敝

發廩賑荒又置飛虎軍以禦盜人稱其便入為敷文閣待制又有李椿年字仲永浮梁人政和間進士為武昌軍觀察推官

李山甫字明叟南城人皇祐元年進士通判潭州入對上言邊務仲宗悅之既至蠻洞相率歸嚮累官樞密副使又李長庚字子西新昌人補湘潭丞元兵入寇長庚不屈死塋于學宮旁又李秉彜宋末知常德府以史官丁易東所築隣舍請賜額沅陽書院

李參字清臣鄆州人以蔭知鹽山判定州知荆門軍

登績外紀後

卷五十二

三十五

荆土輸竹造船日又多蠹參冬伐竹募商給之民不受害後知荆南嘉祐七年召為三司使叅知政事又李登字仲圭豐城人紹定元年鄉薦授未陽簿修城有功

李魯伯字長孺覃懷人後居嘉興通判鄂州兼沿江制置使遷度支郎官授左司郎進徽猷閣學士京湖安撫使知江陵府疏言襄陽新復城池雖修浚田野未加闢室廬雖草創市井未阜通請蠲租三年詔從之加端明殿學士湖南安撫大使兼知潭州又李發字秀實言水人授鼎州司理為零陵令

移永興與國俱有善政

李大性字伯和端州人為湖北提刑司幹官移知江陵充荆湖制置使江陵常用兵殘燬繼以疾疫大性首議振貸逋民復業大性効兩路戎司冒受付身江陵銅鑼錢重楮輕乞依襄郢例通用鐵錢於是泉貨流通陟刑部尚書尋改兵部時金國分裂不能自存有舉北伐之議者大性上疏論和戰二說乞令朝臣集議從之尋遷端明殿學士

史南曰臣聞孔子稱才難匪才之難也以德用才斯為全才以才樹節斯為全節以節建功斯

登續外紀後

卷五十二

三十七

為全功乃若諸李自符而下而惟滿而允則其節未必全自皇而下而邈而椿而參其才未必全也自魯伯而下而發而大性其功亦未必全也是故三代以降無全才六朝以降無全節五季以降無全功君子不能無遺憾焉爾贊曰光岳氣分道有升降士生其間軒輊下上入而為輔邦家浚亮出而為將謀謨克壯李氏諸臣治審所尚

喬維岳

姓 魏 字 藏 丙 號 大 牛 見  
卡 氣 宋 太 初 潘 鳳 桂 萬 榮  
趙 政 路 昌 伯 廣 策 明 鑄  
馮 堡 堂 萬 昌 樂 黃 日 豐 樓

元 絳 賈 黯 齊 康 民 少 達  
蕭 宗 孟 崔 與 之 唐 格 楊 畏  
莫 濤 龐 籍 汪 泳 戚 綸  
梁 燾 方 澤 饒 敏 邵 隆  
穆 演 祖 施 子 仁 鍾 伯 簡 世 傑  
寧 時 鳳 幸 元 龍 阮 寅 危 祐  
許 沆 廖 應 淮

喬維岳字伯周南頓人周顯德初登第授太湖王簿開寶中擢為太子中舍改殿中丞太平興國初徙知襄州

姚鉉字寶之合肥人太平興國八年進士解褐大理評事知潭州湘鄉縣入拜殿中丞大中祥符五年出知岳州俄授本州團練副使

登續外紀後

卷五十二

三十七

臧丙字夢壽大名入太平興國初進士解褐大理評事通判大寧改司農少卿淳化二年出知江陵府龔奘字彥和瀛州人進士及第為河南判官紹聖初拜監察御史論劾章惇蔡卞蔡京編管房州卒紹興元年贈諫議大夫

牛冕字君議彭城人太平興國三年進士授將作監丞通判郴州至道初徙知潭州召為殿中侍御史後復坐事編管鄂州

下哀字垂象成都人太平興國八年進士遷大理評事咸平初拜監察御史出為荆湖發運使以幹職

聞徵為殿中侍御史

宋太初字永初晉城人太平興國三年進士解褐大理評事通判戎州改殿中侍御史咸平初出知江陵府蠻寇擾動太初禦之詔加褒獎著簡譚三十

八篇

潘夙字伯恭鄭王美從孫也天聖中上書論時政授仁壽主簿久之提點湖北刑獄邵州蠻叛湖南驛動遷轉運使夙親督兵破其團峒九十徙知滑州改湖北轉運使知桂州坐在湖北時匿名誣判官韓繹謫監隨州酒稅起知光化軍討南北江蠻僅

登續外紀後

卷五十一

三十八

再遷光祿卿知荆南鄂州又潘良貴金華人累官荆南提刑有雜著十五卷朱文公撰序姪時字德

鄭累官知潭州轉湖南安撫判江陵府

桂萬榮初為餘干尉理宗時以朝散大夫直寶章閣知常德府盡心民事讞獄明允

趙善政邵武人初為將樂丞寧宗時知常德府以儉律已不妄費公帑嘗從朱文公張南軒游所著有

易疑問卷

路昌衡字持正祥符人舉進士至太常博士遷右司員外郎出知荆南徙潭州紹聖中召為衛尉大理

卿

虞策字經臣錢塘人舉進士通判蘄州蔣之奇論薦擢湖南轉運判官元祐五年徵為監察御史拜樞密直學士知永興軍

明鎬字化基安丘人舉進士補蘄州防禦推官政大理寺丞蔣奎稱其沈鷙有謀能斷大事除開封推官進禮部員外郎

馮拯字道濟舉進士補大理評事通判峽州遷太常丞江南旱命馳傳賑貧乏察官吏還奏稱旨徙知鼎州又馮康國字元通遂寧人建炎時歷兵部員

登續外紀後

卷五十二

三十九

外郎為荆湖宣諭使

掌禹錫字唐卿郢城人舉進士為道州司理參軍試寂改大理丞

樂黃目字公禮宜黃人淳化三年進士補伊闕尉遷大理寺丞遂上章言邊事召對拜殿中丞天禧初兼給事中降左諫議大夫知荆南府明年復為給事中徙潭州

豐稷字相之鄞人舉進士為穀城令累遷樞密直學士恭京得政修政怨貶道州別駕

元絳字厚之錢塘人天聖八年進士為著作佐郎調



江寧推官進龍圖閣直學士徙知荆南入拜翰林學士叅知政事湘山野錄載絳初游寓于龍堂碧落寺句有九重侍從三朝主四紀乾坤一老臣卒贈太子少師謚章簡

賈黯字直孺鄧州穰人舉進士第一起家將作監丞通判襄州召為秘書省著作佐郎擢天章閣待制拜翰林學士

齊廓字公關會稽人舉進士梧州推官遷太常博士提點荆湖南路刑獄潭州鞠繫囚七人為盜廓訊其狀乃悉免死自馬殷時稅民丁錢歲輸銀二萬

登績外紀後

卷五十二

四十

八千兩廓悉蠲除之後加史館知荆南府

段少連字希逸開封人初為崇陽令崇自張詠後惟少連能繼其風後歷秘書省著作佐郎又值張士遜守江寧辟通判府事范仲淹薦之遷龍圖閣直學士

蒲宗孟字傳正閬州人舉進士調夔州推官熙寧元年改著作佐郎召試學士院時三司新置提舉命宗孟察訪荆湖兩路奏罷辰沅役錢及湖湘丁賦遠人賴之呂惠卿創首實法孟言民以手實上其物產官為主籍臣以為使民自供初無所擾可待

豐歲願詔有司勿以豐凶弛張其法從之召修起居注知制誥

崔與之字正子廣州人紹熙四年進士授解州司法叅軍理宗立加顯謨閣直學士出知潭州進湖廣安撫使先是有崔奎者元豐中為辰溪令廉慎均平民永懷之

唐恪字欽中錢塘人以蔭登第調郴尉民有被害者更執其鄰人抑誣恪白其枉令曰否將為君累恪曰吾為尉而盜不能捕使刑及亡辜乎躬出訪求夕若有告者旦獲真盜大觀中拜戶部侍郎五年

登績外紀後

卷五十二

四十一

出知靖州復以延康殿學士知潭州

楊畏字子安洛陽人舉進士調成紀簿擢監察御史出知鄂州徙襄州移荆南

莫濠字子濠歸安人初為黃州倅擒盜五十餘人上命濠窮竟濠具奏釋其餘上諭輔臣曰莫濠非獨晚刑獄可俾理金穀除戶部員外郎湖北轉運判官知鄂州

龐籍字醇之武城人及進士第為黃州司理叅軍夏竦薛奎俱薦之累官觀文殿大學士尚書左丞子元英孫恭孫德瑞以蔭補通判施州崇寧中

蠻向文彊叛詔討平之

汪泳字若游休寧人乾道五年進士淳熙十五年為蒲圻令創新學校政聲燁然上言正經界均力役孝宗嘉納後遷大理寺丞

戚倫字仲言應天人父同文卒於隨州後綸歷仕遷岳州團練副使

梁燾字况之鄆州人坐黨黜知鄂州在鄂作薦士錄具載姓名人或見其書曰公所植桃李乘時而發但不向人開耳燾笑曰燾出入侍從至位執政八年之間所薦用之不盡肩愧多矣其好賢如此

登續外紀後

卷五十二

四十一

方澤字公悅知武昌與黃山谷游故山谷贈之詩云

庾公風流冷似鐵誰其繼之方公悅

饒敏寶慶初知黔陽蠻夷畏服威惠並著去後民益

懷之

邵隆紹興間知辰州忤秦檜欲加之罪守正不撓

穆演祖宋末為衡陽尉元兵入寇演祖率兵拒之賴

以保障衡帥李芾表薦為湖北提刑

施子仁知復州元兵犯襄陽隨守張龜壽鄧守喬士

安荆門守朱揚祖皆棄城走惟子仁獨守孤城力

屈死之

鍾佃字少游龍南人元豐間進士知桂陽招諭蠻寇

簡世傑字伯俊靖安人隆興元年進士為蒲縣令政

本豈第行之以信不設科條民不忍化又舒邦佐

字平叔靖安人淳熙八年進士授蒲圻簿徙潭之

善化處置輸納寄請公帑後調衡州司錄參軍有

茶陵倪氏誣其長良佐特治其橫

審時鳳字祥夫浮梁人舉進士歷判蘄州金兵寇黃

郡守李誠之檄時鳳共守卒死于難

幸元龍字震甫高安人嘉泰初進士授湘陰簿時万

俟高之孫與岳氏訟元龍懲之改判鄧州上書臺

登續外紀後

卷五十二

四十三

濟邸之誣所著有桂巖松垣集

阮寅字公亮新昌人嘉泰間進士調龍陽尉改知房

州徙鼎澧沅靖都巡檢

危祐字夢弼南城人天禧三年進士邵州使者按部

徵需祐即納笏曰不敢擾民固位請辭遂歸百姓

遮留遷太學博士

許沆字損之南城人皇祐元年進士知郴州鑿湖千

頃民賴其利

廖應淮字學海南城人號溟澤生負奇氣精于天文

運數著玄玄集將杭上言丁大全誤國謫配漢陽

史南曰夫物之不齊物之情也何獨至于人而疑之是故帝王通古今于一息會人物于一身以天下才治天下事亦惟齊其不齊以協諸一而已故曰德無常師主善為師善無常主協于克一此之謂也有宋諸臣或敷猷于廟堂而弼謨弘化或樹勳于邦國而裕國澤民或秉節以經畧而柔遠能邇或運籌以駕馭而靖難真疆皆以求協于極而奮庸圖治焉耳矣是故自維岳而下應淮而上凡四十有六人均之不失為賢也贊曰浚明有家亮采有邦以遏寇讐以剔

登績外紀後

卷五十二

四十四

變方有一于茲股肱惟良措諸事業發之文章永協于極是足以臧

黃叔敖

黃注	黃火山	黃裳	黃九	何
蕭定基	蕭映	張鑑	張九	成
葉綢	葉恭	蔡開	王琪	
王庭珪	王采	王樞	方孟	卿
方疇	蔡仲舒	蔡涇	劉應龍	
劉師尹	陳茂廉	陳仲微	陳應龍	
陳慶勉	洪彥華	洪天錫	程昌	弼
程元鳳	程戰	薛儀老	薛昌	弼

黃叔敖字嗣深分寧人太史庭堅之族也元祐六年進士累官荆湖北路轉運判官時竄李滋于衡州命叔敖鞫之平允改知荆南府紹興初徵為給事中徽猷閣學士孫當字子耕為廬陽令詩論五溪

蠻獠感悅又黃然字超然庭堅之孫也官歸州知州又黃介字剛中為廣濟簿死于德祐之難

黃注字彥升天聖八年進士幼從兄茂宗官于隨州與歐陽修游後授興國軍永興簿改公安修謫夷陵素與之善又改江陵簿寶元二年卒修銘其墓曰子之文章電激雷震雨電忽止聞然泯滅未嘗不諷誦嘆息而不已可謂悼之至矣又黃履字安中修武人舉進士知潭州

黃次山字季岑豐城人宣和初進士累官湖南提刑黃疇字伯庸次山之族也淳熙五年進士為祁陽

登績外紀後

卷五十二

四十五

今黃端卿字正仲疇之姪補茶陵丞時寇起桂東高坡洞端卿率兵擊之不克死事聞立廟雲陽門賜額忠顯

黃裳字文叔隆慶人乾道五年進士調通江尉光宗登極裳進對謂中興規模與守成不同出攻入守當據利便之勢曰漢中曰襄陽曰江陵曰鄂渚曰京口當為五鎮以將相大臣守之五鎮疆則國體重矣除大學博士遷嘉王府翊善寧宗立改禮部尚書又有黃琮者建炎間為澧州大守被賊執死之

黃何字景蕭休寧人乾道二年進士調大冶簿邑湖  
中三山產鐵尉巡警盜鑄者四千人起為敵何至  
匹馬往諭焚其具一境晏然遂延朱文公門人萬  
人傑為學者師俾知趨向後知岳州以廉謹稱歷  
官朝議大夫封休寧縣男子閱為蘄州通判

蕭定基字守一其先長沙人徙居廬陵天禧三年進  
士補岳州監軍監納潭州茶米以能舉為大理寺  
丞兼監察御史蘄州王蒙正恃勢行賂定基糾正  
其罪後擢荆湖制置使子汝士為祁陽令王荆公  
銘其墓曰蕭氏食鄴漢功之冠卒成齊梁以戾于

登續外紀後

卷五十二

四十六

唐虞遷廬陵來自長沙使平御史于宋初家折獄  
御戎有聲無譴祿則世繼而年不遐

蕭映字仲景新喻人天聖間進士知道州威惠並行  
入為屯田郎中又蕭從字從義元豐間進士出判  
襄州又蕭燧字昭僂紹興十八年進士授平江推  
官

張鑑太平興國三年進士累官工部侍郎咸平三年  
知朗州時洞蠻數擾召酋長諭以威信帖然聽從  
境內清晏

張九成字子韶鹽官人紹興二年進士第一初從楊

時洪學字本居官禮部侍郎兼侍講上言日月  
薄蝕五星失序秦檜惡之以趙鼎黨謫知邵州檜  
死復數文閣待制卒謚文忠所著有無垢錄

張綱字德堅永新人淳熙間進士知郴州上言正文  
體禁侵漁數事帝嘉納之先是張汝明字祖舜元  
祐間進士知岳州有澤於民又張榮京湖宣撫吳  
玠將也開禧二年金兵圍襄陽迫景陵死于難  
葉養字實之義烏人以蔭補太常簿累官知荆門會  
建議築城東蒙二山之巔養執不可遂解印綬去  
又葉康直知茶陵舊用竹代瓦康直教以陶大脩

登續外紀後

卷五十二

四十七

學宮進髦士而訓之

蔡開字子明淳熙辛丑進士歷永興尉武昌缺守上  
難其人遂易麾兼憲朱幾除漕使兼知鄂州併攝  
憲倉二臺開感勵思報時有點軍營田議遂以屬  
之區畫有素九軍數實一日而畢盡革曩日冒名  
之弊

王珙字子玉成都人景祐間知復州政成徙知興國  
嘗建夢野奇觀二亭于沔水有詩云風迷楚客傷  
春野山晦荆王夢雨臺留題十詩于興國載州志  
王庭珪字子瞻安福人政和間進士調茶陵丞時胡

邦衡謫衡州贈之以詩云癡兒未了公家事男子  
要為天下奇檢問之怒庭珪遂拂衣歸

王采字少白臨江人寶慶間進士初知江陵金人入  
寇率兵督戰有功改滁州第札為武昌倅轉知景  
陵時襄陽夫守札竭力守城恃以無恐又王自中  
字道甫溫州人通判邵州徙知郢州

王樞字致榮高安人紹興十五年進士補岳州丞嘗  
詣學官執經問學者雲集徙鼎州會茶寇亂樞  
處之得宜一轉判常德府又王武字文翁豐城人

開禧元年進士為江夏尉平租寬禁有功又王義

登續外紀後

卷五十二

四十八

字元高豐城人景定三年進士為永州司戶

方孟卿字正夫德興人崇寧間進士擢直徽猷閣出  
為荆湖轉運使金兵入寇孟卿募兵勤王遷右司  
諫進兵部侍郎

方疇字耕道弋陽人建炎間進士紹興改元上疏論  
時政出判武岡洞番楊正修亂發兵討之安撫陳  
疇白其誣以疾卒于官

仲舒字正臣新昌人景祐間進士初調崇陽漢遷  
通山令以彌盜有功加太子中允又蔡德勝字直  
之溫州人乾道中知邵州有功

蔡淳字慶崇仲舒之族也乾道間進士初調湘潭  
雪冤却金改安化令文蔡志學字及之淳祐進士  
初調興國簿

劉應龍字漢臣高安人嘉熙間進士初調零陵簿徙  
武岡州司法能辨真盜擢監察御史子元高字仲  
山淳祐間進士調郴縣簿又劉獬字去邪恭和人  
為衡州司法賑荒決獄郡人德之

劉師尹字克咨新昌人詣闕上書授長沙司戶叅軍  
改江陵府

陳茂濂字孟溪新淦人淳祐間進士調郴州司理叅

登續外紀後

卷五十二

四十九

軍文天祥領鎮湖南辟至幕府累官宗正卿又陳  
天麟字季陵宣城人紹興間進士累官集賢修撰  
出知襄陽修古背河募忠義軍修治城濠有功

陳仲微字致廣高安人嘉熙間進士補崇陽令賦役  
有方累遷侍御史陟吏部尚書元兵入寇避地安  
南號遂初子門人稱為文溪先生

陳琰字中叔東陽人舉進士授閩門使出知辰州撫  
馭軍民安輯溪洞卒于郡所著有春秋三傳

陳慶勛字志問休寧人紹定五年進士淳祐八年為  
蒲圻尉漕使蕭逢辰舉之曰性資純孝學問老民

擢第二十一年一寒自若寓蒲四載有上葉殿院

論錢會書後通判武岡轉漕使

洪彥華字叔炳淳安人淳熙十一年進士授茶陵令

歲荒賑饑撫民無流亡真德秀薦之加朝議大夫

出為荆湖宣諭使召為端明殿學士

洪天錫字君疇晉江人寶慶三年進士累官大理少

卿出知潭州至郡尊先賢祛宿寇逾年大治加直

寶謨閣工部侍郎湖南安撫使

程昌寓紹興間為鼎州太守值楊么黃誠寇武溪昌

寓登賊督兵控扼上下以張其威么宵遁雷德進

登續外紀後

卷五十一

冠澧州昌寓通判張運禦之都統梁吉直搗其

巢破四十二柵又程千秋知公安有善政

程元鳳字申甫徽人紹定元年進士調江陵教授轉

提點荆湖坑冶寶祐元年進吏部侍郎叅知政事

程戡字勝之陽翟人舉進士通判衡州徙知歸州徵

為殿中侍御史進吏部侍郎

薛儀老永嘉人端平三年授蒲圻令嚴明精敏作新

學校先是政和間有同郡薛子才為嘉魚令開禧

間薛夢為桂陽守至紹興間薛季宣令武昌薛徽

言為湖南宣使而儀老世衍其澤宰蒲政通人和

邑儒張掖撰文紀之

薛弼字直老永嘉人政和間進士累官湖南運判值

楊么據洞庭岳飛以軍事委弼給餽餉中機宜轉

知荆南陞薛高宗勉之曰王彥移襄遷延不行卿

其代之弼至受將吏謁彥始大駭飛辟弼於謀時

桃源有伍浚者既招復叛弼詰其狀即心服後進

敷文閣待制卒謚忠簡

史南曰書有之世祿之家鮮克由禮言乎其當

戒而守之以禮也易有之積善之家必有余慶

言乎其當法而養之以善也夫養之以善則大

登續外紀後

卷五十一

五十一

而可久守之以禮則謙而不盈自家而國而天

下舉而措之無難矣乃若叔敖為山谷之族定

基為鄴侯之後世其德矣程氏為新安之望薛

氏為平陽之冠世其祿矣而王而方而蔡而劉

而陳皆以德綏祿以謙守禮弗容泯焉者也贊

曰守功以謙守位以禮苟不克終有愧厥始諸

賢贊亮世濟其美爰表厥微匪溢厥美

雷德驥

雷簡夫

盧之翰

盧策

何榮

董冠

董必

蔣之奇

蔣執

秦義

秦巨

梅訥

梅執

雷德驤字善行司陽人周廣順三年舉進士始崇磁州軍事太平興國六年除名配均州德驤坐失教家并其子有終責衡州團練副使有終字道成自衡州轉荆湖制置使徙知江陵李順亂調發兵食有功遷諫議大夫

雷簡夫字太簡有鄰之孫也隱居不仕康定中樞密使杜衍薦之召為秘書省校書郎會辰州蠻酋彭仕義內寇副使李參侍御史朱處約安撫不能定命簡夫往至則督諸將進兵築明溪上下二砦據其險要拓取故省地石馬崑五百餘里仕義內附

登續外紀後

卷五十二

五十二

擢三司判官累遷兵部員外郎

盧之翰字維周蘄州人太平興國四年進士解褐大理評事遷殿中丞咸平元年坐橫議黜知歸州又與轉運使凌策不協徙知永州

盧策字經臣錢塘人舉進士通判蘄州之奇以江淮發運上計神宗訪東南人才以策對王安石禮李常繼薦之擢提舉常平湖南轉運判官元祐五年徵拜監察御史盧子文嘉定十一年為永州太守興學校賑貧乏遷廣西判官

何蒙字叔昭洪州人太平興國五年進士累官水部

郎中出知鄂州大中祥符初入為太府少卿又何正臣字君美新淦人治平間進士累官知鄂州後入為刑部侍郎

何允武昌人嘗受中庸于馬伸紹興癸酉為辰州通判具申馬氏忠節于帥臣所奏檜聞之怒送荆南獄貶真陽

何逢原字希深溫州人舉進士累官提舉湖北常平區畫茶商悉有條理徙知嘉州王十朋銘其墓曰美哉何公邦之杰致身事君耻容悅可謂知大節矣又何大節守黃州金兵入寇死難

登續外紀後

卷五十二

五十三

董遵誨兗陽人父宗本仕漢為隨州刺史署遵誨為牙校宋太祖徵時客游漢東語見皇運紀乾德六年拜羅州刺史

董樞真定人乾德中為主客員外郎出監桂陽監上書請伐廣南詔益桂陽戍卒三千人令樞統之劉鋹侵地樞擊退走後改兵部郎中知襄州

董儼字望之洛陽人太平興國三年進士解褐大理評事授左拾遺遷諫議大夫出知潭州轉給事中歷知岳州及江陵府淳化中坐責山南東道司馬祥符中起知鄂州又有董槐者嘉熙中知茶陵時



督府檄兵守禦槐書策以應之

重必字子彊南陵人舉進士紹聖中提舉湖南常平  
時孔平仲在衡州發粟賑饑必効其法常平法置  
鞠長沙以承章惇意無辜繫訊多死者平仲徙韶  
州初舒賈守荆南起邊事徃人歎附必與之謀及  
是夏暴卒加必直龍圖閣陞代方城通遠等六砦  
置靖州且移飛山營戍公私煩費荆人病之又董  
敦逸字夢授永豐人舉進士出知興國軍徽宗即  
位加直龍圖閣知荆南召入為諫議大夫

蔣之奇字穎叔宜興人舉進士歷監察御史初之奇

登績外紀後

卷五十二

五十四

為歐陽修所厚制科既黜乃詣修盛言漢議之善  
以得御史復懼不為衆所容因修更第薛良孺得  
罪誣修及婦吳氏事遂劾修神宗批付中書問狀  
無實貶監道州酒稅仍榜朝堂至州上表哀謝神  
宗憐之元祐初知潭州

蔣偕字集賢鄭縣人父病嘗割股以療疾舉進士授

韶州司理入為秘書省著作佐郎出為潭州鈐轄

會儂智高叛楊畋檄退保坐降潭州駐泊都監

蔣冠卿字長孺新安人舉進士授連州推官楊億愛

其文試學士院校勘館閣書籍遷大理寺丞出判

蘄州冠卿嗜學好古手未嘗釋卷尤工詩有蘄春

集十卷

聶昌字青遠臨川人繇太學上舍釋褐州教授用蔡

攸薦除秘書郎直龍圖閣出為湖南轉運使左遷

知德安府安置衡州

梅詢字昌言宣城人進士及第為秘書省著作佐郎  
坐議天書出為湖北轉運使擅假驛馬與郎暉子  
降通判襄州知鄂州復直集賢院改直昭文館知

荆南

梅執禮字和勝浦江人舉進士累官禮部侍郎素與

登績外紀後

卷五十三

五十五

王黼善黼嘗置酒其第誇示園池有驕色執禮曰

公為宰相當天下同憂樂今方流毒海內瘡痍未

息豈歌舞宴樂時乎退又戒之以詩黼愧怒會享

原廟後至以寶謨閣待制知蘄州

秦義字致堯江寧人曾祖本岳州刺史景德初義遷

供備庫使知江陵府

秦鉅字子野檜之孫監蘄州都大監轄轉司鎮倉庫

史南曰朱文公有言如青天白日如高山大川

如雷霆之為威而雨露之為澤如龍虎之為猛

而鸞鳳之為祥必君子也糾結如蛇蚓瑣碎如

蟻風必小人也邵雍亦曰小人可絕乎曰不可  
君子稟陽正氣而生小人稟陰邪氣而生無陰  
則陽不成無小人則君子不成是故內健而外  
順內陽而外陰內君子而外小人是之謂泰內  
順而外健內陰而外陽內小人而外君子是之  
謂否古之聖人知人則哲慎乎陰陽健順之幾  
而已矣宋自趙普渝金匱之盟而德驤言之歐  
陽修倡濮園之議而蔣之奇構之下迨梅詢董  
敦逸則比之匪人矣聶昌秦鉅則又與紆為市  
君子何取焉惟三盧三何其志節各有可采也

穆風內紀前篇

古者史氏采風陳詩輔軒命使彤管摘辭以宣  
君德人文用微以敷世教物采攸宜風變而雅  
朝廷化熙雅變而頌郊廟典彝姬輶既東炎軌  
自西賈駱悲汨彌賦臨漪兩晉以降六朝同趨  
麗藻連翩玄思希夷茂茂開唐室闕演瀛輝燕許  
詞宗李杜詩魁昌黎登微宗元銘溪諸子升壇  
蠡測管窺肆若有宋升降隨時綺靡罔事易簡  
穆風內紀前

日持我

明天啓寶典鴻規金匱秘藏王署豐腴大雅久闕吾  
誰與歸爰蒐往牒庸肅來儀撰穆風內紀前篇

賈誼

賈誼雒陽人年十八以能誦詩屬書聞於郡中吳廷  
尉為河南守召置門下甚幸愛文帝初立聞守吳  
公治平為天下第一故與李斯同邑而常學事焉  
徵為廷尉乃言賈生年少頗通諸子百家書文帝  
召以為博士是時賈生年二十餘最為少每詔令  
議下諸老先生不能言賈生盡為之對各如其意

所欲出諸生於是乃以為能不及也文帝說之超遷一歲至太中大夫賈生以為漢興至孝文二十餘年天下和洽當改正朔易服色壹制度定官名興禮樂乃悉草具其事儀法色尚黃數用五為官名悉更秦法文帝謙讓未遑也諸律今所更定及列侯悉就國其說皆自賈生發之於是天子議以賈生任公卿之位絳灌東陽侯馮敬之屬盡害之乃短賈生曰雒陽之人年少幼學專欲擅權紛亂諸事於是天子後亦疏之不用其議乃以賈生為長沙王太傅賈生既辭往行聞長沙卑濕自以壽

穆風內紀前

卷五十三

二

不得長又以適去意不自得及渡湘水為賦以弔屈原其辭曰恭承嘉惠兮俟罪長沙側聞屈原兮自沉汨羅造託湘流兮敬弔先生遭世罔極兮乃墮厥身嗚呼哀哉逢時不祥鸞鳳伏竄兮鵩梟鷄翔闔茸尊顯兮說諛得志賢聖迷夷兮方正倒植世謂伯夷貪兮謂盜跖廉莫耶鈍兮鈐刀為銛于嗟嘿嘿兮生之無故幹棄周鼎兮而寶康瓠騰駕罷牛兮騷蹙驢驘出兩耳兮服塩車章甫薦屨兮漸不可久嗟苦先生兮獨離此咎訊曰已矣國其莫我知獨堙鬱兮其誰語鳳漂漂其高邁兮失固

自縮而遠去襲九淵之神龍兮沕深潛目自珍彌融煥以隱處兮夫豈從蜺蜺與蛭螾所貴聖人之神德兮遠濁世而自藏使騏驎可得繫羈兮豈云異夫犬羊般紛紛其離此尤兮亦夫子之辜也睨九州而相君兮何必懷此都也鳳皇翔于千仞之上兮覽德輝焉下之見細德之險微兮搖增翩逝而去之彼尋常之汙瀆兮豈能容吞舟之魚橫江湖之鱣鯨兮固將制於螻蟻賈生為長沙王太傅三年有鴟飛入賈生舍止於坐隅乃為賦以自廣其辭曰單閼之歲兮四月孟夏庚子日施兮服集予

穆風內紀前

卷五十三

三

舍止于坐隅貌甚閒暇異物來集兮私怪其故發書占之兮策言其度曰野鳥入處兮主人將去請問于鵬兮予去何之吉乎告我凶言其舊淹數之度兮語予其期鵬乃歎息舉首奮翼曰不能言請對以臆萬化變化兮固無休息幹流而遷兮或推而還形氣轉續兮化變而嬗沕穆無窮兮胡可勝言禍兮福所倚福兮禍所伏憂喜聚門兮吉凶同域彼吳疆大兮夫差目敗越棲會稽兮句踐霸世斯游遂成兮卒被五行傳說胥靡兮乃相武丁夫禍之與福兮何異糾纏命不可說兮孰知其極水

激則旱兮矢激則遠萬物困薄兮振蕩相轉雲蒸  
雨降兮錯繆相紛大專槃物兮塊軋無垠天不可  
與慮兮道不可與謀遲數有命兮惡識其時且夫  
天地為爐兮造化為工陰陽為炭兮萬物為銅合  
散消息兮安有常則千變萬化兮未始有極忽然  
為人兮何足控搏化為異物兮又何足患小知自  
私兮賤彼貴我通人大觀兮物無不可貪夫徇財  
兮烈士殉名夸者死權兮品庶馮生休迫之徒兮  
或趨西東大人不曲兮億變齊同拘士繫俗兮攔  
如囚拘至人遺物兮獨與道俱衆人或或兮好惡  
積意真人淡漠兮獨與道息釋知遺形兮超然自  
喪寥廓忽荒兮與道翱翔乘流則逝兮得坻則止  
縱軀委命兮不私與已其生若浮兮其死若休潛  
乎若深淵之靜汎乎若不繫之舟不以生故自寶  
兮養空而游德人無累兮知命不憂細故懲前兮  
何足以疑後歲餘賈生徵見孝文帝方受釐坐宣  
室問鬼神之本賈生具道所以然之狀至夜半文  
帝前席既罷曰吾久不見賈生自以為過之今不  
及也居頃之拜賈生為梁懷王太傅懷王文帝少  
子愛而好書故令賈生傳之文帝復封淮南厲王

子四人皆為列侯賈生諫以為患之興自此起矣  
賈生數上疏言諸侯或連數郡非古之制可稍削  
之文帝不聽居數年懷王騎墮馬而死賈生自傷  
為傳無狀哭泣歲餘亦死賈生之死時年三十三  
矣及孝文崩武帝立舉賈生之孫二人至郡守而  
賈嘉最好學世其家  
史南曰臣攷諸遷固諸史謂劉向稱賈誼通達  
國體伊管未能過也使時見用功化必盛惜為  
絳灌諸臣所嫉不得展其所施而卒抑之以死  
悲夫李文正公撰長沙祠記畧云漢屈群策  
傑並起高祖所不能致者商山四皓魯國兩生  
天下無遺賢矣文帝時可當大臣者惟賈太傅  
一人觀其論天下之所置則先仁義後刑法論  
天下之勢則先夏後夷先要而後脛論吏治則  
先風俗論大臣則先廉恥論世之所以治久長  
則先太子此其言皆治亂大體戰國而下無能  
言者當時乃以為少年紛更後之議者亦以為  
大驟必有能辨之者使太傅竟作相必能刮去  
秦習成漢家制非蕭曹而下可擬也遷史以其  
吊湘之賦與屈原同傳哀之甚矣今其宅為卒

伍所居其井固宛然存也嗟乎文正公可謂知太傳而獨觀其深矣贊曰洛陽才人天挺神兮長沙太傅地鍾靈兮浮湘作賦吊屈平兮上闕獻策啓漢文兮宣室前席問鬼神兮絳灌諸臣嫉紛更兮鳳巢麟數高拂雲兮蘭紉蕙驥幽積馨兮造物忌名志弗伸兮廟堂擯士國誰植兮井宅猶在茂樹森兮琬琰可傳永寶珍兮

蔡邕 邊讓

蔡邕字伯喈陳留圉人少師事南郡胡廣通天文數術妙操音律尤長於辭章建寧三年出補河平長

後漢內紀前

卷五十三

六

召拜議郎校書東觀熹平四年詔同堂谿楊賜馬日磾張馴韓說單颺等正定六經書冊立石召入崇德殿問災異語在漢書後死于王允所著漢津賦其辭曰夫何大川之浩浩兮洪流淼以玄清配名位乎天漢披厚土而載形登源自乎嶠冢引漾澧而東征納陽谷之所吐兮兼漢沔之殊名總畎澮之群液演西土之陰精遇萬山以左迴兮旋襄陽而南紫切大別之東山兮與江湘乎通靈嘉清源之勢體兮澹澹潏以安流鱗甲育其類兮蛟龍集以嬉遊明珠胎于靈蚌兮夜光潛乎玄洲雜神

寶其允盈兮豈魚龜之足收於是遊目騁觀南援三州北集京都上控隴坻下接江湖導村運貨懋遷有無既乃風焱蕭瑟勃焉並興陽侯沛以奔騰洪濤湧而沸騰頤乘流以上下窮滄浪乎三篴觀胡宗之形兆看洞庭之交會

邊讓字文禮浚儀人也少辯博尤善屬文作章華臺賦其辭曰楚靈王既遊雲夢之澤息於荆臺之上前方淮之水左洞庭之波右顧彭蠡之隩南眺巫山之阿延目廣望騁觀終日顧謂左史倚相曰盛哉斯樂可以遺老而忘死也於是遂作章華之臺

後漢內紀前

卷五十三

七

築乾谿之室窮本土之技殫珍府之實舉國營之數年乃成設長夜之淫宴作北里之新聲於是伍舉知夫陳蔡之將生謀也乃作斯賦以諷之曰胄高陽之苗胤兮承聖祖之洪澤建列藩於南楚兮等威靈於二伯超有商之大彭兮越隆周之兩號達皇佐之高勳兮馳仁聲之顯赫惠風春旋神武電斷華夏肅清五服攸亂旦肅精於萬機兮夕停輦於門館設長夜之歡飲兮展中情之嫵婉竭四海之妙珍兮盡生人之秘玩爾乃携窈窕從好仇徑肉林登糟立蘭肴山竦椒酒淵流激玄醴於清

池方靡微風而行舟登瑤臺以回望兮冀彌日而  
消憂於是招宓妃命湘娥齊倡列鄭女羅揚激楚  
之清宮兮展新聲而長歌繁手超於北里妙舞麗  
於陽阿金石類聚絲竹群分彼輕挂曳華文羅衣  
飄颻組綺繽紛縱輕軀以迅赴若孤鵠之失群振  
華袂以逶迤若遊龍之登雲於是歡燕既洽長夜  
向半琴瑟易調繁音改彈清聲發而響激微曲逝  
而流散振弱支而紆統兮若綠繁之茁幹忽飄颻  
以輕逝兮似鸞飛於天漢舞無常態鼓無定節晏  
聲響應修短靡跌長袖奮而生風清氣激而繞結

穆風內紀前

卷五十三

八

爾乃妍媚遽進巧弄相加俯仰異容忽兮神化體  
迅輕鴻榮曜春華進如浮雲退如激波雖復柳惠  
能不咨嗟於是天河既回淫樂未終清簫聲微激  
楚揚風於是音氣發於絲竹兮飛響軼於雲中比  
目應節而雙躍兮孤雌感聲而鳴雄美繁節之輕  
妙兮嘉新聲之彌隆於是衆變已盡群樂既考歸  
乎生風之廣廈兮修黃軒之要道携西子之弱腕  
兮援毛嬙之素肘便娟以嬋媛兮若流風之靡草  
美儀操之姣麗兮忽遺生而忘老爾乃清夜晨妙  
校單收尊俎徹鼓盤惆焉若醒撫劍而歎慮理國

之須才悟稼穡之艱難美呂尚之佐周善管仲之  
輔桓桓將超世而作理焉沉湎於此歡於是罷女樂  
墮瑤臺思夏禹之卑宮慕有虞之士階舉英奇於  
仄陋拔髦秀於蓬萊君明哲以知人官隨任而處  
能百揆時叙庶績咸熙諸侯慕義不召同期繼高  
陽之絕軌崇成莊之洪基雖齊桓之一匡豈足方  
於大持爾乃育之以仁臨之以明致虔報於鬼神  
盡肅恭乎上京登淳化於黎元永歷世而太平將  
軍何進聞讓才名欲辟命之恐不至詭以軍事徵  
召既致署令史讓善占射能辭對時賓客滿堂莫

穆風內紀前

卷五十三

九

不美其風府掾孔融王朗並修刺候焉議郎蔡邕  
深敬之以為讓宜處高任乃薦之曰幕府初開博  
選清英華髮舊德並為元龜雖振鷺之集西雍濟  
濟之在周庭無以或加竊見今史遷讓天授逸才  
聰明賢智鬚鬣風孤不盡家訓及就學廬便受大  
典初涉諸經見本知義授者不能對其問章句不  
能逮其意心通性達口辯辭長非禮不動非法不  
言若處孤疑之論定嫌審之分經典交呈檢括參  
合衆夫寂焉莫之舉奪使讓生在唐虞則元凱之  
次運值仲尼則顏冉之亞豈徒俗之近器而



已哉階級名位亦宜超然若復隨輩而進非所以  
章瓌偉之高價昭知人之絕明也傳曰函牛之鼎  
以烹鷄多汁則淡而不可食少汁則熬而不可熟  
此言大器之於小用固有所不宜也邕竊愴悵怪  
此寶鼎未受犧牛大羹之和久在前熬鑿割之間  
願裁加少納貢之機密展之力用若以羊齒為犧  
則顏回不得貫德行之首子奇終無阿宰之功苟  
堪其事古今一也讓後以高才擢進屢遷太守初  
平中讓去官還家恃才不屈曹操多輕侮之操告  
郡就殺之

穆風內紀前

卷五十三

十

史南曰臣讀范曄漢史乃見蔡邕上列七事旁  
著群篇率皆出乎素諧乎風雅既而閱中郎  
全集若登群王之岫璆琳璫琤爛然照乘矣至  
誦其薦邊讓之劄則又虛已羨賢騰矧稱善此  
又文人所難企也邕既受狼噬于兄而讓又遭  
虺毒于操豈天奪二子之速耶贊曰炎祚既微  
雲燭焚如若羽坑降若蕤燬書中郎英挺承明  
直廬彥禮豪縱才席識疎奸雄睥睨冊禁紫虛  
遺篇可誦石室當儲

王粲 補衡

王粲字仲宣高平人獻帝西遷粲徙長安左中郎將

蔡邕見而奇之時邕才學顯著車騎填巷賓客盈  
坐聞粲在門倒屣迎之粲至年既幼弱容狀短小  
一坐盡驚邕曰此王公孫有異才吾不如也吾家  
書籍文章盡當與之年七十司徒辟詔除黃門侍  
郎以西京亂不就乃之荊州依劉表表以粲貌寢  
而體弱不甚重也粲登荊州城樓撰登樓賦其辭  
曰登茲樓以四望兮聊暇日以銷憂覽斯宇之所  
處兮實顯敞而寡仇挾清漳之通浦兮倚曲沮之  
長洲背墳衍之廣陸兮臨臯隰之沃流北彌陶牧  
西接昭丘華實蔽野黍稷盈囀雖信美而非吾土  
兮曾何足以少留遭紛濁而遷逝兮漫踰紀以迄  
今情眷眷而懷歸兮孰憂思之可任憑軒檻以遙  
望兮向北風而開襟平原遠而極目兮蔽荆山之  
高岑路逶迤而修迥兮川既漾而濟深悲舊鄉之  
壅隔兮涕橫墜而弗禁昔尼父之在陳兮有歸歟  
之歎音鍾儀幽而楚奏兮莊鳥顯而越吟人情同  
於懷土兮豈窮達而異心惟日月之逾邁兮俟河  
清其未極冀王道之一平兮假高衢而騁力懼匏  
瓜之徒懸兮畏井渫之莫食步棲遲以徙倚兮白

穆風內紀前

卷五十三

十



日忽其將匿風蕭瑟而並興兮天慘慘而亡色獸  
任顧以來群芳鳥相鳴而舉翼原野闐其無人兮  
征夫行而未息心悽愴以感發兮意怛怛而慄慄  
循階除而下降兮氣交憤於胃臆夜參半而不寐  
兮悵盤桓以反側建安二十二年卒曹植誄曰猗  
歟侍中遠祖彌芳公高建業佐武伐商爵同齊魯  
邦祀絕亡流裔畢萬動績惟先晉獻賜封于魏之  
疆天開之祚末胄穰王厥性斯氏條分葉散世滋  
芳烈揚聲秦漢會遭陽九炎光中燿世祖撥亂爰  
建時雍三台樹位履道是鍾寵爵之加匪惠惟恭

穆風內紀前

卷五十三

十二

自君二祖為光為龍僉曰休哉宜翼漢邦或統太  
尉或掌司空百揆惟叙五典克從天靜人和皇教  
遐通伊君顯考奕葉佐時入管機密朝政以治出  
臨朔岱庶績咸熙君以淑懿繼此洪基既有令德  
材技廣宣彌記洽聞幽讚微言文若春華思若涌  
泉發言可詠下筆成篇何道不洽何藝不開棋局  
逞巧博奕惟賢皇家不造京室隕顛宰臣專制帝  
用西遷君乃羈旅離此阻艱翕然鳳舉遠竄荆蠻  
身窮志達居鄙行鮮振冠南嶽濯纓清川潛處蓬  
室不干勢權我公奮鉞擢威南楚荆人或違陳戎

講武君乃義發筭我師旅高尚霸功投身帝宇斯  
言既發謀夫是與是與伊何響我明德投戈編郡  
稽顙漢北我公定嘉表揚京國金龜紫綬以彰勲  
則勲則伊何勞謙靡已憂世志永殊畧卓峙石署  
祭酒與軍行止筭無遺策畫無失理我王建國百  
司儒文君以顯舉秉機省闕載蟬蛭貂朱衣皓帶  
入侍帷幄出擁華蓋榮耀當世芳風曠藹嗟彼東  
夷憑江阻湖騷擾邊境勞我師徒光光戎路靈駭  
風徂君恃華敷輝輝王全思榮懷附望彼來威如  
何不濟運極命衰寢疾彌留吉往凶歸經歷山河

穆風內紀前

卷五十三

十三

泣涕如頽哀風興感行雲徘徊游魚失浪歸鳥忘  
栖吾與夫子義貫丹青好和琴瑟分過友生庶幾  
遐年携手同征如何奄忽棄我夙零我將假翼飄  
飄高舉超登景雲要子天路虛廓無見藏景蔽形  
孰云仲宣不聞其聲延首歎息雨泣交頸嗟乎天  
子永安幽冥人誰不沒達士狗名生榮死哀亦犹  
之榮

彌衡字正平原人少有本尚氣曹操欲見之不肯  
往操懷忿欲殺之於是遣送劉表後復侮慢於表  
表不能容江夏太守黃祖性急故送衡與之祖長

子射為章陵太守尤善於射太會賓客人有獻  
鸚鵡者射舉札於衡前曰願先生賦之衡因為賦  
筆不停綴文不加點其辭曰惟西域之靈鳥挺自  
然之奇姿體金精之妙質含大德之明輝性辯慧  
而能言才聰明以識機故其嬉遊高峻栖峙幽  
深飛不妄集翔必擇林緝趾丹背綠衣翠衿采采  
麗容咬咬好音雖同族於羽毛固殊智而異心配  
鸞皇而等羣焉比德於衆禽於是美芳聲之遠揚  
偉靈表之可嘉命虞人於隴坻詔伯益於流沙跨  
崑崙而播弋冠雲霓而張羅雖網維之備設終一

樓風內紀前

卷五十三

十四

目之所加且其容止閒暇守植安停逼之懼撫  
之不驚寧順從以遠害不違忤以喪生故獻全者  
受賞而傷肌者被刑爾乃歸窮委命離群喪侶閑  
以彫籠翦其翅羽流飄萬里崎嶇重阻踰岷越障  
載罹寒暑女辭家而適人臣出身而事主彼賢哲  
之逢患猶棲遲以羈旅矧禽鳥之微物能馴擾以  
安處眷西路而長懷望故鄉而延佇嗟祿命之衰  
薄奚遭時之險巇豈言語以階亂將不密以致危  
痛母子之永隔哀伉儷之生離匪餘年之足惜慙  
衆雛之無知背蠻夷之下國侍君子之光儀懼名

實之不副耻才能之無奇羨西都之沃壤識音樂  
之異宜懷代越之悠思故每言而稱斯若乃少昊  
司辰羣收整轡嚴霜初降涼風蕭瑟長吟遠慕哀  
鳴感類音聲悽以激揚容貌慘以顚顚聞之者悲  
傷見之者隕淚放臣為之屢歎棄妻為之歔歔感  
平生之遊處顧壘麓之相湏何今日之兩絕若胡  
越之異區順櫬檻以俯仰闢戶牖以踟躕想崑山  
之高微思鄧林之扶疏顧六關之殘毀雖奮迅其  
焉如心懷歸而弗果徒怨毒於一隅苟竭心於所  
事敢懷惠而忘初託輕鄙之微命委陋賤之薄軀

樓風內紀前

卷五十三

十五

期守死以報德甘盡辭以效愚恃隆恩於既往庶  
彌久而不渝孔融薦衡表曰竊見平原禰衡藏賢  
貞亮英才卓犖初涉藝文升堂覩奧目所一見輒  
誦於口耳所暫聞不忘於心性與道合思若有神  
弘羊潛計安世默識以衡準之誠不足怪忠果正  
直志懷霜雪見善若驚疾惡若讎倜傥抗行吏魚  
厲節殆無以過也驚鳥累百不如一鶚使衡立朝  
必有可觀飛辯騁辭溢氣全涌解疑釋結臨敵有  
餘昔賈誼求試屬國詭係單于終軍欲以長纓牽  
致勁越弱冠慷慨前世美之近日路粹嚴象亦用

異才擢拜臺郎衡宜與為比如得龍躍天衢振翼  
雲漢揚聲紫微雷光虹蜺足以昭近署之多士增  
四門之穆穆鈞天廣樂必有奇麗之觀帝室皇居  
必畜非常之寶若衡等輩不可多得激楚陽阿至  
妙之容掌伎者之所貪飛兔騷擾絕足奔放良樂  
之所急也試令衡以褐衣召見無可觀采臣等受  
面欺之罪李白懷衡詩云魏帝營八極蟻觀一瀾  
衡黃祖斗筭人殺之受惡名漢江賦鸚鵡落筆超  
群英鏘鏘振金玉句句欲飛鳴鸞鳴孤鳳千春  
傷我情五岳起方寸隱然詎可平才高竟何施寡

稷風內紀前

卷五十三

十六

識月天刑至今芳洲上蘭蕙不敢生

史南曰臣幼誦文選至仲宣正平之賦未嘗不  
泫然悲焉夫自董卓稱兵鹿蒙炎關曹瞞窺鼎  
血染神州繁避居荆土終踐台階衡摘藻漢江  
卒投鉢鎖至今誦其辭賦猶有餘音焉豈造物  
忌名故耶贊曰荆門煙樹楚江汀蘭公子興哀  
王孫流翰登樓傑作光昭星垣賦渚麗辭文灑  
波瀾

張說

張九齡

張說字道濟洛陽人永昌中舉賢良方正中宗立授

兵部員外郎累遷黃門侍郎兼修文館學士睿宗  
即位擢中書侍郎玄宗為太子說與褚无量侍讀  
尤見親禮踰年同平章事監修國史素與姚元崇  
不協罷為相州刺史徙岳州說既失執政意內自  
懼雅與蘇瓌善時瓌子頤為相因作五君詠獻頤  
其一紀瓌也頤覽詩嗚咽見帝陳說忠蹇有勲遂  
遷荊州長史入朝帝大喜授檢校并州長史召拜  
兵部尚書同中書門下三品十七年復為丞相上  
日勅所司供帳設樂內出醪饌賦詩賜之尋授開  
府儀同三司十八年卒贈太師謚曰文貞初寓岳

稷風內紀前

卷五十三

十七

州詩曰夜夢雲關門從容簪履列朝遊洞庭上緬  
望京華絕潦收江未清火退山更熱重欹視欲醉  
惜滿氣如噓器留魚鱗腥衣點蚊蚋血髮白思益  
壯心玄用彌拙冠劍日苔蘚琴書坐廢撤惟有報  
恩字刻意長不滅又汎洞庭詩曰緬邈洞庭岫蒼  
蒙水霧色死在太湖中可望不可即剖竹守窮渚  
開門對奇域城池自籠密縷綬為微繫靡日不思  
往經時始願克飛棹越溟波維舟恣攀陟輝燿入  
雲步崎嶇倚松息巖壇有鶴過壁宇無人識滴石  
香乳溜岳崖露草植玩幽輕霧阻討異志臙逼寒

沙際水平霜樹籠煙直空宮聞莫覩地迫窺難測  
此處學金丹何人生羽翼誰傳九光要幾拜三仙  
術紫氣徒想象清潭長眇默霓裳若有未覩我雲  
峰側先是有張公謹字弘慎高祖時改襄州都督  
以惠政聞

張九齡字子壽韶州曲江人七歲知屬文擢進士始  
調校書郎以道侔伊呂科策高第為左拾遺俄遷  
左補闕改司勳員外郎時張說為宰相親重之與  
通譜系遷中書舍人內供奉封曲江男會帝封泰  
山擢九齡為太常少卿集賢院學士遷工部侍郎

穆原內紀前

卷五十三

十八

知制誥九齡坐舉周子諒貶荊州長史久之封始  
興伯卒贈荊州大都督謚曰文獻初九齡寓荊州  
登郡樓詩曰天宇何其曠江城坐自拘層樓百餘  
尺迢遞在西隅暇日時登眺荒郊臨故都繫繫覓  
陳跡寂寂想雄圖古往山川在今來郡邑殊北疆  
雖入鄭東距豈妨吳幾代傳荆國當時敵陝鄂上  
流空有處中土復何虞枕席夷三峽關梁豁五湖  
承平無異境守隘莫論夫自罷金門籍來參竹使  
符端居向林藪微尚在桑榆直似王陵慙非如甯  
武愚今茲對南浦乘鴈與雙鳬又發江陵詩曰極

里涔陽浦江天渺不分扁舟從北去鷗鳥自為群  
他日懷真賞中年負俗紛適來果微尚倏爾會斯  
文復想金閨籍如何夢渚雲我行多勝寄浩思獨  
氤氲又有張署者謫知臨武韓愈令陽山與之避  
逅

史南曰臣攷諸唐書稱說在玄宗時納忠惓惓  
開元文物謚力居多但以不協于姚崇故排擯  
幾不能免然能知九齡之賢而薦之視媚嫉者  
不倫矣况其履郡揮毫汎湖流詠體裁爾雅格  
韵高曠有足誦說者乎君子不以一眚掩衆美

穆原內紀前

卷五十三

十九

故仍其舊相位居前而以九齡並見云贊曰唐  
至開元詩稱盛時燕公秀挺岳陽摛詞文獻忠  
貞曲江構祠薦賢上賞詆奸勿疑二張同傳豈  
直曰私

韓愈

韓愈字退之南陽人七世祖茂封安定王父仲卿為  
武昌令有美政既去縣人刻石頌德終秘書郎愈  
生三歲而孤隨伯兄會貶官嶺表愈自知讀書日  
記數千百言比長通六經百家學擢進士第董晉  
為宣武節度使表署觀察推官武寧節度使張建

封辟府推官調四門博士遷監察御史上疏極論  
宮市德宗怒貶陽山令改江陵法曹叅軍元和初  
權知國子博士分司東都改都官負外郎拜河南  
令遷職方負外郎華陰令復為博士改比部郎中  
史館修撰轉考功知制誥進中書舍人憲宗將平  
蔡命御史中丞裴度按視愈所言與度合由是改  
太子右庶子及度宣慰淮西奏愈行軍司馬元濟  
平遷刑部侍郎時迎佛骨入禁中三日愈上表極  
論帝大怒貶潮州刺史久之召拜國子祭酒轉兵  
部侍郎鎮州亂殺田弘正而立王廷湊詔愈宣撫  
語在愈傳帝聞而壯之轉吏部侍郎宰相李逢吉  
惡李紳欲逐之以愈為京兆尹兼御史大夫復為  
吏部侍郎長慶四年卒年五十七贈禮部尚書謚  
曰文愈性明銳不詭隨與人交始終不少變成就  
後進多知名經愈指授皆稱韓門弟子每言文章  
自漢司馬相如太史公劉向楊雄後作者不世出  
故深探本原卓然樹立成一家言其原道原性師  
說等數十篇皆與衍閎深與孟軻楊雄相表裏而  
佐佑六經云初貶潮陽至衡州登祝融峯山雲為  
開霽其詩云五嶽祭秩皆三公四方環峙嵩當

火維地荒足妖怪天假神柄專其雄噴雲泄霧藏  
半腹雖有絕頂誰能窮我來正逢秋雨節陰晦  
昧無清風潛心默禱若有應豈非正直能感通湏  
吏靜掃衆峯出仰見突兀撐青空紫蓋連延接天  
柱石廬騰擲堆祝融森然魄動下馬拜松栢一逕  
趨靈宮粉墻丹桂動光彩鬼物圖畫填青紅升階  
僂僂薦脯酒欲以菲薄明其衷廟令老人識神意  
睢盱偵伺能鞠躬手持杯珥導我擲云此寂吉餘  
難同竄遂鬱荒萃不死衣食纔足甘長終侯王將  
相望又絕神縱欲福難為功夜投佛寺上高閣星  
月揜映雲腫臃猿鳴鍾動不知曙杲杲寒日生於  
東又登岳陽樓詩曰洞庭九州間厥大誰與讓南  
匯群崖水北注何奔放渚為七百里吞納各殊狀  
自古澄不清環混無歸向炎風日搜攪幽怪多冗  
長軒然大波起宇宙隘而妨巍嵒拔萬華騰蹕較  
健壯聲音一何宏轟輶車萬兩猶疑帝軒轅張樂  
就空曠蛟螭露筍簾縞練吹組帳鬼神非人世節  
奏頌跌踣陽施見誇麗陰閉感悽愴朝過宜春口  
極北缺堤障夜纜巴陵洲叢芮纔可傍星河盡涵  
泳俯仰迷下上餘瀾怒不已喧聒鳴颺聲登岳

陽樓輝煥朝日亮飛廉戢其威清晏息纖縵泓澄  
湛凝綠物影巧相况江豚時出戲驚波忽蕩潏時  
當冬之孟隙窳縮寒漲前臨指近岸側坐眇難望  
滌濯神魂醒幽懷舒以暢主人孩童舊握手乍忻  
悵憐我竄逐歸相見得無恙開筵交履舄爛漫倒  
家釀盃行無留停高柱送清唱中盤進橙栗投擲  
傾脯醬歡窮悲心生婉變不能忘今昔始讀書志  
欲干霸王屠龍破千金為藝亦云亢愛才不擇行  
觸事得謗謗前年出官由此禍取無妄公卿採虛  
名擢拜識天仗效猜畏彈射斥逐恣欺誑新恩移

穆風內紀前

卷五十三

十三

府庭逼側側諸將吁嗟若鴛鴦但懼失宜當追思  
南渡時魚腹甘所葬嚴程迫風帆劈箭入高浪顛  
沉在須臾史忠鯁誰復諒生還真可喜克已自懲創  
庶從今日後簞識得與喪事多改前好趣有獲新  
尚誓耕十畝田不取萬乘相細君知蠶織稚子已  
能餉行常掛其冠生死君一訪

史南曰臣攷諸唐書云愈以六經之文為諸儒  
倡障隄末流反利以模刻偽以真其所得粹然  
一出於正至進諫陳謀排難卹孤矯拂餘未皇  
皇于仁義可謂篤道君子矣及觀程子稱其為

豪傑原道之作誠有所見朱子稱其資才甚高  
立朝議論風采可觀惟真德秀曰其語道也其  
分不離父子君臣其法不過禮樂刑政飲食裘  
葛即正理所存斗斛權衡亦至教所寓道之大  
用粲然復明者韓子之功也蘇軾撰廟碑詞曰  
公昔騎龍白雲鄉手扶雲漢分天章天孫為織  
雲錦裳飄然乘風來帝旁下與濁世掃秕糠西  
游咸池畧扶桑草木衣被昭回光追逐李杜參  
翺翔汗流籍湜走且僵滅沒倒景不可望作書  
詆佛譏君王要觀南海窺衡湘歷舜九嶷弔英

穆風內紀前

卷五十三

十三

皇祝融先驅海若藏約束蛟鰐如驅羊鈞天無  
人帝悲傷謳吟下招遣巫陽操牲鷄卜差我觴  
於粲荔丹與焦黃公不少留我涕滂翮然披髮  
下大荒

柳宗元

柳宗元字子厚其先河東人從曾祖奭為中書令父  
鎮擢殿中侍御史宗元少精敏絕倫為文章卓犖  
精纖第進士博學宏辭科授校書郎調藍田尉貞  
元十九年為監察御史裏行王叔文帝執誼奇其  
才引內禁近與計事擢禮部員外郎欲大進用俄



而叔文敗貶邵州刺史不半道貶永州司馬既竄  
斥地又荒厲因自放山澤間其堙厄感鬱一寓諸  
文傲離騷數十篇讀者咸悲惻其寓永州登三亭  
眺萬石關愚谷游黃溪記鉅鉏潭志鐵爐步與夫  
石澗乳穴諸作若捉龍蛇捕虎豹紛然奇矣登西  
山詩云鶴鳴楚山靜露白秋江曉連袂度危橋紫  
迴出林杪西岑極遠目毫末皆可了重疊九疑高  
微茫洞庭小迥窮兩儀際高出萬象表馳景泛顏  
波遙風迎寒篠謫居安所習稍厭從紛擾生同胥  
靡遺壽等彭鏗天蹇連困顛踣愚蒙怯幽眇非令

穆風內紀前

卷五十三

二十四

親愛疎誰使心神悄偶茲遁山水得以觀魚鳥吾  
子韋淹留緩我愁腸繞遊南亭詩曰夙抱丘壑尚  
率性資遊遨中為吏役牽十祀空惜勞外曲拘塵  
轍私心寄英髦進乏廊廟器退非鄉曲豪天命斯  
不易鬼責將安逃屯難果見凌剝喪宜所遭神期  
固浩浩衆口徒嗷嗷投跡山水地放情詠離騷再  
懷曩歲期容與馳輕舸虛館背山郭前軒面江臯  
重疊間浦淑遷迤驅巖竅積翠浮澹灩始疑負靈  
轡叢林留衝飈石礫迎飛濤曠朗天景霽樵蘇遠  
相號澄潭湧沉鷗半壁眺懸猿鹿鳴驗食野魚樂

知觀濠孤賞誠所悼然良足哀留連俯檻檻注  
我壺中醪乃願進菱實濯手持蟹螯炊稻視饔鼎  
鱸鮮聞操刀野蔬盈傾筐頗雜池沼毛絢慕鼓枻  
翁嘯咏哺其糟退想於陵子三咽資李膺斯道難  
為偕沉憂安所謳曲渚怨鴻鵠環洲彫蘭皇暮景  
迴西岑北流逝滔滔徘徊遂昏黑遠火明連艘水  
落寒山靜江空秋月高欽伏戒遷徙善游矜所操  
趣淺戢長柁乘深屏輕篙曠望援深竿哀歌叩鳴  
舳中川恣超忽漫漫若翔且翔淹泊遂所止野風自  
迴颺澗急驚鱗奔蹊荒鐵獸呌入門守拘繫悽戚

穆風內紀前

卷五十三

二十五

增鬱陶慕士情未忘懷人首徒搔內顧乃無有德  
輜甚鴻毛名竊又自欺食浮固云叨問牛悲露鍾  
說疑驚臨牢永遁刀筆吏寧期簿書曹中興遂群  
物裂壤分鞅索岷凶既云捕吳虜亦已鑿扞禦盛  
方虎謨明富伊咎披山窮木禾駕海逾蟠桃重來  
越裳雉再返西旅葵左右抗槐棘縱橫羅鴈羔三  
辟咸肆宵衆生均覆燾安得奉皇靈在宥解天毀  
歸誠慰松梓陳力開蓬蒿下室有鄆杜名田占澧  
澇礪谿近餘基阿城連故濠螟蛉願親燔荼董甘  
自薶饑食期農耕寒衣俟蠶繅及疇足為溫清服



寧復鑒要將蒯及管誰慕梁與管弋林歐雀鷄釣  
澤從鰓劬觀衆嘉素履陳詩謝干旄方託麋鹿群  
敢同騏驎槽處賤無溷濁固窮匪淫怕踰辭束  
縛悅懌換煎熬登年徒負校興後趨伐鑿目眩絕  
渾渾耳喧息嘈嘈茲焉畢餘命富貴非吾曹長沙  
哀紉纏漢陰嗤枯槁苟伸擊壤情笑事息秋毫海  
霧多翁鬱越風饒腥臊寧懼迫魑魅所傷齊魯庶  
知瑩懷褚中范叔戀緋袍伊人不可期慷慨徒忉  
忉

史南曰三代之後無文人六經之外無文法非

穆風內紀前

卷五十三

二十六

文之難也文載乎道之難也世之稱唐大家者  
必曰韓柳以今觀之高山大川雄峙奔洶雖不  
見其震虧湮塞而其秀挺迴紆不可盡藏韓之  
文也魏嚴絕端峭奇環曲使人遐眺留睨而其  
靈氛怪氣罔克籠罩柳之文也又如平原曠野  
大將指麾天衝地衝自有紀律其韓之變乎昌黎  
道斜谷驚飈掣電不可方物其柳之變乎昌黎  
銘曰嗟嗟子厚而至然耶自古莫不然我又何  
嗟人之生世如夢一覺其間利害竟亦何校當  
其夢時有樂有悲及其既覺豈足追惟凡物之

生不願為材犧尊青黃乃木之災子之中棄天  
脫馬羈玉佩瓊琚大放厥辭富貴無能磨滅誰  
紀子之自著表表愈偉不善為匠斷指汗顏巧  
匠旁觀縮手袖間子之文章而不用世乃令吾  
徒掌帝之制子之視人自以無前一片不復群  
飛刺天嗟嗟子厚今也則志歸絕之音一何琅  
琅偏告諸友以寄厥子不鄙謂余亦記以死凡  
今之交觀勢厚薄余豈可保能承子託非我知  
子子實命我猶有鬼神寧敢遺墮

歐陽修

穆風內紀前

卷五十三

二十七

歐陽修字永叔廬陵人修舊隨叔父曄游宦于隨得  
韓愈遺文于書篋中誦習悅慕至忘寢食天聖八  
年進士試南宮第一擢甲科調西京推官始從尹  
洙梅堯臣游為館閣校勘范仲淹以言事貶在廷  
多論救司諫高若訥獨以為當黜修貽書責之訥  
上其書坐貶夷陵到州上運使啓云修近以狂言  
當蒙大譴得一邑以庇身使之思過竊三鍾而就  
養猶足為榮乃撰至喜堂記以自慰因取舊案及  
覆觀之見其枉直乖錯不可勝數仰天歎曰以荒  
遠小邑且如此天下固可知自爾遇事不敢忽也

學者求見所與言未嘗及文章惟談吏事謂文章止於潤身政事可以及物不涉他務再徙亳州久之復集賢校理慶歷三年知諫院時仁宗更用大臣杜衍富弼韓琦范仲淹皆在位增諫官員用天下名士脩首在選進朋黨論帝獨獎其敢言賜五品服顧侍臣曰如歐陽修者何處得來同修起居注遂知制誥禮部侍郎叅知政事修唐書修力求退罷為觀文殿學士刑部尚書明年遷兵部修以風節自持既數被汙讎年六十即連乞謝事帝優詔弗許及為安石所詆求歸愈切熙寧四年以太

穆風內紀前

卷五十三

三十八

子少師致仕五年卒贈太子太師謚曰文忠隨州有李公佐東園記荊州有游儵亭記岳州有偃虹堤記永州有萬石亭記衡州有送虞倚序有送劉學士詩辰州有南嶺詩襄陽有峴山亭記具載全集初蒞夷陵寄蘇子美詩云三峽倚岩堯同遷地最遙物華雖可愛鄉思獨無聊江水流清嶂猿聲在碧霄野簋抽夏筍叢橘長春條未臘梅先發經霜葉不凋江雲愁蔽日山霧晦迷朝斫谷爭收漆梯林闔摘椒巴賁船賈集蠻市酒旗招時節同荆俗民風載楚謠但言成調笑祭鬼聚喧囂得罪宜

技裔包羞分折腰先陰催晏歲牢落慘驚飈白髮新年出朱顏異域銷縣樓朝見虎官舍夜聞鷄寄信無秋鴈思歸望斗杓須知千嶂裏長繞洛川橋岳陽樓寄滕子京詩云峭巖孤城倚平湖遠浪來萬尋迷島嶼百仞起樓臺太守凭闌處群賢奉筓陪清霜薦舟楫積雨過黃梅逸思歆湘曲道文繼楚才魚食河岫樂雲望帝鄉迴遙信雙鴻下新緘尺素裁因聞誇野境自笑擁邊埃龍漢方多孽旄頭又示災旌旗時映日鼙鼓或驚雷有志皆堂膽何人可鑿坏儒生半投筆收豎亦輸財沮澤辭猶

穆風內紀前

卷五十三

三十九

漫蒲菊館未開支離莫懷臂天子正求才史南曰臣幼誦歐陽文忠公文以為蘇長公稱其為宋之韓愈似也然而昌黎能排閭閻于禁中迎佛骨之時而永叔未免依違于濮園上冊寶之日昌黎能逐鰐魚于潮陽滌海濤之時而永叔未免嗟嘆于夷陵悲南嶺之日昌黎能作原道以闢諸家之邪議而永叔未免溺于文詞以來諸儒之衆論長公譬之深淵大澤龍亡虎逝變怪雜出舞鱗鱗而號狐狸蓋有所感矣朱子有言韓無心變歐有心變其定論矣乎韓魏

公銘墓曰噫公之節其剛烈烈弼違斥姦義不可折噫公之文天資不群光輝古今左右典墳直道而行屢以譴職卒悟而知惟帝之哲升贊機務方隅以寧參議大政社稷是經成此王功六忠以効德高毀及退不吾較公之來歸既安且怡宜報以壽矣也何為公文在人公迹在史茲惟不窮亘千萬祀蘇子由銘神道曰於穆仁宗有臣文忠有險而夷保其初終惟古君臣終之實難匪不用賢有孽其間公奮自南聲被四方允文且忠有偉其光上實開之下實泥之三

穆風內紀前

卷五十三

三十一

起三債誰實使之債而復全惟天子明克明克忠乃卒有成逮歲嘉祐君臣一德左右天造民用飲食殍禹相授不改舊服白髮蒼顏翼然在廷功成而歸維公本心彼其何如言恐不深頴水之濱甲第朱門新鄭之墟茂木高墳野人指之文忠之遺忠臣不危仁祖之思

蘇軾

蘇轍 黃庭堅

蘇軾字子瞻眉山入嘉祐二年試禮部時文磔裂詭異歐陽修思有以救之得軾刑賞忠厚論驚喜欲擢冠多士疑其客曾鞏所為實第二復以春秋對

義居第一殿試中乙科後以書見脩脩語梅聖俞曰吾當避此人出一頭地調福昌簿召試秘閣除大理評事鳳翔判官治平二年英宗聞其名欲召入翰林韓琦曰軾遠大器也他日自當為天下用要在朝廷培養之使天下之士莫不畏慕然後取而用之則人無復異辭矣遂直史館新法行軾極論其不可王安石滋怒使御史謝景溫論奏其過窮治無所得軾遂請外通判杭州徙知徐州又徙湖州以事不便民者不敢言以詩託諷御史李定舒亶何正言撫其語媒孽訕謗逮赴臺獄欲寘之

穆風內紀前

卷五十三

三十一

死鍛鍊久之不決神宗獨憐之謫黃州團練副使安置軾與田父野老相從溪山間築室於山中號東坡居士謝表云臣早緣科第誤忝縉紳親逢慶哲之興遂有功名之意召對便殿考其所學之言試守三州觀其所行之實而臣用意過當日趨于迷茫如醉夢之中不知言語之出至仁屢赦衆論不容豈謂尚玷散員更以善地投畀磨廳之野保全樗櫟之生三年神宗數有意復用軾為當路者所沮嘗語宰相王珪蔡確曰國史至重可命蘇軾成之珪有難色神宗曰軾不可姑用曾鞏輩進太

祖總論神宗意不允遂手札移軾汝州有曰蘇軾  
黜居思咎閱歲滋深人材實難不忍終棄元祐元  
年軾以七品服入侍延和即賜銀緋遷中書舍人  
尋除翰林學士二年兼侍讀每進讀至治亂盛衰  
邪正得失之際未嘗不反覆開導觀有所啓悟哲  
宗雖恭默不言輒首肯之軾嘗鎖宿禁中召對便  
殿宣仁后問曰卿前年為何官曰臣為黃州團練  
副使曰今何官曰臣今待罪翰林學士曰何以遽  
至此曰遭遇太后皇帝陛下曰非也曰豈大臣論  
薦乎曰亦非也軾驚曰臣雖無狀不敢自他途以

穆風內紀前

卷五十三

三十三

進曰先帝每誦卿文章必嘆曰奇才奇才但未及  
進用卿耳軾不覺哭失聲宣仁后與哲宗亦泣左  
右皆感涕已而命坐賜茶徹御前金蓮燭送歸院  
三年權知禮部貢舉以弟轍除右丞改翰林承旨  
紹聖初御史論其謗訕貶英州徙惠州又徙昌化  
徽宗立改永州團練使其寓黃州有赤壁賦有雪  
堂詩武昌有游西溪詩有銅劍歌有與廖明叟書  
興國有銀山詩襄陽有樂府荆門有惠泉詩巴東  
有吊萊公詩長沙有春暉亭詩具載全集惟吊屈  
原廟賦其辭曰泛扁舟以適楚兮過屈原之遺宮

穆風內紀前

卷五十三

三十三

覽江上之重山兮曰惟子之故鄉伊昔放逐兮渡  
江濤而南遷去家千里兮生無所歸而死無以為  
墳悲夫人固有死固有一死兮處死之為難徘徊  
江上欲去而未決兮俯千仞之驚湍賦懷沙以自  
傷兮嗟子獨何以為心忽終章之慘烈兮逝將去  
此而沉吟吾豈不能高舉而遠逝兮又豈不能退  
默而深居獨嗷嗷其怨慕兮恐君臣之愈疎生既  
不能力爭而強諫兮死猶冀其感發而改行苟宗  
國之顛覆兮吾亦獨何愛於義生託江神以告冤  
兮馮夷教之以上訴歷九關而見帝兮帝亦悲傷  
而不能救懷瑾佩蘭而無所歸兮獨惴惴乎中浦  
峽山高兮崔嵬故居廢兮行人哀子孫散兮安在  
况復見兮高臺自子之逝今千載兮世愈狹而難  
存賢者畏譏而改度兮隨俗變化斲方以為圓電  
勉於亂世而不能去兮又或為之臣佐變丹青於  
玉璽兮彼乃謂子為非智信高節之不可以企及  
兮宜大人之不吾與遠國去俗死而不顧兮豈不  
足以免於後世嗚呼君子之道豈必全身遠害亦  
或然兮嗟子區區獨為其難兮雖不適中要以為  
賢兮夫我何悲子所安兮

史南曰漢稱賈董唐稱韓柳宋稱歐蘇夷攷其時賈誼為長沙傳董仲舒為江都傳韓愈有潮陽之謫柳宗元有永州之貶歐陽修有滁州之役蘇軾始以詩詞遠斥三州終以譏訕連擯五嶺豈其智弗若與然而名重當時文傳後世望之若景星卿雲不可恒有而彼都顯位食豐祿以保全其榮利諧毀夫英義者不啻蚊虻之與螭蟻也以此較之孰為得失嗟乎可與知者道豈俗夫所可語哉弟輟銘其墓曰蘇自樂城西宅于眉世有潛德而人莫知猗與先生名施四方公幼師方其學有光出而從君道直言忠行險如夷不謀其躬英祖擢之神考試之亦既知矣而未克施晚侍哲皇進以詩書誰實間之一斥而疏公心如王焚而不灰不變生死孰為去來古有微言衆說所蒙手發其樞持此以終心之所涵遇物則見聲融金石光溢雲漢耳目同是舉世畢知欲造其淵或眩以疑絕學不繼如已斷絃百世之後豈其無賢我初從公賴以有知撫我則兄誨我則師皆遷于南而不同歸天寔為之莫之我哀宋孝宗御製文集贊曰維古

文章言必已出綴詞緝句文之強賊手扶雲漢幹造化機氣高天下乃克為之倚嗟若人冠冕百代忠言讜論不顧身室凜凜大節見於立朝放浪嶺海侶于漁樵歲晚歸來其文益備波瀾老成無所附麗昭晰無疑優游有餘跨唐越漢自我師模賈馬豪奇韓柳雅健前哲典刑未足多羨敬想高風恨不同時掩卷三嘆播以聲詩

蘇轍 黃庭堅 曾鞏

蘇轍字子由年十九與兄軾同舉進士授商州推官時父洵被命修禮書轍就養京師神宗立上書言事召對延和殿時王安石設三司條例官命轍為之轍與呂惠卿議不協又坐兄軾以詩獲罪謫監筠州酒稅元祐元年起為司諫累官吏部尚書哲宗時又上疏論事落職知汝州徙袁州又責化州徽宗即位移永州及岳州而軾寓黃州有張夢得者為齊安令軾題其亭曰快哉轍撰記曰江出西陵始得平地其流奔放肆大南合湘沅北合漢沔其勢益張至於赤壁之下波流浸灌與海相若清河張君夢得謫居齊安即其廬之西南為亭以覽觀江流之勝而余兄子瞻名之曰快哉蓋亭之所

見南北百里東西一舍濤瀾洶湧風雲開闔書則  
舟楫出沒於其前夜則魚龍悲嘯於其下變化倏  
忽動心駭目不可殫視今乃得斂之几席之上舉  
目而足西望武昌諸山岡陵起伏草木行列煙朔  
日出漁父樵夫之舍皆可指數此其所以快哉者  
也至於長洲之濱故城之墟曹孟德仲謀之所驛  
觀周瑜陸遜之所聘驚其流風遺俗亦足以稱快  
世俗昔楚襄王從宋玉景差於蘭臺之宮有風颯  
然至者王披襟當之曰快哉此風寡人所與庶人  
共者耶宋玉曰此獨大王之雄風耳庶人安得共

發風而紀前

卷五十三

三十六

之夫風無雄雌之異而人有遇不遇之變楚王之  
所以為樂與庶人之所以為憂此則人之變也而  
風何與焉士生於世使其中不得自將何往而非  
病使其中坦然不以物傷性將何適而非快今張  
君不以謫為患竊會計之餘工而自放山水之間  
此其中宜有以過人者將蓬戶甍牖無所不快而  
况乎濯長江之清流揖西山之白雲窮耳目之勝  
以自適也哉不然連山絕壑長林古木振之以清  
風照之以明月皆騷人思士之所以悲傷憔悴而  
不能勝者烏覩其為快也哉

黃庭堅字魯直分寧人舉進士調葉縣尉熙寧初授  
北京國子監知太和縣哲宗立召為校書郎踰年  
遷著作佐郎加集賢校理實錄成擢起居舍人初  
出知宣州改鄂州章惇蔡卞與其黨論實錄多誣  
其所作荆南承天院記指為幸災復除名羈管宣  
州三年徙永州卒年六十一庭堅與張耒晁補之  
秦觀廖夢覺俱游蘇軾門下而庭堅於文章尤長  
於詩其族黃常字子耕舉進士知廬陽五溪獠叛  
當以詩諭之孫知嚮化當亦有文庭堅初寓鄂有  
次蘇軾西山詩有寄廖夢覺詩沔陽有寄初和父

發風而紀前

卷五十三

三十七

詩衡山有天保松銘通城有資深堂記其吊周濂  
溪詞云溪毛秀兮水清飯羹兮濯纓不漁民利兮  
又何有於名絃琴兮觴酒駕溪聲兮延五老以為  
壽蟬蛻塵埃兮玉雪自清聽潺湲兮鑒澄明激貪  
兮敦薄非青蘋白鷗兮誰與同樂又曰津有舟兮  
蕩有蓮勝日兮與客就閒人聞琴音兮不知何處  
散髮醉兮高荷為蓋兮倚芙蓉以當伎霜水寒兮  
舟著平沙八方同宇兮雲月為家懷連城兮頻明  
月魚鳥親人兮野老同社而爭席白雲家頭兮與  
南山為伍非夫人攘臂兮誰余敢侮

魯華字子固南城人嘉祐二年進士調太平州司法  
叅軍歲餘召直史館集賢校理出判越齊二州徙  
知襄州宜城有長渠者水出于荆于康狼在春秋  
謂之鴈在晉謂之夷即屈瑕伐羅及鴈白起為渠  
引鴈地也宋至和間宜城令孫永濬之輩為記且  
襄有大獄久不決翟立決闔境稱其明焉登峴山  
詩云維舟沔南岨置酒峴山堂入座松雨濕吹衣  
水風涼煙嶺火明滅秋濤聲激揚乍釋塵垢汗况  
餘燈燭光羊公昔宴客為樂未遽央而我獨今夕  
携家對壺觴頓適麋鹿性頓驚清興長歸去尚酌  
穆風內紀前 卷五十三 三十八

酈詎期誇阿強其將鹿門詩云方舟下秋瀨已遠  
漢南城念昔在郡日苦為塵網嬰低心就薄祿實  
負山水情鹿門寂秀發十里行松檉宿幌白雲影  
入窓流水聲龐公昔抱道遜世此躬耕風雨塞天  
地伺晨獨先鳴故巖但聞說已覺醒朝醒及茲道  
途遠謂諧猿鶴迎顧值深潭阻獨憐幽思拜不踏  
蘇嶺石虛負襄陽行輩文訪隆中吊諸葛亮躡漢  
唐懷劉景升故其謝表有云出觀美俗允多漢唐  
之高入奉慈顏下閔汝墳之瘁永念沉碑之舊未  
忘投博之勤熙豐六年卒

史南曰臣謂魯華文集見其有志古道與歐陽  
公同郡且同志也故聶大年稱之曰魯華文章  
世希有水之江漢星之斗陳師道亦曰精爽回  
長夜衣冠出唐庭可謂知之深矣韓維撰神道  
銘詞曰猗嗟子固文與質生不勤其師幼則大  
成學富行茂其蓄淵淵發為文章一世大驚哲  
人既萎邪說噪公不聽瑩徑前無閔砭廢藥  
瘍扶昏剔瞖波濤沍沍東入于海姬淪劉亡文  
弊辭靡引商召羽偶六駢四組繡芬葩不見粉  
米公于其間奮揚虎視發揮與雅揀斥浮累巍  
穆風內紀前 卷五十三 三十九

然高山為衆仰止栖遲掾曹翔翔書府如鷲之  
鷲如薪之楚一麾出守六上郡計振張領目補  
葦刈弊庭不留訟獄無濫繫勞之來之鰥寡以  
遂公殿海服有命來覲帝曰汝賢毋遠王室其  
代予言汝且輔弼五聖大典惟公紬繹百官正  
名惟公訓勅忠言嘉謀入則造膝公用不既公  
志不卒偉望廣譽如星如日石可磷兮公名不  
沒

劉攽 秦觀 張耒

劉攽字貢父與兄敞同登科仕州縣二十年始為國



子監直講脫寧中判尚書考功同知太常禮院坐  
黜監衡州倉督宗初起知襄州入為秘書少監加  
直龍圖閣元祐初歷度支左司郎中起居郎天章  
待制樞密都承旨權戶部尚書七年拜樞密直學  
士紹聖中以端明殿學士居郴州撰秋懷賦其辭  
曰世量力以為智兮孰不自師其成心不強短以  
比修兮亦各濟其所存蓋周任之明清兮予當服  
於德音性專直其似愚兮遂底滯而廢沈惟古人  
有不遇兮亦奚慨於斯今皆就冠而從仕兮冀陳  
力而帥職何日月之不淹兮疊疊至乎不惑世與

穆風內紀前

卷五十三

四十

我其弗衷兮增余懷之默默數廢日而倍參兮願  
自竭而安得將奔而及事兮愧初心而變色璧游  
者之無術兮念愈躁而逾沒荷衆賢之并容兮魯  
芥簞之不遺辱興廉之末舉兮遂以造夫攸司君  
之門不可以徑入兮既待詔而歷時唯褊心之猶  
狹兮樂絕墨其自持誠說遇其有獲兮雖得默而  
耻之信天命之有在兮非智勇其孰疑時既秋而  
涼風兮草木落而衰日月麗於西廂兮蟋蟀迅而  
鳴悲閱四序之代謝兮既逝者之如斯悼我心之  
弗獲兮起惆悵而攬詩

秦觀字少游高郵人少豪雋慷慨溢於文詞舉進士  
不中強志盛氣好大而見奇讀兵家書與已意合  
見蘇軾於徐作黃樓賦以為有屈宋才削秩徙郴  
州至嘉魚撰弔罇鐘文其辭曰嗚呼衆方之生謬  
形殊器更首迭尾雌雄相廢朝為姜姬夕為樵悴  
或奇偶之相續或九舛而一躋清餓和黜刑王眇  
貴生憤失明得駿折髀洞所遇之參差莽循環於  
一氣傳曰黃鍾毀棄瓦缶雷鳴余始以為疑今乃  
信之矣嗚呼罇鐘何世所為質不呈剛形不露奇  
協律中度渾如天資掩抑雖久不見瑕疵爰有兩

穆風內紀前

卷五十三

四十一

樂三十六乳厥音琅然小大隨叩易所擬之瓊儔  
而偶沉於幽陋辱泥塗之污漫厭鱗鬣之醒與嗟  
筍簾之一辭遽月絃之幾發幸揚瑟而水涸天日  
悅其復覲調庭貢之是充獲效鳴於金奏何夜尤  
之暗投卒按劍而莫售嗚呼亦刀大訓天球河圖  
秦璽漢劍趙璧隋珠捷犒之磬汾陰之鼎曲阜之  
履天澤之瓠歷世相傳以華國都下至咸斗錯刀  
羯鼓破鏡缺符遺簪墮珥信無益於經綸猶見收  
於好事是鍾也郊廟所薦樂事紀綱統和元氣舞  
獸儀鳳令大河而更清使左角其不芒變化風俗

返乎羲皇而乃廢於深淵出而更清顧使黃鐘弗  
協瓦缶齊鳴殆藻盤之不如矧牛鐸之敢競此羲  
夫志士所為疾心而切齒也然余聞之金精之純  
燥氣之齋雖從火革其質不變一晦一明昔者既  
然債而復起可無畢年嗚呼鐘乎今焉在乎豈復  
為樂激宮流羽以嗣其故乎將憑化而遷政形易  
制以周於用乎豈為錢為鐻以供耕稼之職將為  
鼎為鬲以效烹飪之功乎豈為浮圖老子之像魏  
然瞻仰於緇素乎豈為麟趾夷蹄之形翕玩於邦  
國乎豈為干將之劍氣如虹霓掃除妖氛於指顧

穆風內紀前

卷五十三

四十三

之間乎將為百燔之鑑湛如止水別妍醜於高堂  
之上乎新故恒代未始云畢紛然殊途必有一出  
決不泯泯草妖木孽嗚呼鐻鐘又將奚卹

張耒字文潛淮陰人弱冠第進士歷臨淮簿書安尉  
咸平丞擢起居舍人紹聖初請郡以直龍圖閣知  
潤州坐黨籍徙宣州謫監黃州酒稅徙復州徽宗  
立起為通判黃州知兗州召為太常少卿甫數月  
復出知潁州府監南嶽廟主管崇福宮嘗著齊居  
賦其詞曰仲夏之月陰氣始至剥陰浸亨而用事  
水伏畏涸火燎方熾其於人也心實過炎而腎受

其弊惟人之生受命在子推卦曰坎五行為水微  
陽所潛元氣之始故火甚烈則正氣或因而衰水  
受害則君子之所深畏於是屏事燕息滌慮齊居  
既靜事以為形又遠眺而高居却紛華而弗陳與  
淡泊乎為徒絕嗜慾愛精蓄神聲色不御滋味  
牢親冲然與和俱遊湛兮以道合真故能體強志  
寧愉樂壽考遠去疾厲保此難老嗚呼苟能推此  
以盡道兮持此以察物豈惟齋戒以御時兮宜顛  
沛而勿失且夫氷炭相乘利害交至隕真盜和豈  
獨陰沴道心惟微易失難常困於侵陵有如微陽  
則洗心滌志以却外垢虛中保和以全天君故能  
涉至變而不濡更萬劫而常存蓋將窮年以齋居  
豈特養生而善身未所著有文集數十卷

穆風內紀前

卷五十三

四十三

史南曰人有恒言德可強而能才不可強而至  
豈其然乎夫蘊之為德行發之為文章措之為  
事業其致一也故在聖門語德行則顏閔稱文  
學則游夏豈聖人之道大而難兼哉自秦以降  
聖學支離橫議並起若六子五子及七十二子  
之文非不可觀但本真既亡輪轅徒飾實用益  
鮮粉藻徒施故曰文王既沒文不在茲乎漢自

董賈而下至于唐初詞章茂衍著述繁布韓柳以降歐蘇克紹皆名大家聲流金石曾鞏劉攽則鼓篋于永叔之門秦觀張耒則濡毫于子瞻之堂而黃庭堅則游息麗澤蘇轍則翱翔草池彬彬乎一時之杰也胡可軒輕其間哉贊曰天挺英豪地鍾秀靈永叔江鄉子瞻川漬黃曾張秦海內有名擗管瓊翰灑石瑤音穆如清風先得我心

### 范仲淹

范仲淹字希文唐宰相履冰後也生二歲而孤母適

穆風內紀前

卷五十三

四十四

長山朱氏舊志宰安鄉故今安鄉有文正讀書院仲淹舉進士第一初授廣德司理參軍晏殊薦為秘閣校理出知蘇州召為天章閣待制知永興軍元昊反拜樞密副使叅知政事罷為陝西安撫使徙荆南先是滕宗諒知岳州仲淹為撰岳陽樓記曰慶曆四年春滕子京謫守巴陵郡越明年政通人和百廢具興乃重修岳陽樓增其舊制刻唐賢今人詩賦于其上屬予作文以記之予觀夫巴陵勝狀在洞庭一湖銜遠山吞長江浩浩蕩蕩橫無際涯朝暉夕陰氣象萬千此則岳陽樓之大觀也

穆風內紀前

卷五十三

四十五

前人之述備矣然則北通巫峽南極瀟湘遷客騷人多會于此覽物之情得無異乎若夫淫雨霏霏連月不開陰風怒號濁浪排空日星隱曜山嶽潛形商旅不行檣傾楫摧薄暮冥冥虎嘯猿啼登斯樓也則有去國懷鄉憂謫畏譏滿目蕭然感極而悲者矣至若春和景明波瀾不驚上下天光一碧萬頃沙鷗翔集錦鱗游泳岸芷汀蘭郁郁青青而或長煙一空皓月千里浮光躍金靜影沉璧漁歌互答此樂何極登斯樓也則有心曠神怡寵辱皆忘把酒臨風其喜洋洋者矣嗟夫予嘗求古仁人之心或異二者之為何哉不以物喜不以己悲居廟堂之高則憂其民處江湖之遠則憂其君是進亦憂退亦憂然則何時而樂耶其必曰先天下之憂而憂後天下之樂而樂歟噫微斯人吾誰與歸厥後李曾伯守岳重修岳陽樓記有曰洞庭天下之勝岳陽樓又擅洞庭之勝慶曆之記盡矣又范處義節帥荆湖修文正祠堂

史南曰臣攷宋史及姑蘇志已撰文正公之子純仁純佑于登績紀矣然而文正百代殊絕人也其所撰岳陽樓記與洞庭君山爭雄長豈直

為一方一湖勝哉贊曰洞庭九江君山獨幽子  
京出牧希文好仇筆驚風雨字走龍蛇江湖廊  
廟後樂先憂

胡銓

胡銓字邦衡廬陵人建炎二年進士五年除樞密院  
編修官八年秦檜主和銓抗疏論之檜以銓狂悖  
特詔除名編管昭州改簽書威武軍判官諫官羅  
汝楫劾銓歸非橫議詔除名編管新州二十六年  
檜死銓量移衡州銓之初上書也宜興進士吳師  
古錄木傳之金人募其書千金其謫廣州也朝士

穆風內紀前

卷五十三

四十六

陳剛中以啓事為賀其謫新州也同郡王廷珪以  
詩贈行皆為人所訐師古流袁州廷珪流辰州剛  
中謫知虔州安遠縣遂死焉自孝宗即位召歸經  
筵加資政殿學士卒謚忠簡初銓貶衡有上饒方  
疇者字耕道與銓同榜進士謫守武岡移零陵建  
亦樂堂銓為之銘曰轍丹族赤羅縵不辱陋巷易  
安鬼瞰高屋拙補食貧廉夢餘矧芥伐性妙在  
獨宿孰哲茲理至樂常足我思古人自反而縮  
史南曰天下有道則公論在廟堂海內多沴則  
公論在草茅信斯言哉夫以宋事觀之北隣契

丹西阻元昊立國汴都已非嚴險開寶興國諸

臣偷安至王安石變法元老耆儒救過不暇而  
姦邪儉倭譸張為幻遂繼以呂惠卿蔡京章惇  
以啓金人之寇時康王渡江宗社其綴旒矣建  
炎紹興乘輿播遷乃有如秦檜者勦辱忠貞力  
主和議正人端士斥逐荒野而瑣庸嚚齷翁訛  
為朋又繼以韓侂胄史彌遠賈似道以啓元人  
之害時幼主航海帝胄其胥弱矣於乎權臣之  
禍人國固若是烈也邦衡獨能力倡正議請誅  
袁堂驚隼高翔虎豹長嘯噫非斯人其孰與歸  
贊曰驚鳥累百不如一鶚厥氣英英厥志卓卓  
氣壯山河志凌寥漠為天下風九京可作

穆風內紀前

卷五十三

四十七

楚紀卷之五十三

楚紀卷之五十四

皇朝進士經筵講官國史奉直大夫翰林院侍講學士臣廖壽豐謹撰

穆風內紀後篇

宋濂 方孝孺

宋濂字景濂金華人吳元年徵劉基章溢葉琛偕濂

來見于金陵

皇祖命為翰林學士承旨備顧問為

皇太子師授業大本堂晚年謫夔州先是與蒲圻魏

觀游撰碧崖亭辭叙曰濂與太常卿魏觀先生游

甚久知其為孝敬人也先生嘗謂濂曰子家鄂之

穆風內紀後 卷五

蒲圻有山曰蒲首焉巉然而起如雲旂翠蕤蕩摩

空濛間對峙雙石檻直上如筍中敞碧千尋嘉葩

靈草雜被之紛紅駭綠儼圖畫中先人愛玩不忘

日支筇步其下或濯纓澗底咏詩坐磐石上或望

雲出沒崖谷悠然忘返遂以碧崖自號時移事遷

層崖絕壁雖蒼然不改於舊而先人則追逐塵塵

於風馬雲輿中弗能見之每過其下不覺潛然出

涕故於宦游所至揭碧崖之名於楫間所以志之

思夫親也雖然名之固寓也而言之則尤寓也曷

若親履其地而求先人之遺跡乎當今

聖人在上方以孝治天下他日築亭山麓仍以碧崖

名之當風曰清美與二三子游其間指而言曰彼

清泉瀏瀏而斜出者此先人濯纓之處也磐石累

累而可坐者此咏詩之地也崖谷沉沉靈氣之宣

通有此望雲出沒之所也一俯一仰精神參會非

唯慰其遐思抑將藉是以勵夫所學期克肖乎先

人予雖耄矣此心敢忘予幸為辭濂曰傳有之舜

食則見堯於羹坐則見堯於牀古之上聖若斯況

下者乎人子之於親遇事觸物無有不可感勵者

况親肝游歷者乎斯亭之建當與甄氏思亭並稱

穆風內紀後 卷五

其視崇臺芳榭以聘游觀者何如也先生字杞山

觀其名也學富德行脩踐揚中外其善政蓋輩輩

云辭曰崖之雲兮英英其升崖之木兮欣欣其榮

張仙人兮何之颯風薄而上征豈降精而委祉兮

發為休徵三秀之茁兮膏露之凝渺長思於無窮

兮視一息於千齡金可銷而石可泐兮又焉能爽

吾之精誠

方孝孺字希古寧海人年十五侍父克勤游濟汶窺

鄒魯登泰嶽脩然有凌雲之氣乃涉淮泗走京師

謁宋學士濂學為文往復游龍門卒業焉洪武壬

成吳沉揭樞薦于朝

皇祖問曰孝孺孰與汝對曰十陪于臣乃試靈芝甘露論文藻峻發根究理性

上大嘉謂懿文太子曰此莊士也留以輔汝汝當識之

皇太孫素重其才即位召為侍講輔政先是孝孺為蜀府紀善舟經黃鶴樓叙詩卷云奇偉絕特之觀固無與於人事然於其廢興可以知時之治亂焉夫黃鶴樓以壯麗稱江湖間當天下盛時舟車旌蓋之來遊考鐘鼓肆管絃燕會于其上者踵相接

穆風內紀後

卷五十四

三

也元末諸雄之相持武昌莽為盜區屠傷殺戮至于鷄犬求尺木寸垣於頽城敗壘間而不可得天下之亂極矣大統既一海內建親王鎮楚以其地為國都旋頭屬車往來乎其四時不絕盛世之美殞將稍稍復觀余恨不獲見之茲焉觀其狀甚悉雲濤烟樹咫尺千里夏口漢陽蒼蒼如目睫展卷而卧閱之恍然如乘扁舟出入洞庭彭蠡之上而與李白崔顥輩同遊也今四方日就治平而江湘尤予所願游者他日苟或再登為之賦詠以追蹤於古之作者或者其始諸此乎乃撰赤壁歌

云東夏口西武昌赤壁峭絕當中央奸雄將軍氣蓋世敗卒零落慚周郎得鱸魚沽美酒就黃州謁蘇子謫向江湖動星斗噫歎歎曹公氣勢蘇子文章人物銷鑠塵跡荒涼惟有江水千古萬古共流長

史南曰臣聞之易曰觀乎天文以察時變觀乎人文以化成天下是故三垣列宿成象于天確然示人易矣六經五典成教于國粲然示人簡矣

皇祖開天御宇用夏變夷濯腥羶而馨香之剗澆漓

穆風內紀後

卷五十四

四

而惇裕之革鞮象而句讀之剗雜揉而統會之是故潛溪以正學肇儒宗遜志以直氣翊文運渾厚不譁和平可誦治世之音安以定風風乎其大風也哉彭韶贊濂曰春日載陽列宿繁張江流湯湯是為先生德容之粹文名之高學問之長變夷輔夏正我綱常功在萬世其曷敢恐謝鐸贊孝孺曰我台之學考亭是師迨於愚庵實聞而知愚庵之子是曰正學益擴而宏上沂伊洛如麟在數如星在晨旁觀一世絕類離倫潛溪之門盡天下士驚叱起立謂莫敢比心實

希聖自視歔然銘盤書紳雜誠惓惓家人有箴  
宗儀有紀謂道之行莫先於此學以氣充磅礴  
四行孰顧孰忌禍福死生歷宋迄元士氣益下  
有復古初不在作者

解縉 楊基

解縉字大紳吉水人縉幼稟神識五歲誦書七步賦  
詩十歲日記數千言洪武戊辰進士與弟金華同  
選為庶吉士

皇祖親加校閱特被寵眷未幾上大庖西奏議言甚  
剴切命為監察御史代救李善長冤疏上

穆風內紀後

卷五

五

上召縉父諭曰才之生甚難而大器者晚成其以而  
子歸益進其學又謂縉曰朕於爾義則君臣恩猶  
父子其益盡心于古人後十年來用之未晚也

上升遐縉入哭臨權臣構之謫河州為吏未幾為待

詔

成祖靖難雅聞其名召為翰林學士開文淵閣簡用

楊士奇等七人備顧問

皇太子立縉預議漢庶人高煦等復構之李至剛復  
構之謫廣西叅議又改交趾後死于詔獄其南行  
詩云結髮事

明主摘文翔鳳池載筆侍幃幄衣繡當前輝煌煌沐  
恩眷賜歸奉庭闈十年遭命否河隴孤栖遯東還未  
展翮一麾復南馳時來過鄉郡訪舊同翺嬉留連  
接權宴不忍暫相違稚子知我去寤寐率衰衣小  
妾中夜泣為言歸何時丈夫四方志離別何足悲  
今逢

天子聖底定如京圻多才寔濟濟中外羅星幕治效  
日熙皞斯民信無為自當安塞拙守此年命奇

聖恩許謝事樂矣不復疑壺觴集群彥遲我從南歸  
又過茶陵詩云清江一曲弄晴輝樹色山光綠淅

穆風內紀後

卷五

六

衣正好垂綸尋酒伴休官便買釣船歸過耒陽詩  
云蔡倫池上霧如紙杜老祠前秋日黃為問靴州  
江上水流船三日到衡陽過衡陽云欲上衡山看  
洞庭往來無暇不勝情秋霄跨鶴搏雲下歸路猶  
堪借月明

楊基字孟載吳人洪武三年起為滎陽令辟居江西  
行省六年奉使湖廣還為兵部員外郎山西按察  
使與高啟張羽徐賁為吳中四傑其過長沙吊賈  
太傅詩云才高衆所妬年少衆所輕奈何文帝賢  
而乃謫賈生炎劉握乾運寬大易暴羸涵濡三十



年孰不為政成生年胡不祥慟哭淚滿纓外防夷  
狄奸內謹七國爭禮樂與風化無一不可行帝心  
既未遑遙論乃拂膺長沙平濕地落日鵬鳥鳴臨  
湘歌短篇哀痛吊屈平雖承宣室問前席何足榮  
我來欲再拜祠宇久已傾荒苔剝斷碣滿目皆枳  
荆汨汨祠下水猶聞太息歎又望岳麓云我為長  
沙客不醉長沙酒為愛岳麓山繫舟城邊柳峰巒  
一何秀膏沐春雨後蛾綠淨洗粧方知朱鉛醜所  
嗟山中寺頽圯想已久嶙峋北海碑千載獨不朽  
信為神靈惜長使山鬼守寒衣欲訪古日落辰在  
酉荒烟鳥雀喧密竹虎兇吼老眼念後期未知重  
來否又望南岳云我從匡廬來但覺諸山低嗟峨  
望衡岳雲霄與之齊下有赤蛇蟄上有朱雀棲仰  
瞻祝融拔俯揖紫蓋迷五嶺皆培塿三江為滄蹄  
巍然南服尊嵩霍相提携封秩崇君稱諸神咸朝  
濟丹書篆寶冊萬古封金泥百王重祀典赤繅藉  
王圭自非精靈通牲帛勞焚齋余方向遠道無由  
陟層梯蒼烟霞中喔喔開天鷄緬思昌黎伯恭  
默開雲霓靈貺自昭格誠敬良可稽斯人久云沒  
感念徒含悽又題湘竹云朝行湘竹下暮宿湘竹

中雲情與雨態萬變俄不同密密深翳日踈疎  
含風新梢露裊裊老節烟濛濛紛如千靈妃從以  
萬青童幡幢列縹緲環珮搖丁東來從蔚藍天步  
入東華宮悵望不可即翩然若驚鴻大矯喜而笑  
低回俯乃躬質堅本外直性潔緣中空籀爾中弦  
矢揉之可彤弓冰雪誓不易肯與時污隆今朝揭  
春晴更覺翠色濃戢戢琅玕叢忽見桃花紅直疑  
路不遠便與桃源通我欲捐輕舟褰衣入崆峒春  
禽迎我啼音響諧絲桐終當聽山雨自號蒼貧翁  
史南曰縹負奇氣抱萬才意興所到肆意成章  
水搏蛟蚪陸剝犀象淵乎其不窮浩乎其有餘  
其自視何如者  
高皇網羅英賢智屈群策當時翊運元臣親如善長  
貴如廣洋惟庸近侍如安如濂如觀如素雷霆  
所擊罔不震懾縉以一少年上庖西萬言疏批  
鱗逆心靡所忌諱而  
聖度優容令其進學才難之嘆猶可想見規模真宏  
遠矣召旋河隴荐歷清華密贊建儲有故老舊  
臣所不及知而獨幹運  
廟謨措神器干磐石視古英哲何以加諸然諫沮交

耻力抗權倖卒惟于諶莫之敢白悲夫基也自負國華崛起吳上與高啓張羽徐貴號為四傑然未都顯仕遽墮讒網豈造物忌名故耶贊曰董子三策賈生萬言誓曰迴迴風孤騫縉也奇才國士鮮儷遭際

真龍逆鱗弗諱河朔既窺日南載遷魂飛湯火珍瘁疇憐文貞銘詞勒于貞石潛光益彰照耀方策基也吳彥陸雲之儔望徽賦詩浮湘悲秋我思若人猿鶴與游附之縉傳英風名流

王越 王守仁

穆風內紀後 卷五十四

九

王越字世昌大名潛人景泰辛未進士授監察御史歷遷都御史巡撫大同值北虜滿都魯李羅往甘肅西海越率兵蒐套大有斬獲陟兵部尚書封威寧伯言者論其邀功開隙謫居安陸復起左都御史總制三邊加太子太傅其題神龜洞詩云玄衣督郵五總仙走向漢江江上眠夜半神奇化頑鈍高山仰止三千年山頭石開口如甕元氣淋漓香霧重天巧難容谷鑿痕玄關深鎖虛靈洞紫苔點破翠洞幽潑潑魚吹春水流水聲流出到平地塵土滿溪煙雨收六眼笑春春萬狀鶯梭織錦翻紅

浪四嶺松檜間清風搖曳綠毛長幾丈七十二鑽骨已枯青天倒掛碧玉壺畫師塗抹果何物是乃古今真畫圖嗚呼此山造化若肯賣買取洞中閑世界狂歌醉舞問傍人不知我與白雲誰自在

王守仁字伯安餘姚人弘治己未進士累官副都御史整飭南贛汀漳軍務值宸濠反與知府伍文定協謀募兵勤王共討平之陞南京兵部尚書加太子太保封新建伯先是正德丙寅守仁以罪謫貴陽汎沅湘吊屈平其辭曰山黯慘兮江夜波風颼颼兮木辭柯汎中流兮馬泊湛椒醕兮吊湘纍雲冥

穆風內紀後 卷五十四

十

宜兮月星蔽晦水峻嶒兮霞又下繫之宮兮安在悵無見兮愁予高岸兮歎崎紛糾錯兮樛枝下深淵兮不測穴瀕洞兮蛟螭山岑兮無極空谷鈴鈸兮迥寥寂猿啾啾兮吟雨熊羆嗥兮虎交跡念繫之窮兮馬托處四山無人兮駭孤鼠魑魅游兮群眺嘯暇出入兮為繫茲穴嫉繫正直兮反詆為殃昵比上官兮子蘭為臧幽叢簿兮疇侶懷故都兮增傷望九疑兮參差就重華兮陳辭沮積雪兮閭道絕洞庭渺邈兮天路迷要彭咸兮江潭召申屠兮使騷娥鼓瑟兮馮夷舞聊遨遊兮湘之浦乘回

波兮泊蘭渚曉故都兮獨延佇君不還兮郢為墟  
心壹鬱兮欲誰語郢為墟兮函嶠亦焚讒鬼遺戮  
兮快不酬冤歷千載兮耿忠愍君可復兮排帝閭  
望遺跡兮渭陽箕雁囚兮其祥以往艱貞兮晦明  
懷若人兮將予退藏宗國淪兮摧腑肝忠憤激兮  
中道難勉低回兮不忍溢自沉兮心旰安雄之諛  
兮讒喙衆狂穉兮謂繫揭已為魅為魅兮為讒媵  
妾纍視若鼠兮佞類有訛纍忽舉兮雲中龍旂曉  
靄兮颺風橫四海兮倏忽馳玉虬兮上衝降望兮  
大壑山川蕭條兮濟廖廓逝遠去兮無窮懷故都

穆風內紀後

卷五

十一

兮蜷局亂曰日西夕兮沅湘流楚山嗟峨兮無冬  
秋繫不見兮涕泗世愈隘兮孰知我憂

史南曰臣嘗衆議輿論徵諸

國史有慨于二王之事焉夫越以奇謀秘策伸威北  
虜天山鳴鏑河套揚戈錫奏咸寧守仁以懋學  
高才靖變南藩盟府策勲講壇設教分符新建  
非古所謂豪傑之士乎然而守仁門弟子遍海  
內雖師死而不忍負之越死未寒已不能庇厥  
宗焉此又設奇秉正學術之不同而天道之報  
施亦異焉爾贊曰天賦奇才雄冠萬夫人歸耆

碩名重兩都勲昭麟閣位峻龍圖二公同傳

世允乎

沈暉 柳寶

沈暉字時暘宜興人天順庚辰進士授南京戶部主  
事轉郎中擢陝西參議福建參政陟都御史撫治  
鄖陽進工部侍郎初代祀南嶽偕李承基游暉撰詩云  
皇帝御宇十載春萬邦樂業歌堯仁四方比者秦水  
旱宰相馳驅遠紫宸

聖衷憂懼不遑暇誕修德政期更新已令中外上封  
事復告

穆風內紀後

卷五

十二

郊廟禱百神恭惟五岳在天地鼎峙海內鎮台衡大  
衡去國獨萬里綿亘楚粵連甌閩乾文上配朱鳥  
宿坤軸下盤炎海潑噴雲洩霧雨九土叅贊造化  
協鴻鈞邦家自昔謹常祀矧今異典從天申小臣  
祇命罔敢怠即日就道航江津北風吹帆疾如馬  
越數千里僅一旬大都小伯畢來會車馬雜還聞  
城闔致齋三日始將事星斗燦爛羅蒼旻升壇跪  
拜獻三帛牲肥黍香玄酒醇群上登歌韶樂奏肅  
穆上下和神人精誠交孚若有假九霄恍惚集衆  
真

六龍御輦五雲繞前導朱鳳後赤麟來無形聲去無  
迹但見香霧颺冠紳禮成闔廟下山去松栢夾道  
清無塵初陽照地人影亂林鳥翔舞野鹿馴田翁  
村老迎道左龐眉白髮紫領巾共言累歲遭亢旱  
五穀不熟民饑負幸蒙

天子念黎庶祈禱為我遣大臣

皇心纔感神輒應春雷震發雨澤勻高田下隰遍禾  
黍風吹碧浪光粼粼秋成百里端可望登場奚翅  
三百困公家賦稅早輸畢殺羊置酒會里鄰人心  
和樂天道順災害不作禎祥臻邦基永保萬年固

穆風內紀後

卷五十四

十三

民風再近三代淳臣暉作頌勒山石神功

聖德昭無垠又在房陵撰天馬崖歌曰房星墮地化  
為石秀削蒼崖三萬尺長風吹散楚天雲突兀秋  
空壁晴壁神駿何年此地游至今隱字石間留僊  
駢一去無消息山下蒼江空自流吾聞用地湏良  
馬古來不惜千金價吁嗟騏驎世不常愁見驚駘  
滿中野長望真龍升紫虛風雷白晝騰天衢出隨  
大將平胡虜入為

君王駕輅車

邵寶字國賢無錫人登進士第出知許州徵入為戶

部郎中擢江西提學副使轉湖廣布政南京禮部  
尚書時與西涯李文正公守溪王文恪公游多所  
撰述其在黃州訪蘇文忠公遺蹟步定惠海棠韻  
詩云草堂三間倚林木如魯靈光巋然獨當時坡  
老賦海棠遂使荒丘頓超俗乾坤俯仰五百年多  
少高陵變深谷愛人及物自古然甘棠在野鳥在  
屋誰將疏圃一治之彼哉鄙夫徒食肉今之太守  
關西豪友盡今人猶未足沅逢別駕是同鄉前日  
臺端望允淑登臨吊古每賦詩萬丈虹光吐便復  
清標既逼雪堂雪雅韻還宜竹樓竹我持憲節東  
南行偶陟黃岡一遊目高山仰止同此懷如覩  
我在西蜀雄篇可讀不可和白雪渺渺天邊鵠一  
株培植兩侯心酌酒酹公歌我曲願言折竹作新  
籬等閒莫遣祇羊觸

穆風內紀後

卷五十四

十四

史南曰臣觀震澤集乃見王文恪公銘沈時暘  
有云抑抑沈侯潤澤而栗自為郎中所至則發  
四臨大藩御史中丞南少司空名位具登古亦  
有言清而容物吾豈不容恥是咄囁及和邵國  
賢詩云杖藜晚上清風閣比望雲山渺丘壑懷  
公不見誦山詩清廟朱絃為誰作晨星落落今

數公平生出處將無同我生與世早多忤乞  
歸卧雲山中與公周旋亦云久不飲每酣公瑾  
酒子年魏闕本江湖公也那能忘黔首嗟乎觀  
其銘可以知時暘之清而不弘矣觀其詩可以  
知國賢之裕而有容矣守溪豈欺我哉贊曰沈  
公天挺英才之英杞嶽有詠聲振璆琳邵公國  
老士林之珍和蘇有詞律協韶韻震澤之銘西  
涯之評載筆如椽宛若登瀛

劉炳 蕭子楫 廖瑾

劉炳字彥島鄱陽人繇文學入翰林為應奉官嘗撰

穆風內紀後

卷五

十五

荆門賦其詞曰君山秋兮蒼蒼洞庭寒兮欲霜雲  
流碧兮潦盡木殞黃兮菊芳白鴈嚙蘆兮七澤凍  
玄猿誦風兮三峽長客有佩明月之琳琅翳鳳凰  
而翱翔纓齒飄兮絳彩月蓮吐兮雪芒思攬轡於  
昭丘爰弭節於荆揚顧漢水之為池睠方城之為  
隍據軫翼之疆次古熊繹之封疆沅沱既導朝宗  
于至厥土惟泥黍稷穰穰馳馬被野牛羊彌岡繡  
組燦爛金玉鏗鏘菁茅籜枯栝豫樟鴻鴈鳬鷺  
鵠鶴鵠鵠砂丹石翠椒紅橘黃玄偉大龜赤鯉青  
魴羽毛翠革物產之良富富國強兵之所利宜

穆風內紀後

卷五

十六

吞割據之相攘嗟乎惟昔漢綱解紐炎靈中微旋  
頭夜餓天狼晝垂赤刀鳴於武庫白魚兩於京畿  
洪流板蕩黨議橫馳奸臣竊命太阿倒持曹瞞挾  
翠華以遷許董卓積黃金而築郿六轡揚塵於紫  
渤九龍失水於瑤池志士懷攬轡澄清之慨勤王  
動枕戈興復之思通人俯仰於形勝未嘗不痛恨  
於桓靈之陵夷也東望夏口蔚平武昌鵠鵠之觀  
抗神宮於雙闕黃鶴之樓凌雉堞於中央鸛鵲芳  
洲帶草色漢陽野樹迷烟光悽其赤壁烏林淅瀝  
憶樓船之如林想旌旗之蔽日殷動地之匪聲列  
連雲之戰戟妖氛引於宛洛殺氣纏於郡邑火星  
朝騰烟砲夜擊檣連烽燧岸走沙石龍虎決於雌  
雄成敗等於呼吸謀興輔主業於萬全何土崩亂  
解於瞬息孫策周瑜之成美曹操張遼之失計事  
竟敗於驕矜身幸免於倉卒致當時之捷脫重來  
者之歎息故壘蕭條斷壕周遭江屯崩雲端呼怒  
濤楊柳頻春於別渚蘆花慘雪於殘潮寄登眺於  
草木付歌嘯於漁樵夢明月於白鶴弄春風於紫  
蕭銓矣醺酒臨江之樂傷其橫槊賦詩之豪所謂  
東風不與周郎便銅雀春深鎖二喬者乎南望則

岳陽之區雲霧之窟包羅潭沔浮太虛衡嶽  
岫朱陵氣盤城皇遺廟粉鈿消香於春色蒼梧故  
隧深澄沉彩於秋塵玉鸞剝於寶鑑金鴈浮於海  
銀長沙之瀟湘之垠鳴夜雨於斑竹捲西風於  
白蘋因遷謫之賈誼悵行吟之靈均忠貞之諫弗  
任泣涕之書徒陳天衢騁於駑駘草澤闕於麒麟  
楚人致懷沙之恨漢文空宣室之勤所謂可憐半  
夜虛窗不問蒼生問鬼神者乎西望則白帝插  
漢烏道際雲迴灑灑霜沸我眉黛勾龍湫虎牙尾  
門吼白鹽赤甲虞淵昏天府沃壤于以定霸而制  
國鑄山煮海于以濟世而安民啓中山之帝胄伸  
大義而奮身結閑張之英姿同魚水於君臣起躬  
畊之高卧枉三顧之慙勤義旗渡於瀘水耕者雜  
於渭濱運木牛於流馬森八陣於鼎分誓鞠躬而  
盡瘁痛嘔血之酸辛墮大星於前營傷漢祚之遭  
迤所謂出師未捷身先死長使英雄淚滿襟者乎  
北望則襄陽紫迴峴首崔嵬汝穎廣衍唐鄧宏開  
沙湮檀溪之浦棘覆龍山之臺五羖芳躅帽落斜  
陽於杞菊龐公高隱徑迷斷靄之蒿萊高陽之酒  
徒零落習池之歌舞誰來更無金鞭換小妾寧復

銅鞮歌落梅紅剝鸛鷀杓翠消鸚鵡杯淚亦不能  
為之墮心亦不能為之哀所謂晉朝羊公一片石  
龜龍剝落生毒苔者乎吁嗟兮風景不殊山河如  
昔慨戰馬之何在消風雲於倏忽何三國之英傑  
逞干戈於智力措蒼生於魚肉不能一日安於枉  
席爭腐鼠於飢鴛致羝藩而臍噬徒區區於井蛙  
莫能混南北而為一豈天運有常抑非人力之所  
能致者乎偉哉我  
皇龍奔虎張雄劍一呼囊括八荒  
蕭子楫泰和人蒲圻教諭撰蕭堆賦其辭曰景泰二  
載重光協洽夷則應律金氣燿燿散觀瀾之孤亭  
留睨乎高山流水維東有峰狀如覆釜下有蕭堆  
勢若杯土歸然如伏岬然若起巉巖若斷崔嵬其  
峙崇雖不踰數仞廣亦不盈數里壯蒲圻之偉觀  
獻芹泮之佳致四山噴吼恍若驪龍之戲珠一水  
潏泐下匯赤馬之江泥固非君山之在洞庭鞋山  
之在彭蠡亦非蓬瀛之泛滄溟金焦之砥楊子要  
諸名勝曷足以擬厥植斯動厥溪斯止惟土地兮  
潤澤肆卉木兮輝光彼芙蓉兮孰匪歲蕤有臺來  
兮可儷芬芳繁松筠兮灌栲欒桂菊兮幽香若鄧

林兮鬱鬱駢早麓兮蒼蒼賔日兮鳳若和鳴警露  
兮鶴引圓吭食萍兮鳴鹿呦呦在谷兮白駒彭彭  
諸生乃振衣而趨拱手而告曰先生傳經庠序于  
茲有年效知者樂順性之天曷不登疊秀眺豐財  
躋白石隔雲臺棲鳳隱陟龍蟠瞻蒲首倚馬鞍迺  
區區蕭堆之是觀乎噫先生之所樂者不在乎山  
而以其名為蒲耶抑亦必有獨得於心而若是其  
賈豈耶蓋先生徒知其可樂而不知其所以可樂  
之妙也予既駭然而聽之復喟然而應之曰其然  
豈其然乎諸生對曰茲山雖小鍾秀孕傑巨浸一  
穆風內紀後卷五

激大魁斯出前乎漢唐群英濟濟後乎宋元碩人  
侯侯調和鼎鼐則有趙葵甫列官諫議則有費師  
古與夫廖竹林之祖孫世家何蕪溪之父子接武  
追我

皇明混一區宇雲興從龍風烈從虎歷清卿而終祭  
酒者魏公杞山侍儲極而任藩臬者王公時舉或  
登第兮蓬羽煙霄或聯科兮施澤霖雨司風紀兮  
激濁揚清寄民社兮庇民尊

主職武備兮閑黃石之略教文學兮彰文公之美是  
山靈結紱衡湘治化同乎鄒魯如斯而已乎先生

曰噫嘻子之所言可謂允臧爾矣然不知希聖而  
入神則甘自棄而徒人羨矣天爵苟脩人爵斯見  
在諸生之自勵庶所生之不忝諸生唯唯而退皆  
曰先生之言其善矣乎先生無言而退惟見夫蕭  
堆之一山巋然為蒲川之砥柱

廖瓊泰和人通城教諭撰翠屏山賦其辭曰翠屏有  
山兮根何自而盤旋肇玄黃之儀分兮引岷嶓之  
後先歷九疑而跨大別兮迄江漢之南壖環東北  
而起伏兮絲脉絡之蜿蜒突然孤撐兮聳通羊之  
前圓峰不峻兮珠光爛懸卧石不突兮玉花靜妍  
依稀乎祝融之天柱彷彿乎太華之金蓮徘徊顧  
睇孰與比肩壯輿圖兮地偏締赤壁兮低連鬱鬱  
松兮玄鶴翩躚麗千葩兮黃鳥絲蠻起飛雲兮嘯  
猿擺藤蘿兮秋煙樵斤踏雪兮攀緣紫芝燁燁兮  
香流泉彤霞絢碧兮瓊崖水田物寶既萃兮鍾英  
與賢乃地靈以鎮安兮求禹跡於當年台時方依  
岩石而遠眺矚林麓而孤騫有叟皤然曳杖仰面  
睇天乃颺而問曰先生之道於茲也歲亦兩載挹  
雲攬霞厥亦自愛久探幽情樂亦斯在惟知是山  
之奇而不知昔人之可慨也予遍而問之曰叟知



之曷不為予言其槩耶史曰學自往古莫知所從  
厥初無名葱菁龍叢世代既遠遂如飄風百不存  
十蠋藏莫谷茫茫百里其誰是宗鞠為茂草秋雲  
茫茫入我

皇明生意乃復始莫我居備我茆屋垂四十年民賴  
以足我時一暇散髮捫腹登于曉岩瞻披或或或  
啓岩扉緣茲脩竹華今嘉客得樂所生既無叫囂  
復忘縱橫日入則息日出則耕強亦莫奪富亦莫  
爭抱孫與子老我弟兄今日太平其能有此情也  
先生典教于斯宜怡爾神兮宜順爾志夜窓有燈

穆風內紀後

卷五

主

訓爾諸子衣不必華披襟是美味不必兼適口則  
止我聞于人好樂不問笙鏞雖殊其音則通

聖明在上爾祿當崇善保福祉今名無窮予因問其  
姓名俛首而去咲而拂衣竟莫知其處

史南曰嘗觀宋景濂學士叙彥昂集云氣韻沉  
鬱若謝康樂神情脫灑若岑嘉州風乎仙游英  
乎霞舉若李供奉由其考友梧與虞文靖揭文  
安吳月灣相友善以故其文益奇其體益奧以  
今觀之彥昂荆門之賦亦唐體也其於班孟堅  
之二京左太冲之三都未有間焉若蕭子楫廖

瑾職典文庠情馳藝圃體雖近俳意多法古是  
之取爾贊曰靈均跡迥作者何人宋玉悲秋長  
卿凌雲兩晉藻爛六朝葩芬唐賦摘詞宋賦泥  
音元人弗古俚亦可徵

國初開宇萬籟蘇聲登高作賦罕見其倫彥昂揮毫  
景濂席珍蕭堆滴水翠屏通夢即茲神理擬必  
以倫

李夢陽

何景明

李夢陽字獻吉陝西人弘治癸丑進士累官江西督  
學副使初欲寓居襄陽作漢濱賦望漢陽作弔鸛

穆風內紀後

卷五

主

鵲洲賦文多不載惟泊雲夢作雲夢賦其辭曰幼  
余紛以好覽兮懷長風而浪濤夏匯液之浩浩兮  
阻雲夢之逆颼哀南紀之攸墊兮荆衡之衆山貫  
江漢以為絡兮來朝宗而播源翬潛沱之翩翩兮  
掖景陵之義原吞沔鄂之曾隰兮流逶迤而濃濃  
坻坻坻兮掩翳橫余前兮蕪葭紛而蔽天月重陰  
以繁雨兮駛厥賜為之先鳴萬大別以悠汧兮連  
少陰茹而用情次大澤之巖隙兮睇風雲之上征  
惟彼斗酌而靡均兮縱柔金以噓吸孤心昏以徒  
闕兮越西流之靡及覽萬情之翻覆兮爰背坎而

向離指朝景以辨位兮定星辰而訊期極明晦之  
變態兮盡洋滂之淫漪揚舠以凝睇兮數周圍之  
峻岑勤伯禹之工又兮坤維奠而至今情瀟滢以  
無依兮聊唁昔而周章慨五湖之見幾兮詠孺音  
於滄浪胡洞庭之險整兮三苗區而蕪城舳舻蔽  
江以來下兮孰攘攘而非衣食住者既不可追兮  
吾寧俟時而矯心掇陽潛之文貝兮采芳芷於漢  
潯龍擾余以負舫兮珠夜游而光吐憑烈性之難  
抑兮淚浪浪隕而思古誦曰昔有郊郢厥惟楚都  
實遠靈夢百雉其郭何材弗殖寶玉明錯魚鱉屬  
麋於初計許麋麋甫齒革毛角有齒有莖各以  
類積礪礪岳岳服食之屬兮泉絲葛甘藟苦酢靈  
餌珍藥觶弩勁箝犀甲狼毒王府充溢宮室棺槨  
商旅沓至貿遷繹繹漁牧詣足鳴琴巷鄂國以富  
強鞭撻晉秦挾鄭狩獵出入二數旌旗千里戈船  
璘玢金銀璫璫倏忽閃獸柴鳥墜追者稱善後  
王何道游關靡返懷沙奮辭邦墟憐惋  
何景明字仲默信陽人正德戊辰進士授中書舍人  
奉使經湖廣其寓武陵詩云武陵一何長遼遠不  
可測高林多悲風慘澹日無色黃熊啼我前白狐

跳我側皎鵲蟠深淵不見奔雲黑沙蒸水亦毒我  
僕饑且踣辭家忽踰秋適此萬里國土風日以殊  
川域邈無極伏波有遺響吟餘轉悽惻河因托橫  
吹一寫千載憶又云承明播宸渙西適靈夷州艱  
哉武陵山古道何悠悠狹谷不容憶水中無行舟  
仰探虎豹窟俯瞰蛟龍湫徘徊遲吾馬中心懷悵  
憂脩程尚延豆我行何時休又云羣山何逶迤環  
峙如百城其上干青霄其下浮雲征出沒千萬態  
倏忽殊陰晴撫茲豁心目頗慰羈旅情又云驅馬  
山上行山高何巍巍修阪接飛翼百步仍九迴倪  
視烟靄中衆山鬱何壘茫然望四海萬物亦已衰  
昔我別京國朱華猶未希歲節忽復易何時當旋  
歸又云大壑百餘尺流水浩湯湯我行路中斷欲  
渡無橋梁誰為理舟楫石亂不可航改轍上危棧  
登茲千仞岡臨深古有戒側足以徬徨又云山深  
多樹木百里人民稀時有四五家茅茨隔山陂泐  
田不可耕何以禦歲饑門前數畝園秬收蓬與藜  
平明出汲澗薄暮始得炊童稚那敢出但畏逢虎  
罷草黃納晚禾桑綠催官絲嗟爾遠方人辛苦誰  
具知又云山勢行轉促連峰相貫踰窈然林莽中

乃復得坦途青壁結烟竊縹緲凌虛無層阿秀嘉  
禾下覆清水渠夙志好幽僻覽茲耳目娛公車雖  
少延顧盼忽已踰安得鼓清琴日坐山之隅又云  
谷轉岡漸平策駕循陂陀遙望辰陽城枕山帶長  
河飛甍苦鱗次居人一何多按節駐江館登眺崇  
山阿南衢聞夜絃北里揚朝歌誰云接夷域文物  
殊中華過蒲圻又云向晚蒲圻遙遙聞鷄犬喧斜  
光入深巷疎雨過閒門縣市渾依水人煙只類村  
蕭條燈火夕沽酒共誰論

史南曰臣恭攷

穆風內紀後卷五

五

國初以來洪武間以劉誠意為鼻祖宋潛溪繼之時  
則有若王忠文之渾沉方遜志之醇雅皆學韓  
而變者也永樂以解春兩為正宗楊文貞繼之  
時則有若金文靖之冲蔚胡文穆之浩博皆學  
歐而變者也弘熙宣德

兩朝世底熙洽文亦和平正統景泰天順

三朝事多變更文隨升降成化中以楊文懿為接武  
羅一峰繼之弘治以李文正為主盟程篁墩繼  
之或變韓而入于柳或變歐而入于蘇至正德  
時凡幾變矣李獻吉何仲默則以詞學鳴王陽

明湛甘泉則以理學鳴語文則宗左氏語詩則  
宗杜氏語理則又宗陸氏紛乎何多岐也我  
皇上法古皇王直追

神聖嘗論詞臣有云堯舜二典何簡與唐宋諸史何  
浩繁其集議以聞大哉至矣易曰觀乎人文以  
化成天下道其在茲乎若夫何李二才人之作  
足以羽翼詞垣翱翔藝苑黃省曾叙空同集曰  
矩之音氣何密弗研獲其神精何奧弗範王廷  
相叙大復集曰斯文出於元精應與元氣並存  
其知言哉贊曰神龍見田文明利見隱豹出谷

穆風內紀後卷五

五

文蔚自變空同天挺玉光璀璨大復人豪藻章  
葱蒨至今牛斗昭回雲漢

韓陽

韓陽會稽人進士授監察御史出補湖廣提學僉事  
撰山川人物賦其辭曰海內名藩江南列府按禹  
貢以為荆書春秋而曰楚疆連百粵之區界接三  
吳之土拱京師以通貢獻之衝隣黔蜀而居要衝  
之所編氓之戶口衆多商旅之舟車旁午人材盛  
於我

朝物產饒於前古試姑陳其一二曾不揣乎愚魯若

言夫州郡之名稱兮長沙間于衡岳與國隸於武昌  
蕲黃來漢沔之水德安邁隨郢之方澧州舊屬  
夫常德均州今轄平襄陽荆南通辰沅之域寶慶  
接道永之疆桂陽隣于郴壤靖州抵於武岡歸州  
處夷陵之上荆門依南郡之傍沿革不一建置靡  
常遺基故跡未暇悉詳以言夫山形兮前嵒後岫  
之無窮疊嶂層巒之無盡八面兮崔嵬五嶺兮高  
峻幕阜兮千尋風門兮萬仞三十六峒兮幽且深  
七十二峯兮矗以竝衡尊乎南嶽之衡山兮乃一  
方秀氣之鍾孕邀泰岱以齊封兮拉會稽而為鎮  
以言夫物產兮則有稻梁秔秫之梁黍稷粟麻之  
味麥有蕎稗小大之殊豆有黃紅綠黑之異公需  
賴之而充民食資之以備其蔬則有瓜茄葱韭蒜  
薤芥薑蒜甜蘆蔗宜食菠稜蒿苣兮可葷又有  
絲綿之帛絺葛之布可以用於暑炎禦夫寒泣其  
木則有楠梓槐柳松栢椿桐桑榆梓漆楮柘檀棕  
楸杉檜棟檉楓冬青白楊玄稷丹松素樗可以制  
器可以佐宮其竹則有篋笙絲苦青白紫斑笛箭  
水蘄可比琅玕其果則有梨栗棗柿李杏桃梅葡  
萄秋熟盧橘冬開芡菱蓮藕可侑樽壘其藥則有

白朮桔梗紫胡香需烏藥山豆黃芩地榆細辛枳  
殼葶蘆萊菔雲母之石仙靈之皮可以衛生而濟  
時其花則有牡丹芍藥薝蔔薔薇鹿葱罌粟瑞香  
蜀葵海棠石竹山茶木犀水仙月桂迎春醴醕可  
以含芬而識奇以言其禽之類兮則有鷹鵠鳩鴿  
山鵲竹鷄鸛鵒鸕鶿鷓鴣子規黃頭秀眼白頭畫  
眉山鷄夜叫野雉朝飛可以觀物化之推移以言  
其獸之類兮則有牛羊犬豕麋鹿騾驢獐鹿猴兔  
虎豹熊羆猓豺獾獾貍兒狐狸猩猩能言狒狒解  
飛可以見物類之環現以言夫水之多兮江湖河  
港溪澤潭塘初馬脉脉已而湯湯三湘來洞庭之  
右七澤出漢沔之陽衆溪分九江之派諸派遠二  
涘之邦或石多而為瀨或湍急以為瀧小河支港  
數不可量發之深兮則滔滔汨汨瀝之廣兮則浩  
浩茫茫吾惟重夫江之萬里兮何源遠而流長同  
大河以為瀆兮會淮濟而朝于東海之洋以言夫  
水之所生財之所殖其草類兮則有蘋蘩并藻萍  
蓼菰蒲鳬茨萍荷萹蒿荻蘆蓼菱芡蓬盈渚蒲洲  
其羽族兮則有天鵝野鴝鵒鸕鶿鸛鵒鷓鴣鷓鴣  
鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣鷓鴣

更有家鳧家鴈沿池遶汀其鱗族兮則有鰕鰂  
鱖鯪鰱鯪鯽鯪鯽鯪鯽鯪鯽鯪鯽鯪鯽鯪鯽鯪鯽  
均美可薦王公可羞祀禮江豚河豚不足言已其  
介族兮則有龜鼈鰲蚌蝦蟹鱉龜為重卜筮  
所宜抑有蛟龍潛躍兮變化不時雖居鱗族兮人  
罕見之早祈晴禱兮雲從雨隨容有晒予而言曰  
前此數者不過山川風景之形土地生物之名請  
以人才實蹟為言庶乎文獻得有所證嗟予之言  
是也余請言其略焉屈靈均之忠憤兮形於騷辭  
黃文強之孝道兮出乎天性囊螢夜讀兮武子之

穆風內紀後卷五

三九

車泣笄冬生兮恭武之孟至若山甫有樊國之封  
吉甫有房陵之韻又若仲謀之將佐多才孟德之  
奸雄莫競故魯肅次烏林之兵周瑜司赤壁之柄  
羊叔子墮淚之碑尚存杜元凱沉澹之石堪並陶  
荊州運甓之勞庾開府登樓之興往事紛紜率爾  
難罄姑以近代言之唐宋諸賢復古自振道學則  
有程朱宗周子之淵源文章則有李杜偕韓公之  
題詠微楚書秦和之名浯溪勒次山之姓宋郊聞  
蟻渡之徵馮京著馬涼之應熙運初開討謨斯定  
茹少保忠誠之封先宜劉翰林文學之任尤稱德

行政事兮湘陰之夏公忠靖文章功業兮石首之  
楊公文定任翰苑兮有蒲圻之魏公杞山贊官坊  
兮有襄陽之任公享泰或由經術而登科或以殊  
才而發解達士偉人金輝玉綴鴻勳碩猷星輝斗  
貴惟保泰而履盈兮曰天監之是敬苟所任之非  
才兮猶博詢而廣聽其命官也於藩憲兮則舉夫  
廉公厚重之臣僚於郡縣兮則擇夫愷悌循良之  
守令仁恩洽乎人心兮禮樂陶乎民性是故溪徭  
帖帖以輸誠峒獠蹲蹲而內應山林之鳥獸無驚  
江漢之風濤以靜家全事育之惟人樂昇平之慶

穆風內紀後卷五

三十

伊欲究其所由定有賴於山川氣運之隆盛  
祭潮宇巨源臨海人弘治乙丑進士授兵科給事中  
出補湖廣提學僉事寓蒲肇修鳳山書院時道南  
為諸生弱冠乃命作鳳山賦其辭曰霞山先生仰  
謙山之嚶嚶俯渙水之洸洸背良岫以枕陰面晉  
旭以賓陽於是乎經野覲土詠日擇吉鳴工聚材  
測景平臬伐巽木以為宇拔泰茅以為堂隆大過  
以為棟建書院于鳳岡蓋以植人紀樹天綱考法  
象陳典常而永垂丕休之烈于無疆也爰有三湘  
公子九嶷丈人馭黃鵠之颺輪轡繡麟之雲輿抗

招搖以遐征指攝提而上馳曉嚴而眺望肆懸河  
之修詞公子曰竊伏湘湄遐哉邈矣不圖今日院  
斯落矣青青子衿于胥樂矣且台聞諸蓬萊之陽  
扶桑發賴迷穀揚彤椒燄映波其屈縮拘杖搖嶼  
其菁葱廼有青陽之宮綺疏繁星藻稅宛虹安期  
涉成池而洗日羨門登陽谷而凌空崑崙之西螭  
淵泐漭沕澤淪漪冢遂澤光其中霞泰器欽崙其  
截霓廼有素灝之居晶宮栖魄璇題納曦容成據  
沙棠而逍遙韓衆依子桐而栖遲炎嶠之南緬砂  
丹垠紆迴紫雲有隨暢薰風之籟軫巖懸火德之

穆風內紀後

卷五

三

曜廼有朱門之垣金支通牖王珪照筵祝融司祗  
而開宇句赫胥御紀而墾天田瀚海之吐氣凝霜  
窈精結冰崙吉良產千金之駿芻吾具五色之質  
廼有玄景之室閭家九關礪礪萬壁肅父掣長鯨  
而揮權任公跨巨鼇而負龜先生溢用龜朋革宇  
豹蔚晞青陽之瞳眬飲素灝之澈渙服朱明之陸  
離被玄景之赫奕無乃窮四荒超八極于焉栖息  
爾矣乎先生曰恣遠遊者疇與近取諸身務外觀  
者疇與內求諸心子言博矣蓋載陳之公子又曰  
太昊乘震執規司春玉衡東信殊斗回仁蒼蠅駕

而協氣和玄鳥巢而條風溫于斯之時紅藥翻階  
朱槿蔭庭靈運賦池草而冥機自觸孝緯感山櫻  
而雅韻攸成炎帝乘離執衡司夏赤鸞鳴晨丹良  
燭夜于斯之時蘿烟裊帷松風入榭江淹懷綺樹  
而興慨臯蘭傳玄思秀麥而宣謠田稼少昊乘兌  
執矩司秋悲臺蕭瑟哀壑颺颺鵲梁迥而津橋橫  
蟾桂芬而月殿幽于斯之時竹君萬箇木奴千頭  
左思睇翔鳳而金鷄初動潘岳咏歸燕而玉露方  
流顓頊乘坎執權司冬同雲集霰寒漸凝淙日陸  
旋而品彙藏星紀周而象緯從于斯之時令屬玄

穆風內紀後

卷五

三

英律應黃鍾穆王躋平圃而白雲縹緲梁主游兔  
園而素雪玲瓏先生漸儀鴻羽鼎食雉膏煦春元  
而熙熙茂夏亨而陶陶廣秋利而肅肅孚冬貞而  
昭昭無乃順四時周六虛于焉居諸爾矣乎先生  
曰善言天者必徵諸人善言古者必準諸今子言  
近矣願終陳之公子又曰粵稽有漢西雍是京差  
我虎觀蛇蛭鳳城麒麟燕喜而芙蓉披鳩鵲鵲類  
而椒蘭榮廼有承明之廬著作之庭銅龍承宇金  
馬標門方朔占歲星之色象更生招太乙之威神  
粵稽有晉江左載作鍾山龍蟠長江蚪躍顯陽曄

睥而巨赤鳥永安離奇而延朱雀迺有華林之園  
昇元之閣江實浮波山葩吐萼陸機詠芳藻以敷  
文謝眺賦青山而尋樂輿稽有唐起于晉陽華清  
毓秀興慶蜚香勤政通天而接熊耳飛山凝碧而  
起鵬翔迺有結璘之樓鬱儀之堂虬漏宵沉鈴索  
書張李白摘辭而焜煌鼇掖韓休抗疏而飛翥鸞  
章輿稽有宋國于汴京渾河為池嵩岳為城嘉瑞  
嘉福以延弘慶純和熙和以聯邇英乃有微猷之  
製寶謨之箴十閣叢起兩制並名易簡承恩而御  
書飛白永叔規草而史策垂名先生節以制度順  
穆風內紀後卷五

星河溪泗赤馬而虛涵天日其西則有鐵山壺山  
蒲首瑞雲感山廬山芙蓉石門湖出二羅而澄潭  
瀦蓄水趨陸口而長江吐吞其南則有桃花白石  
月山梅岑金紫五洪雲臺荆泉鹿洞谿谷而林陰  
夕合羊樓咭嶇而崖花畫研其北則有龍翔行將  
鳳隱石盆雷壇天馬明水山門北渡浮舟而汗鑄  
懷古西艮遺堞而鳥石藏靈是故鳳凰于飛維石  
巖巖三峰層巒五水紫灣金疊石笋金臺雲磐隆  
岡秀起而超翼南闔平原衍夷而迴抱西關是故  
其為書院也其中則有集雲之樓崢嶸綵綵堪巖  
穆風內紀後卷五



秀紉蘭馨香鶴渚而迴鳬汀是故山以鳳靈院以  
山名先生之建茲院設茲教也而豈徒哉昔者鳳  
凰之為世瑞也軒轅臨玄扈而受圖冷倫商解谷  
而協律高辛聆音而知化必臭名官而纂曆巢手  
阿閣竟命羲和以授時儀于蕭韶舜祭璇璣以齊  
政翔于紫庭文王占景緯而游歌止于岐山召公  
陳卷阿而諷詠茲蓋傳之道統納之世軌昭之人  
文章之物采示之賢規約之邦紀所以淑斯文者  
懋矣望諸生者厚矣視唐之集賢麗正含象光順  
宋之高陽白鹿石鼓嶽麓蓋異世而同符焉爾矣

穆風內紀後

卷五

三五

先生聞之有睟其容有吁其衡喟然嘆曰有是哉  
九疑丈人乃歌曰惟九疑兮蒲山之宗仁者壽兮  
靜斯同三和公子亦從而歌曰惟三和兮尊水之  
源智者樂兮動斯同先生乃磨載歌曰九疑截業  
兮君子以崇德三湘淑渙兮君子以廣業吾與吾  
走期大同兮永貞吉

史南曰臣嘗觀諸詩俾彼雲漢為章于文周王  
壽考遐不作人言文王法天之文以教乎人久  
於道而化成也崧高維嶽峻極于天維嶽降神  
生甫及申言宣王護地之靈以鍾乎賢應其期

而功成也夫有文王作人之化以創業于前有  
宣王得賢之助以中興于後周家有道之長其  
所繇來者逖矣我

朝肇建學宮載造多士惟才是用不拘其類厥後以  
臺臣督兩都憲臣督諸省法紀漸密文軌大  
同自韓陽至薛綱時則汾汾爾士則穆穆爾其  
雲漢為章之初乎自蔡潮至張邦奇教則諄諄  
爾士則彬彬爾其崧高降神之時乎而乃今天  
人交感神化旁通其育才贊政固有如韓如蔡  
者繼也薛綱已見登績紀張邦奇已見景則紀

穆風內紀後

卷五

三五

茲述二賦以考二公之素履云爾贊曰古先哲  
王學必有師虞庠俎豆姬龐鼎彝虎闥講道賢  
潭陳詩韓公肇賦蔡公授詞國之棟樑士之著  
龜

林廷玉

謝朝宣  
桑悅

林廷玉候官人進士知茶陵後仕至都御史初撰東  
軒賦其辭曰歲舍困敦殷飛函鍾歲生明之夕有  
造東軒主人者曰桃都聲動福膺壽從兎長庚以  
傲墜眺扶桑而已紅發物類之色象開垓垓之冥  
蒙晨光嬉微野色瞳朧二儀宣明八極攸同倏江

山之秀麗謁庭院之玲瓏况鬱蒸之未熾正清明  
之在躬淑哉景也而吾與子髮髯齒皓目明耳聰  
幸將來之無極猶朝暾之始東其為喜何如哉主  
人曰惡是何言也歲月征邁校櫛羽飛繞黃口之  
未幾候白頭之遄催苟來者之無聞不過與草木  
同為朽腐而已耳又何茂齡之足恃乎蓋東之方  
位於時為春於卦屬震春之為言蠢也萬物蠢然  
而生震之為言動也萬物紛然而動春以一元而  
首四時乃溫和始至之鄉震以一陽而下二以若  
雷震奮發之象故君子當乎春也則乘時進學之

穆風內紀後

卷五

三七

不遑聞夫雷也則恐懼脩省之罔暇安肯樂其壯  
盛玩時愒日私竊喜乎哉乃若大禹猶寸陰是惜  
一饋十起文王亦且不遑暇食緝熙敬止而予何  
人顧敢般樂自逸豫哉乃若及此富強亟圖典禮  
居敬以存吾心格物而窮衆理使付畀之善罔虧  
其初而天下之道咸足於已秉苞桑以自持必全  
歸而後已執此心以往何天下之事有不可為者  
乎若夫壽夭窮通命也何足計哉不識吾子以為  
何如客乃嬰然而起負牆而立曰子之言昭然若  
發蒙矣敢不承命於是擊節而歌曰歷少原兮清

芳嘆沉澀兮九觴闌方壺兮圓嶠麗桂擢兮蘭舒  
願從美人兮歸道德之鄉言未既忽而陽鳥中天  
簷影頓移客喟然曰無乃真宰促其畧以孚吾子  
之言乎主人喜其與客情之符契也拊髀掀髯笑  
揖而別

謝朝宣字汝為臨淮人弘治癸丑進士謫黃州同知  
寓羅田遊石險作險賦其辭曰朝發漢川將之羅  
田道轉幽谷河渡白蓮遵徑路之崎嶇登舟楫之  
輕便問津兮何處經壑兮窮源東接平廬州之鄙  
西臨平齊安之邊石橫截兮踰躑水穴出兮潺湲

穆風內紀後

卷五

三七

舟返而解纜輸人濟而寒裳寒此蓋天所以限乎  
西東繫名險而今傳於戲異哉易設守國傳城虎  
牢吾嘗聞險之名矣晉有龍門蜀有三峽吾嘗見  
險之形矣然形勝者名或不彰名聞者實或未著  
孰若險之專名於斯而雄據者也爰命舟于汭流  
指壑緣巖扳曲山陰有約瞬息咫尺水湄山脚萬  
籟生幽孤帆就泊曳杖逍遙可喜可愕渡宕兮州  
摧石礙兮波迴無蚌兮噴珠不雲兮轟雷烟霞兮  
掩應心目兮所開避炎濯風凭高遠望水水山山  
隨步異狀浪奔而激石缺而亢御峙兮如較相軋

兮如傾扁落兮如拳鱗次兮如鯨或相傾而形錯  
或相較而勢爭斯物態之變化類人事之縱橫于  
是烹茶代酒拜石為朋有吟風之雅興無繫目之  
長繩已而歸舟順下林鳥欲投去危即安他復何  
求心怡兮有得履正兮無憂見險兮思欲知止過  
險兮豈宜重遊嗟乎羅田之險一方勝跡隱而弗  
顯識者心惻若真當道自貽伊戚嗟余視險幸當  
晴日一遇陰晦變恠百出雖心雄萬夫亦不免危  
慄若憚險阻必欲治平不思托根深固徒彈力而  
難成或者動搖山脉寔足致陵谷之崩騰險在目

穆風內紀後

卷五

三九

前隱如勅敵王公以之恃固其域時有常變安如  
一日君子思之以崇厥德遇有順逆介焉如石於  
戲有險而思無險而忽思者常榮忽者恒辱我在  
平地無忽險中人因處險每見成功周除蛟害班  
探虎穴在昔有光于今為烈逢險莫避取義成仁  
未險莫蹈明哲保身險乎險乎豈無從來維時與  
義易稱大哉載稽郡誌名險何年且喜沈公之詩  
惜無蘇子之篇當時一經目而品題何于此而遺  
施無乃身險阻而備嘗口躡嚙而慵言不自我後  
孰開其先但無赤壁之筆終有愧于坡仙

桑悅字民懌常熟人年十七領鄉薦授泰和文學遷

長沙府通判謁賈太傅祠作賦吊之其辭曰湜長

江之莽莽兮中有江曰汨羅惟靈均之往湛兮衍

千古之清波何先生之清風兮正靈均首丘之所

都投雄辭而嘅吊兮若救種而烹蠡珮帶遺乎蘭

蕙兮衣裳留乎菱荷儼騷經之滿目兮邀予辭以

相歛赫炎漢之方隆兮視溺楚於一螺穩機衡以

平運兮齊日月乎羲和飛修壙而內薄兮手排挾

乎嵩嶠驅魍魎而比健兮豈脉息之微瘥本根豐

而孰孰兮亦盤翳平條柯鬱蚩尤之柱天兮入剪

穆風內紀後

卷五

四

伐而么魔倒冠履之上下兮視蟻蛭為嵯峨僉譚  
譚以笑語兮獨予淚之滂沱催黃潤以戊匹兮豈  
欽止乎龍梭含珪璋於巨璞兮隨岡阜之陂陀左  
控搏乎南威兮右撫抹兮妖娥憐陵華之奇質兮  
弄光景而逶迤收馳驟而守閭兮夢天山以秣禾  
憑旱雲以輪棕兮惜來日之無多悲嵯峨之易暮  
兮慨致鵬之非圓團圓土之汶汶兮鑄寶鑑而為  
模羗空言之際遇兮皎夜壑之鸞坡曰予又作茲  
土兮後千載而殺那遭

聖明而獨拙兮胡今古之同科蹇人生之窮達兮直

寒暑之經過委吾身於造化兮任刀秣而香釜紛  
紛世之變幻兮消長袖之僿僿予將釀沈以露醉  
味淪陰以成鋪升都嶠以長嘯兮陟委羽而高歌  
至息慎而默然兮欲反觀乎太初終吾生以泮渙  
兮補先生之婆娑

顧璘字華玉吳人弘治丙辰進士累官都御史巡撫  
湖廣登衡山祝融峰觀日出作賦其辭曰維南衡  
之崇嶽標祝融之危峰下蟠據乎厚地上峻極於  
蒼穹匪丈引之可度盡它山其難比隆睇四極而  
無蔽又何限乎寰中觀其欽崙萃律直上莫止捫

穆風內紀後

卷五

歷參井靡高弗至躡浮履霄帝居或指足晚汗慘  
不敢俯視何其高也若迺杓既又啓明未升漏  
刻已盡荒鷄南鳴天蒼蒼其一色浪萬動猶無聲  
謂日出其可觀乃歧望於高亭爾其游氛且凝灝  
氣欲豁萬里乍近沕沕穆穆睇彼陽輪尚爾料汨  
冥迷遼漠恍不可度少焉光景上燭高漢舒白如  
火將炎大暗微晰羣望方勤目不移眄積霽倏裂  
閃爍驚電駭指失叫乍見一綫漂沉搖曳湧出波  
面燭籠外赤鳬卵中黃上殷下闇半吐半藏依微  
滉漾如觀海色水火交爭良久乃脫於是金鳥高

舉若木影離羲和叱馭八表馳暉所可疑者視扶  
桑于咫尺東瞻望而無窮日遲天於一度何衆周  
之莫同參渾儀與宣夜猶想像其若懷大哉天之  
為天也固致詰而難終

史南曰嘗讀祝君澤古賦辨體云詩訖于周騷  
訖于楚為賦者當以詩為體不當以文為體後  
代以來不知經緯相因正訖相須賦反為文文  
反為賦亦可駭矣自江文通著恨賦庾信多虞  
險之詞成公綏著彌時賦多需情之作謝子  
之險賦其識茲乎自賈至吊屈庚聞有吊湘之

穆風內紀後

卷五

哀楊雄反騷柳子厚有反玄之嘅桑生之悲詞  
其識茲乎是故述三賦以見古體之難也贊曰  
黃之石險是寓羅田東坡赤壁于茲藐焉潭之  
汨羅眺彼湘壖太傅遺文相望幽玄謝子秦彥  
慷慨幽燕桑生吳髦翔海喚顧翁司寇雍容  
日壇爰揮彤管以續斯篇

管訥

黃濟

楊渢

徐叔卿

沈鍾

高叔嗣

管訥字時敏華亭人工詩能文有甥竅集評者謂清  
新幽柔可與袁景文並駕洪武中以秀才仕至楚  
府長史子孫皆仕于楚今遂為楚人其遠游篇云

御風日萬里逍遙遠遊疎身青冥表瞬息四顧  
周目力隘八極壯志局九州泰山小封垤滄海眇  
浮漚俯視瀕洞閭萬壘蟬蛸浩歌挾洪崖長嘯  
訪浮丘迴颺欵閭闔謁帝十二樓酌我紫霞觴遺  
我青鳳裘授以長生訣歷劫三千秋從茲謝流俗  
大塊同悠悠又勝毅字仲弘鎮江人洪武中使楚  
吊屈原詞詩云檐帷寒蕩暮迴颺吹白雲下有栖  
神宇慘淡臨江濱行吟既不返遺響寧再聞綠榮  
並丹綵婉爾含清芬沐芳正冠佩酌水掛夕熏長  
歌靈谷應春思何紛紛願言卜瓊茅率成不可群

穆風內紀後卷五

四三

諸宮望儀羽再拜雲中君

黃溥字澄濟弋陽人正統戊辰進士授監察御史謫  
施州衛經歷有適安堂半逸亭觀瀾亭諸記後仕  
至廣東按察使其寓施客星山歌云清江之山天  
下奇客星屹立無與齊低處猶疑紅日近高處恍  
覺青天低群峰落落何巖葉欲斷不斷如壁鐵雲  
邊樹色自遠近雨後嵐光靡斷絕千巒萬岫勢壓  
天憑陵五嶽冠山川白鶴玄猿歲相促幽花野草  
爭春妍孤高自是施之望左右群山皆退讓瀑流  
不數廬山雄奔騰直下三千丈丹崖翠壁高重重

閬風玄圃疑相通避俗豈無曠世士採芝應有商  
山翁君不見太白天中僊謫僊於此曾盤旋君不  
見涪翁千載士居黔未必不遊此到處景物皆品  
題何事茲山無一語山川秘靈豈待時後三百年  
來何遲勝跡一一探索遍前哲敢企同襟期我有  
紫霞想欲賦汗漫遊呼風乘雲駕黃鶴扶搖直上  
最上頭萬里銀河可飛越遨遊擬叩玉皇閣下與  
濁世掃牀糠上挾雲霧扶日月功成追逐浮丘翁  
冥鴻杳杳秋濛濛便欲與君飲一斗醉後拔劍砍  
取十二青芙蓉

穆風內紀後卷五

四四

楊琚字朝用泰和人景泰甲戌進士授兵部主事轉  
郎中擢湖廣叅議撫治荆襄築老龍堤疏竹筒河  
及創劉家隔雷峰埒諸要地遷叅政琚善吟咏其  
寓歸州十景詩云邑治枕長川居民適成聚清江  
遶東流水猶回互昔為陸遜城今轉西陵附地  
險此塞高人安太孺固鷄頭青如藍虎牙勢如怒  
鼎峙架鍋峰坡開袞鍾路隱隱吳相臺卓卓商英  
墓伊誰遺塚多尚存四九數峯望州山紫紆白  
羊渡更說滄茫溪奇石生夏雨我來肆旬宣而欲  
知典故一覽遍山川千村炊烟霧馬鬃浪自平龍

寓神亦怖因綴幾行詩懸無才七步

楊茂元字志仁鄞人楊文懿守陳之子也成化戊戌  
進士歷遷山東副使力忤權璫逮繫獄謫同知長  
沙府適沅州蠻叛檄往撫之乃撰詩寄辰守戴敏  
云峒蠻巢近辰沅邊哀兇稔惡凡幾年郡邑聞災  
雉藏首官軍遇賊龜縮肩事聞當道為招撫墨郎  
索賄更索錢木剋盈車竟何益鈎刀滿眼還如前  
邇來如入無入境猛虎張吻蛟涎涎官路每來戕  
富宦孤村半欲斷人煙民多登高結山寨賈客如  
林誰敢先四達通衢成異域兩藩軺使解征驪議

穆風內紀後

卷五

四

成三省請誅戮小醜曷足污戈鋌幾度招徠渾不  
省百方守禦終徒然戴侯自是降魔手

帝命專城印懸肘辰郡蒼生我所摩潢池赤子吾何  
有風聲先已動三苗資遣說客十伯耦分疏禍福  
更徹心宣布恩威不容口饋以牢醴固峻辭增之  
金帛亦弗受郡蠻向化聽教條太守開誠勞牛酒  
誓言永不犯邊睡以手加額呼父母皇華徹夜有  
鳴騶巨室安眠無吠狗從茲庶富教化行萬戶春  
風醉花柳知君勲業詎可量泰嶽巍巍比培塿茂  
元後遷廣西叅政任刑部侍郎

沈鍾字仲律金陵人天順甲申進士累官湖廣提學  
副使撰洞庭湖詩云昔聞洞庭湖君山極蒼蒼昨  
從岳陽來始獲君山見掛帆願登臨弗值東風便  
陸行踰長沙清綏數州縣迺遵湖北歸三月幾及  
半艤舟城陵磯君山又當面始見心已傾又更增  
繾綣登臨最上頭眼界會須展黃帝飛昇臺婆娑  
躡蒼蘚繞頭雲葉垂盪胃浪花捲陰陽究推移烏  
兔看旋轉仍弗值便風竟莫償斯願風伯倚顛狂  
公然少收歛豈彼亦有知我遠遊倦遍每遊輒有  
詩在慰都題偏維茲洞庭湖海內首稱險胡忘千

穆風內紀後

卷五

四

金軀執辟不少貶載感風伯情願我一何春題詩  
在殷勤三復愧膚淺題荆門詩云荆門道阻且脩  
荆襄南北當咽喉乘傳往來者絡繹無時休我來  
適值山水啼鈎鵬但見高原下濕一碧萬頃來浪  
浮呼天控訴天不知願天十日不雨而暘立俟黃  
雲收比及年來三不收十室九餓死而流賣兒鬻  
女骨肉相仇讐歸來收麥聊為身家謀含哺鼓腹  
歡以謳府仰穹壤夫何求嗚呼我方素餐而飽徒  
包羞為渠樂與憂其憂不然視若風馬牛而我一  
斯世之綴旒已焉哉願答將誰尤

王鼎字元勳常熟人成化己丑進士授刑部主事轉  
郎中擢湖廣叅議其遊西山用蘇東坡韻曰我飲  
不盡靈溪醅醉遊松間想舊栽斯人已去手澤在  
相見惟有空山梅登臨慨古意何極半江落日搖  
崖魏當時陶公讀書處野狐蔓草登荒臺松風閣  
中還少憇山泉捲幔清浮埃怪來春靈始生色林  
坳屋角皆瓊堆梁園無人召屬賦自吟柳絮傾金  
壘潛偷煖意破寒色迸芽早第抽庭隈闌干徙倚  
快雙目萬頃湖水青於苔避地謾憶元次山白雲  
千堆手自開當時已恐淳朴散豈知世道今愈摧

穆風內紀後

卷五

早七

無情悍吏肆苛政追呼村落敲如雷老夫靜聽行  
路語仁執叔度何時來却憐今夜西山月松濤萬  
壑清猿哀

邊貢字庭實歷城人弘治丙辰進士授太常博士擢  
兵科給事中正德初逆瑾用事出知衛輝府尋改  
荊州擢河南督學副使陟南京戶部尚書貢與北  
郡李夢陽信陽何景明相友善肆力古文尤長於  
詩其窮鄂渚詩云維舟泊鄂渚登高覽洞庭地連  
秋水白天入暮山青望關嶺星斗懷人感鵲鴝漁  
簫向夕起鳴咽不堪聽又云短棹驚洪河川行憂

畏多轉憐時役苦無奈旅程何霧黑江龍聞雲腥  
崖虎過黃昏投古驛從此順風波又云黃昏峴山  
曲征馬倦躋攀兩過蒼林外虫鳴廢井間斷崖成  
聚落深巷隔塵寰古驛懸燈候重門未掩關又云  
岩名南郡樓到郡此重遊島沒雲中樹天浮海上  
漚旌旗連成色鼓角動邊愁萬里看西北蒼茫見  
帝州又云江郡散雲樓東南據上游日華浮野雪  
霞彩散川漚俯仰悲千古登臨起四愁王師神且  
武何日靖西州

李漁字川父汴梁人正德間進士授知沔陽州漁幼

穆風內紀後

卷五

四十八

受學于空同李夢陽故其詞藻雋拔迥出塵表撰  
沔陽紀俗詩云蠅郭瀟江曲風流自昔稱家家住  
水閣日日下漁罾雲濕常垂雨湖寒未見水風微  
鷗戲藻沙靜鷺啣菱翎羽充王貢魚蝦入歲徵蓮  
舫秋競泛竹檻晚堪凭陸羽風如在靈均恨不勝  
漢唐兵豈到吳楚勢相乘地僻逢迎少江清賞宴  
仍羔羊懷漢詠琴瑟對漁燈放桡初猶怯垂綸近  
亦能踈狂叨守牧高興益峻嶒

徐禎卿字昌穀長洲人正德間進士官大理寺副登  
黃鶴樓詩云未有干戈地能令棟宇全乾坤餘壯



觀荆楚鬱山川鶴唳天近江深禹廟前舟橋控  
南北節鎮此句宣令尹秉清暇使君同祖慈炎蒸  
飄不到虛爽境何偏乃繼登臨跡空懷作者賢風  
烟一回首今古共淒然握手將安適經秋未擬旋  
迢迢沙際月遙憶桂陽船又寓武昌詩云洞庭木  
葉下瀟湘秋欲生高齋今夜雨獨卧武昌城重以  
桑梓念淒其江漢情不知天外鴈何事樂南征

高叔嗣字子葉河南人嘉靖癸未進士授吏部主事  
轉郎中擢山西叅政轉湖廣按察使卒于官其詩  
云大堤兩岬春流滿峴山十里啣日晚新雨深沉

穆風內紀後卷五

聖元

洲嶼移餘霞明滅川途遠南來鞍馬背高城泛舟  
始作漢江行絕轡昨朝當寒食鼓柁今日值清明  
清明寒食愁江路逢人乍問栖泊處楊柳深垂渡  
口喧菼花淺映村頭暮襄陽使君乘暇日邀飲習  
池酒興逸然燈清夜歌管鳴吹角臨波魚龍出去  
國未覺客身輕乘流翻恨風帆疾別君轉入江湖  
長明發解纜渾如失又郢城至潛江詩云漢渚兩  
聲深日暮愁客心楚山雲霧多其奈客行何時時  
登岸覽風物往往張帆去超忽泐江流雨正添  
紫茸春樹日催發茲行豈是乘桴意欲遣虛舟隨

所至生平本自江海人終朝遂譜魚鳥事投札鄉  
園報所恩塞芳欣及仲春時頓忘異國勞行役但  
憶同心廢賞期

史南曰夫詩之道大矣孔子曰詩可以觀可以  
興可以羣可以怨三百篇後詩其難哉自河梁  
為五言於是有五言體栢梁為七言於是有七  
言體豐沛大風臨汾秋風為長短言於是有歌  
行體迨韋孟傳經薛綜効則黃初七子濬其源  
永和諸賢游其流至六朝則纂組刺繡綺靡藻  
麗文盛而實微亦可慨矣唐初沿其體製宣之

穆風內紀後卷五

聖元

音律燕許擅其宗李杜鳴其盛宋詩譚理元詩  
工詞視古昔聖王矇誦警箴之訓太史采風陳  
詩之意為何如而乃炫爛俳優若茲極也我  
明御宇初命樂韶鳳輦撰洪武正韻斤沈約四韻之  
非既而程敏政葺

皇明文衡革元時文類之陋然而高才寡和神解難  
踪律韻雖諧古風鮮協求其如顏劉沈謝之思  
玄王楊盧駱之迹體亦已難矣其有事于夢者  
若管時敏之飄灑黃澄濟之渾雄楊朝用之工  
致楊志仁之豐腴沈仲律之沉確王元勳之瀏

亮邊庭實之冲澹李川甫之脫灑徐昌穀之逸高子葉之奔放咸足以鼓吹騷壇笙簧頌室被之廣奏登之升歌洋洋乎其盈耳也貳贊曰詩有別才非關學也詩有別趣非關理也惡紫奪朱色相擬也惡鄭雅聲可鄙也羣哲高標國之紀也白雲陽春播郢里也

王憲

錢如京 張漸 劉節 馬理 許宗象 楊祐 張延 劉儲秀

王憲字維綱東平州人弘治庚戌進士累官兵部尚書乃作五洪並壽詩云五洪山中舊戶曹白馬青

穆風內紀後

卷五

五十一

袍意氣豪苦恨浮雲蔽蔽日振衣却走漢之臯誅茅卜築傍山趾時復看雲聊隱几十畝桑田躬耒畔念年城郭足不顧興來浪趾乘氣盃金紫芙蓉伴夕醺晚塘秋結芝蘭佩鹿洞朝隨麋鹿群即今壽已愈八袞耳目聰明只如昔中閨復過古稀齡諸郎况有王堂客王堂仙郎衆共奇雄文蚤受天子知鯨魚跋浪動鱗甲鳳鳥當陽輝羽儀

紫詰承恩出金馬鸞章直達衡湘野華筵緝慶合椿萱玉樹聯翩盡梧櫨儂郎獨繫白雲思千里慙勤為獻詞南山北嶽天無極應是仙郎祝嘏期

錢如京字公溥桐城人弘治壬戌進士累官刑部尚書乃作五洪並壽詩云吾聞五洪之山三楚雄蒼崖翠壁交葱龍衡岳南來負奇勢回光更接巴陵東山人結茆踰八十孤標挺挺如山立憶昔嘗趨青墳班高名推重驚塵寰急流中危便勇退脫屣軒冕猶商顏年來興味真殊絕金紫芙蓉送風月杖藜隨處有攀躋晚塘鹿洞看華髮俯仰萬慮復何有意態僊僊良不偶閨中白髮偕長春歡然相對仍如賓人間完樂能幾爾况復僊郎侍從

明天子鳳羽日揚輝鸞詒雙頰紫媚茲慶澤遠復深

穆風內紀後

卷五

五十一

白雲獨繫僊郎心遙想歌鍾間綺席翁母兮樂無數相看鳳凰景共進鸚鵡盃青天不老海月白慣見煙霞縹緲浮崔嵬我向湖南一矯首高堂佳氣衝牛斗願言僊郎日近五雲邊五洪榮壽應同久

張潮字惟信內江人正德辛未進士選翰林院庶吉士歷禮部尚書掌詹事府乃作五洪並壽詩云南國有文鳥其名曰鳳凰陽德會精靈離火騰朱光雄雌相繇鳴早出應時康耻同鷄鶩群避世歌楚狂朝從砥柱遊莫入丹穴藏巢生十二雛各各備

練章一雜儀

大廷雲霄日翱翔品題自天老感應符軒皇六象既  
云異九苞亦已彰覽德超玄扈賀世鳴朝陽羽儀  
耀奎璧歌舞諧宮商饒餐帝渥膏飲玄圃漿猛  
屈鷹鷂志班清駕鷺行山鷄空照影鵲雀詎呈祥  
謝毛眷世美荀池專令望近御五色書遠奉千年  
觸張樂洞庭野佩蘭澧浦鄉歡靡眩鍾鼓甘且充  
琳瑯福比衡嶽崇流並湘水長茲聞五洪山遙接  
鳳凰岡為君歌此曲聊以陳高堂

劉節字 大庾人正德間進士累官都御史刑部

穆風內紀後卷五十四

五十三

侍郎乃撰衡嶽篇以壽五洪翁曰瞻彼衡嶽兮嗟  
峨鬱蒼睠彼湘流兮其源濬長峰巒蟠結兮金疊  
龍翔九江滌泗兮諸湖汪洋維楚有材兮鍾靈降  
祥元精萃蘊兮發其秘藏紹美先烈兮登明中鄉  
翱翔雲霄兮委蛇廟廊時乎弗辰兮柄竊貂璫掛  
冠勇退兮五洪倘伴天界耄耄兮既富而昌慈媼  
配德芳眉壽且康瑤瑜璫兮載篤其慶白眉挺  
修兮清廟珪璋才驅屈宋兮文雄班揚馳聲詞林  
兮簡知

坤皇榮錫自天兮絲綸煌煌爰服嘉命兮澤其龍光

弘悅交縣兮鼓鍾在堂載歌載獻兮金疊瑤觴載  
祝兮福履穰穰休繁祉庶兮如川如岡豈樂宴豫  
兮期頤永藏以引以翼兮純嘏無疆

馬理字伯循三原人正德甲戌進士吏部文選郎中  
累官光祿卿乃作五洪並壽詩云湖南有一老申  
申美姿容釋褐司錢穀清譽聞兒童當途逢睽孤  
遂步陶潛蹤結茅五洪谷一畊三紀窮同心者誰  
子中閨有孟江時饁巖石下相對如賓恭積善生  
鳳雛枚數及六雙一鵷儀韶樂

帝悅錄其庸綸音九天下湛恩及嫗翁嫗年七旬六

穆風內紀後卷五十四

五十四

翁躋九九豐章服照春醞並酌頽偕紅膝前雛將  
鵲舞列紛叢叢相彼湖南域輝輝草木穠願言如  
日月福履方瞳矐

邵銳字思抑浙江人正德戊辰進士累官大僕寺卿  
乃作衡嶽篇以壽五洪翁曰洞庭西去連衡嶽山  
水高深氣磅礴靈秀千年莫自秘挺生豪傑才超  
卓少年入拜戶部郎胸蟠直氣摩穹蒼痛憤權奸  
竊國柄須臾草疏馳 明光大聲一呼肝肺裂安  
得寢皮仍飲血拂衣歸卧五洪雲歎挹餘忠向空  
想居然老鳳得異雛皇天昭鑒誠不孤文彩翩翩

起丹穴羽儀白日當天衢出入頻年侍經幄

聖主虛懷承啟沃封詔駢仍寵錫蕃錦襲龍函捧

握五洪大夫八十餘賢哉爾相年與俱顏面如丹

鬚垂黑玉堂高並神仙居傳家有義方慶澤殊未

央胤嗣繩繩嗣忠孝千古萬古遙相望

馬汝驥字仲房延綏人正德丁丑進士歷國子司業

禮部右侍郎乃作五洪行詩云君不見五洪西南

金疊開蒲圻尊水雙紫回鬱鬱高堂百仞立繪圖

直擬登蓬萊象形鳳翼名奇地不道天中見龍氣

入門青峙莊椿長臨園紫尼商芝嚴堂北樹萱朝

穆風內紀後

卷五十四

五十五

信榮丹霞萬朵何晶瑩芳節張筵賀賓集翠虬白

鹿車縱橫陞蘭庭桂况葱蒨學士鑾坡更才彥五

色斑衣繫遠懷

九重綸綍承殊眷龍章飛映楚天雲南斗瑤絨伴赤

文跪薦椒漿稱萬壽煙環霧珮行續紛倏爾三千

一朶實桑田滄海慚僊術不厭春秋素髮繁長看

日月青天出君不見衡山突兀跨絕南國摩蒼穹

壽考勲名萬古同

張袞字補之江陰人正德辛巳進士累官國子祭酒

乃作五洪並壽詩云白雲覆郭者黃鶴臨江端煙

霞恣揮霍錦繡開江山江山自古翼軫地鸞峰驚

嶂森虧蔽中有仙翁握紫芝咲迎王母班龍戀憶

翁昔作尚書郎崢嶸寶劍橫秋霜低頭不謁丞相

府抗顏青鬢歌滄浪即承封誥五雲裏名在丹霄

跡直綺鳳林歌動彩霞飛白玉堂高偕燕喜堂中

絲管聲沸揚椿庭風度萱花香霓裳一試瑤池舞

絳綃儼對咸陽粧學士才高誰可比鑾坡視艸承

天語金蓮長夜照蓬萊特旨恩輝亘寰宇吁嗟樂事

南山廬紫澗逍遙白鹿車子孫滿眼真璫璫我歌

為附青鸞使錦爛空中五色書

穆風內紀後

卷五十五

五十六

王守字履約吳人嘉靖癸未進士吏科都給事累官

都御史撫治鄖襄乃作五洪並壽詩云司徒楚名

俊矯矯人中龍慷慨負經濟清廟儼鍾鏞時危鬱

孤憤直道固難容掛冠出閭闔長嘯入雲峰淑人

合坤德窈窕君子速山河宜象服雖離鳳皇儔聖

善構重基多男啓祥休雄氣吞七澤文明藻九州

瑤華懋落沃石渠精討求論道述軒虞講藝準商

周陟降日月側恩寵雨露稠

帝孝錫爾類奎章賁林丘鳩杖恣幽賞板輿侍春遊

頌言綏百禄卷志娛千秋

閔如霖字公望浙江人嘉靖壬辰進士選庶吉士歷陞諭德乃作五洪並壽詩云五洪先生天下奇飛騰壯歲芳聲馳抗疏閭闔雲憑憑長嘯入山餐紫芝玉堂學士揚世德遨遊藝苑稱多識視草獻賦烟霞舒講幄論思啓衷臆

帝心寵顧恩非常一朝紫誥頒封章高堂具慶歡異數五洪草木生輝光鵬袍鶴髮安且憫魚軒翟服千花簇青春綺席傾瓊漿斗婺星聯照華屋况復紫荊開庭隅芬馥郁郁飄衡巫東風欲送碧雲去

穆風內紀後

卷五十四

五十六

帝裁華袞雙歡娛軒皇早晚進風后麒麟閣畫神仙胄君不見唐家柳氏宋廖剛當時入相椿萱秀李本字立之餘姚人嘉靖壬辰進士選庶吉士歷檢討轉國子司業乃作五洪並壽詩云五洪之山何奇哉崢嶸萃嶺齊三台祥光淑氣滿空谷中有高人間往來當年抗疏奪奸魄飄然不羨市朝樂白頭相對老乾坤玉樹森森倚臺閣學士聲名天下聞

聖心啓沃多奇勲殊恩一日貤二老  
龍詒飛傳下五雲天開壽域此山裏長生惟見椿萱

爾八千共祝對忘憂人間福祉應無擬紫霞觴映楚天明學士萬里馳歡情驚驚羣飛彩翮舞天風嫋嫋來蓬瀛玄圃丹丘仙侶度洞庭衡嶽桃源路精神容與護百靈承歡索笑窮朝暮境界分明迥世塵仙琚玉珮相續紛但看五洪開日月清影婆娑眷

紫宸

閻樸字文甫山西人嘉靖壬辰進士庶吉士檢討轉右贊善乃作五洪並壽詩云南衡屹立天下雄萬峰突出凌晴空維嶽降神古亦有篤生賢哲稱人

穆風內紀後

卷五十四

五十六

龍甲科早占仙郎署邦教繁勞討績著懷忠抗疏排天閹直道難容亟辭去尋幽深入五洪山屋上層雲去住閑松菊盤桓自成趣孤標挺挺疇能班玉堂學士延世業日近

鑾坡承書接班揚令譽徹宸聰會逢千載

明良協一日恩封下九霄鸞回鳳翥恩光饒鵬袍麗出天孫巧翟弟新裁雲錦昭珍木交枝花並蒂誰知開向唐虞世黛色霜皮晚更榮九天雨露寬無際高堂胥宴何綢繆青瞳綠鬢不知秋蓬壺秘得長生錄花甲須窮三百週蘭竹成行逗芬郁旋向

庭前娛綵服玉笋頻傾石髓香瑤池幾薦蟠桃熟  
仙郎朝夕沃

宸衷龍顏喜動生春風尋荷殊私居異數崇階一陟  
躋三公燮理陰陽調玉燭坐令四海歡娛足惟翁  
與嬉樂未央時對南山騁遐矚

劉儲秀字士奇咸寧人正德甲戌進士累遷湖廣按  
察使仕至戶部侍郎代

諭祭于仙雲山乃作仙雲行云萬山各沓俱巉絕仙

雲中立尤差別前有金紫後靈應查林幽蘭左右

列五洪窈窕青螺堆三台迴翔丹鷺頡頏花峰煖

穆風內紀後卷五

五十九

散春霞桂樹岩寒屯夏雪吞吐烟嵐何足論千年

生氣獨盤結疑是巨靈劈得來不爾乾坤元造設

鳳沼仙人若好奇愛此常令心目悅輪值不惜萬

黃金要與密親作壽穴玄冬我來代

皇祀容與登臨停使節且喜天公大放晴空翠滿前

宛可擬由來吉兆鬼神司地靈况乃生人傑即看

學士築沙堤翊戴

中興比稷契茫茫天地有窮盡芳譽庶幾終不滅

許宗魯字伯誠咸寧人正德丁丑進士累遷湖廣督

學僉事後仕至太僕卿初在湖廣過白鹿山詩云

祇役時已淹還軫序屬暮顏隱叢薄周芳滋  
露委蛇雋水陽相羊鹿山路草玄愧茲區憑軼興  
夙暮冲冲懷君子瑩瑩載珪珞繁昔奉音徽倡嘆  
陳韶護屢枉雲中翰更憶登樓賦烈響振九霄重  
晴啓靈悟竭來殊銓軌翔泳各乖趣思借淵與雲  
冀以申終晤佩德紉蛇蘭攀蘿挹巖樹總轡陳此  
辭衷悵庶能布

陸武字舉之鄞人正德辛巳進士及第授編脩出補

湖廣僉事過白鹿山留題云紫陽匡阜爭名勝白

鹿茅堂春洞開學士碧山今地主仙人黃鶴有時

穆風內紀後卷五

六十

來巖間桂樹蒙丹霧階下蘭華繡錦苔夢國懷君

歌七澤漢宮回首望三台

楊枯字汝承仁和人嘉靖丙戌進士授刑部主事轉

員外郎知興國擢按察僉事分巡長沙寄玄素洞

詩云於皇

明聖景命茂膺紹熙洪緒綏惠下民武功丕振文教

誕興萬國黎獻共惟

帝臣翹翹荆楚萬國攸始憲憲夫子黎獻攸軌超迹

江潭需儀瀛滄譬彼景雲從龍則起龍起雲從千

載一時乃先後造乃登秘書裁我苗裔上莫下之

濟濟英寮俯莫亢之有華玉堂集惟英寮

市曰爾賢德於不忒金匱載格彤管載操夙夜寅直  
德聲孔昭德聲孔昭

帝用眷命簡選講幄橫經肆問一有元良四方表正  
傳說弼商后變輔舜表正四方適隆大本肇建承  
華顯秩師允冠弁魏魏亦孔之敬諤諤論辭亦孔  
之諍嗟我小子翺飛自南雖則有翼困于丘樊曾  
靡先容乃辱與盼人亦有言知齋寔難雖念知音  
愧非郢人大治陶物貺以陽春我輩既歸我馬斯  
征載言贈慶憂心如醒

穆風內紀後

卷五古

六上

張縱高郵人繇鄉舉授武昌府通判遷知光州寓蒲  
圻寄玄素洞詩云盛代天源迥中興景運昌應時  
生輔弼曠世際明良龍起當湖甸雲從自此方碧  
鷄疑

聖春黃鶴發仙鄉特立風塵表橫行翰墨場揮毫天  
下妙舉步古人行曠度吞雲夢清標稱鳳皇西周  
興禮樂止斗見文章夙契三才與兼通百氏長論  
文超杜甫演易陋京房青瑣逶迤珮金爐縹緲香  
山蟲輝袞服豫梓壯明堂有客思觀海隨流渴望  
洋上書慚擬愈作賦倦游梁附驥雖無地登龍幸

及牆撫懷增感激顧影獨蒼茫裏背雲遠春來  
白髮長瀛洲震目斷岐路實心傷翠黛常傾日蕪  
葭且冒霜長途方發軔獨首向孫陽

史南曰朱文公有言詩自三百篇兩漢三國為  
一等六朝至唐初為一等盛唐諸人至李杜又  
為一等晚唐則氣衰格卑無足取矣詩不已難  
乎先大夫五洪翁壽八十有六母江宜人壽八  
十寓史館諸公卿及坊局諸寮友咸慶以詩珠  
玉充庭韶顰盈耳及仙雲代祀白鹿贈言靈洞  
閒居黃鶴宣謠洞庭增深衡嶽增峻不獨娛斑

穆風內紀後

卷五古

六上

衣稱壽觴通詩簡詠空谷而已曾子歌商聲振  
林壑王通續詩韻協宮懸固可風之海內為  
聖天子善化訓俗助也贊曰司馬而下四老耆臣中  
丞而上九子雋英蜚聲衡嶽振響洞庭雲君乘  
颺湘妃茹精穆如清風肅離和鳴

楚紀卷之五十四



楚紀卷之五十五

皇明賜進士經筵講官廖道南達撰

穆風外紀前篇

夫風之時義大矣哉易曰鼓萬物者莫疾乎風書曰成仰朕德時乃風是故風於天則鼓舞萬物而振其出機風於君則鼓舞萬民而端其趨尚古者太史采民風以陳詩于主將以啓沃君心冀麗邦教樹聲章采協節登歌匪直習瞽矇諦觀聽而已也是故天道昭于上而萬物罔弗動焉人道叙于下而萬民罔弗被焉君道成於

穆風外紀前卷五

中而萬幾罔弗康焉大舜薰風之歌阜財解慍成王凱風之雅泮渙優游穆哉述矣三代而下漢祖譌大風於豐沛霸心猶存唐宗咏來薰于晉陽王道鮮粹至於諸臣或承清燕灑翰聲酬或抱幽貞摘詞曠達其繫于楚者若登衡嶽而望崑崙汎洞庭而浮渤澥發情止義懸衷闕廷豈鬱宣微適意丘壑皆不可以無紀撰穆風外

紀前篇

馬融 謝夷吾 穎容

馬融字季長茂陵人初從犍恂游博通經籍永初二

年客于漢陽界中四年為校書郎桓帝時遷南郡

大守忤大將軍梁冀髡徙朔方先是元初二上

廣成頌以寓諷諫其詞曰臣聞昔命師於隄梁偃

伯於靈臺或人嘉而稱焉彼固未識夫雷霆之為

天常金革之作昏明也自黃炎之前傳道罔記三

五以來越可略聞且區區之鄴郊猶廓七十里之

囿盛春秋之苗詩詠固草樂奏騶虞是以大漢之

初基也宅茲天邑愆風雨之會交陰陽之和揆厥

靈囿營于南郊徒觀其埏埴區宇恢昭曠蕩賴負

勿罔寥豁爵爵決望千里天與地莽於是周陸環

穆風外紀前卷五

二

續右轡三塗左慨嵩嶽面據衡陰箕背王屋浸以

波滢黃以榮洛金山石林殷起乎其中峨嵋磴磴

鏘鏘唯唯隆穹槃回嵎峩錯錯崔神泉側出丹水渥

池怪石浮磬耀焜于其坡其土毛則權牧薦草芳

如甘茶茈萸芸菹昌本深蒲芝蒿草苴藁荷芋渠

桂荏芡菱格菰蒹于其植物則玄林包竹藩陵蔽

京珍林嘉樹建木叢生椿梧栢栢柳楓楊豐彤

對蔚峯頽樛參翕習春風含津吐榮鋪于布濩唯

危難熒惡可殫形至于陽月陰慝害作百草畢落

林衡成田焚萊柞木然後舉天綱頓八紘擎欽九

數之動物縹縹四野之飛征乃鳩之乎茲園之中  
山敦雲移羣鳴膠膠鄙駭譟謹子野聽聳離朱目  
眩隸首策亂陳子籌畧於時榮園恢廓充斥川谷  
置置羅羅彌綸阡澤羣牢陵山校啄案部前後有  
屯甲乙相伍戊己為堅乘輿乃以吉月之陽朔登  
于疏樓之金路六驕驥之玄龍建雄虹之旌夏揭  
鳴鳶之脩幢曳長庚之飛鬣載日月之太常樓招  
搖與玄戈注柱矢於天浪羽毛紛其影馳揚金鑿  
而拖玉環屯田車於平原播同徒於高岡旃槍慘  
其如林錯五色以摘光清氛埃埽野場誓六師搜  
雋良司徒勒卒司馬平行車攻馬同教達戒通伐  
咎鼓撞華鍾獵徒縱赴榛叢微燼霍奕別驚分奔  
騷擾聿皇往來交舛紛紛回回南北東西風行雲  
轉旬旼隱旬黃塵勃瀚闇若霧昏日月為之籠光  
列宿為之翳昧僕狡課才勁勇程氣狗馬角逐鷹  
鷂競驚驍騎旁佐輕車橫厲相與陸梁聿皇於中  
原緝狁號縱特肩胛完狝犛介解散毛族枯羽群  
然後飛鋌電激流矢雨墜各指所質不期俱殪竄  
伏仍輪發作梧轡殺父狂擊頭陷顛碎獸不得豫  
禽不得督或夷由未殊顛頭頭墮蟬蟬蟬蟬充衢

塞隧葩華淋布不可勝計若夫驚獸殺蟲倨牙黔  
口大匈哨後緼巡歐紆肩隅依阻莫敢嬰禦乃使  
鄭叔晉婦之徒睽孤剗刺裸程桓楊冒楸柘槎棘  
枳窮浚谷底幽嶢暴斥虎搏狂兇獄鬪熊扶封狻  
或輕沙捷悍瘦疏婁領犯歷嵩巒陵喬松履脩楮  
蹕趕枝杪標端尾蒼蜺倚玄猿木產盡寓屬單罕  
固合部習弋同曲類行並驅星布麗屬曹伍相保  
各有分局增濬飛流纖羅絡縹遊雉群驚晨覓葦  
作翬然雲超雪爾霄落爾乃蘋觀高蹈改乘回轅  
汴恢方撫馮夷策句芒超荒忽出重陽厲雲漢橫  
天潢導鬼區徑徑神場詔靈保召方相驅厲疫走蜮  
祥捐罔兩拂游光枷天狗縹纈辛然後緩節舒容  
裴回安步降集波灤川衡澤虞矢魚陳畧茲飛宿  
沙田開古蠱羣終葵陽關芥刊重水撥蟄戶測潛  
鱗踵介旋逆獵湍瀨濟薄汾撓淪滅潭淵左挈夔龍  
右提蛟鼉春獻王鮪夏薦鼈龜於是流覽徧照殫  
變極態上下窺竟山谷蕭條原野寥愀上無飛鳥  
下無走獸虞人植旂獵者效具車弊田罷旋入禁  
園棲遲乎昭明之觀休息乎高光之榭以臨乎宏  
池鎮以瑤臺純以金隄樹以蒲柳被以綠莎瀟瀟

沆漭錯紵繁秀天地虹洞固無端涯大明生東月  
朔西陂乃命壺涿驅水蠱逐罔螭滅短狐藉鯨鯢  
然後方餘皇連舫舟張雲帆蛇螭蟠靡颶風陵迅  
流發擢歌縱水謳淫魚出蒼蔡浮相靈下漢女游  
水禽鴻鵠鴛鴦鷗鷺鵠鷺鷺鷺鷺鷺乃安斯  
寢戢翮其涯魴鱖鰓鰓鰓鰓鰓鰓鰓鰓鰓鰓鰓  
相隨雖靈沼之白鳥金津之曜魚方斯戔矣然猶  
詠歌於伶蕭載陳於方策豈不衰哉於是宗廟既  
享庖厨既充車徒既簡器械既攻然後攝牲班禽  
於賜犒攻羣師疊伍伯校千里山壘常滿房廂無  
穆風外紀前卷五

聞雷霆之震于今十二季為日久矣亦方將刊禁  
臺之秘藏發天府之宮常由質要之故業率典刑  
之舊章采清原嘉岐陽登俊傑命賢良舉滯滯拔  
幽荒察淫侈之華譽頤介特之實功聘吹竽之塵  
雅宗重淵之潛龍乃儲精山數歷思河澤目晒鼎  
俎耳聽康衢嘗傳說於胥靡求伊尹於庖厨索膠  
鬲於魚鹽聽密戚於大車俾之昌言而宏議軼越  
三家馳騁五帝悲覽休祥總括群瑞遂棲鳳皇於  
高梧宿麒麟於西園納雉儔之珍羽受王母之白  
環永逍遙乎宇內與二儀乎無疆貳造化於后土  
參神施於昊乾超特達而無儔煥總魏而無原封  
千億之子孫歷萬載而永延禮樂既闋比轅反旆  
至自新城背伊闕反洛京頌秦忤鄧氏十年不得  
調安帝立召旋講部  
謝夷吾字亮卿山陰人少為郡吏太守第五倫拔為  
督郵復舉孝廉為壽張令稍遷荊州刺史後倫位  
司徒令班固為文薦之有曰竊見會稽謝夷吾英  
資挺特奇偉秀出才兼四科行包九德少厲儒雅  
韜含六籍推考星度綜校圖錄探賾聖秘觀變歷  
徵音為陪諫與臣從事忝忠毅之操躬史魚之節

及其作宰化流若神爰牧荊州威行邦國尋功簡  
能為外臺之表聽聲察儀為九伯之冠雖密勿在  
公而身出心隱不殉名以求異不馳驚以要寵念  
存遜遁演志箕山誠社稷之元龜大漢之陳寔宜  
當拔擢使登鼎司上而三辰順軌于曆象下使五  
品咸訓于嘉時表上徙冀州

穎容字子嚴陳國長平人博學多通善春秋左氏師  
事大尉楊賜郡舉孝廉州辟公車皆不就初平中  
避亂荆門聚徒千餘人依劉表辟武陵太守不肯  
起著春秋左氏條例五百餘言及雜著詩賦建安

穆風外紀前卷五

七

中卒

史南曰臣讀漢書儒林傳見馬融出守南郡穎  
容避亂荊州而謝夷吾為第五倫所薦乃列之  
方技傳豈以其通緯識故耶然而竟命羲和定  
四時舜察璿衡齊七政合天地人而一之儒者  
分內事也容之條列左傳夷吾之秘曉象數胡  
可少耶贊曰漢代近古文章典麗虎觀校書石  
渠角藝季長博雅上頌廣成堯卿遜敏孟堅颺  
聲穎君授徙荆土貽名

庚聞

穎師道

謝述  
孔稚圭

庚聞字仲初鄢陵人始為郗鑒參軍封吉陽男出補  
零陵太守入湘川吊賈誼其辭曰中興二十三載  
余忝守衡南鼓棹三江路次巴陵望君山而過洞  
庭徙湘川而觀汨水臨賈生投書之川慨以永懷  
矣及造長沙觀其遺像喟然有感乃弔之云偉哉  
蘭生而芳玉產而潔陽葩熙水寒粉負雪莫邪挺  
錐天驥汗血苟云其雋誰與比傑是以高明卓茂  
獨發其秀道率天真不議世疾煥乎若望舒耀景  
而焯群星矯乎若翔鸞拊翼而逸宇宙也飛紫洛  
汭擢穎山東質清浮聲聲若孤桐琅琅其僕巖巖

穆風外紀前卷五

八

其峰信道居正而以天下為公方駕逸步不以曲  
路期通是以張高弦悲聲激柱落清唱未和而桑  
濮代作雖有惠音莫過韶濩雖有騰鱗終仆一壑  
嗚呼大庭既邈玄風悠緬皇道不以智降上德不  
以仁顯三五親譽其軌可仰而標霸功雖逸其塗  
可翼而而聞悲矣先生何命之寒懷寶如玉而生  
運之淺昔咎繇慕虞呂尚歸昌德協克符乃應帝  
王夷吾相桓溪登蕭張草廬三顧吳若蘭芳是以  
道隱則蟻屈數感則鳳觀若棲不擇木翔非九五  
雖曰玉折雋才何補夫心非死灰智必存形形託

神用故雖全生奈何蘭膏揚芳漢庭摧景颺風獨  
喪厥明嚮晦悠悠太素存亡一指道來斯通世往  
斯圯吾哀其生未見其死敢不敢吊寄之淥水望  
衡嶽詩云北眺衡山首南睨五嶺末寂坐挹虛恬  
還目情四豁翔翮凌九霄陸鱗困濡沫既體江湖  
幽安識南溟濶又登九嶷山詩云永樂靈山標結  
駕登九嶷懸巖漏石髓芳谷挺丹芝冷雲珠落  
漣漣玉蜜滋解景染水顏妙氣翼冥斯後徵拜給  
事中子肅之亦有文采為湘東太守

顏師道字長淵臨沂人顏延之之族子也祖約為零  
穆風外紀前卷五

九

陵太守父邵為竟陵太守值謝晦鎮荊州師道為  
司馬宋世祖即位徙南郡太守初延之之始安道  
經汨潭時湘州太守張紀祭屈靈均延之撰文曰  
恭承帝命建旗舊楚訪懷沙之淵得捐佩之浦弭  
節羅潭艤舟汨渚曰若先生逢辰之缺溫風追時  
飛霜急節羸羊邁紛昭懷不端謀折儀尚計蔑椒  
蘭身絕郢闕跡遍江干比物荃蓀連顛龍鸞聲溢  
金石志華日月如彼樹芬實穎實發望汨心歎瞻  
羅思越藉用可塵昭忠難闕又與張邵登巴陵城  
樓詩曰江陵分楚望衡巫奠南服三湘淪洞庭七

澤謁荊牧經塗延舊門訪川陸水國周地險  
河山信重複却倚雲夢林前瞻京臺園清氣霽岳  
陽曾暉薄瀾澳悽矣自遠風傷哉千里目萬古陳  
往還百代勞起伏存沒竟何人炯介在明淑請從  
世上人歸來執桑竹嗣後族孫協為齊和帝錄事  
荊州凡楚南碑碣多出其守所著有日月災異圖  
及晉仙傳

謝述字景先陽夏人少有志行武帝嘉之封吉陽侯  
元嘉二年為郡南太守蒞官清約與殷景仁劉湛  
為莫逆交子緯尚文帝女孫眺字玄暉好學有美

穆風外紀前卷五

十

名文章清麗隨王子降鎮荊州數集僚友眺以才  
藻尤被賞愛流連晤對不舍日夕嘗從武昌太守  
伏曼容登孫權故城詩曰炎靈遺劔璽當途駭龍  
戰聖期缺中壤霸功興高縣鵲起登吳山鳳翔凌  
楚甸杙帶窮巖險惟帝盡謀選北拒溺驂驪西龕  
收組練江海既無波俯仰流英盼表冕類裡郊卜  
揆崇離殿約臺臨講閱樊山開廣藏文物共歲粢  
聲明且葱蒨三光厭分景書軌欲同薦參差世紀  
忽寂寞市朝變舞館識餘基歌梁想遺轉故林衰  
木平荒池秋草徧雄國悵若茲茂宰深遐瞻幽客

滯江臯從賞垂纓弁清卮阻獻酬良晝限聞見幸  
藉芳音多承風采餘絢于後儻有期鄂渚同游衍  
孔稚圭字德璋山陰人少有美譽仕齊主為記室參  
軍與江淹對掌詞翰遷尚書左丞建武初徙南郡  
太守時魏人入寇征役不息乃上表曰匈奴為患  
自古而然三代智勇兩漢權奇算略之要二塗而  
已或鐵馬風馳奮威沙漠或輕車出使通驛虜庭  
臣以為戎狄獸性本非人倫鴟鳴狼踞不足加怒  
蜂目蠆尾何關美惡惟勝之以深權制之以遠策  
弘之以大度處之以蠱賊豈足結天下之怨捐蒼

穆風外紀前卷五

十一

生之命發雷電之怒寄蟲鳥之氣夫以天下為量  
者不計細耻以四海為任者寧顧小節今宜早發  
大軍廣兵勢徵犀甲于岷峨命樓船于蒲海俾沿  
江入漢雲陳萬里自青徂豫候騎森羅據險要以  
奪其魄斷糧道以折其瞻多設疑兵使精悉而計  
亂故列金湯使神芬而慮屈何憂王門之下無款  
塞之期哉臣謬荷殊恩奉佐方岳敢肆聲言惟其  
納之永和元年召為太子詹事卒贈金紫光祿大  
夫所著有北山移文及表奏見齊書及文選  
范雲字彥龍舞陰人晉范汪六世孫也父抗為郢府

參軍雲隨在郢與沈約庾杲之相友始為郢州法  
曹參軍沈攸之圍城逼令雲入城餉武陵及柳世  
隆左右欲誅賴世隆救免齊建元初隨竟陵王子  
良之會稽永明十年復遷零陵內史自公田俸外  
別調四千石俱免其半百姓悅之初梁武在竟陵  
西邸與雲情好歡甚後即位以佐命功封雲城侯  
吏部尚書贈王融詩曰攝官青瑣闥遙望鳳凰池  
誰云相去遠脉脉阻光儀岱山饒靈異沂水富英  
奇逸翮凌北海搏飛出南圻遭逢聖明君來栖桐  
樹枝竹花何莫莫桐葉何離離可栖復可食此外

穆風外紀前卷五

十二

亦何為豈知鷦鷯者一粒有餘資  
江淹字文通濟陽人六歲能屬詩及長雋異好奇宋  
桂陽王舉秀才齊時為豫章王記室天監中仕至  
金紫光祿大夫嘗奉使南楚望荆山詩云奉詔至  
江漢始知楚塞長南關繞桐栢西岳出魯陽寒郊  
無留景秋日懸清光悲風繞重林雲霞肅川漲歲  
晏君如何零淚霑衣裳乃又賦江上之山其辭曰  
潺湲瀨溶兮楚水而吳江刺劃嶄嶄兮雲山而碧  
峰挂青蘿兮萬仞豎丹石兮百重嵯峨兮崑崙如  
斷兮如削堯舜兮火出巖巒兮空鑿波潮兮吐納

嶼峰兮積沓鰐鰭兮赤尾鰐龍兮匿見紅草之  
交生眺碧樹之四合草自然而千花樹無情而百  
色嗟大道之異茲憂患而來逼惟爐炭於片景  
抱絲緒於一息每意遠而生短恒輪平而路亥信  
懸矢兮竊昧豈繁命於才力既群龍之咸疑焉衆  
狀之所極俗逐事而變化心應物而迴旋既剡翁  
其未晤亦緯繡而已遷伊人壽兮幾何譬流星之  
殞天悵日暮兮吾有念臨江上之斷山雖不敏而  
無操願從蘭芳兮與玉堅亂曰折芙蓉兮蔽日蕖  
以過夫憂心兮不共此氣質何獨嗟乎景沉見幾  
穆風外紀前卷五十五 十三

而作兮介如石  
夏侯湛字友若譙國人美容儀才華富盛蚤有聲譽  
與潘岳友善時人謂之聯璧後為散騎常侍其泛  
荆江歌曰悠悠兮遠征修修兮暨南荆南荆兮臨  
長江臨河兮討不庭江水兮浩浩長流兮萬里洪  
浪兮雲轉陽侯兮奔起驚翼兮垂天鯨魚兮岳峙  
蘿蕪紛兮波皐陸修竹鬱兮翳崖趾望江之南兮  
遨目桂林桂竹蔚蔚兮鷗鷺揚音凌波兮願濟舟  
楫不具兮江水深沉嗟迴盼于北夏何歸軫之難  
尋

史南曰臣攷諸晉史及六朝書乃見庾仲初平  
賈太傅及顏延之謝玄暉諸作而孔德璋范彥  
龍江文通夏侯孝若則又雜見于諸家夫物之  
精華坤輿所闕文之藻彩星文攸占矧夫劍氣  
牛斗珠光媚淵固造化之無盡藏爾矣贊曰兩  
晉廢撥六朝絲紛人文靡麗世教衰陵仲初好  
古吊賞貽文延年炫奇懷屈傷神玄暉麗藻登  
城咏情德璋爾雅徙郡叫閤文通逸思渺如江  
雲孝若高才迥焉莫群

蕭統 郢道元

穆風外紀前卷五十五

十四

蕭統字德旋梁武帝長子也齊中興元年九月生于  
襄陽五歲徧讀五經美姿容善舉止每游宴祖道  
賦詩屬思即成引縱文學之士賞愛無倦或討論  
墳典商榷古今文章著述率以為常今襄陽有昭  
明文選樓長子封華容次子封枝江餘子登封岳  
陽警封武昌舉湘州刺史弟續字世訢為荊州刺  
史繹封湘東紀封武陵綸為郢州刺史遭亂奔匿  
于武昌沙門巖石下為魏將侯幾通殺授之江安  
陸人郝姓者破敵莖之襄陽望楚山昭明叙文選  
曰式觀元始眇觀玄風久穴及巢之時始毛飲血



之世世資民淳斯文未作建乎伏羲氏之王天下也始畫八卦造書契以代結繩之政由是文籍生焉易曰觀乎天文以察時變觀乎人文以化成天下文之時義遠矣哉若夫椎輪為太輅之始大輅寧有椎輪之質增冰為積水所成積水曾微增冰之凜何哉蓋踵其事而增華變其本而加厲物既有之文亦宜然隨時變改難可詳悉嘗試論之曰詩序云詩有六義焉一曰風二曰賦三曰比四曰興五曰雅六曰頌至於今之作者異乎古昔古詩之體今則全取賦名苟宋長於前賈馬繼於末自茲以降源流寔繁述邑居則有憑虛亡是之作戒略遊則有長揚羽獵之制若其紀事詠物風雲草木之興魚蠱禽獸之流推而廣之不可勝載矣楚人屈原含忠履潔君匪從流臣進逆耳深思遠慮遂放湘南耿介之意既傷抑鬱之懷靡愬臨淵有懷沙之志吟澤有憔悴之容騷人之交自茲而作詩者蓋志之所之也情動於中而形於言關雎麟趾正始之道著桑間濮上亡國之音表故風雅之道繁然可觀自炎漢中葉厥塗漸異退傳有正鄒之作降將著河梁之篇四言五言區以別矣頌者

所游揚德業褒讚成功吉甫有穆若之談季子有至矣之嘆舒布為詩既言如彼總成為頌又亦若此次則箴興於補闕戒出於弼匡論則折理精微銘則序事清潤義終則誅黷圖像則讚興又詒誥教令之流表奏牋記之列書誓符檄之品吊祭悲哀之作答客指事之制三言八字之文篇辭引序碑碣誌狀衆制鋒起源流間出譬陶範異器並為入耳之娛黼黻不同俱為悅目之翫作者之致蓋云備矣余監撫餘閒居多暇日歷觀文囿泛覽辭林未嘗不心遊目想移晷忘倦自姬漢以來眇焉悠邈時更七代數逾千祀詞人才子則名溢於縹囊飛文染翰則卷盈乎緗帙自非略其蕪穢集其菁英蓋欲兼功太平難矣若夫姬公之籍孔父之書與日月並懸鬼神爭輿孝敬之準式人倫之師表豈可重以芟夷加之剪截老莊之作管孟之流蓋以立意為宗不以能文為本今之所撰又亦略諸若賢人之美辭忠臣之抗直謀夫之話辯士之端冰釋泉涌金相玉振所謂坐俎丘議稷下仲連之却秦軍食其之下齊國留侯之發八難曲逆之吐六奇乃事美一時語流千載既見墳籍旁出子

史若斯之流又亦繁博雖傳之簡牘事異篇章今之所集亦所不敢至於記事之史繁年之書所以褒貶是非紀別異同方之篇翰亦已不同若其讀論之綜緝辭采序述之錯比文華事出於沉思義歸乎翰藻故與夫篇什雜而集之遠自周室迄于聖代都為三十卷名曰文選云爾於是命五臣李善等各釋其議李薦登文選樓詩云申轅應楚聘辭枝適梁苑藩侯喜賓客賢賢易鷹犬黃綺游漢庭羽翼繒繳遠秦府十八公攀附名益顯昭明衆才子文囿俾蒐選高齋切浮雲雉堞俯晴燿尚應

穆風外紀前卷五

十七

愧河間筆削非大典

酈道元字善長涿鹿人尚書左丞範之子也襲永寧侯延昌中為東荊州刺史為政威猛蠻人詣闕訟其刺以戍兵送還都所著有水經四十卷吳郡黃省曾叙曰水之為德大矣執道生天一職統材五發始西極產母隅也折赴東壑趨子方也濊涌昭化妙之初質流瀾符於穆之神用厚氣肇之升盛露雨由之感澤象曜資之光明玄黃本之浮載寄瀨倚之配密雲漢會之紀戒圖書託之興瑞祗軸寄之融洛是以寓目者嘆其渾逝臨淵者頌其靈

長且兆類非此無以胚阜萬里非此無以準平醴饗非此無以烹膳而育年壤壚非此無以灌漑而興敷法其形勢而樹都廟因其隔限而分州域軸輻輳而窮遐互通堤壑成而垌瘠咸利鍾匯之區則珠玉以登枯絕之野則林壑不毛函夏泰和則皇波達貫坦平國紀封原割畫則百川斷裂洋然險防況其精通天步體轄人事海安而知內寧河清而則聖出徒焉卜廢竭以表亡則代運之隆衰而姓庶之災吉亦可觀也但卑赴其常決疏為順平成之績聚在夏書其宜導也必探夫源首其排

穆風外紀前卷五

十八

入也必極夫歸納以奠以敷號名俱炳厥後九丘不傳四嶽埋溫周官存數浸之略爾雅開崐崙之端若司馬遷之載河梁庾仲雍之筆江記偏係一方匪無八表况王澤寢消地象俱廢樂廣闢者湮其溝洫使私謀者壅其湍泉公家醺激巨石改張是以啓塞靡恒陵谷皆變洪鉅者失其包帶微纖者亂其營緯紘紘訕訕莫之質竟也已故桑欽特創此作追法貢體錄為新經羅併四際總勒一典凡所引天下之水百三十有七苟非經流不在記註之限錯陳舊纂以備參錄派盡條科以罄脉衍

務討異奇同蔚宗之旨趣嚴標郡縣肖班圖之設是乃曠絕之脈翰也然規網則舉鮮節未彰迨於後魏酈道元因景純之監觸足君長之簡揆以博洽之鴻襟擅堪輿之顯學隨經弗述掇跡弘鋪剖說十倍於前文揮述半陟其躬履或衆援以明訛或極辨而較是或衰逝以昭邇或廓無而績有故凡過歷之臯維夾並之砥岸環間之亭郵跨俯之城陸鎮被之巖嶺迴注之溪谷瀕枕之鄉聚聳映之臺館建樹之碑碣沉淪之基落靡不旁萃曲收左撫右采豈曰桑欽之詁釋實所以粉飾漏闕

穆風外紀前卷五

十九

銓次疆隅乃相濟而為編者也

史南曰臣幼誦昭明文選星羅百氏景緯霄呈雲擁羣英瓊瑰崑列彬彬然蔚矣及觀桑欽水經則又流覽域中遐標夷嶠窮河之源歸海之壚風風乎其奇觀也然文選有李善五臣註陳仁子以補遺是之水經有酈道元註而黃省曾又以山海經並梓豈非文苑之菁華詞源之渤澥也執贊曰昭明帝胄天植其才秘涵萬有光燭三台峴山構樓溪水登臺五臣互註百氏取材桑欽述經酈生會裁若水行地何處得來

李百藥 褚遂良 陽城

李百藥字重規安平人隋內史德林子也七歲能屬文開皇初授學士十九年襲父爵安平公煬帝悉貶桂陽司馬唐高祖召為司戶貞觀元年為中書舍人擢禮部侍郎上贊道賦太宗稱賞其寓郢城詩云客心悲暮序登墉瞰平陸林澤首芊綿山川鬱迴複王公資設險名都距江漢方城疑北門漢海窮南服長策挫吳豕雄圖競周鹿大蒐雲夢噲壯觀章華築人世更不競西師日侵威運圯屬驅馳時屯忽獻朴莫救夷陵火無復秦庭哭鄢郢遂

穆風外紀前卷五

二十

丘墟風塵俄慘黷狐兔時游踐霜露日霑沐釣者故地平神臺層宇覆陣雲埋夏首窮陰慘荒谷悵矣洲壑遷悲哉年紀倏雖異三春望終傷千里日其渡漢水詩云東流既溟溟南紀信滔滔水激沉碑岬波駭弄珠臯含星映淺石浮蓋下奔濤溜澗霞光浙川長曉氣高橋烏轉輕翼戲鳥落風毛客心既多緒長歌且代勞

褚遂良字登善錢塘人初為通直散騎常侍貞觀中累遷起居郎授太子賓客高宗即位封河南縣公坐事出為同州刺史再歲召拜吏部尚書同中書

門下三品監修國史兼太子賓客帝欲立武昭儀為后遂良對曰陛下必欲立后請更擇貴姓昭儀昔事先帝身接帷簾今立之柰天下耳目何遂良因致笏殿階叩頭流血帝大怒命引出武氏從幄後呼曰何不撲殺此僚長孫無忌救之乃免左遷潭州都督顯慶二年徙桂州復貶愛州遂良內憂禍恐死不能自明乃上表帝昏懦牽於武后訖不省歲餘卒年六十三其山池宴集詩云伏檻丹霞外遶園煥景舒行雲泛層阜蔽月下清渠亭中奏趙瑟席上舞燕裾花落春陰晚風光夏葉初良朋

意猶欲相延齡城曰延齡為相吾當取白麻壞之哭於廷左遷國子司業貶為道州刺史城至州治民如治家宜罰罰之宜賞賞之不以簿書介意月俸取足則已官收其餘日炊米二斛魚一大鷄置甌杓道上人共食之州貢侏儒城奏罷之觀察使數責州當上考功第城自署曰撫字心勞催科政拙考下下觀察府遣判官督賦至州恠城不迎以問吏吏白刺史自囚於獄判官驚馳入謁留數日城不敢歸仆門闔寢館外以待命判官遽辭去府復遣官来接義不欲行乃載妻子中道逃去順宗立召還城已卒年七十贈左散騎常侍元稹過陽城驛詩云商有陽城驛名同陽道州陽公沒已久感我淚交流貞元歲云暮朝有曲如鈎風波勢奔感日月光綢繆齒牙屬為猾禾黍暗生蠶豈無司言者肉食吞其喉豈無司標者利病扼其鞵鼻復勢氣塞不可辨薰猶公雖未顯諫惴惴如患瘡飛章八九上皆若珠暗投炎炎日將熾積燎無人抽公乃率其屬決諫同報讐延英殿門外扣閣仍叩頭且曰事不止臣諫誓不休上知不可遏命以美語酬降官司成署俾之為贅疣竊心不快活擊刺

幽窮因

礪戈矛終為道州去天道悠悠嗟爾太學生各  
具糧與餼咸言公去矣我亦去荒陬公與諸生別  
步步駐行騶有生不可訣行行邁闕歐為師得如  
此得為賢者不道州聞公來鼓舞歌且謳昔公居  
夏邑狎人如狎鷗况自為刺史豈復援鼓桴茲  
一時嚴教化天下適炎瘴不得老英華忽已愁有  
鳥哭揚震無兒悲鄧攸唯餘門弟子列樹松與楸  
今來過此驛若吊汨羅洲祠曹諱生枯此驛何不  
侔我願避公諱名為避賢郵此名有深意避賢天  
所尤吾聞玄元閣日月冥九幽幽陰蔽翳者永為  
幽窮因

史南曰臣攷唐書見李百藥潰煬帝游幸及褚  
遂良諫立武昭儀為后陽城諫用裴延齡為相  
厥后隋社屋于唐而高宗卒為昭儀內蠱遂有  
杜鳴則天之禍德宗卒為延齡外其載澄蒙塵  
奉天之恥程子曰臣居天位猶可言也婦居天  
位不可言也履霜冰堅可不戒執贊曰直臣昌  
論豫寢奸謀忠臣危節仰動宸施冒陳諷諫鄧  
城涕泣遂良諫后撲殺此療陽城哭相道州遠  
游日升虞淵天監炎陬遺蹤猶在光霽氣浮

狄仁傑

狄仁傑字懷英并州太原人中宗時豫州刺史初宰  
相張光輔討越王軍多暴索仁傑拒之光輔怒還  
奏傑不遜左授復州刺史故志云有惠愛徙洛州  
同馬天授二年以地官侍郎同鳳閣鸞臺平章事  
其諫造大像疏曰臣聞為政之本必先人事陛下  
矜群生迷謬溺喪無歸欲令像教兼行觀相生善  
非為塔廟必欲崇奢豈令僧尼皆須檀施得械尚  
捨而況其餘今之伽藍制過宮闕窮奢極壯畫續  
盡工寶珠彈校綴飾瓌林竭於輪奐功不使鬼必  
在役人物不天來終湏地出不損百姓將何以求  
坐之有時用之無度臣每思惟實所悲痛徃在江  
表像法成興梁武簡文捨施無限及其三淮沸浪  
五嶺騰烟列刹盈衢無救危亡之禍緇黃蔽路豈  
有勤王之師比年已來風塵屢擾水旱不節征役  
稍繁家業先空瘡痍未復時興工役力所未堪當  
今有事邊境未寧宜寬在鎮之徭省不急之費設  
令雇作皆以利趨既失田時自然棄本今不樹稼  
來歲必饑役在其中難以取給况無官助義無得  
成若費官財文盡人力一隅有難將何救之

史南曰臣讀唐呂溫頌狄梁云取日虞淵洗光  
咸池潛授五龍夾日以飛夫梁公不可以文論  
也然帝在房州其謫居在復州而東之蒙薦在  
襄州其遺風猶有存者范文正公撰其祠碑銘  
曰商有三仁弗救其滅漢有四皓正於未奪嗚  
呼武暴如火李寒如灰何心不隨何力可回我  
公哀傷極天之亡逆長風而孤鶩遡大川以獨  
航金可革公不可革孰為乎剛地可動公不可  
動孰為乎方一朝感通群陰披攘天子既臣而  
皇天下既周而唐七世發靈萬年垂光噫昨天  
穆風外紀前卷五

十五

下之至誠其孰能當

元稹 元結

元稹字微之河南人元和元年舉科對策第一拜左  
拾遺數上封事當路惡之出為河南尉會中人仇  
士良夜至驛稹不讓中人怒擊稹敗面宰相以稹  
年少失憲臣體貶江陵士曹叅軍而李絳崔群白  
居易皆論其狂久乃徙通州司馬改號州長史元  
和末召拜膳部員外郎稹長於詩與居易名相將  
天下傳諷號元和體騰播樂府穆宗在東宮妃嬪  
近習皆誦之宮中乎元才子稹之謫江陵善監軍

崔潭峻長慶初潭峻方親幸以稹歌詞數十百篇  
奏御帝大悅問稹今安在曰為南宮散郎即擢祠  
部郎中知制誥變詔書體務純厚明切盛傳一時  
然其進非公議為士類訾薄稹內不平因詆群有  
司以逞其憾俄遷中書舍人翰林承旨學士數召  
入禮遇益厚未幾進同中書門下平章事太和三  
年拜武昌節度使白居易銘墓曰年過知命不謂  
之天位至將相不謂之少然未康吾民未盡吾道  
在公之心則為不了惜哉道廣而俗隘時矣夫心  
長而運短命矣夫

穆風外紀前卷五

十六

元結後魏常山王遵十五代孫再調春陵丞輒棄官  
去折節向學事元德秀天寶十二載舉進士拜道  
州刺史初西原蠻掠居人數萬去遺戶裁四千諸  
使調發符牒民困甚結不忍加賦即言臣州為賊  
焚破糧儲屋宅男女牛馬幾盡今百姓十不一在  
耄孺騷離未有所安嶺南諸州寇盜不盡得守提  
候望四十餘屯一有不靖湖南且亂請免百姓所  
負租稅及租庸使和市雜物十三萬緡帝許之明  
年租庸使索上供十萬緡結又奏減之進授容管  
經略使加左金吾衛將軍民樂其教立石頌德嚴

遷京師卒年五十贈禮部侍郎結在楚最久武昌有招孟士容詩有退谷杯湖銘道州有七泉銘有陽華朝陽二巖銘零陵有丹陽宅銘文見次山集春陵行曰軍國多所須切責在有司有司臨郡縣刑法竟欲施豈不憂百姓徵歛又可悲州小經亂亡遺人實困疲大鄉無士久族皆單羸朝食是草根暮食是木皮出言氣欲絕言速行步遲追呼尚不忍況乃鞭扑之郵亭傳急符來往跡相追更無寬大恩但有迫促期欲令鬻兒女言發恐亂隨悉使索其家而又無生資聽彼道路言然傷誰復

零

史南曰臣幼誦元稹陽城驛詩即想見元宗之直不待哭麻于廷而已知其為一流人物矣至長慶之集次山之錄又何其渾沉而奔放也嗟乎盛矣贊曰文人摘藻山嶽錫靈史臣撰傳河海蒐珍微之爾雅次山渾沉穆如清風百代有設

李白

賈至 趙彦昭 王昌齡 劉禹錫 劉長卿  
郎士元 馬戴 崔國輔 杜牧  
竇牟 許渾 戴叔倫

李白字太白唐宗室之裔也天寶初玄宗召見金鑾殿詔供奉翰林初與孔巢父六人居徠號竹溪

穆風外紀前卷五

三

六逸復與賀知章八人劇飲號酒中八仙帝放還山會安祿山反永王璘起兵辟為府僚璘敗詔流夜郎道經湖南在江夏有登黃鶴樓贈薛明府在安陸有登白兆山寄劉侍郎在漢陽有題柳色贈輔錄事在衡州有游衡嶽贈談皓在岳陽有泛洞庭尋裴侍御在安州有游玉女湯在荊州有贈玉泉仙及張相國在隨州有題張紫陽在襄州有襄陽歌在復州有郎官湖詩其秋望洞庭詩云清晨登巴陵周覽無不極明湖映天光徹底見秋色秋色何蒼然際海俱澄鮮山青滅遠樹水綠無寒煙



來帆出江中去鳥向日邊風清長汝浦霜空雲夢  
田瞻光惜顏髮閱水悲徂年北渚既蕩漾東流自  
潺湲郢人唱白雪越女歌采蓮聽此更勝斷憑崖  
泪如泉又郢門秋懷詩云郢門一為客巴月三成  
弦朔風正搖落行子悲歸旋杳杳山外日茫茫江  
上天人迷洞庭水鴈度瀟湘煙清曠諧夙好礧礧  
及此年百齡何蕩漾萬化相推遷空謁蒼梧帝徒  
尋溟海仙已間蓬岳淺豈見三桃園倚劒增浩嘆  
捫襟還自憐終當游五湖濯足滄浪泉

賈至字幼隣洛陽人父曾開元初掌制誥至以明經

穆風外紀前卷五

壬九

薦授單父尉玄宗拜起居舍人知制誥從幸蜀肅  
宗登極撰策進藁帝曰先帝誥命爾父為之茲命  
冊又爾為之兩朝盛典皆出卿家可謂盛矣歷中  
書舍人與杜甫岑參王維早朝有詩至德中貶岳  
州司馬寶應初復官大曆中為散騎常侍卒贈禮  
部尚書謚曰定其巴陵早秋寄荊州司馬詩云謫  
居湘水渚再見洞庭秋極目連江漢西南浸斗牛  
滔滔盪雲夢淡淡搖巴丘曠如臨渤解宵疑造瀛  
洲君山麗中波蒼翠長夜浮帝子去永久楚詞尚  
悲愁我同長沙行時事加百憂登高望京國胡馬

滿東洲苑葉遍蓬蒿楚鄧無良疇獨攀青楓樹淚  
洒滄江流故人西掖寮同扈岐陽蒐差池盡三黜  
蹭蹬各南洲相去雖地近不得從之游耿耿雲陽  
臺迢迢王粲樓歧子暮雲裏誰謂無輕舟

王昌齡字少伯江寧人開元十五年進士補秘書郎  
中充辭科遷汜水尉貶龍標尉以世亂還鄉為刺  
史間丘曉所害昌齡工詩諸密而思清後張鎰按  
兵曉後期當誅辭以親老鎰曰王昌齡之親誰其  
養之曉語塞昌齡有詩三卷其宴南亭詩云寒江  
映村林亭上納鮮潔楚客共聞飲靜坐金閨闕幽

穆風外紀前卷五

壬

意日入山暝來雲歸穴城樓空春靄猿鳥備清切  
物狀如絲綸止心為余訣訪君東溪事早晚樵徑  
絕

劉禹錫字夢得擢進士中博學宏辭科工文章為監  
察御史憲宗立叔文等敗禹錫貶連州刺史永至  
斥朗州司馬送夜郎諸夷風俗陋甚家畜巫鬼每  
祠歌竹枝詞禹錫謂屈原居沅湘間作九歌以迎  
神乃倣其聲作竹枝辭武陵夷俚悉歌之宰相袁  
其才且困將澡濯用之會程异復起領運務乃詔  
禹錫等悉補遠州刺史而武元衡方執政遂罷禹

錫落魄鬱鬱不自聊其吐辭多諷託幽遠作問大  
鈞賦數篇久之召還欲任南省郎而禹錫作玄都  
觀詩語譏當路出為播州刺史詔下裴度為請改  
連州其發楚詩云楚澤雪初霽楚城春欲歸清淮  
變寒色遠樹含清暉原野已多思風霜潛滅威與  
君同旅鴈向此刷毛衣

劉長卿字文房河間人開元二十一年進士至德中  
歷監察御史以檢校祠部員外郎為轉運判官知  
淮西徙鄂岳觀察使吳仲儒誣之貶南巴尉遷隨  
州刺史其南楚懷古詩云南國久蕪沒我來空鬱

穆風外紀前卷五

三十一

陶君者章華宮處處生蓬蒿但見陵與谷豈知賢  
與豪精魂托古木寶劍沉江臯倚棹下晴景迴舟  
隨晚濤碧雲暮落湖上秋天高往事那堪問此  
心徒自勞獨餘湘水濶千載聞離騷

杜牧字牧之關中人後魏太尉頤之後舉進士授弘  
文館校書郎試武衛兵曹參軍擢監察御史出補  
宣州判官召為殿中侍御史遷左補闕史館修撰  
徙知黃州其謝表云黃州在大江之側雲夢澤南  
古有夷風今盡華俗載十四聖之生育張二百年  
之基宇臣為吏長敢不遵行國風彰揚至化承其

和風感其惟心以裨盛業于無窮也在黃郡齋有  
獨酌詩見樊川集其寄李岳州詩云城高倚絕巘  
地勝足樓臺朔漠煖鴻去瀟湘春水來紫盈幾多  
思掩抑若為裁迢迢三聲角寒香一樹梅烏林芳  
草遠赤壁健帆開往事空遺恨東流豈不迴分符  
潁川政吊屈岳陽才拂匣調朱柱磨鉛勘玉杯基  
龔小窟勢壚撥凍醪此興予非蕩何時得奉陪  
題安州浮雲樓云去夏疎雨餘同倚朱欄侍當時  
樓下水今日到何處恨如春草多事與孤鴻去楚  
岬桺何窮別愁紛若絮嗣是召入為司勳郎中知

穆風外紀前卷五

三十一

制詰遷中書舍人牧剛直有奇節敢論列大事指  
陳紕政名曰罪言自撰墓誌裴延翰叙其文集二  
十卷

趙彥昭字魚然張掖人少豪邁風骨秀爽舉進士調  
南郡尉與郭元振薛稷善徙新豐丞擢監察御史  
景龍中遷中書侍郎同平章事睿宗立出為宋州  
刺史坐貶歸州入為吏部侍郎陟刑部尚書復貶  
江州其清輝閣詩云出震乘東陸憑高御北辰祥  
雲應早歲瑞雪候初旬宮樹千花發階蓂七葉新  
辛承今日宴長奉萬年春

趙冬曦字補闕定州人舉進士神龍初上疏論事開  
元中授監察御史坐事流岳州召直史館遷考功  
員外郎踰年為直學士改中書舍人至國子祭酒  
南樓詩云鸛鳴南樓憑軒肆遐矚物華蕩暄氣  
春景媚晴旭川瀝湘山孤林芳楚露縹列岩重疊  
翠遠岫遙迤緜風帆摩天根漁艇散灣曲鴻歸鶴  
舞送猿叫鶯聲續群動皆熙熙憶予獨霸東常欽  
才子義忌鵬傷眺弱雅尚騷人文懷沙何迫促未  
知二賢意去矣從所欲

崔國輔吳郡人初歷許昌令召入為集賢學士禮部  
穆風外紀前卷五

三

員外郎坐王鉞事貶竟陵司馬其石瀨詩云悵矣  
秋風時余臨石頭瀨日高見超遠望盡北洲內羽  
山數點青海岬雄光碎離離樹木少潏潏波湖火  
日暮千里帆南飛落天外須臾遂入夜楚色有微  
靄尋遠跡已窮遺榮事多昧一身猶未理安得濟  
當代且泛潮汝歸荷衣蕙為帶

郎士元字君曹中山人天寶十五載進士寶應元年  
補渭南郡尉歷右拾遺出為郢州刺史與錢起齊  
名其題三湘圖詩云昔日醉衡霍邇來憶南州今  
朝平津邸兼得瀟湘遊稍辨郢門樹依然芳杜洲

微明三巴峽咫尺萬里流飛鳥不知倦遠帆生暮  
愁淞陽指天末此緒空悠悠枕上見漁父坐中當  
狎鷗誰言魏闕下有東山幽

馬戴字虞臣會昌初進大學博士宣宗大中初為李  
司空幕下書記以正言斥貶為龍陽尉其楚江懷  
古詩云露氣寒光集微陽下楚丘猿啼洞庭樹人  
在木蘭舟廣澤生明霞蒼山夾亂流雲中君不降  
竟夕自悲秋又鄭谷宜春人寓荊州有詩見郡志  
許渾字用晦丹陽人太和六年進士授為太平令徵  
拜監察御史出為郢州刺史其南樓春望詩云南

穆風外紀前卷五

三

樓春一望雲水共昏昏野店歸山路危橋帶郭村  
晴煙和草色夜雨長溪痕下岬誰家住殘陽半掩  
門

戴叔倫字幼公潤州人師蕭穎士貞元中進士及第  
劉晏奏為主運湖南士曹曹王臯辟為湖南幕府  
其潭州使院詩云雲雨一蕭散悠悠閑復河俱從  
泛舟後近隔洞庭波春水去不盡秋風今又過無  
因得相見却恨寄書多

竇庠字胃卿鞏字友封扶風人父叔向精于詩庠舉  
進士韓臯鎮武皇辟為幕府歷岳州刺史鞯號嘯

蕭翁元禎為武昌節度辟鞏為幕府

史南曰詩言志歌永言教音之道與政通集  
謨之廢歌詩之春也出乎震也箕範之敷言詩  
之夏也相見乎離也姬雅之矢音詩之秋也成  
言乎艮也孔廷之蘭操詩之冬也勞乎坎也西  
漢春之餘三國夏之餘兩晉秋之餘六朝冬之  
餘至唐初則如一元始渾淪周而復始故品彙  
以李杜為大宗而接武餘響又次之茲觀于楚  
屈原之賦杜甫之詩卓乎不可及已白也天才  
獨步神秀難蹤放逐夜郎滯荆土發為詩歌

穆風外紀前卷五

三五

直追騷雅而至之奇昌齡之逸二劉之幽淡二  
趙之奔放崔郎之膩潤戴賈之清越而杜牧樊  
川之集則又近古不群爾矣贊曰詩有別才匪  
關學也詩有別趣匪繇理也唐詩之盛杜與李  
也取材別代不可泥也采風諸子亦有似也連  
人大觀可與語也曲士拘滯胡可嘗也於平悲  
夫悟神理也

王禹偁 王回 鄒浩

王禹偁字元之鉅野人太平興國八年進士授成武  
簿改大理評事太宗聞其名召試直史館進左司

諫轉左正言至道元年拜翰林學士真宗即位遷  
秩刑部出知黃州謝表云黃州地連雲夢城倚大  
江如臣庸愚曷副斯寄敢言課最庶免曠遺况當  
求理之朝必為無言之政乃撰竹樓記略曰黃岡  
之地多竹如簣竹工破之剗去其節代陶比屋是  
以其價廉而工省子城西北隅雉堞圯毀蒸莽荒  
穢因作小竹樓二間與月波樓通遠吞山光平挹  
江瀨幽閒遼曼不可具狀夏宜急雨有瀑布聲冬  
宜密雪有碎玉聲宜鼓琴琴調虛暢宜咏詩詩韻  
清絕宜圍碁子散丁丁然宜投壺矢聲鏗鏘然皆

穆風外紀前卷五

三六

竹樓之所助也公退之暇披鶴氅戴華陽巾手執  
周易一卷焚香默坐銷遣世慮江山之外第見風  
帆沙鳥煙雲竹木而已待其酒力醒茶煙歇送夕  
陽迎素月亦謫居之勝槩也又作三黜賦以見志  
宰相見而忌之咸平四年州有二虎鬪羣雞夜鳴  
冬月暴作禹偁手疏洪範且以自劾上遣中使問  
之表云宣室鬼神之間不望生還茂陵封禪之書  
止期身後上覽而異之踰月卒

王回字景深仙遊人舉進士調松滋令荆沔俗用人  
祭鬼回捕治甚嚴其風遂革入為宗正寺簿鄒浩

南遷人莫敢顧面飲交游錢與治裝往來經理且慰安其母邏者以聞建詣詔獄衆為之懼回居之晏然御史詰之對曰實嘗預議不敢欺也因誦浩之所上章幾二千言獄上除名即徙步出都門行數十里其子追及問以家事不答祖洽亦默回憫已之不逮古人也作抱關賦懼其行不逮言也作駟不及舌賦思同人無我也作愛人賦文見宋文鑑田又思君臣相遇之難也作責難賦其辭曰臣卑而君尊兮俾地道之承天北面贊以伏朝兮南面受之偃然後股肱於夙夜兮須有命而後度含

穆風外紀前卷五

三十七

厥美以盡忠兮避成功而不敢先何責善於難行兮奄盛名而獨傳蓋曰善之為猷兮匪身修而弗克五事生之所稟兮覺初微而漸碩儻一失其本源兮外物來而橫逆况宅勢於人止兮百度叢而歸責治則身安而名榮兮亂甚者喪其家國賢臣出而登用兮爵既好而祿又豐師保疑丞受教兮箴諫謹於羣工匪聖法而不敢述兮推天命於始終使君至誠兮執忠信以自主使吾君達其所忍兮仁無不恕使吾信耻不若先王兮遵義之路使吾君不敢慢於匹夫兮禮乃大具使吾君察天下

之理而無鑿兮智足以成務勤君之思而劬君之力兮誰謂吾倨蓋志行則爵祿可報兮否則遁而遠去昔舜禹之相堯兮斯猷著於典謨伊摯皋其遺風兮引湯聖而為虞說冢宰於武丁兮繩正木而靡渝周公之告孺子兮揚文武之永圖召伯又歌乎公劉兮美厚民而匪居雖孔孟之游於衰世兮固守經而嚴如宜其名實之一揆兮彼興廢何區區後千載豈無臣兮忘鑠仰於我極逢君欲以就利兮凡枉尋而直尺豈君才為不及兮聊順時而姑息詆高論曰迂濶兮喜近已而循迹嗚呼君

穆風外紀前卷五

三十八

名貶於雜霸兮專頌美於在昔臣不恭莫甚於此兮徒沒齒而惕惕竊獨嘉夫魏公兮沃唐文而迂衡知正已而民服兮破俗辨之刑名既柔遠而能邇兮尚惜其學略而功速成作正位之儆戒兮雖芻蕘者亦聽匪吾言之能賦兮雄尚文之易明鄒浩字志完常州人舉進士時童淳獨相威震震赫浩所言每觸惇忌仍上童露劾其不忠慢上之罪未報童惇詆其狂妄乃削官羈管新州徽宗立召為左正言左司諫遷兵史二部侍郎以實文閣侍制初還朝帝首及諫立后事獎嘆再三詢諫草安

在對曰焚之矣退告陳瑾曰禍其在此乎異時  
姦人妄出一絨則不可辨矣蔡京用事素忌浩乃  
使其黨偽託言劉后殺卓氏而奪其子遂再責衡  
州別駕語在獻愍傳尋竄昭州五年始得歸復直  
龍圖閣卒特賜諡曰忠又有鄒有年為松滋令政  
令清肅吏民畏之浩寓永州撰甘泉銘曰山下出  
泉其甘如醴井洌而食大國百里莫之令而自均  
民到于今受其利雲行雨施自今以始水不可以  
終止其孰止之

尹洙字師魯河南人天聖二年進士召試館職遷太

穆風外紀前

卷五十五

三十九

子中允時范仲淹尹開封每見帝論時政指陳輔  
臣過舉貶知饒州洙與余靖上疏救之謫監郢州  
洙上聖雅曰天監下民亂靡有定甚武且仁柞厥  
真聖仁實懷徠武以執競匪虔匪劉拯我大命自  
昔外禪月經日營令以挾制政以陰傾帝初治兵  
志勤于征奄受神器匪謀而成淮潞弗虔卒汙叛  
迹戎輅戒嚴皇威有赫彼寇誅民吾勇其百殄厥  
渠魁貸其反側帝朝法宮左右宗公仗夫悍士以  
雍以容爾居爾室爾工爾農既息既養惟天于功  
又曰王用西師岷梁弗賓匪曰負固實父晉人予

穆風外紀前

卷五十五

四十

訓予誓命我將臣正厥有罪無庸傷民矯矯虎士  
載摧其壁于嗟孟侯亦果其策迎師而降靡抗鋒  
鎬豈獨身謀完是宗國蜀都既平將臣失律此衆  
悍騷彼民危慄當塗叫喚合萬為一匪懷則威帝  
心是恤帝曰將臣予嘉乃庸廢命毒民爾弗有終  
邦典用疑惟罪惟功靡強而削協于厥中帝曰孟  
侯受封于楚淑旂瑯戈備物異數俾爾族姻及乃  
文武服在王庭靡不有序蜀民呼歌天子威靈保  
我者封暴我者刑匪功是和匪弱是陵天子惠民  
疇敢不承又曰耆武定功時惟二方淮服其義海  
南遂荒孰孱而盤孰暴而猖自底諛不乃終滅亡  
帝戒二俘同即爾誅予惟民無辜休息自圖時其  
輯矣寧威獨夫帝嗟汙邦久罹于兵呼暴下以征  
敷虐以刑予命典協于國經民服德音室家以  
寧又曰帝懷永圖治古是憲四方守臣惟屏惟翰  
在昔艱難弗惠訓典跨都連城高才以建有士有  
民肆乃征繕以息以容終焉洋渙允今帥臣狃厥  
聞見匪革亂原曷清多難帝告庶邦式是典與元  
侯顯父戚臣宗支政乃封圻予一人是毗凡曰附  
城固爾俾之畜兵厚賦靡爾得私毋凶而國作禍

作威天子有命疇敢不祗子孫承承唯萬世規又  
曰冀州之疆與惟太鹵俗悖而專地扼而固協比  
幽都蕩搖邊圉三垂旣夷兇威弗沮帝御六師百  
萬婉虎剪其附庸至于城下鋒鏑始交梯衝如舞  
蠢爾羣王請附降虜我士奮揚願究吾武皇帝曰  
吁念彼黎庶匪鯨匪鯢後為王士晉郊旣平九區  
以寧陳功太廟告假威靈在昔武王于商觀兵維  
我藝祖亦勤於征匪貸晉罪俟厥貫盈聖作聖繼  
巍巍相承皇矣二后功莫與京又曰帝籍于郊典  
儀具陳務農以訓供祀以勤祀在於誠匪勤于人訓

穆風外紀前卷五十五

四十一

農以實匪訓以文帝謹二物乃躬乃親公候卿士  
暨厥庶民千旬有制飭哉惟寅帝資高年式晏且  
喜種種黃髮族丘而議我生艱難暴亂以繼耳徂  
金鼓目狎戒器皇其我圖親講農事有子有孫力  
田孝悌鼓舞至仁薰焉如醉又曰帝咨庶工疇其  
輔予俊又以登厥勞乃圖匪忘舊勲非賢勿俞魏  
巍衮輔盛德以居任賢伊何昌言是庸勉告爾猷  
罔恤迺躬豈無繁辭拂于予衷予不爾庇爾無面  
從始時從官戎服揚揚今帝左右儒冠煌煌朝廷  
以尊文物典章得人之盛奕出重光又曰帝制萬

邦罔有弗賓蠻夷戎狄羈而勿臣威格三有稽顙  
獻珍單于革心願交使人帝謀公卿列侯庶枝敢  
曰彼心暴戾陰狡旣擾我疆復利吾寶無若勵兵  
襲其還道皇曰有衆予實念茲戰無必勝矧其歸  
師借曰大獲疇能盡之益俾餘醜毒吾朔陲乃俞  
其盟北州以綏在漢世宗抗威北戎恭農笑商經  
用弗荒中士震駭漢南始空降及後世猶稱厥功  
於穆聖考德無與階匪勤于兵北人遂來建是三  
紀遠俗以懷生民休息嗚呼仁哉又曰帝仁于用  
刑在位者以寬恤為治焉皇底其治欽哉惟刑在

穆風外紀前卷五十五

四十二

疑而有罔察為明愛怒弗肆孰為重輕毋一弗辜  
惟典之平前世理官倚法以刻匪彼為仇蓋曰任  
職今之蔽獄務正其辟鑒于前人繫我仁德皇德  
在仁寢而成風公侯卿士靡不率從靡知萌生咸  
保厥終不鄙不天樂哉融融又曰噫太平無象兮  
世烏得而知維盛德可迹兮其封祀之儀東武宗  
兮西汾睢禮上帝兮賓地祇皇有征兮吾民以禧  
皇有祈兮吾民是私天數佑兮俾皇之釐永世億  
寧兮無疆之基康定元年元昊寇延州以洙為判  
官自是徙濠慶秦渭四州復監均州酒稅慶曆七



年卒歐陽修銘其墓司馬光表曰自古聖賢必推  
惟命如公文武傑立而貫以忠義兮此天之性位  
不大顯遭讒而跌且不壽兮此天之命惟孔孟不  
能以兼適兮尚歸于默定昧者不思而妄求兮徒  
自奔于邪徑故公臨禍福死生而曾不少變兮是  
能安性命而歸正惟大名赫然日月之光兮亘萬  
古而增瑩

燕肅字穆之益都人舉進士補鳳翔推官與寇準善  
歷殿中侍御史景祐二年出知襄州時歐陽修謝  
惠詩啓云公以侍從之臣常藩屏之任學通天人

穆風外紀前

卷五十五

四十三

識洞今古談咲樽俎之間舒卷風雲之際成于俄  
頃乃其咳唾之餘得而秘藏已如金玉寶質後進  
龍圖閣直學士禮部右侍郎卒其僻居隨郡詩云  
蓬茅城市遠草徑接魚村白日偶無事青山長對  
門藥畦留火煖花塢帶烟昏靜坐搜新句賞心惟  
酒樽

陳與義字去非其先居京兆徙洛陽政和三年上舍  
甲科授開德教授遷太學博士擢符寶郎高宗南  
遷遂避亂襄漢轉湖湘踰嶺嶠久之召爲兵部員  
外郎紹興元年在遷中書舍人掌內制拜吏部侍郎

即尋以徽猷閣直學士其渡江詩云江南非不好  
楚客自生哀搖櫂天平渡迎人樹欲來雨餘吳岫  
立日照海門開雖異中原險方隅亦壯哉野望詩  
云洞庭微雨後涼氣入綸巾水底歸雲亂蘆叢近  
照新暹汀橫薄暮獨鳥渡長津兵甲無歸日江湖  
送老身悠悠只倚杖悄悄自傷神天意蒼茫裏村  
醪亦醉人

史南曰臣讀宋文鑑至王元之待漏院記其論  
相識備矣暨其獲罪守黃又撰三黜賦宜時宰  
之弗容也王景深逸才抗節與鄒志完友善卒

穆風外紀前

卷五十五

四十四

被羅織而尹師魯燕穆之陳去非不免于竄逐  
焉嗟乎文人相傾自古則然而况小人之侯君  
子若蜂蠆卒螫必中傷而毒害之雖然能屈其  
身弗能掩其名然則何益哉贊曰天驥游空萬  
馬仰秣神蚪潛淵群螺濡沫元之人豪竹樓咏  
月景深達士松滋去惑師魯直臣其志可則穆  
之磊落永叔稱服去非逍遙魯直心悅

錢惟演字希聖吳越王俶之子也從俶歸宋召試學  
士院以笏起草直宗嘗稱善改太僕少卿修冊府  
元龜太中祥符八年拜翰林學士明道二年罷爲

崇信軍節度知隨州歐陽修寓隨成云相公坐於  
雅俗鎮以無為民豐四輔之年市恩三九之盜行  
郊樹絕無兩造之辭托乘載賓惟奉百金之宴  
而況西河幕府最盛于文章南國蘭臺莫非乎英  
俊豈伊期末跡首玷物筵憐稽懶之無能容爾狂  
而不辱獨立不倚群言互興中山之篋雖盈南海  
之車終辨時惟演附丁謂逐寇準故修言及之惟  
演卒謚文思和楊億宣曲詩云絳纓初分後銀鐶  
未解時已郭純扇笑猶捧玉壺悲乞食長生殿迎  
風太液池雕屏涵火齊寶帳隔琉璃欲買詞人賦  
空傳狎客詩蔗漿銷內熱瓊蟲療胡飢綺帶挑粉  
熱紅心草欲披凌波渡羅機向日翳華芝素臉分  
丹柰香津滴紫梨龍梭隨振素振獺髓疑脂蓬餅  
重陽節金針七夕期玉膏嘗淥溢翠蓋遂威蕤弦  
急哀隨指歌長恨父眉青鸞惟有舞赤鳳可能疑  
下蔡迷還易平陽破未知髻高釵自墜腰細佩長  
乘出恐嚴鍾晚歸嫌細憶遲輶輻驚晚夢鸚鵡漏  
春思鳬怨惟愁斷腸柔已自危壁璫螢影度瓊戶  
蘇花滋憺鼻說難訴披圖悔豈追祗應金帶枕聊  
為達微辭

朱昂字舉之其先京兆人世家漢陵唐天復末徙家  
南陽梁祖纂唐父葆光與唐舊臣顏蕘李濤數輩  
挈家南渡見樹節紀昂少與熊若下邵洵美同學  
朱遵度好讀書人誦之為朱萬卷昂嘗問行經廬  
陵道過人遂遊江汴時周世宗南征韓異令坤統  
兵至揚州昂謁見署知揚子縣宋初為衡州錄事  
李昉知州事暇日多召語以文為贊昉深所嗟賞  
歷宜城令開寶中拜太子洗馬知蓬州徙廣安軍  
會渠州妖賊李仙衆萬人劫掠軍界昂設策擒之  
果合渝涪四州民連結為妖者置不問蜀民遂安  
薛居正稱其能遷殿中丞知泗州嘗作隨河辭憫  
聚淮水流屍三千為塚瘞之有戌卒謀亂昂誅其  
惡餘黨註誤者貲之遷監察御史江南轉運使太  
平興國二年知鄂州加殿中侍御史為峽州路轉  
運副使改庫部員外郎端拱二年直秘閣賜金紫  
久之出知復州遷水部郎中尋兼越王府記室參  
軍真宗即位遷司封郎中知制誥編次三館秘閣  
書籍加吏部咸平二年拜翰林學士工部侍郎致  
仕遣使就第賜器幣給全俸詔本府歲時存問章

奏聽附驛以聞賜宴于王津園兩制三館皆預詔賦詩餞行縉榮之昂前後所得俸賜購奇書以諷誦為樂及是閑居自稱叟著資理論三卷上之詔以書付史館弟協以純謹著稱仕至主客郎中雍王府翊善昂以書招之協亦告老歸兄弟皆眉壽時人比之二疎知府陳堯咨署三亭曰知止曰幽棲景德四年卒年八十三門人謚曰正裕先生寓衡見陶靖節閒情賦而慕之因廣其辭曰維稟氣兮清濁獨得意兮虛徐耳何聰兮無瑣衣何敞兮無裾務冥懷於得喪寧勤體乎舊畬將使同方

穆風外紀前卷五

四十七

姬孔抗跡孫遽精驚廣漠心游太虛傲朝曦兮南榮邈夕飈兮北䟽非道之病惟精之舒繇是含頤懷粹凝和習懿器大淵淪兮幽憂德芬馨兮周比井無滌兮泉融珠潛輝兮川媚又何必陋雄之尚玄笑奕之心醉悲墨之素絲嘆展之下位苟因時之明揚乃斯文之不墜睇烟景兮飄飄心懸旌兮移搖感朝榮而夕落嗟響蛩而鳴蜩姑藏器以有待因寄物而長謠願在首而為弁束玄髮而未衰會名器之有得與纓珥兮相宜願在足而為舄何坎險之罹憂欲效勤於堅亥思追踵於浮丘願在

眼而為袂傳緒素而飾躬異化緇之色涅寧拭面而道窮願在目而為鑑分研醜於崇朝驚青陽之難久庶白首以見招願在地而為簞當暑溽而冰寒伊膚革之尚疚胡寤寐以求安願在觴而為醴不亂德而溺真體虛受之為器華譎性以歸淳願在握而為劍每輔衽而保裾殊鉛銛之効用比礪刃而有餘願在囊而為矢美管羽之斯全疇懋勲而晉錫射窮壘而劔燕願在體而為裘託縑縷以成功非珍華而取飾將被服而有容願在軒而為簞貫歲寒而不改挺介節以自持廓虛心而有待

穆風外紀前卷五

四十八

人之願兮寔繁我之心兮若此當為志兮僕歲登為文兮霧委既持瑾兮掌瑜便擷蘭兮執芷始無言兮植杖終俛首兮嗟解振襟兮自適觀物兮解頤雲無心兮遊舉蘿倚幹兮叢滋想陵谷之變地况玄黃之易絲人可汰而可鍛已不磷而不緇苟一鳴而驚人何五鼎而勿飴已而擁膝清嘯懷懷自寬樞桑戶華兮差樂鳩飛梭躍兮胡難指夜蟾兮為伍仰踈籍兮邀歡何孫枚而伊耕何巢箕而呂磻滌我慮兮綠綺清我眠兮琅玕周旋兮有則徙倚兮可觀終卷舒兮自得契休哉於考槃

鮮于洗字子駿閬州人舉進士為江陵右司理參軍  
慶曆中天下旱詔求言洗推火變所由興條上四  
事其語剴切唐介稱其名於當途交章論薦洗盛  
言左叅軍李景陽枝江令高汝士之美乞移官與  
之介益以為賢調黔令陳十事神宗愛其文詔近  
臣舉所知范以作遷除利州路轉運判官糾奉周  
永懿貪虐事居久之其雜興詩云幽居觀物變天  
道固虛盈炎火日方熾微陰一已生涼風動野草  
桃李先飄零蝴蝶集高柳絡繹響空庭愁心獨耿  
耿霄夢竟難成一氣幹元造為功未嘗煩羣生自

穆風外紀前卷五十五

四十九

委化天地亦何言鳬脰不可增楮葉不可鑄欲益  
固為損勞心非自然不見平陽侯醇酒聊終年三  
王貴養老取重在乞言酒醴副佳餚黃髮斯皓然  
朝廷本忠厚風俗亦變遷豈意漢道微待中惟少  
年其步月詩云秋風動微涼天雨新霽夜閉齋獨  
隱几明目在高柳展衣步庭下顚氣入襟袖天空  
雲漢明隱約新列宿蒼蒼松檜上零露霏入牖脫  
葉滿閑園繁華迫衰朽清霄望蟾彩宜付一杯酒  
多病酣樽壘城頭轉寒漏又撰嶽神詞曰靈蔞蔚  
兮山之巔瞻嶽靈兮望青天嶽巒岿兮磅礴無

垠攏從嶽勃兮寧一以為仁草木紛陸離兮人不  
可測鳥獸蕃而走集兮虞不能知因高錯事兮道  
此躋陞登岱勒成兮胡為而七十二齋余心兮不  
外高余冠兮甚偉顚芳杜兮為衣掇紫芝兮作佩  
栢質兮松華石體兮蘭英蕙肴陳芳玉案湛明冰  
兮清尊誠拳拳兮不解寐接神兮祝嘏有言嵩高  
峻極兮生甫與申周道將明兮宣以中興水旱不  
常兮蟲螟以災稼穡卒荒兮民生流離勞來安集  
兮之子之休祐此下民兮寧遺神羞

史南曰臣嘗過楊于謁朱昂祠父老談其遺蹟  
穆風外紀前卷五十五

五十

龔閱荆志弗詳也已錄真州志昂父葆光衡志  
止載數語已錄樹節紀及蒐宋史文苑傳乃見  
其所撰間情賦有陶然自得意若夫鮮于洗嶽  
神之詞則又取材于騷此焉爾矣贊曰維南有  
嶽惟嶽降神昂寓于斯挹秀含真洗宦于斯櫛  
翰揮文紫芝瑤草雲壑藏春高霞層石猿鶴卜  
隣

周必大

汪藻 楊萬里

周必大字子充管城人紹興二十年進士授徽州戶  
曹時郭果請移判南軍屯襄陽必大上言襄陽江

陵俱為要地於是留兵半之上諭以金還上京且分諸子出鎮若何必大言敵愾疑虛喝正恐我先動當鎮之以靜惟邊將不可不擇拜樞密使淳熙十四年二月拜右丞相詔以觀文殿大學士判潭州寓潭寄楊萬里牡丹詩云楊監金勝賀監家賜湖豈比賜書華回環自斷三三徑頃刻常開七七花門外有田聊伏膺望中無處不烟霞却慚下手非靡詰無畫無詩只謾誇後封益國卒贈太師謚曰文忠寧宗篆其碑曰忠文耆德之碑所著有平園集二百卷陸游叙其文曰天之降才不同而文

穆風外紀前卷五十五

五十一

人之才尤異將使之發冊作命陳謨奉議則必畀之以閑富淹貫溫厚爾雅之才而處之以帷幄密勿之地故其位與才常相稱然後其文足以紀非常之事明難喻之指藻飾治具風動天下書黃麻之詔鏤白玉之牒藏之金匱石室可謂盛矣若夫將使之闡道德之原發天地之秘放而及於鳥獸蟲魚草木之情則畀之雄渾卓犖窮幽極微遠遊窮處排擯用疎使之磨礪齟齬瀕於寒餓以大發其藏故其所賦之才與所居之地亦若造物有意於其間者雖不用於時而自足以傳後世此二者

造物豈真有意哉亦理之自然也益公自少壯時以進士博學宏詞試二科起家不數年歷太學三館予實定交於是時時固多豪雋不群之士然落筆立論傾動一座無敢嬰其鋒者惟公一人中雖暫斥而玉煙劍氣三秀之芝非窮山腐壤所能湮沒復出於時極文章禮樂之用絕亡獨立遂登相輔雖去視草之地而大詔令典特以屬公蓋造物非私公以富貴大官重任不極不久則無以盡公之才也公子之綸以省齋文彙者屬予為之序公在位久崇論宏議豐功偉績見於朝廷傳之夷狄

穆風外紀前卷五十五

五十二

者何可勝數予獨論其文者墓有碑史有傳非集序所當及也

汪藻字彥章其先婺人徙德興崇寧二年進士調婺州觀察推官紹興二年除龍圖閣知湖州逾年徙宣州言者論其嘗為蔡京王黼之客奪職居永州謝表曰辱愚冒寵久依日月之光盈滿延災省處雷霆之下蒙聖恩之寬大與善地以生全罪大心寒感深涕落伏念臣初無補道積有悔尤所當退養於罷廢乃復浸成於老諍忽聞威命適在窮途冒風雪以疾馳越江湖而除小宰既見旒之察難

逃鉞之誅蓋伏遇陛下剛健法天聰明稽古  
干戈不用再臻全盛之時刑賞何心一付至公之  
論在永州作柳宗元祠堂記有曰零陵去長安四  
千餘里而先生居之遂名聞天下先生為不幸可  
也而零陵獨非幸與零陵一泉石一草木經先生  
品題者莫不為後世所慕想見其風流而先生之  
文凡瓌奇絕特者皆居零陵所作予所謂幸不幸  
者豈不然哉又撰玩鷗亭記文載浮溪集其居永  
凡十八年詩云幽人獨夜時潮落西川根渡口櫓  
聲急一江烟雨昏城頭短長更不寐聽漁門跌坐  
穆風外紀前卷五十五

擾擾萬生趨死一軌百鍊之英有化無死巍巍昂  
昂命世之儒流傳海內公有遺書  
楊萬里字廷秀吉水人紹興二十四年進士初授贛  
州司戶調永州零陵丞時張浚謫永杜門謝客萬  
里三往不得見以書力請始見之浚勉以正心誠  
意之學萬里服其教廼名讀書之室曰誠齋浚入  
相薦之召為國子博士紹興二年陞寶謨閣學士  
其賦雪詩云在暎非真曉山明不覺遙儘寒無禁  
爽且落未湏銷體怯心仍愛顏衰酒強朝毛雖自  
堪戰寸鐵亦何消蠟梅詩云粟玉圓雕蓄金鈿細  
穆風外紀前卷五十五

森堅乃蹟其步還至水澣剝苔讀碑懷慨亦古倦然而坐夫釣磯之上喟然嘆曰惟彼中唐國已膏育疋馬北方僅保不亡觀其一過日殺三庶其人紀罔不歎矣夫曲江為篋中之羽雉孤為明堂之柱其邦經有靈矣夫冰蝗稅民之畝融堅推民之髓其天人之心罔不去矣夫雖微祿兕唐獨不失厥緒哉觀馬薊之感再淚士卒之欲心離殫尤物以脫僅卒造於巴西吁嗟乎危哉齊則失矣而楚亦未得也靈武之履九五何其亟也宜忠臣之痛心寄春秋之二三策雖然天下之事不易於處而穆風外紀前卷五十五

不難於議使夫謝奉策於高邑將稟命於西帝遣人欲以圖功犯衆怒以求濟天下之事果肯欣然為明皇而至死哉蓋天厭不可以復回人潰不可以復支何哥舒之百萬不如李郭千百之師雄而論之事不知矣且自大夫之指軀以一戰視夫獨夫一呼而敗績者又安知其不掉臂也耶古語有云投機會之間不容穩當是時退則七廟之墟矣進則百世之耻雪嗟肅宗處此其難為思而未得其計也已而舟之告行秋日已晏太息登舟水駛於箭回瞻兩峰江蒼茫而不見

史南曰臣誦周子充汪彥章文集乃見晚宋之氣類多綺靡蕭索殊乏渾厚和平及楊廷秀諸詞留滯鶯花夷猶魚藻豈世運人文相為盛衰者耶贊曰益公寓潭岸芷汀蘭荆門樹煖瀟湘竹寒龍圖寓永愚谷浯溪玩鷗作記隱豹摘詞誠齋豪士精于音律瀟灑襟懷吾誰與適

周紫芝

周紫芝字少隱居陵陽山南父覺嘗曰是子有聳而好吟其終窮乎兩以鄉貢赴禮部下第家貧併日而炊里人嗤之不顧嗜學益苦年六十一始以廷對第三人同學究出身歷右司員外郎出知興國軍為政簡靜不擾而事亦治秩滿奉祠歸入廬山終焉宋紹興間王琪知興國建十詠亭有詩撰勸農詩云星言出郊垌緩轡遵微途陂池湛新綠阡陌間上腴春色嚮婉婉農事日已起有司奉漢詔訓辭宣帝謨父老數十輩龍鍾白髮鬚扶杖前致辭謂當極勤劬曩也事格闕今皆反田廬農桑遂溫飽里胥絕征誅茲焉不少力是自貽瘠濯椒漿酌大斗起坐時歡呼有如一日蜡相期悅須臾慙慙頗自愧小信殊未孚倘非獲三登何以謝汝徒



同僚數君子妙略懷遠圖願言規逢暮共此豐茂  
娛又紀事詩云梅雪既掃地桃花微露紅風從北  
死來吹入茶塢中真香不可說玉色誰與同不知  
耐幾陽試此三昧功願茲富川者名高各雄雄四  
海一大地所至皆春風物固有不辛爾乃殊窮通  
此品不見稱白雲空蒙茸移栽雪堂下賴有黃岡  
翁來禽青李帖絕世無此工遂使桃花名遍滿江  
西東此老久不見真賞殊未逢只今調元手亂花  
爲誰濃堂今作館驛茶亦知何從樹固不足惜館  
驛行堂空

穆風外紀前

卷五十五

五十五

史南曰攷諸紫芝自叙蓋爲東坡種茶于興國  
別院也臣嘗訪之見銀山鐵壁四字巋然尚存  
但寧國志以紫芝詩爲秦檜稱賞後復遭毒手  
君子立身可弗慎哉贊曰上雋分寧下雋富川  
山谷往游東坡與旋紫芝何人逸興翛然一倡  
三嘆清廟朱絃

楚紀卷之五十五

楚紀卷之五十六

皇朝賜進士經筵官講修國史奉直大夫翰林院侍講學士臣廖道南謹撰

穆風外紀後篇

癸未

郊裡臣道南直史館謹擬傳玄五行體五章

皇帝神紀承乾迺御明光蘋絲幽恍協于上玄雷忽  
電歛星飛鈞陳耀魄太微含精蠖烈揚輝命彼五  
雲攸官相予都房紫壇宜機不吳呂般繭栗維純  
罔傷執綢履約璽裳上鑒泰清穆皇

右玄靈屬水六言

穆風外紀後

卷五十六

一

鳥紀皆龍乘震駟見辰驅僑狂馭離命戒勃皇樹  
金支戴主輿抗虹糴荔席張蘭帝列榮膏揚蹠夜  
明躡王宮迂幽崇百靈懷一德升萬葉開

右蒼精屬木三言

天門遙開帝座旁帝英壁球琳琅奏彼鳳律廣  
樂張上朔歸昌和固常叶此麟節清越長扶幼養  
綏悠呂揚芝盤筵脯薦威香黃翟白啓丹粟光昊  
天曰明曰我將千時保之歌樂康

右彤華屬火七言

於皇上帝來享哉

聖君迺乘瑤象續紛其若雲西奎東壁咸耀燭乾文  
奔晶燭夜浮景煬厥翰空桑孤竹育命皆雲翹紫  
鳳玄鵠朱爵羽脩脩翻雲吐受天神閔以宣泰逢  
陸吾陟降于后先錫我  
皇帝壽考萬斯年

右系額屬金九言

澤雲覆嶽游化風披蔽惟鬼鬼通天臺搖搖明月  
旗冰毳盡來王颺肱罔弗臣海蝶貢圖翔河精負  
符升嘉榮茂仁和延禧感孝思洛丞頌顯承虞頌  
歌時災

穆風外紀後

卷五十六

右黃儀屬土五言

甲申傳制封岷

天王展懿親 玉牒照輝煌經野畫封域圭組羅候  
王五爵列有周九族惇自唐載觀雲雷象綸綽頌  
明光迺命勲貴臣暨爾侍從良鳳詔降明府金冊  
紛披張廣樂喧鈞天令儀昭太常御憲下璫璫綬  
猶及群方猥予厠金馬載筆趁金牀龍圖星緯麗  
虎觀霞標翔含章矢有負祗懼恐莫當矧茲遠行  
役招搖指衡湘緬懷古忠烈敬誦四牡章

發京紀行八首

昧爽辭閭闔闔闔峻且玄僕夫夙命駕自彼廣  
天霜華被飛虬風勢搏文鳶玄冥時司令鳴鸞  
予前軒轅樹虹旌攝提抗星旃朝發郭隗臺暮宿  
荆軻原駟駟振遐軌蹇蹇懲獨賢興言奉明訓夙  
夜以周旋

天津

天津古雄鎮浩渺接東海陽侯盤蛟螭川后紛礮  
礮颺轉星橋厲潮生月輪彩鯨樓延矗矗具闕崇  
磊磊石華聚百珍珠英燦五珩開濤聲神禹推步  
綠章玄襟喉四輔地吞吐百川匯通賈集帆檣屯

穆風外紀後

卷五十六

三

丘森曹鎧甸宇遙相望形勝永不改落日泛仙舟  
棹歌喧欸乃愴然萬有虛憑誰問真宰

青縣

嘉月經海隅鮮颺轉京縣煙條落空翠水花淨江  
練邂逅即英朋綢繆篤良眷握手儵披雲流目莽  
奔電昔子使齊藩今予旋楚甸玉節星初邁金莖  
露猶泫顧為經年別感此同心戀漁梁石齒齒  
州沙片片仰眎河漢移俯察昆蟲變悠然有所思  
紛如淚成霰

滄洲

滄瀛列海甸盡舫遵河濱鯨池漏彩旭鶴圃翻彤  
雲翠嶼媚窈窕玄洲裊氤氲嗟予遠行役溘爾岐  
路分渚思滯留客汀望夷猶君將采澧沚蘭復萼  
辰溪芹觀風揚秘藻沿月敷華芬離群重懷友感  
別思論文談揮王衍塵書染羊欣裙玉署信久要  
金聲慰多聞

蓮窩

揚舠曉齊嶽沉壁辭燕川六鷁風栗烈雙蚪虹宛  
延沙鴛棲斷碣江鶴啄平田浮菰漾海月古樹抹  
墟煙引睇物情改嬰心歲華遷寒宵騎黯黯遊子

懷外紀後

卷五十六

四

苦纏綿風棲白虎觀重校青瑤編司馬紀石室揚  
雄閱草玄文心捺奇蹤道眼燭靈鑒焚犀對牛渚  
屠龍嘅鴈淵

德州

煙城俯澤國崇並金湯重天塹阻以修長營密相  
統晡時變維舟日氣圍黃雲海鷗驗自魯石鷁微  
同宋采風閱時艱滿聽輿人誦斯民既勞止公庭  
紛聚訟軍吏多索錢膏脂佐官俸緩急師旅興殫  
瘁弗可用矧聞通歲來敗衄日旋踵長謡寄司牧  
耿耿我心共

甲馬營

迴灣抱修渚云是甲馬營啓聖開宋祚虹光照玉  
衡時值五季厄海內森甲兵觀茲陳橋變遂躋鴻  
寶榮黃袍被王體紫雲幔瑶京顯命雖難忱造物  
有定名載觀靖康耻蒙塵五國城厓山颶風烈主  
后咸吞聲天道宜好還夷夏羗紛爭何異周家兒  
孤寡難為情

東平

粵從神禹聖濬川昉冀州碣石鎮瀛島嵯我鬱蛟  
蚪東原既底平百川皆東流海若鼓飛瀾川后時

懷外紀後

卷五十六

五

出遊世逸古道湮滄桑復誰謀胡元創運道鑿渠  
引龍湫移山奔鉅靈填海潛陽侯

皇明御天執百神翕懷柔潛輓聯巨艦不必勞車牛  
祇役泊茲土日久煙光浮津吏侯沙渚簫鼓下中  
流逖哉藉寵靈良士彌休休

闕里謁孔廟辭

繫大聖兮法坤象乾肇東魯兮星迴日旋祖堯舜  
兮道大同息宗文武兮法備允宣美崇祀兮萬代  
不爽仰清廟兮百禮無愆望東山兮見繹斯小拱  
北極兮象緯恒懸檜參天兮手澤猶在杏拂壇兮

心學攸傳歷金絲兮中和雍稊觀頊豆兮規矩六  
圓閣奎文兮御書飛白堂詩禮兮靈曹仍玄嘒麟  
紱兮五精降庭聞鳳韶兮九德鳴絃返魯衛兮斯  
文煥爛閱定哀兮吾道迤邐正九疇兮若水行地  
修六籍兮如日中天庇我人兮神一化兩垂今代  
兮

帝紀皇編瞻寵徒兮泰岱嵯峨鬱滃洸兮洸泗縣  
佇冕旒兮宮牆富美曳環珮兮闕里高堅

謁孔林辭

出自北門兮遵龍城登彼玄丘兮愴

棲鳳外紀後

卷五十六

六

聖靈石獸負鼎兮林窈窕翁仲類顏兮巖崢嶸洸水  
前橋兮後泗濱徂徠近障兮遠禪雲松檜粉楷兮  
卉葳蕤蕙蘭蓀約兮芳績紛鯉昭伋穆兮古塚景  
回琴點瑟兮幽泉鳴紫芝輪囷兮產雲壇白兔皎  
麗兮炫星文防山東峙兮高嶙峋尼丘南望兮鬱  
氤氲輦路盤桓兮碧蘚合蹕亭屹屹兮朱雲生繁  
嘒兼象兮呈龍馬奈何遭運兮悲麒麟皇旻弗愍  
兮日月暝大道不朽兮乾坤成猥予小子兮仰駿  
烈肇自有生兮被鴻仁徘徊賜廬兮步逡巡摩挲  
魯碣兮涕泗零興懷罔極兮白首獨立兮

青山春

謁顏廟辭

相彼曲阜城崔嵬矣陋巷逶迤顏心齋矣維賢希  
孔苦其卓矣簞瓢奚憂維其樂矣四勿請事仁在  
中矣終日如愚啓聖衷矣龍德而隱黃純潛矣不  
遠無悔道斯筌矣於乎子淵今而已矣萬世如在  
聖終始矣

鄒嶧謁孟廟辭

遵嶧山之岬岬造孟里之紫紵觀宮庭而展謁肅  
對越以奔趨薦脯藻其祇若睹光烈而長吁粵夫

棲鳳外紀後

卷五十六

七

子之夙殖崇賢母之良圖受正學于邾國為亞聖  
之大儒步授經之都壇藹仁義之玄符養靈修之  
弗作徒誦法乎遺書睇廼廊之閒寂覽豐碑于鄒  
邾儼靈陰其光霽長仰止而踟躕

望泰山二章

岱宗高巖挺群峯凌紫宮日觀影扶桑月嶂煙朦  
朧飛泉走其下宛然雙白龍上有玉女池銀河瀉  
長虹玉女散天花萬朵青芙蓉僊人王子喬絳節  
朝上宮遺我金檢書期我道相從我欲從之游雲  
路險且重何當謝塵鞅唏髮咸池東

咸池有僊國乃在帝座旁紫虛懸王榜絳闕輝琳  
瑯曲瓊掛綺疏掩靄靄星潢祥煙裊叢林歲垂花  
樹香安期與韓衆雙騎丹鳳凰采采金光草和彼  
紫霞漿朝翔天門開夕息帝女桑俯視濁世士奔  
走駒隙光願言凌飛濤遨遊東海洋<sub>其二</sub>

咏日觀

元化無停機陽明自周始纖纖殘月沒炯炯曙星  
起宿霧沉江干朝霞覆壇時羊脾徵東夷鵲首占  
內史乾象涵真精人文煥新美扶英散歲蕤若華  
紛旖旎河伯乘玄鯨山祗駕蒼兕潭影驕蛟螭林  
光寵蘭芷重輪羨彤雲疊玦瞻黃珥豐部匪所宜  
離烜乃其理赤手扶羲輪丹心貫天紀願為雙飛  
虬乘雲駕千里

泗亭

豐沛肇赤祚泗亭揚紫氛斷蛇厲魃氣逐鹿駭龍  
文統天荷鴻寶啓運凌青旻三傑遭直主四皓定  
儲君白馬屈奇策黃河帶洪勲如何百世后儻為  
三國分孽后牝鷄喔奸雄國狗狎天步悲艱難人  
禍嗟續紛揭來謁寢廟悵往遵河濱野草搖淒風  
古木也陰雲顧瞻芒碭山佳氣猶氤氲浩浩大風

歌天際流古音

獲麟渡

偶入嘉祥境來過利涉津東家歌鳳鳥西狩泣麒麟  
麟道大超今古文成契鬼神真圖河馬列洪範洛  
龜陳千聖無殊軌三才共此身泗濱深湏洞尼嶽  
聳嶙峋未辨顏淵練空懸原憲鶉春秋慨絕筆天  
地仰書紳

彭城行

我聞彭城天下奇山勢綿眇川淪漪山川不改物  
華變星流騰遊浮雲馳憶從中原逐秦鹿未麾黃

後漢書

卷五十六

九

鉞紛如簇芒碭英雄斬白蛇函關帝子辭黃屋鴻  
門王斗何參差鎬池尺壁山鬼貽軍中四面楚歌  
發拔劍起舞啼虞姬項廢劉興幾千載新祠故壘  
依然在雲鳥猶能認赤旗風鳥不定搖蒼靄可憐  
遊子賦瑤華江上乘舟日久佳戲馬臺空寒舊雨  
雲龍山杳宿纖霞我來為訪蘇翁蹟蘇墨亭孤水  
花碧城上黃樓缺月橫江心赤石迴濤逆誰復同  
遊百步洪僊家雙鶴已凌空停杯且問沙邊鳥來  
往何心紫翠中

萃墨亭

神殿蕭瑟天怒號木葉盡脫山亡毛我時駕舸遵  
江臯呂梁流沫石齒齒彭城迤邐千峯起穹鼎顚  
氣團煙熬萬項驚濤百步洪河精川后追豐隆海  
童冥嘯陽侯訖時臨春漲沒厓汴泗交流儻滲  
瀉煙帆霧舶羗如脫淵澄瀕洞馮夷宮明珠朗照  
玻璃紅石華水碧紛玲瓏矯如萬馬自天下驂騑  
騷騷趨麟駕彤幢翠葆爭相射更擬群龍角海陽  
鯨鯢鱣鮪森玄黃蜃樓貝閣浮清光乾坤開闢自  
今古疏鑿功成肇神禹百川翕受奠徐土斷岸頽  
碑經幾年灘聲樹色石梁懸白鷗朱鴈相周旋有

亭中峙名萃墨飛閣凌空倚丹極碧壺玄圃開靈  
域自昔坡翁跨彩鸞星珥虹珮降霞端蘭房奎宇  
都紫壇月夜乘舟披素練幽靈湧躍波如霰洞簫  
陰竹雲門轉邇者懷賢發浩歌北斗橫指天心河  
仰梯烏鵲俯龜鼉水部僊郎何遜揮觴擊楫多  
乘興珠璣灑灑落增形勝百年斯會憶斯亭自有文  
章煥日星何用鐫刻磨崖銘

呂梁行

我聞呂梁懸水三十仞龍門砥柱爭雄長天吳夜  
嘯白浦前海鶴冥翔赤霄上驚濤滅雪星月昏濁

浪乘風雷電奔石英水珠互稠疊長嶺巨蜃紛吐  
吞初如崑陽英英驅虎象金戈鐵戟森相向萬馬  
齊驅矢石交六軍共憤旌旄颺淮水湯湯訖風鶴  
草妖木怪咸駭愕降兵十萬伏晉庭壯士三千擣  
秦郭繼如秦皇採藥赴東海瑤蕤翠葆生光彩伏  
弩如林射老鯨宛虹若帶盤修蛸漢王享祀下甘  
泉月將雲君五時邊雷鼓喧闐振大地鳳韶縹緲  
流鈞天終如荆軻伏劍辭易水日暮蕭蕭朔風起  
漸離擊筑秋霜白燕丹飲泣寒雲紫師曠鳴絃古  
木秋悲臺哀壑陰岩幽天神下格駕鸞鶴水若仰

戲馬臺用謝宣遠韻

紫山盤國鎮玄枵轉天宮水落艤石險林虛嶺巖  
叢粵昔秉雄烈肆今流英鴻結陣鳥章旆倚劍龍  
文穹逐鹿函谷關戲馬彭城東跡邈露零草響  
風鳴桐霸氣日消歇天道時靡窮劉裕弗慎始  
靜安保終慨詠宣遠章歲運悲轉蓬

淮陰行

淮河之水天地浮淮陰之祠星漢流雲中赤幟不  
復見寒霄鼓角荒城樓將壇昔抱雙虹紫將軍叱  
咤風雷起平齊破趙定三秦十萬降兵隴頭水雲  
夢江臯野色連漢王出遊龍蘇縣高鳥已盡狡兇  
死淮陰之辭真可憐自古功成造物忌丹書鐵券  
翻為崇秦亭鐫鏤吳鵠死豈獨陳平有奇計漢家  
宗社幾千秋漂母祠邊棲白鷗英雄吊古空遺恨  
落日荒涼蘆荻洲

桃源

江霞冠遙天石瀨亘修壩日月旋居諸嗟此歲華

稷風外紀後

卷五十六

十二

晚逢岑渺蒼蒼明河燭耿耿廣陵空慕嵇窮途謾  
悲阮何如山中入朋儔相繼繼竹君種萬箇蘭孫  
執九畹出入遡風整陟降步雲歔悷冥葆元蘇靈  
修紛偃蹇浮雲薄萬物遁世不復返

邦溝贈張侍御佩玉

邦溝月夕天如水玄林碧岫凝煙紫繡斧寒衝九  
曲來蘭橈暮向三河止憶從挾策度燕川翠葆彤  
綬統御庭鵲盈班玉笄麒麟最賜金蓮我  
携彤管承明地君簪白筆勤封事維扇朝翻桂旭  
紅鸞雄蒼颯楓嵐翠君尋持節按淮揚我復乘槎

使楚邦六鷁風搖山嶽勢雙螭虹照日星光江都  
舊是隋皇宅大業空令感今昔結綺樓孤錦樹香  
臨春閣迴環花碧可憐韶景變滄桑宮觀荒蕪下  
夕陽穀霧珠屏虛翡翠綺霞琳殿鎖鴛鴦凌波仙  
子今何許擬坦幽人棹沙浦狎鶴時瞻湖面雲盟  
鷗共對波心雨文山祠畔白煙流董傳堂前清夜  
遊轉託霜飛桓典馬應占星聚李膺丹

鍾陵贈許司成元明

鍾陵紫翠千瑤空靈光灝景層蒼葱千峰岩峩結  
虎鳳萬仞巖紫盤蚪龍俯視長江下天際銀河倒

稷風外紀後

卷五十六

十三

瀉雲雲勢二水渾吞朱雀航三山半擁青螺髻憶  
從開國宇丹陽晉祚吳基盡可傷白虎門前秋樹  
碧青龍巖畔晚煙蒼巖遊霆飛歲華宴星珠月璧  
紛璀璨廣莫寒生紫極宮延禧書啓玄風觀江山  
如舊對新亭鶴渚鳬汀空杳冥霸圖消歇幾千古  
王氣宮隆協萬靈

高皇景運開天地山祗水若爭呈瑞南征叛孽洗罪  
靈壯逐胡元掃祲彗鷄籠山下建翼宮傑構雋巍  
廟貌崇棧樸菁莪沾化育鹿鳴魚藻慶登庸君才  
十倍追韓愈蚤歲飛騰選天府揮藻詞林肅羽儀



揚靈朝宇堪台輔君今贊命司成均桃李橋門入  
化鈞六德敬敷周代典五更還陋漢儒紳幸逢  
天子真堯舜乾德乘離明出晉道帷崇文重老成禮  
羅號召招賢俊於乎允矣慎所思天命孔赫日在  
茲青陽受謝白日暮尊經閣下文宣祠

采石吊李白二首

古月墮寒江白龍不敢食半夜海潮生清輝照山  
色山色潮聲奈爾何采石江上空煙波煙波漲天  
碧樹老李白騎鯨入蓬島蓬島僊翁玉帝旁方瞳  
雲髮鬚眉蒼問白何事來太晚無乃人間太劇狂

穆風外紀後

卷五十六

十四

次二

赤葉下江波松濤泉綠蘿懸思李供奉嘯傲金鑾  
坡鑾坡供奉是何年天寶君王御綺筵召對瑤牀  
飛麗藻鳳簫驚瑟奏鈞天鈞天樂極翻愁切飛上  
匡廬峯頂雪遍尋五嶽訪丹丘浩歌明月珊瑚鈎  
過彭澤登小孤山因憶兒時撰孤山賦歌曰君  
不見小孤山崆峒嶠嶠岵嶠岵嶠孤莫攀上有紫  
英碧精黃穀青鵲仙妃窈窕雙玉環下有天琛王  
珖石蛙上肉江靈湧金波鸞鵲犀不敢燭沉璧  
莫能干滴湟忽決成淵濶漫漶滄浪神龍蟠茂

昔揚帆午夜天風蓬勃凌飛湍朗曜霄懸水晶宮  
闕千琅玕淵客獨持瑪瑙盞海童潛送玻璃盤我  
醉却之和舳吹簫歌舞五色雲中鸞我今遺珙下  
江關彭郎隨我翩翩生羽翰問我幾日離長安我  
云長安天闕絳霞端聖神垂拱文熙武穆樂且歡  
爾曹司神江游母使波翻瀾波翻瀾賴有砥柱翁  
且安君不見小孤山

九江謁濂溪書院

大道自縣眇斯文嘅式微群言淆聖緒吾黨將疇  
依夫子振南楚奎緯揚光輝月岩玩石險三五符

穆風外紀後

卷五十六

十五

元機常編究義孔太極洞真知規圖表象數探賸  
搜幽竒靈源濬伊洛萬理同旨歸卓哉紹遐軌仰  
止心吾師

蘄州懷二程夫子

蘄郡接黃陂兩賢昔所止濂溪啓心學悟言契神  
理風月涵光霽大化自周始伯子述定性宣幽發  
玄緒叔子註易象萬殊貫倫紀白日照群陰流光  
下濛汜夙子希哲賢志在佳山水遐踪不可即佇  
立淚如雨

黃州謁蘇文忠祠

歲闌逢兮涪灘遭吾道兮江干遵黃墟兮浩淼  
鳧舟兮盤桓越靈祠兮擊鼓薦蕩藻兮焚蘭悲伊  
人兮不作志坎慄兮多艱抗危言兮逢紛履險機  
兮罹讒屈鳳鳥兮鷄鳴詆麒麟兮驅豺獫玕珎兮  
瓦礫踐之英兮草菅據蕢藜兮困石將孰往兮奚  
安嘯赤漚兮摘藻弄浦月兮潏潏駕一蓑兮凌濤  
俯江閣兮觀瀾濤予來兮歲莫木葉下兮驚湍仰  
遺容兮若在鬱悵恨兮空山

武昌登黃鶴樓

有樓屈律兮江之陽檜楫芝榜兮星河光穹窿類

穆風外紀後

卷五十六

十六

顏掛飛蜺兮絡天梁綺疏朱綴兮敞都房鵠山龍  
從以連璫兮大別對峙崕崕嶺而環障江漢沉  
澧沱潛洞湘走其下兮風霆怒號而燭張噫吁嘻  
黃鶴來翔兮歲云暮吾欲高駝而軒翥兮天之路  
招禍衡于鸚鵡兮歌桂樹桂枝繚兮鈿璫明河  
燭端兮牛女綢繆仙人不來忉忉倅兮憾彌留噫  
呼嘻黃鶴欲去兮奈爾樓

至蒲圻

玄冬歲莫日月除燦燦景緯流層虛我行朝泛雲  
夢渚夕憇蒲山新雨餘嚴親敞庭軒慈親下輶車

六載阻曠今何如亦既邁止髮俱白且泣且嘆還  
歡娛歡娛值除夕兒奉

天書金玉冊况兼紫詰盤雙龍膚藻仙葩照輝與父  
增舊秩服白鵲母荷新恩冠翠翟兒前稽首戲班  
衣滿堂懽喜羅賓客燕喜宛轉歌松風吹綠蘿白  
石雲開金紫色晚塘簇簇生金波金波蕩明月皎  
皎清光發家兄起舞舞稱壽觴群弟絡澤交相將山  
穀野藪盛瓦缶禮數朴畧真情長吁嗟人生乃有  
此至樂無如叙倫理君不見薛家有三鳳荀氏稱  
八龍月征日邁各弩力芳名奕葉垂無窮

穆風外紀後

卷五十六

十七

南山謁冲虛叔祖時季九泰

嚴冬草木萎霽霰集庭隅晨興事祇謁言詣南山  
廬吁嗟我叔祖晚節堅桑榆慕道訪僊侶洞府觀  
真符玄關抱龍虎丹藥烹鼎爐嬰兒與姪女上下  
黃庭區縣縣用不勤希夷葆元圖芻狗視天地萬  
有皆虛無再拜扣玄牝云爾胡爲乎三問終不答  
朗月松門孤

玉衡篇贈西山先生

玉衡轉王正瑤樞貫天紀萬物潛蓂莢三精煥星  
緯灩灩湛露晞冉冉需雲起良會邁嘉朋華宴招

蕭史蒸燈燭房蓮漏轉亂水捲幔紫弱絲絃不  
采芳芷構開北海清軒納西山紫曹劉夙並駕屈  
賈今同疊矯跡美吳彥結情偕帝里龍池散日華  
麟閣聯霞綺修姱期允終邁種自茲始

芙蓉山謁曾祖萼川府君墓

芙蓉列奇秀宛在水中央中央中峯如荷蓋後峯如蓮  
房前峯獨峻極曉霽千青蒼雲林竹樹密上有鶴  
鶴翔迴潭翳菰藻下有蛟龍藏我來乘小舫躬謁  
松楸旁再拜展遐思白茅籍桂漿明馨非黍稷所  
貴誠我將山神忽揖我羅衣薜荔裳須臾作人語

穆風外紀後

卷五十六

十八

椰榆煙水鄉靈風起巖籟淚下增悽傷

小羅謁竹產學正祖墓

竹崖肇茲業開創承光麻弱冠游虞庠鴻名薦楚  
丘釋褐領官聯數教于嘉州蠶虎緬遺化絃誦洋  
誦謳一裘三十年歸伴湖中鷗芙蓉懷慕景詩篇  
手澤留往者遭家難里閭構仇讐牛羊踐隴隧斧  
斤伐新標悲予多苦心幸執志已酬我疆復我宇  
享祀舒深憂告爾後來裔千載保箕裘

晚宿湯塘望金紫山

日月歲云改山塘對金紫金紫何岩荒突兀煙霄

起或如登崑崙玄圃連霞綺或如面太華龍首接  
熊耳或如嵩降神巨靈崇列施或如泰岱宗東望  
滄瀛水或如猿狖巢或卧如虎兕或馴如群羊儼  
俟如鹿豕懸石如瓊花千朵金精蕊飛泉如瀑練  
萬丈銀河駛風光變日夕態狀弗可擬永恆靜者  
心即之悟玄理今夕復何夕造化自終始土鼓歌  
幽風聊以暢幽旨

乙酉正月自蒲圻之武岡

羲馭轉東陸輜軒發南紀揮涕辭密親含悽出故  
里緣巖風樹碧導渚煙花紫蘿洞啼春猿麥壠雉

穆風外紀後

卷五十六

十九

朝雉諸朋羅祖餞羣弟具伊邇池草繁萍梗山萼  
媚桑梓英英石上雲淙淙澗中水四牡爰周詢萬  
里自茲始

燕會岳陽樓用顏延年韻

繫予錫嘉名自幼好奇服興懷慨驚熊馳情追力  
牧改歲辭朔易茲晨赴南陸崇樓俯江陰傑構屯  
雲複張樂臨夢野開進敞靈囿鉅浸日月瞋層濤  
天地澳飛雨洗塵氛奔景蕩心目淵龍儼隱見沙  
鳥時迴復恍疑玉華宮良覲金峨淑贖我屈子蘭  
報之湘妃竹

再用前韻

荆土析允壤巴湖奠禹服名勝籍英流創造需賢  
收樓殿枕岷湘舟車集河陸梯虹飛閣迥蔽日重  
簷複江華燦石瀨山果炫林園維茲君山險俯瞰  
水心湧金碧凌日觀紫翠疑天目風帆離忽合星  
輶往乃復雅會續登臨麗景值清淑擬向釣天野  
共聽雲門竹

嶽麓書院次王陽明韻

嶽麓障星沙形勝宛綢繆遠祖祝融峯近挹羅江  
流山窅風氣古谿回煙景幽哲人炳先覺法象時

稷風外紀後

卷五十六

二十

自修結構層雲坡群賢集來游朝謁煙羅洞暮采  
杜若洲聞道苦不早撫膺懷深憂願言同心友結  
髮為好仇永為山靈主日夕事討求其

旃蒙初獻歲壯駕趨南來仰止嶽麓地山川助幽  
懷白雲抱巖石繾綣仍徘徊昔賢有遺址蒼翠封  
苔階欲往從之游眷言携同儕春風鼓林籟百鳥  
時與諧即此悟玄理造物吾相借顧彼僂巧輩奔  
走紛塵埃曷若山中人厥德永不回

衡嶽次韓退之韻

萬形壖蹟緣天公五嶽萃律千雲中維南有衡當

軫宿赤帝燭烈神威雄竭來祗若

天子命三湘九疑靡不窮迴車弭節謁祠下羽旗獵  
獵生靈風齋心露禱向虛闕幽明精氣相流通昧  
爽梯虹躡萬仞陰霾盡掃披玄空芙蓉華蓋突天  
柱曙旭皎皎扶桑融石困石廩間岵嶠上封絕頂  
隣紫宮群卉葳蕤百香發飄黃墜翠揚猩紅須臾  
柱杖度石險鑑泉湏沍澄予衷僊橋嶠架危壑  
窺竒探幽俯厥躬雷池風洞歛忽見取日望月東  
西同玉砂金簡世所寶天書雲篆覽莫終于時霽  
雨太虛碧層巒疊嶂爭呈功巖陰瀑寒晚岑寂聖

稷風外紀後

卷五十六

二十一

東

燈神炬光真勝登茲已足小宇宙何必蓬萊東海

衡陽貽宗人正价正僑廷瑯廷斌

衡陽奠南鎮祝融啓土壘禪通紀世運廣壽開禎  
祥登岡聽鳴鳥屬續調樂章混濛號赤帝離垣燭  
輝光厥後為火正命官自陶唐鬱攸曠歲代疇  
志其詳我祖自皇宋托跡僑此邦雲仍肆蕃茂  
衍萼溪鄉新城沿水口石鼓當嶽旁萬峰趨岫  
二水帶蒸湘留晚增慨嘆千古遙相望

乙酉冊岷于武岡

客行武岡道阻糾且盤下山墜深谷上山摩雲  
端羊腸肆詰屈鳥路窮躋攀瘴霧黯以陰咫尺迷  
容顏蠻獠時出沒稱戈敵乃干殺人滿川洩往者  
不復還我時奉簡書旌旄拂河關村墟聲荒落匪  
惻摧心肝豈不念同胞畏此行路難其

武岡古勝域山川蟠扶輿雲山當軫宿象緯華清  
虛同保從此來陵阜何縈紆交河夾中洲草樹紛  
扶疎西瞻楓門嶺東望南山隅中有宗藩宮曲璫  
照綺䟽時維邁險難回祿蕩無餘王孫棲草茨離  
落種豈蔬頽言保儉德夙夜永終譽其

猗風外紀後

卷五十六

二十一

雲山七十一峯頂建窺閣云是侯生廬飛甍薄濤  
廓春風熙百物桃李揚丹萼流泉出石罅上有不  
死藥蝙蝠穴洞官石乳瘦如削虎豹畫啞人蛇虺  
張齒齧行者不敢躋邦人咸錯愕我欲覓奇蹤泥  
深沒乘屨感此三嘆息庭樹叫靈鵲其

寶方有僊洞洞有芙蓉巖朝陽與迎陽靈寶鬱嶽  
嵌篝燈俯躬入羽客開琅函天書不可識蚴蜥龍  
文剗宛轉叩瑤宮金碧石上龕黝聖間丹牖蘭房  
敞朱簾石床列棋局翠蔓垂盤髮神飈發虛磬雅  
韻何泚泚冥蹤杳弗即長嘯空巉岵其

丙戌元宵同館燕會于詞林得鐵字

桂闕肇新運堂階轉佳節春雲被玉城海月鑒瑤  
闌詞垣滯芳景仙署集英哲芝火燭丹牖蘭香焚  
絳屑九衢迷敷耀四照扶桑秘鳳吹喧縹緲鼇山  
千嶽辟光回五星聚氣逐雙虹結揮絃金軫緩傳  
竿瓊筵列遠心探絲眇幽歌發清絕九德期亮采  
六儀懋芬烈蒼虬咽蓮漏白駒奔駟鐵日邁凌飛  
軌時新追往轍念爾寢素坦嗟予草玄拙懋修自  
茲始豐名永無缺

丁亥廣寒殿偕太史張龍湖登覽分得歲字

猗風外紀前

卷五十六

二十三

金門啓閭闔寶境瞻佳麗炎雲修苒苒遲景澹光  
霽偕我承明友躋彼廣寒砌縱構栖華星璇題納  
飛霓登梯俯赤欄坐石依玄礪池吟太液蓮林嘯  
瑤池桂花寵屬蕭妃開創緣遼世便殿薰椒蘭都  
房掛蘿薛天迴象緯森地僻烟靄翳雕文剗綺䟽  
藻井虛丹綴大運轉陽嘉雄圖屏陰沴重開聖域  
靈永鑒夷風弊衢室稂駿觀明堂敞鴻制休命協  
昌符祥徵掃妖孽頌祝

聖明皇壽考萬千歲

戊子應制孟春享廟十章

於赫我

皇祖典則貽厥親天地昭法象日月懸宮宸綏猷啓

昌祚翊運資名臣風雲感奇會草木嘉舒伸大哉

克德廣至哉舜孝純禮樂定人極仁義本君身霜

嶠及氷嶠坤寶偕乾珍永歌

聖神烈允殖我兆民其二

文廟履鴻運大義能正親昭德納羣軌基命臨穹宸

光華結龍緯武烈揚虎臣明明

聖謨顯赫赫

皇靈伸坤元直方大乾元粹精純天人本同道感通

稷風外紀前

卷五十六

二十四

由茲身日星珠璧祥河洛圖書珍穆穆流風遠休

澤被蒸民其二

仁廟御璿極時庸展宗親金書啓蘭室寶鑑懸楓宸

陟庭詔

烈祖虛席徵賢臣值茲儒道泰貴彼人文仲日躋殷

湯敬天監姬文純協德期興化迪善思檢身緬聞

鳳鳥章重比龍馬珍賡歌發霄漢解阜遍虞民其三

宣廟崇經術瑤編時自親天章麗紫閣樞緯華丹宸

于時三楊輔成有一德臣遇巷情彌堅納牖忠屢

伸氣調鼎鼎和

命渙絲綸純萬物備於我百度

貞諸身景星天兆瑞醴泉地出珍邈焉思聖澤皇

矣福吾民四

英廟何神武庶政咸躬親時幾警丹宸夕惕勤紫

宸敷求古彝訓咨訪諸耆臣迂休眷乃篤宣憤鬱

能伸文昭奎璧華德範金錫純雄謨謁宇宙大訓

箴心身允為傳國寶豈帝希世珍皇皇大雅篇顯

顯宜人民五其於皇

憲廟聖上配皇天親雲漢流耿光昭回帝座宸聲

教被海隅率土皆王臣陽長陰珍消萬象昭以伸

神寓仰至德徽號獨稱純豐水歌有芭貽謀自

稷風外紀後

卷五十六

二十五

厥身嘉言信孔彰永為萬世珍

神孫紹天統皇極錫萬民六

孝廟真仁聖敦睦天潢親至治通神明聲聞紫宮宸

勤政訪大道敏學崇儒臣惇大乃成裕湮鬱罔弗

伸穆穆

聖德熙平平王道純中國猶一家四海為一身山祗

獻嶽符川若貢河珍鴻恩十八載至今猶在民七

武廟帝元嗣承祧本懿親委裘纂曆數明命赫臨宸

乃當統御初尚有顧命臣

皇武萬邦肅雄圖一朝伸維天惟

祖宗申錫福蝦純遺

龍飛江漢甸河清兆嘉珍恭默紹殷宗永懷嘉靖民

神聖肇人極光隆

祖禰親備禮崇王

肅周臣祀典昭

見龍文純勳華祿四表中和見一身慶雲風兆瑞

前星符耀珍永綏元履泰茂育元元民

於穆吾

皇孝仁懷萬國親重華起鴻運麗正凝龍宸三綱首

父子一德咸君臣道原天紀立化由神理伸騰

燦乾綿雲藻摘坤珍丕昭

元后休惟以左右民

郊禋應制恭和四章

齋居玉堂暇朋盍金蘭親秉珪竭丹悃鳴琚謁紫

宸明明仰

元后濟濟蹕詞臣百禮肅已洽羣衷亮能伸鳳儀輝

散構龍藻麗黃純緬思古髦士思永慎修身用為

天下寶聘有席上珍後樂熙

帝載先覺師天民

猗與南郊祀皇矣

上帝親燔柴蒞泰時鈞奏聞高宸降陟奉明監左右

趨膚臣肅肅精裡諸疊疊寅恭伸馨香儼昭格蒞

藻登精純勇智惟懋德仁孝乃誠身

園丘紹姬典汾陰陋漢珍登歌美

元聖作頌嬋生民

嘉月王春轉肇祀

聖躬親金支樹桂闕王輅旋楓宸周遭虎旅士環列

鵷行臣詔鳴朱鳳翔旂引蒼龍伸錫嘏王敬作

受釐帝命純車書

聖人統禮樂君子身天球固所寶翠黃奚足珍昭茲

頌我后允矣福斯民

禮成天地交燕會上下親風雲護紫極台斗麗丹

宸千羽萬舞列共球四夷臣陽和對茂煦物采昭

舒伸祥開泰階潤樂翕雲門純矧逢唐虞

主自許稷契身願酌四時氣均調九鼎珍愛

君如愛父養賢以養民

中元謁陵敬用

長獻景裕茂泰康為頌



長陵

西山挺奇秀開創綠

文皇地接玉京閼源分銀漢長星辰鑒寶閣霜露泣

雍林肅肅石闕暮冷冷松門涼象犀踞輦路龍虎

盤陵岡萬年鬱佳氣皇圖肇北印

獻陵

仁聖昔升遐橋山空抱恨鼎成龍馭杳弓墮烏號怨

飈生白楊樹月掛女蘿蔓山鬼儵柳榆祠官時緹

縑衣冠走百辟玉帛勤三獻岵嶢金粟岡邈迴增

憤懣

穆風外紀後

卷五十六

千八

景陵

玄丘聳佳麗白日流光景玉露秋已肅金精夜猶

耿鳳翥瞻陽阿

龍輻惻陰井霜華萬木落月出千巖靜蘊藻貞芬苾

環珮空悽冷松壑聞幽泉潛然淚如綆

裕陵

英宗錫聖武遺烈尚華裕日月含光晶龍鸞儼飛翥

神宮接河漢哀壑生烟霧翁仲高肩頤靈修紛布

漢英英石上芝落落巖前對有鳥不敢栖天清下

白露

茂陵

憲皇御龍紀天表真神秀乾綱仰日新聖學勤時懋

世既躋熙明士咸惇渾厚星緯欽機槍雲氣掃雲

霄晨烟繞雉扇畫景延虹漏侍臣沐光寵穆穆頌

明后

恭陵

孝宗十八載天地嘉元會雨露豐世澤風雲感時泰

平臺召宰輔煖閣頒恩齊民隱軫咨諏官聯明殿

最至今尚繹思哀情動中外玉匣藏青山松蘿起

靈輓

穆風外紀後

卷五十六

千九

康陵

毅帝握鴻寶玄運穆以康南征靖炎海北狩平朔方

朝驅萬貔虎夕擒千犬羊神功奏寢廟廣燕開栢

梁群奸不敢肆獨斷秉其剛望望天壽山石勢萬

昂藏

應制慶成燕六十五韻

天門開紫極日馭轉青陽太乙儲神瑞鈞陳輦

聖祥真符迎北帝秘錄奉東皇獻歲辰樞幹迴春景

運長台階聯五緯斗柄酌三光懋德嘉堯舜齋

心契禹湯昊穹占魄寶后土協歸藏穆穆脩虔

肅明明東懿莊雲宮敬作所月殿禮為坊虛白凝  
中夜幽玄感上蒼犧牛曾夙戒鼯鼠罔能傷百辟  
勤初展千靈警肇將宛虹經電駕天馬驟星房王  
軟辭崇政瑤粧出建章鸞旌紛綺旒豹蕭簇輝煌  
象炳三垣內光騰九道旁楮麟圖勢壯白虎貌威  
強維沓驅魑魍參差走獍狂孔於翻格澤鉅繡趨  
當康變略金枝塢葳綏玉樹岡巍堂森赤鼎遂殿  
整纏裳綺構梯奎壁璇題架角亢蘭烟熏解珎芝  
火燭明璫秩典司宗伯洪規掌奉常九儀旋踞蹠  
百度儼踰躋溫栗陳蒼壁周旋奠赤璋丹忱輸溫

藻素質薦芬芳稟結全純朴陶匏信允臧雷鼓間  
孤竹靈瑟應空桑抗幕精英聚焚膏淑液香汾陰  
何足數鄜時靡相當錫寵天禧盛承休

帝祚昌駿奔緣有格鴻祉不須禳萃享同虞類明禋  
並夏嘗細輿迴兆域絳節指朝行突擁蛟蚪濯雄  
驂翹翹翔翠華園縹緲綵仗憂鏗鏘萬國懽聲動  
千官喜氣揚

龍顏瞻咫尺鳬履儵彷徨黻座團仙蓋金簾捲  
御牀曲江波浩渺瀛海霧茫洋虎拜趨枵拍鶴班拱  
柏梁華筵天上列豐燕日邊張冉冉需雲密濃濃

湛露灑上卿陪極闕元士布巖廊席對芙蓉浦觴  
臨桃李塲貂蟬懸貞冑組紱映銀潢禁醞傳長樂  
宮花剪未央氤氲玄圃氣沆瀣紫霞漿建脯羅中  
使芝盤捧上方九枝烘火樹百味罩珠囊舞雜天  
魔伎歌翻月媚福東夷通黠鳥北虜仰神羊玉女  
調三部金徒捕八琅鸛翹頻閃翠鶯管巧流黃曼  
衍忻成劇都盧喜弄吭軒輝詞苑密陞盾羽林郎  
飽德依瑤妃宣瑤倚玉堂靈風絳俯仰恩雨潤淋  
浪永受天心眷恒操

主德剛臯謨懲逸欲周雅戒愆忘保治宜通牖憂時  
恐後陞鹿革登俊彥魚藻慶明良後樂知無逸先  
災貴有防萬年神化理四海統乾綱  
十二月朔扈 駕視牲

法駕衝寒啓

皇儀拂曙征龍麟輝紫蓋豹尾炫朱英太乙從天降  
玄冥扈

帝行九華隨斗建萬炬列星明至止南郊肅來觀上  
界清犧人陳廣牡羽客駐華旌蘭栗園丘祀幽全  
泰時牲曲旋勞 玉體清問振金聲將享周王聖  
精禋夏后誠皇皇感天地靈靈切台衡

二十四日奉 命視牲

祇 命趨郊兆含恍出

帝闈懸燈燦星緯列騎擁雲屯月映宮袍色風清

御道塵昏黃聽鳧氏清白問犧人芻豢周旋闕堂基

次第巡太牢真碩脂明視信精純剛鬣無交睫系

毛悉易馴呦呦靈囿品濯濯恭壇裡玄牡商書載

駢剛容頌陳吾

皇本仁孝懋敬協臣隣

應制敬一亭落成恭和一章

聖皇建皇極宵旰臨朝堂敬哉協克一幾務咨明詳

續外紀後

卷五十六

卅二

懋學遜時敏游藝安能妨文謨暨武烈赫奕遙相

望垂裳穆化理萬邦仰元良小臣拜稽首永言思

不忘

玉皇閣同顧未齋登眺

仲夏辭北扉凌晨出東郭晴雲被層巒曙旭散叢

薄烟蘿隱石徑水竹淨虛落麥壠離山雉松巢叫

雲鶴爰訪金仙宮遂眺玉皇閣傑構紛玲瓏飛甍

映丹樓開筵羅廣圓傳筆奏鈞樂宛轉坐綠篠還

迴采紅藥心廣愜玄曠興幽窮縣逸憐予夙鄙野

習靜本丘壑伐木求友生和平敦久約

己丑元旦侍班殿內二首

聖主憂勤今八祀大廷朝賀肅千官星辰聯璧占黃

道天地回春發紫壇供奉每依玉仗趨陪此日

侍金鑾陳思不用歌元會漢策真須保治安其

天門日射彩雲開 仙仗傳呼翠輦來萬國冠裳

朝北極九霄星斗麗中台漢廷獨奏王褒頌唐苑

爭誇李白才誰復書雲成五色且將彤管向春裁

應制元夕燈詞五首

寶月臨黃道祥雲護紫宸萬年當令節五夜慶芳

辰火樹巫巫合銀花燦燦新吾

續外紀後

卷五十六

卅三

皇堯舜主歌頌溢臣鄰

次二

元春頌鳳紀嘉會集龍宮玉樹凌烟碧金蓮撒曙

紅光回山吐月慶協渚流虹擬獻昇平曲明昭錫

歲豐

次三

珠星懸北斗碧月轉中台魚鑰千門啓鼉燈萬樹

開烟花浮禁柳雪色映宮梅載和陽春調年年薦

壽杯

次四

翠華臨鳳島紫焰燭犀池河漢雙龍繞雲霓萬馬  
馳威明通上帝麗正炳南離辛際重光運還歌天  
保詩

次五

三陽司月令萬里架星橋龍閣黃金榜鸞鈞紫玉  
簫縹烟薰廣殿芝火燭層霄願秉如椽筆頻將紀  
盛朝

郊宿春宮送雪四首

肅肅青宮地洋洋白雪詞六花爭獻瑞三島倍呈  
奇霽轉瑤瑤月春生玉樹枝齋心自冥寂撫景獨

穆風外紀後

卷五十六

三十四

棲遲

次二

京颺起蕭瑟靈霰轉霏微裊裊迎仙仗盈盈集瑣  
闌清隨甘露降祥逐彩雲飛靜對詞林侶同瞻

帝德輝

次三

夙戒郊宮祀先清輦路塵萬靈如有意三白豈無  
神舞協虞廷鳳歌翻漢時麟明明逢景之極奉

嚴宸

次四

獻春依極闕對雲宿微垣院鶴凌風舞宮鴉拂曉  
翻祥光疑海嶽瑞氣霽乾坤早應前星祝均霑  
上帝恩

靈雲紀瑞十八首

今上憂民切興言禱歲豐引衍宣室殿傳詔大明  
宮兆未孚三白誠先戒百工皇皇天德協漠漠

聖懷中

右傳令

齋御文華殿

皇心本至仁謙虛含懿德恭默契穹神陽月占黃道  
英雲覆紫宸直追三代盛慈軫萬邦民

穆風外紀後

卷五十六

卅五

右齋宿

望月恒登殿今晨獨御門

淵衷令警惕玉語發清溫雲漢祈天雅桑林禱雨  
言仰瞻容戚戚真為憫元元

右避殿

側席辭溫室傳餐撤鼎鑪深憂無玉食

密諭有金聲六尚承休德三宮體至情膳夫思盡職  
猶恐未調羹

素輦下宸極丹楹啓廟坊一誠孚感格

列聖肅明將典禮陳宗伯儀章秩奉常敬趨龍尾道

親觀鳳安祥

右告廟

夙駕軫三農宵征禮六宗豹韜方建節鳧銑已鳴

鍾素蓋崇純朴玄衣秉懿恭駿奔羣祀地

詔許百官從

右發駕

嚴冬出朔甸子夜蒞南郊寶月隨

龍馭靈飈轉鳳旂陰幽天地合中漠鬼神交奔走迎

丹仗精明藉白茅

右屆郊

乘輿入紫壇降輦焚香闌宛轉

龍行緩周遭虎衛寒煌煌千炬列穆穆萬靈懽

聖主將明祀微臣敢獨安

右降輦

穆風外紀後

卷五十五

卅六

初獻徹幽玄精裡達上乾陶匏儀用質玉帛敬居

先薦鬯黃流潤焚蘭素幕懸保威周頌在惠迪禹

謨傳

右獻裸

六飛停紫蓋羣廟走玄英秩秩宣幽德魏魏奏

御名烟霏浮

玉輦星斗轉珠衡天聽聖明鑒

皇心肯載寧

右周祀

自咎先農重當朝祀孔虔勾芒為土正后稷乃民

天稼穡知無逸闕闕望有年

今皇紹

聖主典則誦遺編

太歲木之神周天下十二辰體元宣帝令出震象

皇仁祇祀沿先代敷時澤下民

聖仁多福德風動萬方春

右太歲

旋軫向仙都迴飈裊御爐內宣迎

玉輅入警肅金吾日暮烟雲合冬寒星月孤於昭天

不夜一德至誠孚

右旋駕

凜凜朔風起沉沉寒漏遲

聖王宜冢土天地合真知倏忽玄雲起飄零素雪墜

羣神從上帝感應若相期

右社稷

邇歲旱蝗災愁聞鴻鴈哀忽逢靈霰集真懽

穆風外紀後

卷五十六

卅七

聖懷開氣入長安柳光生上苑梅乾坤忻有道萬國

總春暉

右紀瑞

玄德上天歆同雲遍野陰瑤臺分月色玉樹變花

林巧入龍樓潤新添鳳沼深

君王不自滿長抱重農心

右志喜

宿雲凍不捲殘月曉猶團鵲觀降青女娥池翔白

鸞盈盈輝寶閣密密映雕欄軫念民衣薄翻愁

邊地寒

右紀論

春禱雨滂沱冬祈雪更多

兩宮同喜色萬國總謳歌西夜聯珠蕊東疇潤玉禾

詞臣逢勝事彤管紀鑾坡 右撰詞

十二月朔扈駕視牲

玄枵司月令繁蓋蒞

圜丘虎旅環千仗犧人候九旂泠泠寒霰積皜皜曙

星流夙戒羣牢品先詢大祀牛

大二

郊兆崇純牡

皇輿駕鐵驪肆師頻展閱王物歷周知降輦

龍行緩登牢鵞序隨

君心本仁孝敬誦我將詩

穆風外紀後

卷五十六

廿八

二十二日奉命視牲二首

邇年祇歲事今夕復宵征禮載春驛爾詩歌夏禩

衡令嚴麗鼠沒颶肅虎貌迎寒漏還留鑰昏鍾忽

送聲

次二

凌寒旋雉觀待旦候龍旂靄靄祥烟密盈盈瑞雪

飛樞衣超禁掖絨䟽違宮闈拜重華表

龍華五色衣

敬一亭落成錫燕五十五韻

於穆吾

皇盛重開景運昌日星昭氣象宇宙發禎祥建極超

千古聖衣御八荒憲天崇敬畏法祖戒愆忘

惇典隆三禮明倫重五常淵思恒定靜睿學倍輝

光峻烈同堯舜淵猷契禹湯馬圖時展閱龜範日

披張象準雲雷運文成河漢章寶謨真炫麗宸藻

忽飛揚碧海龍鱗潤丹霄鳳彩翔五箴親衍繹一

敬秉齊莊有奕詞垣地緣為翰墨場瑤林深茂密

金水浩茫洋彷彿蓬壺島崑崙閭苑岡掄材收杞

梓抱璞振瓊琅蕙圃瓊葩燦蘭皋錦樹芳載瞻輪

奐美快觀禮儀踰傑構團奎壁雄規架角亢棟隆

穆風外紀後

卷五十六

卅九

聖有永盤固鎮無疆蔽悅迎朝旭璇題耀夕潢弭

彤環濟楚塗釁熒熒煌煌况值黃花節同升白玉堂

三孤來禁掖八座散朝行緩逐星辰履幽棲烟霧

鄉英流聯史局寮案集官坊樽俎羅鰲砌簪纓對

鶴觴鳴簧發陰竹調瑟引空桑舞雩呈新伎歌翻

聽浩倡賜疑承露掌權劇秦霓裳靜愛笑容沼清

憐薛荔牆百年嘉會合今日宛相將憶昔留高躅

何人迥可當漢庭金馬客唐室紫微郎東觀連宮

闕西崑倚殿廊玉繩低戶闥鈴索繞門廂有宋登

髦俊吾儒展靖匡御書頒煥赫天寵沐淋浪夜直

金華省朝焚寶篆香起居應有注經濟豈無方

高祖兼三代文章冠百王論思需保傳歌詠感明良  
龍馬來西域瓊表欵朔方天心符瑞應地軸貢珍  
藏

列聖窮經術英威攬政綱允恭明四月寅亮賴三楊  
每召遊蓮液時從宴栢梁憂勤陳蟋蟀宛轉賦  
鴛鴦紫葉基鴻祚羣賢負駿龐曳裾班王笋載筆  
侍金牀今也逢

真主欽哉喜贊襄臣躬湏蹇節

君德在乾剛姬訓遵無逸臯謨貴有防昌言播今古

穆風外紀後

卷五十六

四十

嘉祚配陶唐永保三陽泰維新萬國康

庚寅正月七日郊祀慶成歌七章

泰橫庚庚歲庚寅鳥綿宵中龍首晨

帝命卜郊諏上旬六日辛酉郊天神明興戊戌禮慶

成其慶成上壽

明天子萬有千歲開皇祀金牀舉案玉盞醴百味亭

羅陳八簋近臣恭拜 天顏咫尺

天顏咫尺當殿中兩班列座先上公繡麟績鶴依

衮龍玉雕瓊鏤光玲瓏文恬武愉侍西東

其三

東西麟次開緯席絺櫛芝拱爛金碧周竿商燹交

絡繹椒漿桂醢流霞液我有嘉賓晉樂懌

樂懌于晉樂且宜璇廊筵接白玉墀蟻裳雀弁登

雞臠上列庶府下九夷萬舞充庭薦 御庖

其五

御庖屢獻舞僊僊百獸率舞百蠻前東極朝鮮西于

闐南窮交趾北毳毼日際月域咸幅員

其六

幅員既廣窮遐裔畏威懷德崇王制天地無疆日

月麗臣拜稽首

帝萬歲蚤應前星開治世

其七

應制女訓詩四章

丕顯成周盛咸稱太姒賢憂勤能啟祚異順自承

穆風外紀後

卷五十六

四十一

乾赫赫先徽嗣緜緜後葉傳關雎歌懿德風化永

昭宣

次二

於赫螽斯茂還歌麟趾仁慶鍾千載瑞和布一元

春曆數同天夕光華並日新願師文母聖坤德仰

無垠

次三

采芻臨幽谷興言勸女工鳥鳴當永日翟服被薰

風念彼蠶桑苦憐茲機杼功重惟王業本莫謂長

深宮



次四

樛木垂陰密葛騰延蔓多乾坤舒化日江海沐

恩波福履開昌胤禎祥納至和華封同此祝萬國聽

謳歌

園丘肇祀八首

降詔

昊穹開景運

聖主重郊禋秩典崇三代儀章正百神園方天地運

晝夜日星巡草䟽陳嚴禁溫綸問輔臣

園丘

穆風外紀後

卷五十六

四十二

九玄垂魄寶一氣轉靈樞日合重光象星懸景緯

殊黃鍾宣雅樂蒼壁奠元符資始歆乾德升中啟

聖圖

方澤

承乾敷惠澤載物仰資生幽贊三辰運明昭萬寶

成函鍾通懿氣靈鼓發元聲自昔方丘祀從今坤

道寧

朝日

赫赫曜靈啟煌煌海嶠東扶桑朝旭麗若木夕暉

融禮備東郊外光回上界中寅賓崇帝座測景象

王宮

夕月

凝陰燭海甸助日鏡星台曆草隨弦長珠胎遂望

開夕香流桂闕永魄轉瑤臺后德微儀象臣功仰

化裁

星辰

九道羅璿極三垣轉玉衡月纏風雨應日陸燠寒

更耀魄隨真宰幽榮贊代明占官測圖緯祇祀泰

階平

嶽鎮海瀆

穆風外紀後

卷五十六

四十五

四溟浮大地五嶽峙層霄動靜天機秘剛柔帝德

昭奠方緣夏禹秩祀肇唐堯玉坎登明薦瑤圖肇

盛朝

風雲雷雨

風伯嘯天籟雲師發地靈震雷還競競解雨忽泠

泠有象分玄造無為運紫真群神齊感格品物自

流形

辛卯應制四言十首

內則詩十章

於維慶都帝嚳之后篤生帝堯為天下母厥有誌

德效法坤厚爰始作則后德之首

於維舜妃誕于唐帝館甥二室釐降為汭配彼重

華終溫且惠幽贊玄德令名不世

於維塗山作配夏禹率由婦道相平水土子嘏而

泣備嘗艱苦績禹之緒貞哉賢母

於維簡狄有妣方將玄鳥應瑞實生玄王母教是

端以開有商仰師淑範長發其祥

於維姜嫄誕生后稷厥德不回克開內則瓜瓞綿

緜子孫千億禋祀無窮閔官有恤

於維太任誕生文王爰有徽德以詔太姜素謹胎

後風外紀後卷五十六 四十四

教含貞毓祥思齊有頌令聞無疆

於維太姒君子好述螽斯啟祚麟趾延休葛覃勤

儉樛木仁柔篤生武王大啟有周

於維姜后贊彼周宣諫于永巷諄諄維虔夙夜匪

懈明星在天卒成中興永世稱焉

於維

高后承天啟慶贊我

聖祖洪膺大命孝慈貞靜齊莊中正萬世母儀明章

內政

於維

文后內訓是貽寶典真謨女德攸宜以垂陰教以立

坤儀作範內庭為萬世師

應制七言九首

園丘載祀慶成詩九章

聖皇履運乘飛龍肇修彝典嘉會通復古園丘規制

隆三成峻極九陛崇煌煌璿極盤蒼穹雕欄玉祀

光玲瓏瞻依帝座祥雲重萬靈拱衛咸景從于茲

來格歆宸衷

宸衷玄默昭禋祀夙夜虔恭秉純懿歲維辛卯日

長至陽德方亨天道始東主奠璧登乾位殷薦特

後風外紀後卷五十六 四十五

牲陳大禋陶匏藁秸崇淳質升中大報儀文備

帝既監止錫嘉瑞

嘉瑞承天帝我將維時景貺開休祥三垣垂耀雲

漢長九道順軌聯雲潢南箕斗迴瑤光西奎東

壁輝文昌昊靈洋洋龍御翔

皇祖配侑對在旁于時保之仰吾

皇其吾

皇莊敬格群神大明朝升陽旭賓夜明夕燭陰精凝

五星列宿十二辰周天九道衡緯新雲雨雷風莫

有倫有孚顯若霄精裡周流六虛眷

九宸錫茲純嘏彰龍靈其四

寵靈赫奕膺多佑於穆聲聞帝左右禮成九獻樂

九奏瑞靄祥飈盈宇宙迪吉迎亨納純祐願福斯

民登富壽日際月域資仁覆炎天永海歸春園萬

和成戴明明后其五

明后明禮既行乃御星駕旋天京龍輿萬乘瞻

霓旌鈞天九韶聞鳳笙百官扈蹕喜氣盈兆民擁

道騰懽聲紫虛玄漠初陽亨景象澄霽忻文明彤

墀拜舞稱慶成其六

慶成燕舉君臣會歡忻交迺嘉道泰龜旒熊旒鳥

穆風外紀後卷五十六 四十六

章旆瑤盤王祖珍羞膾御爐寶篆祥煙靄轍座金

蓮宛虹帶群臣至止鸞聲噦

一人有慶兆民賴贊和明良歌盛代其七

盛代遭逢景運昌群臣拜首上壽觴鳧鍾鼉鼓虎

啟張鶯簧象管龍麾翔九夷八蠻來萬邦獻琛貢

玉羅明堂鳳儀獸舞頌聲洋

聖君有道登虞唐萬有千歲天無疆其八

無疆休烈光九域咸願吾

皇建皇極法象乾元誠不息憲章

祖典恒有則登崇俊良勵臣職覆冒生民歌帝力協

氣休徵自充溢前星炳曜照邦國臣拜稽首頌  
聖德其九

壬辰人日召講官入文華殿賜饌二首

帝御青陽殿天開紫極宸九華堯日麗五色舜雲新

講幄延儒碩經緯侍輔臣

玉音親面諭頒賜大庖珍

次二

經筵陳秘典法座啟嘉猷玉樹聯官掖璿星綴

冕旒鳴琚花外佩列鼎柳前幃渥澤同天地三陽泰

運悠

穆風外紀後卷五十六 四十七

院中觀連鴈同賞諸君四首

勝日開仙圃名花滿玉池烟霞輝麗藻霖雨潤芳

姿翠羽搖歌扇丹旌照酒卮誰傳孫楚賦真與水

仙宜右酬孫宮允真甫

金塘烟水淨萬朵秀芙蓉露挹仙人掌霞標玉女

峯幽芬天藻發佳氣地靈鍾細詠張華句風流邁

李邕右酬張宮詹惟信

玉井空傳勝何如白玉堂龍渠通太液鯨島接明

光靜映瑤編色清含寶篆香况招金馬客同醉紫

霞觴右酬吳翰長仁甫

何年開此地南國顧仙翁東望青鸞掖西瞻白虎  
宮繁花紛映日密葉細含風靜憶栽培者寧忘造  
化功

右酬顧宗伯九和

院中觀蓮歌次張王溪韵

君不見南都鳳液開仙蓮天葩雲藻今猶傳又不  
見西苑龍池環

帝里鶴汀島渚浮烟常那知白玉堂依紫禁東敬一  
亭在堂之中柯亭劉井左右通種蓮主人幽意同  
碧霄凉雨雲林洗繡宇雕欄蕊旖旎亭高秀出水  
晶宮百花回首顏如泚自是仙風迥不塵臨池張

樓外紀後

卷五十六

四十八

宴怡心神飛觴列坐瀛洲客解珮偏留鄂渚人

聖朝多士邦之彥石室蘭臺承寵讌翔鳳樓前共賞  
心戴鰲橋畔頻回盼北扉學士西川豪胸羅巫峽  
翻春濤漢閣校書曾射策梁園授簡先揮毫群賢  
濟濟燕臺伯天驥河湏按圖索試觀今日賞蓮歌  
萬古詞林騰茂實

秋日泛太液池觀蓮疊前韻荅夏桂洲

我觀太液池中五色蓮靈根秀發天香傳自昔

先皇寵召儒林偕戚里鳬鷺既醉歌行葦乃今

聖皇講學文華東詔開芳宴西苑中翠島虹橋輦路

通雲龍風虎君臣同玉堂天近銀河洗雨露花深  
光旖旎鏡沼虛涵接御渠翠蓋丹房照烟泚地隣  
紫府絕紅塵造化無心花有神方壺圓嶠來仙侶  
明月清風對美人群公盡是當朝彥長歲蓬萊  
列清讌賜燭恒承

明主恩采芳遙憶幽人盼濂溪千古風流豪洞庭夢  
澤吞雲濤直將修節比君子豈羨江淹揮彩毫嗟  
予幸接詞垣伯苦吟逸韻窮幽索秋日重遊飛香  
擁翠亭不咏蓮花詠蓮實

西內陪祀次大宗伯介翁韻二首

樓外紀後

卷五十六

四十九

閱耕帝苑暮春初展祀靈壇宿雨餘雲氣遠隨雙  
鳳輦花香細上九龍裾芝園藻井虛相映瓊島金  
波迥自如

明主即今勤稼穡侍臣長此奉宸居

次二

聖皇法駕乘春令扈從仙舟泛曉波恩雨自沾芳極  
草祥烟長裊翠岩蘿洞門花煖流鶯轉水殿沙明  
宿鷺多歲事祗緣民隱切宸遊不為物華過

西苑承恩卷為李序菴閣老賦二首

西苑樓臺傍紫宸東風花木麗青春忽傳

帝命宣宗伯特為農工集甸人鳳苑同遊靈雨霽  
龍章親濯曙雲新即看駿筆開昌運定擬鴻鈞屬  
老臣

次二

元臣書接明光殿

聖主時頒寵澤新王帶銀圖朝宇重璫篇寶翰御筵  
親東曹八座敷邦禮北斗三台轉化鈞共聽虞廷  
歌喜起獨慚郢里和陽春

五月大禘齋居次張宮端韻二首

帝禘都宮崇肇祀

穆風外紀後

卷五十六

五十

皇初祝號渙明綸時當四月陽和盛禮曠千年制作  
新百辟肅心依紫極三台聯彩照丹宸選聞樂奏  
虞廷鳳不用登歌漢時麟

次二

金水晴浮太液波王堂夜永集朝珂新看月上璇  
題影轉覽雲生碧樹多三島樓臺相隱映羣仙環  
珮數經過禮成誰獻周公頌調古先傳蜀客歌

又次蔡宮贊鶴江韻

青宮分局列仙曹紫禁飛花入彩毫霽色真看三  
殿迥香烟細繞五雲高風林日靜栖金馬鯨島紅

飛帶玉鰲

聖主明禋隆大禘侍臣幽贊効微勞

齋居院中柯亭次郭翰學价夫韻

長夏虛堂對古槐瀛洲仙侶暫徘徊緣池草色侵  
簾入繞砌花香拂座來三島祥烟園秘省九霄華  
月轉層臺佇看方澤登嘉頌不羨甘泉作賦才

疊韻答吳翰學仁甫

敬一亭幽映綠槐陰森石室轉遲徊五雲長日祥  
光護一雨先秋爽氣來南內新開霄漢閣北扉舊  
倚閭風臺慚予未有如椽筆虛負承明著作才

穆風外紀後

卷五十六

五十

張宮端惟信以詩見貽用韻酬答

倚雲樓閣接天居隔水園林宿雨餘東省詩篇傳  
太白上林詞賦擬相如娟娟蘿竹晴堪賞冉冉芙  
蕖晚自紆泰坎越陪縵莫壁鑿坡供奉即聯裾

疊韻答蔡宮贊衡仲

玉署紅雲捧帝居侍臣休沐自公餘山連鳳島蓬  
壺勝池接龍渠太液如習靜獨栖蘿徑遠放歌時  
向水亭紆群仙環珮頻來往百和花香欲滿裾

院中觀蓮次張玉溪韻二首

紉蘭長憶楚江遠此日看蓮淨可依佳賞幸同仙

院侶幽期真對渚宮妃獨憐碧實堪調餌薄采紅  
芳擬製衣千載鑿坡留勝事頻將彤管鳳池揮

次二

夏雲繚繞削奇峯况復群仙盡日從樽酒臨池香  
嫋嫋笙歌邀月影重重高懷宛轉吟秋水幽事連  
回起暮鍾翻憶紅衣滿湘浦江離汀芷若為容

院中賞蓮次郭杏東韻

鏡水空明淑氣生幾回歌舞繞蘭迎層霄仙閣颺  
朝彩新雨賓筵解宿醒揮藻獨懷周茂叔放歌還  
憶沈雲卿請看秋浦垂珠實宮月團團白露清

穆風外紀後

卷五十六

五十一

冬至郊裡禮成 賜講官大帶

南郊裡薦勞

明主上界仙班重講臣寶帶頒從三接畫玉堂先領  
一陽春光逾照乘連城價寵倍通天絕域珍揣分  
敢云稽古力立朝端委報君身

立春日 賜燕游南內十一章

立春春日彩雲新鳴佩朝天集紫宸中使傳宣頒  
御燕仙曹歌頌慶芳辰尊開禁掖金莖潤鼎列軒  
墀王食珍

主德宣和乘月令萬方霑賜仰鴻仁

翔鳳樓

南內依鰲極中天起鳳臺錦屏霞外出碣石海東  
來嘉樹晴相映名花晝自開

宣皇曾覽耽玉几五雲迴

飛虹橋

龍德何年建瓊林此地幽飛橋移翠島曲洞入彤  
樓水昧通河漢波光動斗牛佇看佳麗館鬱鬱  
烟浮

澄暉閣

層臺凌碧落磐石躡丹梯捲幔西山入憑欄北斗

穆風外紀後

卷五十六

五十二

齊朝霞浮藻拱夕景掛璇題獨立高寒處微茫思

欲迷

重華殿

複道轉龍宮飛甍倚鸞峯金池開菡萏玉圃種芙  
蓉昭慶虹光映延和翠靄封重華曾展謁衮藻識

神龍

鴻慶殿

嵯峨鴻慶殿金鎖閑蓬萊上接通天閣平臨承露  
甘綺疏花開啟繡戶日邊開勝地餘光寵真從

帝座來

昭融館

歷覽入崇光春深花木芳濃陰落環翠淑景麗迎  
祥蕙圃金鸞度蘭皋紫燕翔六飛方駐蹕猶有

御爐香

紫芝軒

后皇將息處尚有紫芝軒珍果垂枝熟琪花接葉繁  
瑞雲圍翠蓋麗景照彤垣翫憶東方朔揮毫金馬  
門

環碧殿

宛轉迴龍殿繁紆環碧池日高魚躍藻風靜鳥鳴

穆風外紀後

卷五十六

五十五

枝草色承宮輦荷香溢御卮翫憐天廐馬

宸翰麗雄辭

欽天閣

赫赫欽天閣巍巍御製藏鉅碑昭帝烈華蓋麗乾  
光寶露千年瑞奎星五色章徵臣霑寵渥奏賦紀

休祥

追先閣

雙閣追先並淵衷永孝恩光昭雲漢轉文煥日星  
垂龜範傳姬武龍圖闡伏羲詞林懷盛事天際望  
乾儀

甲午三月自徽郡賜環志感

大哉

天王聖玄德聖虞裳乾符協三靈離照燭入荒疇咨  
需耆碩登崇延俊良臣材本樗櫟揀選遂明揚肇  
闕中秘書凝精翰墨場霑賜鈇大庖珍賚溢尚方  
瑤函編史局玉牒啓宮坊敷言興禮樂秉德贊主  
璋

宸眷滋寵渥淵覽動封章園丘蒼壁奠寶帶文綺彰  
朝依卿雲麗夕裊膏露瀼稱名不書姓一札每十  
行親題列講幄藻翰奎壁光峻陟演經綸視草白

穆風外紀後

卷五十六

五十五

玉堂曰惟爾端亮北斗司文昌忠行與才識采采  
予贊襄錦詒迴龍鸞錫類臻壽康若置左右手引  
翼恒相望微軀負重譴暫謫山水鄉履幽泝練浦  
訪詰躋紫陽英衷特曲珍遄召轍宸旁黃麻置溫  
潤彤管增輝煌稽首荷鴻仁覃被及無疆願祝萬  
千歲載陳天保章

紫陽祖席贈諸生

嘉節屬朱明清宴開紫陽虛堂列俎豆廣樂鳴宮  
商興言二三子栖遲先哲鄉經典承墜緒衣冠被  
靈光矧今五百載寂寥疇頌頡頏神理詎可鑒天道



枕有常結髮誦遺編鳳慕仙源長耽幽山水佳對  
時升木芳此日難再得東征向河梁大道以為期  
終焉卜允臧

次淳安用謝康樂韻

環溪涉浩渺磨難恣迴旋石峭嶺嵯峨川紆路宛  
延和薰暢遙林新雨漲平川撫景時序變嬰情物  
華鮮士風殊可采興頌疇與傳擊楫發慷慨扣舷  
相因緣矢秉桑弧志無孤芳歲年

嚴州用康樂韻

晨發茶園渚午泊桐江郭蕙嚴烟霧香芝山雲日

穆風外紀後

卷五十六

五十六

薄烏龍何連蹉蓋相參錯水訖錢塘潮霞疑赤  
城壑孤帆悵獨往萬物欣有托寒亭暮雲鴻奮飛  
謝孱弱遐哉五岳期允矣群仙諾麟幢列丹巘鸞  
駢凌碧落願言扈神龍豈伊井天蟻

過釣臺用康樂韻

江國訪孤踪石瀨肆幽眺雲深石梁宵溪迴風壁  
峭炎火載揚晶客星遂隱曜九鼎遺光榮層雲恣  
吟嘯浩涵山嶽靈冥契鬼神妙豈羨綺夏遊空負  
巢由誚躬被一羊裘心期六鰲釣誰歌希文詞堪  
並玄英調

雨中登浙吳山

茲山何龍從鬱結彼錢塘蟠龍肆蛟蜃威鳳翮哉  
翔鬱鬱萬松屏峨峨七寶岡重湖瀝其陰絕島臨  
其陽美哉佳麗地宮觀遙相望烟霞吳越疊潮撼  
錢宋疆悵往奔景迹欣來佳氣昌輿圖屬鼎正山  
海流豐祥蚤夏乘時雨歷覽延芝梁有鳥鳴樹間  
好音悠以揚即茲悟玄理欲去不能忘矯首望天  
目雲路阻且長

江上望禹穴

稽古神禹聖狩彼塗山置乘櫓歷九土秉圭懷萬

穆風外紀後

卷五十七

五十七

邦窮髮賓海隅編齒欵炎荒豐澤被塹黷丕休燭  
無疆金簡徵玄符玉匣于茲藏邈哉漢司馬蒐奇  
闡潛光烏號鼎湖陰龍卧蒼梧陽谷予抱幽癖矯  
跡煙水鄉東訪吳皇丘南躡祝融岡茲遊諧心期  
龍門遡渺茫遙睇會稽邇一葦安可航願伐之罌  
石勒銘垂藻章

嘉興吊陸宣公祠

解維遵桐鄉鼓柁入構李川原雲物麗云是宣公  
里繫昔貞元初權奸干國紀內訌構虛杞外禍煽  
朱此乘輿駭蒙塵郊壘滋含耻敬與英妙年才名

類實誼拔置帝左右曰維予與爾秉形數厭猷擇

藻發神理明明罪已詔將尉敷

皇音宗社庇純祐海甸需豐美駿譽流鑾坡穹階歷  
瑤祀伎倖遭延齡媒孽肆讒謗別駕遷忠州誓不  
負天子吁嗟真我師登堂肅仰止三嘆不能言明  
靈燭終始

吳江懷前文學外祖江公

噫嘻我外祖夙抱丘壑心朝栖斗門陂夕息金甌  
岑掄秀膺里選授命登儒林考業松陵館揚靈登  
澤潯屹屹廣文篇青青諸子衿杏壇陳王璜槐市

積風外紀後

卷五十六

五十八

鳴瑤琴於今已百載儵焉成古今躊躇滄浪渚縹緲  
烟霧陰薄言米泮藻聊以明遐心

蘇州郡庠觀碑懷魏杞山

杞山真人弱冠起蒲首鴻臚冠南國龍精含北  
斗翊運賁文治招延列左右日與劉宋儔文章號  
淵藪司儀典太常敷猷登祭酒神人歌允協風教  
還淳厚時值士誠虐姑蘇蔓稂莠廷議推忠貞秉  
麾特出守戮力扞神京金印懸在肘建庠遴勝區  
開泮引清瀏儲才羅俊髦拜老集黃耆高啓暨王  
葵詩誼偕文友辛藻講琬琰蒼顏照岡阜竭來訪

幽蹟石碣螭龍走

虎丘歌

虎丘在閶門西十里許晉王珣宅初改為海湧寺  
寺前有試劍石石畔有懸懸泉有千人坐有可月亭亭  
中有點頭石石畔有得泉樓樓前有劍池即吳王  
閶廬墓又有軒曰大吳小吳曰通幽佳致亭曰花  
雨澗曰養鷗樓曰望海顏魯公之書尹和靖之臺  
蘇文忠之蹟猶故也幽人貞士時復栖遊感今懷  
古慷慨興歌予時寓徽土

積風外紀後

卷五十六

五十九

召還經蘇王宰朱翁庵西徐翁同文衡山訪伊山泉  
憩虎丘望洞庭乃見七十二峰有遐思焉歌曰君  
不見吳中山蒼崖翠島連天關又不見吳中泉鶴  
汀島渚浮海壖何如虎丘獨占山泉間嶽祗川若  
生光顏我來正值薰風動繁花密篠穿林洞宰衡  
故老初聯鷗待詔仙郎漫題鳳初入空門野色開  
吹笙擊筑共徘徊禪關突湧千人坐慧圃重登五  
聖臺宛轉環觀點頭石飈流電迅悲今昔劍氣猶  
飛吳代丘鐵花尚照王珣宅慙慙洗紱總靈泉養  
鶴何人灌白蓮望海有樓先見日登巖無處不含  
烟通幽佳致亭花雨大吳小吳曠天宇雲生千頃

懷蘇軾溪泛一航憐陸羽吳中山泉有此無我欲  
從之天路紆歸來可月愜幽想南箕北斗明星孤  
噫嘻乎吳中山泉有此無

濟寧觀蓮歌用翰院賞蓮韻再贈松石中丞

太白樓前舊種蓮太白清歌今尚傳訪古懷賢度  
玄里咫尺河梁繞一蒂中原建節來齊東開筵招  
我池亭中于時亢旱丹難通對三樂愛偏同佇  
望西郊雨如洗一夜紅蓮花倚竹獨騷人動幽  
興頃使川靈落漸泚吁嗟自督鴈塵乘驄峨豸  
如有神埋輪奇節摧殘黨叱馭孤忠配古人晉原

穆風外紀後

卷五十六

六十

秦隴多髮彥日夕青衿侍閒譙杞梓全收匠氏功  
駢驅盡入方歎盼如公磊落真人豪揚休山立飛  
江濤籌邊屢上金城策草檄頻揮玉兔毫迄今號  
令驅河泊遠牒幽圖遍蒐索君不見洛中故老誰  
第一兒童走卒知君實

靈河篇紀通惠河

靈河之水從天來虹光雲彩相昭回金鼈蜿蜒環  
朔鎮玉龍天矯蟠燕臺燕臺朔鎮何年始宇宙流  
形同此水神禹玄功肇冀州隨山刊木疏源委召  
公分符啓建封東觀齊魯西秦雍井田理世歸

邈仰止突兀空雲峰漢郡唐藩幾千載河山帶礪  
依然在可憐光景屬金遼源泉浩翰趨瀛海元臣  
守敬乃創謀鐵牛石獸紛紛螺七閘三津富瀦蓄  
風帆霧舫聯漕舟

皇明統天逐胡虜天命真人闢茲土玄菟黑齒俱來  
臣絕域梯航舞干羽國家財賦資江南車牛推挽  
嗟何堪直從徐淮達江漢奔濤疊浪回流潭尚書  
宋禮劉大夏後先相望方不暇恭襄贊畫通神明  
或為長堤或巨壩顧茲堦堦塞成已深洽桑變易愁  
人心

穆風外紀後

卷五十六

六十一

靈廟留情議修復中遭沮格滋陸沉馳逝星流物華  
暮烟水微茫落秋樹誰人獨抱濟川憂拍點遺蹤  
在何處皇皇臣靈日馳馳天吳九首何躩踞有開  
必先自今日乾樞坤紐中推移

今上龍飛御鴻極屬精廣政昭玄德軫念蒼生宵旰  
懷轉輸祗恐疲供億老臣體國思奉公上言治河  
心朴忠宸鑒葵之制日可內庭外府僉謀同乃命  
華山河水部章程畚鍤續紛聚經營不日告成功  
百萬舳艫集河幹大通橋東湯沐園初開憲府綽  
岡垣亭臺花木候幽密柏屏羅徑延松門時維甲

午夏五月祥雲曩曩瞻雙闕偶艤樓船暫宴遊幽  
悰旅况真超越薰風徐來鳴管絃綠荷芳草含晴  
烟曲水御杯不知醉浴鳧飛鷺爭盤旋吁嗟古人  
不可作古人先憂還後樂劍逢海內告災診敢謂  
無心念民瘼民之瘼矣君所悲初寒暑雨多怨咨  
下焉憂民上憂國豈獨漢有宣房詞誰云大道今  
難復河水重清照心目請看河上青青柳他年堪  
比萊公行

七夕歌紀是日召至平葦蒙  
宸諭手勅重書

蘇外紀後

卷五十六

六十二

列聖寶訓實錄命為管錄官志感

七月七日秋氣清涼雨初霽靈殿生金門洞開王  
宇靜鼉鼓間擊鳧鐘鳴五雲深護雙龍闕禁林尚  
掛重輪月虬漏沉沉夜嚮晨鵲梁曩曩星初没平  
葦邇接華蓋東煖閣正傍乾清宮

天顏咫尺聞天語親授手勅回重瞳曰惟

列聖啓鴻業不顯文謨承武烈寶訓真堪配典謨實  
錄奚啻垂方策詞垣史局慎掄才玉署分曹金匱  
開禮樂百年成鉅典車書四海總新裁南內肇崇  
皇史閣天章煥赫臨闔闔石室驚看鼇極疎琅函

密比龍鱗合嗟予抱愧乏三長瞻依每被承明光  
願瀝愚衷秉孤節敢言補衮輝龍章

八月五日蒙

命陪祀西苑祇壇

帝苑秋田熟仙宮夙祀芬鳴琚清禁月尊璧紫壇雲  
詩頌周王儉書陳夏后勤詞臣親贊裸香霧正氤  
氲

是月七日蒙

命主考京闈鄉試

楓宸朝謁陞棘院夕垂簾景緯三台潤祥雲五色占

蘇外紀後

卷五十六

六十三

炳文驚虎變乘化起鯢潛翻憶歐陽子焚香夙戒

嚴

御製鍾粹宮步虛詞恭和二章

乾坤開景運日月啓昌辰斗轉玄樞化虹流紫極  
神千靈增氣象萬福慶天人

聖主祈明貺淵衷感上旻

其一

月令宣中氣星垣拱拱垣辰丹忱凝景福玄德契穹  
神壽域歌文母華封祝

聖人永言膺曆數天保頌皇旻

其二

乙未講官扈游西苑紀勝十一章

昭和殿

碧殿絢昭和層欄傍水多鳳城環宛轉鯨島鬱嵯峨澄景移芳樹涼颼泉密蘿御書飛灑潤新扁耀臺坡

涵碧亭

涵碧淨煙光離宮枕石梁兎園遙在望魚浦宛相將花氣全侵幄松陰半覆牆宸遊停翠輦尚有綺屏張

臨漪亭

臨漪護石欄水殿入空寒密網鴛鴦戢虛簷翡翠棲風外紀後

卷五十六

六十四

橫絮絮晴着柳香遠畫焚蘭

宣廟乘清暇時來拂釣竿

芭蕉園

旖旎芭蕉樹繽紛滿御園千陰恬鹿夢春籟助蜂喧綠借夫渠潤青交薜荔翻詞林曾獻頌此日重承恩

寶月亭

寶月升煙海團團轉太微金波搖桂彩永鑑朗林輝芝牖星初入花屏露未晞廣寒瞻別殿天藻爛秋暉

翠芬亭

巍巍清馥殿翼翼翠芬亭曲抱三山秀虛含萬頃青藥欄迎曙旭竹閣動春星鳳宸曾頒賜花分芍藥馨

承光殿

承光臨太液長日水雲封橋帶流虹渚門迎積翠峯榴問學士草壇畔大夫松寶藏來淵海時瞻街氣濃

清虛殿

峻極丹青上清虛碧海前扶桑先見日若木遠含煙絕島移雲石明河瀉瀑泉仰看玄象轉身在鬱

卷五十六

六十五

藍天

太素殿

太素何年建平臨太液池茅茨春不剪草色晝相宜崇朴無丹牖含虛有綠漪翛然淳古意長日動遐思

廣寒殿

紫殿入雲端空明接廣寒煙蘿開繡洞雲樹隱雕欄碣石層園島蓬山半倚壇千秋宮月上何處鳳簫橫

咸春閣

景緯臨僊闕爐烟裊御牀舜裳垂北極義馭轉東陽風動三春晚雲占五色祥侍臣清切地歌頌慶

虞唐

三殿捧主志感十二韻

清廟嚴初啓明聲謹肇禋執圭崇典禮奠鬯萃精神綴兆東西列軒懸上下陳皇皇森俎豆穆穆奏韶

鈞日表周旋觀

天顏咫尺親塞帷仍伏謁開橫更逡巡

列聖森端宸群工肅佩紳御香飄極闕仙靄接穹宸

穆風外紀後

卷五十六

六十六

夏鼎儀刑舊姬圖訓誥新宇祀歌既敕典祀戒惟寅有赫堯文煥於昭舜孝純微臣駿奔地快覩鳳儀辰

郊祀日月壇次李序菴韻四首

東皇鈞樂九霄懸上相明禋五夜虔合璧已占玄

象表重輪還度紫壇前祥雲色映扶桑曙甘露香

凝桂樹烟共仰重華歌舜德永延昌祚樂堯年

虎旅周遭扈駕行龍壇分祀應璣衡曜靈初發

天門曉皓魄偏依帝座明庭燎光分千仗列宮懸

鼓協九韶鳴萬年昌運開洪業一德交脩致太平

泰時開春萬象懸齋居獨夜寸衷虔銀河迥望中

台上紫氣長瞻北斗前雙鶴徘徊翔曉霧六龍繚

繞護祥煙虞歌喜際明良會魯記頻書大有年

南郊萬乘靄雲行北望三台酌斗衡獨抱丹心扶

景運仰承玄德麗貞明光浮龍袞瑤華動香繞鑾

壇玉珮鳴黃閣舊調元氣轉紫霄今見泰階平

朱陽篇為嚴介翁使郢卷賦

朱陽謝駕河漢流珠星壁月祥光浮維時

天子御極闕軒轅華蓋開龍樓龍樓矗矗百獸舞文

晶燦燦明天宇帝曰予考惟

穆風外紀後

卷五十六

六十七

顯陵遙望松楸鬱烟樹樹微茫萬壑深秋霜春雨悲予心疇咨若予代裸獻欽哉肅命將明馨左右

僉曰太宗伯嚴光後裔聲名赫典司邦禮和神人

夙夜惟寅秉精白宗伯受命拜稽首五玉三帛鬯

一卣况兼寶冊出尚方金章玉象含樞紐豐碑龍

首蟠龍文

宸翰昭回錦繡雲大哉王言萬世上嬌五典偕三

墳自昔吾

皇起江漢日月光華景星爛聖作物觀貞有期地

寶天珍共璀璨乃今河清甘露凝至孝感召蕃休

徵萬物受氣各有本白雲冉冉興山陵山陵屹為王者宅江漢滔滔流世澤天馬神龜勢蜿蜒玉峯巖從圖窰安瀨氣靈精產聖人萬邦熙皞歸堯仁郢甸今為華渚地山川草木生陽春陽春臺高樓白雲迴風往日歌清絕吊古還登峴首山名垂金石揚光烈耿光大烈仰吾

皇皇極賜福咸平康吁嗟遄歸亮元化大同四海升虞唐

紀賜枇杷

炎日殊珍出尚方賜來猶染御園香珠丸雲籠承

稂風外紀後

卷五十六

六十八

優渥玉液霞璽敢自嘗賦擬上林風韻別貢緣南國露華芳翠籠函賜同袍士蕙圃蘭皋倍寵光

紀賜鮓魚

暑雨經旬濕不開雪鱗冰艦自南來御庖珍饌傳中使講幄金盤出上裁薦鮓未須歌寢廟釣鼈何必羨蓬萊素餐忝竊慚無補魚藻空懷絕代才

紀賜鮮笋

端居玉署槐陰細拜賜金門竹笋新仙苑青霄分鳳族御題彤管浹龍鱗娟娟秀色猶含雨嫋嫋柔芳尚帶春却憶瀟湘千畝地野人持贈未為珍

紀賜鮮藕

承明供奉羅珍饌中使仍傳賜藕鮮捧出禁垣三錫寵薦來家廟寸衷虔潤含天上金盞露清挹瑤頭玉井蓮自是龍池有仙種江南風物敢爭先

西苑次張陽峯學士韻

帝苑樓臺開禁蘂仙班簪組接朝行祗緣勝地臨瑤水不為韶華倒玉觴炎日花林虛自照薰風蘿洞迥生涼玉堂芳事君須記蓮燭歸來月一方

文華進講畢

上賜詩恭和一章

稂風外紀後

卷五十六

六十九

寶曆登元會璇穹布蚤春星文聯太乙雲氣抱鈞陳輯瑞儀丹極鳴珪謁紫宸文華承

寵召天藻煥絲綸

穀日喜雪

稂稂玉春曙霏霏瑞雪盈光回蕊闕迥氣轉鳳池清宜麥農夫望團花稚子情端居初授簡虛白接空明

人日又雪

宿雲夕未捲靈霞曉猶凝霰霖春膏潤霏微日氣蒸煖含瓊樹榮凍合玉壺冰獨夜承明客渾疑太



乙燼

次日又雪

浹旬三白瑞轉訖化工奇飄逐條風細融隨淑景  
遲玉山凝宿靄金水結流漸為描陽和令幽巖草  
木知

三月七日

上初建遷九廟命成國公鳳定國公延德輔臣時宗

伯男臣中丞延相暨道南奉遷

帝后神主入安

奉先殿次日賞銀二十五兩紵絲二表志感

穆風外紀後

卷五十六

七十

都宮崇肇建宗祐萃初禋肅肅几筵列堂堂函簿陳  
綵輿橫寶冊敬座啓彤宸大內清霄曙重闌白晝  
春霽帷通御氣開積奉明神陟降隨龍袞周旋聽  
鳳鈞禮成瑤劄炳恩重玉音頻豈美康侯接真看  
內史親荆金三品貴蜀錦五花純霑賜披雲密裁  
成照日新黃裳乎允吉白賁利嘉珍茂對  
宸居地謳歌侍從臣

丙申恭和

御製禮成紀述詩二章

聖皇孝祀惻中腸

陵殿春開俎豆張鳳麓遠蟠知地勝

鸞輿端擁自天康雲連壯極千關壯水接東溟萬里

洋仰識駿圖光宇宙永占佳氣護封疆

帝藻初裁錦繡腸昭回雲漢列星張禮崇天地追隆

古道貫皇王邁小康百辟霽瞻容穆穆萬方春靄

須洋洋即看駿假登殿廟不獨巡游遍禹疆

三月望

皇上御奉天殿受群臣朝乃召禮官諭以展謁

列聖山陵行祭告禮臣恭捧綸音

天顏咫尺竊伏慶幸敬紀以詩

穆風外紀後

卷五十六

七十一

聖主承乾十五春親裁紫詔播彤宸萬方共仰堯

章煥千載重光舜孝純祗謁

寢園思雨露肅將法駕動星辰微臣咫尺聞

天語捧向烟霄御墨新

翼日

上諭禮官恭奉

皇太后同謁

諸陵令稽儀以聞臣謹按宣德五年二月乙未

宣宗章皇帝以節屆清明奉

母后展謁

長陵

獻陵廼著大德頌及賞春賦諸篇

皇上孝思天至先後一揆臣敬紀以詩

慈極凝和三月天宸遊淑氣霽祥煙西山秀挹鸞

輿外北斗光懸鳳蓋前唐紀永歌堯母聖周詩載

詠太姜賢六飛駐蹕承顏地瑤草琪花照

御筵

壬申禮官題請隨駕官

上特命講官扈從又明日大賚從官以下有差戶荷

欽錫大紅金織羅一匹花線條一條臣謹按

穆外紀後

卷五十六

七十三

高皇幸鍾山及登闕江樓命儒臣宋濂等應制

文皇幸兩都及北征命儒臣胡廣等應制

宣皇謁陵及巡邊命儒臣楊溥等應制晉錫駢蕃

光溢史冊

皇上茲舉丕紹

祖宗臣敬紀以詩

皇心懋學符神聖宸諭頒恩及講官王筍聯班朝

扈蹕金蓮列炬夕依鑾五紘青藻聖紳重七就成

章束帶寬彤管載書趨史局素絲比節立朝端

丙子

上駕發京次玄福官戴龍威冠服絳紗袍躬被縵韉

乘馬翰如韉韉有輿上以扈衛

慈輿下以振揚神武

聖謨真弘遠矣臣敬紀以詩

皇輿星駕六龍飛羽衛森羅護紫微日轉東華通

御氣天開北極拱拱仙幃晴原列騎烟花繞春谷啼鶯

錦樹園繞向迴龍停

鳳節千巖萬壑有光輝

是日近晡

駕次沙河

穆外紀後

卷五十六

七十三

上奉

聖母降輿入行殿始受從官朝命光祿賜酒饌臣

道南獲預末僚霑茲豐渥敬紀以詩

沙明綺嶂鬱峒嶢水繞

宸居絳節朝鵲驚郊趨春色霽貌貅野宿曙烟消香

飄彩仗千花樹絲拂虹旌萬柳條魚藻共承周鑄

宴詞林歌頌滿雲霄

丁丑

駕發沙河入紅門由道左先至行宮

上佇立門左顧瞻形勝有禁于中恭候

慈輿入殿賜從官酒饌如初臣敬紀以詩

春山嶠嶠入青蒼

紫蓋天臨穆翠岡繡壑遠瞻星緯象珠丘長抱斗樞  
光鼎湖萬古龍髯杳華表千年鶴馭翔鬱鬱金精  
佳氣合層空先見五雲祥

戊寅

上受從官朝畢恭奉

皇太后幸九龍池時林霏倏合雨霞清塵有若山靈  
所幽贊者臣謹按宣德五年三月辛丑

宣皇奉

穆風外紀後

卷十六

七十四

聖母駐蹕陵旁是日雨乃詠

皇陵春雨詩以示儒臣楊士奇金幼孜及楊溥等咸  
以為天之昭應

皇上甫詣龍池昭應即至臣竊慕數臣敬紀以詩

龍輿初幸九龍池靈雨霏霏即應期百道飛泉銀漢  
落千層疊嶂彩虹垂魚迎恩餌浮萍藻鳥傍宮花  
集樹枝共道仙丘多勝蹟雲駉月御喜來儀

己卯

駕次 天壽山行宮

上夙興易服奉

皇太后恭謁

長陵禮成臣敬擬長字為韻紀以古風

仙城鬱佳氣啓宇絲

文皇巨靈壁混沌顛后宅土疆瀨脈衍崑崙龐基盤  
太行蜿蜒抱玉京蟠礴聯珠岡迤矣軒丘闕遐哉  
尚穴藏惟

皇嗣天緒邁德揚潛光迺茲十五祀嘉月屬麗陽兩  
露感淵思風雲啓休祥鑾路遵青郊

龍衣謁玄堂

皇靈監有孚景運同天長

穆風外紀後

卷五十六

七十五

是日已刻

上覆恭謁

獻陵禮成臣敬擬獻字為韻紀以古風

仁聖疑穹禧謳歌協輿頌震位登元良乾行懋剛健  
典學熙日新昭治慎時憲刻蠶俗已淳誅佞讒斯  
遠澤需庶物忻禮遇群臣勸九夷胥象譯百神罔

恫怨鼎成龍馭升弓墮鳥號恨飈生白楊枝月掛  
女蘿蔓惟

女蘿蔓惟

皇肇祗謁

寢園特春獻緬紹鳴烈垂水懷皇極建

是日午刻

上覆恭謁

景陵禮成敬擬景字為韻

宣皇履璫極宸翰煥彪炳遵憲述風愆傳典挈綱

領臨軒清問播銘牖丹書發深省文謨既敷賁武備

臨幸勵政廣疇咨望道發深省文謨既敷賁武備

復雄整東征寰宇寧北付邊陲靖玄壑修幽遐白

日流光景春深萬木翳雲密千巖靜

皇情展繹思和邕酌靈境

庚辰

上恭謁

卷五十六

七十六

上恭謁

裕陵禮成敬擬裕字為韻

英皇夙膺哲握符踐瑤昨麗正宜離光體元法乾度

虎豹忻炳蔚龍鸞詫飛翥殷憂啓

聖祚旋古遵王路任賢登俊髦去邪剪奸蠹陰沴屏

槐槍陽嘉霈雨露九疑奄陟方八極咸呼顙仙源

委河漢靈壑生烟霧三秀石上芝千章巖畔樹

皇祀肅園陵萬載仰垂裕

是日辰刻

上覆恭謁

茂陵禮成敬擬茂字為韻

憲皇撫昌紀基命膺純佑天表覺明瑩坤輿登靈秀

時和萬幾暇日康三接畫朝披封事囊夕灑藝文

園斧藻輝雲漢景綿羅星宿今聞滿華夷遺澤涵

宇宙祥開玉潢遠慶積金枝茂惟

皇祖

祖武赫奕神明胄纂圖奉

宗祐載俎奠陵岫大哉景徽猷丕顯庇靈祐

是日巳刻

上覆恭謁

上覆恭謁

卷五十六

七十七

泰陵禮成敬擬泰字為韻

孝皇十八載休運登元會光迴七政平祥潤六符泰

珠斗酌太微卿雲抱華蓋昧爽時披衣盥食不解

帶主敬謨商銘敷恩布周賚民隱軫咨諏官聯秩

殿最行蒿歌景福有萊頌保艾世既霑豐渥人咸

踴豫太玉匣藏丹丘綠蘿起清籟

皇軫蒞春巖翠華翔瑞靄

是日午刻

上覆恭謁

康陵禮成敬擬康字為韻

毅皇緒鴻曆玄運穆以康海甸望燕洽 朝廷需紀

綱牙孽既潛萌師旅仍張皇有虞東鉄鉞無敵疇

頡頏南征靖江藩北狩平朔方朝驅萬貔虎夕擒

千犬羊風雷倏震迅日月猶含章雄威振華夏豐

澤流疆場

龍飛昭

帝統烈正天常睠茲

躬展謁于以奠桂觴

又明日

上恭謁

禮外紀後

卷五十六

七十八

七陵畢復奉

慈輿詣東嶺時天宇澄霽景舒融三靈錫祐

列聖垂休盖有徵矣 臣謹按宣德五年三月乙巳

宣皇奉

母后謁陵畢雲陰解散惠風和暢史臣書之以為

聖孝所感

皇上有契 天之至誠有格 祖之至敬有尊

親之至孝而感應若是盖萬世帝王所不及也 臣

敬紀以詩

南山夙獻

慈宮頌東嶺今瞻

帝座祥二氣渾融開景域萬年形勝結崇岡高懸日

月林光動曲抱雲虹寶氣藏膺膺周原關運數魏

巍軒昂永靈長

壬午

駕迴次沙河

御製勅諭勸農養老興學率士免租三分之三父老

聞之有垂泣者臣覆恭捧于

行宮敬紀以詩

清蹕載旋陵邑地紫雲深傍

禮外紀後

卷五十六

七十九

衣龍浮千村草木霑 天渥五色絲綸出

聖猷遠邁漢王豐沛澤真同軒帝合宮遊侍臣捧立

心逾切父老懽呼涕欲流

癸未

駕詣金山載謁

恭讓章皇后

康定景皇帝二陵從官朝見于

行宮臣敬紀以詩

群峰侵曉翠微寒萬乘迴春紫蓋團載向

山陵陳俎豆更從水殿集衣冠花明

衣繡園嚴樹香裊爐烟雜畹蘭欲向卷阿賦車馬已

聞郊數頌麟鸞

是日既夕

駕幸王泉亭

上親賦詩命輔臣宗伯各撰賦以進臣謹按

宣皇幸王泉特建茲亭于今百四十餘年君臣同遊

豈亦有天數耶敬紀以詩二首

茲泉開勝地麗景奉

宸遊銀漢浮空下瑤亭擁地浮影涵雙鳳輦香噴九

龍旂日夕瞻奎壁煌煌

穆風外紀後

卷五十六

八十

帝藻流

泉上芙蓉殿花開幾度春舊遊佳麗地若候

聖明君石曲金波沸巖端玉樹芬賡歌千載盛光彩

動星文

是日

朝謁畢臣同張替善治童中允承叙宿華嚴寺登望

湖亭有述

驚嶺諸天近泉流盡日聞晚栖亭上樹春煮澗中

芹巖鳥宿蘿月石鯨鳴洞雲瞻依

迴輦處佳氣夕氤氲

是日臣復偕童中允躡香山宿碧雲寺

翠壁五峰連丹梯百尺懸藤蘿翳雲日花日麗春

烟虎卧多危石龍鳴有瀑泉參差萬樓閣身在蔚

藍天

甲申

駕還田青龍橋奉

聖母御舟經龍王廟至高涼橋登輦恭和二首

宸遊三月御樓船山色湖光帶遠天柳護牙橋含曙

旭花迎錦幄照春烟波通少海仙源迥光動明河

露藻鮮自是川祇知利涉秘圖先獻御筵前

穆風外紀後

卷五十六

八十一

三春扈蹕屬車隨十里乘舟荷

主私纔向東亭承面諭夙從丹楫沃心知隔溪鳬雁

迴歌扇近海魚龍識羽旗天為吾

皇崇孝養汴蘭岸並值霞危

御製汎舟西湖恭和二首

乘輿豈漫遊

慈極樂優游瑤渚圍玄圃金川漾錦流烟帆齊引旆

雲幄霽成樓

皇軫兼農事春田望有秋

日馭乘春暇霓旌逐水張夾川花萼煖拂岸柳絲

長霞結千林綺風迴百和香豫休陳夏諺豐已保  
周彊

歸贈同案倫官諭以詩

宮諭金閨彥承恩玉記墀茲隨雙鳳輦直躡九龍  
池巖樹春相愜溪花晚自宜江淹綠夢筆文彩照  
綸綸

歸贈同館王修撰用賓

國史三長鮮君才十倍予秦原驚變豹燕闕羨鰥魚  
曉嶂隨清蹕春堦切紫虛王褒多麗藻定有碧雞  
書

穆肅外紀後

卷五十六

八十二

四月十九日癸卯

御題出京次沙河恭和二首

孟夏熙薰御六飛

龍旂新製雉翹聲侍臣馳道隨清輝五色祥雲護袞  
衣

金根逗遛謁

諸陵嚴徑披雲喜再登沙上

行宮聊駐輦晚風如

几翠堪憑

甲辰

上御天壽行宮恭和一首

辟蘿書鎖寢園幽神道衣冠日夕遊

天子明禋

諸帝格紫雲長繞御香浮

乙巳

御題平台山恭和一首

樽葱佳氣滿山前

敬座初臨紫蓋圓光燭星河真炳煥安同

宗社永延綿軒丘豫卜千秋計燭石還看五色傳願

以中台斟北斗萬方先樂太平年

丙午

穆肅外紀後

卷五十六

八十三

御題陽翠嶺恭和一首

皇覽真遊邃古初洞幽今見卜玄居峰圍玉岫通瀛

嶠水引銀河留石渠灞上未須誇漢典畢原應目

協周書萬年陽嶺關乾運奎藻流光倍炯如

丁未

上勅問侍從言官以張鶚僭擬乘輿大不敬時相顧

驚愕莫敢先發臣道南代對敬紀以詩

衛室疇咨嚴國典諫垣輪對荷

宸恩伏蒲不復聞孤節簪筆何曾効寸言伏下馬非

前度秣轅中駒尚此時蹲小臣空抱鷹鷂志豈有



涓埃答

至尊

戊申

上親書賜日講官錫食環果時漏下數十刻臣道南  
起披衣叩謝分送諸臣敬紀以詩

行宮魚鑰夜深開講幄封題出

帝裁玉鼎香蕙中使捧珎盤名果上方來素餐空負  
懸鵜志彤管慚非倚馬才却憶承明諸法從霑

恩春頌滿蓬萊

是歲七月間先太宜人憂

樓外紀後

卷五十六

八十四

上遣左叅政劉儲秀諭祭次韻奉荅

恩詔親裁自禁闈御香繚繞楚雲飛漫勞四牡虛藩  
轄驚觀雙龍護衮衣南國舊傳吳子聘東山今賦  
我公歸懸知岵屺霑豐澤萬壑千巖有曙輝

李序菴閣老寄詩奉酬三首

春滿龍池鳳閣開金門聽履自天來二儀斗氣占  
南極五夜星華測上台渭水雲雷經世策商巖霖  
雨濟川才蓼莪草野回生色頃覺陽和滿泰階其  
院啓珍謨抱紫微樓懸榮賜接黃輅三槐宿雨驚  
龍躍萬竹栖雲觀鳳飛豈羨平泉從古勝直誇嶽

麓到今希遙知華蓋承恩地五色

奎章耀衮衣

其二

憶昨追趨入講筵相公獨立百僚先金爐香煖迎  
朝旭瓊島花明照曙烟

天語丁寧皇寶訓

御庖絡繹賜珍鮮詞臣感泣霑

光寵日望中台卷上玄

其三

陟長泉山

陵彼芙蓉岵矯首望長泉蜿蜒抱鳳岡瀕洞潛龍  
淵大壺與小壺列嶂參琤天大羅與小羅迴瀾噴  
珠川佳氣結愁鬱靈光被耿縣明發念天親奔裂

樓外紀後

卷五十六

八十五

淚潛然鯉庭懷懿訓鴻經繹冥筌瞻椿翳梓攀

栢培芝蘭

宸章賁丘壠渥澤霑海壖永言勒貞石炯矣日星懸

陟仙雲山

陟彼靈應岵樞衣躡仙雲山祗攬嶽秀川若挹河  
濱南面青楓巖金紫中天分東枕幽蘭嶂雷雨鎮  
日聞石牛印僊蹟天馬騰靈氛林臯日莽眇丘壑  
時綢緼相彼金粟岡睠茲王檢文牛眠奚足齒鶴  
飛詎能羣慈哉敬姜訓懿爾孟母芬興言保遺澤  
灑淚千高雲

歷覽朝天馬山至石牛潭

朝發靈山麓午度夾冲嶺峰迴嶺層疊谿深徑紆  
行攀惟息樹陰躡履躡苔蘚穿竇石曲盤沿流澗  
清淺弱蘿秀可餐芳蘭翠堪褰鳥鳴禱松籟盡游  
間沙篆停雲傍幽獨瞻霄仍展轉悠然有所思泣  
馬淚如霰

登茅山窠高峰訪石屋洞

茅山聳靈秀突兀于蒼蒼洞池浸其陰石屋竅其  
陽麗景屬莫春佳木蔚幽芳攀條度月竈棄葉入  
雲房冥躋中峰嶺險絕通天梁俯瞰泉石華仰蕩

穆風外紀後

卷五十六

六十六

日月光即茲悟玄理開闔疇翕張登高必自邇敬  
誦岵岵章

訪荆泉洞

抱疚嗜幽壑宣懷訪名泉群峰簇靈境列嶽攢仙  
壚石峭躡飛竇谿迴涉登川捫蘿綠篠密攀葛丹  
梯懸篝燈照巖窟瀝墨濕沙田昉疑虎兕伏倏詫  
鷲鸞竊蓬島坪茲勝桃源詎能先馭風隘八極乘  
景淺九淵安得同心侶晤言賦思玄

顧木齋金紫圖為撰金紫九十九峰歌

君不見西華之盤幾千里仙掌千霄紛旖旎朝聯

熊耳摩青蒼夕抱龍渠分翠然又不見南衡之高

幾千仞祝融峙地增形勝春含岵嶂積煙寒秋冒  
芙蓉死虹映何如金紫之峰九十九岷山大老岡  
陵壽傳嚴霖雨濟川才燭石星辰補天手憶昔山  
中卜築深葺房孫壁開喬林木奴千頭足可悅竹  
君萬箇殊堪尋竭來感會風雲起上佐唐虞

聖天子格天勲業孚九玄經世謀猷協三禮邇從黃

閣綰絲綸台締奎章五色新寵召明堂承晉畫肅  
趨

清廟侍乾宸海內蒼生望更始化工調燮奮神理姬

穆風外紀後

卷五十六

八十七

旦勤施迓世衡虞臯明允陳邦紀嗟予小子天方  
隔想望豐儀真炫赫謹懽懽橫經聽讜言史垣珥筆  
書鴻烈撫圖為撰金紫歌北斗在天星在河嶽神  
初度九十九百千萬祀長不磨

丁酉六月復丁先大夫憂

欽遣左叅政陳煥諭祭次韻奉答

皇華來自九宸闈咫尺

天顏駐六飛萬里雲峰迎使節千林香霧染朝衣寢

園載觀龍文煥華表驚看鶴馭歸日誦蓼莪登岵

岵陰巖草木被春輝

壽崔東洲母太恭人

聞道慈闈壽域開，翟袍鸞詒自天來。  
瑤池爽氣浮南極，寶婺祥光獨上台。  
青鳥傳書丹嶠遠，白魚入饌紫霞迴。  
萱花秋霽蟠桃熟，不盡停雲江上懷。

苑泉庄次顧東橋韻二首

藏書曾住輞川莊，捧詔今過畫錦堂。  
玉璫龍頰周禮樂，瑤函驚覩漢文章。  
珥彤羅徑凝空翠，授簡花谿貯晚香。  
南國舊傳江令賦，東山虛負謝公狂。  
桃花洞口白雲庄，虎節明明駐小堂。  
夾澗香泉喧萬壑，繞垣嘉樹擁千章。  
空山露冷旌旗濕，曲塢風

樓風外紀後

卷五十六

八十九

晴翰墨香豈有高門容，駟馬周諏不厭楚人狂。  
星軺遙轉石林清，空谷無人幽鳥鳴。  
瀑瀉銀河緣地僻，洞藏丹穴自天成。  
冥躋巖徑耽松色，小憩空亭可竹聲。  
父老隨車望霖雨，陽和早遣物華生。

戊戌游寓山墅四章

夙嗜白鹿洞，今羨白鹿山。  
迴溪閤坤軸，峭壁開天關。  
紫峰干雲霄，白石紛編欄。  
麗陽轉東陸，條風暢中寰。  
皇言策駕遊，彼山水間巖。  
雲墮巾簪花，縈佩環相彼巢枝鳥。  
好音何繇續，酌茲虹泉水。  
聊以浣塵顏。

右白鹿山墅

岌岌雷雨峰，浩浩桃花泉。  
青楓嶺稠疊，紫荊溪耿

縣金獅踞其後，瑤象橫其前。  
中有幽人廬，盤谷相

迴沿竹君千畝，幽蘭孫九畹。  
妍駕彼一葦，丹上源

百仞川湍流，噴寒雪巖石生祥煙。  
永恆靜者心，暨

謝區中緣

右苑泉山墅

謝公石門墅，李相平泉庄。  
何如荆泉山洞天，敞都房岵嶢。  
仙女屏五色雲錦張，頤洞神龍宮九淵。  
煙景藏夙齡，慕僊縱登嶽。  
浮南湘，晚居獲名勝，考槃卜東岡。  
溪流足怡悅，樹陰可徜徉。  
彷彿蓬萊島，乘雲游帝鄉。

右荆泉山墅

樓風外紀後

卷五十六

八十九

瞻彼平原樹，陰森空翠微。  
睠此幽谷蘭，蕊菁被丹畦。  
甫田列左右，精廬隱參差。  
予時憇其間，朋侶相因依。  
嘉樹垂珍條，野卉明清輝。  
斟竿不數酌，彈琴有餘徽。  
栖枝狎幽鳥，浮藻弄游魚。  
陶然有真樂，采采紫芝肥。

右午橋山墅

白鹿庄次陸修撰韵

白石山前白鹿洞，翠微深處草堂開。  
峰盤金紫雲端出，瀑瀉銀河天上來。  
幽谷遷鶯穿澗樹，平田浴鷺破溪苔。  
更生小築藏書閣，五夜藜光燭上台。  
皇上駕次承天朝，謁恭和

御製一章

惟

皇崇大孝惻然淵軫傷天地倏黯慘

宸哀浩無量耿耿湘楚懷滔滔江漢長星言夙謁

駕千里遙相望嚴驅六飛邁清蹕九衢康鏘鏘鑾

輅和旆旆旌旂揚煥號既已布裡誠恒勿亡三靈

嘉有格百神葆奚殃涉河召鼇背登巘繁羊腸虎

節駐梁鄭龍麾指鄖襄宵衣惕靡寧夕膳撤未遑

嶽迎飈馭迅川逐霆驟忙適觀

洪烈遠繹思隆緒昌

豫風外紀後

卷五十六

九十

聖作翕地靈神運周天方風雲孚感會象緯森成行

物觀景承式民生賴胥匡昭哉

帝德廣允矣皇圖張迢迢郅甸悠鬱鬱雲山蒼佳

氣日夕結瑤基占允歲萬年協豐鎬億兆鍾元良

御製春分祭大明道中作恭和一章

曜靈東發啟昌辰肇祀東郊首百神離照繼明天

統正震壇主鬯

帝躬親青陽運啓臨

諸位黃道圖開識

聖真自是重華紹璿極萬年曆數永同春

御製躬詣

顯陵渡河恭和二首

星海崑崙萬里餘龍門砥柱六鼇魚太平

天子南巡日河伯應知危

聖輿

崑崙崑崙光雨霽餘周王鎬燕獨歌魚明良千載真

奇遇五色祥雲繞

帝輿

御製初閱

純德山喜而自得恭和一首

豫風外紀後

卷五十六

九十一

帝省靈山域孝思積衷腸嗟峨嵋虎阜蜿蜒蟠龍岡

鬱鬱金精合縣縣璿派長嶽秀天翠疑川珍地祇

昌仰瞻森鼎俎俯嘒切羹塙桑梓翳林丘松楸被

江鄉朝壇犧人供夕駉虎旅防大禮容肅肅廣樂

敷皇皇祥符允有徵慶源詎可量穆哉

聖主心夙夜懷不忘

是日扈從

上請純德山恭謁

顯陵題殿名曰凌恩臣道南竊預駿奔志感

壬午臣道南獻賦行宮仰荷

俞旨感而有述

炎帝起烈山軒后登熊湘百穀肇耒耜九域開井疆  
堯巡丹水遠舜狩蒼梧荒五瑞欽載輯百辟忻來  
王匪直恣游豫爰以昭典章恭已乃正則觀民斯

省方吾

皇紹天統基命寔靡康星駕馳九衢風號邁萬邦攝  
提樹雲旗招搖集牙璋朝發燕趙丘夕涉梁鄭塲  
興言詣郢甸愴焉懷

帝鄉沛歌陋漢主鎬燕欣周王詞臣拜稽首奏賦函  
明光

穆風外紀後

卷五十六

九十二

溫綸荐褒答曰爾能敷揚乃命行秘書省貯之  
御書囊匪直事修姱弘化希虞唐

癸未恭和

御製謁

顯陵詩一章

赫赫

稜恩殿巖巖

純德山周旋伸

帝孝咫尺近

天顏桑梓輝丹伏松蘿裊佩環臣心懷罔極

龍馭鼎湖攀

甲申

上改題郢邸曰 龍潛舊邸左曰聖作右曰物觀中

時乘御天左曰雲行右曰雨施東曰從岵西曰陽

春敬紀以詩

郢邸 六龍飛湘郊萬乘輝陽春開 聖甸從岵啓  
嚴闌衢室瞻堯馭明堂識舜衣同雲敷澍雨天道有  
神災

乙酉

上題舊邸南門曰重明曰麗正殿曰

龍飛曰啓運宮曰卿雲曰鳳翔左門曰關雎右曰麟  
趾北門曰洪載敬紀以詩

穆風外紀後

卷五十六

九十三

啓運昌

天統重明麗

帝宸

飛龍千載運

翔鳳九庖新

玉闕崇衡嶽璇題昭漢濱萬年佳麗地日見五雲屯

丙戌

上題純一殿左門曰日升右曰月恒敬紀以詩

純一招

先德高明切太虛湯盤存素履武牖勒丹

書口澤應如舊心箴不改初微臣誦天保日月自

居諸

丁亥

上子夜恭祀隆慶殿敬紀以詩

明堂初享 帝隆慶載尊

親穆穆周文顯烝烝舜孝純秉圭臨五夜奠璧屈三  
春對越真如在幽明贊 聖神

戊子群臣上表稱賀

上詔免承天田租三年全楚則三分之二北畿中州  
則三分之一敬紀以詩

聖皇躬御 龍飛殿 紫詔初頒下赤墀父老懽呼

湯沐地兒童喧頌添沮詩萬年 渥澤傳商毫三

楚恩暉擬舜鳩暫釋蟻裳端雀弁願賜

宸德遍天涯

穆風外紀後

卷五十六

九十四

巳丑

上御龍飛門授勅 臣道南謁辭仰承

王音命光祿賜酒飯 臣叩首拜嘉敬紀以詩

天語傳宣日春風來

御筵大官供玉醕中使捧埴編湛露霑湘嶠需雲覆

郢川侍臣歌既醉身在 九重天

庚寅

上御卿雲宮 臣道南撰卿雲頌四篇以獻

上覽之喜悅 臣感荷無已敬紀以詩

天子南巡御合宮卿雲五色絢瑤空直從丹水迎堯

日遠邁春陵詠漢風天廐康侯魯錫馬

御筵內史舊從龍敢言稽古桓榮力願効

清朝吉甫忠

辛卯

上親製諭宣布父老敬紀以詩

和老列都門均霑

聖主恩十行傳密札九陞渙溫言鳳野驅歌沸

龍顏色笑溫商彝與周鼎

宸翰並飛騫

壬辰

穆風外紀後

卷五十六

九十五

大駕回鑾 臣道南偕龍湖張學士先後趨豐樂河夜

三鼓宿龍港陳署承宅次韵一首

春甸旋

鑾馭晴山集纛旌江雲隨 蹕起田燭擁郊迎柳繫

玉絲細花含珠萼明暫投龍港野仙侶快同盟

甲午

駕次襄陽之樊城 臣道南上疏辭歸敬紀以詩

襄野從 天蹕樊城景

聖顏維翹明遠嶠豹尾簇崇閼嶽抱 官垣聳河隨

輦路灣侍臣延佇地

御氣繞雲山

丁酉懋遇真宮其左為望仙臺右為黑虎洞南  
為元和觀東為修真觀其山為鳳凰峰為鴉鵲  
嶺迴繞奇特溪水隨之乃撰遇真之歌

遵仙關兮蜿蜒躡仙臺兮連蜷珍木翳兮蒼蔚瑤  
草茂兮葱芊鳳凰起兮翔翔鴉鵲集兮踰躓訊靈  
脩兮偃蹇嘅真境兮延縣馭黑虎兮建驅策青羊  
兮雲軒緬予懷兮竊窺授至道兮倕佺

穆風外紀後

卷五十六

九十六

是日入仙關過迴龍觀關王廟老君殿太玄觀  
八仙觀太子坡復真觀龍泉觀涉九渡澗王虛

源威烈觀乃宿紫霄宮其後為太子岩為七星

岩為三清岩為歛火岩為煉丹岩其前為禹跡

池為臨清亭為萬松亭為賜劍臺為福地岩其

山為紫霄峰為展旗峰為三公峰為五老峰為

香爐峰為蠟燭峰為福地峰為寶珠峰為龜門

峰其水為上善泉為真一泉為七星池為月池

為丹井幽蹤奇事日夕罔極乃撰紫霄之歌

繫紫霄兮九玄覆玄極兮八埏載旗峰兮及葉漱

丹井兮淪漣寶珠貫兮聯星香爐峙兮含煙列三  
公兮右左森五老兮後先春憇莫兮玉林月欲上

兮瑤天涉九渡兮獨往攀萬松兮孤蹇

四月戊戌朔祭紫霄宮經烏鴉廟黑虎廟柳梅

祠朝天宮清微觀入天門皆懸鐵索攀石欄以

躋又入朝聖門次太和宮更衣上天柱峯謁玄

真于絕頂其山為顯定峰為皇崖峰為中笏峰

為玉筍峰為獅子峰為天馬峰為雷石峰為大

明峰為大夷峰為仙人峰為隱士峯為丹竈峰

為白雲峰為聚雲峰為竹篠峰為槎牙峰為手

扒峰為中鼻峰為伏魔峰為鷄鳴峰為大蓮小

蓮峰為大筆小筆峰其水為金鷄澗為鬼谷澗

絕壁危壑不可悉窮乃撰太和之歌

惟天柱兮崔嵬倚皇崖兮崎嶇仰翼軫兮紫垣俯

鄖鄧兮丹涯橫玉筍兮輪囷炫瓊臺兮陸離金宮

我兮瑤臺雲冠屹兮霞衣焚椒蘭兮九霄列幢節

兮千祗拜稽首兮陳詞効嵩祝兮延禧

是日天宇澄霽雲物昭朗鈞樂既揚嶽靈咸格

乃宿于南巖宮其左為圓光殿為飛身臺為志

心臺右為崇福岩為試心岩為捨身岩其側為

雲霧岩為萬歲岩為獨陽岩為禮斗臺為雙清  
亭其山為金鼎峰為疊字峰為健人峰其水為

穆風外紀後

卷五十六

九十七



井露井為天一池為太一池懸岩嵌奇石礪  
礪不可名狀乃撰南巖之歌

彼南巖兮仙宮斟北斗兮雲中舉金鼎兮萬鈞披  
鞞帷兮九重丹丘揚兮威鳳玉泉噴兮應龍感太  
一兮赫曦邁神君兮豐隆考石鍾兮巉巖擊巖磬  
兮玲瓏訖虛壑兮海濤凌倒景兮天風

已亥發南巖經滴水岩仙侶岩涉青羊澗度隱  
仙岩入五龍宮其左為玉像殿為柳梅臺右為  
啓聖臺為凌虛岩後為自然巖為靈應岩為長  
生巖其山為紫蓋峰為松蘿峰為桃源峰為陽

穆風外紀後

卷五十六

九十八

鶴峰為復朝峰為金鎖峰為青羊峰為七星峰  
為繫馬峰為會仙峰為茅阜峰其水為日池月  
池為白龍潭為萬虎澗不可殫述乃撰五龍之  
歌

卷五龍兮蚺蛟奔萬虎兮魚然飲青羊兮絕澗騎  
陽鶴兮懸壑靈之來兮何以儵為雨兮下土蒸膏  
壤兮沃若歛神功兮奚有睠雲車兮既升驂風馭  
兮無垠天門開兮閭闔玉笙續兮恭清

是日雨作復霽繇桃源洞出僊桃觀波磨針澗  
老姥祠至行宮宿玉虛宮其山為太上巖為玉

虛巖其水為一泓泉為雲泉為萬谷澗其中  
為望仙樓為仙衣亭為雲洞為聖水池為神泉  
井自展旗峰至此山益坦而若抱水益清而若  
注乃撰玉虛之歌

瞻玉虛兮冲寥群仙集兮來朝濯長纓兮香泉駐  
翔節兮層霄紛如雲兮巖力杳杳若華兮琳宇綴綺  
疏兮霞萼負飛珞兮烟樹帳雲路兮阻修仍仙真  
兮丹丘采蘭若兮容與歌桂枝兮淹留

庚子至甲辰俱附玄素集乃甲辰四月癸亥逆  
行入南斗勾已遲留月餘復經斗行甚速志之

穆風外紀後

卷五十六

九十九

祝融司令為朱明熒惑主火中天行占諸天官測  
星執主禮主法為邦刑禮以言揚慎愆度法以政  
舉宜崇經天人一幾自感德上下同志當修誠仰  
瞻昊穹示斯警燭厥烈焰揚炎晶即茲吳楚多存  
饑田禾盡稿無聊生我聞殷湯禱桑林責躬剪爪  
竭乃情肆于周宣望雲漢鞠正疚宰矢厥負茲焉  
逆留復勾已曙綿告愆于玉衡安得排雲啓閭闔  
上乎赤帝昭神京肅清三垣旋七政台符重麗泰  
階平熒惑循度景星見乾珍坤寶歌清寧

乙巳歲大貴楚藩告饗中外恂恂效黨多助逆

代巡伊公自岳趨鄂士民安堵乃撰山泉行

君不見三吳山千巖岷嶰霄漢端穹窿獨秀環丹  
極岓岨幽奇空翠寒又不見五湖泉百泓瀲灩煙  
雨聯震澤紫紆越碧嶼具區浩渺通滄壖中有人  
豪自天挺孕精錫羨開靈境山氣虛含寶月華泉  
光靜漾璫星影繫昔遐蹤游五嶽乘鸞高舉凌遼  
藐海上觀濤駟王虬日邊馭氣翔冥鶴竭來射策  
黃金臺五色祥雲雙闕開唐家夙慕劉賁直漢代  
直推賈誼才秉笏中臺趨

紫殿手排閭闔人爭羨攬轡威稜肅廟堂埋輪神采  
稜風外後

卷五十六

十一

澄畿甸獨持邦紀震邊陲玉關萬里勞驅馳西聲  
河源遁窮髮北清沙漠奔轡推雪山弱水來稽首  
闕氏可汗獻群醜班固燕然銘豈倫充國金城勛  
何有英英驄馬旋長安承明簪筆侍朝端

天威不遠顏咫尺宰相納誨因責難

帝軫輿都舊潛邸龍飛太狩惟皇里沛中父老霑恩  
澤南陽貴人愆法紀况復熒威南斗旁吳楚告饑  
歲大荒匪藉英賢與匡濟嗷嗷待哺其如傷祗揚  
明命來茲土臣不謀身期報主憑軾却村采野風隨  
平原隰施霖雨春王正月壬子夕楚子商臣干大

逆草疏達旦登

九宸崔杼寧撓南史筆夏六月秋代南巡薰風蓬勃  
火雲屯玉節迢迢發鄂渚于旌子子臨蒲濱仰瞻  
光範如清獻正氣凝空結霜霰瀟溪仰止月岩心  
嶽麓靈承雲谷戀即今炎垠望羽儀繡斧輝生庶  
績熙銅柱載鐫伏波頌摩崖深勒次山詩祝融峰  
高勢彌峻洞庭水濶淵增潤山擬祝融泉洞庭川  
若同符岳同鎮耿予小子寒靈修曾謁龍門躋虎  
丘京洛敢希溫國鎮江湖徒抱范公憂鶉宿西流  
斗北轉離垣繼照天明顯薦賢為國非為私阜臺

楚風外後

卷五十六

十一

延佇揮彤管君家舊住鍾阜陵長江迴繞鳳凰城  
聖祖開基根本固河山帶礪咸清寧乃今為山補  
龍衮為泉天府盟彝鼎銀河宛延赤虹橋雲漢昭回  
煥文錦山益高兮泉益清謙山長峙蒙泉鳴坐令  
河清海重晏台躋永迓泰階平

楚紀卷之五十六

楚紀卷之五十七

景明賜進士經進口講同修國史奉直大夫翰林院侍講學士臣廖道南謹撰

景則內紀前篇

惟聖則天惟賢則聖善事厥心克盡其性安土敦仁樂天知命或僑茲土德馨流潤或違他邦道登崇正惟民之則永有令問撰景則內紀前篇

諸葛亮

諸葛亮字孔明其先瑯琊人漢司隸校尉諸葛豐後也父珪字君貢漢末為泰山郡丞亮早孤從父玄

景則內紀前

卷之五十七

為袁術所署豫章太守玄將亮及亮弟均之官會漢朝更選朱皓代玄玄素與荊州牧劉表有舊往依之玄卒亮僑寓襄陽之隆中躬耕隴畝好為梁父吟身長八尺每自比於管仲樂毅時人莫之許也惟博陵崔州平穎川徐庶元直與亮友善謂為信然時先主屯新野徐庶見先主謂曰諸葛孔明卧龍也將軍豈願見之乎先主曰君與俱來庶曰此人可就見不可屈致將軍宜枉駕顧之先主遂詣亮凡三往乃見因屏人曰漢室傾頽姦臣竊命主上蒙塵孤不度德量力欲信大義於天下而智

景則內紀前

卷之五十七

術淺短至于今日志猶未已君謂計將安出亮荅曰自董卓已來豪傑並起跨州連郡者不可勝數曹操比於袁紹則名微而衆寡然操遂能克紹以弱為強者非惟天時抑亦人謀也今操已擁百萬之衆挾天子以令諸侯此誠不可與爭鋒孫權據有江東已歷三世國險而民附賢能為之用此可與為援而不可圖也荊州北據漢沔利盡南海東連吳會西通巴蜀此用武之國而其主不能守殆天所以資將軍將軍豈有意乎益州險塞沃野千里天府之地高祖因之以成帝業劉璋闇弱張魯在北民殷國富而不知存恤智能之士思得明君將軍既帝室之胄信義著於四海總攬英雄思賢如渴若踴有荆益保其巖阻西和諸戎南撫夷越外結好孫權內修政理天下有變則命一上將將荊州之軍以向宛洛將軍身率益州之衆以出秦川百姓孰敢不箝食壺漿以迎將軍者乎誠如是則霸業可成漢室可興矣先主曰君於是與亮情好日密關羽張飛等不悅先主解之曰孤之有孔明猶魚之有水也願諸君勿復言羽飛乃止劉表長子琦亦深器亮表受後妻之言愛少子琮不悅

於琦琦每欲與亮謀自安之術亮輒拒塞未與處  
畫琦乃將亮游觀後園共上高樓飲宴之間令人  
去梯因謂亮曰今日上不至天下不至地言出子  
口入於吾耳可以言乎亮答曰君不見申生在內  
而危重耳在外而安乎琦意感悟陰規出計會黃  
祖死得出遂為江夏太守俄而表卒琮聞曹公來  
征遣使請降先主在樊聞之率其眾南行亮與徐  
庶並從為曹公所追破獲庶母庶辭曰本欲與將  
軍共圖王業以此方寸地也今失老母方寸亂矣  
請從此別遂去操追先主至於夏口亮曰事急矣

景則內紀前

卷五十七

三

請奉命求救於孫將軍時權擁軍在柴桑觀望成  
敗亮說權曰海內大亂將軍起兵據有江東劉豫  
州亦收衆漢南與曹操並爭天下今將芟夷大難  
略已平矣遂破荊州威震四海英雄無所用武故  
豫州遁逃至此將軍量力而處之若能以吳越之  
衆與中國抗衡不如早與之絕若不能當何不案  
兵束甲北面而事之今將軍外託服從之名內懷  
猶豫之計事急不斷禍至無日矣權曰苟如君言  
劉豫州何不遂事之乎亮曰田橫齊之壯士耳猶  
守義不辱况劉豫州王室之胄英才蓋世衆士慕

仰若水之歸海事之不濟此乃天也安能復為之  
下乎權勃然曰吾不能舉全吳之地十萬之衆受  
制於人吾計決矣非劉豫州莫可以當曹操者然  
豫州新敗之後安能抗此難乎亮曰豫州軍雖敗  
於長阪今戰士還者及關羽水軍精甲萬人劉琦  
今江夏戰士亦不下萬人曹操之衆遠來疲弊聞  
追豫州輕騎一日一夜行三百餘里此所謂疆弩  
之末勢不能穿魯縞者也故兵法忌之曰必蹶上  
將軍且北方之人不習水戰又荊州之民附操者  
偏兵勢耳非心服也今將軍誠能命猛將統兵數

景則內紀前

卷五十七

四

萬與豫州協規同力破操必矣操軍破必北還如  
此則荆吳之勢疆鼎足之形成矣成敗之機在於  
今日權大悅即遣周瑜程普魯肅等水軍三萬隨  
亮詣先主并力拒曹操操敗于赤壁引軍歸鄴先  
主遂收江南以亮為軍師中郎將使督零陵桂陽  
長沙三郡調其賦稅以充軍實建安十六年益州  
牧劉璋遣法正迎先主使擊張魯亮與關羽鎮荊  
州先主自葭萌還攻璋亮與張飛趙雲等率衆泝  
江分定郡縣與先主共圖成都成都平以亮為軍  
師將軍署左衛軍府事先主外出亮常鎮守成都

足兵二十六年羣下勸先主稱尊號先主未許亮說曰昔漢將耿弇等初勸世祖辭讓前數四耿純進言曰天下英雄喁喁莫有所望如不從議者士大夫各歸求主無為從公也世祖遂諾今曹氏篡漢天下無主大王劉氏苗族紹世而起今即帝位乃其宜也士大夫隨大王久勤苦者亦欲望尺寸之功如純言耳先主於是即帝位策亮為丞相曰朕遭家不造奉承大統兢兢業業不敢康寧思冀百姓懼未能綏於戲丞相亮其悉朕意無怠輔朕之關助宣重光以照臨天下君其勗哉亮以丞相錄尚

景則內紀前

卷五十五

五

書事張飛卒領司隸校尉章武三年春先主於永安病篤召亮於成都屬以後事謂亮曰君才十倍曹丕必能安國終定大事若嗣子可輔輔之如其不才君可自取亮涕泣曰臣願竭股肱之力効忠貞之節繼之以死建興元年封亮武鄉侯開府治事頃之又領益州牧政無巨細咸決於亮南中諸郡並皆叛亂亮以新遭大喪未便加兵且遣使聘吳因結和親遂為與國明年春亮率衆南征其秋悉平軍資倍出國以富饒乃治戎講武以俟大舉五年率諸軍北駐漢中臨發上疏曰先帝創業未

半中道崩殂今天下三分益州疲弊此誠危急存亡之秋也然侍衛之臣不懈於內忠志之士忘身於外者蓋追先帝之殊遇欲報之於陛下也誠宜開張聖聽以光先帝遺德恢弘志士之氣不宜妄自菲薄引喻失義以塞忠諫之路也宮中府中俱為一體陟罰臧否不宜異同若有作奸犯科及為忠善者宜付有司論其刑賞以昭陛下平明之理不宜偏私使內外異法也侍中侍郎郭攸之費禕董允等此皆良實志慮忠純是以先帝簡拔以遺陛下愚以為宮中之事無大小悉以咨之然後施

景則內紀前

卷五十五

本

行必能裨補闕漏有所廣益將軍向寵性行淑均曉暢軍事試用於昔日先帝稱之曰能是以衆議舉寵為督愚以為營中之事悉以咨之必能使行陣和睦優劣得所親賢臣遠小人此先漢所以興隆也親小人遠賢臣此後漢所以傾頽也先帝在時每與臣論此事未嘗不歎息痛恨於桓靈也侍中尚書長史叅軍此悉貞亮死節之臣願陛下親之信之則漢室之隆可計日而待也臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中諮臣

以當世之事由是感激遂許先帝以驅馳後值傾覆受任於敗軍之際奉命於危難之間爾來三十有一年矣先帝知臣謹慎故歸附寄臣以大事也受命以來夙夜憂歎恐託付不効以傷先帝之明故五月渡瀘深入不毛今南方已定兵甲已足當獎率三軍北定中原庶竭駑鈍攘除奸凶興復漢室還于舊都此臣所以報先帝而忠陛下之職分也至於斟酌損益進盡忠言則攸之禕允之任也願陛下託臣以討賊興復之效不效則治臣之罪以告先帝之靈責攸之禕允等之慢以彰其咎陛

景則內紀前

卷五十七

七

下亦宜自謀以諮諏善道察納雅言深追先帝遺詔臣不勝受恩感激今當遠離臨表涕零不知所言遂行屯于沔陽六年春揚聲由叙谷道取郿使趙雲鄧芝為疑軍據箕谷魏大將軍曹真領眾拒之亮身率諸軍攻祁山戎陣整齊賞罰明肅南安天水安定三郡應亮關中響震魏明帝命張郃拒亮亮使馬謖督諸軍在前與郃戰于街亭謖違亮節度為郃所破亮拔西縣千餘家還于漢中戮謖以謝衆上疏曰臣以弱才叨竊非據親秉旄鉞以厲三軍不能訓章明法臨事而懼至有街亭違命

之闕箕谷不戒之失咎皆在臣授任無方臣明不知人恤事多闇春秋責帥臣職是當請自貶三等以督厥師於是亮為右將軍行丞相事仍統於前冬亮復出散關圍陳倉曹真拒之亮糧盡而還魏將王雙率騎追亮亮與戰破之斬雙七年亮遣陳式攻武都陰平魏雍州刺史郭淮衆欲擊式亮自出至建威淮退還遂平二郡詔策亮曰街亭之役咎由馬謖而君引愆深自貶抑重違君意聽順所守前年耀師馘斬王雙今歲爰征郭淮遁走降集氏羌興復二郡威震兗暴功勲顯然方今天下

景則內紀前

卷五十七

八

騷擾元惡未梟君受大任幹國之重而久自挹損非所以光揚洪烈也今復君丞相君其勿辭九年亮復出祁山以木牛運糧盡退軍與魏將張郃交戰射殺郃十二年春亮率大衆由斜谷出以流馬運糧武功五丈原與司馬宣王對於渭南亮每患糧不繼使己志不伸是以分兵屯田為久駐之基耕者雜於渭濱居民之間而百姓安堵軍無私焉相持百餘日其年八月亮病卒于軍時年五十四及軍退司馬懿案行營壘嘆曰天下奇才也亮遺命塋漢中定軍山因山為墳塚足容棺歛以時服

不須器物詔策曰惟君體資文武明歷篤誠受遺  
託孤匡輔朕躬繼絕興微志存靖亂爰整六師無  
歲不征神武赫然威震八荒將建殊功於季漢參  
伊周之巨勲如何不弔事臨垂克邁疾隕喪朕用  
傷悼肝心若裂夫崇德序功紀行命謚所以光昭  
將來刊載不朽今使持節左中郎將杜瓊贈君丞  
相武鄉侯印綬謚君為忠武侯魂而有靈嘉茲寵  
榮初亮自表後主曰成都有桑八百株薄田十五  
頃子弟衣食自有餘饒至於臣在外任無別調度  
隨身衣食悉仰於官不別治生以長尺寸若臣死

景則內紀前

卷五十七

九

之日不使內有餘帛外有贏財以負陛下及卒如  
其所言亮性長於巧思損益連弩木牛流馬皆出  
其意推演兵法作八陣圖咸得其要云亮言教書  
奏多可觀別為一集景耀六年春詔立廟於沔陽  
秋魏鎮西將軍鍾會征蜀至漢川祭亮廟令軍不  
得芻牧樵採亮所著書二十四篇子瞻嗣爵第均  
長水校尉

史南曰臣攷諸陳壽志稱孔明以逸群之才英  
霸之器進欲龍驤虎視苞括四海退欲跨陵邊  
疆震蕩宇內撫百姓示儀軌約官職從權制開

誠心布公道盡忠益時者雖離必賞犯法怠慢  
者雖親必罰服罪輸情者雖重必釋游辭巧飾  
者雖輕必戮善無微而不賞惡無纖而必敗可  
謂識治之良才管蕭之亞匹嗟乎壽之評微矣  
豈足以知孔明哉自孔明而後文中王子曰孔  
明無死禮樂其有興乎伊川程子曰孔明有儒  
者氣象豫章羅子曰孔明可與權南軒張子曰  
孔明三代之佐臨川吳子曰孔明百代人物合  
數子之論而觀之則綱目大書丞相亮率諸軍  
屯漢中以圖中原者真不易之定論也壽之評

景則內紀前

卷五十七

十

豈足以知孔明哉臣以己亥春訪隆中景遺烈  
以舒仰止之懷云贊曰萬峰崑崙直趨隆中百  
泉感涕交流漢東山水之間孔明卧龍抱膝長  
嘯管樂希蹤枉駕論心伊呂高風炎燼重嘯帝  
胄英雄魚水投契風雲景從運籌整肅權制從  
容天府既據中原來同仲謀為援勿與爭鋒老  
瞞名賊敵乃可攻屯雷經綸豐電赫融出師褒  
谷屯田渭淙木牛流馬天衡地衝表用名士祈  
建駿功云何不慙將星實空眇予小子展謁儀  
容深壑密林絕澗層峯攀蘿窅寂薦蕪蕭恭為



子死孝為臣死忠誓殫厥心遑恤我躬

李泌

李泌字長源其先出江夏李充後有名弼者仕魏為柱國徙居京兆泌七歲知為文玄宗開元十六年召至禁中泌既至帝方與燕國公張說觀奕因使說試其能說請賦方圓動靜泌逡巡曰願聞其略說因曰方若棋局圓若棋子動若棋生靜若棋死泌即荅曰方若行義圓若用智動若騁材靜若得意說因賀帝得奇童帝大悅曰是子精神要大於身賜束帛救其家善視養之張九齡尤所獎愛因

景則內紀前

卷五十七

十一

呼小友及長博學善治易常游嵩華終南間慕神仙不死術天寶中詣闕獻復明堂九鼎議帝憶其蚤慧召講老子侍翰林供奉東宮皇太子遇之厚嘗賦詩譏諂楊國忠安祿山等國忠疾之詔斥置漸春郡隱居南嶽祝融峯遇異人懶殘授以秘術曰慎勿多言領取十年宰相也肅宗即位靈武物色求訪會泌亦自至方謁見陳天下所以成敗事帝悅欲授以官固辭曰陛下待以賓友則貴於宰相矣入則對榻出同輿輦衆指曰衣黃者聖人衣白者山人帝聞因賜金紫拜元帥廣平王行軍司

馬帝嘗曰卿侍上皇中為朕師今下佐廣平行軍

朕父子資卿道義云始軍中謀帥皆屬建寧王泌密白曰建寧王誠賢然廣平家嗣有君人量豈使為吳太伯乎帝曰廣平為太子何假元帥泌曰使元帥有功陛下不以為儲副得耶太子從曰撫軍

景則內紀前

卷五十七

十二

且春秋高聞陛下錄故慈將內憚不憚萬有一感疾是陛下以天下之廣不能安親也帝感悟抱泌頸以泣曰朕不及此因從容問破賊期對曰賊掠金帛子女悉送范陽有苟得心渠能定中國邪華人為之用者獨周摯高尚等數人餘皆脅制偷合至天下大計非所知也不出二年無寇矣陛下無欲速夫王者之師當務萬全圖久安使無後害今詔李光弼守太原出井陘郭子儀取馮翊入河東則史思明張忠志不敢離范陽常山安守忠田乾貞不敢離長安是以三地禁其四將也隨祿山者

獨阿史那承慶耳使子儀母取華令賊得通關中則北守范陽西救長安奔命數千里其精卒勁騎不逾年而敝我常以逸待勞來避其鋒去翦其疲以所徵之兵會扶風與太原朔方軍互擊之徐命建寧王為范陽節度大使北並塞與光弼相犄角以取范陽賊失巢窟當死河南諸將手帝然之會西方兵大集帝欲速得長安曰今戰必勝攻必取何暇千里先事范陽乎泌曰必得兩京賊再疆我再困且我所恃者礮西突騎西北諸戎耳若先取京師期必在春關東早熟馬且病士皆思歸不可

景則內紀前

卷五十七

十三

以戰賊得休士養徒必復來南此危道也帝不聽二京平帝奉迎上皇自請歸東宮以遂子道泌曰上皇不來矣人臣尚七十而傳况欲勞上皇以天下事乎帝曰柰何泌乃為群臣通奏且言天子思戀晨昏請促還以就孝養上皇得初奏答曰當與我劍南一道自奉不復東矣帝甚憂及再奏至喜曰吾方得為天子父遂下詔戒行崔圓李輔國以泌親信疾之泌畏禍願隱衡山有詔給三品祿賜隱士服為築室于山中泌嘗取松樛枝以陰背名曰養和後得如龍形者因以獻帝四方爭效之代

宗立召至作書院于蓬萊殿書閣側上時過之欲以為相國初泌無妻不食肉帝乃賜光福里第賜詔食肉為娶朔方故留後李晞甥婚日勅北軍供帳元載惡不附已因江西觀察使魏少游請僚佐載稱泌才以試秘書少監充判官載誅帝召還復為常衮所忌出為楚州刺史辭不行留之會澧州闕衮盛言南方獨瘴請輟泌治之乃授澧朗峽團練使徙杭州刺史皆有風績德宗在奉天召赴行在授左散騎常侍時李懷光叛歲又蝗早議者欲赦懷光帝傳問群臣泌破一桐葉附使以進曰陛

景則內紀前

卷五十七

十四

下與懷光君臣之分不可復合如此葉矣由是不赦始朱泚亂帝約吐蕃赴援賂以安西北庭既而渾瑊與賊戰咸陽泚大敗吐蕃以師追北不甚力因大掠武功而歸京師平來請如約帝業許欲遂與之泌曰安西北庭控制西域五十七國及十姓突厥皆捍兵處以分吐蕃勢使不得併兵東侵今與其地則關中危矣且吐蕃向恃西端不戰又掠我武功乃賊也柰何與之遂止貞元元年拜陝虢觀察使泌始鑿山開車道至三門以便饟漕以勞進檢校禮部尚書淮西兵防秋也鄜州已而四千

人亡歸或曰吳少誠密招之既入境必邀險悉襲殺之三年拜中書侍郎同中書門下平章事累封鄴縣侯初張延賞減天下吏員人情愁怨至流離死道路者必請復之帝未從因問今戶口減承平時幾曰三之二帝曰人既彫耗負何可復必曰不然戶口雖耗而事多承平十倍陛下欲省州縣則可而吏員不可減今州或叅軍署縣佐使判案所諸省官者去其冗員非常也帝曰若何為冗員對曰州軍無職事及兼世額內官者兼試自至德以來有之比正員三之一可悉罷帝乃許復吏員

景則內紀前

卷五十七

十五

而罷冗官必又條奏中朝官侍賓客十員其六員可罷左右贊善三十員其二十員可罷如舊制諸王未出閣官屬皆不除而所收料俸乃多於減員矣帝悅是時州刺史月俸至千緡方鎮所取無藝而京官祿寡薄自方鎮入八座至謂罷權薛邕由左丞貶歙州刺史家人恨降之晚崔祐甫任吏部員外求為洪州別駕使府賓佐有所忤者薦為郎官其當遷臺閣者皆以不赴取罪去必以為外太重內太輕乃請隨官開劇曹增其俸時以為宜而竇參多沮亂其事不能悉如所請必又自罷拾遺

補闕帝雖不從然因是不除諫官唯用韓皋歸登必因收其公解錢令二人寓食中書舍人署凡三年始以常綬梁肅為左右補闕太子妃肅母郛國公主女坐蠱媚幽禁中帝怒責太子不知所對必入帝數稱舒王賢必揣帝有廢立意因曰陛下有一子而疑之乃欲立弟之子臣不敢以古事爭十宅諸叔陛下奉之若何帝赫然曰卿何知舒王非朕子對曰陛下昔為臣言之陛下有嫡子以為疑弟之子敢自信於陛下乎帝曰卿違朕意不顧家族邪對曰臣衰老位宰相以諫而誅分也使太子

景則內紀前

卷五十七

十六

廢佗曰陛下悔曰我惟一子殺之必不吾諫吾亦殺爾子則臣絕祀矣雖有兄弟子非所歆也即噫鳴流涕因稱昔太子不道藩王窺伺者西廢之陛下疑東宮而稱舒王賢得無窺伺乎若太子得罪請亦廢之而立皇孫千秋萬歲後天下猶陛下子孫有也且郛國為其女妬忌而蠱惑東宮豈可以妻母累太子執爭數十意益堅帝寤太子乃得安初興元後國用大屈封物皆損二舊制堂封歲三千六百緡後纔千二百至是帝使還舊封於是李晟馬燧渾瑊各食實封悉讓送必不納時方鎮

私獻於帝歲凡五十萬緡其後稍損至三十萬帝以用度乏問泌泌請天下供錢歲百萬給宮中勸不受私獻凡詔旨需索即代兩稅則方鎮可以行法天下紓矣帝嘗從容言盧杞清介敢言然少學不能廣朕以古道人皆指其姦而朕不覺也對曰陛下能覺杞之惡安致建中禍邪李揆和蕃顏真卿使希烈其害舊德多矣又楊炎罪不至死杞擠陷之而相關播懷光立功逼使其叛此欺天也帝曰卿言誠有之然楊炎視朕如三尺童子有所論奏可則退不許則辭官非特杞惡之也且建中亂

東則內紀前

卷五十七

十七

卿亦知桑道茂語乎乃命當然對曰夫命者已然之言君相造命不當言命言命則不復賞善罰惡矣桀曰我生不有命自天武王數紂曰謂已有天命君而言命則桀紂矣帝曰朕請不復言命俄加集賢殿崇文館大學士脩國史泌建言學士加大始中宗時及張說為之固辭乃以學士知院事至崔圓復為大學士亦引泌為讓而止帝以前世上已九日皆大宴集而寒食多與上已同時欲已三月名節自我為古若何而泌請廢正月晦以二月朔為中和節因賜大臣戚里尺謂之裁度民間以

囊盛百穀瓜菓種相問遺號為獻生子里閭釀官春酒以祭句芒神祈豐年百官進農書以示務本帝悅乃著令與上已九日為三令節中外皆賜緡錢燕會四年春月月蝕東璧泌曰東璧圖書府大臣當有憂者吾以宰相兼學士當之昔燕國公張說田是以亡又可免乎明年果卒年六十八贈太子太傅泌出入中禁事四君數為權倖所疾常以智免好縱橫大言時進譏議能寤移人主然常持黃老鬼神說故為人所譏切初肅宗重陰陽巫祝擢王珣執政興造工役輒臺禁忌俗說而黎幹以

東則內紀前

卷五十七

十七

左道位京兆尹嘗使禁工駢珠刺繡為乘輿服舉焚之以為禳禮德宗素不為然及嗣位罷內道場除巫祝代宗將葬帝號送承天門輜車行不中道問其故有司曰陛下本命在午故避之帝泣曰安有枉靈駕以謀身利命直午而行又宣政廊壞大臣言孟冬魁岡不營繕帝曰春秋啟塞從時何魁岡為亟詔葺之及桑道茂城奉天事驗始尚時日拘忌因進用泌泌亦自有所建明獨柳玭稱兩京復泌謀居多其功乃大於魯連范蠡云子繁大理少卿兼弘文館學士知隨州有善政為舒元興構

害著家傳十篇

景則內紀前

卷五十七

十九

史南曰臣幼讀文公綱目於肅宗至德元載書曰李泌至靈武及帝與同榻力陳五不可之說求歸則又書曰李泌歸衡山於代宗廣德三年書曰徵李泌于衡山何其見幾之決運策之奇樹勲之敏也李文正評曰泌之術高矣肅宗欲使倭為元帥泌懼其偏也諫而歸之倭及欲以倭為太子則勸其待上皇之至而又使倭自辭之張良娣之將立也又勸止之倭有惡于良娣則又勸其監建寧之禍及其迎復上皇也知其不來則又請作群臣表而上皇始至肅宗襲位之後上皇還京之前嫌隙未至太露者皆泌之功也蓋泌有過人之術故其委曲深到足以深中人主之機而奪其情彼固能料肅宗用已於艱難而極言之也及良娣輔國構結已成建寧既死而肅宗強勉承順者將有不終之漸既不欲與其名又恐不免其身故雖以先朝故舊不及上皇之至一旦欲去之無疑也夫以德宗之猜忌元載之凶嫉出而周旋其間進退不以介意而卒老于相位其定太子保功臣論宰相乃

景則內紀前

卷五十七

二十

張浚

子杓

前有留侯赤松好仇後有鄴侯黃綺垂休

張浚字德遠綿竹人唐宰相九齡弟九臯之後入太學中進士第靖康初為太常簿高宗即位除樞密院編修改虞部郎擢殿中侍御史禮部侍郎帝問浚大計浚請身任陝蜀之事置幕府於秦川別遣大臣與韓世忠鎮淮東令呂頤浩扈蹕來武昌復以張浚劉光世與秦川相首尾議既定浚行未及武昌而頤浩初議已變金人大寇江淮浚即治軍入衛至房州知金人北歸復還四年初辛炳知潭

州浚在陝以檄發兵不遣浚奏効之至是炳為御史中丞率同列劾浚以本官提舉洞霄宮居福州浚上疏極言其狀未幾劉豫子麟引金人入寇高宗思浚前言召為資政殿學士兼侍讀知樞密院事浚受命江上視師五年除尚書右僕射同平章事都督諸路軍馬時巨寇楊么據洞庭屢攻不克浚以建康為東南都會洞庭據上流恐滋蔓為害請因盛夏率師討之至醴陵釋邑囚數百俾招諭諸岩因驩呼而往潭賊衆二十餘萬相繼來降湖寇盡平上賜浚書謂上流既定則川陝荆襄形勢

景則南紀前

卷五十七

王

接連事力增倍天其以中興之功付卿乎浚遂奏遣岳飛屯荆襄以圖中原乃自鄂岳轉淮東大會諸將議防秋之宜高宗遣使勞曰卿暑行甚勞湖湘群寇既就招撫成朕不殺之仁卿之功也召對便殿進中興備覽四十一篇詔復居永州三十一年春有旨自便浚至潭復加觀文殿大學士判潭州時金兵充斥王權兵潰劉琦退歸鎮江遂改命浚判建康府兼行宮留守浚至岳陽時長江無一舟敢行北岸者浚乘小舟徑進過池陽聞金主亮死餘衆猶屯和州李顯忠兵在沙上浚往犒之浚

至建康即牒通判劉子昂辦行宮儀物請乘輿幸二十二年車駕幸建康浚迎拜道左軍民皆倚以為重行至餘干得疾手書諭其二子棡與杓曰即死葬我衡山足矣卒贈太師追封魏公子棡杓張棡字敬夫少師事胡宏一見即以孔門論仁心切之旨告之宏稱之曰聖門有人矣棡益自奮以聖賢自期作希顏錄以應補官辟宣撫司機宜文字除直秘閣初孝宗即位浚起謫籍開府治戎參佐皆極一時之選棡時以少年內贊密謀外參庶務其所綜畫幕僚皆自以為不及間以軍事入奏孝

景則南紀前

卷五十七

王

宗異其言及湯思退用事遂罷兵講和金人乘間縱兵入淮甸中外大震猶主和議至敕諸將無輕兵與戰棡上疏言吾與金人有不共戴天之讎異時朝廷雖嘗興縞素之師遣王帛之使講和之念未忘於胷中而惻怛之心無以感格于天人之際此所以事屢敗而功不成也疏入不報久之劉珙薦於上除知撫州未上改嚴州時宰相虞允文以恢復自任意棡素論與合召為吏部侍郎兼侍講論奏王黼出知袁州累年孝宗念之詔知靜江尋除秘閣修撰荆湖北路轉運副使改知江陵府一

日去貪吏十四人湖北多盜府縣縱釋以病其民  
拭首効大吏之縱賊者捕斬姦民之舍賊者令相  
捕告以贖罪群盜皆遁去郡瀕邊屯主將與帥守  
每不相下拭以禮遇諸將得其惟心又加恤士伍  
勉以忠義士咸感奮金人嘆曰南朝有人其在衡  
州向朱晦菴遊南岳遇雪詩云驅車望衡嶽群山  
政參差微風忽南來雲幕為四垂炎官挾虜收從  
此萬王妃度熒亦何有尺壁仍珠璣奇貨吾敢居  
妙意良自知林巒倏變化轍跡平高低喬松與修  
竹錯立呈瑰姿清新足遐寄浩蕩多餘思平生湘

素則內紀前

卷五十七

三

南道未審有此奇况復得佳友晤言相追隨茅簷  
舉杯酒旅榻誦新詩更約登絕頂同看霽色時又  
云人言南山巔煙雲聳樓觀俯瞰了坤倪仰攀接  
天漢勇往愧未能長吟湘水畔茲來渺遐思風雪  
豈中斷行行重行行敢起自畫嘆我聞精神交石  
裂冰可泮陰沍驅層雲杲日麗旭旦決策君勿疑  
此理或通貫又祝融觀月詩云披衣凜中夜起步  
祝融巔何許冰雪輪皎皎飛上天清光正在手空  
明浩無邊群峯儼環列玉樹生瓊田白雲起我旁  
西腋風翩翮舉酒發浩歌萬籟為寂然寄言平生

友誦我山中篇又雷池望日詩云浮氣列下陳天  
淨澄耿容朝暾何處升彷彿認微紅須臾眩衆采  
闔闔開九重金鉦忽湧出晃蕩浮雙瞳乾坤豁呈  
露群物光芒中誰知雷池景乃與日觀同徒傾葵  
藿心再拜御曉風又祝融峰詩云祝融高處好拂  
石坐林端雲夢從渠小乾坤本自寬回眸增浩蕩  
出語覺高寒明日重來看寧須取次還又上封懷  
文公詩云憶共朱夫子登臨冰雪中劇談無俗調  
得句有新功別去鴈橫浦重來月滿空遙憐今夕  
意清夢儼相同未幾求去詔以右文殿修撰提舉

景則內紀前

卷五十七

四

武夷山中佑觀病且死猶手疏勸上親君子遠小  
人信任防一已之偏好惡公天下之理天下傳誦  
之杖有公輔之望卒年四十有八附葬于衡山魏  
公塚側子焯蚤殤弟杓乞銘于文公杓之子忠恕  
字行父仕至知澧州徙鄂州孫鏜見樹節紀朱文  
公銘其墓曰闕尹之忠文子之清匪欲之徇而仁  
弗徇孰酌孰張以詔後學公秉厥機如寐斯覺自  
時厥後動罔弗欽孝承考志忠格天心惟忠惟孝  
惟一其義惟命有嚴豈曰為利群邪肆誕公避而  
歸西鎮餘功以德為威帝曰懷執汝忠而實姑迄



外庸來輔來拂上天甚神曷監而遺彼頑弗天此  
哲而萎往昔茫茫來今不盡求仁得仁公則奚恨  
又贊其像曰擴仁義之端可以彌六合謹善利之  
判至於析秋毫拳拳乎其致主之切汲汲乎其幹  
父之勞乞乞乎其任道之勇卓卓乎其存心之高  
知之者識其春風沂水之樂不知者以為湖海一  
世之豪彼其揚休山立之姿既與其不可傳者死  
矣觀於此者尚有以卜其見伊呂而失蕭曹也耶  
又為文以奠于龍塘文多不載

史南曰臣攷諸南軒以宋乾道四年丁亥秋與

景則內紀前

卷五十七

五

文公同游南嶽訪李鄴侯書堂至淳熙七年已  
亥春卒于江陵府塋于衡陽縣楓林之鄉龍塘  
之里今長沙志載于寧鄉石齋楊公撰記謂墳  
墓所在鞠為榛莽土人父老亦鮮知之當以文  
公墓銘為證不誣也贊曰堂堂魏公天挺人傑  
起家西川持節南國南軒元嗣世篤忠貞德粹  
而和學正以醇幽贊制閭明登賢域乃與晦翁  
資深麗益祝衡詩社嶽麓講筵開我先覺終日  
乾乾

胡安國

子寅 子宋

胡安國字康侯建寧崇安人徙居湖南之潭州以程  
頤之友朱長文及穎川靳裁之為師三試禮部紹  
聖四年登進士哲宗親讀其策稱善親擢為第三  
初授太學博士提舉湖南學事有詔舉遺逸安國  
以永州布衣王繪鄧璋應詔二人老不行安國請  
命之官以勸為學者零陵簿稱二人乃范純仁客  
而流人鄒浩所請託也蔡京素惡安國與已異得  
簿言大喜命湖南提刑置獄推治又移湖北再鞫  
卒無驗安國竟除名讀書于衡山紫蓋峰下著春  
秋傳政和元年張商英知其賢除提舉成都學事

景則內紀前

卷五十八

五

二年丁內艱移江東父沒終喪稱疾不仕築室墓  
傍蓋將終身焉宣和末李彌大吳敏譚世勳各薦  
除屯田即辭靖康元年除太常少卿辭起居郎又  
辭朝旨屢趣行至京師以疾在告一日方午欽宗  
召見安國奏曰明君以務學為急聖學以正心為  
要心者萬事之宗正心者揆事宰物之權願擢名  
儒明於治國平天下之本虛懷訪問深發獨智又  
言為天下國家必有一定不可易之計謀議既定  
君臣固守故有志必成治功可立今視朝半年矣  
而紀綱尚紊風俗益衰施置乖方舉動煩擾大臣

爭競而朋黨之患萌百執窺覲而浸潤之姦作用人失當而名器愈輕出令數更而士民不信乞訪大臣各盡底蘊畫一具進宜示臺諫隨事疏駁若大臣議絀則參用臺諫之言疏駁不當則專守大臣之策仍集議于朝斷自宸衷庶幾新政有經可冀中興語未竟日暑甚汗浹上衣遂退時侍郎耿南仲倚攀附恩安國論奏南仲又言安國不臣欽宗問其狀南仲曰徃不事上皇今又不事陛下欽宗曰渠自以病辭初非有向背也每臣僚登對欽宗即問識安國否中丞許翰曰自蔡京得政

景則內紀前

卷五十七

七

士大夫無不受其籠絡超然遠跡不為所汙如安國者實鮮欽宗嘆息遣中書舍人晁說之宣旨且曰他日去即不疆留除中書舍人賜三品服南仲諷臺諫論其稽命不恭宜黜削疏奏不下安國乃就職南仲既傾宰相吳敏樞密使李綱又謂許景衡晁說之懷姦徇私並黜之安國言二人為去就必有陳論乞降付本省載諸詞命不報葉夢得知應天府坐為蔡京所知落職安國言京罪已正向為京所引者今皆朝廷之人若更指為京黨則人才見棄者衆黨論何時而弭乃除夢得小郡中書

侍郎何臬建議分天下為四道置四都總管安國言內外之勢適平則安偏重則危今州郡太輕理宜通鑒石分為四道事得專決官得辟置兵得誅賞權重抗衡何以待之尋以趙野總北道安國言魏都地重野必誤委是冬金人大入野遁為群道所殺西道王襄擁衆不復北顧如安國言李綱罷中書舍人劉珪行詞謂綱勇於報國吏部侍郎馮解言珪為綱遊說珪坐貶安國封還南仲大怒何臬從而擠之詔與郡臬以安國素苦足疾而海門地卑濕乃除安國右文殿修撰知通州既去逾旬

景則內紀前

卷五十七

七

金人薄都城子寅為郎在城中客或憂之安國愀然曰主上在重圍中効忠無路敢念子乎敵圍益急欽宗亟召安國及許景衡詔竟不達高宗即位以給事中召安國言昨因繳奏偏觸權貴今陛下將建中興而政事弛張人才升黜尚未合宜臣若一行其職守必以妄廢干犯典刑黃潛善諷給事中康執權論其託疾罷之三年樞密張浚薦安國可大用再除給事中賜其子起居郎寅手札令以上意催促既次池州聞駕幸吳越引疾還紹興元年除中書舍人兼侍講遣使趣召安國以時政

論獻之復除給事中二年七月入對高宗曰聞卿大名渴於相見何為累詔不至安國辭謝乞以所進二十一篇者施行曰定計建都設險制國卹名立政覈實尚志正心養氣宏度寬隱旬日再見以疾懇求去高宗曰聞卿深於春秋方欲講論遂以左氏傳付安國點句正音安國奏春秋經世大典見諸行事非空言比今方思濟艱難左氏繁碎不宜虛費光陰莫若潛心聖經高宗稱善尋除兼侍讀專講春秋時講官四人援例乞各專一經高宗曰他人通經豈胡安國比不許會除故相朱勝非同都督江淮荆浙諸軍事安國奏勝非與黃潛善汪伯彥同在政府緘默附會循致渡江尊用張邦昌結好金國淪滅三綱天下憤懣及正位冢司苗劉肆逆貪默苟容今彊敵憑陵叛臣忌用人得失繫國安危深恐勝非上誤大計勝非改除侍讀安國持錄黃不下左相呂頤浩特命校正黃龜年書行初頤浩都督江上還朝欲去異己者未得其策或教之指為黨頤浩大喜即引勝非為助而降旨曰胡安國屢召偃蹇今始造朝其自為謀則善如國計何落職提舉仙都觀是夕彗出東南侍御

史江躋上疏極言勝非不可用安國不當責右司諫吳表臣亦言安國扶病見君欲行所學今無故罪去恐非所以示天下不報頤浩即點給事中程瑀起居舍人張燾及躋等二十餘人臺省一空勝非遂相安國竟歸五年除徽猷閣待制知永州安國辭詔從其請提舉江州太平觀令纂修所著春秋傳書成高宗謂深得聖人之旨除提舉萬壽觀兼侍讀未行諫官陳公輔上疏詆程頤之學安國奏曰孔孟之道不傳久矣自願兄弟始發明之然後知其可學而至今使學者師孔孟而禁不得從願學是入室而不由戶本朝自嘉祐以來西都有邵雍程顥及其弟頤關中有張載皆以道德名世卿大夫所欽慕而師尊之會王安石蔡京等曲加排抑故其道不行望下禮官討論故事加之封爵載在祀典仍詔館閣裒其遺言校正頒行使邪說者不得入公輔與中丞周密侍御史石公揆承望宰相風旨交章論安國學術頗辭除知永州辭復提舉太平觀進寶文閣直學士卒年六十五詔贈四官又降詔加賻賜田十頃恤其孤謚曰文安國強學力行以聖人為標的志於康濟時艱見中原

淪沒遺黎塗炭常若痛切於身雖數以罪去其愛君憂國之心遠而彌篤每有君命即置家不問然風度凝遠蕭然塵表視天下萬物無一足以嬰其心自登第迄謝事四十年在官實歷不及六載朱震被召問出處之宜安國曰子發學易二十年此事當素定矣世間惟講學論政不可不切至於行已去就語默之幾如人飲食其饑飽寒溫必自斟酌不可決諸人亦非人所能決也吾平生出處皆內斷於心浮世利名如蟻蟻過前何足道哉故渡江以來儒者進退合義以安國尹焞為稱首侯仲

景則前紀前

卷五十七

三十一

良必言稱二程先生他無所許可後見安國嘆曰吾以為志在天下視不義富貴如浮雲者二程先生而已不意復有斯人也安國所與游者游酢謝良佐楊時皆程門高弟良佐嘗語人曰胡康侯如大冬嚴雪百草萎死而松栢挺然獨秀者也安國之使湖北也時方為府教授良佐為應城宰安國質疑訪道禮之甚恭每來謁而去必端笏正立目送之自王安石廢春秋不列於學宮安國謂先聖手所筆削之書乃使人主不得聞講說學士不得相傳習亂倫滅理用夏變夷殆由乎此故在衡山

潛心是書二十餘年以為天下事物無不載此書每嘆曰此傳心要典也所著有文集十五卷資治通鑑舉要補遺一百卷二子宋寧姪寅

胡寅字明仲安國弟之子也安國妻夢大魚躍盆驚覺值婦生男欲棄遂往取而子少桀黠難制父閉之空閣上有雜木寅盡刻為人形安國曰當有以移其心別置書數千卷於其上年餘寅悉成誦不遺一卷游辟雍宣和中登進士靖康初以御史中丞何嶽薦召除秘書省校書郎楊時為祭酒寅從之游遷司門員外郎金人陷京師議立異姓寅

景則前紀前

卷五十七

三十二

與張浚趙鼎匿太學中不書議狀張邦昌偽立寅棄官歸言者劾其離次降一官建炎三年高宗幸金陵樞密使張浚薦為駕部官起居郎金人南侵詔議移蹕之所寅上書曰昨陛下以親王介弟出師河北二聖既遷則當糾合義師北向迎請而遽膺翊戴亟居尊位戮直臣以杜言路南巡淮海偷安歲月敵入閬陝漫不捍禦盜賊橫潰莫敢誰何元元無辜百萬塗地地方且製造文物講行郊報自謂中興金人乘虛直擣行在匹馬南渡移蹕建康不為久圖畏縮遠避此失人心之大者曾不思宗

廟則草莽埋之陵闕則秦鍾驚之夫潛善伯彥誤陛下陷陵寢蹙主宇喪生靈者可勝罪乎厥初嗣服既不為迎二聖之策因循遠狩又不為守中國之謀德義不孚號令不行刑罰不威爵賞不勸若不更轍以救垂亡則陛下永負孝悌之愆常有父兄之責人心一去天命難恃雖欲羈栖山海恐非為自全計也自古中國疆盛如漢武帝唐太宗其得志四夷必併吞掃滅極其兵力而後已中國禮義所自出也恃疆凌弱且如此今乃以仁慈之道君子長者之事望於凶頑之粘罕豈有是理哉今

景則前

卷五十七

三十五

日圖復中興之策莫大於罷絕和議以使命之幣為養兵之資不然則僻處東南萬事不競納賂則孰富於京室納質則孰重於二聖反復計之所謂乞和決無成理夫大亂之後風俗靡然丕變之幾在於務實治兵擇將誓戮大愆者孝弟之實也遣使乞和冀幸萬一虛文也屈已求賢信用群策者求賢之實也外示禮貌不用其言虛文也不惟面從必將心改苟利於國即日行之者納諫之實也和顏泛愛內惡切直虛文也擢智勇忠直御以恩威約以誠信者任將之實也親厚庸奴等威不亢

虛文也汰疲弱擇壯勇足其衣食申明階級以變其驕悍者治軍之實也教習兒戲紀律蕩然虛文也遴選守刺久於其官痛刈姦賊廣行寬恤者愛民之實也軍須戎具征求取辦虛文也以此六實者行乎其間則為中興之實政以此六虛者行乎其間則為今日之虛文陛下戴黃屋建幄殿贊明輦出房中雉扇金爐夾侍兩陛仗馬衛兵儼分儀式贊者引百官入奉起居以此度日彼粘罕者晝夜厲兵跨河越岱電掃中土遂至吞吸江湖蹂踐衛霍吾方擁虛器茫然未知所之可乎且君子小

景則前

卷五十七

三十四

人勢不兩立仁宗在位小人雖或見用罪著則斥君子亦或見廢忠顯則收故其成當世之功貽後人之輔者皆君子也至安石則不然斥絕君子一去而不還崇信小人一任則不改故其敗當時之政為後世之害者皆小人也仁宗所養之君子既日遠而銷亡矣安石所致之小人方蕃息而未艾也所以誤國破家至烈以致二聖屈辱拜莽擅朝伏節死難者不過十二人此浮華輕薄之俗明主所畏而深戒者也古之稱中興者撥亂世反之正今亂亦云甚矣其反正而興之在陛下昔宗澤一

老從官耳猶能推誠感賊北連懷衛同迎二聖剋期密應者無慮數十萬人何況陛下身為子弟期以十年必能掃除妖氛遠逐父兄稱中興其與楊息遁藏陷危負耻如今日豈天地相絕哉疏入宰相呂頤浩惡其切直除直龍圖閣主管江州太平觀二年五月詔内外官各言省費裕國彊兵息民之策寅以十事應詔曰修政事備邊陲治軍旅用人才除盜賊信賞罰備財用核名實屏諛佞去姦慝疏上不報尋命知永州紹興四年十二月復召為起居郎遷中書舍人賜三品服時議遣使雲中

宋則尚紀前

卷五十七

五十五

寅上疏言女真驚動陵寢戕毀宗廟劫質二聖乃吾國之大讐也頃者誤國之臣遣使求和以苟歲月九年于茲其效如何幸陛下灼見邪言漸圖恢復忠臣義士聞風興起各思見效今無故蹈庸臣之轍忘復讎之義陳自辱之辭臣切為陛下不取也若謂不少貶屈如二聖何則自丁未以至甲寅所為卑辭厚禮以問安迎請為名而遣使者不知幾人矣知二聖之所在聞二聖之聲音者誰歟得女真之要領而息兵者誰歟臣但見和議既成而黃河長淮大江相繼失險矣夫女真知中國所重

在二聖所懼在劫質所畏在用兵而中國坐受此餌既久而不悟也天下謂自是必改圖矣何如復出此謀計邪使天下皆知女真為不共戴天之讎人人有致死之心然後二聖之怨可平陛下人之職舉矣不然彼或願與軟盟泗水之上不知何以行之望聖意直以世讎無可通之義寢罷使命高宗嘉納云胡寅論使事詞旨剴切深得獻納論思之體召至都堂諭旨仍降詔獎諭既而右僕射張浚自江上還奏遣使為兵家機權竟反前旨寅復奏疏三既與浚異遂乞便郡就養於是忌嫉者

宋則尚紀前

卷五十七

五十六

衆朝廷辨宣仁聖烈之誣行遣章惇蔡卞皆宰臣而授上旨令寅撰進除猷徽閣待制改知邵州辭改集英殿修撰復以待制改知嚴州又改知永州徽宗寧德皇后訃至朝廷用故事以日易月寅上疏言禮讎不復則服不除願降詔旨服喪三年衣墨臨戎以化天下尋除禮部侍郎兼侍直學士丁父憂免喪時秦檜當國除徽猷閣直學士提舉江州太平興國觀俄乞致仕遂歸衡州檜既忌寅雖告老猶憤之坐譏訕朝政落職右正言章夏劾寅不持本生母服不孝諫通鄰好不忠責授新州安

置檜死詔自便尋復其官紹興二十一年卒年五十九寅志節豪邁初擢第中書侍郎張邦昌欲以女妻之不從始安國頗重秦檜及檜擅國寅遂與之絕新州謫命下即日就道謫所著讀史管見數十萬言及論語詳說皆行于世其為文根著義理有斐然集三十卷

胡宏字仁仲幼事楊時侯仲良而卒傳其父之學優游衡山下餘二十年玩心神明不舍晝夜張栻師事之紹興間上書其略曰治天下有本仁也謂仁心也心官茫茫莫知其鄉若為知其體乎有所不

景則內紀前

卷五十七

三十七

察則不知矣有所顧慮有所畏懼則雖有能知能察其良心亦浸消亡而不自知此臣之所大憂也夫敵國據形勝之地逆臣僭位於中原牧馬騷擾欲爭天下臣不是懼而以良心為大憂者蓋良心充于一身通于天地宰制萬事統攝億兆之本也察天理莫如屏欲陛下亦有朝廷政事不干於慮便嬖智巧不陳於前妃嬪佳麗不幸於左右時矣陛下試於此時沉思靜慮方今之世陛下之身事孰為大乎孰為急乎必有歉然而餒惻然而痛坐起彷徨不能自安者則良心可察而臣言可信矣

景則內紀前

卷五十七

三十八

昔舜以匹夫為天子瞽叟為天子父受天下之養豈不足於窮約哉而瞽叟猶不悅自常情觀之舜可以免矣而舜夔夔有憂焉徽宗身享天下之奉幾三十年欽宗生於深宮以至為帝一旦劫於讎敵遠適窮荒衣裘失司服之制飲食失膳夫之味居處失宮殿之安妃嬪之好動無威嚴辛苦墊隘其願陛下加兵敵國猶飢渴之於飲食庶幾一得生還父子兄弟相持而泣歡若平生引領東望九年于此矣夫以疎賤念此痛心當食則噉未嘗不投箸而起思欲有為况陛下當其任乎而在廷之臣不能對揚天心充陛下仁孝之志反以天子之尊北面讎敵陛下自念以此事視於舜何如也且群臣智謀淺短自度不足以任大事故欲偷安江左為身謀爾陛下乃信之以為可以進撫中原展省陵廟來歸兩宮萬世不磨之辱臣子必報之讎子孫所以寢苦枕戈弗與共天下者也王安石輕用已私紛更法令棄誠而懷詐興利忘義尚功恃道廢之也邪說既行正論屏棄故姦諛敢挾紹述之義以逞其私誣謗宣仁廢遷隆祐使我國家君



臣父子之間頃生疵癘三綱廢壞神化之道泯然  
將滅遂使敵國外橫盜賊內訌王師傷敗中原陷  
沒二聖遠栖於沙漠皇輿僻寄於東吳禍至酷也  
若猶習於因循憚於更變亡三綱之本性昧神化  
之良能上以利勢誘下以智術干故是非由此不  
公名實由此不核賞罰由此失當亂臣賊子由此  
得志人紀由此不修天下萬事倒行逆施人欲肆  
而天理滅矣陛下即位以來中正邪佞更進迭退  
陳東以直諫死于前馬伸以正論死于後而未聞  
誅一姦邪黜一諛佞何摧中正之易而去姦邪之

景則內紀前

卷五十七

三

難也此雖當時輔相之罪然中正之士乃陛下腹  
心耳目柰何以天子之威握億兆之命乃不能保  
全二三腹心耳目之臣以自輔助而令姦邪得而  
殺之於誰責而可乎臣竊痛心傷陛下威權之不  
已也高閎為國子司業請幸太學宋見其表作書  
責之曰太學明人倫之所昔楚懷王不返楚人憐  
之如悲親戚蓋忿秦之彊力詐其君不得其死勝  
於加之以刃也太上皇帝刼制於彊敵生往死歸  
此臣子痛心切骨卧薪嘗膽宜思所以必復也而  
柄臣乃敢欺天罔人以大讎為大恩乎其宋公為

楚所執楚子釋之孔子筆削春秋乃曰諸侯盟于  
澠釋宋公不許楚人制中國之命也太母天下之  
母其縱釋乃在金人此中華之辱臣子所不忍言  
也而柄臣乃敢欺天罔人以大辱為大恩乎既不  
能建大論明人理以正君心乃阿諛柄臣希合風  
旨求舉太平之典又為之詞云欺天罔人孰甚焉  
宏初以蔭補右承務郎不調秦檜當國貽書其兄  
寅問二弟何不通書意欲用之寧作書止叙契好  
而已宏書辭甚厲人問之宋曰政恐其召故示之  
以不可召之端檜死宏被召竟以疾辭卒于衡山

景則內紀前

卷五十七

中

著書曰知言張栻謂言約義精道學之樞要制  
治之著龜也有詩文五卷皇王大紀八十卷  
史南曰臣以乙酉春三月朔登祝融懋哉蓋乃  
謁文定公父子書院蒼煙碧樹交映講席丹崖  
翠壁曲抱經帙使人惕然思肅然敬而春秋大  
義炳然與天日相為昭焉贊曰紫蓋萃澤祝融  
之京石困嶠嶸天柱嶒嶸惟文定公游心神明  
且束三傳獨究一經尊華賤夷定分正名五峯  
紆迴致堂靜寧父作子述允為世程  
楚紀卷之五十七

楚紀卷之五十八

皇明賜進士 經筵日講同修 國史奉直大夫翰林院侍講學士 廖道南謹撰

景則內紀後篇

詹同

詹同字同文舊名書徽州婺源人生而穎靈獨抱奇氣元學士虞集以其弟槃之子妻之至正中舉茂才異等授郴州路學正遇亂道梗因家黃州陳友諒徵為學士承旨兼御史

高皇帝平陳首召同為國子博士易其名曰同未幾以為待制起居注時命有司求遺書

景則內紀後

卷五十八

上謂同曰三皇五帝之書不盡傳于世故後世鮮知其行事漢武帝購求遺書六經始出唐虞三代之治始可得見武帝雄才大畧後世罕及表章六經開闡帝王之學又有功于後世吾每于宮中無事輒取孔子之言觀之如節用而愛人使民以時真治國之良規誠萬世之師也遂命攷宗廟時享禮洪武元年四月命畫古孝行及起家戰伐歷試愁苦為圖以垂世訓

上謂同曰朕家本業農祖父皆長者世承忠厚積善餘慶以及于朕今圖茲以貽子孫俾知王業艱難

也同對曰陛下昭德垂訓莫此為切

上曰富貴易驕難難易忽久遠易忘後世子孫生長深宮惟見富貴習于奢侈不知祖宗積累之艱故示之俾朝夕覽觀庶有所警也是年十二月以同為直學士二年三月為侍讀學士劉基疏請加禮大丘同因取戴記及賈誼疏以進且復開說剴切上深納之又諭同曰古人為文章或以明道德或以通當世之務典謨之言明白易知無深怪險僻之語至如諸葛亮出師表亦何嘗雕琢為文而誠意溢出使人讀之自然忠義感激近世文士不究道

景則內紀後

卷五十八

二

德之本不務當世之務立辭雖艱深而意實淺近即使過于司馬相如楊雄何裨實用自今翰林為文但取通道理明世務者無事浮藻四年乃陟為吏部尚書

上諭曰吏部者衡鑑之司鑑明則物之妍蚩無所遁衡平則物之輕重得其當蓋政事之得失在庶官任官之賢否由吏部任得其人則政理民安任非其人則壞官曠職卿等居銓衡之任宜在公平以別賢否六年七月以同為學士承旨兼吏部尚書上御奉天門謂同曰論行事于目前不若鑒之于往

古鄉儒者試言古先帝王為治之道同對曰帝王之治莫善于唐虞三代可以為萬世法

上曰三代而上治本於心三代而下治由乎法本于心者道德仁義其用為無窮由乎法者權謀術數其用有時而窮然為治者違乎道德仁義必入于權謀術數甚矣擇術不可不慎也九月壬寅與宋濂等修日曆為總裁官七年五月丙寅書成名曰皇明寶訓同以老乞歸

上錫之敕曰朕起布衣提三尺劍總率六師以拯民艱延攬英雄以圖至治凡二紀于茲曩者親征武

景則內紀後

卷五十八

三

昌平城之日爾同以文學之美從朕同游厥後任博士啟居注學士皆舉其職又長吏部辨人才之賢否審職任之輕重咸得其宜今年雖已邁猶輸誠效謀迄無少怠謂賢也已朕不忍以爾耄年服後奔走特命以翰林學士致仕爾惟欽哉未幾復起為學士承旨同所著有天衢喻嘯及海涓集子徽為左都御史兼太子少保吏部尚書以事坐廢徽子綏為太子洗馬改尚寶司丞

史南曰臣嘗艤舟黃人之墟訪詹同之蹟父老猶能言之及觀國史乃見其獻納忠諫被寵優

渥天造建侯各因其才爾矣可不謂榮焉贊曰鳥惟擇木魚則依水君臣同游保全終始苟弗善始胡克令終於昭蒙傑附鳳舉龍玉堂視草銓衡秉鑑猗與休哉皇謨斯贊

楊士奇

楊士奇名寓以字行江西泰和人曾祖景行仕元為待制景行生榮榮生子將子將生士奇士奇幼孤力學越章貢浮琴江艤鄂渚登黃鶴與蔣隱溪子立恭遊西山慨然有幽人貞士之志已而應奉翰林授王府審理靖難兵起約偕周是修諸人死難

景則內紀後

卷五十八

四

是修繼于尊經閣士奇不往

文皇履極擢國史編修簡入文淵閣進侍講兼春坊左中允轉左諭德永樂二年撰文華殿講義上諭曰先儒謂堯典一章大學全書皆具置其然乎士奇對曰堯舜禹湯文武數聖人凡修諸身施諸家國天下者皆大學之道也

上曰帝王之道貴切已實用故孟子道性善言必稱堯舜爾等講說理性當證諸古人以臚朕衷焉是歲饒州士人朱季友獻所著書詆訾濂洛諸儒士奇請焚其書毋使惑眾二年命侍

東宮講學士奇撰易本義要旨以進

皇太子悅賜名周易直指因閱真氏文章正宗諭士奇曰德秀學術純正如此對曰德秀所著大學衍義為君者不可不知為臣者不可不知君臣不知此義為治皆苟而已又閱歐陽修文集喜其奏議懇切令替善陳濟校正諭士奇曰為文不本大道斯無用之文為臣不能正言斯不忠之臣如歐陽子無忝矣廬陵有君子爾其勉之又間與贊善王汝玉論詩問士奇曰古人詩法何如士奇曰詩以言志明良喜起之歌南薰解阜之詩唐虞之君之

景則內紀後

卷五十八

五

志尚矣後世若漢高帝大風歌唐太宗雪耻除兇詩徒尚霸力皆非王道至於漢武帝秋風辭及隋煬帝陳後主所為詩則萬世之戒也五年廣東布政徐奇入覲遍賂要津獨不及士奇

文皇知之召士奇謂曰為臣當戒私交為士當務清慎爾其懋諸六年冬車駕巡狩北京命士奇輔

儲宮于南京九年三月朔

上御右順門召士奇問曰汝輔監國敢久東宮所行如何對曰皇太子天資甚高非人所能及事宗廟謹祭祀可以觀孝遇進表箋及諸儀物于行在必

躬必親可以觀敬且有過未嘗不知知之未嘗不改其用人以愛人為本不輕任匪人真宗杜之福也又問高煦奪嫡之謀信否士奇對曰臣與蹇義同事東宮匪見之真不敢妄對漢王初封于滇不之之也改封于青又不之之也茲聞徙都北京彼欲留守南京其意可知已

一默然還宮廉知高煦罪狀即褫其衣冠繫之且辭其護衛徙封樂安州十一年十二月歲除欽天監奏明年元旦日有食之禮部請朝賀如常儀士奇曰日食天變之大者宋仁宗時元旦日食富弼請

景則內紀後

卷五十八

太

罷宴撤樂呂夷簡不從後聞契丹免賀仁宗悔甚臣愚以為宜免賀

上曰君子愛人以德其如士奇議乃加左春坊大學士十四年十一月周王楚王來朝命士奇議謁陵禮士奇曰二王尊屬也皇太子太孫嫡宗也二王當居前分為兩行太子當于二王之後之中太孫又于太子之後之中諸孫班視太孫行視二王此非臣之臆見也朱熹家禮之序也

上出儀注于袖中與士奇合十二月壬申歷代名臣奏議成

上命刊賜皇太子太孫諭士奇曰致治之道千古一揆君能納善臣能盡忠天下未有不治朕觀是書見當時人君之量人臣之直為君者以前日之事為今事為臣者以古人之心為已心天下國家之福也二十二年八月

仁宗繼統進太子少傅禮部侍郎兼華蓋殿大學士上見士奇陞謁謂尚書夏原吉曰新華蓋來必自有說士奇奏恩詔甫下析薪司傳旨賦棗於山東河南以供香炭至八十餘萬民何以堪

上喜曰吾固知爾言中理即殺其半會禮部尚書呂

素剛內紀後

卷八

七

震題請釋服易吉元旦用樂士奇以為不可兵部尚書李慶建請朝覲官員宜給養官馬士奇又以為不可尚書蹇義論事偶及舊侍御史舒仲成等上怒欲逮問之士奇又以為不可大理卿虞謙少卿弋謙各上封事過激

上又怒左遷虞謙為少卿免弋謙朝參而以屬吏楊時習代虞謙士奇又力爭以為不可

上皆霽威從之諭曰為君以受直言為賢不受直言則過益深為臣以能直言為賢不能直言則忠不盡朕自今行有未當卿當盡心言之賜之銀章一

曰絕愆糾繆諭曰卿祇事先帝二十餘年又事于春宮朕今嗣位凡軍國重務協心贊輔或群臣有言未之能從卿有言未之悉從宜用茲印密疏以聞君臣之間盡誠相與庶幾朝無闕政民無失所而祖宗付托之重亦不負矣士奇遂密疏言事上褒答曰卿助朕以德期朕為唐虞主直股肱臣也卿勿以朕尊居宸極或有所畏而不之盡言繼自今其知無不言洪熙元年正月陟兵部尚書兼職如故賜天元玉曆賦諭曰天道人事未嘗判殊有動于此即應于彼朕少侍

素剛內紀後

卷五十八

八

皇祖教以慎修敬天未嘗敢怠是書言簡理當左右輔臣亦當知之四月既望

上御奉天門召蹇義夏元吉楊榮及士奇諭曰夜來星變卿等知之乎乃嘆曰天之命也夫勅士奇曰國家肇建西都庶務孔殷卿侍朕監國筆畫適中屢歷艱虞忘身徇國茲特錫爾牙章文曰貞一用傳厥家與國咸休宣德元年高煦叛

宣宗親征罪人既得師既旋大學士陳山請乘勝襲執趙王楊榮力贊之

上命士奇監勅士奇曰勅何以何為辭榮山咸曰汝

敢沮撓大事乎士奇曰

太宗三子惟趙王在且

上親叔也有罪者既不可赦無罪者亦當加厚庶幾  
仰憫在天之靈

上聞之不懌還京始召士奇問曰人言趙王滋衆柰

何士奇對曰趙王懿親當思保全毋惑群言悔之  
何及

上曰朕業已思之於是檢群臣章疏命廣平侯表容

齋賜趙王諭士奇曰趙邸獲全卿之力也二年十

月黎利奏稱安南陳王孫嵩宜立為後

景則內紀後

卷五十八

九

上命廷臣集議英國公張輔曰此黎利譎謀爾當發

兵討之蹇義夏原吉曰舉以與之無名徒示弱耳

士奇曰立陳氏後者

先帝本心求之不得乃郡縣其地且十數年來兵民

困于交趾之役極矣體

祖宗之初心以保祖宗之赤子此盛德事也何謂無

名漢棄珠厓前史榮之何謂示弱

上從其言遂棄交趾三年十月下都御史劉觀于獄

士奇舉通政使顧佐代之臺紀遂振五年二月

上御南齋宮命士奇草寬恤詔多所裨益三月清明

上奉皇太后謁陵士奇扈從

上曰母后為朕言先帝在青宮惟卿言不避忤意

先帝能從以不敗事又謂朕當受直言士奇對曰此  
皇太后盛德之言也願

陛下念之六年七月日既夕

上微行至士奇宅傳呼范太監來士奇叩首曰

陛下柰何以宗廟社稷之身自輕至此擾擾塵埃誰

識至尊若變起倉卒何以備之

上笑謂曰朕思卿一言故來爾明日遣太監范弘問

曰海內平靜時一微行何足過慮士奇曰天子尊

景則內紀後

卷五十八

十

居九重恩澤未洽幽隱萬一有冤夫怨婦窺伺竊

發誠不可不慮也後果獲盜如士奇言

上嘆曰愛朕莫若卿朕自今不復微行矣正統初進

少師同知經筵事展墓還鄉冢子稷坐事逮繫

英宗賜之勅曰卿歷事祖宗寔惟簡在暨朕繼統啓

沃弼贊厥勞尤多卿子既乖家訓干國紀朕不敢

私卿其以禮自處以副倚毗士奇感泣卒年八十

贈特進光祿大夫左柱國太師謚文貞官其子稷

為尚寶丞所著有沙羨稿石墓稿文籍志法書志

東里集楊溥銘其墓曰斯文遭際千載亨期以翼

君德以福群黎遠稽諸古異世同規

皇明啓運大統重熙純佑有命挺生璚奇左右密勿  
四紀于茲老成耆德以臣以師中流砥柱群疑著  
龜天不憖遺吁其以悲

史南曰臣觀沙羨稿及石荃稿見文貞蚤歲跡

跼魁岸視天下莫已若及觀國史暨

三朝聖諭錄乃知管仲之才優于召忽魏徵之績多

於王珪視諸詭隨無良者不侔矣然而輔亮

東宮保全趙邸歷事四朝終始如一非所謂社稷之

臣與或者乃以周是修之死子稷之獄少之則

景則內紀後

卷五十八

十一

吾不知也贊曰肇啟文淵首拔文貞和調鼎鼐

潤色絲綸羽翼儲極煦嫗宗親珍說以信刻偽

以直夷吾在齊語稱其仁玄成在唐史著厥徵

彼君子兮不失令名

薛瑄

薛瑄字德溫山西河津人曾祖常祖仲義皆通經教

授鄉里父貞領鄉薦為真定元氏教諭再調玉田

母齊氏夢一紫衣人入謁遂生瑄于學舍初生肌

如水晶五臟皆露祖仲義聞其啼聲曰必異人也

洪武己卯父貞改除馬湖吏目瑄撰平雲南賦黔

國見而奇之永樂己亥父貞復除鄢陵教諭庚子

瑄發解河南明年辛丑登進士宣德戊申授監察

御史差監湖廣銀場手錄性理大全潛心誦讀深

有所得著讀書錄寓洞庭歌曰吾觀庖犧龍馬圖

五行惟水居其初自從清濁真高下山澤通氣無

時無荆南之水亦衆矣壯觀惟有巴陵湖世俗相

傳八百里足跡未到空躊躇今秋持節來南楚泊

舟岳陽訪奇古登樓始得尋遐觀萬頃洪濤際天

宇如從東岱窺滄瀛一點仙山隔烟雨長風欵起

層霄間溟渤洶洶增狂瀾轟天揭地急雷鼓排空

景則內紀後

卷五十八

十一

炫日堆銀山須臾風止波濤定涵泳虛空開玉鏡

金鳥飲洲千丈紅白鷗落影一行動行客喜甚無

氛埃連翩大舸爭往來我亦飄然下樓去放舟中

流何快哉蜀江西來半天瀉瀟湘南接蒼梧野一

舳橫空有所之丈夫不作悠悠者洞庭洞庭七澤

雄鄒魯昔有觀瀾翁我今賦此良不苟乃知有本

無終窮寓壺頭歌曰沅水南來幾千里亂石激濤

蹴空起急梢官舫上巉岩閒倚驛樓看山水隔山

萬疊雲峰稠一峰平立名壺頭云是伏波駐兵處

至今石室留山陬憶昔炎綱繼如縷草竊絲紛擾



寰宇寧知田牧隱奇才揮斥奸庸識真主西征實  
藉聚米忠南征誰比銅柱功中興諸將數籌略直  
與賈鄧爭英雄老身甘向邊陲歿誓掃群蠻淨坤  
軸壺頭一死非無情天遣英靈鎮南服跳梁山醜  
胡為哉竟因遺箚稽顙來雖云未雪蕙諺謗白璧  
本自無纖埃昔於青史嘆高識今向荒山訪遺跡  
怒濤猶帶薄伐聲愁雲似是忠憤積馬侯馬侯真  
丈夫大器老與凡材殊廟食勲名幾千古英風激  
我章句徒寓沅州歌曰南州二月春來早綠水青  
山四紫繞城中何處足春光御史臺中富花草牕

東則內紀後

卷五十八

十五

外青梅結子稀門墻苑李爭時輝映日紅綃正縷  
縷漫空白雪何霏霏芍藥錦苞猶未啟蘭蓀露葉  
光泥泥楊柳風搓碧玉絲芭蕉葉吐青鸞尾苔茵  
展地萱草長千紅萬綠遙相當竹林好鳥自鳴宿  
萊畦蛺蝶殊悠揚生意由來滿天地粧點池臺足  
佳致門清祗覺白晝長庭間况復遊絲細靜觀元  
化深無涯中心默默含春熙酒効冰霜達陽氣晉  
期八表仁風吹寓襄陽歌曰持節過樊城南渡漢  
江曲漢江遠自嶓冢來遙望真如鴨頭綠江干樓  
堞何崢嶸壯哉快觀襄陽城少日常思一遊覽今

朝始遂來經行經行處處多遺跡滿目蒼然悲思  
集後人游似前人游古人憶似今人憶鬱鬱峴山  
翠遙遙鹿門深殘碑人墮羊祜淚隱君誰識龐公  
心龐公一去已千古尚有清風洒寰宇茂林鳥宿  
魚潛淵區區劉表焉得取城南習家池池水清漣  
漪當日山翁酩酊醉風流未許他人知更尋王粲  
宅留井峴山麓銅瓶無復汲深寒蔓草空餘覆幽  
綠悠悠往事難具陳高名尚有隆中人師出二表  
鬼神泣圖成八陣風雨頻乃知襄樊土風好由來  
英達何草草漢水東流峴首高祗因配此名不了

東則內紀後

卷五十八

十四

方今

明聖坐垂旒百年禮樂登虞周仁恩已滿天地大  
王化久浹江漢流江漢游女心如結士習詩書仰先  
烈烏臺使者來作歌期與國風傳不歇寓黔陽歌  
曰黔江轉急勢未已兩岸蒼崖削天起官船雙櫓  
疾於飛倏忽雲林過百里生平膽氣尤崛奇三年  
蠻徼甘奔馳惡灘險浪不經意白日自保公無私  
空囊弊篋一何有滿束古書置前後舡牕豁達含  
虛明書中得意寧容口忽憶江山千古長不知何  
日開鴻龐陰陽爭勝鬼神急造化不停真宰忙千

奇百怪氣參錯輕飄重墜真清濁三光宣精四海  
明五行順序百卉作有物不名復不彫泯默萬化  
常超超眼底江山未為壯大地比似猶毫毛感此  
人生浪自苦萬事悠悠隨所與放歌一曲南風來  
坐對青天西無語正統紀元擢山東僉事提督學  
政首以朱子白鹿洞規開示學者講明理性多所  
造就楊文貞公薦之入為大理少卿撰大理箴以  
自警時太監王振專柄錦衣指揮馬順附之會有  
百戶病死其妾誣妻殺其夫瑄白其寃都御史王  
文譜之于王振振怒嗾言官劾之詔逮之獄處以

學則內紀後

卷五十八

十五

大辟兵部侍郎王偉申救除名放歸正統己巳給  
事中陳信薦起為大理寺丞命督餉貴州戶部侍  
郎江淵薦之陞南京大理卿蘇州有饑民火富室  
之廬者王文復往按其事坐以謀逆連及五百餘  
家瑄又白其寃文謂人曰瑄崛強猶昔瑄曰辯寃  
獲咎又何憾焉既而執之愈力賴以平反者甚衆  
天順初都御史楊善薦之特召為禮部侍郎廉學  
士入內閣一日

英宗御便殿召瑄入語移時諄諄故沃皆有關於

學君德者是科命主考會試瑄以復性為問得劉

定之為省元時曹石冒功亂政瑄曰君子見幾而  
作寧俟終日耶即上疏乞休卒年七十六子四人  
孫棨舉進士李文達公銘其墓曰昔有王氏鳴道  
河汾流風餘韻以啟休聞乃若薛公不以自足瀛  
洛闕闕意向甚篤稽其出仕實始為親駁歷中外  
進學日新學既日新道亦有得身體力行至無少  
息操履堅定物外不移中心自固夫豈有私富貴  
利達患難貧賤隨處而安曷有歆羨成就後學大  
小不遺由粗而精以隨其資嗟今之人無公所好  
公今已矣誰臻其奧

學則內紀後

卷五十八

十六

史南曰臣幼誦讀書錄以為程朱語錄之後即  
有此書及觀國史乃見劉文安公定議謂瑄直  
躬慕古談道淑徒進不附麗退不慕戀允為一  
代名臣然論其於朱熹之學未若黃榦輔廣之  
親承微言金履祥許謙之推衍緒論推之從祀  
似亦為過也彭韶贊曰力行好古進趨有程寤  
寐河洛以究春陵駁歷中外大棘之卿縲紲非  
罪復起而承貳卿掌制以弼以承豈實遠物而  
志可行乞年以退惟道之楨

嚴嵩

嚴嵩字惟中分宜人弘治乙丑進士選翰林院庶吉士授編修歷國子祭酒南京吏部尚書入內閣晉少傅兼太子太傅謹身殿大學士初奉

今上命代祀南嶽寓雲開堂詩云寤寐名山遊茲夕山下宿虛館絕浮埃沉沉在幽谷矐矐星映除颯爽風動木耳目澹無營靜嘿寡所欲院寂凝清香更長續明燭慚無昌黎誠晴晦安可卜明發戒僕夫願恣雲霞曠又雲開堂不寐詩云夜聞臺端檄欲駐湘中船良遊匪夙約茲會豈天緣狂思忽如醒攬衣不得眠紙窓露微月髣髴至我前紅日出

景則內紀後

卷五十八

十七

東方曉山映澄鮮高吟振衣去期子層雲顛又懸半山亭詩云孤亭翠嶺上層雲烟靄微茫萬里分仙家鳥道迥莫到石壁猿聲清忽聞幽泉樹杪飛殘滴瑤草岩中吐異芬看拂丹霄朱鳥近焚香先禮祝融君又宿南臺寺云香閣珠林倚半天西人相對嶽峯眠羗村秉燭翻疑夢綵嶺乘鸞似下仙雲伴瘦筇過絕壁風傳清嘯隔蒼烟攸江亦有山陰興莫更虛迴半夜船又經西明山云崖登眇眇興况喜故人同石路寒山裏溪流萬水中幽花晴泣露高樹晚多風芳思何能洗清尊幸不空又再

遊水簾洞云此是朱陵第二遊恍疑雲水闕弁丘磴盤鳥道蘿烟暝潭隱龍宮雨氣浮聞有高人眠醉石擬將俗耳洗寒流摩崖細認題名字苔色蒼蒼萬古秋

許璣

許璣字廷美靈寶人其先唐圉師之後襄毅公之子也弘治丙辰進士授翰林編修陟吏部尚書入內閣晉少保兼太子太保作祝融行壽五洪大夫云祝融峯高九千丈一支繞出蒲圻上孕精毓秀地官家金紫然天正相望五洪之山勢更奇五洪之

景則內紀後

卷五十八

十八

水交澆淥地官早乘間氣生藝文樹德振蜚聲明光賜第司邦計指麾權倖即辭榮辭榮歸田三十載八旬顏色高商彭宜人淑德敬如賓百年佳會春復春鳳雛十二庭閣畔羽毛二揚精神冲然一鳳天中起碧雲冉冉九苞新

明時國器文章冠玉堂金馬相輝煥禁庭內直清暉永推食時聞分玉案都人買紙錄新詞文華催制頻揮翰

聖皇恩下封雙壽眷維學士邦家秀代言辰告殫忠勤邇德求原思有舊天葩爛漫語丁寧遠近人稱

恩寵厚緣知積累務深長公家德澤未可量衡麓  
獻果湖作釀歲歲為公舉壽觴我乏好詞掄盛美  
登堂欲賦楚茨章

顧鼎臣

港若水 張邦奇

顧鼎臣字九和長洲人弘治乙丑進士及第授翰林  
修撰歷諭德詹事禮部尚書入內閣兼武英殿大  
學士作五洪山行壽先大夫云五洪山中氣龐厚  
千巖萬壑帶林藪亭亭喬木翳雲日於中考槃者  
誰叟彤廷獻策第上第少年省郎曾拾取一朝逆  
豎柄太阿翩然掛冠俄皓首盈疇禾黍隨杖履揮  
景則內紀後 卷五十六 十九

架圖書開戶牖伯鸞之妻仲方子闔門積德世烏  
有舉案徒聞古今妻蘇九載見今賢母石渠金馬  
紹宦迹書動書言

帝左右六經講說感威顏三典編摩歸大手台垣鼎  
席占早晚華閥高車耀前後月旦芳評擬白眉錦  
堂拜寵偕黃耆吁嗟五洪山中氣龐厚山中之人  
多老壽芝田燁秀供朝餐鞠水漣漪泛春酒二老  
餐芝飲鞠百千齡何止望七逾八更添九我歌聊  
附鵬圖南應有飛聲掛南斗

港若水字原明南海人弘治乙丑進士遷翰林院庶

吉士授編修歷國子祭酒南京吏部尚書嘗言其  
師白沙陳獻章與大崖李承箕約為南嶽之游乃  
因祝給事請遂書岫嶠山銘其辭曰高高衡嶽祝  
融之墟紫蓋青玉可卜我居爰有岫嶠祝子治之  
左右雙泉匯為前池維彼岫嶠隆趾銳顏五峯拔  
地高卑較然堂開方廣坐收洞庭俯瞰湘流仰摩  
列星磨崖勒文以定我卜祝子從予振衣濯足大  
酉洞銘其辭曰誰聞大酉維日之入其入維何群  
動斯翁其翁維何翁而不息不息其明衆妙之極  
日華淪地為晨之闢一闢一翁乾坤之門照于四

景則內紀後

卷五十六

二十

方日華中天維卯維酉夕陽朝昕維入息矣維出  
王馬誰學酉翁而闕斯存

張邦奇字常甫鄞人弘治乙丑進士選翰林院庶吉  
士歷湖廣督學副使擢國子祭酒南京兵部尚書  
乃作衡嶽篇以壽五洪翁曰天南何有有山巍巍  
紫蓋若浮朱陵燁燁君子于仕慨其有連爰諗予  
好掛冠以歸雖晦厥跡其光陸離天南何有有山  
幽幽荆泉悠悠五洪若傳君子偕老懿慈徽乘以  
嘗以蒸以葛以表不遠不愆以昌厥後厥後維何  
桓圭十二哲而長者時維學士學士溫溫研經及

史華國有文以媚

天子天子曰咨 帝鄉之珍龍章鳳詔以錫其親親  
方並耆渥顏如考於皇天南山川有耀

史南曰古者五嶽視三公四瀆視諸侯矧祝融  
為帝堯火正允煥離德之暉山甫為崧高降神  
允補袞章之闕天人交感氣運潛通信有徵矣  
曩歲乙酉于役于岷登衡絕嶺則見夫日晡東  
峙月壇西盤雷池中沁風洞旁通韓昌黎以孤  
憤激切而開雲朱紫陽以並游留滯而霽雪胡  
康侯則傳經于紫蓋張敬夫則講道于朱陵群

景則內紀後

卷五十八

三

賢題詠剝蘚皆奇觀諸真栖息攀蘿皆勝境緬  
思孔子登泰山而矚視周子玩月岩而深悟率  
茲道也英流耆舊博喻覽觀鐫之琬琰以代摩  
崖藏之石室以資麗澤匪眩炫名勝以希寵靈  
焉贊曰天有五行火位離明人有五德禮秩光  
亨維彼五嶽祝融為衡石困龍從天柱峻嶒七  
十二峯山靈幽宜三十六巖仙游葆真穆穆諸  
老秉節來登爽爽大篇揮管怡情眇予小子嶽  
祗夙盟一倡三嘆清廟遺音

通紀卷之五十八

楚紀卷之五十九

皇明賜進士經筵講同修國史奉直大夫翰林院侍講學士臣康道南謹撰

景則外紀前篇

程顥 弟順

程顥字伯淳世居中山後從開封徙河南高祖羽太  
宗朝三司使父珣大中大夫初為黃陂尉明道元  
年壬申顥誕于黃陂之邸舍後長遣從春陵周茂  
叔游學既有得率性會道踰冠舉進士釋褐永興  
參軍調鄆上元主簿遷晉城令熙寧初呂公著薦  
為太子中允監察御史裏行神宗數召見每退必

景則外紀前

卷五十九

一

曰頻求對欲常常見卿一日從容容訪報正午始  
趨出庭中人曰御史不知上未食乎前後進說甚  
多大要以正心室慾求賢育材為言務以誠意感  
悟主上疏十事一曰師傳二曰六官三曰經界四  
曰鄉黨五曰貢士六曰兵役七曰民食八曰四民  
九曰山澤十曰分數上嘗勸帝防未萌之欲帝納  
曰當為卿戒王安石執政更法言者攻之甚力顥  
被旨赴中堂議事安石方怒厲色待之顥徐曰天  
下事非一家私議顥平氣以聽安石媿屈居職八  
九月數論時政最後言曰智者若禹之行水行其

所無事也舍而之險阻不足以言智自古興治立  
事未有中外人情交謂不可而能有成者况於排  
斥忠良沮廢公議用賤陵貴以邪干正者乎正使  
傲倖小成而興利之臣日進尚德之風浸衰尤非  
朝廷之福遂乞去安石本與之善及是雖不合猶  
敬其忠信不深怒但出提點京西刑獄顯固辭改  
僉書鎮寧軍判官司馬光在長安上疏求退稱顯  
公直以為已所不如特遷太常丞帝又欲使修經  
義執政不可命往扶溝治廣濟蔡河俱有成績除  
判武學李定劾其新法之初首為異論罷歸又坐

皇朝外紀前

卷五九

二

獄逸囚責監汝州鹽稅哲宗立召為宗正丞未行  
卒嘉定十三年謚曰純公嘗曰昔受學于周茂叔  
每令尋仲尼顏子樂處所樂何事又曰自再見周  
茂叔後吟風弄月以歸有吾與點也之意又曰吾  
年十六七時好田獵既見茂叔自謂無此好矣茂  
叔曰何言之易但此心潛隱未發一日萌動復如  
初矣後十二年見獵復有喜心乃知果未也又曰  
茂叔窓前草不除云與自家意思一般蓋其學之  
得於濂溪者深矣橫渠張載嘗問定性未能不動  
於物顯曰所謂定者動亦定靜亦定無將迎無內

外苟以外物為外牽已而從之是以已性為有內  
外也且以性為隨物於外則當其在外時何者為  
在內是有意於絕外誘而不知性之無內外也既  
以內外為二本則又烏可遽語定哉夫天地之常  
以其心普萬物而無心聖人之常以其情順萬事  
而無情故君子之學莫若廓然而大公物來而順  
應易曰貞吉悔亡憧憧往來朋從爾思苟規規於  
外誘之除將見滅於東而生於西也非惟日之不  
足顧其端無窮不可得而除也人之情各有所蔽  
故不能適道大率患在於自私而用智自私則不

皇朝外紀前

卷五九

三

能以有為應迹用智則不能以明覺為自然今以  
惡外物之心而求照無物之地是反鑑而索照也  
易曰艮其背不獲其身行其庭不見其人孟氏亦  
曰所惡於智者為其鑒也與其非外而是內不若  
內外之兩忘也兩忘則澄然無事矣無事則定  
則明明則尚何應物之為累哉聖人之喜以物之  
當喜聖人之怒以物之當怒是聖人之喜怒不係  
於心而係於物也是則聖人豈不應於物哉烏得  
以從外者為非而更求在內者為是也今以自私  
用智之喜怒而視聖人喜怒之正為何如哉夫人

之情易發而難制者惟怒為甚第能於怒時遽忘其怒而觀理之是非亦可見外誘之不足惡而於道亦思過半矣第願撰述曰先生資稟既異充養有道純粹如精金溫潤如良玉寬而有制和而不流忠誠貫於金石孝悌通於神明視其色其接物也如春陽之溫聽其言其入人也如時雨之潤胸懷洞然徹視無間測其蘊浩乎若滄溟之無際極其德美言蓋不足以形容其行已內主於敬而行之以恕見善若出諸已不欲勿施於人居廣居而行大道言有物而行有常為學自十五六時聞汝南周茂叔論道遂厭科舉之業慨然有求道之志未知其要泛濫於諸家出入於老釋亦幾十年迨求諸六經而後得之盡性至命必本於孝悌窮神知化由通於禮樂辨異端似是之非開百代未明之惑秦漢而下未有臻斯理也沛國朱光庭曰先生之學以誠為本誠者天德也聖人自誠而明其靜也淵渟其動也神速先生得聖人之誠者也自始學至於成德雖天資穎徹絕出等夷然卓約之見一主於誠故推而事親則誠孝事君則誠忠友于兄弟則綽綽有餘信於朋友則久要不忘修身

慎行則不愧屋漏臨政愛民則如保赤子非得乎聖人之誠其孰能與于斯河間邢恕曰先生清明夷粹其接人和以有容其斷義剛而不犯其思妙造精義其言近而測之益遠其所謂完人者與華陽范祖禹曰先生去聖千有餘歲發其關鍵直底堂吳貌恭而氣和志定而言厲即之可親叩之無窮真學者之師也龜山楊時撰哀辭曰余悲古人之不見兮逢世德之險微析道真之純美兮肆全體而分剖駕異端而並遂兮駢交較乎多岐亘千歲其泯泯兮去聖遠而先覺是依展斯文之在茲兮萬世之師鋤荆棘之荒穢兮闢正路之孔夷仗聖賢之軌躅兮背世轍而疾馳帶鉤矩而負繩兮分萬變而莫窺苑鉅勒而弗屬兮尚回旋其中規嗟命之懸于天兮匪予敢知畜溟渤而載華嶽兮曾消塵之弗施嗟道之難行兮孔孟窮老以栖栖伊時勢則然兮此云胡其若茲通闔闢于一息兮尸者其誰幹天樞而自爾兮欲執咎其焉歸齊死生于晝夜兮天理之常匪往匪來兮雖壽夭兮何傷想得音其未遠兮儼若在旁固誠之不可掩兮何有何亡日月逝矣形魄藏於戲已矣兮斯亦難



忘

史南曰程正公表云周公沒天下無善治孟軻死千載無真儒信斯言也楚自元公起春陵而明道伊川寔從之游定性發聖學之蘊上疏開王道之端貞哉至矣孔子嘗為乘田委吏而純公亦不辭為三司條例及鄴簿晉令苟存心於仁愛澤必及民化必及士吾道庶乎其不孤矣故朱子以為明道渾淪學者難肯又贊曰揚休山立玉色金聲元氣之會渾然天成瑞日祥雲和風甘雨龍德正中厥施斯普

景則外紀前

卷五十九

六

程頤字正叔年十四五與兄顥同受學於春陵周茂叔皇祐二年年十八上書闕下勸仁宗以王道為心黜世俗之論且乞召對面陳所學不報間遊太學海陵胡瑗主教導試以顏子所好何學論得其所試大驚即延見處以學職呂希哲與顥鄰齋首以師禮事焉既而四方之士從游者益衆舉進士嘉祐四年廷試報罷遂不復試治平熙寧間近臣屢薦自以為學不足不願仕也元豐八年哲宗嗣位司馬光呂公著韓絳上其行義於朝十一月丁巳授汝州團練推官西京國子監教授辭尋召赴

闕元祐元年三月至京師除宣德郎秘書省校書

辭於是召對太皇太后面諭將以為崇政殿說書復辭不獲始受西監之命上疏論經筵三事其一以上富於春秋輔養為急宜選賢德以備講官因使陪侍宿直陳說道義所以涵養氣質薰陶德性其二請上左右內侍官皆選老成厚重之人不使侈靡之物淺俗之言接於耳目仍置經筵祇應內臣十人使伺上動息以語講官其或小有違失隨事規諫其三請令講官坐講以養人主尊儒重道之心寅畏祇懼之德既而命下以通直節元崇政

景則外紀前

卷五十九

七

殿說書再辭而後受命四月例以暑熱罷講頤奏言輔導少主不宜踈略乞令講官以六三日上殿問起居因得從容納誨以輔上德五月差同孫覺顧臨及國子監長貳看詳條制亦數十條六月上疏太皇太后不報二年又上疏論延和講讀垂簾事宜乞時召講官至簾前問上進學次第又奏邇英暑熱乞就崇政延和殿顧臨以殿上講讀為不可有旨修展邇英閣內顧復上疏以為祖宗以來並是殿上坐講自仁宗始就邇英而講官立侍蓋從一時之便耳非若臨之意也頤在經筵每當進

講必宿齋豫戒潛思存誠冀以感動上意而其為說常於文義之外反復推明歸之人主時文潞公以太師平章重事或侍立終日不懈上雖喻以少休不去也人或以問潞公曰四朝大臣事幼主不得不恭吾以布衣職輔導亦不敢不自重也嘗聞上在官中起行漱水必避螻蟻因請之曰有是乎上曰然誠恐傷之爾先生曰願陛下推此心以及四海則天下幸甚一日講罷上忽起凭檻折柳枝頤進曰方春發生不可無故摧折嘗聞後苑以金製水桶問之曰崇慶宮物也潞公曰若上所御則吾不敢不諫在職累月不言祿吏亦弗致文潞公嘗與呂范諸公入侍經筵聞潞公講說相與歎曰真侍講也一時人士歸其門者甚盛而潞公亦以天下自任論議褒貶無所故避由是同朝之士疾之如讎巧為謗詆一日赴講會上瘡疹不坐願退請宰臣問曰二聖臨朝上不御殿太皇太后不當獨主且人主有疾而大臣不知可乎翌日宰臣以願言奏請問疾由是大臣亦多不悅而諫議大夫孔文仲因奏願洛下儉巧素無鄉行經筵陳說僭橫妄分適謁貴臣歷造甚諫騰口問亂以償恩讎致市

井目為五鬼之魁請放還田里以示典刑八月差管勾西京國子監願奏乞歸田里不報乃乞致仕五年丁太中公憂去官七年服闋除直秘閣判西京國子監御史董敦逸奏其怨望輕躁元祐九年哲宗親政申秘閣西監之命願再辭不就紹聖間以黨論放歸四年十一月涪州編管門人謝良佐曰是行也良佐知之乃族子公孫與邢恕為之爾元符二年易傳春秋傳成易傳序曰易變易也隨時變易以從道也其為書也廣大悉備將以順性命之理通幽明之故盡事物之情而示開物成務之道也聖人之憂慮後世可謂至矣去古雖遠遺經尚存然而前儒失意以傳言後學誦言而忘味自秦而下蓋無傳矣予生千載之後悼斯文之湮晦將俾後人公流而求源此傳所以作也易有聖人之道四焉以言者尚其辭以動者尚其變以制器者尚其象以卜筮者尚其占吉凶消長之理進退存亡之道備於辭推辭考卦可以知變象與占在其中矣君子居則觀其象而玩其辭動則觀其變而玩其占得於辭不達其意者有矣未有不得於辭而能通其意者至微者理也至著者象也體

用一源顯微無間觀會通以行其典禮則辭無所  
不備故善學者求言必自近易於近者非知言者  
也予所傳者辭也由辭以得意則在乎人焉平生  
誨人不倦故學者出其門最多淵源所漸皆為名  
士元符三年移峽州還洛復通直郎權判西京國  
子監建中興國二年致仕遷居龍門之南大觀元  
年卒嘉定十三年謚曰正公

史南曰臣幼讀程伊川易傳以為聖人之作易  
也以言者尚其辭以動者尚其變以制器者尚  
其象以卜筮者尚其占學者求諸辭而不得當

景則外紀前

卷五十九

十

求諸爻求諸文而不得當求諸象求諸彖而不  
得當求諸畫求諸畫而不得當求諸圖是故人  
垂象河出圖聖人則之大哉易也斯其至矣至  
於春秋經世之典惟伊川得其精若夫文定之  
傳蓋有激于當時而言也故文公曰易傳一書  
散滿天下春秋大義數十炳若日星武夷胡氏  
亦曰程氏於易因理以明象而知體用之一源  
於春秋則見諸行事而知聖人之大用南軒張  
敬夫曰二程始受學于周先生而其自得之深  
充養之至精粹純密聖門之大全發明無遺蘊

矣文公贊曰規圓矩方絕直準平允矣君子展  
也大成布帛之文紋粟之味知德者希孰識其  
真

朱熹

朱熹字元晦婺源人紹興十八年進士調泉州同安  
簿淳宗即位詔求直言熹上封事除武學博士乾  
道三年陳俊卿劉珙薦為樞密院編修官六年工  
部侍郎胡銓以詩人薦與王庭珪同召九年梁克  
家奏熹屢召不起宜蒙褒錄執政俱稱之上曰熹  
安貧守道廉退可嘉特改主管台州崇道觀淳熙

景則外紀前

卷五十九

十

元年始拜命二年除秘書郎兼崇政殿說書熹力  
辭除秘閣修撰光宗即位再辭職名仍舊直寶文  
閣降詔獎諭居數月除江東轉運副使以疾改知  
漳州時史浩入見請收天下人望乃除熹秘閣修  
撰主管南京鴻慶宮改荆湖南路轉運使知潭制  
曰長沙據湖湘上游賜履甚廣視邦選使尤難其  
人爾學術粹深風節峻特可以為人師仁心聞  
威惠孚洽可以為時帥楚俗雖安尚有凋瘵爾其  
為朕撫之熹上疏辭曰自罹災患日就摧頽惟有  
踈頑略無校改衰晚無狀獲逃戒得之譏處置得

宜益壯維藩之勢紹熙二年加煥章閣待制知江  
陵府又上疏辭曰首蒙眷知召致講席虛心求善  
屈已下賢裨補聰明罄竭凡陋伏願聖學日新聖  
德日茂盡送往事居之孝極納諫用賢之誠喜寓  
衡約張栻同登南嶽遇雪詩云仙人喬嶽頂散髮  
吹簫差喚我二三友集此西南垂列進命洛公侑  
坐迎江妃弄之千羽旄投以萬壁璣續紛一何麗  
晻霫難具知衆真一來翔恍覺叢霄低茫茫雲霧  
合一一瓊瑤安回首謝世人千載空相思吾衰怯  
雄觀未敢探此奇短衣一匹馬幸甚得所隨天寒

朱熹集前

卷十九

十三

飲我酒酒罷廢君詩人生易南北復此知何時又  
宿南臺詩云披風南臺看雨百常觀安知此山  
雲對面隔霄漢群陰匝寰區客雪渺天畔峨峨雪  
中山心眼悽欲斷吾人愛奇賞遙發臨河漢我知  
泣陰極見現今當泮不須疑吾言第請視吾旦蠟  
履得鴈行籃輿或魚貫又登祝融詩云衡嶽千仞  
起祝融一峯高群山畏突兀犇走如兒曹我來雪  
月中歷覽快所遭捫天滑青壁俯壑崩銀濤所恨  
無十轄一掣了六鼇遙歸青蓮宮坐對白玉毫重  
關一徙倚霜風利如刀平生山水心真作貨食餐

朱熹集前

卷十九

十三

明朝更清澈再往豈憚勞中宵撫世故劇如千壩  
毛嬉游亦何益歲月今滔滔起望東北雲茫然首  
重搔朱陵洞詩云日落千林外煙飛紫翠深寒泉  
湫壑底積雪尚崖陰景要吾人共詩留來夜吟從  
教廣長舌莫盡此時心又云我已中峰住君從何  
處永莫留巖底寺徑上月邊臺濁酒團藥坐高談  
次第開前賢渺安在清酌寄餘哀登祝融峯詩云  
江流圍玉柱天影抱瓊臺柱杖雲霄外中巖日月  
回箕山藏遁許吳市隱仙梅一咲今何在相期再  
舉杯又云絕頂來還晚寒窓睡遠明連床渺歸思  
三宿帳餘情雲合山無路風回谷有聲嶽祗珍重  
意只此是將迎詩見全集其在湖南門人龔蓋卿  
林子蒙廖謙有甲寅以後問答寧宗立趙汝愚首  
薦之除煥章閣待制侍講韓侂冑自負定策功熹  
約彭龜年論之會汝愚見逐而御史沈繼祖劾熹  
十罪中丞何澹侍郎林栗少卿胡紘相繼誣其偽  
學倡獫狁圖為不軌立朝僅四十餘日遂落職卒年  
七十一謚曰文理宗寶慶元年贈太師封信國公  
改徽國

史南曰臣誦宋史載黃幹曰由孔子而後曾子

子思繼其微至孟子而始著由孟子而後周程  
張子繼其絕至朱子而始詳其知言哉及攷朱  
子實紀門人陳淳李方子各為贊說而吳壽昌  
魏了翁祝穆王栢極其稱許曰孔子集群聖之  
大成朱子集諸儒之大成信哉門人陳宓贊曰  
貌溫而嚴德剛而粹春融秋肅淵澄嶽峙道光  
二程識高百氏生遇明時進難退易天假之閒  
斯文大備偉哉夫子教垂萬世吳澄贊曰義理  
精微牛心蠶絲心胸恢廓海闊天高豪傑之才  
聖賢之學景星卿雲泰山喬嶽

景則外紀前

卷五十九

十四

楊時

謝良佐

楊時字中立南劍將樂人幼穎異能屬文稍長潛心  
經史熙寧九年進士即往見程明道于洛以師禮  
事之又見程伊川與游酢侍立門外雪深尺許不  
敢退紹聖元年為瀏陽令於縣圃作飛鵬亭及歸  
鴻閣時張舜民為潭帥雅重之與湘鄉令張世賢  
潭倅張朝唱和有詩元符元年改教授荊州過石  
首有謁邑令詩江陵有詠懷詩有渚宮觀梅詩有  
江陵萬卷堂詩有送胡安國使湖南詩其岳陽書  
事詩云洞庭水落洲渚出疊翠踰峰遠煙沒重樓

景則外紀前

卷五十九

十五

百尺歷高城畫棟沉沉倚天闕湖光上下天水融  
中以日月分西東氣凌雲雲吞八九欲與溟渤爭  
雌雄澄瀾無風雨新霽一目萬頃磨青銅琉璃夜  
影貯星漢騎鯨已在銀潢中湘妃帝子昔何許但  
有林壑青浮空蒼梧雲深不可見遺恨千古嗟何  
窮須臾晦冥忽異色風怒濤翻際天黑乘陵瀨壑  
走魑魅淖淖百怪誰能測忍看舟子玩行險更欲  
飛帆借風力安得晴雲萬里間依舊寒光浸虛碧  
後召為秘書郎遷著作佐郎遷徽猷閣待制卒謚  
文靖時在東郡所交皆天下士陳瓘鄒浩皆以師  
禮事時暨渡江東南學者推時為程氏正宗與胡  
安國往來講論尤多時浮沉州縣四十有七年晚  
在諫省僅九十日凡所論列皆切於世道而其大  
者則闢王氏經術與排靖康和議使邪說不作凡  
紹興初崇尚元祐學術而朱熹張栻之學得程氏  
之正其源委脉絡皆出於時胡文定公銘其墓曰  
天不喪道文其在茲雖天之命尸者其誰備哉三  
賢濶步共馳公名最顯垂範有祠豈不見庸孔艱  
厥時狂瀾奔潰砥柱不欹邪說害正倚門則揮嗟  
彼奸罔讒言詆欺我扶有極人用不迷奚必來世

判其是非有援則止直道何疵不勉而和展也可  
夷河流在北伊水之湄誰其似者訂此銘詩

謝良佐字顯道上蔡人與游酢呂大臨楊時在程門

號四先生登進士第調應城令建中靖國初官京  
師召對忤旨去監西京竹木場坐口語繫詔獄廢  
為民良佐記問該贍對人稱引前史至不差一字  
事有未徹則顙有疵與程顥別一年復來見問其  
所進曰但去得一矜字爾顥喜謂朱光庭曰是子  
力學切問而近思者也所著論語說行於世朱熹  
撰祠堂記曰先生以生意論仁以實理論誠以常

卷五十九

卷五十九

七

惺惺論敬取得其綱領建中靖國初胡文定公以  
興學使者行部過邑不敢問以職事見吏卒植立  
庭中如木偶人肅然起敬尚可想見也應城寇盜  
尤劇莽為丘墟而先生高邁卓絕使人興起衰病  
常懼其泯滅無傳也故不辭而記之

史南曰臣幼誦諸儒語錄已知龜山上蔡傳程  
門正學惟胡武夷曰龜山天資夷曠充養有道  
積於中者純粹而閑深見於外者簡易而平澹  
朱晦菴曰上蔡為人英果明決強力不倦張南  
軒亦曰上蔡偏處雖多工夫極至龜山矯厲功

少涵養工多可謂有定論矣贊曰孔孟以後作  
者何人濂溪講道伊洛尋真龜山高曠上蔡渾  
沉程門高第見茲二人立雪坐風精義通神  
真德秀 魏了翁

真德秀字景元浦城人慶元五年進士授南劍州判  
官遷博士召試學士院改秘書省正字兼檢討轉  
秘書著作佐郎六年遷起居舍人十五年以實謨  
閣待制湖南安撫使知潭州以薦仁公勤四字勵  
僚屬以周惇頤胡安國朱熹張栻學術源流教其  
士罷推酤除斛面米申免和糴以甦其民民艱食

卷五十九

卷五十九

十七

既極力振贍之復立惠民倉使歲出糴又置社倉  
以徧其鄉落別立慈幼倉及義阡惠政畢舉月試  
諸軍射捐官田租凡營中病者死未葬者孕者嫁  
娶者贍給有差朝廷欲以飛虎軍戍壽昌力爭止  
之江華縣賊蘇師入境及武岡守司馬遵激軍變  
咸討平之暇則登南嶽詩云煙霞本成癖况復遊  
名山舉手招白雲欲納懷袖間咄哉亦癡絕有著  
即名貪振衣遇長風浩浩天地寬長沙新第成詩  
云莫清彼瀟江莫峻彼衡嶽澄光挾秀氣日夜相  
回薄月吸珠含胎虹貫玉生璞子方有苗裔溫然

粹而慤一童與三何雙鳳西驚驚奮身辭草萊正  
論吐謬謬相期激清風與俗洗氛濁誰執指其南  
此邦有先覺理宗即位召為禮部侍郎直學士院  
給事中王堅盛章始駁德秀所主濟王贈典繼而  
殿中侍御史莫澤劾之遂以煥章閣待制提舉玉  
隆宮諫議大夫朱端常又劾之落職罷祠監察御  
史梁成大又劾之請加竄逐上曰仲尼不為已甚  
乃止既歸修讀書記語門人曰此人君為治之門  
如有用我執此以往自侂冑立偽學之名以錮善  
類凡近世大儒皆顯禁以絕之德秀晚出獨慨然

景外紀前

卷五十九

十九

以斯文自任講習而服行之黨禁既開而正學遂  
明所著西山甲乙藁對越甲乙集經筵講義端平  
廟議翰林詞章四六獻忠集江東採荒錄清源雜  
志卒謚曰文忠

魏了翁字華父蒲江人慶元五年進士時方諱言道  
學了翁及之授劔南判官嘉泰二年召為國子正  
改武學博士開禧元年召試學士院出知嘉定行  
次江陵蜀將吳曦叛事平權工部侍郎了翁力以  
疾辭乃進集英殿修撰知常德府諫議大夫朱端  
常遂劾了翁欺世盜名朋邪謗國詔降三官靖州

居住初了翁再入朝彌遠欲引以自助了翁正色  
不撓未嘗私謁故三年之間循格序遷未嘗廢以  
要地了翁至靖湖湘江浙之士不遠千里負書從  
學乃著九經要義其傍梅讀易亭詩云三時收功  
還朔易百川欽盈歸海斥誰將蒼龍掛秋漢宇宙  
中間卷無跡人情易感變中化達者常觀消處息  
向來未識梅花時繞溪問訊巡簷索絕憐玉雪倚  
參橫又愛青黃弄煙日中年易裏逢梅生便向根  
心見華實紹定四年復職主管武夷冲祐觀拜實  
章閣待制復為湖南安撫使知潭州卒贈太師謚

景外紀前

卷五十九

十九

曰文靖

史南曰臣嘗觀宋權臣柄國有曰真德秀真小  
人魏了翁偽君子以故黨錮諸賢擯斥善類至  
不能容其身卒之宗社顛覆夷狄入主中國而  
人類皆禽獸矣惟黃幹曰西山在朝屢進危言  
力扶大義虞集曰魏氏為學即物以明義反身  
以求仁其知二公必為君子而不為小人也  
公論久而後定不其然乎贊曰景元寓潭熊湘  
增清濟民多助教士有聲華父謫靖鶴山增秀  
九經釋我群英日就環千古上閱三才理二公



名儒慎終如始

蔡元定

黃幹

張洽

李燾

李方子

蔡元定字季通建陽人生而穎悟八歲能詩日記數

千言父發憤覽解書號牧堂老人以程氏語錄邵

氏經世張氏正蒙授元定曰此孔孟正脉也元定

深涵其義既長辨析益精登西山絕頂忍飢啖蕨

讀書聞朱熹名往師之熹扣其學大驚曰此吾老

友也不當在弟子列遂與對榻講論諸經與義每

至夜分四方來學者熹必俾先從元定質正焉大

常少卿尤表祕書少監楊萬里聯疏薦于朝召之

景則外紀前

卷五十九

十一

堅以疾辭築室西山將為終焉之計時韓侂胄擅

政禁偽學以空暑類臺諫承風事肆排擊然猶未

敢誦言至沈繼祖劉三傑始連疏詆熹併及元定

未幾果謫元定道州州禁捕甚急元定聞命不辭

家即就道熹與從游者數百人餞別蕭寺中坐客

興嘆有泣下者熹微視元定不異平時因喟然曰

友朋相愛之情季通不挫之志可謂兩得矣元定

賦詩云執手笑相別無為兒女悲眾或謂宜緩行

元定曰獲罪于天天可逃乎杖履同其子沉行三

千里脚為流血無幾微見言面至春陵州人士咸

趨正席聽講侂胄既誅贈迪功郎謚曰文節

黃幹字直卿閩人初補將仕郎吳獵帥湖北將赴鎮

訪以兵事獵雅敬之辟為荆湖北路安撫司激賞

酒庫兼準備差遣事有未當必輸忠款力爭尋知

漢陽軍值歲飢糴客米發常平以賑及援鄂州告

糴於制司荒政具舉旁郡飢民輻湊惠撫均一民

大感悅所至以重庠序先教養其在漢陽即郡治

後鳳栖山為屋館四方士立周程游朱四先生祠

以病乞祠主管武夷冲祐觀尋起知安慶府

張洽字元德清江人洽從朱熹學自六經傳注而下

景則外紀前

卷五十九

十一

皆究其指歸嘉定元年進士授松滋尉湖南經界

不正弊日甚洽請行推排法令以委洽於是令民

自實其疆界產業之數投于匱乃籌覈而次第之

吏姦無所匿改袁州司理參軍湖南鄣寇作亂與

縣接壤民大恐洽單車以往邑乃延見隅官訪利

而犒之洽少以主一名齋平居不異常人至義所

當為則勇不可奪居間不言朝廷事或因災異變

故輒輦感不樂卒後一日有旨除直寶章閣

李燾字敬子建昌人紹熙元年進士授岳州教授從

朱文公游告以曾子弘毅之旨燾退而頌其齋曰

弘以自敝焉至岳教士以古文闊射圃咨宿將而  
養之以練時務以祖母憂歸復起教授襄陽府再  
見文公凡諸生來謁者先令見燔俟有所發然後  
折衷而就正焉文公即世燔率同門會塋復為白  
鹿書院長學者雲集改潭州通判時真德秀為長  
沙帥郡事咸咨于燔以史彌遠廢皇子竑遂辭歸  
紹定五年帝問當時高士史官李心傳曰燔乃朱  
熹高弟海內一人而已未幾卒贈直華文閣謚文  
定

李方子字公晦紹武人嘉定七年進士調泉州推官

景則外紀前

卷五十九

三

遷國子學錄辰州通判號果齋所著有禹貢解傳  
心精語其叙紫陽年譜有曰先生之道主敬以立  
本窮理以致知反躬以踐實故其主敬也一內齊  
外齊外養內及其父也靜虛動直中一外融而人  
不見其持守之力其窮理也虛心平氣意定理明  
及夫克為德行發為事業但見其渾灝磅礴而不  
知為之者至於晚歲猶以義理無窮歲月有限慊  
然有不足之意合濂溪之正傳紹鄒魯之墜緒仰  
包粹古之載籍下采近世之文獻集其大成而後  
斯道大明如日中天矣

葉適字正則永嘉人淳熙四年進士第二人授平江  
節度推官改武昌軍節度判官光宗嗣位由秘書  
郎出知蘄州入為尚書左丞及汝愚貶衡陽而適  
亦為御史胡紘所劾降西官罷主管中佑觀起為  
湖南轉運判官十三年至寶文閣學士通議大夫  
嘉定十六年卒贈光祿大夫謚忠定又葉衡字夢  
錫金華人紹興十八年進士調寧德簿累官戶部  
尚書叅知政事出知荆南郴州安置卒贈資政殿  
學士

戴溪字肖望永嘉人少有文名淳熙五年省試第一

景則外紀前

卷五十九

三

監潭州南嶽廟紹興初入為實錄檢討兵部郎中  
歷太子詹事華文閣學士嘉定八年卒贈特進謚  
曰文端  
蔡幼學字行之溫州人年十八試禮部第一調潭州  
教授執政薦于朝帝許之且問以名幼學叅政  
施師點舉孟子幼學壯行之言以對上佇思慨然  
曰今壯矣可行也朱熹居建陽幼學每事咨訪遂  
為御史劉德秀劾罷奉祠者八年起知黃州仕  
至寶謨學士

史南曰嘗觀朱子有言季通有精詣之識卓絕

之才不可屈之志不可窮之辯其著律呂新書  
奮其獨見超然遠覽撮取機要闡究精微用意  
亦健矣而直卿銓次儀禮經傳與楊復同功亦  
不可少也他如元德之正經界敬子之行鄉射  
方子之述年譜正則之釋經疑肖望之撰筆義  
而幼學名重帝簡哀然為天下望矣或謂文公  
有功于孔門而諸賢又有功于朱門豈其然乎  
贊曰星奎水洛道學斯鳴天風海濤賢閔同聲  
元定神解直卿志貞元德好古敬子知名方子  
果確正則秉誠肖望精義幼學壯行

東坡外紀前

卷五十九

五

陸九淵

陸九淵字子靜廣信人乾道八年進士光宗即位差  
知荆門軍民有訴者無早暮皆得造于庭酌情決  
之而多所勸釋其有涉人倫者使自毀其辭以厚  
風俗唯不可訓者始寘之法其境內官吏之貪廉  
民俗之習向善惡皆素知之有訴人殺其子者九  
淵曰不至是及追究其子果無恙有訴竊取而不  
知其人出二人姓名使捕至訊之伏辜盡得所竊  
物償其主人申嚴保伍之法盜賊或發擒之不逸  
一人群盜屏息荆門為次邇而無城九淵以為郡

東坡外紀前

卷五十九

五

居江漢南捍江北援襄陽東護隨郢之脅西當  
光化夷陵之衝荆門固則四鄰有所恃否則有背  
脅腹心之虞乃請於朝而城之自是民無邊憂每  
旱禱即雨郡人異之逾年政行令修民俗為變諸  
司交薦丞相周必大嘗稱之會禱雪告寮屬曰吾  
將終矣後二日端坐而逝學者會葬以千數號象  
山謚曰文安又兄九齡字子壽乾道五年進士調  
桂陽教授改興國適湖南茶寇作聚鄉團禦之後  
謚文達初九淵嘗與朱熹會聽湖論辨所學多不  
一及熹守南康九淵訪之熹與至白鹿洞九淵為  
講君子喻義利一章聽者至有泣下熹以為切中  
學者隱微深痼之病至于無極而太極之辨則貽  
書往來論難不置焉門人楊簡袁燾舒璘沈煥能  
傳其學云

史南曰嘗誦程篁墩道一編以為朱晦菴道問  
學陸象山尊德性為湖之論雖殊鹿洞之講則  
一及王陽明湛甘泉則又推尊象山之易簡而  
不滿于晦翁之繁浩也乃廣信桂侍御榮巡視  
至荆門即蒙惠二泉故址建祠焉以祀屬小子  
為文記之其詞已具崇道紀矣茲不復贅謹述

先儒舊章洪邁贊曰詞蔓蝕真會當一正刻百  
家偽藥千古病發人本心全人性命一洗佛老  
嫡傳孔孟

### 李綱

李綱字伯紀邵武人政和二年進士歷殿中侍御史  
以言事忤權貴改比部員外郎宣和七年為太常  
少卿時金人渝盟邊報狎至命皇太子為開封牧  
令侍從各具所見以聞綱上禦戎五策欽宗即位  
綱上封事靖康元年以綱為行營叅謀官徽宗東  
幸宰執議請上暫避敵鋒綱曰道君皇帝挈宗社

景則外紀前

卷五九

二十七

以授陛下委而去之可乎上默然會內侍奏中官  
已行上色變以皇弟康王少保張邦昌為質時朝  
廷日輸金幣而金人需求不已日肆屠掠金使來  
宰相李邦彥語之曰用兵乃李綱姚平仲非朝廷  
意遂罷綱以蔡懋代之太學生陳東等詣闕上書  
明綱無罪帝亟召綱綱入見泣拜請死帝亦泣命  
綱復為尚書右丞充京城四壁守禦使徽宗感悟  
出玉帶金魚象簡賜綱曰行宮人得卿來皆喜以  
此示朕意卿可使服之綱感泣再拜上備邊禦敵  
八事時比兵已去太上皇言上下恬然置邊事於

不問綱獨以為憂與同知樞密院事許翰議調防  
秋之兵綱行次長沙被命即率湖南勤王之師入  
援未至而都城失守先是康王至北軍為金人所  
憚求遣肅王代之至是康王開大元帥府承制復  
綱故官是為高宗既即位拜綱尚書右僕射兼中  
書侍郎趣赴闕綱上十事紹興二年除觀文殿大  
學士知潭州初至湖廣界首謝表曰臣於今月十  
一日至衡州茶陵縣入湖南路界撫楚粵之俗於  
遐方叨將明命觀天人之文於秘殿復與清班惟  
寵數之過優知委任之難稱以榮為愧感極涕零

景則外紀前

卷五九

二十七

巨竊以荆湖之輿區寔為東南之重地控引川廣  
襟帶江淮方時承平為一都會屬夷狄之倣擾致  
盜賊之內訌郡邑凋殘姦吏因而漁獵田疇荒蕪  
遺民誰與拊循宜得信臣往膺重寄如臣者崎嶇  
可笑納約無期徒自信其孤忠曾莫著夫微效三  
朝遭遇濫叨出將入相之名七載飄零初無防患  
周身之術憶昨歸從海上退處閩中疾病交攻但  
有餌藥扶持之志血氣傷耗敢懷據鞍矍鑠之心  
豈謂皇恩不遺舊物付以分閫之重任加以禁殿  
之隆名中使來臨載傳溫詔匪頒下逮柢沐湛恩

不容一再以懇辭乃爾黽勉以就職安國久廢宜  
死灰復然之敢期文淵慨懷必馬革裹尸而後已  
敢不激昂素志深淪前非撫凋瘵以牧善良宣威  
靈而戢盜寇承流宣化遠希循吏之風禦侮折衝  
更勵虎臣之節復上言六事不用卒年五十八謚  
曰忠定所著有易傳內外篇及奏議百卷

史南曰臣觀李忠定公奏議于時政記見入告  
之猷焉于傳信錄見雪耻之憤焉于進退志見  
經國之才焉是故其才高者其勲隆其憤深者  
其忠純其猷嘉者其慮遠朱文公曰李伯紀知

景則外紀前

卷五十九

五

有君父而不知有其身知天下之有安危而不  
知其身之有禍福雖以諛間竄斥屢瀕九死而  
其愛君憂國之志終有不可得而奪者是可謂  
一世之偉人矣然使其言用於宣和之初則都  
城必無圍迫之憂用於靖康則宗國必無顛覆  
之禍用於建炎則中原必不至於淪陷用於紹  
興則旋軫舊京汴掃陵廟以復祖宗之宇而卒  
報不共戴天之仇久矣豈使王業偏安于江海  
之滋而尚貽吾君父今日之憂哉郭伯寅贊曰  
天果無意于中興乎固不生乎哲人天果有意

于中興乎何群論之紛紜以公之謀謨足以兼  
乎將相以公之疏議足以見夫經綸雖未全其  
匡復之志終不失為社稷之臣宸衷所眷命寓  
其真孤忠貫日千載如新東南之域樵水之濱  
所可仰者儼然天人之像而不可度者存乎宇  
宙間之神

江萬里

江萬里字子遠都昌人理宗在潛邸嘗書其姓名凡  
研間以舍選出身歷池州教授駕部郎官史嵩之  
罷相拜監察御史仍兼侍講未幾遷右正言殿中

景則外紀前

卷五十九

五

侍御史加觀文殿大學士授知潭州湖南安撫大  
使加特進文天祥為湖南提刑受知于萬里以啓  
謁曰舊弼啓家价藩建閭姬公相周而為左方遂  
明農召保分陝而守西又新維翰威行夷夏運在  
東南壽俊而朝禮樂四代脩名偉節以日月為明  
泰山為高輿學精言為天地立心生民立命水火  
不爭于鼎鼐泥金各就于陶鈞本之身心暴秋陽  
而濯江漢措諸事集厲夷狄而懲荆舒起觀一世  
之安危端繫大人之出處當世道未寧之日正遠  
人相戒之時乃分一道之王麟登受三公之金鵲

謂扞荆門吞夏沔寄莫重於星沙豈挹浮丘拍洪  
厓間可專於綠野安石起東山而符秦潰孔明渡  
瀘水而孟獲擒惟茲銀濤青壁之墟倚我錦艾朱  
綬之重功隱存于宗社書不盡于旂常三軍百姓  
之懽迎大開玉帳一馬二童之促召再築沙堤佐  
興居虞誕保文武及門甚晚知已何深薦不識面  
官每嘆先生之古道自號報恩子豈在衆人之下  
風鳳凰出而毛羽翔蛟龍驤而雲氣族一日偃藩  
之際會同時識節之走趨孝子回車忠臣叱馭將  
交盡于君親惟深期于造化又往復辯論事宜具

景別外紀前

卷五十九

三十

載文山集咸淳九年萬里年七十有六未幾元兵  
執之逸去萬里聞襄樊失守乃鑿池芝山後圃扁  
其亭曰止水竟赴水死時柳守趙崇源亦死之

史南曰善為國者莫急於擇相凡居相者莫病  
于蔽賢宋自王安石保養奸回嫉擯方正乃蔡  
京章惇誤之于先以致金人倡厥而二帝蒙塵  
自秦檜力主和議屠戮忠良乃史彌遠賈似道  
誤之于後以至元人蹂躪而四海沸騰是故人  
主立相之難固如此乃若江萬里為相既能識  
國士于物色之初又能死主事于止水之地觀

文山論事之疏與夫啓謁之詞可以知其賢矣  
贊曰孰不為事事君為大孰不為守守身為大  
江公古心事守一誠出帥湖南力抗元兵文山  
贊猷止水全節此身雖歿此心不滅

文天祥

文天祥字履善吉水人寶祐乙卯年二十對策集英  
殿理宗親擢為第一開慶初元兵圍鄂宦官董宋  
臣倡議南遷天祥上書乞斬之條陳四事不報除  
秘書省正字兼權刑部郎官屢為臺臣論羅威淳  
九年起為湖南提刑上表云帝廷敷命昭關四門

景別外紀前

卷五十九

主

天牧播刑誤頒一節申以遙驅之旨疇茲已試之  
庸周隰載馳漢條具布臣無他技惟有朴忠兩朝  
特達之知游塵清要十載行藏之跡祇自悔尤雲  
雷之義方也天地之心已復當元日達聰之始在  
皇華遣使之中聖恩靡許于祝釐臣職敢稽于行  
道瞻蓋高而下耳冀用譽于折肱臣敢不祇若咨  
詢對揚欽恤陳時臬事尚弘康乂之圖受王嘉師  
永迪明清之訓時故相江萬里素奇天祥志節語  
及國事慨然曰吾老矣天時人事其在君乎德祐  
初詔天下勤王天祥捧詔涕泣發郡中豪傑并結

溪峒諸蠻衛山進士趙璠攸縣進士王夢應互和  
憤血八月至臨安除天祥知平江府二年正月以  
天祥為樞密使除右丞相益王立加觀文殿大學  
士武岡教授羅開禮被執死之元將李恒攻天祥  
于興國天祥奔循州衛王繼立加天祥少保信國  
公十二月元將張弘範執天祥送燕凡三年有閩  
僧言土星犯帝座遂殺天祥時年四十七自贊云  
孔曰成仁孟曰取義惟其義盡所以仁至讀聖賢  
書所學何事而今而後庶幾無愧

史南曰臣讀宋史及後文山之事及其所作詩

景陽外紀前

卷五十九

三十三

文未嘗不痛哭也昔人謂讀出師表不墮淚者  
其人必不忠讀陳情表不墮淚者其人必不孝  
嗟乎文山忠孝兩全可不為痛哭乎宋王炎午  
撰文真之元許有壬製贊授之汪水雲招魂歌  
之文載集未惟祭酒胡儼謁祠些曰太厦兮既  
顛豈一木兮能全惟夫子兮皇皇冀不負兮所  
天天茫茫兮曷信彼覆餗兮何心志佗僚兮不  
白淚浪浪兮盈襟脫虎口兮危疑羗中道兮失  
路風塵兮瀕洞心鬱抑兮誰訴乘桴兮浮海波  
漫漫兮汪洋渺靈脩兮何許雲冥冥兮山蒼蒼

塞旗兮空坑期王室兮再匡忽豺虎兮充斥噬  
赤子兮流亡朱崖兮景從義旅兮奮張何時運  
兮迫阨彼猖兮見執矢死兮弗渝哀夷齊兮不  
食拘囚兮繫繫慷慨兮陳詞從容兮就義日慘  
慘兮風悲遺祠兮蠻宮儼肅肅兮令容神逍遙  
兮八極騷白螭兮駕青龍流耿光兮天地與造  
化兮焉窮

或問曰子之撰景則也先之以武侯似矣又次  
之以鄴侯及魏公康侯父子胡為乎內之於明  
道伊川文公及西山鶴山象山諸儒又何為乎

景陽外紀前

卷五十九

三十三

外之末復引忠定古心文山得無謂乎曰孔子  
云好善如不及惡惡如探湯吾聞其語矣見其  
人矣隱居以求其志行義以達其道吾未見其  
人也夫君臣者天地之大義也華夷者天下之  
大防也善惡者人心之大幾也知其幾然後可  
與語防知其防然後可與語義是故所欲有甚  
於生所惡有甚於死如其義舍生以取可也如  
其非義潔身以去亦可也武侯值曹瞞窺罪之  
時出而翊先主以扶漢祚鄴侯當祿山亂華之  
後出而輔肅宗以奠唐室魏公丁金人入寇之



餘出而扶高宗以視宋師其大義固已正矣

侯以春秋入講而於會戎于潛與夫陸渾山夷

必嚴其辯其有功於華夏匪小補也且武侯寓

隆中鄴侯寓衡山魏公薤鄉康侯薤湘潭其

嶽靈所鍾川精攸萃不謂之內焉不可也乃若

明道伊川生于黃陂學于濂溪文公憇于南嶽

西山帥于長沙鶴山謫于靖州元定竄于道州

象山牧于荆門其他諸弟子各有司存流風遺

韻猶有存者雖不謂之外焉不可也若夫李忠

定為百代偉人而古心文山又視死如生不屈

身于夷狄較之魯仲連之不帝秦又有加焉而

况以夷主華此天地以來所未有之變我

皇上肇建

景德崇聖宮以事古帝王特去元世祖之神位及木

華黎諸臣見高千古與

皇祖同符爾矣此臣所以叙古名臣而獨畧于元之

方伯廉訪牧長者遵

聖斷也故曰如用之吾從周

楚紀卷之五十九終

楚紀卷之六十

皇明賜學經筵講同修國史奉直大夫翰林院侍講學士臣廖道南謹撰

景則外紀後篇

原胄

廖氏肇姓自叔安始春秋書天王使伯廖來錫公

命氏族志云伯廖周文王子以字為氏叔安其後

也漢廖覬為鉅鹿太守至廖扶字文起居汝南教

授鄉里子二人孟舉偉舉宗裔繁衍漢末遭亂播

遷荆楚廖化字元儼居襄陽事昭烈為宜都太守

諸葛亮開府署參軍封中鄉侯見稽謀紀厥後廖

凝字熙績仕南唐為彭澤令與族人廖融俱隱衡

山見闡幽紀嗣是馬殷據楚開天策府廖匡圖為

學士徙居連山子偃事希萼為左殿直軍使道州

刺史死于王逵之難匡圖弟匡齊為決勝指揮使

死于彭仕義之難宋咸平間廖康為袁州太守元

豐間廖子孟自屯田郎中復守袁州天禧間廖儼

自衡山舉進士元祐間廖正一為端明學士淳熙

間廖侯同衡山廖謙從朱文公講道于南嶽咸淳

間廖邦杰自蒲圻起為湖南提刑文信公以放修

謁極其褒許而衡蒲連曹甲喬木矣昔者司馬遷

撰史記末叙其世胄沈約宋書亦復倣之茲述我  
廖氏世胄纂其畧于末簡以志不忘匪敢自誣以  
角侈焉爾

廖爾

廖正一

廖邦杰

廖儼衡山之宗裔也宋真宗天禧間進士所著洪範  
封建二論已載崇道紀歐陽文忠公叙其文集曰  
自孔子沒而周衰接乎戰國秦遂焚書六經於是  
中絕漢興久而後出其散亂磨滅既失其傳然後  
諸儒因得指其異說其間如河圖洛書怪妄之甚  
余嘗哀夫學者知守經以篤信而不知偽說之亂

書外紀後

卷六

十

經也屢為說以黜之而學者溺其久習之傳反駭  
然非余以一人之見決千歲不可考之是非欲奪  
衆人之所信徒自守而世莫之從也余以謂自孔  
子沒至今二千歲之間有一歐陽脩者為是說矣  
又二千歲焉知無一人焉與脩同其說也又二千  
歲將復有一人焉然則同者至于三則後之人不  
待千歲而有也同予說者既衆人之所溺者可勝  
而奪也夫六經非一世之書其將與天地無終極  
而存也以無終極視數千歲於其間頃刻爾是則  
余之有待於後者遠矣非汲汲有求於今世也儼

山廖倚與余遊三十年已而出其兄儼之遺文百  
餘篇號朱陵編者其論洪範以為九疇聖人之法  
爾非有龜書出洛之事也余乃知不待千歲而有

與余同於今世者始余之待于後世也冀有因余  
言而同者爾若儼者未嘗聞余言蓋其意有所合  
焉然則舉今之世固有不相求而同者矣亦何待  
於數千歲乎廖氏家衡山世以能詩知名於湖南  
而儼尤好古能文章其德行聞于鄉里一時賢士  
皆與之遊以其不達而早死故不顯于世嗚呼知  
所待者必有時而獲知所蓄者必有時而施苟有

書外紀後

卷六

十

志焉不必有求而後合集與儼不相俟而兩得也  
於是乎書第倚亦有才名文忠公作文送之已載  
考履紀宛陵梅聖俞贈之詩云千里倦為客秋歸  
鳥傍輕過林湘橘暗收潦楚江清晚泊親鷗鷺殘  
芳襲杜衡長沙幾日到天際見高城

廖正一字明畧安陸京山之宗裔也登元豐三年進  
士初為華州司理叅軍累官知昆陵加端明殿學  
士元祐二年同蘇軾黃庭堅典試有倡和詩已載  
懋庸紀其寄吳可權李彥和詩云上元應展驥萬  
世仰爾緜承寄三異聲江海憑東觀李侯持寸璧

十五城不換倦飛偶栖棘孤鳴巢鵲淮海一俊  
又傳洽識理亂國論匪與聞秘將經術斷君家文  
多豪臨嶠賀白戰又炊晁補之梅花詩云蕙蘭芳  
草久睽離偶洩春光第一枝自許輕身羞粉白何  
人閒麗得鄰窺寒侵薄枕魂消夜月入重簾夢破  
時辛有暗香襟袖煖江南歸信不應遲黃庭堅寄  
明畧詩云江淨明花竹山空響管絃風生學士塵  
雲繞令君筵百越餘生聚三吳遠接連苞霜刀落  
繪佩玉酒明船葉縣飛來烏臺公謫處天酌多時  
暴譴舞短更成妍惟我孤登覽觀詩未究宣空餘

東坡先生集卷六十

四

五字賞文似西京然璧是肺三折官當歲九遷老  
夫看鏡罷衰白敢爭先又云將發汚鄂間盡醉竹  
林酒二三名友輩未肯棄老朽借問坐客誰盧溪  
紫髯叟此翁今惜醉舊不論升斗又云平生思故  
人江漢不解渴誰言放逐地燒燭飲至跋憂予先  
狗馬勸以愛膚髮有罪當竄流但懼不得活又云  
廖侯勸我酒此亦雅所愛中年剛制之常懼作灾  
恠連臺盤拗倒故人不相外誰能知許事痛飲且  
一快又云竹林文章伯國士無與雙比來少制作  
非以弱故降景陽機中錦猶衣被吳江時時能度

曲秀句入新腔又云斯人絕少可白眼視公卿每  
與俗物逐三沐取潔清我亦漫浪者君何謙爾盟  
試問廬溪叟猶得多可名又云晁子抱才耕谷口  
世有高賢踐台斗頃隨計吏西入閔閔夫數日傳  
車還封侯半屬妄校尉射虎猛將猶行間無因自  
致青雲上浪說諸公見嗟賞驥伏鹽車不稱情輕  
裘肥馬鳳凰城歸來作詩謝同列句與范李爭春  
榮十年山林廖居士今隨投書稱舉子文章宏麗  
學西京新有詩聲似侯喜君不見古來良為知音  
難絕絃不為時人彈已喜瓊枝在我側更恨桂樹

東坡先生集卷六十

五

無由攀千里風期初不隔獨憐形迹滯江山又云  
吾觀三江五湖口蕩蕩誰能議升斗物誠有之士  
則然晚得廖子喜往還學如雲夢吞八九文如壯  
士開黃間十年呻吟江湖上青楓白鷗付心賞未  
減北郭漢先生五府交書不到城相者與肥驥空  
老山中無人桂自榮君既不能如鍾世美匪函上  
書動天子且向華陰郡下作參軍要令公怒令公  
喜君不見晁家樂府可管絃惜無傾城為一彈從  
軍補掾百僚底九闕虎豹何由攀男兒身健事未  
定且莫著書藏名山又云君不見生不願為牛後

寧為鷄口吾聞向來得道人終古不惑如維斗希  
價咸陽諸少年可推令往挽令還俗學風波能自  
拔我識廖侯眉宇間省庭無人與爭長主司得之  
如受賞東家一笑市盡傾畧無下蔡與陽城生珠  
之水砂礫潤生玉之山草木帶觀君詞章亦如此  
諒知躬行有君子更約探囊閱舊文蛛絲燈花助  
我喜賢樂堂前竹影班好鳥自語莫令彈比鄰著  
作相勞苦整駕謁子邀同攀應煩下榻煮茶藥坐  
待月輪銜屋山又云可以忘憂唯有酒清聖濁賢  
皆可口前日過君飲不多明日解醒無五斗古木

景別集後

卷六十一

木

清陰丹井欄夜來涼月屋頭還論交放置形骸外  
得意相忘樽俎間水壺不可與夏蟲響秋月不可  
與俗士賞已得樽前兩友生更思一士濟陽城雖  
無四至九卿之規畫猶有千秋萬歲之真榮空名  
未食太倉米今作斑衣老萊子卿家詞宗望爾來  
不獨我聞足音喜西風索寞葉初乾長鋏歸來亦  
罷彈窮巷蓬蒿深一尺朱門簾陞高難攀吾儕相  
逢置是事百世之下仰高山又云夏雲涼生上囊  
口周鼎湯盤見蝌蚪清風古氣滿眼前乃是戶曹  
報章還只今書生無此語已在貞元元和間一夫

景別集後

卷六十一

七

諤諤獨無望千夫唯唯皆論賞野人泣血漫相明  
和氏之璧無連城參軍挂笏看雲氣此中安知枯  
與榮我夢浮天波萬里扁舟去作鷗夷子西士風  
流對酒樽四無人聲鳥聲喜夢回擾擾仍世間心  
如傷弓怯虛彈不堪市井逐乾沒且願朋舊相追  
攀寄聲小掾駕行李落日東面空雲山又云挾策  
讀書計餬口故人南箕與北斗江南江北萬重山  
千里寄書聲不遠當時朱絃寫心曲果在高山流  
水間枯桐滿勝生蛛網忍向時人覓清賞廖侯文  
字得我驚五岳縱橫守嚴城萬夫之下不稱屈定  
知名滿四海非真榮富如春秋已如此它日卜隣  
長兒子一丘各自有林泉扶將白頭親宴喜秋風  
日暮衣裳單深巷葉落紛如彈數來會面復能幾  
六龍一去不可攀短歌溷公更一和聊乞淮南作  
小山又云廖侯言如不出口銓量古今膽如斗度  
越崔張與二班古風蕭蕭筆追還前日辭家來射  
策聲名籍甚諸公間華陰白雲鎖千嶂勝日一談  
誰能賞君不見曩時子產識然明知音鬱鬱開佳  
城勿以匣中之明月計校糞上之朝榮我去丘園  
十年矣種桑可蠶績生子使年七十今中平安能

朝四暮三浪憂喜據席談經只強顏不安時論取  
譏彈愛君草木同臭味頗似瓜葛相依攀我有仙  
方養白石何時期君監田山明畧所著有傳竹  
林白雲集黃山谷又誌其妻夫人任氏墓任氏都  
官尚書郎軫之女也生二子青箱青規

廖子孟字獻卿伯祖康字平甫宋真宗咸平二年自  
內殿崇班閣門祇候出守袁州子孟登仁宗嘉祐  
八年進士累遷屯田郎中擢袁州太守在郡多惠  
政創黃圃巡司建鈴山書院學者多從之游太史  
黃庭堅既與宗人明畧游又復交其子姓方叔宣

東坡全集

卷十

九

叔俱有手創在袁州時庭堅寄之詩云公移僕甚  
叢生笋訟牒紛如蜜分案少得曲肱成夢蝶不堪  
衙吏報鳴鼉已荒里杜田園了可奈春風苑李何  
想見宜春賢太守無書來問病維摩子孟次韻庭  
堅復疊韻贈之云春去懷賢感物多飛花高下賈  
絲窠傳聞治境無號虎更道豐年鳴白鼉史筆縱  
橫窺寶鉉詩才清壯近陰何寄情千萬相勞苦如  
倚胡牀得按摩又云詩題怨鶴與鷺猿一幅溪鰲  
照麝煙聞道省郎方結綬可容名士乞歸田嚴安  
召見天嗟晚賈誼歸來席更前何必班家有超固

應封定遠勒燕然先是廖君玉為太常奉禮郎王  
荆公有制詞嗣後廖視為房陵令許狀元有薦章  
見別紀

廖侯字季碩宋淳熙間朱文公謫監南嶽與衡山族  
人廖謙字益仲者從游文公與之書云久不聞動  
靜正此馳情漕臺使至忽辱惠問獲審比日誠齋  
薦語精當真無愧辭篤顧衰蹤不足為重西銘首  
論天地萬物與我同體固極宏大然其所論事天  
之功自于時保之以來方極親切君必有以深得  
乎此矣又云累書下問何愛一言但以其自信自  
守者為獻則迂濶而不可行是以久而不知所以  
對又云誠齋直道孤立不容于朝然歛其惠于一  
路猶足以及人也

東坡全集

卷十

九

廖邦杰字天挺宋理宗淳祐間自大理評事出為湖  
南提刑寶祐二年文天祥代之與之書曰茲者伏  
審濡絲星轡弭節霜臺默蓋撐空開雲烟之五色  
繡衣立漢麗氷雪於九川號令一新江山胥動恭  
惟金井玉淵之丰度簫鍾瑤簾之聲名老氣崢嶸  
吐鰲頭之山碧清文流灑貫龍影之潭星允踐駁  
中外以來皆推行忠恕之學惟刀劒徂楚氛之惡

賴旌旄指漢坂而驅于疆于理于南來宣王命其刑其罰其審曰惟民中汲湘水而滌瘡痍豁衡雲而燭幽枉禮樂遣使臣也於昭原隰之光袞繡歸我公兮過任朝廷之重又劄云天祥頃徙嶠嶺下一拜狀後繼得旨以臬事屬之宋使君遂於正月末解纜而西先花朝之四日抵雲舍楔前奉重閣至空同上俯仰半枝皆商燾賜也第念夙緣結習實開衣冠百世之好乃不克迎馬前而奉龜組江海契闊有足念者近得之東西行人始知菊節前王節道盱境以時考之此際久建牙楚觀上矣天祥不勝為湖南一道賀亦以自賀也又啓曰疏恩象魏易節熊湘星度天困光照武陵之雪風生春繡神開衡岳之雲翠蕩凌烟華絲絢曉恭惟傳心正學行世清規雲霄閣之高寒蜿蜒龍劒湖海樓之突兀塊坱叅旗屹砥柱於中流行大車於九軌出擁康沂之駕入提建禮之門犀甲彤弓武絢將軍之電金矛曳組輝聯湏女之珠佩聲雜還於蓬茆麾影橫斜於牛斗誰謂寒露清水之勝屑為春山暑露之行收海若之波濤定夫正學布浙江之雨露朱子常平便當跨汗漫而擺雷礮于以經駘

蕩而出馭娑屬大顏之西顧念民命于南維不有仁人孰長王國乃輟神仙於海上乃移星宿于軫中惟君子之祥刑自聖門之忠恕推廣不究之條貫發揮無訟之本原轉陽和於芙蓉薜荔之間沛生意於楣桷桁楊之外蓋以臯夔之長者而行孔孟之本心臯華咨詢盡展平反之業總章清問即陪啟沃之聯天祥獨抱短饒偶塵繡斧撫至事而集苞杞坐隔白雲望美人而結幽蘭喜逢今雨俯仰十年之同味黃緣百世之交情尊叱馭陽回車豈是秋春之鴻燕貢彈冠朱結綬尚將上下於雲龍舌筆踈單衷旌擢曳見文山集史南曰儀禮經傳云禽獸知有母而不知有父野人則曰父母何算焉大夫及學士則知尊祖矣諸侯及其太祖夫尊祖故敬宗敬宗故親親親親故收族萬世不易之道也司馬遷漢史有諸侯大夫世家歐陽修唐書有宗室輔臣世系所以推本窮源合踈而收族別嫌明微著威而親親惇薄以類由禍而敬宗統同綴分由宗而尊祖是故身祖敬宗義也親親收族仁也仁義並行禮不悖矣廖氏自叔安受國文起淑鄉元

險建侯熙績表開匡圖昭勲明畧垂裕至邦杰  
而名益燁煒甚矣川中綠荔之譜黃太史之草  
創也劍南世綵之錄蘇文忠之討論也安陸白  
雲之集晁翰學之修飭也衡山紫蓋之牒文信  
公之潤色也沿至蕲川則尊祖敬宗親親收族  
豈不誣矣贊曰明畧肇基蘇黃與儔季碩載錫  
朱張與游獻卿出守山谷紆猷邦杰服米文山  
敬修有光世德緬思作求

### 叙宗

禮曰自仁率親等而上之至于祖人道之始也自

景則外紀後

卷六

十一

義率祖推而下之至于親人道之終也知始始之  
罔弗愛矣知終終之罔弗敬矣愛敬立仁義興此  
家政所由基也我廖宗支廣衍徙居三楚子姓蟄  
繩分裔各族有自安陸而遷京山者則明畧之宗  
派也有自衡山而遷茶陵者則邦杰之宗派也有  
自劍南而遷粵中者則匡圖之宗派也有自川西  
而遷河朔者則遜翁之宗派也惟我蒲自南山毓  
禎西土建塾植林濬其豐源潭灣揚其巨濤湯塘  
鼓其文瀾米埠沐其澄波迄我竹崖大父以文教  
起家五洪先君以忠貞報國於平稽田敷畝疆畝

梓材勤新丹艮隆施為子若孫其懋之哉

廖清

子傳 佐

廖清字源潔景東衛經歷崇信之子也弱植清苦躬  
耕力學正統十二年中鄉試成化元年授武義教  
諭慨然思紹金華正學手錄金仁山許白雲及宋  
景濂方遜志諸集編輯誦讀雖隆冬酷暑不釋晚  
年所得益深子傳暨佐相繼登第傳字文弼授刑  
部司務負雋才談論頃刻數千言咸有條理聞者  
忘倦尤邃于黃老之學壽九十號南山冲虛子弟  
佐字文輔成化甲午鄉薦

景則外紀後

卷六

十一

史南贊曰節彼南山壽平槎林橋梓聯芳墳薦  
協音源潔貞士夙抱古心二仲翺翔為世所欽

廖俊

子漢

廖俊字文英宋端明殿學士明畧後裔湖南提刑邦  
杰之玄胄也篤志力行以古人自期景泰元年鄉  
試授漢州學正西上邇夷鮮事文墨俊一日造開  
元寺聞諸僧誦經音韻朗然嘆曰茲不踰于庠生  
乎乃擇其年幼者四人趙果方壁周冕張教關蕭  
韶書院朝夕誨之後果舉進士壁冕俱領鄉薦而  
教亦起貢為府通判冕孫洪範亦舉進士至今漢



人稱其德不衰再調嘉定手植海棠每歲賞與以  
花盛開爲驗門下士如劉肅劉節童瑞諸人多躋  
牕仕晚歸結廬芙蓉山脩然自得所著有芙蓉百  
詠詩云我愛芙蓉好春深花木芳鳬鷺翔水檻麋  
鹿卧山房稚子垂絲釣村翁覓酒嘗興來幽意愜  
時復躡雲岡又云我愛芙蓉好秋山照水心石門  
蘿月靜沙圃菊煙深洞有真仙錄泉如太古琴盪  
舟歸去也乘興度遙林又云我愛芙蓉好何如暮  
景清煙簾媚幽獨天鑒湛虛明藻密眠沙鳥林虛  
轉谷鶯向來登眺處滿樹碧雲生又云我愛芙蓉  
好青山飛白雲湖光浮鶴夢樹色落鷗群翠竹娟  
娟淨丹荷的的芬石梁坐終日誰復共論文又賦  
金疊迴龍岡詩云緬維龍岡勝疊秀佳山水水繞  
桃花紅山映萼川紫樓臺金碧開城郭丹青裏幽  
色日夕佳天翠聯霞綺觸石膚寸雲天矯神龍起  
霖雨滿商巖露渥均遐邇吾當憫山靈援筆摩崖  
紀命子五洪大夫撰芙蓉賦其詞曰緊廬山之靈  
秀兮負芙蓉之脩名聳嵯峨于碧霞兮高岌業于  
紫清祖五嶽之峻絕兮宗三島之崢嶸予翁結廬  
于其麓兮集芙蓉以爲宇葺房孫壁兮臨石巖挂

楫松舟兮繞沙渚若乃蓮錢簇壁荷盤映玉爛蕙  
蕤兮若蘭森羽蓋兮穿竹時則夏雲初歛晚風微  
靜山色類染湖光逾鏡承紅芳以製裳兮和碧實  
以充餐弄翠霞以怡情兮吞珠露而駐顏予方歌  
予翁暮景之詩而冉冉其忘年也歌曰登芙蓉兮  
山之端采芙蓉兮水之干彼幽人兮考槃又曰山  
雲漠漠兮水月涼涼采芙蓉兮在彼水中央  
門人工部尚書童瑞贊云道有可行何必乎身之  
榮志有可繼奚取乎爵之崇惟竹崖爲我師思浩  
蕩而莫窮昔敷教于漢州不擇類而成功今種花  
于嘉州奪天巧于化工道玄邈而難名澤悠久而  
罔終於乎若先生者豈非漢之文翁也哉  
廖漢字天章漢州學正俊之冢嗣也性剛毅獨立自  
信超然物表不少屈於物弘治癸丑進士西涯李  
文正公讀其文奇之簡置高第授戶部主事陳情  
便養改南京戶部時督儲都御史葉贊偏執徇權  
漢與爭辯允法必宜于民乃已司徒王軾聞而歸  
之及司諸廩出納有齊庶人者怙冒撓法力加禁  
治風釐弊政人咸稱便十五年監兌江西方伯林  
泮服其孤介正德初服闋如京師逆瑾煽虐士風

瀾倒乃仰天嘆曰昔龐萌掛冠梅福隱名吾輩不  
若人乎乃上時政疏云臣聞太平有道之朝不可  
無賢人君子太平無事之野不可無幽人貞士有  
賢人君子之在朝方成美政有幽人貞士之在野  
方成美俗朝無美政則陰陽消長之浸尋吉凶晦  
吝之倚伏皇之弗極時則有大青野無美俗則君  
子無所恃而為善小人無所畏而不為惡民之弗  
極時則有隱禍譬如人身腹心元氣其在朝者也  
四肢百骸其在野者也腹心受病元氣遂傷四肢  
就痿百骸胥困雖有智者亦末如之何矣方今之  
勢何以異此臣切見夫寇攘奸宄噂沓背憎在朝  
者多蠹政刑餘周召法律詩書臣不敢謂其必無  
也訛言朋興譸張為幻在野者多蠹俗勢如土崩  
形如瓦解臣不敢謂其必無也即今不為之所將  
有大敵極壞而不可支持又不止於賈生之痛哭  
流涕長太息而已矣疏入不報又上疏云臣聞生  
長收藏天道允彰進退存亡人道有常若知進而  
不知退知存而不知亡是適於形氣而闔乎神元  
殉夫勢利而喪其信貞者也昔老萊子之妻有言  
可啗以酒肉者可隨以鞭朴可寵以爵祿者可繼

素則外傳

卷六十

十七

以斧鉞臣湘湖鄱野山壑疎庸性既忤俗識不通  
時竊惟今之丈夫有愧于萊子之妻多矣疏入遂  
行結茅五洪山下布衣竹杖躬履畎畝非其力不  
食課諸子誦習墳典究心理道然肆志幽潛登眺  
遐曠遇樵夫田叟坐談終日至達官富翁則絕不  
與語蓋其天性然也自正德丙寅至嘉靖壬辰屏  
居山澤幾三十年壽八十有六  
今上賜之詔命曰朕稽古圖治登崇俊良故能効勞  
于國者咸得以推錫其所生矧論思侍從之臣朕  
所簡注者乎爾戶部主事進階承德郎漢性資剛  
毅操履端廉賜第  
先朝擢官即署才名赫然聞于兩都顧以直道難容  
抗疏而退肆志雲壑有古逸民之風厥所蘊培發  
于賢嗣方以文學為世儒宗敷陳仁義考正典儀  
深有裨于治化凡其謀國之英猷皆爾過庭之至  
訓是以朕心嘉悅柄任日隆爰舉國章用昭家慶  
特進封奉訓大夫翰林院侍講學士爾其服茲新  
命益介壽祺休聲令範與蒲山並重永有聞于世  
尚懋敬哉丁酉六月六日壽八十有六卒塋長泉  
今上遣湖廣左叅政陳煥

素則外傳

卷六十

十七

諭祭曰惟爾發身甲第擢屬民曹未究厥施葆光  
丘壑篤生令子為朕從官荐陟清華允資啓沃眷  
茲才結庭訓足徵祿養方隆封章屢錫身兼五福  
壽逾八旬茲焉令終夫復何憾爰推子績優示卹  
恩特命有司載頒諭祭九京不昧宜用祇承  
戶部尚書鄒文盛贊曰蒲山萬疊翠繞五洪蕞  
水萬泉秀出芙蓉篤生英傑克孝克忠蜚聲比  
省擢第南宮歷官即署奏允邦庸直躬不屈大  
道難容抗疏天闕樂志雲峰橋梓聯芳福祿來  
同我言惟服考履惟公

墓外錄

卷十

太

感遇

夫出處顯晦者時也進退行藏者命也成敗利鈍  
者天也是非毀譽者人也哲人知時以達命君子  
修人以順天惟全其在我而已然而人臣事

君如事天視國如視家沐

君恩而不報者鄙夫也忘國事而弗恤者野人也寧

不厚顏于天壤間耶臣道南伏自

龍飛登極叨拔甲科

鼇掖掄材幸列史館載遷官秩晉長詞垣

講幄橫經觀

天顏于咫尺綸扉獻議被  
帝寵之駢番錫

寶露于庚寅甘踰宋濂之調劑歌

慶雲于癸巳渥同解縉之承恩首忤權貴而左遷即  
賜環于詞苑繼觸輔臣而中毀每

垂軫于經緯渥澤霑濡豐章炳煥爰扈

蹕于天壽承制發張鴉之奸欺暨謁

駕于鍾祥上疏辯張壁之媚嫉憎茲多口遂罹孤危

聖眷保金頒卹典于父母

天慈優渥寄幽蹤于漁樵敢忘大馬帷蓋之施輒校

墓外錄

卷十

十九

永魚疑誤之跡興言疇昔永念中宵言顧行行顧  
言誓以酬夫

大造歲繁月月繫日詎云藏之名山姑紀餐軻之初

以及懸車之後惟祈寡過敢復希榮

嘉靖元年十一月內先任大學士楊廷和蔣冕毛

紀等題為作養人才事欽奉

聖旨廖道南黃佐童承叙王相張治王用賓等六員

銓授本院編修

四年十月內臣道南赴部考滿該吏部考功司郎

中馬理注考語云多見多聞縝出群之志有學有

行負經世之才河南道御史陳察注考語云名高  
湖海學博古而識達天人器重台衡文華國而力  
追秦漢考績惟初書寂惟允

五年二月文會試同考試官取中進士趙時春周  
文燭等三十二名

六年正月內大學士費宏楊一清等題為纂修事  
欽奉

今上皇帝敕曰朕自繼承

大統即位以來禮官失考輒引後世繼嗣之說名實  
不稱廢壞綱常今

纂則紀後

卷六十

二十

尊尊親親位號已定

廟祀已成豈可無一全書以示後世今特命卿宏卿  
一清為總裁官卿珪卿詠為副總裁官編修孫承  
恩廖道南張治王用賓為纂修官宜勉盡忠愛深  
體朕心上稽古人之訓近削弊陋之說參酌諸論  
彙為全書以成永久不刊之典其尚同心協慮稱  
朕正名崇孝至意欽哉是日召至

文華殿親承

聖諭云大禮書未備卿等用心纂修傳之萬世時  
至音命賜金綺有差書成孫承恩陞左中允臣道南

右中允張治左贊善王用賓修撰是歲五月朔日  
有食之臣道南奏為陳洪範九疇以懋  
聖學事欽奉

聖旨這所言朕已省覽禮部知道覆奉

聖諭云翰林官須日輪一員撰述經書史鑑有關君  
德政治者日錄以聞以贊朕所未曉大學士楊一  
清等遂奏進講大學衍義每月以三八日輪講官  
二員進講

纂則紀後

卷六十

二十一

七年十二月望白氣亘天津起坤指乾臣道南陳  
言四事一曰責任大臣以修政務二曰延訪儒臣  
以咨治道三曰慎擇守令以恤民隱四曰選用將  
帥以固邊防欽奉

聖旨覽奏事關朕躬的知道了其餘該部看了來說  
兵部尚書李承勛左侍郎王廷相等覆題照得中  
允廖道南奏稱四事無非安內攘外以圖至治內  
稱歲遣大臣一員巡視各邊及遴選將才備用閩  
外一節夫弭災之道貴在思患預防備邊之策尤  
以選將為急本官具奏前因深為有見合候

命下通行兩京堂上官科道官并各撫按官從公詢  
訪大小武職官員果有熟知韜畧素諳戰陣者具

由奏保以憑簡用其經畧大臣待有緊急邊情另行議奏奉

聖旨是

八年正月楊一清等題為

經筵講官事欽奉

聖旨許成名林文俊廖道南蔡昂充經筵講官是歲二月覆充會試同考試官取中進士唐順之高擢等三十名七月長庚氣如匹布亘天臣道南陳言六事一曰戒大臣以勤職業二曰勵言官以廣聽納三曰掄館職以隆作養四曰重學校以宣教化

景泰紀後

卷六

三

五曰督牧長以松困窮六曰察幽隱以布德澤欽

奉

聖旨該衙門看了來說時桂萼居家宰阻格不行

九年正月十四日

詔問

郊廟大禮令翰林官坊人各具疏臣道南備述古今

分祀合祀之儀上稽

園丘方丘之典及朝日夕月

宗廟社稷先農先蠶

躬藉躬桑諸祀典具奏欽奉

聖旨這所奏及各官奏疏禮部一併會議了來說禮部尚書李時左侍郎嚴嵩右侍郎湛若水等覆議主分祀者八十二員主合祀者二百六員主分祀而以時未可為言者八十四員主分祀而以山川為方丘者二十六員漫無可否者一百九十八員其大學士楊一清尚書李承勛及中允臣道南俱奉

明旨會議臣時臣嵩臣若水謹具議以聞欽奉

聖旨這會奏郊祀禮制已別有勅旨了禮部上緊刊布原議有名的各官再行會議務要歸一是歲三

景泰紀後

卷六

三

月同許成名進講書經洛誥及大學衍義五月朔日臣道南覆奏為申明祀典事大學士張孚敬進揭帖參駁覆奉

聖諭廖道南嘗奏姚廣孝不宜配享

太廟夫廣孝在

皇祖朝建功立事非不可配享但彼係釋氏之徒以茲配享于

太祖之列深恐有弗可且有弗忍言者禮官雖曰遵

畏成典其實非敬崇

祖宗之道卿等其試加思之云禮部尚書李時覆題

臣等祇奉

聖諭仰見

皇上釐正祀典至精至當而中允廖道南所奏可謂

達於鬼神而明祭祀之禮合候

命下將姚廣孝神主撤去大興隆寺致祭以別配享

之宜以敦崇正之典欽奉

聖旨是依擬昭告于

皇祖前行是年八月初二日同顧鼎臣進講

經進書經無逸章初三日進講大學衍義唐高宗立

武昭儀許敬宗阿旨章次日進講

書外紀

卷十

書

日講論語君子思不出其位章俱蒙

恩賜酒飯是月奏為陳言

郊廟大典事欽奉

聖旨宗廟祀典儀制朕嘗有諭輔部大臣禮部便會

官議了來說禮部尚書夏言奏辯覆奉

聖旨郊廟大禮國家重典朕於

天地百神祀典俱已釐正惟

宗廟之禮尚襲同堂異室之制未能復古於心歎然

朕嘗稽我

皇祖開國之初建立

四親廟實有監于漢人之非具載

大明集禮存心錄祭祀禮儀朕為子孫所當遵行見

今

太廟前堂後寢俱有定制不必移其昭穆世數廟次

你部裏便會官相度西廡地方議定規制來說九

月初一日臣廖道南覆奏申明祀典請以慈恩寺

為國學辟廱以靈濟祠為帝王廟

上允行及折毀佛鬼淫像并大善殿改建景德崇聖

宮以祀古帝王十月臣道南覆奏考正大樂事欽

奉

書外紀

卷十

書

聖旨考定音律待真知者行干戚羽籥不宜繪于服

當如禮制更正今年大祀宴樂還着翰林官撰用

是月臣奉

命改正慶成樂章五十九章

十年十一月日長至

上肇禋

皇天上帝于圜丘

駕御齋宮

宸翰親制大報歌叙曰

朕肅懷

大報作此數字以見意耳不顧是否乃與卿等及言  
鼎臣道南又并三分獻二禮官貳一看卿等各盡  
所以贊佐戒進文辭以和來歌曰歲次甲午兮陽  
月之八日新冬肅群臣而朝趨

泰壇兮欽

大報之叩蒼穹朕以微薄菲質兮荷

洪眷下及而主兆庶愧縣才愚資兮懼無以上副

恩隆思欲康此民以圖報稱兮慚無學以出其治源

爰肇復

泰禋子茲當四舉愚衷匪直慎始兮思惟厥終詔右

泰別外紀

卷六十

廿七

左丞弼兮其盡啓沃以匡佐期世道躋于熙皞兮

庶或仰承乎

眷崇臣道南恭和

聖製大報歌四章其一曰於穆天運惟神道兮黃鐘

潛應于玄冬惟

聖作則肇禋園丘兮明馨昭格于昊穹萬靈夔登而

胥協兮冒乾宇其澄霽三垣繚繞于重玄兮躋泰

階之昌隆爰奠泰璧兮祇承

帝座載薦明水兮允鑒

皇衷紹鴻典于泰始兮保駿惠以克終於穆天運惟

丕丕基兮於萬斯年闡休烈其光崇其二曰於赫天  
命惟顯仁兮廣運陽旋于大冬惟

皇建極通宣元和兮協氣必達于層霄瑞霰飄颻而

先集兮豐歲兆瑞于玄冥靈龜遂勃而夙發兮祥

烟絢綵乎豐隆舞雲門其綴兆兮俯致羽物奏鈞

天之縹緲兮仰歆

帝衷有開必先兮有倂令終於赫天命惟

明明后兮子孫千億率彝典以追崇其三曰於昭天

德惟剛健兮幹玄枵而星昴正冬惟

聖時憲威神法象兮精意中升于泰宮藉葉結以升

泰別外紀

卷六十

廿七

陶匏兮登羲軒之沕穆被袞冕而鳴珮玉兮埴

饗之盛隆

上帝朕祥兮式昭靈貺

前星炳曜兮允慰

慈衷衍

帝祉之無疆兮徵王道之有終於昭天德體元惟乾

子臣廉載歌頌九五之欽崇其四曰於皇天祐惟

純嘏兮御玄堂而斗杓迴冬惟

皇敷錫壽富康寧兮休徵盈溢于宸宮嘉禮樂以述

作兮邁殷周其鮮儷宣化理之雍治兮軼勳華而



比隆兆民狎野兮罔罹于咎百工熙朝兮咸和厥  
衷闢仁圃以復初兮樹禮坊以謹終於皇天祐繼  
離惟震兮臣拜稽首祝億萬之延崇

上褒答曰爾所衍和歌奏進留覽

是日臣道南祇復

齊宮即荷錫以織文錦帶一束時

天顧澄霽捧受拜嘉曷其能報次日

御劄諭內閣云翰林官中文學忠行才識如道南者

卿可舉其人與修

祀儀成典於是遴選編修徐階張袞程文德等肇聞

景興外紀後

卷十

廿

比垣史館

勅曰朕惟祭祀國之大事矧今

郊祀已遵復我

皇祖初制其中不可無紀以垂將來今大工告竣祀

期在邇茲特降敕卿等宜各殫忠盡精思力究遵

照朕諭凡例條目纂輯成書名曰

祀儀成典務要明白正大以稱朕法

祖敬

天禮神至意以為萬世法程守而勿替斯為卿等竭

忠致力之道卿等其欽哉嗣是臣道南曰寓史館

每奏一篇

上親批定

天葩奎藻照耀離垣有同官所不能與者矣書成凡  
百帙乎敬及鑒惠臣道南專擅時肆毀訾

上留中不聽

十一年二月初三日輪臣道南同張潮進講

經進孟子聖人踐形章及書經召誥篇次日進講大

學衍義裴耀卿李林甫勸帝西幸章又明日進講

日講論語上好禮則民易使章十八日進講大學衍

義李林甫奏野無留才章次日進講

景興外紀後

卷十

廿

日講論語修己以敬及書經天顯民祇章蒙

賜女訓內則及

孝慈高皇后傳是年三月覆奏申明

大禘事欽奉

聖旨這所奏禮部便會官同夏言原議一併參考詳

定來說是年八月初三日臣道南同吳惠進講

經進孟子大舜袞袞鼓琴及書經顧畏民岩章次日

進講

日講書經朕子懷德章初八日進講大學衍義奸臣

李林甫章是日蒙

賜經筵孟子經正則庶民興章內引陶安論郭

說害道

上嘉納賜五經四書及文獻通考

上批云著廖道南張袞去考次日謝

恩畢臣等即同汪鉉男汪雲程汪雲卿攜帶四

子兩謁于門扁鑰報云汪冢宰在門即呼隣

錦衣項廷吉入場場中出題慎密順天府尹

胡鐸進遲孚敬即擬出題謹遵

上諭以進題為重臣等受命順天考試謹當慎

重何敢遲慢以違報効待科場畢後從重叅

景則外紀後

卷六

三

看奏明奉

御批云廖道南召復已久人尙體心任事准預

宴於

玉泉宮

恩賜酒飯畢謝恩慶成樂章五十九章

十月十四日臣道南奉

旨會奏郊祀禮制已別有禮部上駢刊布原議

有名的各官再行會議務要歸一章程是歲

十一月即同許成名進講書經洛誥及大學

衍義十九章并論語修己以敬書經伊訓恐

道觸忤乎敬有不悅色然會汪鉉為乎敬與援陞

吏部尚書臣道南輪進

日講高宗諒陰章鉉在請乎敬改題道南堅執乎敬

遂進揭帖云明日輪該道南進講臣等見得其中

有薨聽冢宰等語理合曲避彼乃執拘不從其罪

誠不容誅矣即蒙

聖諭批答有曰夫死生人道之常獻納講臣之職舊

日徐縉講孟敬子章撤去二節不講如卿等言則

忠讜何由得聞還着道南照舊進講次日直

日講臣復引尚書說命篇云其惟不言言乃雍又云

景則外紀後

卷六

三

夢帝賚予良弼其代予言即茲以觀古之人君心

純乎孝故宅憂而不暇于有言古之人臣心純乎

忠故攝政而不嫌于代言然必有高宗之聖而後

能容傳說之言必有傳說之言而後克輔高宗之

德不然則莽操懿溫之儔又將以冢宰藉口于千

萬世矣此又人君聽言所當知也講畢

上命吃酒飯于

文華殿東廊司禮太監鮑忠陪宴汪鉉謝

恩畢乎敬云今日講官廖道南內引莽操懿溫正欲

中傷汪冢宰也鉉聞之變色而去五月初二日臣

道南同林文俊進講大學衍義顏真卿論元載姦  
邪章內引陸贄西情兀弊之說乎敬愈怒是月二  
十八日臣道南同蔡昂進講大學衍義盧杞姦邪  
章畧云臣攷杞之本傳其剛愎蠱政柔險賊物不  
獨於張鑑為然觀其忌楊炎勢位相逼則竄之南  
荒李探譽望素隆則遣之西域顏真卿忠貞獨立  
則置之賊鋒杜佑才猷充裕則貶之外郡其他如  
誣鄭詹陷崔寧沮杜希全之議激李德光之變誤  
國大矣德宗偏聽生奸獨任成亂卒至藩鎮跋扈  
中原陸沉謂之何哉十八日輪臣道南進講大學

景外紀後

卷六十

三十一

衍義李逢吉姦邪章畧云臣攷逢吉本傳險譎多  
端媚嫉尤甚初裴度有淮蔡之功李德裕有台輔  
之望始因元稹與度不協則乘其隙而攻之於是  
度積俱罷而藩鎮之禍益熾繼因牛僧孺與德裕  
爭勝則鼓其讒而構之於是牛李相怨而朋黨之  
禍益深當是時李紳在翰林與李德裕元稹號為  
三俊而韓愈才名德望為一代儒宗逢吉視英賢  
如寇讐納姦回如心腹內結宦寺王守澄外引賤  
臣鄭注又令其從子李訓交通賂賄肆挾威權貶  
李紳為端州司馬而並拜訓注為翰林學士穆宗

雖知詰問弗正其罪于前敬宗為所蠱惑益滋其  
患于後謂之何哉我

皇祖嘗論唐事為之嘆息論劉三吾曰人主聰明不  
可使有壅蔽耳目聾瞽俱無所達矣三吾對曰人  
君博采衆論任用賢能則視聽廣而聰明無所蔽  
若信任憐邪隔絕賢路則視聽偏而聰明為所蔽  
矣乎敬聞之大怒至七月初三日彗星出參宿九  
旂遍歷五車三柱天舡大陵王良閣道

上臨講筵時顧鼎臣不到席春搆誣爭敬遂面奏臣  
道南及蔡昂不行代講遽謫臣道南于徽州陰騭

景外紀後

卷六十

三十一

汪鉞密伺而中之傷以後前日莽操懿溫之怨臣  
道南趙趙不敢之任十三年正月履任甫月餘值  
上祀帝社稷壇舊講官五員陪祀

俯詢侍臣乃知其故三月初五日

御劄賜輔臣云廖道南蔡昂本無大過處之太重今  
當取回復職卿等作何處哉於是乎敬即薦伊甥  
祭酒王激一十四員頂補講官名缺實不款其復  
秩也是日未刻

上親批云見今侍從缺人廖道南蔡昂着取回復職  
照舊供事四月朔臣道南齋奉表文至錢塘聞邸

報星馳赴

闕五月十五日寓崇文門外即蒙

御劄諭內閣云

聖母近違和今臻安復取明日吉詣

皇伯母宮謝視疾朕惟親安其子之懽慶當何如擬

奉

壽安燕以稱壽承懽卿等及言鼎臣道南各撰致語

二篇來用臣道南始入城赴鴻臚報名次日

聖恩召至平臺致詞陳謝蒙

命恭和

景則外紀後

卷六十

三

鍾粹宮詩二章

欽賞銀二十五兩綺絲二表裏七月初七日

皇史宬成

上降敕曰朕惟

列聖實訓實錄及

皇考實訓實錄皆紀述

聖德神功昭示萬世茲當重書善本建閣尊藏以垂

永久茲特命卿時為總視經理官卿鼎臣為同經

理官謝丕吳惠張璧廖道南為管錄官卿等恪殫

乃心嚴於經理務俾書寫端楷校對精詳期于速

完以稱朕尊崇至意卿等其慎之哉八月初一日

臣道南祇承

聖諭同文武重臣恭捧

九廟神主自廟街門承天左門左掖門

奉天東角門至

景運門入

奉先恭先崇先三殿

上親率成國公朱鳳等及臣道南九員奉安

帝后主諭曰

神主權請奠神牀上次日臣道南蒙賜銀貳拾伍兩

景則外紀後

卷六十

三

紵絲二表裏八月初五日陪祀

帝社稷壇順天府以考試官上詣

上批云着廖道南張袞去考次日謝

恩入內簾先一夕汪鋹同男汪雲程汪雲卿携金三

千兩來謁門已扃鑰報云汪家宰在門即呼鄰居

錦衣陸堂當直校尉張廷濟驅回鋹積忿諸之乎

敬初八日夜塲中出題慎密順天府尹胡鐸進遲

乎故即擬

旨云考試以進題為重廖道南等受命主考緣何不

行慎重以致遲慢待科塲畢日禮部從重叅看了

來說時張漢為府丞提調暗通乎敬姪張純鑒子汝孝汝儉每挾逼填名臣道南以死自誓同考官劉塾項廷吉等皆慮其危臣道南具奏人臣之事君如人君之事

天雨露生植天之仁也雷霆震耀亦天之仁也宴賞

慈惠

君之仁也號令嚴肅亦

君之仁也臣等奉有

勅旨恭究豈敢坐享鹿鳴欽奉御批云康道南召復未久准預宴於是諸要造內閣

景別錄後

卷六十

三六

必擬降調外任乎敬云已有

旨了止擬罰俸半年九月十二日輪臣道南進講

經進孟子經正則庶民興章內引陶安論邪說害道

上嘉納賜五經四書及文獻通考次日輪臣道南進

講大學衍義江充巫蠱章畧云夫充以鬼蜮之資

負梟雄之性始馬亡命詣闕告趙太子陰事而遂

其離構之謀既而揣知皇子弗陵已生據將失寵

而肆其傾危之計於是獄起巫蠱禍流宮闈鼓譟

飛謗圖快媒孽之私憤不知啟釁匿奸動搖宗社

之大本矣石德身為少傅職在輔翼平居不能直

言極諫以養太子于德義臨難又教之矯制稱兵以陷太子于顛沛視荀息之于奚齊蒙恬之于扶蘇殆有愧焉聞者愈不妄而傾擠不可解矣

十四年二月充

殿試讀卷官取進士孫陞等三十名

四月臣道南考滿到部仰荷

誥封父母及本身妻有曰翰林極儒臣之選而學士

清要貴重厥榮居多官亦不備惟其人焉爾茲道

南天人遂學經濟全才振美高科為國良史頃者

擢列宮僚晉居翰長乃能代天言于綸閣侍日講

景別錄後

卷六十

三七

于經帟

三典同修倫儀允賴二科主試文武兼收首建

廟規而持論之功大重書

皇史而管錄之勞多至若敷陳禮樂裨贊典謨撰述

藻章纂編文劄凡諸啓沃發自忠誠治體攸關朕

甚嘉悅適以考績來聞特進爾階奉直大夫錫之

誥命爾其益殫乃心弘乃業以副朕簡賢圖治至

懷爾惟欽哉五月初三日輪臣道南進講大學衍

義寺人柳章七月孟秋

上命臣同成國公朱鳳等捧

主裕烝于

奉先殿賜祭品十五年二月清明

上祇謁

天壽山陵命曰講官臣顧鼎臣臣謝丕臣張璧臣道

南臣蔡昂扈從適太常寺卿張鶚大不敬無人臣

禮

上御行宮敕問翰林科道等官有曰朕聞為國以禮

蓋彝典也子弟事父兄卑幼事尊長莫不有禮存

焉而况臣之事君乎夏言曾薦張鶚進士出身職

掌神人秩司禮樂乃敢乘輿與朕並行可賞可

景別外紀後

卷六十

三

陞爾等各以職言之時顧謝二公各辭避張蔡二

公屬道南起草遂奮然以為

朝廷之禮以敬為主

君臣之分以嚴為主禮不敢蓋君路馬春秋戒無將

凡以昭名分飭等威為天下後世坊也况張鶚本

鄉舉出身縣令考退夏言乃詭稱進士覲秩清卿

大臣專擅蒙蔽

宸旒小臣僭妄冒塵

輦轂擬以連坐之條馬用彼相跡其欺枉之罪豈當

淫朋時同吏科都給事中王禎等進訖

詔疇咨在廷群工之典與夫

勅問侍從言官之旨有以仰見

聖人之明之武也昔堯有衡室之問舜有總章之訪

後世稱曰堯兢兢日行其道舜業業日致其孝

皇上仁明孝武可謂追蹤堯舜矣孔子告魯君必以

知仁勇為先而司馬光告宋君亦以仁明武為要

夫仁非煦煦姑息之謂也必如堯舜之澤覆萬邦

而後謂之仁不然其失也縱知非屑屑務察之謂

也必如堯舜之明達萬幾而後謂之知不然其失

也苛勇非皞皞觀耀之謂也必如堯舜之廣運萬

景別外紀後

卷六十

三

化而後謂之武不然其失也戾故曰為治不法堯

舜皆苟而已臣愚珥彤史局納誨行宮謹撰賦上

上褒答曰覽奏具見忠意賦送史館採錄

十八年三月

上大狩承天臣謹奏曰

皇上肇崇隆古之乾圖大渙敷天之鼎命孝思淵積

于軒湖德化遠敷于舜岳禮群臣而奠璧翕然達

萃享之精率百僚以陳禧儼若通明馨之治輿歌

巷頌江漢朝宗郭溢郭填斗台拱極臣僻寓荒隅

敬輸葵悃恭撰

聖主南巡江漢賦及景雲徵烈四頌欽奉

聖旨覽奏具見忠愛這所進賦頌送史館行在禮部

知道

表紀

夫經以載道史以紀事道為世極事為世紀天下之大坊也左史紀言右史紀動言為世則動為世道天下之大樞也內史掌枋外史掌令枋為世灋令為世號天下之大機也大事用紀小事用記紀為世衡記為世標天下之大準也是故執其準可以經常握其機可以靖變幹其樞可以宣化正其

聖訓外紀

卷六十

聖

坊可以垂範古之帝主所以基駿烈裕鴻澤者未

嘗不以此為先務我

聖祖肇開史局時劉基司太史宋濂繼之其掌翰也

為變坡稿其居間也為芝田集

文皇銳精墳典時解縉撰

帝典楊士奇繼之其受春也為

聖諭錄其葺文也為東里集嗣後若楊守陳則有若

金坡錄李東陽則有若懷麓稿程敏政則有若璫

墩集王鏊則有若震澤編率皆因事命詞隨寓寄

興未嘗樹坊酌樞明機平準為

昭代不刊典也恭惟

皇上道際九玄

德高群聖

龍飛歷極額命儒臣纂

明倫大典以昭

父子之至恩

鳳紀成編申諭秘閣葺

祀儀成典以闡

郊廟之大禮既而重修

實訓實錄以貴

聖訓外紀

卷六十

聖

祖稱至文續修

大明會典以敷

聖神之至要是故揭其至要大樞運矣者其至文大

機明矣行其至禮大坊正矣感其至恩大準正矣

是四舉也臣道南昔直坊局咸効微勞嘗聞司馬

光之在朝也則有稽古錄以勸

儲皇其在野也則有涑水記以志相業其敷歷廻翔

也則有資治通鑑以為圖治者則為臣本庸流夙

塵

法從編摩史館者凡二十年供奉



講筵者又十六年謔言滋蔓于萋菲

宸眷曲采于芻蕘屏居已歷千秋獻納恒厪

乙覽其始也繹

文華大訓箴納牖於

青陽其繼也撰殿閣詞林記贊綸于茲掖猶慮桑榆

之迫暮景深慚鉛槧之負初心輒不自量裒為通

紀紀曰夫

皇運者何紀

皇祖之創業也丕顯哉耿光也紀

皇上之紹統也丕承哉大烈也國基者何紀

景別外紀後

卷六

十一

宗藩親親也紀往哲賢賢也親賢必太諸德有德斯

萬邦黎獻矣故次之以徵獻徵德必懋其功有功

斯敷奏爾庸矣故次之以懋庸太上立德修德斯

凝道矣故次之以崇道其次立言有德斯有言矣

故次之以昭文文也者言之華也必有直臣以定

公是而後國可華焉故次之以孚諫諫也者誠之

孚也必稽謀自天以祈永命故次之以稽謀謀之

弗臧則具是違苟匪其人其胡能國故次之以樹

節自古有死無信不立苟有利于宗社死之可也

故次之以經變君子以道處常則達而不淫以義

處變則窮而不濫故次之以考履履經事而知宜

則前有讒而不畏履變事而知權則後有賊而不

危既明且哲以保其身故次之以闡幽是故屈伸

相感天之道也窮達一致入之道也天道靜而復

動人道變而復通通其變使民不倦神而化之使

民宜之故次之以登績績也者君子之德風也孔

子序詩國風必終之以幽風昭王道反之正也而

其贊易以未濟終焉陰陽將交而反始也反始莫

辨乎易反正莫著乎詩故次之以穆風風天下必

有物有物必有則焉易有之天生神物聖人則之

景別外紀後

卷六

十一

禮有之聖人作則必以天地為本故次之以景則

終焉

楚紀卷之六十終



楚紀六十卷

浙江范懋柱家  
天一閣藏本

明廖道南撰道南字鳴吾蒲圻人正德辛巳進士  
官至翰林院侍講學士謫徽州府通判尋復舊職  
此書乃道南歸田以後爲世宗而作也世宗以興  
王繼統實受封於楚之安陸府道南大旨以爲太  
祖平陳理於武昌實開定鼎之基世宗復由安陸  
履帝位更啓中興之業故以楚地爲受命之符天  
心所屬博采古今鋪張潤色爲紀十有五曰皇運  
曰國基曰徵獻曰懋庸曰崇道曰昭文曰孚諫曰  
稽謀曰樹節曰經變曰考履曰闡幽曰登績曰穆  
風曰景則每紀分內外中外又分前後凡一人  
一事與楚稍有所涉者亦必牽引以入焉道南在  
當時頗負文名此書亦殫十餘年精力其末卷景  
則紀中有原胄敘宗感遇等篇詳述已之世系出  
處仿太史公自敘蓋隱然自以其書比於史記然  
其體例蕪雜援引附會殊不足觀也

今言四卷

〔明〕鄭曉撰

山東省圖書館藏明嘉靖四十五年項篤壽

刻本

附《四庫全書總目·今言四卷》

提要

今言序

文獻不足杞宋無徵方策尚存文武未墜  
蓋通今學古非兩事也洛陽少年通達國  
體嘗曰不習爲吏視已成事予有取焉述  
今言三百四十四條藏之故篋中頃甥子  
長進士錄而觀之曰周官師典常漢史述  
故事盡與古言並梓之予不能止也

嘉靖丙寅二月既望鄭曉識

本序

今言序終

今言卷之一

海鹽鄭曉

一

高皇戊辰生生二十五年入淮西從郭元帥三年起兵渡江明年定建康爲吳國公八年爲吳王四年爲皇帝是年滅胡享國三十有一年建文君洪武丁巳生生六年而其兄虞懷王卒又十年而其父懿

今言卷之一

文太子卒當是時高皇年六十有五矣

遂立爲太孫七年而嗣帝位四年而亡

成祖生九年而太祖建國大明又二年

封燕王十年之國北平十九年而靖難三

年即帝位享國二十有三年仁宗洪武

戊午生年十八封燕世子又四年有靖難

之師又三年文皇即位即位三年立爲

太子二十年而即位逾年崩宣宗生四

年而成祖入南京又九年而爲太孫

又十三年爲太子逾年即位享國十有

一年英宗宣德丁未生明年立爲太

子又七年即位十四年而北狩明年還京

師居南宮蓋七年而復辟先後享國二十

有三年景皇少英宗一歲八歲而封

郕王二十二歲而居守監國遂即帝位八

年二月崩寔天順元年也憲宗生年

今言卷之一

而有土木之變立爲太子又三年廢爲

沂王又五年復立爲太子八年而即位

享國二十有四年孝宗成化庚寅生於

西宮越六年而憲宗始知之遂立爲

太子十二年而即位享國十有九年武

宗弘治辛亥生明年立爲太子十三年

而即位享國十有七年今皇帝生於興

邸正德丁卯仲秋也入承大統時視帝堯

自唐虞起為天子少一歲

二

太祖戊申正月乙亥即皇帝位詔改是年為洪武元年三十一年閏五月乙酉崩於西宮 成祖建文四年六月己巳即位詔改明年為永樂元年革除建文年號仍稱洪武以故洪武有三十五年永樂二十二年七月庚寅崩于榆木川 仁宗是年

卷之二

三

八月丁巳即位詔改明年為洪熙元年元年五月崩於欽安殿 宣宗是年六月庚戌即位詔改明年為宣德元年十年正月崩於乾清宮 英宗是年正月癸未即位詔改明年為正統元年十四年八月征胡至土木埽狩 景皇時以皇弟封郕王留京師奉 孝恭章皇后命監國九月丙子即位詔改明年為景泰元年元年八月

英宗還居南宮景泰八年正月壬午 英

宗復辟詔改是年為天順元年二月景皇

崩於西宮天順八年正月 英宗崩於乾

清宮 憲宗是年正月甲戌即位詔改明

年為成化元年二十三年九月崩於乾清

宮 孝宗是年九月壬寅即位詔改明年

為弘治元年十八年五月崩於乾清宮

武宗是年五月壬寅即位詔改明年為正

卷之三

四

德元年十六年三月崩於豹房無後四月

癸卯 今皇帝入繼大統詔改明年為嘉

靖元年

三

太祖高皇帝 孝慈高皇后馬氏葬孝陵

成祖文皇帝 仁孝文皇后徐氏葬長

陵 仁宗昭皇帝 孝誠昭皇后張氏葬

獻陵 宣宗章皇帝 孝恭章皇后孫氏

葬景陵 英宗睿皇帝 孝莊睿皇后 錢氏葬裕陵 恭仁康定景皇帝 景皇后 汪氏葬西山 憲宗純皇帝 孝貞純皇后 王氏葬茂陵 孝宗敬皇帝 孝康敬皇后 張氏葬泰陵 武宗毅皇帝 孝靜毅皇后 夏氏葬康陵 英宗側室 孝肅皇后 周氏 憲宗生母也 漢文帝詔自稱朕本高皇帝側室之子云 憲宗側室 孝穆皇后 紀氏 孝宗生母也 孝惠皇后 邵氏 獻皇帝生母也 祔葬 二帝陵 先是 孝肅稱太皇太后 孝穆 孝惠皆稱皇太后 不祔 廟亦不入 奉先殿別立奉慈殿祀之 今皇帝以太皇太后皆生時尊稱改稱皇后而不書各帝謚以別之神位移陵殿中 睿宗獻皇帝 慈孝獻皇后 蔣氏葬顯陵 太祖長子

懿文皇太子 懿敬皇太子 妃常氏葬孝陵 左建文君即位追尊為興宗 孝康皇帝 孝康皇后 靖難後仍稱故謚號 懷獻太子 景皇長子 悼恭太子 茂陵長子 哀冲太子 莊敬太子 皆 今皇帝子 四 孝陵初謚 高皇帝廟號 太祖永樂元年六月加謚聖神文武欽明啓運俊德成功統天大孝高皇帝廟號如故後一百三十六年嘉靖十七年也加上尊謚曰 開天行道肇紀立極大聖至神仁文義武俊德成功高皇帝廟號如故長陵初謚 體天知道高明廣運聖武神功純仁至孝文皇帝廟號 太宗嘉靖十七年加上謚號曰 成祖啓天弘道高明肇運聖武神功純仁至孝文皇帝

五

洪武元年立 東宮二十五年四月卒是  
年九月立皇太孫永樂二年四月立東宮  
是爲 仁宗仁宗永樂甲辰八月即位十  
月立東宮是爲 宣宗宣德三年二月立  
東宮是爲 英宗英宗正統十四年址狩  
以 皇太后詔立東宮景泰三年五月廢  
爲沂王立其子見濟爲太子四年見濟卒  
英宗復辟之年三月復立沂王爲太子  
是爲 憲宗憲宗成化七年十一月立悼  
恭太子是年卒十一年十一月立東宮是  
爲 孝宗弘治五年三月立東宮是爲  
武宗 今上十三年八月立哀冲太子是  
年十一月卒十八年二月立莊敬太子二  
十八年四月卒

六

孝陵仁孝通於天地不肯冒附名族直以  
所知 德祖爲始祖德祖生 懿祖懿祖  
生 熙祖熙祖生 仁祖仁祖生四子南  
昌王盱眙王臨淮王 太祖其第四子也  
南昌二子長文正文正生靖江王守謙次  
山陽王盱眙生招信王 仁祖有一弟壽  
春王壽春四子霍丘王下蔡王安豐王蒙  
城王霍丘一子寶應王安豐四子六安王  
來安王都梁王英山王諸王俱無後惟靖  
江王分國桂林府禮數如親王

七

高皇二十六子懿文太子秦愍王晉恭王  
成祖周定王楚昭王齊庶人潭王趙王  
魯荒王蜀獻王湘獻王代簡王肅莊王遼  
簡王慶靖王寧獻王岷莊王谷庶人韓憲  
王藩簡王安惠王唐定王郢靖王伊厲王



皇子楠 成祖四子 仁宗漢庶人趙簡  
 王四皇子 仁宗十子 宣宗鄭靖王漸  
 獻王越靖王襄憲王荆憲王淮靖王滕懷  
 王榮莊王 衛恭王 宣宗二子 英宗  
 景皇 英宗十子 憲宗榮王三皇子  
 許悼王德莊王秀懷王崇簡王忻穆王吉  
 簡王徽莊王 景皇一子懷獻太子 憲  
 宗十三子悼恭太子 孝宗 獻皇岐惠  
 王益 王簡恭王雍靖王壽 王八皇子  
 次 王溥簡王榮莊王中懿王 孝宗二  
 子 武宗蔚悼王 獻皇二子岳懷王  
 今皇帝今皇帝 子哀冲太子莊敬太子  
 裕王景王穎劻王薊哀王戚懷王均思王  
 八  
 熙祖祖陵在泗州基運山奉祀朱氏宗人  
 德祖 懿祖就祖陵而望祭焉

仁祖英陵改皇陵在中都朔聖山奉祀二  
 人劉氏汪氏祀丞二人汪氏趙氏劉即義  
 惠侯孫二汪皆汪氏老母孫 太祖孝陵  
 在南京神烈山 成祖至 武宗諸陵在  
 昌平天壽山 睿宗顯陵在承天純德山  
 都督蔣華奉祀華慈孝肅后家也天壽山  
 即黃土山 成祖所賜名四山嘉靖中賜  
 名  
 九  
 太祖實錄三修建文君即位初修王景充  
 總裁靖難後再修總裁解縉縉得罪後三  
 修總裁楊士奇初修再修時士奇亦秉筆  
 十  
 洪武六年定府爲三等賦二十萬石上爲  
 上府知府從三品二十萬下中府正四品  
 十萬下下府從四品已乃並爲正四品吳

元年定縣三等賦一萬石以下為上縣知縣從六品六萬以下中正七品三萬以下下從七品已乃並正七品京縣正六品

十一

建文五年子虞懷王建文君吳王衡王徐王景輝改封吳衡徐王為廣澤懷恩敷惠王敷惠又改封甌寧王建文君二子太子文奎少子文圭

十二

太祖取南都自太平順流而下成祖入南都自儀真逆流而上隋氏平陳兵分兩道上游廬州總管下流楊州總管成祖南來以淮安鳳陽各有重兵間道自泗州渡淮經大長至江上

十三

洪武元年封建詔第五子封吳王後人見

五子之為周王也改吳為周而不知周王初封杭州為吳王也孝陵以浙江財賦地改吳王封開封為周王已而建文君封其第二弟允熲為吳王非祖法矣周是修為衡府紀善人以為孝陵諸子無衡王改為衡王而不知建文君第三弟允熲之封衡王也衡王乃獻陵第十子周死靖難時衡王尚未封茂陵第五子亦封衡王

王

十四

洪武十一年禁六部奏事不得關白中書省又明年殺右丞相胡惟庸遂罷中書省

十五

小說言懿文太子薨孝陵意不欲立孫運回久之高皇后不說因遘疾崩於是孫始得立此妄說也洪武壬申四月丙

子懿文太子薨是年九月庚寅詔立孫允  
熉爲皇太孫太子卒後未半年當是時  
高皇后崩已十一年矣

十六

紀元有號起於漢武帝至今千數百年正  
統分裂僭逆不知凡幾紀元一帝一紀元  
實自洪武始然亦有同于前者張重華王  
則皆永樂元出帝天順夏崇宗正德唐高

今言卷之二

十三

祖太宗止武德貞觀一紀元

十七

恭仁康定景皇帝初封爲郕王正統十四  
年七月茂陵圯征王居守坐闕左門西面  
見群臣八月茂陵圯狩 皇太后詔立其  
長子爲皇太子郕王監國坐午門攝朝廷  
臣竊劾王振監國倉卒未有處分廷臣大  
失銳末指馬順振黨也叱且退臺諫王

竇等憤粹順播死且索毛王二長隨二長  
隨亦黨振廷中大譁監國起且退兵部侍  
郎于謙趨上掖監國止頃首曰請殿下坐  
監國復坐問曰爾意云何謙進前密對數  
語頓首下監國遂曰百官前振罪當赤族  
于請 太后行誅未晚順罪亦應誅今擊  
死勿論又令左右縛二長隨至立命將軍  
瓜擊二長隨死命都御史陳鑑籍振家玉  
盤徑尺者十四珊瑚樹高六七尺者十數  
金銀十餘庫馬數萬匹誅振姪錦衣指揮  
山夷其族移監國入坐奉天門左以謙爲  
兵部尚書翰林侍讀彭時商輅入內閣九  
月丙子監國以太后命即 皇帝位詔改  
明年爲景泰元年大赦天下遷尊茂陵爲  
太上皇帝尊皇后錢氏爲太上皇后虜  
遣使致書書詞悻慢答書言中國已立

今言卷之二

十四

皇帝天下兵力強盛行當決戰以羅通孫  
祥為副都御史守居庸紫荊關勅翰林侍  
講徐瑄等十五人分鎮要害糾合義旅防  
護京師是秋虜脫脫不花寇遼東不樂出  
寇陝西都指揮岳謙至虜營虜知中國立  
皇帝十月也先殺馬大宴復尊上皇為  
天子行賀禮曰將奉天子還京也喜寧導  
也先詔上皇還京遂入紫荊關孫祥走  
死京師戒嚴于謙上禦虜方畧出石亨楊  
洪於獄中以為總兵官以王通為都督及  
鴻臚卿楊善守京城孫鏗衛穎范廣張義  
張軌雷通分兵守戰監以侍郎江淵給事  
中王竑葉盛程信亨洪安遠侯柳溥統兵  
出戰盡移郭外人入城令虜所過堅壁清  
野固守勿與戰急散官軍通州糧百萬入  
城盡焚都城外積芻十一日也先擁衆

至城下謙及亨統兵出禦虜虜見我師堅  
不可撼喜寧嗾也先邀謙及王直胡濙五  
六大臣出議和索金帛萬萬計衆皆知虜  
詐不出以通政司叅議王復諡忠愍郎中書  
舍人趙榮為鴻臚卿出見上皇即辭歸  
虜逼京城謙亨出德勝門閉門對壘約戰  
以上皇在虜中未敢輒動已謀知虜移  
上皇西我發大炮擊虜虜死炮下者數  
千人斬其酋鐵頸元師亨及其姪彪又戰  
彰義門清風店皆捷也先稍却謙請大出  
聖旨榜文潛遺虜營中諭回達奚漢有  
能擒斬也先來獻者賞萬金封國公疑虜  
十六日也先出居庸伯顏帖木兒奉上  
皇出紫荊洪鏗廣等又擊虜於涿州紫荊  
固安虜敗去自是不敢深入論功加謙少  
保總督軍務尚書如故亨封武清伯兼太

子太師提督京營洪復封昌平伯彪遊擊將軍以都督郭登都御史任寧守大同尚書石璞侍郎劉璉都督朱謙守宣府都御史羅通都督范廣守山西朱鑑守雁門都御史王鏊守遼東王文陳鑑劉廣衡吏出守陝西王通守天壽山鄒來學爲僉都御史提督京東軍務左都御史沈固出大同叅謀軍事平江侯陳豫鎮守臨清

十八

永樂初內閣儒臣考滿陞任不必在內閣如胡若思出爲祭酒以故永樂五年十一月長陵諭蹇太宰曰胡廣等侍朕日久繼今考滿勿改外任

十九

長陵三子長獻陵次漢庶人次趙王庶人名高煦有膂力善騎射靖難時屢有戰

功江上之急庶人戰尤力淇國公輩皆附庶人庶人欲奪適者數矣以故東宮諸臣多得罪死解學士亦以是死詔獄先是永樂二年封庶人雲南不肯去改青州又不肯去留京師遂有逆謀十四年事露削護衛改封樂安即日遣之國宣德元年八月壬戌朔反丁卯令其百戶陳剛進疏指斥朝廷上遂親征急遣平江伯陳恭襄公守淮安勿令賊走南京辛未駕發京師樂安知州朱恒勸庶人直趨南京賊黨皆言恒應天人不可聽庚辰先鋒武陽侯至樂安辛巳駕至樂安壬午庶人潛出見上八月乙酉班師庶人至京鎖繫逍遙城一日上過視庶人庶人犯上覆之銅

二十

乙未正月 孝陵至和陽郭元帥暴卒四月開平王始來謁 孝陵遂不受小明王韓林兒僞命渡江克太平稱大元帥七月攻集慶八月又攻集慶九月又攻集慶皆不克明年二月破元兵於采石三月始克集慶集慶今南京也

二十一

成祖起自北藩征誅而得天下壬午年即位後一百二十年 今皇帝起自南藩揖讓而有天下壬午年改元

二十二

靖難兵未起時中朝已有備江陰侯吳高兵十萬屯遼東都督朱忠兵十萬屯懷來都督徐凱兵十萬屯河間而張昂謝貴在北平城中長興侯耿炳文又統兵三十萬至真定何以兵起竟敗塗地瓦解謂非天

命歟

二十三

康陵前皆一帝一后洪武十五年永樂五年中宮崩皆不復立繼后 今皇帝元后孝潔皇后陳氏繼廢后張氏皆葬西山又繼 孝烈皇后方氏葬永陵

二十四

成祖靖難用兵出入四年所破郡縣皆不設官守諸郡縣亦不肯歸附旋破旋守惟得北平保定二府

二十五

南京承天門建文二年秋災復建改名臯門因改午門爲端門端門爲應門大明門爲路門又改謹身殿爲正心殿先是又於乾清坤寧二宮間建省躬殿

二十六

國朝小說書數十種中亦有浪傳不足信者惟野錄中一事極可惡 獻陵洪武十一年生千鳳陽 長陵入金川門時 獻陵守北平年已二十五景陵建文元年二月生於北平 獻陵得子最早年二十九歲已有六人凡十子 成祖愛景陵時時稱太孫英武類我 景陵擒漢庶人詔有誣妄先帝爰及朕躬語好事者為野錄遂妄言耳

今言卷之二

主

二十七

洪武十五年都督僉事李新以營 孝陵功封崇山侯王通以父真靖難元功又自立功封武義伯永樂七年作天壽山十三年進封成山侯 獻陵以通父南享 太廟通後以交趾失律為民天順元年詔恩通子琮得嗣成山伯

二十八

洪武八年初定親王歲祿五萬石錦綺鹽茶又萬計靖江亦歲二萬石二十年停錦綺茶鹽諸物二十八年始定歲萬石先是孝陵諭戶書郁新曰朕今子孫衆盛歲祿五萬石天下官吏軍士多俸給彌廣其斟酌古今稍節減諸王歲給以資乏用故也是年遣使召諸王至京諭減祿之故各賜 皇明祖訓祖訓即祖訓錄也

二十九

嘉靖庚戌冬 孝烈皇后祔廟祧 仁皇帝后時廟一堂九室 太祖左四室 成祖 英宗 孝宗 武宗 右四室 宣宗 憲宗 睿宗 孝烈皇后

三十

洪武開科詔五經皆主古註疏及易兼程



朱書蔡詩朱春秋左公羊穀梁程胡張禮  
記陳乃後盡棄註疏不知始何時或曰始  
于頒五經大全時以爲諸家說優者采入  
故耳然古註疏終不可廢也

三十一

寧庶人者康王庶子其母馮針兒故娼也  
弘治八年封上高王十二年嗣王正德十  
四年六月丙子反攻陷九江南康七月壬

今言卷之二

三十一

辰攻安慶知府張文錦守將崔文楊銳拒  
守甚力庶人窘議偕大號改年順德其僞  
太師國師李士實劉養正言須至南京即  
位改元庶人不悅又攻安慶不克將還南  
昌丙午聞王陽明入南昌解安慶圍去乙  
卯遇陽明兵於黃家渡戰敗丙辰又敗丁  
巳陽明督戰益急庶人妃婁氏投水死擒  
庶人婁妃知庶人逆謀時時泣諫不聽庶

人敗嘆曰紂用婦言亡而我不用婦言亡

三十二

七王府齊王搏也 孝陵第七子洪武三  
年封青州建文中謀反執之京師降庶人  
與周定王皆繫禁靖難兵至得釋復國人  
告王有反謀 上與書戒諭永樂四年來  
朝謝廷臣劾王留京師出怨言召其三子  
郡王至京父子皆降庶人已而安置廬州

今言卷之二

三十二

宣德三年福建人樓璉妄稱七府小齊王  
謀不軌逮至京誅數百人景泰五年移庶  
人少子賢熾居南京勅守備叅贊防閑勿  
令與諸人親王往來交通今南京有齊庶  
人者皆熾後

三十三

孝陵第十八子谷庶人母郭惠妃滁陽王  
女也封宣德府即今宣府古上谷靖難兵

起庶人走還京後開金川門迎靖難兵改封長沙忠誠伯以不謁王下詔獄死庶人益驕有反謀永樂十四年十月召至京明年降爲庶人少子賦歟與賢懌同自廬州徙南京卒無後

三十四

詔恩各從其類上 慈闈徽號則有封贈父母恩立 東宮則有廕子入監恩災異

金言卷之二

三十五

陳

脩省則有蠲逋減刑恩 登極則大赦矣立 中宮及 東宮出閣皆無恩例若建大工平大賊誅大奸亦有詔皆以類行惟蠲逋減刑每詔有之 九廟災時議下詔寬卹至有欲褒親廕子者繆矣

三十五

山西安邑金寅少警學易卜筮以京房斷占輒奇中正統中隨父清大同 裕陵北

狩令大同守闕裴當問金筮得乾之復寅密附奏曰大吉夫四初應也初潛四躍明年歲在午其干庚午躍候也庚更新也龍歲一躍秋潛秋躍浹歲也明年秋駕當復矣繇勿用應或之或之者疑之也還而復也幽然象龍也數九也四近五躍近飛龍在丑丑曰赤奮若復在午午色赤也午奮于丑若順也天順之也其干丁象大明也位干南火方也寅其生也午其王也壬其合也其後辟也其當九年之後歲丁丑月寅日午合於壬乎 裕陵心識之寅至京也先犯京城將官召寅筮曰虜無能爲彼驕我驍戰必勝虜果敗庚午也先行成朝議未堅決寅勸石亨協謀于少保迎駕駕至以 太上皇居南城已而錦衣使盧忠上變告密筮寅所寅佯不知者驚曰是何

金言卷之二

三十六

陳

占也而凶若是不滅族且殺身禍已種矣  
崇何忠大懼狴狂事得不竟忠卒坐誅丁  
丑正月壬午駕出南城登極召欲官寅辭  
乃範金陰陽神靈四字爲筮錢十有八貯  
之牙盒賜之會清以指揮出莅徐州上  
留寅京師授錦衣百戶寅又辭不允時石  
大貴幸寅每筮戒以持滿石不悟及禍公  
卿大夫喜接寅寅語不及私大抵抑邪與

金言卷之二

三十七

正極人顛阨年九十卒

三十六

永樂元年二月以圻平爲圻京設行部行  
府改圻平府爲順天府從禮部尚書李至  
剛之請也

三十七

丁未以信國公達爲征虜大將軍鄂國公  
遇春爲副將軍帥師圻定中原二年秋遇

春卒三年春以達爲征虜大將軍文忠勝  
左右副將軍愈和左右副副將軍圻伐太  
年五將軍統兵備山西北平諸塞當時蓋  
有副將軍又有副副將軍後遣征南諸將  
以叅將代副副將軍

三十八

永樂五年平交趾露布臣總兵官新城侯  
張輔等謹以所獲交賊僞大虞國上皇黎

金言卷之二

三十八

季犛僞大虞國主黎蒼賊男僞推誠守正  
朔贊弘化功臣雲屯鎮兼歸化等鎮嘉興  
等鎮諸軍事節度大使洮江管内觀察處  
置等使持節雲屯歸化嘉興等鎮諸軍事  
領東路天長府路大都督府特進開府儀  
同三司入內檢校左相國平章軍國事賜  
金魚袋上國柱衛國大王黎澄僞大原鎮  
兼天開鎮驃騎上將軍梁國王黎澈僞新

安鎮驃騎大將軍新興郡王黎汪賊孫僞  
太子黎芮僞郡嗣王黎瀟僞郡亞王黎范  
幼孫五郎賊弟僞臨安鎮兼太安海鎮驃  
騎將軍特進開府儀同三司入內相國平  
章事賜金魚袋上柱國唐林郡王黎季貌  
賊姪僞望江鎮輔國大將軍入內判中都  
督河陽郡亞公黎原咎僞領龍興路統府  
平陸縣上侯黎子緯賊姪孫僞御輦一局

金言卷之三

三

正掌鄉侯黎叔僞清亭侯黎伯駿僞石塘  
鄉侯黎廷煒僞永祿亭侯黎廷熿賊將僞  
入內僉聞朝政兼內侍省都知知左班事  
諒山鎮權僉行軍行諒江路同知總管府  
事賜金魚袋柱國東山鄉侯胡杜僞入內  
行遣同知尚書左司事樞密院副使阮彥  
光僞正奉大夫入內行遣門下左諫議大  
夫同中書公事兼三江路太守新安鎮封

置使國子學祭酒賜金魚袋護軍黎景琦  
僞寧衛將軍知威衛管左登朔軍賜金團  
符縣伯段輦僞神勁營亭伯陳湯夢僞鈞  
鈐衛中郎將領龍捷軍兼領壯勇營范六  
材謹差都督僉事柳升橫海將軍魯麟神  
機將軍張勝都指揮僉事俞讓指揮同知  
梁昂指揮僉事中志檻送京師并其僞造  
金印圖書一十六顆獻之闕下

金言卷之三

三

### 三十九

宣德二年行在吏部言自永樂十九年迄  
今遣回庶官四千三百十九人居鄉往往  
不循分守構詞健訟持官府短長請悉召  
至京考驗才能可用者以次敘銓否罷爲  
民

### 四十

永樂中獻陵監國南京長陵時時北征有

所宣制天子用廣運之寶曰勅皇太子用皇太子寶曰諭選武官選簿御前亦用廣運寶東宮用功懋之記

四十一

洪武辛亥有進士永樂癸未無進士天順癸未亦然永樂初即位天順南省人皆以明年甲申會試永樂己丑長陵址征又明年殿試故有辛卯進士正德庚辰康陵南巡明年新天子自興邸入即位故有辛巳進士又明年癸未遂有進士我朝百六十年癸未惟一舉

四十二

李文達公天順目錄云八月十五日之變天下聞之驚懼不寧賴今上皇帝以太弟即位尊兄爲太上皇人心始安又云景泰不孝於親不敬其兄不睦其室朝廷

之上怨恨憂鬱灾徧天下前後何不類如此

四十三

朱字傳帖者奉天門朝罷駕興司禮巨璫持下丹陛呼該衙門官與之次日早朝該衙門官具奏本御前奏云傳奉事理補奏本鴻臚寺官接遞司禮小璫進覽墨字傳帖則出自順門付該衙門奏行不復面繳若事未穩便須執奏者固不問朱墨也

四十四

我朝之有內閣輔臣自解大紳始也輔臣之繫詔獄也亦自解始也其有謹身殿大學士也亦自東楊始也輔臣之歷官至一品也亦自西楊始也官至一品入內閣也亦自王愷始也一人領四官也亦自王始也其

論死西市也亦自王始也輔臣如東西楊皆領三官陳芳州高文義領五官矣然皆領戶工尚書其領吏部尚書亦自王始也西楊兵部東楊工部終其身也自王以後多吏部矣輔臣之有少師自西楊始也西楊卒而少師虛位者四十餘年萬安亦登少師博野繼之自後洛陽長沙新都順德丹徒鉛山永嘉貴溪分宜皆少師矣吏部

全書卷之

手

尚書之領太子太保也自詹徽始也詹坐藍黨死其登少師也自蹇忠定始也文端端肅恭襄皆少師也漕運之有都御史也自王莊毅始也兩廣之有總督文臣也自忠肅始也鄖陽之有撫治也自原傑始也江南之有巡撫也自周文襄始也汀漳撫臣之得提督軍務也自王陽明始也叅政之贊理軍務也自葉文莊始也治河之有

大臣自宋司空始也陝西之有鎮守憲臣也自王毅愍陳僖敏始也二公在內臺歲更出鎮也巡撫之必兼憲職也自耿清惠始也

四十五

洪武中中山王初封東甌王進封皆信國公忠勤伯二人洪武汪廣洋洪熙李賢新建伯二人宣德李玉嘉靖王陽明外戚安

全書卷之

手

平伯三人景泰毋家吳安孝烈皇后父方銳永樂功臣李遠封安平侯子安嗣安平伯

四十六

南京中府守備廳題名記一李克嗣一喬宇二公名通今之士李記云太宗遷都皇孫監國而不知成祖時監國乃太子非太孫也是時仁宗爲太子監

國南京 宣宗為太孫從行撫軍監國址

京 宣宗初即位 宣宗為太子洪熙元

年四月以南京地震震令 太子祭告皇

陵孝陵為名實有監國南京之命喬記云

永樂乙巳詔以勲舊重臣鎮守而不知永

樂二十二年甲辰八月 帝崩明年乙巳

乃洪熙元年也近日尚寶司題名碑張文

隱公文甚佳下書少卿首姪繼次表忠徹

金書卷之十一

孝宗

是矣繼下書文敏公夔之子浙江建德縣

人不知繼乃恭靖公廣孝之嗣子長洲市

中人也文敏公正統七年進士父以正統

舉進士而其子乃永樂中恩蔭為少卿此

不足辨直可發一笑耳文敏三子璧瑩璽

#### 四十七

南雍志祭酒黃佐所修載弘治元年諫官

張九功奏言孔庭從祀荀况馬融王弼楊

維皆在所當出今之儒臣禮部侍郎兼翰

林學士薛瑄在所當入 上命禮部會議

於是尚書周文安公等僉言楊雄已黜於

洪武時而薛瑄嘗與元儒劉因竝欲從祀

以大學士楊士奇謂其無所著述而止文

貞卒於正統九年文清天順元年正月入

內閣六月致仕天順八年卒何謬至此

#### 四十八

金書卷之十一

孝宗

國初謚美惡兼用洪武二十二年魯王卒

上諭禮部尚書李原名曰父子天性謚

法公義朕不得以私恩廢公義可謚曰荒

永樂六年伊王謚厲洪熙元年 上命禮

部尚書呂震諭翰林定故兵書兼詹事金

忠等十八人謚內有通政使賀銀謚不美

上曰此數人皆在先朝盡心國事有德

行重厚表裏一致者有涉歷艱難始終一



心者必加旌褒庶幾禮賢厚終之道但朕意未嘗及銀銀勞可贈官行不應美謚若加銀惡謚又不若無謚人不得議焉古人制謚正爲定論美惡示至公也銀竟不謚

四十九

于肅愍公神道碑倪文毅公作倪公第阜于公孫婿也碑文以虜入寇京城爲景泰元年以上皇還京爲辛未年辛未景泰

金言卷之一

三

二年也虜至德勝門定正統十四年十月事上皇入南宮寔景泰元年八月事此名臣大功業儒臣大制作尚爾舛誤金石之刺豈足盡信

五十

國初立大都督府皇姪文正爲大都督節制中外諸軍事以其權大重尋設左右都督同知都督僉事洪武十三年又以其權

統於一衙門設中左右前後五軍都督府分領在京各衛所在外都司衛所其在京錦衣等親軍上直衛又不隸五府若有征討之役以公侯伯及三等真署都督充總兵官名曰掛印將軍其在外鎮守地方武臣原無掛印至洪熙元年二月始頒各鎮總兵叅將佩印總兵六人雲南黔國公沐晟征南將軍大同武安侯鄭亨征西前將軍廣西鎮遠侯顧興祖征蠻將軍遼東武進伯朱榮征虜前將軍宣府都督譚廣鎮朔將軍甘肅都督費瓚平羗將軍叅將四人交趾榮昌伯陳智都督方政征夷副將軍寧夏保定伯梁銘都督陳懷征西將軍後設薊州淮安總兵皆在畿內不得掛印稱將軍京營操練之法洪武時止爲五軍營分大小教場與城外城內操練永樂初

金言卷之一

三

分爲三大營曰五軍營有步隊馬隊專教陣法曰神機營皆步隊肄習火器曰三千營皆馬隊專扈從出入管車輦寶纛等事每營以公侯伯二人充提督某營總兵官景泰三年于肅愍公建議立團營揀三大營中壯健士卒團練就於三營六提督中揀二人充提督團營總兵官即於五府中蒞事文臣提督以兵部尚書是年團營總兵武清侯石亨遂請故都察院改爲帥府天順元年罷團營成化元年復立團營尋罷成化三年又復團營團營之兵名爲頭撥初團營分爲十營後增爲十二營一營以侯伯都督等官一人爲坐營官有事出征不必揀選但撥某營出征則某營將領其營士卒啓行承平日久團營非復操練之舊又立東西官廳名爲聽征蓋三營變

爲團營團營變爲東西廳也 祖宗微意不欲武臣權重在內營操官止管操練者無開設衙門亦無印信在內五府有衙門印信理常行政務至於營操非特命不得干預蓋五府三營十二營職掌不相侵也至於出征亦不止大將一人必選二三人名位謀勇相等者相參用之出師之日賜平賊討賊平虜平胡征夷征虜等印或將軍或副將軍或大將軍隨時酌與必由兵部題請五府亦不得干預事平之日將歸於府軍歸於營印歸於朝其意深矣今考洪武三年征胡以信國公徐達爲征虜大將軍平章李文忠右詹事馮勝爲左右副將軍御史大夫鄧愈湯和爲左右副將軍是時達未封魏國公文忠曹國公勝朱國公愈衛國公和中山侯皆未封也四年

伐蜀以中山侯湯和爲征西將軍江夏侯  
周德興德慶侯廖永忠爲左右副將軍入  
瞿塘潁川侯傅友德爲征虜前將軍濟寧  
侯顧時爲左副將軍出秦隴永樂四年征  
安南以成國公朱能爲征夷將軍西平侯  
沐晟新城侯張輔爲左右副將軍是時晟  
未封黔國公輔未封英國公永樂十二年  
征胡安遠侯柳升領太營都督馬旺陳翼  
程寬金玉副之寧陽侯陳懋左哨襄成伯  
李隆都督朱崇副之豐城侯李彬右哨遂  
安伯陳瑛都督費獻胡原副之成山侯王  
通左掖保定侯梁瑛都督曹得副之都督  
譚清左掖新寧伯譚忠都督馬震副之是  
時上親征故不立將軍將副之號宣德五  
年禦胡以陽武侯薛祿爲鎮朔大將軍總  
兵官恭順侯吳克忠爲副總兵武進伯朱

冕奉化伯滕定爲左右叅將此意又非但  
欲分其權蓋亦難其人以一將將十萬其  
材豈易得哉嘉靖庚戌虜窺京師朝廷  
厘革營務罷團營仍爲五軍營內分十二  
小營改三千營爲神樞營神機營仍舊  
三營共設總督京營戎政公侯伯一人協  
理文臣一人五軍營副將二人練勇叅將  
二人叅將四人遊擊將軍四人神樞神機  
營各副將一人練勇叅將二人佐擊將軍  
六人以昌國公故宅爲戎政廳給戎政之  
印柳葉篆文虎鈕如將軍所掛印通計京  
操凡大營三內分爲小營三十副將以下  
三十人人坐一營副將用真署都督叅遊  
佐擊用真署都指揮或都督大抵統軍不  
專於一人練軍不專於一人行軍不專於  
一人皆有意焉

五十一

洪武三年冬儒士魏俊民黃麓劉儼丁鳳  
鄭思先鄭權上 大明志命秘書監梓行  
授俊民等官先是 上令俊民等類編天  
下州郡地理形勢降附始末爲書凡行省  
十二府一百二十州一百八縣八百八十  
七安撫司三長官司一東至海南至瓊崖  
西至臨洮北至北平六年令州府繪上山

人言卷之一

聖三一

川險易圖十六年詔天下都司上衛所城  
池地理山川關津亭堠水陸道路倉庫十  
七年令朝覲官上土地人民圖十八年夏  
上覽輿地圖侍臣有言輿地之廣古所  
未有者 上曰地廣則教化難周人衆則  
撫摩難徧此正當戒慎天命人心惟德是  
視紂以天下而亡湯以七十里而興所係  
在德豈在地之大小

五十二

永樂至正統間諸老臣在政地旣久且專  
忠定秉銓忠靖握利權皆二十七年忠宣  
尚書兩京三十九年而在交南者十有九  
年忠安爲禮部尚書三十二年文襄巡撫  
江南二十二年以故用人理財禮樂征伐  
諸大政文經武緯各盡其長章程故在後  
鮮能及

人言卷之一

聖四一

五十三

洪武三十五年 文皇即位開內閣召七  
臣入預機務名直文淵閣蓋自壬午至嘉  
靖百六十年間凡六十八人直隸十人南  
直隸八人浙江八人江西十六人河南七  
人山東四人福建二人湖廣四人四川四  
人山西一人廣東三人廣西一人

五十四

異姓追封王者楊王徐王滁陽王皆外戚  
天造之初滁陽又有先路之功諸功臣家  
徐氏中山王常氏開平王李氏岐陽王鄧  
氏寧河王湯氏東甌王沐氏黔寧王定遠  
王張氏河間王定興王寧陽王公朱氏東  
平王平陰王 朱氏宣平王岐陽父隴西  
王凡十四人以子孫王推恩追封者不與  
焉又有降虜也先土干賜姓名金忠封忠

勇王

金言卷之二

聖五

五十五

正統己巳孟冬虜犯京城石亨欲盡閉九  
門以待勤王之兵于肅愍公力爭請同亨  
率兵出營德勝門外與虜對壘已而虜被  
我砲擊死者近萬人大沮退石亨奮欲攝  
擊肅愍公又力爭縱虜令去去出戰所以  
護京師縱虜所以安 上皇也

五十六

吳元年太史院使劉文成公率其屬高翼  
等上戊申大統曆洪武元年改院爲司天  
監又置回回司天監是年十一月徵元太  
史院使張佑張沂司農卿兼太史院使成  
隸太史同知郭讓朱茂司天少監王可大  
石澤李義太監趙恂太史院監候劉孝忠  
靈臺郎張容回回司天監黑的兒阿都刺

金言卷之二

聖六

司天監丞迭里月實十四人二年又徵元  
回回曆官鄭阿里等十一人至京議曆法  
占天象三年定爲欽天監掌察天文定曆  
數

五十七

洪武二十七年寰宇通衢書成書分爲八  
目東距遼東都司又自遼東東北至三萬  
衛西極四川松藩衛又西南距雲南金齒

南踰廣東崖州又東南至福建漳州府址  
暨北平大寧衛又西北至陝西甘肅為驛  
九百四十浙江福建江西廣東之道各一  
河南陝西山東山西北平湖廣廣西雲南  
之道各二四川之道三為驛七百六十六  
凡天下道里縱一萬九百里橫一萬一千  
七百五十里四夷之驛不與焉

五十八

今言卷之一

聖元

外夷封王如朝鮮安南占城海島諸國來  
朝貢者各以其國名封惟琉球封中山山  
南山北三王今存中山王北虜封王者四  
人韃靼阿魯台和寧王瓦剌馬哈木順寧  
王太平賢義王把禿字羅安樂王西域二  
人哈密忠順王阿端安定王西番七人正  
覺大乘法王如來大寶法王闡化王闡教  
王輔教王贊善王贊化王

五十九

內官之制定於洪武二十八年凡監十一  
曰神宮曰尚寶曰陵神宮曰尚膳曰尚衣  
曰司設曰內官曰司禮曰御馬曰印綬曰  
直殿凡門四曰奉天門曰午門曰端門曰  
承天門凡司二曰鐘鼓曰惜薪凡局六曰  
兵仗曰內織染曰針工曰巾帽曰司苑曰  
酒醋麵凡庫三曰內承運曰司鑰曰內府  
供應其正官監有太監門有門正皆正四  
品司有司正局庫有大使皆正五品洪武  
三十年增都知監銀作局 東宮六局曰  
典璽曰典藥曰典膳曰典服曰典兵曰典  
乘各正官局郎正五品王府承奉司典寶  
典膳典服三所各有正官正六品又有內  
使門正公主府中使司司正司副皆雜職

六十

洪武五年 上今定女職禮部具陳周制  
後宮設內官以贊內治漢設內官一十四  
等凡數百人唐設六局二十四司官凡一  
百九十人女使五十餘人皆選良家女充  
上曰古者所設過多宜防女寵垂法將  
來命重加裁定遂立六局一司局曰尚宮  
尚儀尚服尚食尚寢尚功司曰宮正俱正  
六品尚宮總司紀司言司簿司闈尚儀總  
司籍司樂司賓司贊尚服總司寶司衣司  
仗司飾尚食總司饌司醢司藥司供尚寢  
總司設司輿司苑司燈尚功總司製司珎  
司綵司計凡二十四司宮正掌戒今責罰  
之事二十二年今六尚局官服勞既多或  
五載六載歸其父母從宜婚嫁年高者許  
歸以終天命願留者聽其在宮闈及見受  
職者家給與祿視外品

六十一

建文時改官制陞六部尚書正一品設左  
右侍中各一人位侍郎上諸司去清吏字  
改戶部爲民度支金帛倉庾四司刑部爲  
詳憲比議職門都官四司罷左右都御史  
設都御史一人副僉都御史各一人又改  
都察院爲御史府設御史大夫正二品革  
十二道置察院一定御史二十八人改諸  
御史爲拾遺補缺改通政司爲寺通政使  
爲通政卿通政少卿參議寺永增置左右  
補缺左右拾遺各一人復大理寺改爲司  
又改卿爲大理卿左右寺正都評事寺副  
副都評事司務都典簿太常寺改卿爲太  
常卿少卿寺丞分左右天壇祠祭署爲南  
郊祠祭署泗州祠祭署爲泗濱祠祭署宿  
州祠祭署爲新豐祠祭署孝陵置鍾山祠



祭署及司園所增神藥觀知觀一人光祿寺改卿爲光祿卿少卿寺丞如太常而陞少卿從四品省署丞二人增監事二人太僕寺改卿爲太僕卿增典廐典牧二署設驕駃十五群遂生三群分隸二署詹事府增少卿寺丞各一人賓客二人又置資德院設資德一人資善二人其屬贊禮贊書著作郎各二人掌籍典簿各一人國子監

今三卷之二

卷二

監丞爲堂上官增司業二人省博士學正學錄增助教十七人鴻臚寺改卿爲鴻臚卿少卿寺丞如光祿而并行人司於鴻臚寺翰林院增學士承旨一人學士一人設文學博士二人省侍講侍讀學士置文翰文史二館文翰館設侍書改中書舍人爲侍書文史館設脩撰編修檢討而以方孝孺爲文學博士又改謹身殿爲正心殿

設學士一人罷華蓋文華武英三殿文淵東閣太學士各設學士一人待設無定員文淵閣設典籍一人六科罷左右給事中改中東西南北城兵馬指揮司爲五城兵馬司指揮副指揮爲兵馬副兵馬始置京衛武學教授一人啓忠等齋各訓導二人布政司革左右布政使設布政使一人堂上官各陞品一級改提刑按察司爲十三

今三卷之三

卷三

道肅政按察司廣東鹽課司爲廣東都轉運鹽使司罷北平山東河南山西陝西五省及江址學校貢士革五府左右斷事官五軍斷事司增親王官賓輔二人正三品伴讀伴講伴書各一人長史一人左右長史各一人審理正典膳正奉祀正良醫正典寶正並去正字審理副等改爲副審理等郡王賓友二人正四品教授一人記室

二人直史一人左右直史各一人吏目一人典印典祠典禮典饌典藥五署典印典祠典禮典饌典藥各一人典儀二人引禮舍人二人儀仗司吏目一人賓輔三伴賓友教授進對侍坐稱名不稱臣見禮如賓師靖難後復洪武舊制惟存大理寺不設斷事官及斷事司正統中復設京衛武學

六十二

公侯伯爵凡三等以封功臣皆有流有世並給鐵券高廣凡五等號凡三等佐高皇帝定天下曰開國輔運云云佐成祖曰奉天靖難云云餘曰奉天翊運云云其武臣也曰宣力功臣文臣曰守正文臣歲祿視功有差多不過五千石已封而又有功者仍爵或進爵加祿其才而賢也充團營三營提督總兵坐營官五府掌印僉書留

都守備出充總兵官鎮守不食其祿其襲替徵券誥諭功過覈適孽幼而嗣者學於國子監有過革冠服平巾學於國子監坐罪奪祿重奪爵

六十三

永樂十六年詔纂天下郡縣志命夏忠靖楊文敏金文靖三公領其事景泰中修寰宇通志准祝穆方輿勝覽葉文莊公曰此

趙宋偏安之物况直為四六設今欲成盛代一統之書宜有資軍國益勸戒如地理戶口類不可缺必如永樂中志書凡例充廣之可也陳芳洲笑曰此豈造黃冊耶天順五年撰

大明一統志

六十四

永樂六年定輿定遠二王上交趾地圖東

西一千七百六十里南北二千八百里乃  
邵縣其地設都布按三司分十七府曰交  
州北江諒江三江建平新安建昌奉化清  
化宣化太原鎮蠻諒山新平又安順化升  
華四十七州一百五十七縣衛十一所三  
市船司一改鷄陵關爲鎮夷關

六十五

彭惠安公哀江南詞敘述建文死義之臣

全言卷之一

五十五

至方遜志乃云後來奸佞儒巧言自粉飾  
叩頭乞餘生無乃非直筆蓋指西楊輩修  
實錄書方再三叩頭乞生者非實事也

六十六

靖難之歲十一月副都御史陳瑛言 皇  
上順天應人以有天下四方萬姓莫不率  
服然車駕初至京師有不順天而效死建  
文者如禮部侍中黃觀太常少卿廖昇翰

林修撰王叔英衡府紀善周是修浙江按  
察使王良沛知縣顧伯瑋等計其存心與  
叛逆同宜從追戮 上曰朕初舉義誅姦  
臣不過數輩後來二十九人中如張統王  
鈍鄭賜黃福尹昌隆皆有而用之今汝所  
言數人況有不與二十九人之數者彼食  
其祿自盡其心悉勿問

六十七

全言卷之二

五十六

歷代帝王廟歲仲春秋 皇帝遣大臣祭  
太昊伏羲氏炎帝神農氏黃帝軒轅氏帝  
金天氏帝高陽氏帝高辛氏帝陶唐氏帝  
有虞氏夏禹王商湯王周武王漢高祖皇  
帝漢光武皇帝唐太宗皇帝宋太祖皇帝  
分五室室太牢一禮三獻樂七奏舞八佾  
從祀名臣風后力牧皐陶夔龍伯夷伯益  
伊尹傳說周公旦召公奭太公望召穆公

虎方叔張良蕭何曹參陳平周勃鄧禹馮異諸葛亮房玄齡杜如晦李靖郭子儀李晟曹彬潘美韓世忠岳飛張浚凡三十二人列兩廡廡二壇壇少牢一先是洪武元年祀三皇用太牢勾芒祝融風后力牧配四年今天下立三皇廟歲春秋祭已而令祭於陵是年命官參考歷代聖帝賢王但在中原安養人民者三十四君合祀之擇

全言卷之二

五

名臣從祀六年禮官言古帝王有父子祖孫一廟合祭非禮令別立歷代帝王廟同堂異室歲春秋祀三皇五帝禹湯文王武王漢高祖光武唐高祖太宗宋太祖元世祖其守成賢若令所在有司歲春秋祭於陵七年塑帝王衮冕坐像上曰伏羲神農未有衣裳之制勿加冕服已而郊祀祔祭諸帝王省春祭歲仲秋遣官祭於廟二

十年以武成王從祀帝王廟去王號罷故廟祀二十一年禮官擇上歷代名臣始終全節者三十五人從祀帝王廟上曰趙普負太祖不忠不可祀元本華黎安童祖也不可祀孫而去祖可祀本華黎安童祀祀伯顏阿朮可勿祀又曰漢陳平馮異宋潘美皆宜祀未幾上曰文王雖基周命終守臣節唐高祖有天下本太宗力也

全言卷之二

五

可勿祀祀於陵增祀隋文帝是年廟火改建于欽天山之陽去隋文帝子午卯酉年傳制祭陵停廟祭嘉靖九年罷歷代帝王南郊從祀禮官請加南京廟春祭上不從令建廟京師歲仲春秋祭南京祭罷十年春廟未成今皇帝祀之文華殿廟初成今皇帝至廟祭是年修撰姚涑請罷元世祖祀禮官議不可上從禮官議二

十四年給事中陳棐又言之乃罷祀元世祖并罷從祀木華黎五人

六十八

外戚封公自嘉靖始也張鶴齡嗣壽寧伯進侯又以迎立 今皇帝進封昌國公慶雲長寧 孝肅太后家二侯伯瑞安崇善安仁 孝貞皇后家三侯伯惟延齡兄弟公侯最貴盛得禍亦最慘

六十九

駙馬無封侯者灤城富陽永春西寧皆以軍功封惟永康公主駙馬崔元以迎立 今皇帝封京山侯 孝陵少公主駙馬趙輝天順中求封侯不得

七十

洪武十九年 大誥三編俱成二十八年始令法司擬罪引大誥減等蓋因 大誥

初序末有云一切官民諸色人等戶有此一本若犯笞杖徒流罪名每減一等無者每加一等故也然至今但有減等而無加等

七十一

開國公臣常李鄧湯劉五姓嘉靖中續封甚愜人情但李太師之後不沾一命尚爲缺典

七十二

孝烈皇后將葬 上念西苑之變 孝烈有大功欲葬於 孝潔皇后之左已而中止 上新作壽陵至是定名永陵令先葬后 上曰孝陵長陵先葬 孝慈 仁孝也

七十三

成祖於建文己卯七月起兵靖難宸濠亦

以正德己卯六月反湖廣二閣老皆石首人文定永樂甲辰文簡嘉靖甲辰入閣所事二帝皆藩王入繼大統永樂辛丑四月三殿災嘉靖辛丑四月九廟災

七十四

聖祖開科詔務求博古通今之士乃所試僅有判語及一二時務策生徒竟未識

大明律所云時務盡掇述括帖以故士乏

今言卷之一

卷一

通今之學其於政體得失人材優劣且不論只歷朝紀年及后姓陵名知者亦鮮近二十年來士大夫始以通今學古為高矣

七十五

入內閣為輔臣預機務特避丞相名耳實始於建文四年長陵即位之初閣中有文淵閣印印文玉箸篆惟封上詔草題奏揭

帖用之不得下諸司下諸司以翰林院印凡入內閣云直文淵閣即官至三殿二閣二坊大學士無入內閣旨不得與機務也雖編修贊善等官有入內閣旨亦得預機務矣文淵閣在禁中徐武功署銜自稱掌文淵閣事可乎

七十六

我朝帝后尊謚皆有孝字惟景皇汪

今言卷之一

卷一

后無孝字文臣無謚孝者國初惟贈東海族陳文字孝勇

七十七

春秋謹華夷之辨中國有主也文中子帝元魏未為非聖祖功德高百王詔文嘗稱曰天命真人於沙漠帝王廟中以元世祖與三皇五帝三王漢高光唐宗宋祖並祀真聖人卓越之見

七十八

吳元年冬 孝陵念七子漸長宜習勞令  
內侍製麻屨行藤凡諸子出城稍遠馬行  
十七步行十三七子懿文太子秦愍王晉  
恭王 成祖周定王楚昭王齊庶人也

七十九

正德時神英封涇陽伯本無大功江彬平  
虜伯許太安邊伯武德永壽伯以義兒故

金言卷之十一

本

得封彬誅死太謫戍邊英德及太監家七  
伯皆革

八十

嘉靖己酉應天試錄策言初開內閣所用  
七人者皆修撰編修檢討等官然不言當  
時七人者惟文穆修撰文敏編修耳大紳  
起謫胥爲待詔文簡中書舍人文貞齊王  
府審理副陞編修文靖給事中若思桐城

知縣陞檢討非由翰林者亦入內閣也

八十一

國初郊廟社稷先農爲大祀已而改先農  
及山川帝王先師旗纛爲中祀諸神小祀  
今皇帝以朝日夕月天神地祇爲中祀  
大祀致齋三日中祀二日祀有牲牲四等  
曰犢曰牛曰太牢曰少牢色尚騂或黝天  
地日月加玉焉玉三等曰蒼璧曰黃琮曰

金言卷之十一

本

玉牲大祀入滌九旬中祀三旬小祀一旬  
殺禮不用牲用果脯從其族也或用素羞  
祀有帛大祀中祀京師用制帛制帛五等  
曰郊祀曰奉先曰禮神曰展親曰報功小  
祀素帛禮佛帛王國司府州縣亦用帛小  
祀則否凡祀有樂樂四等曰九奏曰八奏  
曰七奏曰六奏奏樂有歌有舞歌堂上舞  
堂下舞皆八佾佾有文有武先師六佾佾



去武小祀則否凡助祭文臣五品武臣四品以上嘉靖中都給事中乞得助祭帝社稷無助祭大臣五六人陪拜焉小祀則否

八十二

洪武十七年大明清類天文分野書成凡二十四卷詔賜秦晉燕周楚齊六府是書刻在南雍余嘗託友人印刷友人言此非我朝書殆前代人所纂或出山野小說家

全言卷之五

李五

洪武中止有今南京爲京師何以此書乃有北京又言南京應天府若前代書何以又有十二布政司布政司古未有也余曰是洪武中書無疑此時未有貴州布政司而有北平又洪武元年詔以應天爲南京大梁爲北京矣

八十三

懿敬太子妃常氏 懿文太子元配也建

文帝追尊爲孝康皇后 武宗母張后尊謚亦孝康皇后

八十四

洪武癸亥賜六部尚書馬已已賜有司方面官馬諭兵部試尚書茹瑺曰布按二司官方面重臣府州縣官民之師帥跨驢出入非所以示民或假馬部民因被浸潤不能舉職甚平治體其官爲市馬司二十四匹

全言卷之五

李五

府半之州縣又半之馬一率十戶食之歲一更

八十五

宣德七年大學士張瑄乞增南北兩京七品以下官俸正統元年副都御史吳訥言洪武間京官俸全支後因營造減省遂爲例近小官多不能贍如廣西道御史劉準由進士授官月支俸米一石五斗不能養

其母妻子女貸同道御史王裕等刑部主事廖謨等俸米三十餘石去年病死竟負無還乞下廷議增俸

### 八十六

洪武五年罷孟子配享文廟踰年上曰我聞孟子辯異端闢邪說發明孔子之道宜祀如故二十九年罷楊雄從祀祀董仲舒正統二年進胡安國蔡沉真德秀從祀

金臺卷之

本主

八年追封吳澄爲臨川郡公從祀成化二年追封仲舒爲廣川伯安國建寧伯沉崇安伯德秀浦城伯弘治八年追封楊時爲將樂伯從祀嘉靖九年改大成至聖文宣王爲至聖先師孔子四配爲復聖顏子宗聖曾子述聖子思子亞聖孟子從祀及門弟子稱先賢左丘明以下稱先儒去塑像設木主盡罷公侯伯諸封爵申黨申張二

人存棖去黨公伯察秦冉顏何荀况戴聖劉向賈逵馬融何休王肅王弼杜預吳澄十三人罷祀林放蘧瑗鄭玄鄭衆盧植服虔范甯七人祀於其鄉進后蒼王通胡瑗歐陽修陸九淵從祀改稱大成殿爲先師廟大成門爲廟門別立祠祀齊公叔梁紇稱啓聖公孔氏以顏無繇曾點孔鯉孟孫氏配稱先賢程珦朱松蔡元定從祀稱先儒撤無繇點鯉從祀

金臺卷之

六十八

### 八十七

永樂十八年論營建北京功陞營繕郎中蔡信爲工部右侍郎所副七人爲所正丞六人爲所副匠二十三人爲所丞賜督工群臣及兵民大匠鈔椒蘇木有差正統年間營建三殿兩宮包砌京城及修造各衙門陞除匠官不過五六人

八十八

國初都金陵以西北胡戎之故列鎮分封  
似乎過制當時已有葉居升輩漢人七國  
之慮今考廣寧遼王大寧寧王宣府谷王  
大同代王寧夏慶王甘州肅王皆得專制  
率師禦虜而長陵時在北平為燕王尤  
英武稍內則西安秦王太原晉王亦時時  
出兵與諸藩鎮將表裏防守孝陵崩少  
裁抑而齊黃諸臣受禍矣肅王今移蘭州

八十九

洪武六年武官一萬二千九百八十八人九  
年擇功臣子耿獻等一百四人為散騎舍  
人十一年選武臣子弟入國子學讀書十  
四年令公族武臣皆遣子弟入國子學受  
業二十一年頒武臣大誥又頒八條勅諭  
武臣又頒武臣訓戒錄又賜武臣保身勅

天壽七陵惟景陵規制獨小嘉靖丙申稍  
廓大之是年作壽陵即永陵也在天壽迄  
東十八道嶺夫君即位為禪禮也昔漢文  
帝表灑西唐太宗營九峻我二祖之作  
二陵故並獲吉壤今皇帝因謁七陵遂  
有壽宮之役真達天高世之見

九十二

洪武二年立功臣廟於鷄鳴山論功列祀  
二十一人命夏有塑其像生者虛其位是  
時胡大海馮國用趙德勝耿再成丁德興  
俞通海張德勝茅成八人先棲神於卞蔣  
等廟乃塑像移祀於此徐常公鄧湯沐六  
王及華高吳良吳楨曹良臣康茂才吳復  
孫興祖尚存但虛其位洪武二年太廟  
脩享初有廖永安凡十三人永安俞通海  
張德勝來世傑耿再成胡大海趙德勝七

人已卒祀廟中九年始加封號贈謚罷永安祀時徐常李鄧湯沐六王俟其卒進侑皆太祖所親定也然功臣廟無廖永安來世傑而太廟乃有之馮國用丁德興茅成華高吳良吳楨曹良臣康茂才吳復孫興祖祭於功臣廟而太廟侑享不與焉此太祖之權衡度量非後人所能測識也昔西漢定元功十八人位次東漢雲

卷之

三

臺三十二人唐凌烟二十四人宋昭勲崇德十人皆託褒揚於位貌而已太祖之廟庭侑享則以血食寓褒揚其報最重其禮最隆矣嘉靖十六年郭勛欲進祀其立功之祖武定侯英於太廟乃倣三國志俗說及水滸傳爲國朝英烈記言生擒士誠射死友諒皆英之功傳說宮禁動人聽聞已乃疏乞祀英於廟廡又言英本

開國功臣卒於永樂年間以故不廟祀而不知太祖定廟祀時固兼生死而論定矣且英之封在洪武十七年論平雲南功大將穎川侯傅友德進封賴國公副將藍玉仇成王弼先封流侯者與世嗣偏裨都督僉事陳桓胡海郭英張翼兵興以來屢効勤勞今勲尤著於是桓封晉定侯海東川侯英武定侯翼鶴慶侯蓋廟祀定後十六年而英始侯也

卷之

三

### 九十三

侑廟功臣位次中山王十二人洪武年定河間王四人洪熙年定皆序封爵首王次公次侯開國功臣靖難功臣各自爲序嘉靖丁酉進誠意伯位六王之下群公之上以爲不倫及營國公郭英進祝并兩朝功臣敘爵於是營國公列永義侯之上誠意

伯列寧國公之下矣

九十四

嘉靖十四年二月羣臣於東閣集議大行莊肅皇后謚大學士孚敬首曰莊肅皇后與累朝事體不同其謚只諡二字四字尚書言曰今各廟元后俱十二字恐二字四字未稱大學士時曰二字四字太少須得八字都御史廷相曰莊肅作配武

今言卷之一

七十四

宗謚宜一體吏部侍郎韜曰謚者天下之公非天子自行之宜備陳以請乃上議言古人尚質謚法尚簡嚴故稱美之言無幾後世帝后之謚始有不一其書者亦臣子尊崇之情生今之世則當行今之禮我朝列聖元后謚皆十二字蓋大行盛名

帝后媲美妻以夫尊禮宜與並今武宗廟謚既與列聖相同則莊肅謚號似亦

不宜稍異且今日加謚祇以表行尊名其

於服制有無名分尊卑本不相涉上曰

事嫂如事母人道有此乎非朕自尊兩

宮在上昭聖皇太后有母道宜再會議

議上宜且據謚法止用二字候他日再加

徽號以備全典上曰用六字謚孝靜

莊惠安肅毅皇后數既用半且陰六又合

嘉靖十五年四月上坐天壽山行宮面

今言卷之二

七十五

諭言曰皇嫂孝靜皇后謚用六字於禮未

備還用全謚庶合典禮九月上御文華

殿面授言御筆定謚孝靜皇后為孝靜

莊惠安肅溫誠順天僖聖毅皇后

九十五

弘治十一年三月監生江璫奏言劉健李

東陽杜絕言路掩蔽聰明妬賢嫉能排抑

勝已急宜斥退健東陽疏言近日兩京科

道指陳時弊并劾奔競交結乞恩傳奉等  
官雖未盡當類多可採而乃漫無可否槩  
下施行自 祖宗朝至今未有此事皆臣  
等因循將順苟避嫌疑不能力贊乾剛俯  
從輿論別白忠邪明正賞罰以致人心惶  
惑物議沸騰草野之下其言乃至於此乞  
罷 上不許下瑤詔獄徒等又上疏力救  
容得釋

九十六

全言卷之二

主本

南京設叅贊機務自戶部尚書黃忠宣公  
始實宣德乙卯也已而黃公兼掌兵部事  
正統五年代黃公者兵部侍郎徐琦正統  
十四年琦陞尚書景泰元年止掌部事靖  
遠伯代琦總督機務成化間崔莊敏公以  
南東書士端毅公以南右都御史叅贊機  
務庶亦未然又云始於正統辛酉亦非蓋

正統辛酉始定名南京也

九十七

永樂五年七月辛卯以成國公朱能爲征  
夷將軍總兵官西平侯沐晟新城侯張輔  
左右副將軍豐城侯李彬雲陽伯陳旭左  
右叅將大將軍率右副將軍右叅將及清  
遠伯陳友統神機將軍程寬朱貴等遊擊  
將軍毛八月朱廣王恕等橫海將軍魯麟

全言卷之二

主七

王玉商鵬等鷹陽將軍呂毅朱吳江浩方  
政等驃騎將軍朱榮金銘吳旺劉劄出等  
二十五將軍以兩京畿荆湖閩浙廣東西  
兵出廣西憑祥左副將軍左叅將統都指  
揮陳睿盧旺等以巴蜀建昌雲貴兵出雲  
南蒙自兵部尚書劉儁叅贊戎務行部尚  
書黃福大理卿陳洽轉餉征交趾

九十八

洪武至宣德六十八年間登極立 中宮

東宮及上 慈闈尊號徽號詔皆無文

武官封贈廕子試署實授恩例英宗登極詔始令署都督僉事事都指揮署都指揮僉事事指揮實授 景皇登極詔始令在京文官及在外方面官一考無賊犯者照洪熙宣德年例與誥勅景泰三年立懷獻太子詔始令署郎中員外郎主事試中書

今言卷之二

年本

實授又與土木死事諸臣誥勅封贈廕子入監不願入監者聽天順復辟詔始令內外文武署職試職因功陞授者與實授天順八年 兩宮徽號詔始封兩京文武七品以上官父母署職試職實授成化二十三年上 慈闈尊號詔兩京文武官七品至四品先封父母三品以上與誥命泰陵登極詔內外文官署職試職實授內外武

官天順八年正月以前功陞試職署職遇例實授談世襲者子孫仍襲其未實授及以後功陞試職署職實授弘治五年立東宮詔文武官試職署職年半以上者實授不及年半者扣至實授弘治十一年清寧宮災詔兩京文官署職試職理刑者實授歷任未及一考者與誥勅其誥勅准給未領因事降調非貪淫酷刑者仍給與弘

今言卷之二

年九

治十八年上 兩宮尊號詔文武官署職試職實授兩京七品以上文官未及一考與誥勅父母已封者服色許與子同 今上登極詔正德十四年文武官員人等因諫止巡遊跪門責打降級改除爲民充軍者該部具奏起取復職酌量陞用打死者追贈諭祭仍廕子入監讀書充軍故絕者一體追贈諭祭優養親屬嘉靖元年 尊



號詔兩京文官未一考者與誥勅父母已封者服色許與子同誥勅准給未領因事降調非貪淫酷刑者仍給與嘉靖九年大報禮成詔兩京文官未及一考無過者給與誥勅嘉靖十九年 皇子生詔始令兩京三品上文官例該廕子未及一考者廕子入監兩京文官未及一考者在外七品以上歷任三年無過者與誥勂文官五品以上武官四品以上署職試職者并試職御史實授仍與誥勂十五年立 東宮詔兩京三品上文官廕子兩京文官未及一考者在外七品以上官歷任三年無過者與誥勂兩京文武官署職試職實授仍與誥勂十七年 郊廟大禮成詔兩京文職并在外五品以上方面有司四品官未及一考者與誥勂兩京文武官并新舊武

舉官署職試職實授仍與詔勂十八年立東宮兩京文職三品上官與誥勂廕子二十四年 宗廟成詔兩京文官未及一考與誥勂署職試職實授仍與誥勂愿貤封者聽

今言卷之一終

今言卷之二

海鹽鄭曉

九十九

御用左少監阮浪侍 英廟南宮浪下內  
官王堯者往蘆溝橋抽分浪以南宮所賞  
鍍金梁扣綉茄袋鍍金結束刀一把與堯  
堯歸飲錦衣指揮盧忠家蹴毬褫衣忠因  
見其袋刀非常制遂令妻進酒醉忠解之

今言卷之二

俄而入皇城白裏行太監高平以爲南宮  
欲謀復皇儲令浪遺堯以袋刀賞忠求外  
應堯竟以此與浪義子趙縉皆凌遲沒產  
浪入詔獄炮烙煅煉苦慘備至卒不承死  
杜中天順復辟平忠亦凌遲贈浪本監太  
監命儒臣撰文立碑官縉子銳錦衣試所  
鎮撫

一百

景泰元年九月初令九卿內閣相移文書  
名內閣移司屬書孔目名

一百一

永樂癸未至天順丁丑五十五年吏部尚  
書蹇郭王三公何文淵王九皋佐泰和也  
天順丁丑至弘治乙丑四十九年九十一  
人而耿文恪再入吏部正德丙寅至嘉靖  
丁未四十二年凡二十二人羅楊李三公  
未任王許二公再入永樂至弘治以前氛  
宰無坐罪者正德以後綵伏誅陸王謫戍  
喬熊唐削籍

今言卷之二

二一

一百二

南都之有叅贊機務也自黃忠宣公始也  
黃公初至南都爲戶部尚書尋兼掌兵部  
裕陵即位初始有叅贊機務蓋 長陵  
崩後仍稱址京爲行在則南都爲京師故

稱機務正統六年定都北京去行在則當  
改爲參贊留務矣往時參贊不專兵部近  
時王端毅公以留臺參贊機務後陞南京  
兵部尚書又參贊先是靖遠伯王忠毅公  
兼南京兵部尚書稱總督機務正德末新  
建伯王陽明亦兼南兵書乃止稱參贊

一百三

我朝雖設脩撰編修檢討爲史官特有其

今言卷之十

三

名耳實錄進呈焚草液池一字不傳況中  
間類多細事重大政體進退人材多不錄  
每科京師鄉試考官賜宴皆書篆宰內閣  
大臣其先後相繼竟不可考他可知矣

一百四

人言金石之文及志書可信余嘗錄九卿  
題名殊可笑兵部尚書刻齊太鐵鉉時未  
有北京也况鐵以軍功陞仍在行中未嘗

任部事嘉靖中一時五尚書皆經畧四方  
未嘗至部亦題其名胡端敏公實爲兵部  
尚書代王時中而李康惠公繼之乃不書  
其名名在侍郎中又不書陞本部尚書初  
建北京設行部部設尚書三人侍郎四人  
其屬六曹清吏司以戶部尚書掌北平布  
政司事郭資刑部尚書掌保定府事雋  
爲尚書僉坐事死黃忠宣公代之劉辰實  
爲行部侍郎今改行爲刑盡題名刑部注  
西通志首書寧王封於寧夏而不知寧王  
之封大寧大寧即北平行都司地永樂初  
以其地界朵顏三衛遷都司於保定山東  
通志書齊王賢熒反而不知反者賢熒之  
父禱也他如此類不可悉舉

一百五

永樂中解公胡公出內閣爲廣西叅議國

子祭酒宣德四年禮書華蓋殿大學士張瑛戶書謹身殿大學士陳山以干請諸司出內閣改瑛南京禮部山專教內豎書景泰七年江淵亦自內閣出爲工部尚書代石璞

一百六

國朝取天下於胡元順帝遁去而名號尚存不得已常遣使欲與通和順帝崩其子

今言卷之三

五

愛猷識理達刺稱帝塞外洪武五年

正

書諭元幼主欲其通好遣使取其子買的里八刺止歸初買的里八刺爲我兵所獲封崇禮侯留京師七年遣使送崇禮侯止去愛猷識理達刺死其子脫古思帖木兒立脫古思帖木兒即買的里八刺也二十一年脫古思帖木兒爲其下也速迭兒所弑諸酋立坤帖木兒爲可汗而猛哥帖木

兒爲瓦剌王是時虜數侵邊魏國公達宋國公勝涼國公玉頴國公友德西平侯英成祖晉王周世子相繼討虜虜益擾我塞下建文二年虜中衰亂其大酋脫列干等乃款塞三年坤帖木兒亦遣人歸款北平是年坤帖木兒死鬼力赤立爲可汗永樂元年遣指揮朵兒只恍惚等書諭可汗通好不聽再言論亦不聽已而鬼力赤與

今言卷之三

六

瓦剌相讐殺始皆遣人入貢然亦數寇邊四年書諭可汗通好勿拘留我使不報六年書諭本雅失理是時鬼力赤衰虜中立本雅失理爲可汗七年遣給事中郭驥使虜通好虜不從殺驥上怒乃封瓦剌酋馬哈木爲順寧王太平賢義王把禿孛羅安樂王以挽本雅失理而遣淇國公武城侯同安侯靖安侯安平侯五將軍出塞討

虜五將軍入虜伏敗沒於臚胸河八年

成祖出塞討本雅失理及其臣阿魯台十一年遣人招阿魯台十二年瓦剌叛侵邊成祖北征瓦剌是時瓦剌數攻敗阿魯台阿魯台乞保息塞外遣使奉表稱臣貢駝馬上曰虜性黠詐勢窮來歸非其本心然天地覆育豈有所擇納其貢使封為和寧王久之生聚畜牧蕃富遂叛我拘留我

金言卷之三

七

使數寇邊二十年圍我典和成祖怒出塞討阿魯台阿魯台北走班師還是年阿魯台弑其主本雅失理而自立本雅失理妻率其屬來朝乞居內地避之二十一年成祖又出塞討阿魯台阿魯台時為馬剌木之子脫歡所敗二十二年阿魯台部落侵塞上成祖又出塞討之自順帝至鬼力赤凡七世其二世不可考洪熙元年馬

哈木破阿魯台欲自立衆心不附乃立元孽脫脫不花為主居漠北宣德元年阿魯台脫歡各遣人朝貢是時瓦剌強而阿魯台弱八年阿魯台遣人自遼東入貢上勅總兵巫凱曰往年虜使自大同宣府入今乃迂路從遼東來謹防之瓦剌殘阿魯台阿魯台遣人來告瓦剌之難賜刺撫諭之阿魯台為瓦剌所敗死脫歡遣人朝貢

金言卷之三

八

告殺阿魯台阿魯台子阿卜只掩來歸以為中府左都督正統元年脫歡與其酋朵兒只伯讐殺脫歡遣人貢馬且通兀良哈女直伺我塞下二年脫脫不花遣人貢馬四年五年數貢馬亦數入塞六年脫脫不花及其太師也先遣人貢馬八年又貢馬也先者脫歡之子也當是時脫脫不花弱而也先強也先又以其姊妻脫脫不花數

年間挾脫脫不花遣人並入貢馬允得賜金帛無筭使人皆館京師逾春始遣還桀驚不恭時時殺掠道路我往來通事變詐出好語告以中國虛實也先因與通事言吾有子請婚南朝公主通事皆許給之曰吾爲若奏 皇帝皇帝許爾也先大喜誇諸酋曰吾且進聘禮十四年春遣二千人貢馬曰此聘禮也朝廷初不知答詔不及

金言卷之三

九

和親事也先大愧怒七月大舉分寇大同宣府塞上諸城堡多陷沒羽書紛至遣駙馬都尉井源等四將軍統兵四萬出禦虜太監王振力勸 上親征八月庚申至土木車駕止狩十月虜復至京師索大臣出議和迎車駕以通政司參議王復爲禮部侍郎中書舍人趙榮爲鴻臚卿出見 英宗辭歸時瓦剌可汗普化即脫脫不花也

遣使貢馬尋和十一月也先又遣使索大臣議和皆不許景泰元年吏部辦事吏徐鎮上疏言京官潛遣家歸民心驚懼乞禁止時虜酋阿剌知院遣人貢馬請和賜勅答之虜遂至大同宣府京師戒嚴阿剌又遣人貢馬也先亦遣人至居庸關我遣禮部侍郎李實大理少卿羅綺指揮馬顯偕阿剌使人至瓦剌貽書可汗賜勅也先及阿剌而脫脫不花遣皮兒馬黑麻貢馬至京又遣右都御史楊善工部侍郎趙榮都指揮王息正千戶湯胤勣偕皮兒馬黑麻使虜而李實等及也先使人把禿至京把禿還賜勅也先八月丙戌楊善等奉 英宗還京居南宮 景皇宴瓦剌使人於奉天門 英宗宴之南宮已而脫脫不花也先各遣人貢馬賜勅也先稱瓦剌都總兵

金言卷之三

十

答刺罕太師淮王大頭目中書右丞相二年也先強盛劫奪脫脫不花而遣人貢馬三年遣書刺瓦可汗是年也先逐脫脫不花收其妻妾太子人畜獻良馬二告捷逾月也先又遣人貢馬請命使往來上曰正統中緣使臣往來構隙幾危宗社今聽虜使朝貢優其賞宴便遂勅邊鎮練兵防虜十一月宴瓦剌使臣太尉察占平章哈

今言卷之三

土

只呵力等二千九百四十五人於禮部是冬也先及其諸酋乞黃紫織金九龍紵絲及金酒器藥材顏料樂器佩刀諸物禮部言龍袍金器非所宜用乞勿與與藥材諸物數年間也先人每至京輒幾千人出入驕恣歐守衛掠人財物至欲騎入長安門稍稍約束即彎弓持刀欲奪馬殺人通事都督昌英每好語沮之不聽輒侮罵貢使

尚在京時時入塞捕掠人畜將官請勦又以通好故恐貪功啓隙不欲與虜戰虜益驕東結朵顏西交哈密赤斤蒙古往來窺塞下四年正月瓦剌使還勅也先曰太師求答使朕恐使交構彼此懷疑以故不遣太師遣人多二次三千餘人邊將堅請謝絕朕念太師忠義姑聽使人入京自後可少遣遣時與總數文書否守關者閉不

今言卷之三

土

納太師並各頭目差正副使二十二人陞都督都指揮指揮千戶等官賞金相犀帶九釵花金帶九素金帶三花銀帶一其三千餘人貢馬貂鼠皮賞織金絲表紵絲二萬六千四百三十二絹九萬一百二十七衣靴帽萬諭太師知之是月也先攻敗脫脫不花奔兀良哈依沙不丹沙不丹殺脫脫不花也先遂自立爲可汗十月也先遣



哈只貢馬貂鼠銀鼠皮書稱大元田盛大  
可汗田盛華言天聖也末書添元元年下  
禮官會議答書吏科都給事中林聰言輒  
稱可汗不可宜諭以順逆安遠侯柳溥言  
宜仍稱瓦剌太師并下廷議禮官胡濙等  
言大元田盛大可汗固不可從若可汗乃  
隋唐以來北狄酋長之常稱非中國所禁  
稱為瓦剌可汗便 上令再議儀制郎中

今言卷之二

十一

章綸言稱可汗則彼益強橫稱太師則彼  
必慙憤封為敬順王或稱為瓦剌王便再  
下廷議濙等復言稱瓦剌可汗便言官盧  
祥李鈞路壁等以為不便宜仍稱太師  
上曰也先雖桀傲亦能敬順朝廷宜如議  
稱瓦剌可汗勅文武督兵大臣曰也先擅  
易名號其所遣使從大同來或從宣府甘  
肅來奸計叵測京師備禦不可不嚴爾等

其選兵訓練條上長策聽便宜行事并勅  
沿邊守將十一月瓦剌使臣貢玉石五千  
九百觔却令自售也先弟賽因諸酋並遣  
人貢馬時也先新立恐諸部不附欲與中  
朝通好貢市往來不復深入寇掠然數年  
賞賜費亦不下百萬天順初也先有平章  
哈刺者逐也先走死部落遂分散而孛來  
癘王子強孛來殺哈刺立小王子小王子  
之名始此不知其所自起孛來尋弒小王  
子天順二年春孛來寇陝西三年秋寇大  
同抵鴈門烽火達於京師俄又寇宣府五  
年寇河西入蘭州關隴震動六年孛來衰  
而毛里孩阿羅出猛可三酋逐孛來共立  
脫思亦稱小王子脫思者故小王子從兄  
也小王子弱不能馭而諸酋毛里孩阿羅  
出孛羅出始入套爭水草不相能以故不

今言卷之三

十二

敢深入爲寇時遣人貢馬成化初阿羅出結朮加思蘭孛羅出結毛里孩各爲黨出入河套我漢人被虜去及罪人走塞外者又爲之鄉導元年遂入榆林塞二年毛里孩入寇陝西三年又入榆林塞入大同塞是年朮加思蘭殺阿羅出併其衆而結滿魯都滿魯都僭稱可汗以朮加思蘭爲太師脫思不知其所終五年孛羅出朮加思

金言卷之二

十五

蘭入榆林塞又入寧夏塞掠至固原六年阿羅出毛里孩也烈忽屢入陝西塞八年都御史王越總制關中軍務言自虜據河套邊人大擾乞搜套復東勝上遣武靖侯趙輔爲總兵出搜套輔以疾還遣吏部侍郎葉盛行邊上方畧盛言增兵守險便河套東勝之役未可輕議遂止九年冬虜遣人貢馬十年虜寇大同宣府及莊浪寧

靜深入鞏昌平涼然亦遣人貢馬十二年寇宣府十三年寇宣府滿魯都朮加思蘭遣桶哈阿忽刺千七百五十人貢馬駝五千當是時朮加思蘭女妻滿魯都欲代滿魯都爲可汗恐衆不已服又欲殺滿魯都而立幹赤來爲可汗滿魯都知之索幹赤來朮加思蘭匿不與遂相售殺十五年滿魯都殺朮加思蘭併其衆十六年滿魯都

金言卷之三

十六

入榆林塞尚書王越率兵出塞捕虜至威寧海斬虜首四百三十七封威寧伯十七年亦思馬因入大同塞十八年又寇大同十九年入大同宣府塞二十年戶部尚書余子俊提兵禦虜虜退去是時虜衆分散反復相殘並陰結朵顏伺我塞下即貢馬諸酋各以部落通中國恐中國左右以故雖深入彼自相猜不能久留內地未幾滿

都魯衰而把禿猛可稱小王子及其太師亦思馬因知院脫羅千隻遣人貢馬弘治初把禿猛可死阿歹立其弟伯顏猛可為王虜中太師官最尊諸酋以王幼恐太師專權不復設太師三年伯顏猛可及其諸酋與瓦剌酋并遣人貢馬時馬文升為兵部尚書僉都御史許進巡撫大同進數條邊事戎政修明中朝大臣知進進疏至輒

今言卷之十七

允下進嘗貽書小王子言通貢之利小王瓦剌二種聞進威名遣哈桶察察少保等貢馬凡三年三貢多至三千人少不下二千皆從貓兒庄入留大同遣數百人至京師當是時伯顏猛可幼新立瓦剌亦衰以故數年間我無虜患七年遂大舉寇陝西十年寇甘肅其酋火篩小王子部落也最強悍結諸部寇大同宣府歸正人言虜

謀且深入勅侍郎許進督軍劉大夏轉餉禦虜又召王越總制陝西軍務經畧哈密是年虜亦貢馬十二年虜迭入榆林大同寧夏塞亦遣人貢馬十三年火篩入大同宣府塞京師戒嚴火篩屢寇邊獲財畜日強盛跋扈與小王子爭雄糾諸部入寇上遣都督李澄守潮河川張晟居庸關襄城伯鄒紫荆關侍郎李介經畧宣大王宗

今言卷之十八

整黃花鎮天壽山及居庸白羊關史琳紫荊倒馬關備虜是秋虜入榆林塞冬入偏頭關十四年秋火篩入花馬池至固原大掠自後虜寇關隴輒由花馬池矣十五年秋虜入大同塞時劉大夏在兵部秦紘總督陝西軍務十六年虜入榆林塞十七年兀良哈結小王子寇邊小王子遂稱求貢否且深入謀虜諸酋期分道並犯黃裏

黃裏者華言京城也 上召見內閣劉健等議兵事是秋虜入大同塞 上銳意討虜太監苗達數請出師大夏力言不可乃已是冬虜入花馬池清水營攻陷清水營起楊一清經畧陝西正德元年改一清總制軍務一清請復守東勝據河套水草之利會 泰陵崩逆瑾專政一清去不果是年大夏致仕四年冬虜入花馬池殺總制尚書才寬先是小王子太師亦不刺有女許嫁小王子而小王子之弟阿爾禿廝娶爲子婦小王子恨之欲殺阿爾禿廝亦不刺是年二酋奔出河套入西海攻破西寧諸族據其地而居之二酋尋歸小王子未幾亦不刺殺小王子長子阿爾倫台吉復走入西海八年虜入宣府塞十年朵顏北虜入馬蘭谷殺叅將陳乾是秋虜深入固

今言卷之二

九

原平涼十一年春虜入榆林塞秋入宣府塞十三年入寧夏塞大掠秦隴十六年虜入花馬池瓦剌西徙與土魯番相讐殺小王子三子長阿爾倫台吉次阿著次滿官嗔阿爾倫台吉二子長卜赤次也明皆勿著稱小王子阿著死衆立卜赤稱亦克罕卜赤死而不及兒台吉稱小王子或曰不及兒台吉即也明或曰卜赤子也阿著二子曰吉囊曰俺答阿不孩亦不刺部從吉囊火篩部從俺答而小王子種落又盛

今言卷之二

十一

一百七

知已不易得楊文貞不知王文端葉文莊不知于肅愍彭文憲不知李襄敏李文達不知葉文莊丘文莊不知王端毅倪文毅不知莊定山馬端肅不知劉忠宣崔文敏不知王虎谷張文忠不知王陽明

一百八

諸司印玖疊篆御史印捌疊文淵閣印玉  
著將軍掛印柳葉

一百九

蔣用文初名武生以字行儀真人洪武中  
為御醫永樂八年陞院判專侍文華殿用  
文能視病制方性謹愿恭恪有行義達世  
務事東宮每効規益卒之明年 仁宗贈

全書卷之三

三二

太醫院使謚恭靖官其長子主善為院判

一百一十

巡撫之名寔始於洪武辛未是年勅遣  
皇太子巡撫陝西也建文中遣侍郎夏忠  
靖等二十四人充採訪使巡行天下永樂  
辛丑遣尚書蹇忠定等二十六人巡行天  
下宣德庚戌遣侍郎下肅愍周文襄等六  
人出巡撫也建文永樂巡行大臣並以給

事中佐之

一百一十一

天網恢恢疎而不漏慎哉慎哉江彬領兵  
殺一家二十口報功論死得脫朱寧淫人  
之妻而殺其夫逃入豹房二人皆得幸  
康陵竟罹極刑以語言竿牘之間陷人於  
死豈無果報况竊 上權矯 王命而殺  
人是一事而得二斬罪矣况又不止於一

全書卷之三

三二

事一人乎慎哉慎哉

一百一十二

趙古則攝謙餘姚人洪武初徵修正韻衆  
以謙年少黜為中都國子監典簿同官論  
事不直罷歸築考古臺述六書之旨注聲  
音文字通及易學提綱諸書凡三百餘卷  
大臣薦召為瓊山教諭進所注書不報還  
瓊山初謙來京宋濂遣子仲珩受業謙歸

仲珩校正韻多川謙說謙六書之學最精  
既沒門人柴廣敬以聲音文字通進學書  
者心好之莫得而見也謙於世利聲華澹  
然無罣礙直義所在目無王公以此厄窮  
無悔卒于番禺

一百一十三

姬廣孝謚恭靖邵元節文康榮靜又有太  
醫院判蔣用文恭靖院使袁寶襄敏太子

太保尚書掌太醫院事許紳恭襄

一百一十四

國初李太師胡丞相京國公諸獄未可知  
若于少保石總兵諸獄詞恐未為無枉即  
劉瑾錢寧江彬亦未必有反謀坐奸黨可  
也武定積惡負恩本有死罪近言官所  
指法官所擬亦難服其心侯爵終當復惟  
曹賊反是實

一百一十五

近見敘名臣者多不及武臣如總兵馬永  
梁震王効桂勇山西戰將張世忠安慶守  
將崔文楊銳漕運顧仕隆錦衣王佐豈可  
多得即內臣如王岳徐智范亨懷恩覃昌  
鎮守陝西晏宏河南呂憲皆忠良廉靖縉  
紳所不及也

一百一十六

丘文莊公言我朝文臣有謚始於姬恭靖  
公胡文穆公恐恭靖未可謂為文臣謂之  
武臣可也文臣賜謚定始於王文節公文  
節於建文元年四月贈翰林學士賜謚永  
樂中改謚忠文

一百一十七

正統末雲南木麓川賊酋叛遣兵數十萬  
討之東南騷動于時浙江葉宗留福建鄧

茂七廣東黃蕭養相扇而起各雍衆數十萬僭號攻城殺掠吏民湖貴苗獠兩廣獠獠亦叛分遣文武大臣爲鎮守總督提督叅贊協贊軍務巡撫巡視總兵副總兵叅將分守協守守禦每省多至數十人少亦不下十數人所在聚兵各數十萬浙江侍郎孫原貞副都御史軒輶福建尚書金濂侍郎薛希璉兩廣侍郎揭稽李棠都御史

今言卷之三

三十五

楊信氏貴州侍郎侯璉寺丞 湖廣都御史王來李實四川都御史李匡侍郎羅綺

一百一十八

薛文清公山東巡按時嘗言內外風憲緘默都御史顧佐惡之薛考滿署平常以故不得進階封贈父母

一百一十九

正統己巳大統曆二至日晷晝夜六十一

刻岳文肅公大異之識者以爲用事大臣任私智廢曆法必有搖本之禍八月六師陷土木

一百二十

孝慈 仁宗二皇后開基育聖功邁莘塗德超任姒 列后濟美宜家之教戢於坤裳逮下之恩深於樛木百八十年餘未嘗有臨朝干政者正統中天下休息 孝誠

今言卷之三

三十六

之功正德末國統中絕非 孝康爲之內主禍未可知也然當是時四楊在內閣可謂勤勞王家者矣

一百二十一

翰林始得謚文餘不得與不知出何令典鄭文安儀文簡吳楊二文恪魏文靖葉王邵三文莊何文肅王文毅皆非翰林彭從吾易名惠安林見素有改謚之請未見施



行然亦有官至內閣不得謚文者馬許三襄敏王毅愍陳莊靖是也

一百二十二

禹貢夾右碣石入于河今遮洋運道也浮于汶達于濟浮于濟漯達于河會通河也浮于淮泗達于河淮安至徐沛也沿于江海達于淮泗國初海運沿于江海也永樂初中樂之運達于淮泗也浮於江沱潛漢

今古卷之二

十七

江西湖廣之道也未必盡同大勢若此劍閣雲棧通於秦始皇時故梁州貢道西傾因桓是來浮潛逾沔入渭亂河也其不浮潛沿江從今儀真出淮安者蓋吳城邦溝以通江淮之道禹時未通又須入海邇淮太遠故也浮于積石至于龍門西河今蘭州北折而東為河套轉入中國山西之西陝西之東之河道是也然禹時可通貢今

皆不可行何也漢儒亦云此不能通舟倪文毅公嘗疏乞復漕運以足兵食而紓民力畧曰今關陝所需皆山西河南所給而三方之地俱近黃河其間雖有三門析津龍門之險然昔漢唐糧餉由此而通即今鹽船木筏往來無滯今令戶部所計山西米豆必運貯榆林及保德州縣諸倉河南米豆必運貯潼關衛及陝州諸倉其諸州衛地皆瀕河可通舟楫踵往古故迹而行免當今陸運之害公私之利奚啻萬萬况今河道當潼關之址數十里接連渭河可通陝西及鳳翔華昌渭河西流數千里接連洛河可通延安及北上游可通邊堡渭河西流三百餘里接連涇河可通慶陽又龍門之上舊有小河徑通延綏倘加脩濬必可行舟此宜簡命水部之臣示以必行

今古卷之二

十八

之意相度地形按求古跡某處避險可以  
陸運某處可以立倉倒運某處可以造船  
裝運淤塞悉加導滌漕河務在疏通毋憚  
一時之勞而失永久之利如是則不但三  
方之困可紓雖四方之物無不可致矣

一百二十三

洪武三年置大宗正院正一品二十二年  
改為宗人府以秦王為宗人令晉王 燕

人言卷之三

三十九

王左右宗政周王楚王左右宗人掌皇九  
族六親之屬籍以時修其玉牒書子女適  
庶名封生卒婚嫁謚葬凡宗室陳請為聞  
上達材能錄罪過比建都址京永春侯王  
寧洪熙宣德武定侯郭玘署事正統三年  
始建府如南京西寧侯宋瑛嘉靖中京山  
侯崔元署事寧瑛元皆駙馬都尉玘 仁  
廟貴妃弟

一百二十四

嘉靖己丑二月禮部言 悼靈皇后正位  
中宮上佐宗祀者七年禮宜祔享 太廟  
但今九廟已備唐宋故事后於太廟未有  
本室創別廟祀之禮喪服小記婦祔於祖  
姑祖姑三人則祔於親者 孝惠太皇太  
后實 皇考獻皇帝生母 悼靈皇后主  
請祔奉慈殿 孝惠太皇太后之側 制

人言卷之三

三十九

曰可丙申八月 孝惠神主遷於陵殿禮  
官言初擬奉遷 悼靈皇后於奉先殿旁  
室今殿無旁室惟斜廊兩廡似非奉安  
元后之地且不足以容鼎俎惟殿盡西一  
室空虛清閼所宜遷奉歲時享祀或有事  
祭告 祖宗 列聖宜一體設饌但不啓  
匱不定祝稱斯為合禮 制曰可又言謚  
稱 悼靈考之謚法類非全美宜更定褒

稱是月改謚 孝潔皇后

一百二十五

太祖陵不知附葬幾妃今陵旁列四十  
六案或坐或否大抵皆妃嬪也 成祖十  
六妃謚葬皆不可考然皆祀於陵 仁宗  
諸妃陪葬惟三妃別葬金山 宣宗諸妃  
陪葬別葬金山者一妃 英宗遺詔皇妃  
他日宜合葬惠妃亦須遷來以後諸妃次  
第附葬今止 睿皇后合葬裕陵諸妃皆  
葬金山惠妃尚葬桃山竟無陪葬者 憲  
宗十二妃皆葬金山惟恭肅端順榮靖皇  
貴妃葬天壽山水陵諸妃陪葬不由隧道  
列於外垣之內實山城之外明樓之前左  
右相向以次而附然 孝潔皇后亦不入  
永陵諸妃亦如之

一百二十六

蜀有邵道人年七十餘始至慶陽慶陽前  
事不能知道人館慶陽周家築土被衲晝  
夜露坐郡中諸少年爭事道人為弟子道  
人不開口言率順指色授人人見道人願  
指色授亦輒心解為奔走輒當道人意道  
人喜視人病令病人張目又令張口噓即  
知病人可活日諸弟子諸弟子置飯病人  
前道人出袖中鐵尺橫飯上誦大悲咒已  
起尺摩病者曰瘥矣不可活道人移出病  
家問死期出指示日數輒念道人不取謝  
錢每歲正月始活一人取尺布裹衲衲完  
弗復取病家有見飯飯道人列枕案上不  
問多少盡飯若加飯更列枕不食飯草惡  
道人顧喜更謝造美食不食飯雜葷物第  
擇去葷物終不欲更造道人又喜飲水鄉  
野人聞之爭入城顧觀道人飲諸弟子令

鄉野人枕水案上無問多少飲輒盡冬月  
水冰聞道人齒間澆澆聲頃之有踴面紅  
汗下如雨慶陽李患脛瘍久不愈問道人  
曰此祟也汝往聘某氏謂其女醜將更聘  
女慚死此其祟汝李大驚伏地頓首請柰  
何道人曰今遇我三日解矣瘍果瘥卒之  
日設几三層坐其上諸弟子夜登几旁守  
道人夜半霹靂隱隱起屋脊俄有戈甲士  
馬戰鬬聲諸弟子懾伏地天明起視道人  
死矣

卷之三

三十一

一百二十七

吾鄉入國朝名臣輩出開創時文成文  
憲籌畫軍旅興制禮樂未四十年而有靖  
難之事則遜志効夷齊之節又未五十年  
而有岳符之事則肅愍收宗李之功又未  
八十年而有南昌之變則端敏發其奸忠

烈死其難陽明平其亂此皆焯焯在國史  
者內閣今纔七人文簡文懿文毅文正文  
忠皆能稱其職矣若章文懿純心正學師  
表海內稱為大老又不可以功名論也

一百二十八

邵文莊公言運法五變一曰海運二曰海  
陸兼運三曰支運四曰兌運五曰改兌恐  
未然予謂運法凡三變初海運再海陸兼

卷之三

三十四

運三漕運已而漕運之法又二變初轉運  
再兌運已而兌運又有支兌改兌遶洋一  
總猶海運但不自太倉開洋遶出登萊大  
洋只從天津入海運至薊州耳轉運雖變  
為兌運而淮徐臨德四倉尚存改兌即改  
支兌者為兌運其為兌運一也非變也今  
考洪武末及永樂初蘇松浙江歲糧俱輸  
納太倉山海道達直沽洪武中航海戾張

赫軸驢侯朱壽永樂初平江伯陳瑄皆督海運及建北京江南糧一仍海運一渡江由淮入河抵陽武陸運至衛輝沿衛沂潞達通州永樂五年議者言北京軍餉河運不能給須兼海運今海船少歲運不過五六十萬石且未設官專領事不歸一請於太倉設海道都漕運使司擇文武大臣中公勤廉幹者充使行移如布政司提調各

金言卷之二

十五

衛所海船并出海官軍 文皇令再議九年始命工部尚書宋禮都督周長等發山東十六萬五千人濬元會通河自濟寧至臨清三百八十五里以通漕舟十年禮言海船造辦太迫請造淺船五百由會通河運淮揚徐兗諸郡糧百萬石補海運一年之數十二年瑄等始議轉運蘇州等府并兗州送濟寧倉河南山東送臨清倉交收

浙江并直隸官軍於淮安運至徐州京衛官軍於徐州運至德州山東河南官軍於德州運至通州名為支運一年四轉十三年增造淺船三千餘乃罷海運遞洋船兌三十萬石內六萬入天津倉二十四萬直沽渡海入薊州倉江南巡撫周文襄議裏河民運多失農月始令民運於淮安瓜州補給腳價兌與運軍衛所出通關付繳宣

金言卷之二

十五

德八年叅將胡亮言江西浙江湖廣江南船各回附近水次領兌南京江北船於瓜淮領兌其淮徐臨德諸倉仍支運十之四浙江蘇松等船各就本司府領兌不盡者仍於瓜淮交兌其北邊一帶如河南彰德於小灘山東濟南州縣於濟寧其餘水次倣此成化七年都御史滕昭議罷瓜淮交兌裏河官軍將江船於江南水次交兌民

加過江之費視遠近爲差十年議准徐臨德四倉支運糧七十萬石改就水次兌軍名爲改兌

一百二十九

宣德三年勅南京刑部侍郎段民考察在京百司以民廉介端謹也民字時舉武進人永樂二年進士庶吉士與修永樂大典除刑部主事又與修五經四書性理大全

卷之三

三十一

進貢外郎郎中十九年陞山東左叅政當是時索唐賽兒急盡逮山東北京尼旣又盡逮天下出家婦女先後幾萬人民撫定緩輯曲爲解釋人情始安上再征虜勅民舟車轉餉節約曲筭省財力民不擾事集上在道中勅民與巡按御史考所過郡縣吏宣德二年召克會試考官三年召入南京戶部爲右侍郎尋改南京刑部九

年卒官貧不能喪吳文恪公力爲經紀始克殮成化間葉文莊公請褒民不果

一百三十

孝皇召見劉忠宣公諭曰事有不可每欲召卿商量又以非卿部內事而止今後有當罷者卿可寫揭帖密封進來對曰不敢上曰何曰先朝李孜省可爲鑑戒上

卷之三

三十一

曰臣下以揭帖顯行是亦前代斜封墨勅之弊陛下宜遠法帝王近法祖宗事有可否外付之府部內咨之內閣可也如有揭帖日久上下俱有弊且非後世法臣不敢效順上稱善久之

一百三十一

馬鈞陽嘗上疏言國制僧道府各不過四十人州三十人縣二十人今天下百四十

七百七十七州千一百四十五縣額  
該僧三萬七千九十餘人成化十二年度  
僧十萬成化二十二年度僧二十萬以前  
所度僧道又不下二十萬人共該五十餘  
萬人以一僧一道食米六石論之該米二  
百六十餘萬石足當京師一歲之用況不  
耕不織賦役不加軍民匠灶私自披剃而  
隱於寺觀者又不知其幾創修寺觀徧於  
天下自京師達之四方公私之財用於僧  
道過半乞嚴加禁約

一百三十二

嘉靖十年三月朔勅諭朕仰惟 太祖肇  
創洪圖奠清宇宙掃除腥穢復我文明克  
享天心君臨億兆必自上世之積乃出中  
夏之元聖顧追報之典未舉而昧幼之懷  
罔遂朕躬承 祖鑒恭行大禋禮今孟夏

之吉祀始自出之祖于太廟奉 皇祖配  
每逢辛丙之年一舉著為成範欽哉親撰  
祝文定擬神牌冠服陳設圖儀凡祭書神  
牌于太廟曰 皇初祖帝神南向 太祖  
配位西向

一百三十三

孝陵奉祀禮專勅皇親如西寧侯駙馬都  
尉宋琥是也成化十五年專勅魏國公徐  
備弘治九年備改守備南京專勅駙馬都  
尉楊偉正德八年偉卒協同守備西寧侯  
宋懌兼掌行祭禮正德十六年懌還京禮  
部請 命南京協同守備豐城侯李旻奉  
祀 上曰孝陵奉祀先年有專官奉勅行  
禮恁部裏還議擬來說改勅魏國公徐鵬  
舉令掌南京中府事蓋琥備偉懌鵬舉皆  
皇親也然自愷以協同守備兼掌祀事而



官無專設矣亦或暫令守備代行不為常典嘉靖十三年鵬舉解守備仍奉祀行禮

一百三十四

弘治二年徽王乞升鈞州為府王端毅公上言今肅府在蘭州潘府在潞州荆府在蘄州岷府在武崗州立國多者八九十年少不下四五十年未嘗改府徽府乞將鈞州升為府治割汝州郊縣魯山寶豐商州

今言卷之三

聖一

許州襄城長葛臨潁鄆城鈞州密縣新鄭改隸所轄不惟異乎前四府仍舊之典且啓前四府改為之端况今各處災荒軍民凋敝欲興此役實非所宜兼且州之與府於王頗無所與改與不改於王似無輕重上是其言移書論王

一百三十五

成化中太監張敏卒姪太常寺丞苗傾貲

上獻乞侍郎上曰苗本由承差若侍郎

六部執政不可可授南京三品左右急持官制請竟得南京通政使是時四方白丁錢虜商販技藝革職之流以及士夫子弟率資終近侍內臣進獻珍玩輒得賜太常少卿通政寺丞郎署中書司務序班不復由吏部謂之傳奉官閣老之子若孫鬻鬻亂已授中書冠帶牙牌支俸給隸但不署

今言卷之三

聖一

事朝參大抵多出於梁方之門弘治間馬端肅公言京官額一千二百餘人傳奉官乃至八百餘人內實支薪俸者九十一人冗官莫甚於今日請因災汰罷上從之

一百三十六

參贊軍務者始於洪熙元年以武臣疎於文墨選方面部屬官於各總兵處整理文書商確機密於是有參贊參謀軍務總督

遷儲景太中大同參政丹陽沈固宣府參政崑山劉璉山東參議會稽周頤廣西副使劉紹如劉清輩又以郎中給事中稱參贊軍務也

一百三十七

王文恪公曰予在翰林與陸庶伯語及楊文貞庶伯曰文貞功之首罪之魁也予問爲何庶伯曰內閣故有絲綸簿文貞晚年以子稷故欲媚王振以絲綸簿付之故內閣之權盡移中官余亦不知其然否及余入內閣見歷朝詔誥底本皆在非所謂絲綸簿乎不聞送入況中官之專與否不在一簿之存亡也顧人主信用何如耳庶伯之言不知何所從授天下皆傳之

一百三十八

永樂元年冬定軍功襲替例自後洪武永

樂宣德年軍職絕不論堂兄弟姪並襲成化十七年以都御史何喬新言凡軍職絕非立功人子孫不得襲弘治十八年又稍許立功人親姪孫已襲者得沿襲正德十四年兵部尚書王瓊又請堂兄弟姪並得襲十六年兵部尚書彭澤言瓊議非是復不許襲會兵部人群失職者流言得復襲嘉靖十年兵部尚書王憲曰不可稍酌議立功人絕同時親弟姪得襲其姪孫以下及堂兄弟姪除親祖例前相沿人自立有軍功者扣襲其無功姪孫以下至堂兄弟姪等及沿襲後別無立功者不許襲旁子孫革職者俱收總旗

一百三十九

徐王宿州馬公 高后父也配鄭氏無子初立廟 太廟東洪武四年即王居立廟

滁陽王定遠郭子興首事濠梁徐王避兵以高后托之遂育爲己女卒於和陽葬滁州夫人張氏三子長戰沒次陷沒幼以陰謀伏罪次夫人張氏一女爲皇妃生蜀王豫王如意王豫王即代王洪武元年建廟滁陽楊王高皇外王父也墓在盱眙王姓陳楊州人卒年九十九無子長女即淳皇后廟初在太廟東後即墓立

卷之二

五

廟三王皆有歲時祭時鳳陽又有以功封鞏昌侯贈陝國公謚宣武者與滁陽王同名武定侯英同母兄弟也

一百四十

洪武十一年封周王於河南開封一郡惟一王府今則郡王三十九府輔國將軍二百一十二位奉國將軍二百四十四位中尉而下不計矣洪武年間軍職二萬八

千有奇成化五年軍職八萬二千有奇成化迄今不知增幾倍矣洪武初年錦衣衛官二百五員今一千七百員此祿俸所以不足也嘉靖八年春詹事霍韜奏云

一百四十一

嘉靖己丑夏勲臣六十五人公六人侯二十二人伯三十七人開國者三人而已南京魏公滇南黔公暨武定侯也餘皆靖難

卷之二

五

征虜平蠻捕倭討賊擒叛之功而外戚恩澤封者乃十有六人文臣封爵如李善長韓國公汪廣洋忠勤伯劉伯溫誠意伯茹瑞忠誠伯徐有貞武功伯楊善興濟伯王越威寧伯王守仁新建伯或沒世而革或再傳而罷甚者戮及其身惟王驥以麓川功子孫尚襲靖遠伯劉瑜近得嗣誠意伯

一百四十二

和寧王阿魯台 文皇封之卒宣德間子  
阿卜只奄率其家屬部落來降授左都督  
其子後陞錦衣指揮使 英宗賜姓名和  
勇以紫荆香爐功擢至都督同知勇子忠  
忠子誠襲錦衣使

一百四十三

宣德三年五月蔡福朱廣薛聚于瓚魯貴  
李忠伏誅福都督廣聚瓚皆都指揮貴指

今言卷之七

四十七

揮忠千戶福等在交趾守又安被賊圍福  
不戰率廣等降賊且教賊造攻具攻東關  
我兵九千餘人憤欲焚賊營福等又令百  
戶牟英告賊賊殺盡九千餘人遂攻昌江  
等城福又歷說各城人降嘗至清化馳馬  
城下大呼曰守城者可見幾全首領不然  
肝腦塗地爲和州羅通等大罵而去至是  
則送福等歸京師悉棄市籍其家

一百四十四

賁鐸之亂本仇賊反正之功封咸寧伯巨  
鎬張永攘爲己功一時惡黨如谷大用馬  
永成陸問魏彬冒以運籌獲封永兄弟富  
泰安伯容安定伯谷大寬高平伯大亮永  
清伯馬山平涼伯陸永鎮平伯魏英鎮安  
伯

一百四十五

今言卷之七

四十八

成化辛卯十二月 悼恭太子薨 茂陵  
方以國本爲憂 泰陵在西宮已二歲顧  
左右莫敢言者既正位 東宮 孝貞王  
后恩勤如已出而 貴妃萬氏者名保護  
之是時輔臣疏云外議皆謂 皇子之母  
因病另居久不得見人情事體未順請令  
就近居住俾 皇子便於接見庶遂母子  
至情逾月而 孝穆紀后崩矣輔臣舉宋

李宸妃故事歛葬皆如禮弘治初始建奉慈殿供養

一百四十六

孝陵長陵皆中宮先崩不立繼后獻

陵至康陵皆后後帝崩裕陵二后

茂陵三后蓋孝肅孝穆孝惠皆母

以子貴尊稱之號也成化戊子季夏孝

莊崩廷臣議葬事云合葬裕陵附食

全言卷之三

卷一

英廟宜如漢文之於呂氏宋仁之於劉后

茂陵重違孝肅意未允彭文憲公姚

文敏公率群臣伏闕號哭竟得如請

一百四十七

國初僞漢陳友諒為勅敵僞吳張士誠次

之吳能西擾建業我則不敢越鄱陽而取

武昌矣是時以長興侯耿炳文守長興江

陰侯吳良守江陰長興守則陸騎不能出

徽欽所以斷平江之掌股江陰守則師舟不敢窺通泰所以扼平江之襟喉吳不我擾而陳氏滅張氏繼之矣

一百四十八

小說云永樂二十二年雷震奉天殿下

詔求言主事蕭儀首言徙都北平非便

長陵震怒加以極刑時科道亦多云朝

廷不宜輕去金陵以致此變因劾與議諸

全言卷之三

卷一

大臣上命言官與大臣俱跪午門前對

辯都御史陳瑛言言官白面書生不知大

計宜加重罪旨令侍臣詰問再三得夏

忠靖公解之遂令各回衙門辦事否則又

有蕭儀之禍矣陳瑛已於永樂九年有罪

下獄死

一百四十九

康陵時司禮鐫王岳范亨忠義果直為逆

瑾所忌亨以正德元年十一月二日充南京淨軍瑾黨長隨王成等追至臨清小沙灘縊殺之十六年四月二十六日詔旨贈官祭葬亨兄璋授世錦衣百戶

一百五十

開國功臣封公侯世襲者券云謀逆不宥其餘若犯死罪爾免二死子免一死若封公侯而子孫世襲指揮使者則云其餘死

全言卷之三

五十二

罪免二次

一百五十一

明氏據蜀東阻瞿塘址恃金牛自謂我師不能克洪武四年春湯中山爲水師率廖永忠輩以舟師由瞿塘趨重慶傳穎川爲陸帥率額時輩以步騎由秦隴趨成都瞿塘果堅守中山不能進而穎川已直擣階

也穎川旣圍成都中山方有重慶之捷

一百五十二

國初駙馬多功臣子弟如韓國公李善長子祺尚臨安東川侯胡海子觀尚南康西寧侯朱晟子琥尚安成瑛咸寧吉安侯陸仲亨子賢尚汝寧汝南侯梅思祖姪殷尚寧國鳳翔侯張龍子麟尚福清武定侯郭英子鎮尚永嘉長興侯耿炳文子璿尚江

全言卷之三

五十三

都西平侯沐英子昕左都督袁洪子容皆尚公主

一百五十三

貞惠安和景皇后汪氏金吾左衛指揮使泉之孫女正統中冊爲郕王妃父瑛銓兵馬指揮已巳景帝即位立爲皇后祖泉兩進左都督瑛右都督尋以無子廢冊皇太子見濟母杭氏爲后復辟之歲改稱

郕王妃瑛亦仍爲兵馬指揮三月進瑛錦衣僉事成化中復皇后位號

一百五十四

弘治甲子六月虜中走回人云聞虜中欲擄黃裏黃裏者京城也時北虜小王子求貢朝廷既許而不至且聞有異謀又走回人云朶顏頭目阿爾乞蠻領三百人與北虜通和小王子與一小女寄養引誘入寇而大同亦告急於是泰陵欲出軍召劉東山面議東山力言京軍不可輕出上曰文皇朝頻年出兵逐虜數百里未嘗失利對曰文皇時何時也有糧有草有兵有馬又有好將官所以得利今糧草缺乏軍馬罷弊將官鮮得其人軍士玩於法利不能殺賊且又因而害人徒費財物有損無益師遂不出

一百五十五

曲靖雲南之襟喉也洪武十四年九月朔傳友德藍玉沐英三將軍率甲士三十萬南征偏師由永寧趨烏撒大軍由辰沅趨貴州大軍遂克普定進攻曲靖僞梁司徒達里麻果悉精兵十餘萬屯曲靖拒我師我師急趨渡白石江遂平曲靖而潁川復城烏撒以通永樂之兵克七星關以通畢節之道雲南亦破而僞梁王走死滇池

一百五十六

洪武三十一年六月武官選簿齊泰由兵部左侍郎進尚書至建文元年十一月二十三日附選齊公已不僉名十二月初七日選則茹瑺爲尚書并公姓亦不載矣豈北平事急公有軍旅之役耶近見新官供詞往往有云鄭村塢殺敗齊尚書軍馬者



豈公時輟部事理戎務耶或謂公倡鼎錯之議及北平兵起復偃然居守令庸懦如景隆者爲元帥卒以誤國豈公固未嘗居守耶據選部如此附之備考

一百五十七

唐虞時天下分九州又析爲十二州夏九州分爲五服商謂九有周九州六服秦三十六郡兩漢十三部西漢之衰也縣邑道

公古史考卷之二

五十五

侯國一千五百八十七東漢則一千一百八十矣晉十五道唐十道宋三十三路元十一省二十三道 我朝洪武初都建康鳳陽爲中都分天下爲十三布政司永樂中以北平爲北京建康遂爲南京又平安南爲交趾布政司割川湖廣南地爲貴州布政司宣德中棄交趾今兩直隸十三布政司統府一百五十二州二百四十縣一

千一百三十四百九十三衛二千五百五十四所宣尉司十二宣撫司十一招討安撫司十九長官司一百七十七朝鮮安南來朝者五十六國速溫河等地面五十八奴兒千烏思藏等都司所領衛所二百三十八

一百五十八

撫州吳與弼天順中石亨薦之 命行人

公古史考卷之三

五十六

賁勅書束帛造其廬以伊傅禮聘之與弼拜使即言朝廷厚意當赴闕謝恩但本意不受官職就辭幣比至授左諭德引見文華殿 上問曰久聞高義特聘爾來如何不受官職對曰微臣草茅賤士少嬰疾病不能出仕今年六十有八衰朽實不堪供職 上曰官僚亦從容優閑不必辭對曰朝廷之職臺諫之次官僚爲重 上曰

宮僚亦眾不專勞先主不允所辭終不敢  
應於是賞文幣四表裹羊酒柴米遣太監  
牛玉送至館 上顧謂李賢曰此老非迂  
闊者務令就職與弼終不就三辭後稱病  
上謂賢曰與弼既來如何不受職若受  
職亦不相拘聽其自在候秋涼欲歸亦不  
固留以俸養其終身不亦可乎復命賢  
論意亦不受留京兩月具本再辭 上曰  
四人言卷之一 五十七

一百五十九

新會舉人陳獻章屢試禮部不第成化五  
年遂還山養母十五年彭惠安公爲廣東  
左轄朱中丞英總兩廣軍事交薦 旨下

吏部移文藩司趣令赴京以舊疾未平母  
年加老辭不赴郡縣促駕不得已十九年  
三月造朝五月吏部奉 旨恁部裏還考  
試了量授職事來說時獻章方病七月赴  
考俄疾作復歸寓八月上疏言母老病求  
歸甚切九月 上旨陳獻章既巡撫等官  
薦他學行老成可用今懇切求回養母吏  
部還查聽選監生願告回家的例來說吏  
部覆請 上旨陳獻章既係巡撫等官薦  
他今自陳有疾乞回終養與做翰林院檢  
討去親終疾愈仍來供職獻章上疏謝去  
四人言卷之三 五十八

一百六十

北邊有戎警則設總制大臣或都御史或  
尚書侍郎兼憲職自巡撫以下皆稟受節  
度米路宣府大同一員西路陝西延綏寧  
夏甘肅一員蓋黃河自金城出中國經戎

地東行南入中國在大同西界偏頭河曲  
延綏東界府谷神木之間故西路有警則  
使人進兵駐河東濱東路有警則延寧道  
兵駐河西濱戎入套則西路之警出套則  
東路之警西路總制治固原在延慶涼洮  
之中東路則往來於宣大嘉靖中改總制  
為總督

一百六十一

今言卷之三

五

正統十四年虜至京城榜購能擒斬也先  
者賞萬金封國公景泰元年購殺也先者  
賞銀五萬兩金萬兩封公官太師殺伯顏  
帖木兒喜寧等賞銀二萬兩金千兩封侯

一百六十二

但訓內府禁密不許造離宮別殿正德  
間左右近侍獻語希恩內起新宅佛寺神  
廟總督府神武營香房酒店外起鎮國府

總督府老兒院玄明宮教坊司新宅石經  
山祠廟店房嘉靖改元詔今在內內官監  
工部錦衣衛科道官在外撫按查勘折毀  
改正或存留別用變賣還官官匠因是陞  
官查革

一百六十三

今言卷之三

六

永樂六年十一月 勅太子太師淇國公  
丘福更兵部尚書兼詹事憲義金忠學士  
兼左春坊大學士胡廣右春坊大學士兼  
侍講黃淮右庶子兼侍講楊榮左諭德兼  
侍講楊士奇右諭德兼侍講金幼孜輔導  
皇長孫

一百六十四

正德二年逆瑾矯勅戒諭百官勒罷公卿  
宦諫數十人又指內外忠賢為奸黨矯旨  
初朝堂畧曰奸臣王岳范亨徐智交通內

閻劉健謝遷尚書韓文楊守隨林瀚都御史戴珊郎中李夢陽主事王守仁王綸孫槃黃昭檢討劉瑞給事中湯禮敬陳霆徐昂陶諧劉華艾洪昌冊任惠李光翰戴銑徐蕃牧相徐進張良弼葛嵩趙仕賢御史陳琳貢安甫史良佐曹蘭王弘任諾李熙于蕃陸崑張鳴鳳蕭乾元姬學禮黃昭道蔣欽薄彥微潘鏗王良臣趙佑何天衢徐鉅楊璋熊倬朱廷聲劉玉玄云遂停日講而尚寶司卿崔瑋御史姬祥主事張瑋何校兩長安門及張家灣謫戍邊

一百六十五

正德年間親王三十位郡王二百十五位將軍中尉二千七百位文官二萬四百武官十萬衛所七百七十二旗軍八十九萬六千康膳生員三萬五千八百吏五萬五

千其祿俸糧約數千萬天下夏秋稅糧大約二千六百六十八萬四千石出多入少故王府久缺祿米衛所缺月糧各邊缺軍餉各省缺俸廩今宗室王二等將軍三等中尉三等主君五等及疏庶人罪庶人凡五萬餘文武官益冗兵益竄名投占徒煩抽補召募名數日增而實用日減加以冗費無經財安得不盡民安得不窮哉

一百六十六

正統初建文君出滇南至廣西一日呼寺僧謂曰我建文皇帝也寺僧大懼白官府迎至藩堂南面跣足坐地自稱朱允炆曰胡濙名訪張儼爾爲我也衆聞之悚然聞於朝乘傳之京師有司皆以王禮見比至入居大內以壽終葬西山不封不樹提學鄧黃潤王賢見之言其狀貌魁梧聲如洪

鐘云帝嘗賦詩曰牢落西南四十秋蕭蕭  
華髮已盈頭乾坤有恨家何在江漢無情  
水自流長樂宮中雲氣散朝元閣上雨聲  
收新蒲細柳年年綠野老吞聲哭未休或  
曰帝頂顱偏頗 高皇知其必不終嘗匣  
髭繚之具戒之曰必嬰大難乃發此以故  
遂爲僧去又曰帝性穎敏能爲詩 高皇  
命賦新月曰誰將玉指甲抓破碧天痕影

金言卷之二

李三

落江湖裏蛟龍不敢吞曰必免於難又嘗  
賦金陵詩曰是日乘輿看晚晴葱葱佳氣  
滿金陵禮樂再興龍虎地衣冠重整鳳凰  
城後至貴州金竺長官司羅永菴嘗題詩  
壁間其一曰風塵一夕忽南侵天命潛移  
四海心鳳返冊山紅日遠龍歸滄海碧雲  
深紫微有象星還拱玉漏無聲水自沉遙  
想禁城今夜月六宮猶望翠華臨其二曰

闕罷楞嚴磬懶敲笑看黃屋寄雲標南來  
瘴嶺千層迥北望天門萬里遙歎段久忘  
飛鳳輦袈裟新換袞龍袍百官此日知何  
處惟有群烏早晚朝

一百六十七

正德五年八月寧夏獻俘入東安門 上  
親賜宴勞頌繫寘鐺於諸王館錦廣等下  
錦衣獄廷鞠奏上皆伏誅寘鐺寘鐺寘

金言卷之二

李四

錫坐黨廢庶人太監張永初見 上乘間  
出懷中疏奏逆瑾十七事且言其將爲不  
軌 上怒夜縛瑾坐謀反凌遲三日諸被  
害者爭拾其肉嚼之須臾而盡九月吏部  
尚書張綏錦衣指揮楊玉石文義坐瑾黨  
伏誅內閣曹元削籍盡革瑾所行亂政害  
人事焚與瑾往返書劄文字論平寧夏及  
議理功封仇鉞爲咸寧伯內閣進勳廢子

又封諸太監兄弟爲伯者七人以楊一清爲戶部尚書南京御史張芹勅李東陽當瑾擅權亂政時禮貌過於卑屈詞旨極其稱讚及他人奏誅瑾則攘功受賞不顧名節東陽引疾辭不允

一百六十八

楊文襄公與太監張永西征也嘆息泣謂永曰藩室亂易除國家內變不可測奈何

今嘉卷之三

五

永曰何謂公曰公豈一日忘情顧無能爲公畫策者遂促席手畫瑾字永曰渠日夜在上傍上一日不見渠不樂今其技附已成耳目廣矣奈何公曰公亦天子信幸臣今討賊不付他人付公上意可知公試班師入京詭言請上間語寧夏事上必就公問公於此時上寘鑄僞檄并送渠亂政凶狡謀不軌海內愁怨大亂將

起上英武必悟且大怒誅瑾瑾柄用

公益矯瑾行事呂強張承業暨公千載三人耳永曰即不濟奈何公曰他人言濟不濟未可知言出公必濟顧公言時須有端緒且委曲上萬一不信公頓首請死願死上前即退瑾殺奴銀狗又涕哭頓首得請即行事無緩頃刻漏機事禍不旋踵永勃然作曰老奴何惜餘年報主乎已而永入京請見如公策竟誅瑾

今嘉卷之三

六

一百六十九

或曰今內閣一人兼四官非禮此不然顧其人稱否耳唐虞三代盛時大禹嗣崇伯爲司空加百揆三官也其帥師征苗又兼士師蠻夷猾夏之職伊尹爲冢宰領阿衡又兼師保太甲稱爲師保高宗稱爲阿衡意當時亦有封爵非四官乎周公以魯矣

代太公爲太師燕冢宰領東伯召公以址  
燕伯入爲太保代周公爲冢宰領西伯司  
馬畢公以列侯代周公爲太師領東伯皆  
四官也景泰時陳芳洲一人領五官矣

一百七十

正德中吏部三尚書張綏坐瑾黨死陸完  
坐宸濠黨王晉溪坐奸黨亂政皆論死減  
謫戍石文隱公代晉溪有匿名書帖吏部

今言卷之三

李十一

門云莫做莫做莫賀莫賀十五年間一連

三箇

一百七十一

嘉靖十五年九月 上奉 章聖皇太后  
率 皇后妃嬪謁天壽山七陵又謁 恭  
讓章皇后 景皇帝后陵於西山 上拜  
長陵六陵陳后陵西山二陵各遣官行禮  
孝陵顯陵亦如之

一百七十二

大同初叛之歲失總兵官所佩征西前將  
軍印職方請給新印余爲主事白郎中總  
兵印文極繁篆請改印文或稱別將軍或  
增減其字恐原印在叛軍處有事時行文  
奏報真偽不可辨誤事非小往年胡忠安  
公在禮部失行在禮部之印改鑄行禮部  
印此在內衙門尚然况邊鎮兵權又反側  
不靖時乎郎中不以爲然

今言卷之三

李十一

一百七十三

永樂甲午十一月 上諭行在學士廣侍  
講榮幼孜曰五經四書皆聖賢精義要道  
其傳註之外諸儒議論有發明餘蘊者爾  
等舉其切當之言增附于下其周程張朱  
諸君子性理之言如太極通書西銘正蒙  
之類皆六經羽翼然各自爲書未有統會



爾等亦別類聚成編務極精備庶幾垂後  
廣等總其事舉朝臣及教官有文學者同  
修開館東華門外明年九月書成 上御  
殿受之群臣表賀蓋未及一年而成可謂  
太速矣時文貞輔 獻陵南京監國故不  
預

一百七十四

歷代名臣奏議 成祖勅纂之書也永樂

今言卷之二

二十九

丙申十二月成進覽刊布先是 上以重

書諭 皇太子令翰林儒臣採古名臣如

張良對漢高鄧禹對光武諸葛孔明對昭

烈董賈劉向谷永陸贄奏疏之類彙錄以

便觀覽云今此書無序亦無監纂編纂官

職名是時西楊在南京佐 太子監國正

危疑之際也

一百七十五

中山王初夫人張氏繼夫人謝氏王出師

歸孝陵諭王曰卿夫人好鞭撻人至死此

不足佐卿朕爲卿擇一佳婦謝夫人是也

謝夫人生四子四女女長卽仁孝皇后次

代王安王妃又次未聘永樂丁亥仁孝皇

后崩長陵諭謝夫人朕欲得夫人季女繼

中宮夫人曰妾女不堪上配聖躬長陵曰

大人女不歸朕更擇何等婿耶季女竟不

敢受人聘從佛氏爲尼於南京聚寶門外

所謂王姑庵者是也嘉靖中霍文敏公爲  
禮書毀之

一百七十六

宣德五年二月上奉 皇太后率 皇后

謁長陵獻陵駐天壽山 上請皇太后令

輔義士奇榮幼孜溥六臣兇行殿 皇太

后曰 皇帝數言卿數人贊輔多用心今

國家清寧生民無事固 祖宗垂佑亦卿

等之力輔等頓首對曰 皇上聰明睿智  
敬天法祖仁愛兆民以致康濟之功此皆  
皇太后聖德大訓臣等實無寸補 皇  
太后曰我有何德上由 祖宗積善垂慶  
卿等先朝舊人自今更須協力一心非  
但國家蒙福 祖宗神靈昭鑒在上亦必  
敷祐卿等俾卿等子孫安榮永世命 上  
賜六臣酒饌白金文綺

今言卷之十一

十一

一百七十七

山西三傑喬公宇王公鳳雲王公瓊白岩  
以德量勝虎谷以節槩勝晉溪以才畧勝  
然而晉溪有功於民社矣

一百七十八

嘉靖庚子辛丑北虜吉囊俺答連入太原  
直至平陽潞安大同將士不用命山西諸  
將望風潰散不肯力戰總兵王陞白爵李

慕張達及巡撫龍大有劉臬相繼下詔獄  
四總兵論死兩巡撫戍邊已而四總兵千  
方營解得脫死立功自贖輒以功報得復  
舊物兩巡撫尚未脫士伍

今言卷之二

全言卷之三

海鹽鄭曉

一百七十九

初設內閣楊文貞公歷二十三年官止五品后加至少師止兼兵部尚書華蓋殿大學士三官雲憲定公以少師兼吏部尚書掌部事不欲文貞班在忠定上以存冢宰統百官均四海之職陳芳洲雖五官亦止

全言卷之三

乙

戶部尚書此後惟李文達公以吏部侍郎後領吏部尚書而彭文憲商文毅萬安相繼領吏部尚書自後遂為首相故事正德嘉靖間遂有一內閣皆領吏部尚書者

一百八十

景泰四年九月以太常少卿兼侍讀學士陳詢為國子祭酒時祭酒王恂卒監丞安貴言太子少師侍郎學士蕭鎡任祭酒諸

生悅服乞照胡儼例不妨內閣職務時來提督儀刑後學上不許以詢代恂永樂中儼寔出為祭酒不復入內閣也

一百八十一

景泰四年六月戶部尚書金濂上京官折俸銀除公侯駙馬伯武臣每季十二萬四千三百十二兩奇文臣三千五百八十九兩奇

全言卷之三

二

一百八十二

景泰四年刑科給事中曹凱言比者戶部請聽軍民官吏輸豆如輸豆四千石以上授指揮歷俸十六七年償彼豆倍半矣又令管事世襲以生民脂膏養無功之子孫於無窮也有功者必曰吾累世忘軀獲此官彼輸豆亦獲此官朝廷以吾軀命同於菽粟其誰不解體起端雖微弊流甚大乞

初輸粟豆授武職者帶俸不任事不世襲  
犯贓罪如文職止許原籍衙門帶俸終身  
上曰凱言有理已授職者仍舊管事承  
襲今後悉如凱言

一百八十三

宣廟坐左順門少保原吉等侍因語及古  
人信讒事 上曰讒慝小人真能變白爲  
黑誣正爲邪聽其言若忠究其心則險是  
以帝舜聖讒說孔子遠佞人唐太宗以爲  
國之賊朕於此等每切防閑有萌必爲杜  
絕不使姦言得入枉害忠良齊殺斛律光  
國遂以弱朕常爲恨汲黯正直姦邪寢謀  
卿等所宜法也原吉等頓首曰幸遇 聖  
明臣等敢不竭盡愚直

一百八十四

嘉靖甲申大同伍堡軍叛殺巡撫張文錦

叅將賈鑑時總兵江桓坐視不能討賊朝  
廷罷桓以桂勇代之令桂疾驅入大同誅  
首惡撫脅從且遣都督魯綱總兵侍郎胡  
錠提督軍務率兵屯陽和堡候勇誅首惡  
撫定即班師勇已誅郭巴子等首惡十七  
人錠綱以爲功非已有起營而西大同軍  
復閉門及罵勇倒鬼誑我縛勇欲殺之勇  
不屈言汝等再殺我闔城無噍類矣乃釋

金言卷之三

四

勇盡殺勇家丁代王微服走宣府錠等又  
妄言功奏捷中朝皆知之不得已召還京  
是時內閣費宏不欲再用兵幸無事余及  
甌寧李默各上疏乞討賊李疏報聞余疏  
乙酉正月十七日進留中薊州總兵馬永  
亦請自率兵討賊不聽以故大同叛軍至  
今爲邊鎮大禍

一百八十五

河套古朔方我朝自正統後漸棄東勝於是河套遂爲虜巢然亦時去時來近年吉囊俺答二酋連歲殘破秦晉久駐套中先朝大臣屢有復套之議成化八年遣吏部侍郎葉文莊公行視文莊以爲未可輕議特繕障增戍謹備之便九年遂移延綏鎮城於榆林此余肅敏經畧之功也王恭襄公又以肅敏爲失策嗣後楊邃庵亦屢議

古今卷之三

五

及河套然亦財力不給不敢力主其事旋議旋罷嘉靖丙午侍郎曾銑自山西移爲陝西總督上言復河套事內批嘉獎然中外皆知兵窮財窘且無文武將吏恐撻強胡備不可解然亦顧忌莫敢言者銑區畫兵食關中騷動人有怨言又請戶部銀多至百萬而人益不喜銑又劾河西總兵戚寧侯仇鸞鸞被逮會丁未仲冬澄城山

裂而移者相去四五里有分崩離析之象是冬臘月辛未京師大風霾今皇帝敬天疑畏以套議問輔臣分宜言貴溪左右銑爲此議者臣不得預臣亦不能止不敢言上遂大怒逮銑奪貴溪輔弼官以尚書致仕而咸寧侯又發銑匿出塞喪師諸事賄貴溪得解及河套不可復狀上益怒貴溪行至丹陽逮繫入京銑事下錦衣

古今卷之三

六

訊上又下法司會官擬銑罪法司言銑犯無正律上怒今再議竟論死銑爲御史時計擒遼東叛軍有功陞大理寺丞又尋陞僉都御史巡撫山東時山西被虜數寇殘殺銑山西山西二年得無虜患又寇陝西時陝西總督尚書張珩謫戍銑代之貴溪至死論死坐交結近侍律也

一百八十六

王虎谷爲祠祭郎中疏請嚴試僧道精通  
玄典者始與度牒王晉谿問之曰兄謂此  
可塞異端乎若如兄策此輩欲得度必有  
精通玄典者出於其間今二氏之徒苟且  
爲衣食計尚不可遏塞與吾儒爭勝負若  
使精通玄典又可奈何虎谷嘆服

一百八十七

團營始於景泰三年于肅愍公建議也兵

金言卷之三

七

制本三營一曰五軍肆戰陣一曰神機習  
火器一曰三千備宿衛此三營中選健銳  
者合營團操故曰團營然原營之名終不  
改如軍選自三千營團操於立威營即名  
爲立威三千營五軍神機亦如之是三營  
之有團營即選鋒也今又於團營中選官  
軍則名東西官廳操練名聽征而聽征者  
下足用兵部尚書提督團營將校以黜

陟所在乃肯奉法若別設一尚書專領  
務彼知其權輕不肯受約束掌印尚書又  
恐一旦有警督營尚書便當統兵四征又  
力辭營務耳

一百八十八

紫荊之有提督都御史自孫祥始也薊州  
之有邊備都御史自鄒來學始也皆景泰  
初事嘉靖庚戌俺答犯京城畿內設官多

金言卷之三

八

矣紫荊有艾希淳又有侍郎翁萬達經畧  
薊州有吳嘉會又有侍郎何棟提督通州  
有都御史王忬天壽山有都御史許宗魯  
坐院都御史商大節經畧京城內外若景  
泰時都御史又有河間蕭啓真定陸矩保  
定范進居庸王竑巡關侍郎江淵紫荊白  
雲馬大理卿孔文英少卿曹泰寺丞段  
壽改參贊京圻涿易真保通五路軍

務

一百八十九

沿邊諸鎮惟遼東最易治虜寨亦弱又  
我官賞交市且地饒魚米鹽馬近年撫臣  
於赦減賜物又計殺虜酋遂失虜心嘉靖  
丁未撫臣胡宗明因虜屢來侵掠撲殺虜  
百八十人虜大恨戊申春結衆深入遼西  
殺掠人畜萬計宗明及總兵戴廉罷任聽  
助起李珏代宗明珏未行被劾得留珏  
素有才操履亦慎大獄謫戍後起撫山西  
遂不及曩時

一百九十

永樂十七年十二月勅五軍都督府北京  
留學後軍都督府兵部邇來軍伍空缺器  
械損壞互相蒙蔽欺誑百端豈欲賣朝廷  
危社稷乎其急整飭違者必殺無赦

一百九十一

廖均卿江西人精地理 成祖擇壽陵久  
不得吉壤永樂七年 仁孝皇后尚未葬  
禮部尚書趙珪以均卿至昌平縣徧閱諸  
山得縣東黃土山最吉 成祖即日臨視  
定議封爲天壽山命武義伯王通等董役  
授均卿官或曰定長陵者王府尹也亡其  
名亦不知何許人

一百九十二

新建伯王公爲汀贛都御史據江西上流  
意藩府久蓄逆謀恐一旦變起先事預防  
以討山賊爲名請得提督軍務兵書王晉  
溪知公意請如公言正德十四年六月宸  
濠及公適勘事福建道經豐城縣令顧泌  
告公宸濠反狀公急走小舸返至吉安與  
知府伍文定起兵討賊發檄召江西諸知



府郡均等兵又密遣諜四出投檄言京師  
及湖廣廣東西南南京淮安浙江各發兵討  
賊以疑宸濠使不敢出南昌又致叛臣家  
族謬託心腹云吾直應勅旨且聚兵耳  
又曰寧王事已成敗未可知吾安能遂進  
兵賊果疑四路兵且至不敢直趨南京又  
喜公或不進兵遲回數日出南昌攻南康  
九江安慶公兵大集始傳檄罵宸濠賊又  
遣人致書與賊心腹李士實劉養正及閔  
廿四吳十三若有約內應者書既發故令  
人洩賊黨書所過處賊黨以告宸濠宸濠  
盡得致書人及書遂疑士實等士實等勸  
宸濠去安慶直趨南京否徑出蘄黃趨京  
師宸濠不聽公進兵攻破南昌擒其居守  
宜春王拱條等及宸濠子三哥四哥宸濠  
時文安慶聞之解圍反顧巢穴公迎戰樵

古今言卷之三

十一

舍縱火攻之大破賊擒宸濠及其子大哥  
當是時南京大震非公牽制上流疑賊賊  
不犯南京必走蘄黃矣公既擒宸濠諸奸  
江彬等導上南巡下詔親征諸奸欲攘  
功忌公危言巧譖百方欲去公當是時宸  
濠未死諸奸素通宸濠得金錢者多在  
上左右頗有異謀畏公不敢發公深機曲  
筭內戢奸倖外防賊徒撫定瘡痍激勵將  
士日夜如對勅敵宸濠竟得伏誅內閣大  
臣素惡晉溪亦忌公而公以提督軍務故  
得專制召兵平賊歸功晉溪內閣不說久  
之不論功今皇帝即位詔錄公功封新  
建伯兼南京兵部尚書參贊機務遣使迎  
至京宴勞諸忌者又以晏勞書為詞嫉言  
公論阻公不得至京外艱去服闋竟不召  
遂謫在起屢形奏牘雖封爵賜號竟不與

古今言卷之三

十二

鐵券歲祿一時勤王有功諸臣中傷廢斥殆盡惟文定得陞副都御史廕一子千戶邢珣徐璉戴德孺陞布政使德孺死於水珣璉亦被斥陳槐削籍紀功御史伍希儒謝源以考察去官公不自安累疏辭封乞錄諸勤王者功竟格不行

一百九十三

麻陽之役師老財匱言官論奏竟爾中輟

公言卷五

十三

初廣貴二省撫臣謀議不合起萬治齋鏜勘處治齋不欲用兵力言撫便已有端緒遽召還京已而賊復出抄掠湖撫姜儀貴撫王學益請合兵進勦楊叅將赴湖過辰州爲賊所縛姜畏罪上言王兵失期不至內批切責務期盡平四川巡按袁鳳鳴遂劾王逮下詔獄以李義壯代王用兵數月日費千金官軍煩挫人畜殘破遂罷兵姜

降三級外任蓋勤既無功撫又失策矣自古南蠻與北狄不同四夷經見者自三苗始干羽兩階今可鑒也本朝累有征蠻之役未有得全勝者蓋寧河武順王時然矣

一百九十四

端者惟三太宰謚文端端毅端肅一司徒文端一司馬端敏近日秦鳳山亦端敏吳白樓亦文端

公言卷五

十四

一百九十五

陝西脩邊正德初楊文襄公建議經理爲逆瑾所惡被逮去兵部以修牆議是上文貴張孫曹元三人乞簡一人繼成其役瑾不肯盡取修牆銀鎔爲大鐘入瑾私室至嘉靖八九年王恭襄公起督陝西修花馬池一帶邊牆三百里甚堅壯可恃先是寧夏巡撫徐廷章延綏巡撫余子俊皆有脩

之功史琳亦嘗請經畧花馬池邊塞而  
秦襄毅公爲總制不以爲然止築肆伍小  
堡弘治甲子乙丑虜大入花馬池塞殘破  
陝西以是簡用文襄竟爲權奸所沮

一百九十六

越國公守蘭溪獲月庭和尚檢囊中有天  
文地理書越公留之帳下 上征婺州越  
公與月庭見 上并上其書 上喜問月

卷之三

五

庭師何人曰師龍游朱德明德明精於天  
文及得婺州立觀星臺 上與月庭夜登  
臺觀乾象令長髮爲取妻月庭與鐵冠道  
人議論時不合又出語犯 上安置和州  
參軍郭景祥奏和尚怨謗遣人至和州杖  
之死又有復見心者能詩文 上時召見  
賜食見心本名天淵髯長尺許仕元爲學  
士元亡削髮爲僧髯如故 上怪而問之

曰削髮除煩腦留鬚表丈夫

一百九十七

大禹治河易今治河難大禹時直欲除害  
今併欲興利以故其難旣欲順其流不逆  
水性必難得其濟漕運旣欲濟漕運難保  
淮西陵寢無衝決之患大名張秋濟寧徐  
州處處畏河患又必須引之東南流雖大  
禹治之恐亦便無長策以故中漕之運及  
膠河故道皆不可不早齒之膠河即今所  
謂南北新河不出登萊大洋之險直自安  
東至海倉三百里耳

卷之三

十六

一百九十八

嘉靖壬寅虜孔棘兵書張瓚恐統兵出  
禦於會推總督文臣疏中歷舉往年禦虜  
皆遣都御史故事奏下吏部時文選郎中  
謂余曰往時邊事急推總督文臣皆兵部

會府部諸衙門議上今乃移吏部又必欲  
推都御史奈何余曰渠負國恩邊事大  
壞今猶爲此奸巧渠獨不知虜棘本兵自  
出乎天順五年李來寇陝西馬昂統兵木  
麓川之役王驥嘉靖初河西之役金獻民  
皆本兵也景泰時于少保自請行邊嶺南  
蠻反用兵久無成功議設兩廣總督于少  
保亦自請行此獨非故事耶已而廷推首  
上瓚次毛伯溫劉天和三人皆兵書毛掌  
院劉督團營又次起用翟鵬內批用鵬

一百九十九

張三丰遼東懿州人名君實字全一又字  
玄玄別號保和容忍三丰子不飾邊幅人  
號張儼偈日行千里靜則瞑目旬日一啖  
斗升輒盡又或辟穀數月洪武初至太和  
山往來長安隴西岷州甘肅又至揚州

成祖遣禮科都給事中胡濙名求儼偈寔  
訪故君云或曰三丰死於勝國歟矣臨窆  
復生入蜀遊行襄漢間

二百

嘉靖癸卯王湛泉與齡爲文選郎中起用  
周恭肅公以工部尚書總理河道忌王清  
勁者倡言河道無用尚書故事王以問余  
余曰永樂初開會通河尚書朱禮實始其

今言卷之三

十八

事西涯詩所謂幾度會通河上過竟無人  
說宋尚書者是也景泰時河決張秋尚書  
石璞治之正德中李燧亦以尚書治河嘉  
靖初年江南白茅港之役李充嗣亦尚書  
也

二百一

許紳南京人質實謹厚不喜交遊大抵有  
恒人也以鑒術仕至工部尚書掌太醫院

事嘉靖西苑宮人之變 聖躬甚危得紳  
藥始蘇余嘗造問 聖躬安否紳曰此變  
禍不測論官守非余章事切念受 聖主  
深恩當以死報只得用桃仁紅花大黃諸  
下血藥藥進余自分不効必自盡賴天之  
靈辰時進藥未時 上忽作聲起去紫血  
數升申時遂能言又三四劑平氣活血  
聖躬遂安天地廟社之靈也以故加紳宮  
保後數月紳病余視之曰余必不復起曩  
西苑用藥驚憂所致至今神魂不寧百藥  
不效余即死 主上萬壽死無憾竟以此  
病卒 上憐之卹典甚厚

二百二

景泰元年五月漕粟十五萬石自丁字沽  
舟行抵雄縣分給軍餉

二百三

國初湖廣有所謂靈通侯者鄱陽之役有  
所謂拾命王者二人竟莫可考

二百四

袁珙字廷玉鄆人少遊海上遇異人授相  
術論人吉凶輒驗 成祖聞廷玉名洪武  
二十三年九月密召至北平一見伏地叩  
頭仰對曰殿下龍質鳳姿天高地厚大明  
麗中神畀內蘊真太平天子 成祖問度

在幾何時對曰年踰四十紫髯過臍當是

時撥亂反正萬邦一統 成祖喜留府中

久之已而乞歸靖難後召爲太常寺丞子  
忠徹序班出金錢幣厚賞珙巡狩北京召  
珙父子至行在出入禁廷未幾珙請老歸  
卒贈太常少卿忠徹能傳父術建文初  
又召問忠徹對曰天命有之無憂也獻  
人象大成書靖難後除忠徹戎籍會有言

楚王子重瞳者遣往視還奏無他異宣德中嘗侍上言天顏慘肅恐宗人有急變謀上者未七日樂安反書至官尚寶少卿致仕卒年八十三

二百五

林見素劾繼曉下詔獄茂陵怒甚事且不測司禮太監懷恩叩首諍不可曰殺俊將失百官心將失天下心奴不敢奉詔

金言卷之三

二十一

上大怒曰汝與俊合謀訕我不然安知宮中事舉硯擲恩恩以首承硯不中又怒仆其几恩脫帽解帶伏地號泣曰奴不能復事爺爺矣叱恩出至東華門使人謂典詔獄者曰若等誚梁方合謀致俊死若等不得獨生乃徑歸卧稱中風不能起上怒解命醫治疾屢使勞問俊得不死時星變

奉官御馬張敏請馬坊傳奉者得勿

黜持疏謁恩跪庭下恩徐曰起起病足不能為禮問何為曰得旨馬坊傳奉不必動恩大聲曰星變專為我輩壞國外臣何能為今甫欲正法汝又壞之他日天雷且擊汝首指其坐曰吾不能居此矣汝兄弟一家徧居權要又欲居我位乎敏素驕貴又老輩聞其言不敢吐氣歸家憤恨死章瑾進寶石求錦衣鎮撫命恩傳旨恩曰鎮撫

金言卷之三

二十二

掌詔獄武臣極選柰何以貨故與瑾上曰汝違我命乎恩曰非敢違命恐違法耳改命覃昌傳旨恩曰外廷倘肯諫吾言尚可行因諷余蕭敏執奏吾且從中贊之余謝不敢恩嘆曰吾固知外廷無人王端毅為都御史屢上疏論事言甚切直恩每嘆曰天下忠義斯人而已力左右之卒免於禍弘治初大開言路言者輒指內臣為刀

鋸之餘單昌大怒恩曰吾儕本刑餘之人又何怒焉

二百六

王士寧生元至正甲辰至成化癸卯年百有二十士寧少慕養生不受室飲酒食肉走蜀入雪山投見一老人披氈衣卧深洞中石牀上長三尺餘耳目口鼻手足皆類小兒士寧頓首拜不答因執役左右老人

今言卷之三

三

不飲食坐側懸一囊中類乾麵飢輒取啖渴手掬飲礪水壹貳升士寧飢跪乞食老人與囊中物苦澁不能下咽士寧拾啖山果野菜居三年老人憐之忽曰吾語子術子識之宜出山非其人莫授士寧出雪山後事下可知其在濟寧居城東深巷敗屋中已六十年濟寧人竊旁伺士寧久絕火

日啖棗數枚或菜數莖飲水少許人

覬遠輒不肯受濟寧指揮王宣者海州人往見士寧駭曰吾上世有叔祖士寧好道棄家去竟不知所終翁得無是扣家事皆合宣因日與來往成化七年朝廷下山東徵士寧俾乘安車來楊文懿公道濟造士寧問但曰靜坐寡慾坐久瞑目閉息曰我老無能朝廷過聽召我我未聞道但習靜已久近乃日與人接大敗吾事文懿因

今言卷之三

三

問元末國初事曰一身之外百無所知

二百七

遼東之不隸山東先朝有深意遼山多苦無布山東登萊宜木綿少五谷又海道至遼一日耳故令登萊諸處田賦止從海運運布遼東無水陸舟車之勞遼兵喜得布

又得販遼貨兩便之後以來帶私貨

上海船遂廢今布運者又不得由遼



洋運船海道須經京東出山海關入遼苦勞視登萊海道何啻百倍此以人事言若論地利遼東須直隸京師爲東輔

### 二百八

洪武初設太倉黃渡市舶司至今稱爲六國馬頭尋以海夷黠勿令近京師遂罷之已復設於寧波泉州廣州七年九月又罷後乃復設提舉一人副提舉二人屬吏目

今言卷之三

三五

一人驛丞一人三提舉司皆然

### 二百九

嘉靖庚子北虜破大同塞深入山西時兵部三尚書張璠掌部事毛伯溫掌都察院事劉天和提督團營皆不肯帥師禦虜起鄧御史程鵬於家總督宣大偏保山東河南等處軍務駐大同境上鵬質直端勁外朝幅內有經緯不善附權貴通賄遺有

前輩大臣風節柄臣惡之北虜退拮據細故閑住明年虜又至諸大臣益畏懼莫肯出大同復起鵬提督如故以防禦功歷陞兵部尚書甲辰兵部議掣防秋兵太早虜直犯紫荆上大怒逮鵬詔獄謫戍邊行至河西務借宿民家不納告之鈔關主事主事撻民家留鵬宿民家告之東廠以聞遂復逮鵬瘦死錦衣獄先是樊繼祖爲總督喪師失律且殺良民報功侵費帑金數十萬以厚賂巧媚得無罪

今言卷之三

三六

### 二百一十

西南夷自國初爲梗洪武已已征南將軍傅友德帥二十四將軍分駐湖廣四川練兵防西南夷友德尋召還時中原既定而西南夷屢叛用兵無虛歲

### 二百一十一

正德庚午逆瑾既縛治黨與長沙欲逮內閣曹元太監張永曰老先生勿開此路當爲日後計元得削籍去正德辛巳新都因言官論晉溪票擬下詔獄且將殺晉溪司禮曰萬歲今纔年十五王天官左班大臣一旦至此恐日後事不可料大禮議時永嘉欲逮新都司禮亦不肯

二百一十二

金言卷之三

二十七

劉千斤者荆襄大盜景太天順間河南北襄南湖北流民聚勛房山中者數十萬四出行劫急或拒相歐脫官府捕之輒匿未敢公然格鬪成化元年流劫鄧州李家李家豪有力盡聞諸上官云不捕且入奏官府集兵圍捕急遂糾衆反稱大王將軍國老軍師先鋒推千斤爲主劉長子苗龍虎剛之石和尚爲謀主勢甚猖獗攻掠河南

南陽鄖陽西至漢沔東及蘄黃尚書白圭撫寧伯朱永督諸軍進討至漳南湖廣總兵李震以土兵來會議進兵方略千斤等懼遂擁衆出戰厲永病主督震分兵截勦破賊賊退保寨我兵乘勝進攻破之擒千斤龍虎等和尚長子脫走益深入萬山中永病起帥諸兵入山搜捕襄陽文總旗者隸都督喜信指揮張英下頗驍健遇長子相搏不勝長子欲殺文總旗總旗曰榜急石和尚汝無主名汝能縛和尚獻軍門陞賞有榜例遂與俱見英英撫勞長子遣去果誘獲和尚諸將忌英功大譁英匿賊賊英俱不敢爭長子和尚竟以俘獻并千斤等伏誅未幾千斤餘黨李胡子及野王剛小王洪亦友都御史項忠討平之成化年設湖廣行都司於鄖陽都御史一人

金言卷之三

二十八

撫治寇盜稍息

二百一十三

方遜志在翰林寵任時薦西楊西楊修實錄乃謗方叩頭乞餘生西楊薦陳芳洲不薦東西兩王芳洲喉人訐西楊之子稷稷竟坐法論死西市芳洲令徐武功更名以圖進用又力薦武功武功竟置芳洲於鐵嶺武功爲石總兵畫奪門之謀石總兵又置武功於金齒近日永嘉貴溪亦頗類此

金言卷之三

二十九

二百一十四

洪武十一年令考績殿最分三等稱職無過爲上賜坐宴有過稱職中宴而不坐有過不職下不預宴敘立於門宴者出然後退十七年令方面官無侵郡縣之職

二百一十五

嘉靖壬寅起故右都御史萬鏜爲副都御

史勘處湖貴蜡爾山夷情明年萬疏有曰此夷先是宣德七年用兵十二萬攻圍九箇月勦賊過半正德七年用兵伍萬攻圍四箇月勦少無多今初擬用兵陸萬期以半年臣博訪各賊巢穴如蜡爾等山接連三省當其險絕之處晦冥之時一夫拒守百夫莫前與其多兵以冒險而犯欲速之虞不若減兵以蓄糧而圖持久之効乃減兵三萬大抵以勦之威行撫之恩今雖平定但地方大壞極敵苗夷易動難安目前雖已寧帖而後患所當預防遂條上方畧專意防守不事征進後至丁未遂大用兵兩省騷動迄無成功萬又嘗有書與中朝人士其畧曰苗賊巢穴如蜡爾雷公等山峒接連湖貴四川周回千數百里徑梧所居人跡罕至其懸崖鳥道莫可躋攀狹路

羊腸不容並足且竹箐叢生彌望無際幽巖曲澗在在皆然鱗次櫛比殆無空隙人非側肩俛背莫能入也賊從內而視外則明每以伏弩得志我從外而視內則闇雖有長技莫施密據軍前漢土官負曾經兩廣滇蜀等處往進者皆云山峒之險峻各省亦有之至於竹箐之深阻則所未嘗見也其地利之難如此苗巢所居率皆險僻幽翳天晴之日亦將午而後開朗未晡而已晦暝但遇稍陰即霏霧迷濛尋丈莫辨計其陰雨十常六七蓋山嵐瘴濕氣候鬱蒸之所致也其天時之難如此先年土官守法易以駕馭苗夷確魯易於牢籠自正德以來邊方多故土官征調皆顧倩此苗以爲前鋒用能克敵稱強及至近年土官犒讐各厚餌此苗以助攻殺因而啓釁生

亂由是土人與苗互結姻親情多牽制且其技倆亦爲賊所窺破無復畏憚今用土兵不免前弊欲擯而不用彼以切近之地素稔之情不但引誘窩藏在所必有甚或借兵齎糧豈能盡防况湖貴官軍皆不足用湖廣除本順保靖之外其餘土酋可調之兵能出千數者無幾至於貴州舍酉陽平茶之兵愈少而愈難矣必欲別省調兵則又不諳地理成功難必而其沿途擾害尤不可言決難輕調其事勢之難如此苗賊常言朝廷有千萬軍馬我有千萬山峒又云諸葛亮有七縱七擒我苗有三緊三慢所謂緊者軍退則突出劫掠所謂慢者軍臨則散漫潛藏又云不怕官府軍多只怕官府糧多蓋以軍雖多而山箐深險力未易施糧若多而圍困久長勢將自斃然

彼明知道路便銚糧運甚難料不能多故  
為此言其狡夷巨測之難如此歷觀史牒  
所云大率皆然故昔人云自古用兵未有大  
得志於南夷者誠有以也前此兩省官  
司非不知地方之害亦非無滅賊之心然  
而莫肯以勦賊為己任者蓋亦畏其難耳  
况遠得於傳聞者恒失其實旁觀於閒暇  
者每易其言不以為邀功生事則以為勞  
師費財人亦何苦冒地方之利害而招已  
身之艱危乎積習有年稔亂斯極其獨力  
任事之難如此

二百一十六

京師在北平宣府大同視周漢唐朔方近  
有言止守居庸鴈門此乃誤國之賊又或  
言盡撤山西兵專力并守大同亦非良策  
大寧藩籬鴈門門戶藩籬以禦外侮門戶

以固內防二者皆不可缺

二百一十七

近日七人知人文者多有其人惟光祿少  
卿樂護鳴毀華原楚為精二人共上五  
星聚營室疏其言暢懇切禮官覆疏亦直  
言規戒皆可傳

二百一十八

景泰四年八月二科給事中徐廷章條上

奏全京官制

三十四

七事一重官爵部增尚書一人左右副僉  
都御史至三十餘人人加師保名器猥濫  
二慎師儒今教官多歲貢監生及山林儒  
士素無問學輒為人師授經且句讀不明  
問難則汗顏莫對宜用副榜舉人便三嚴  
科貢近科舉開額陝西山西百名三倍於  
昔會試禮部百無一中歲貢亦四倍於昔  
比及入監即以存省京儲悉遣還家請依

宣德正統例四却珍奇蠻夷僊貢金銀寶

石火鷄白鹿諸物未為國瑞而傳道病民  
納侮夷狄請一切謝絕五固封守河南山  
東湖廣浙江內地可省巡撫官遼東永平  
紫荊諸邊鎮不可缺宜定選二人更代無  
使熟情僨事六禁誦瀆京師每節序男婦  
雜沓寺觀淫穢敗倫乞懸榜禁約七誅阿  
附吏部尚書何文淵以奸邪免官許資王

全言卷之三

三十五

魏汪庭訓陳鈍何澄王遠皆依附文淵並  
宜治罪上曰朕即位初加秩舊臣資匡輔  
其如故餘下有司議報聞

二百一十九

大同古雲中宣府古上谷虜入大同塞必  
犯紫荆關馬入宣府塞則犯白羊居庸自  
獨石邊外順潮河川南下則古北口黃花  
鎮不能禦矣大同宣府有重兵古北口黃

花鎮兵最弱

二百二十

景泰三年沙灣堤壞遣訓導陳冕修築先  
是冕以沙灣功陞教授比沙灣復決冕奏  
言欲息斯患在用人工部惡冕請送冕山  
東巡撫責其成功否械赴京師既得旨給  
事中陳嘉猷言朝廷嘗榜求治河之畧竟  
未有言冕嘗有修河績今更進言而工部

全言卷之三

三十六

嫉之必欲置諸有罪之地人人皆將緘口  
不言其他利病甚於此者孰肯復言冕不  
足卹而國體所關甚重乞令冕協同巡撫  
等官修築使上從之

二百二十一

南京城大抵視江流為曲折以故廣袤不  
均其間非惟民經野辨方正位之意大內  
天宮亦不無偏狹且福城卑窪太子太孫宜皆

不祿江流去而不留。山形散而不聚。恐非帝王都也。以故孝陵欲徙大梁關中。長陵竟遷北平。

二百二十二

南京大內近多圯壞。以王廷相建言故也。今端門樓已毀。承天門樓將傾。數年之後。當大壞。宗廟火亦當復建。神所棲也不知其神在彼乎在此乎。故成王在鎬京而文

今言卷之三

手七

武王廟豐及洛都皆有之。夏言九廟議誣甚。

二百二十三

永樂壬寅。上北征。五月駐獨石。大閱將士。英國公輔安遠侯升寧陽侯懋武安侯亨陽武侯祿隆平侯信應城伯亨新寧伯忠興安伯

亨馳射應城伯不中罷其領兵  
隆平侯稱疾不至降辦事官

二百二十四

戴元禮名思恭。以字行。金華人。學於丹溪。朱彥脩初仕御醫事。太祖藥餌輒效。風雨即免。元禮朝洪武三十一年五月。上病少間。輦出御右順門。召諸醫官治疾。無狀者盡付獄。獨召元禮至榻前。曰。汝仁義人也。事無預汝。無恐。太孫即位。誅諸侍醫者。獨拜元禮太醫院使。遼簡王肅莊王慶靖王皆奔喪。至京。聞太孫道。太祖語哭。

今言卷之三

手八

問勞元禮。簡王題仁義字。大軸莊王靖王為贊詠。賜元禮。或曰。文皇以舊恩陞元禮院使者。誤也。初洪武丙寅。文皇患瘕。韓公懋治久不愈。請元禮至。問所用藥。曰是也。又問。文皇嗜何物。曰生芹。元禮曰。得之矣。投一劑。夜暴下。視之皆細蝗也。晉恭王病。亦請元禮。得愈。病已復發。卒。太祖怒。逮治王國諸臣。元禮侍曰。臣嘗奉命



泰王王飲臣藥數矣臣對王病毒在膏肓  
即復作不可治今果然 太祖遂釋晉王  
諸臣尚書嚴震直病 上令元禮好治之  
香且償命一劑而愈有妃嗜燒酒腹痛治  
之愈曰十年必復發發不可治後十年竟  
病腹痛死王賓者吳中高士願受元禮方  
書元禮索賓拜師事我我與方書賓不肯  
一日詣元禮值他出有書八冊案上賓袖  
去元禮歸驚嘆自失賓不娶臨終以其書  
授盛啓東韓叔暘

二百二十五

嘉靖壬寅七月朔日食遂貴溪去時諸城  
一人在內閣中秋分宜入內閣甲辰諸城  
以二子舉進士爲言官所劾父子並削籍  
數月後還寶許太宰石首張宗伯二人同  
入內閣丙午許乞致仕閑住去張病卒是

冬復召貴溪貴溪至而壽寧侯張延齡死  
於西市戊申冬貴溪亦如之

二百二十六

溥洽字南洲浙江山陰人洪武初薦高僧  
入京歷陞左善世靖難兵起爲建文君設  
藥師燈懺詛 長陵金川門開又爲建文  
君削髮 長陵即位微聞其事因南洲十  
餘年榮國公疾革 長陵遣人問所欲言

今言卷之三

平一

言願釋溥洽 長陵從之釋出獄時白髮  
長數寸覆額矣走大興隆寺拜榮國公床  
下曰吾餘生少師賜也仁宗復其官卒年  
八十二

二百二十七

南京吏部題名記首高嵩洪武三年任次  
張銘善次郎本中次陳脩又次滕毅毅註  
洪武四年任今考毅於初設吏部時與楊

士義等六人爲六部尚書入見奉天殿受

面諭毅後趙瑁瑁後高嵩李信詹同同

洪武四年爲尚書兼翰林學士承旨七年

出吏部爲翰林學士承旨呂熙代之題名

乃云洪武七年任張郎陳三人亦非相繼

並在革中書省後爲尚書洪彝在翟善之

前劉崧在俛斯之後題名以俛爲揭乃後

有洪彝而無劉崧崧署尚書陳敬余燦皆

金言卷之三

聖一

試尚書尋爲真翟善驗封署郎中事主事

署部尋爲真

二百二十八

嘉靖丁未秋兵書陳經被劾王以旂代陳

未幾以河套議出陝西總督邊務劉儲秀

劉循倒疏辭上怒削籍去趙廷瑞

代之十年兵部更四尚書近年兵書最

人者張璠過事大壞自璠始璠有才畧無

崇其好貨何

二百二十九

洪武辛亥禮官崔亮定外官慶賀禮以武

臣爲班首壬戌廣東布政司請慶賀班秩

孝陵曰禮行於藩司班首以品秩敘今

都司無實授者惟實授都指揮使正二品

乃得爲班首

二百三十

金言卷之三

聖一

吳元年選郡縣官二百三十四人賞綺布

道里費及其父母妻子有差著爲今日以

養汝濂奉公無漁民也洪武元年詔中書

省自今除府州縣官賜銀十兩布六疋徵

天下賢才爲守令厚賜而遣之

二百三十一

南四回原土胡也驍健好殺時出劫行人

平馬聚惡少食飲參將劉清指揮馬傑

稍法繩之四路掠資即解即數日又復中  
他事收捕捕至輒得贖贖已又捕四大恨  
曰必殺此二人者成化四年四月遂反不  
數月有衆二萬廷議請勅鎮守問激變故  
勅未至清進與賊戰大敗寧遠伯廣義伯  
巡撫陳价都指揮費良皆敗或死兵部請  
合陝西延綏寧夏三鎮兵進勦賊益肆行  
劫攻城殺掠吏民羽書交至以都督劉玉  
爲總兵副都御史項忠提督軍務會巡撫  
馬文升討賊忠未至陝西寧夏兵先至  
不俟延綏兵輒進大敗四盡奪兩鎮軍器  
聞大兵且至退保石城山忠等分兵七屯  
合圍之戒勿戰困賊伏羗伯毛忠達命先  
登敗死賊益張言且攻西安兵部尚書程  
信請改命撫寧侯永總京邊軍四萬往討  
大設賞格擒四者賞金五百兩銀倍之官

卷之三

三

世指揮使四人共亦如之十一月忠圍賊  
益急度必破賊又聞別命將不敢輒止奏  
言宜令新總兵星馳赴援倘不日破賊別  
奏止兵上手忠奏付太監懷恩等召兵  
部議內閣信曰兵行不可緩彭時商輅曰  
賊不能出入山自保我兵困之甚固觀忠  
疏賊不足憂也信曰不然忠且退至平涼  
未可知敢必其能困賊耶尚書白圭侍郎  
李震相視不言時曰然則度京軍當何時  
抵固原信曰明春二三月時曰勝負決今  
冬奈何至明年觀忠奏賊憊矣止京軍便  
太監曰然則邊軍去乎時曰亦不去便  
輅曰留京軍而遣邊軍便信大不平謂人  
曰忠敗陝西動搖內閣不得辭其責內閣  
又輒言忠足辦滅賊觀其疏歲終賊平矣  
是月丁丑忠計擒四十二月捷音至明年

卷之三

四

正月檻送四等三百人至京師太監問四反故曰無柰清傑侵剝我也四等凌遲亦斬清傑

二百三十二

皇祖製太廟祭器曰今之不可為古猶古之不可為今禮順人情可以義起所貴斟酌得宜必有損益近世泥古好用籩豆之屬以祭其先生既不用似亦無謂其製祭如生儀

金言卷之三

聖

二百三十三

宣德九年上與侍臣論兩晉侍臣曰晉武懲魏氏刻薄奢侈矯以仁儉平吳後頗事遊宴怠政事掖庭將萬人外戚用事勢傾內外曾不一傳禍生閭閻致戎羯之亂元帝繼統江右恭儉有餘明斷不足大業未復禍亂內起明帝明敏有機斷故能

誅剪兇臣惜其享年不永成帝以後類皆孱弱奇命強臣奄奄百有餘年亦為幸矣

上曰晉武創業不為遠圖樹立失宜託付非才况羗胡鮮卑雜處內郡不能先幾區處以致國禍方殷戎寇遽至東晉僅能立國逆臣接跡朝政陵夷尚傳數世由賢人為之用也又曰帝王維持天下以禮教為本兩晉風俗淫僻士習浮薄先王禮樂教化蕩然掃地豈久安之道

金言卷之三

聖

二百三十四

嘉靖十八年五月夏言落職致仕尋復入內閣以梁材為戶部尚書六月丁酉震奉先殿鼓樓災山西地震有聲如雷南京禮部右侍郎呂構致仕理河副都御史朱裳卒七月遼東兵變庚寅宸武功坊江浙大水庚申葬獻皇后顯陵閏七月木火水

金四星聚東井河南大疫辛未 獻皇后  
祈廟 中宮亞獻威寧侯仇鸞總督軍務  
兵部尚書兼右都御史毛伯溫叅贊軍務  
討安南九月虜數入宣府塞辛酉 上行  
視長陵癸亥還宮十月大同總兵都督梁  
震卒十二月虜入宣府塞

二百三十五

洪武十一年秋享太廟太常奏粟未熟請

今言卷之三

四十七

以桃代 上曰諸祭果實不必常品有即  
用之著爲令

二百三十六

宣德九年罷築西教場先是教場在德勝  
門外欲移西直門 上命都督武興視可  
否興還奏可但徙民家三十六旣而有言  
其地皆民種麥苗乘棗果樹及古墳墓並  
須剷夷又言其視傍地皆民納稅蔬圃

上曰勿病民事遂寢

二百三十七

正德十四年二月乙酉司禮蕭敬傳旨  
上自稱總督軍務威武大將軍太師鎮國  
公朱壽巡幸南北直隸泰安神州丙戌又  
傳旨南巡武選郎中黃輦車駕員外郎陸  
震上疏極言江彬席寵擅權迷朝誤國乞  
誅彬罷巡幸 上怒上初議以三月壬子

今言卷之三

四十八

警道東巡祀岱宗歷徐揚抵南京下蘇杭  
復浙江浮漢登武當人情洶懼將相大臣  
多從諛不敢諫是月己酉翰林脩譔舒芬  
等亦疏諫各部及行人司皆懷疏集闕下  
吏部尚書陸完沮之曰無歸惡於上衆退  
是日吏部員外郎夏良勝禮部員外郎萬  
國六等上疏陳九川明日吏部郎中張衍  
等又明日禮部姜龍等兵

部孫鳳等行人司余廷瓚等俱連疏入又有醫士徐鏊獨疏以醫諫上遂大怒不果出癸丑鞏震良勝潮九川鏊下錦衣獄芬衍慶俸龍鳳等百七人跪午門外五日甲寅廷瓚等下獄明日同鞏等六人亦跪午門外五日械繫是日工部林大輅等三人大理寺周敘等十人連疏入明日俱下獄亦械繫跪五日金吾衛指揮張英憤曰是大變故明效駕出必不利肉袒囊土手持刀欲自刎死上疏諫數日天色陰霾京師震駭公卿被唾罵瓦礫擲晨夕出入不敢待辨色至請命禮部禁言事者通政司遂格不受疏又有貢諛叅劾屬吏妄言者上怒遂不可解戊午水溢內海子不子橋高四尺鐵柱七斬折是日繫芬等一百七人午門外撻三十疏首調外任餘奪俸

半年四月巳卯鞏華等六人午門撻五十鏊戍邊

二百三十八

宣德五年十二月巡撫浙江侍郎成鈞奏海鹽縣民言縣並海舊置石嵌土岸延袤二千四百四十餘丈備海患比因風潮衝激壞者一千一百餘丈有司雖常修築然舊石爲水所齧皆剝弊無廉隅暫用累砌

今言卷之三

五

終不堅固今議於舊岸內別砌石岸而存其舊者以爲外障庶可久遠乞如洪武中今嘉興湖州嚴州紹興等府發夫匠協助爲便上從之

二百三十九

近日東南倭寇類多中國之人間有膂力膽氣謀略可用者往往爲賊蹶路踏白設伏張疑陸營水寨據我險要聲東擊西知

我虛實以故數年之內地方被其殘破至今未得殄滅綠此輩皆麤豪勇悍之徒本無致身之階又乏資身之策苟無恒心豈甘喙息欲求快意必至鳴張是以忍棄故鄉幡從異類倭奴籍華人爲耳目華人藉倭奴爲爪牙彼此依附出沒海島倏忽千里莫可蹤跡況華夷之貨往來相易其有無之間貴賤頓異行者逾旬而操倍蓰之

公言卷之三

五十一

贏者倚門而獲牙儈之利今欲一切斷絕竟致百計交通利孔既塞亂源遂開驅扇誘引徒衆日增若不包荒含垢早爲區處恐數年之後或有如盧循孫恩黃巢王仙芝者益至滋蔓遽難撲滅矣洪武年間倭奴數寇東南傍海州縣其時浙江一省既遣信國公湯和築城又遣魏國公徐輝祖安陸侯吳傑練兵又遣都督商高楊文

劉德出戰又遣都督於顯出海巡倭此皆上公元侯謀臣宿將尤且遲之數年未得寧息復遣南雄侯趙庸招撫沿海漁丁島人鹽徒蠶戶籍爲水軍至數萬人又遣平州府同知趙秩禮部員外郎呂淵宣諭倭奴迨至洪武二十五年以後而海上始得安靖則凡可以解散賊黨者宜亟爲議處也

公言卷之三

五十二

二百四十

孝陵平漢封漢主陳理爲歸德侯友諒父普才爲承恩侯兄友富歸仁伯友直懷恩伯弟友仁贈南康王又封蜀主明昇歸義侯洪武五年遣元樞密使延安答理送理昇於高麗普才徙滁納哈出者木華黎裔孫也既降遣歸數侵遼東宋國公兵出塞降之封海西侯卒葬南京其子察罕改封



潘陽戾坐黨死

二百四十一

長陵址征命侍郎師達督餉達以道險車載民疲糧乏乃擇平坦之地均其里路置站堡每夫一人運米一石此送彼接朝往暮來民以不困食亦旋足

二百四十二

成化末年宦者尚銘坐東廠陳準繼之甚簡靖令刺事官校曰反逆妖言則緝餘有司存非汝輩事也坐廠數月都城內外安之權豎以爲失職百計媒孽準自知不免一夕縊死準廣東順德人

二百四十三

讀成布衣祭忠文詩成器餘姚人正統末聞劉忠愍死獄即邑中龍泉山頂爲文祭之祭畢以餒頒諸同志其文歷述古今權

奸之禍凡三千餘言人謂之祭忠文今其地謂祭忠壇詩曰萬古興亡淚滿箋一壇遙憶祭忠年大書筆在憑誰執高調歌沈待我傳無地可投湘水裔有天應照越山顛布衣閔世尤堪弔何處松楸是墓田邵文莊公云

二百四十四

洪武三十年海運赴遼七年萬石有奇永樂六年六十五萬有奇十二年北京五十萬由衛河通州四十萬由海十六年會通河運四百六十萬有奇宣德八年五百餘萬正統二年四百五十萬景泰二年四百二十三萬七年二百九十二萬天順四年四百三十五萬成化八年以後四百萬石又有江南常蘇松嘉湖白糧十八萬八百六十餘石山東河南粟米豆麥又若干石

不在四百萬數

二百四十五

我郡守楊公承芳乞致仕疏云錢若水居樞密年四十而致仕以臣觀之臣年尤多三歲陶弘景奉朝請年三十六而致仕以臣觀之臣年尤多七歲放臣致仕死得與弘景若水遊於地下足矣

二百四十六

今言卷之三

王

席文襄公論漕船利害成化以前病在民成化以後病在軍

二百四十七

沙州漢燉煌郡今爲蒙古衛川邊古塔赤斤即漢屯田柰中地今爲罕東地爪沙赤斤等處番達本皆一種枝大族分因地異名耳

二百四十八

北狩永樂七年己丑也六曹稱行部十五年丁酉改云行在某部北京之爲京師不復稱行在也蓋自正統辛酉始也

二百四十九

元皇孫買的禮八剌被擒有故符寶郎以歷代靈章四十餘顆降孝陵以其不忠尚之山東降將百餘人貌皆魁梧李丞相奏欲用之孝陵疑其結黨皆殺之

今言卷之三

王

二百五十

漕船一萬二千一百四十三裏河淺船遮洋海船十年一造免儀爪填也江南皆五年一造往回皆經填也官軍十二萬有奇

二百五十一

景泰時南方葉鄧之變文臣總理軍務皆漢軍浙江兵部尚書孫原貞福建州部書薛希璉

二百五十二

胡忠安公致仕歸常遣子長寧謝自敘由  
洪武三十三年進士任尚書歷仕五十八  
年中更迎駕復辟之勞及盧忠阮浪之獄  
乞將臣男量爲錄用臣雖死之日猶生之  
年天順改元八月十三日奉 裕陵旨胡  
長寧陞世襲所鎮撫錦衣衛帶俸洪武三  
十三年實建文二年

二百五十三

南贛與湖廣福建廣東相連流賊易起鄖  
陽與陝西四川河南相界流民易聚故江  
西湖廣既有撫憲此則又設提軍撫治之  
官也南贛山深而人狡鄖陽土曠而民貧  
二百五十四

蕭田處士劉閔弘治中林見素言其恭慎  
純粹學行高古日無二粥身無完衣而處

之裕如徐貫劉大夏每拜其門知府王弼  
齋所必迎致曰對劉君鄙吝自去詞藻雖  
不逮其爲人而德宇道風人自難及乞仍  
布衣入侍 東宮有奏未上

二百五十五

洪武三年庚戌開鄉試明年辛亥會試是  
年天下亦舉鄉試又明年壬子連舉鄉江  
西吳伯宗辛亥狀元也解學士文有曰家  
君以洪武四年辛亥主考江西蓋會鄉是  
歲同舉解江西人遂主江西試事壬子則  
今子午卯酉例耳

二百五十六

宣德四年七月太監馬騏矯旨下內閣書  
勅付騏復往交趾開辦金銀珠香時騏自  
交趾召還未久內閣覆請 上正色曰朕  
安得有此言渠曩在父趾荼毒軍民卿等

獨不聞乎自騏召還文人如解倒懸豈可  
再遣然亦不誅騏也

二百五十七

漕運有元戎間以卿亞提督整理自河州  
休庵王公以景泰庚午總督漕事明年兼  
巡撫於是或右都御史或左右副僉為常  
設之官矣

二百五十八

今言卷之三

平九

戶部尚書梁公材南京人弘治己未進士  
字大用號儉庵清修勁節始終不渝為蜩  
國公郭勛所惡創籍初為縣令歷知嘉杭  
二府皆有惠政有儉庵奏議四冊

二百五十九

吏部尚書周用都御史宋景端明簡諒有  
風節不肯依附人人亦不敢干以私嘉靖  
未正月朝覲考察甫畢相繼卒善類咸

惜之周贈太子太保謚恭肅宋贈太子少  
保吏部尚書謚莊靖吏部侍郎武城王道  
文學行誼表著一時難進易退晚得嚮用  
是秋亦病卒

二百六十

戶部尚書王杲汶上人甲戌進士素稱清  
謹但待屬吏稍嚴急當是時邊隅多事財  
用不給杲一切取辦倉庫空虛嘉靖丁未

今言卷之三

本一

秋柄臣惡其執法又入親暱小人之言言  
官又妄劾杲受賄遂逮詔獄考訊誣伏謫  
戍卒

二百六十一

朶顏在漁陽塞外福餘太寧建州海西在  
遼陽塞外皆我藩籬食我乘墾懷我好音  
久矣今皆通迤圯為我邊患恐數年之後  
圯虜見京東塞外水草畜牧之利將并朶

顏建州我東塞亦與北虜為隣如宣府大同矣亟諭東虜無引賊入室自受其害如景泰時事諸酋或有悔悟者不然憂未已也

二百六十二

河南何瑋字粹夫有文學行誼高古灌園自給不妄取予潔身獨行君子也王廷相字子衡少勵名節博學能文別歷中外著有聲績皆近時名臣後進奸言人短謂何迂腐王晚年與翊國共督團營不能糾發其奸可謂責人無已矣

二百六十三

太宰靈寶入內閣南昌代之因論箕僊不經不足崇信忤上意削籍蘭溪入吏部病乞致仕忤上意削籍卒於張家灣道中都御史周白川代之病卒司寇聞石塘

代之南昌首論大禮始終不附張桂朴忠自許有大臣風節數年間善類皆思靈寶南昌

二百六十四

國初召商中鹽量納糧料實邊不煩轉運而食自足謂之飛輓後因積納數多價值亦賤興利之臣遂改議上納折色行之既久習以為常彼時改折糧料有餘而價亦賤計似所入為有贏利未為不可近來糧料不足價亦騰貴徒煩轉糴邊用索矣大率鹽一引納銀五錢先時可糴米一石今多不過三四斗或二三斗故商人所納數倍於前而國初之所資以餉軍者實則無增於舊彼此虧費其弊益滋是故多得銀不如少得米省和糴之擾也杜侵剋之弊也慰待哺之望也漸墾邊地以致殷富也

一舉而四善具焉說者又謂閭閻開納本色召商不至蓋向者上納本色時商自募民耕種塞下而得穀爲易又塞下之積甚多而價輕又無戎虜之患今則耕種廢矣塞下之積虛矣穀價騰湧強虜出沒勢不安居商人安得糧料應召募乎欲復本色非減斗頭利商人使商人趨利而開墾邊地不可也然必遲之四五年而後得其大利

今言卷之三

六十三

二百六十五

張西磐潤自給舍歷官南吏書行業無玷其當逆瑾時著風節在工部昌言正色折翊國之驕悍一時大臣罕能及之嘉靖丁未尚書一考址上改太倉尚書未上言官論劾下吏部不與題覆候數月西磐自陳疏至內批致仕王兩洲學夔文學深淳

操履廉潔嘗爲文選郎中守正庇善類爲張桂所惡出爲南太僕少卿改太常矣復中他事降外任歷陞南禮吏二部尚書恭慎簡實不屑依比人亦有才畧顧不肯發揚人不知也其擒治鼎山中僞皇子事不煩一兵亦不奏功嘉靖己酉累乞致仕不允進南兵部尚書參贊機務益力辭疏未下言官又上劾章內批王疏致仕

今言卷之三

六十四

今言卷之三

今言卷之四

海鹽鄭曉

二百六十六

正德元年十月劉瑾入司禮監矯詔殺太監王岳徐智范亨罷戶部尚書韓文郎中李夢陽勒少師劉健少傅謝遷致仕以吏書焦芳兼武英殿大學士吏侍王鏊爲戶部尚書兼文淵閣大學士入內閣兵書許進代芳加李東陽少師兼太子太師吏部尚書華蓋殿大學士先是上初即位瑾等以東宮內侍導上遊戲內閣上疏言皇上視朝太遲免朝太數奏事漸晚遊戲漸廣長夏之時遂停經筵并輒日講不知陛下宮中何以消日奢靡玩戲濫賞妄費非所以崇儉德彈射釣獵殺生害物非所以養仁心鷹犬狐兔田野之畜不可育於

宮廷弓矢甲冑戰鬪不祥之象不可施於禁禦夫使聖學久曠正人不親直言不聞下情不達而此數者交雜于前則聖賢義理何由而明古今治亂何由而知民生困苦而莫伸政事弊壞而莫救宗社所繫生民所賴今日之事臣實憂之六月中旬風雨飄蕩雷霆震怒正殿鴟吻及太廟春獸天壇樹木禁門房柱各有摧折或至燒燬天心示警蓋已甚明伏願陛下惕然省悟報聞復上疏曰兩月以來日高數丈尚未視朝茲天變民窮之時正宜恐懼修省怠荒若此禍亂將至又報聞會太監王璡崔通去南京蘇杭織造乞長蘆官鹽萬二千引戶部請予半上不喜召見內閣問狀內閣對曰宜如部議上曰用不足奈何對曰寧加銀數不可多鹽引上



詰其故對曰鹽引有夾帶之弊引多則夾帶益多上曰彼獨不畏法乎對曰彼既得旨沿途騷擾朝廷豈得聞知上色變語益厲曰豈獨此數人壞事譬如十人豈能皆賢亦未免有四五人壞事者時有諍健遷者上入其言故云內閣退上疏自劾曰先帝顧命惓惓以陛下爲托臣等誓以死報未敢求退近者地動天鳴五星凌犯星斗晝見白虹貫日羣災疊異併在一時諸司弊政日益月增百孔千瘡隨補隨漏當此之際內外臣僚協心倍力猶恐弗堪方且持祿固寵任情作弊讒謗公行姦邪得計變亂黑白顛倒是非人怨於下而不知天變于上而不畏竊觀古今載籍未有如此而不亂者政出多門咎歸臣等捫心反顧無以自明展轉于衷事非獲

六  
今言卷之四

三

已若竊祿苟容既負先帝又負陛下伏乞罷黜不允又上疏曰痛惟孝宗皇帝大漸之時召臣等至乾清宮御榻前面賜顧命諄諄數百言臣等頓首拜受不勝嗚咽彼時司禮監太監陳寬等實共聞之陛下嗣位之初臣等尤得少盡其職近來數月徃徃旨從中出畧不預聞有所議擬徑行改易并上詔書不信政令失中數事皆不聽言官亦會疏論內侍罪狀留中戶部尚書韓公文每朝退輒泣恨不能救正部郎中李夢陽說公大臣義共國休戚徒泣何益公曰計安出夢陽曰比言官入章交劾諸閹章下閣老持劾章甚力公誠及此時率諸大臣死爭閣老又得諸大臣持劾章必益堅去瑾輩易耳公捋鬚昂肩然改容曰善即事弗濟吾年足死不死

六  
今言卷之四

四

不足以報國明日早朝公密叩閣老許之  
伯諸大臣諸大臣皆唯公退具疏曰臣等  
待罪股肱值主少國疑瞻前顧後心焉  
如割中夜起嘆臨食而泣者屢矣近歲朝  
政日非秋來視朝漸晚仰觀聖容日就清  
癯皆言太監馬永成谷大用張永羅祥魏  
彬劉瑾丘聚等置造巧偽淫蕩上心擊毬  
走馬放鷹逐犬或俳優雜劇錯陳於前至

今言卷之四

五

導萬乘與外人交易狎暱媒褻有傷禮體  
日遊不足夜以繼之勞耗精神虧損至德  
遂使天道失序地氣靡寧雷異星變桃李  
秋華考厥占候咸非吉徵切緣此等細人  
惟知蠱惑君上以便已行私不思皇皇帝  
業在陛下下一身今大婚雖畢儲嗣未建  
萬一起居失節雖將此輩羣粉殖醢何補  
於事昔我高皇帝艱難百戰取有四海

列聖繼承傳之先帝以至陛下

先帝臨朝顧命陛下所聞也奈何姑息  
羣小置之左右累聖德乎今永成等罪  
惡既著若縱不治將來無所忌憚爲患非  
細伏望奮乾剛絕私愛上告兩宮下諭  
百僚將永成等明正典刑以回天變泄神  
人之憤潛消亂階以保靈長之業疏入  
上驚泣不食諸閣大懼太監王岳者亦與

今言卷之四

六

永成等共事素剛厲頗惡其黨初閣老持  
言官章不肯下諸閣窘相對泣會諸大臣  
疏又入上遣司禮詣閣議一日三至閣  
益持議不肯下岳顧獨曰外廷議是明日  
忽召諸大臣入諸大臣或有咎公者曰公  
疏言何公故不應令吏侍鰲趨詣閣候洛  
陽門太監李榮手諸大臣疏曰有旨

諸先生愛君憂國言良是第奴儕事 上  
久不忍即置之法幸少寬 上自處衆懼  
莫敢出一語答榮面公曰此疏本出公公  
云何公曰今海內民窮盜起水旱頻仍天  
變日增文等備貲卿位靡所匡救 上始  
踐阼遊晏無度狎暱群小文等何忍無言  
榮曰 上非不知第欲寬之耳諸大臣遂  
旅退鑿前謂榮曰設 上不處奈何榮曰

今言卷之四

七

我頸有裏鐵邪敢壞國事是日諸閣益窘  
自求去南京安置閣議堅持猶不肯下是  
夜瑾等逃 上前跪伏哭頭觸地曰非  
上恩奴儕且磔餒狗 上色動瑾又進曰  
害奴儕者王岳 上曰何謂曰岳前掌東  
廠謂言官先生有言第言議閣時岳又獨  
是外廷議狗馬鷹兔岳嘗獻否 上心所  
明也今獨咎奴儕益伏地痛哭 上怒夜

收岳及亨智瑾又曰狗馬鷹兔何損萬幾  
左班官敢譁無忌者司禮監無人耳有則  
惟 上所欲爲誰敢言者 上立詔瑾入  
司禮監竄岳智亨南京內閣又上疏曰伏  
見舊年以來龍顏清減心切憂惶傳聞每  
夜戲樂有妨寢膳皇城禁門開閉無節甚  
至入市交易全無扈衛皆由左右誘引以  
致聖心荒怠政令乖違財盡民窮上千天

今言卷之四

八

變昨者府部科道等官合詞累奏皆謂瑾  
等狎昵淫巧罪大惡極乞明示典刑臣等  
讀未終篇涕淚交下連日司禮太監李榮  
等三至內閣傳示 聖意乃謂瑾等自幼  
服事不忍遽行斥逐夫人君之於小人若  
不知而誤用其失猶小天下尚望其能知  
而去之若既知而不治則小人狎玩愈肆  
姦邪正人危疑被其離間天下之事無可

復爲必至於亂亡而後已且邪正必不兩立今滿朝文武公卿科道皆欲急去數人而使之尚在左右非但朝臣盡懷疑懼而此數人者亦恐不能自安上下相疑內外不協禍亂之機皆自此始宗社所關誠非細故上不允三臣各疏求去內批徒遣致仕東陽留用東陽再乞退上曰自陳休政臣下職也黜陟人才朝廷公論卿毋再辭韓李皆致仕言官劉蒞戴銑等俱下詔獄錦衣鎮撫牟斌杖闕下奪職岳亨智爲瑾所殺死於道路

二百六十七

弘治十一年十月清寧宮災詔行寬恤求直言內閣上疏曰竊見頃年災異頻仍內府火災尤甚軍器庫火番經厰火乾清宮西七所火內官監火而清寧宮之災尤

爲大異古先聖王遇災而懼避殿減膳責已求言修政事明賞罰然後可以轉禍爲福變災爲祥本朝列聖具有故事今日急宜舉行向來姦佞熒惑聖聰妨蠹聖政以致賄賂公行刑賞失當紀綱廢弛賢否混淆賦役繁興科派百出公私耗竭軍民困憊而大小臣僚被其協制畏罪避禍緝口結舌下情不達上澤不宣愁嘆之聲仰干和氣災異之積正此之由今天道昭明元惡殄喪聖心開悟洞察前非然餘慝未除宿弊未革雖聖仁廣大姑示含容而中外人心憤鬱未釋故上天仁愛復有此異伏願大開離照獨運乾剛進賢黜姦明示賞罰當行之事斷在不疑無更因循以貽後患尤望特降綸音戒諭臣工痛加脩省廣求直言指陳時弊並垂採擇次

第施行以收人心以回天意 上悉從之  
時太監李廣死乞祠額不許廣黨周輔請  
令李東陽爲廣寺碑文又不許言官劾文  
武大臣交結廣者請追究簿籍 上因東  
宮午講過左春坊放班後召內閣出袖中  
諸大臣辯疏問處分云何內閣請治其罪  
上曰然但六部尚書五人被劾柰何對  
曰但查簿籍治其有實蹟者 上曰本無  
簿籍究之恐濫及耳對曰請付臣等擬上  
必不太濫 上曰此籍不知有否姑宜已  
之內閣疏中所謂奸佞元惡皆指廣也

二百六十八

宣德三年 上御武英殿問侍臣歷代戶  
口盛衰對曰禹平水土民莫厥居至桀而  
耗湯時已不及禹至紂淫虐武王時又不  
湯成康致理遂多於禹時春秋戰國至

秦所耗尤多漢高至文景民庶大增武帝  
征伐不息十數年間民數減半昭帝罷兵  
務農至成帝初戶口極盛東漢承王莽後  
率土之民十纔二三明章之後天下無事  
人口滋殖三國六朝疆宇分裂所存無幾  
隋文帝恭儉大業之初戶口極盛煬帝荒  
淫役人以百萬計丁男不足役及婦人由  
是天下之民聚而爲盜唐貞觀以後及於  
永徽戶口日增至開元又極盛安史之亂  
遂大耗宋承五季後自太祖至神宗戶口  
日盛高宗南渡中原板蕩所存者東南之  
民此歷代戶口之槩也 上曰戶口盛衰  
足見國家治忽其盛也本於休養生息其  
衰也必由土木兵戈觀漢武承文景之餘  
煬帝繼隋文之後開元之盛遂有安史之  
亂豈非恃其富庶而不知儆戒乎漢武末

年乃知悔過煬帝遂以亡國玄宗至於播遷皆足爲世主大戒

二百六十九

宣宗坐文華殿召問士奇榮交趾勅去未對曰行矣上曰朕昔聞皇考言太祖初定天下安南最先納貢已而黎氏篡奪天討不可赦是時求立陳氏後不得故郡縣其地若陳氏有後不致勞敝方隅朕對

全言卷之四

主

曰此誠帝王盛舉皇考笑曰勿泄朕心未嘗忘今思陳氏果有後選立一人使供藩職三年一貢如洪武制用寧其民我亦得省兵戍論者將謂朕委棄祖宗之業然繼絕興滅實皇祖之志士奇榮頓首稱善上曰卿二人識朕意勿言賜酒饌而退

二百七十

景泰元年七月癸亥禮部右侍郎李實及也先使臣把禿等至自瓦剌寧陽侯陳懋吏部尚書王直等言實至自虜中言虜欲和且還大駕又引實至上皇所上皇諭虜請和非僞慎勿疑阻朕需少物作人事汝歸爲朕取來朕得南還即令朕守祖陵或爲廢人朕亦甘心乞再遣實奉衣物禮幣奉迎上不聽曰虜請巨測實歸

全言卷之四

高

楊善復去不必更使即以迎上皇意勅也先附其使去便丙寅懋直等再上言往者脫腕不花阿剌遣人議和皇上不吝一介今也先悔禍專使行成竟不一報適啓戎心後患無已下大臣再議丁卯實上言臣自瓦剌還時也先與臣約八月五日來迎上皇臣言雷歸朝請音未敢竊定期約也先言正使即未遣須先遣一二人

同我使來報不然勿謂吾失信遂令諸小  
酋偕少卿羅綺收還大同宣府塞上部落  
臣過懷來見官軍出郊芻牧收不轉餉虜  
言可信臣復命日蒙召對詳述虜情近在  
廷大臣累疏未允臣將命講和其欲遣人  
迎復定約期日臣特傳也先口語伏望俯  
從群言別遣材智大臣往迎雖虜情變詐  
不測亦可塞彼無詞不然直在彼曲在我  
猶豫趙趙過期失約復欲遣使或又以命  
臣臣自揣愆期決不敢往彼此相疑和議  
不成則上皇終不可復干戈終不可息  
邊鄙終不可寧矣疏入復下大臣再議是  
日把禿等還諭也先曰把禿等至悉議和  
之意願前已遣楊善趙榮齋書幣至可汗  
父太師專為迎朕兄太上皇帝朕念朝  
廷自祖宗來待瓦剌甚厚一旦因嫌構

隙連兵太師既能復脩舊好朕亦當勉從  
所請繼今益宜上順天意下順人心休兵  
息民以實前言把禿等回特頒賞給至可  
領也所言欲送還大駕實朕至願果出誠  
心即令楊善等奉迎還京朕當永保和好  
太師其深省之是日懋直等復請再遣實  
奉迎上曰俟善還時御史畢鑾等翰林  
檢討邢讓皆疏乞迎駕不聽已已善至虜  
營庚午也先引善見上皇是日定議也  
先遂奉餞上皇

二百七十一

宣德六年十二月太監袁瑋有罪凌遲誅  
其黨陳海等十人詔天下又諭都御史佐  
內臣出外有犯令所在官司奏聞重治知  
而不奏罪同軍民撥置害人者罪死

二百七十二



宣德二年三月有進豳風七月圖者 上  
喜受之顧侍臣曰此見周家立國之本周  
公輔成王之心當是時君民相親如父子  
以故周之王業歷年最永

二百七十三

李叔正者江西靖安人性聰敏年十三以  
能詩名既長博通諸子百家言時稱江西  
十才子叔正其一也友諒陷南昌其妻夏

全言卷之四

十一

投井死叔正義不再娶洪武四年徵除國  
子學正遷渭南陞興化知縣禮部貢外郎  
請老不許除國子助教遷監察御史湖廣  
叅政陞布政使召為禮部侍郎十四年春  
進尚書是年有司薦賢良往往以儒學訓  
導應詔叔正上言師範缺員生徒廢業不  
可 上曰朕急作人務求明師有司又薦  
而不用甚失朕意禁勿許

嘉靖辛亥三月吏書夏邦謨去吏部會推  
都御史屠僑南吏書屠楷吏侍郎李默  
上簡用李議者皆言冢宰必歷任正卿資  
久望深方得轉授未聞侍郎即正位冢宰  
者籍籍問余余應曰李膺簡命固 聖明  
特達之知然於先朝實為故事洪武壬午  
成祖即位初也蹇忠定公以吏侍陞尚  
書秉銓二十七年輟部事留京師備顧問  
郭公璉以吏侍代蹇凡十五年至正統壬  
戌致仕而王文端公以禮侍代郭凡十四  
年天順下丑致仕是時 上能推誠下無  
逸口蓋五十六年間吏部三尚書耳今自  
弘治丙辰至嘉靖辛亥亦五十六年凡易  
二十八人而晉溪松皋皆再任整庵巽庵  
晉叔皆未任銓揆數易如此他可知矣成  
化癸巳尹恭簡公亦以吏侍為尚書代姚

全言卷之四

十一

文敏公歷十三年致仕惟崔莊敏公吏侍  
為尚書代李襄敏公未逾年去此五公皆  
能稱其職當時未聞有超資之議逆瑾時  
焦芳張綏以吏侍相繼為尚書清議耻之  
即使二人不由侍郎為尚書亦豈得為善  
類乎昔傳說起板築為冢宰而甘盤舊學  
不以為嫌此何足異顧稱弗稱耳

二百七十四

國朝定鼎金陵本興王之地然江南形勢  
終不能控制西北故高皇時已有都汴  
都關中之意觀洪武元年詔曰江左開基  
立四海永清之本中原圖治廣一視同仁  
之心其以金陵大梁為南北京方希古  
懿文太子輓詩曰相宅圖方獻還宮疾遽  
侵關中諸父老猶幸翠華臨蓋有都關中  
之議以東宮薨而中止也

二百七十五

景泰元年減中鹽芻粟先是召商于密雲  
隆慶中淮鹽者引米七斗荳五斗草四十  
束古北口引米七斗荳三斗草三十五束  
至是減密雲隆慶米荳一斗草十束古北  
口米五升荳一斗草十束

二百七十六

嘉靖八年夏五月宗室載屬籍者八千二  
百三人 親王三十位 郡王二百三位  
世子五位 長子四十一位 鎮國將  
軍四百三十八位 輔國將軍一千七十  
位 奉國將軍一千一百三十七位 鎮  
國中尉三百二十七位 輔國中尉一百  
八位 奉國中尉二百八十位 未名封  
四千三百位 庶人二百七十五名  
二百七十七

郡主無簪于惟固安以 景帝出順義以  
秀懷王出王無嗣國絕順義育官中故其  
子王道周鳳官之錦衣

二百七十八

陸愷神官巨鎡也以 孝穆紀太后兄世  
官錦衣百戶紀太后 泰陵所自出也籍  
冊無為州巢縣人

二百七十九

經筵面奏近世無聞惟嘉靖甲申夏呂脩  
撰柵言五月十二日 獻陵忌辰是日講  
筵 君臣不宜華服已丑夏陸祭酒深言  
講官講章不宜輔臣改撮使得自盡其愚  
因以觀學術邪正呂未幾以論禮謫解州  
判官陸竟以此謫延平同知程正叔詞嚴  
義正范堯天色溫氣和皆賢講官也今難  
其人矣

二百八十

平蜀之功經西番破階文二州者潁川侯  
也山瞿塘破水陸二寨者德慶侯也二州  
破則北失漢水之險二寨破則東失江水  
之險故 聖祖平西蜀之序云為傳將軍  
廖將軍千萬年不朽之功而中山侯不與  
焉

二百八十一

嘉靖丁亥田州之役寔姚東泉之功也是  
年六月三日進兵兩廣漢達馬步官軍土  
兵打手殺手共十萬二千七百七十七員  
名分為五哨凡攻破巢砦九十五處賊猛  
殞首歸順子邦彥竄死齊村馮爵死富州  
岑約矩逕村常奸陸綬諸惡目俱被擒斬  
惟盧蘇王受未授首比東泉歸陽明以撫  
處為策蘇受來降矣陽明又以八寨之討

被 旨詰責贈謚卹典停罷并平宸濠之功皆不錄新建之封終其身耳東泉錦衣之廕亦罷是時前勦後撫皆謂無功難乎任事矣

二百八十二

天順五年夏季官軍俸折色銀一十四萬至嘉靖七年冬每月米二十四萬七千石有零矣李文達公嘗言於 裕陵曰軍官

今言卷之四

三

有增無減且天地間萬物有長必有消如人只生不死無處着矣自古有軍功者雖金書鐵券誓以永存然其子孫不一再傳而犯法即除其國或能立功又與其爵豈有累犯罪惡而不革其爵今若因循久遠天下官多軍少民供其俸必致困窮而邦本虧矣不可不深慮也 上曰此事誠可慮當徐爲之

二百八十三

南京諸衙門題名碑宜分別書如吏部首書吏部某官某次書南京吏部某官某又次復書吏部又次復書南京吏部乃爲實錄今槩書南京未善况都察院名臺名府不同又御史大夫御史中丞與今官名亦不同乃槩列於今名官可乎

二百八十四

今言卷之四

手四

弘治十年八月 上召見內閣徐劉二文靖李謝二文正於平臺議政事時太監李廣以燒煉齋醮橫被寵賚閣疏力諫 上嘉納以疏示廣武岡知州劉遜爲岷府所奏逮遜至京科道疏救遜 下詔獄者六十餘人內閣疏救得釋十一年五月 上坐平臺召見內閣劉李謝三公議罷成山伯王鏞遂安伯陳韶寧晉伯劉福總兵越

三日又召見議以保國公朱暉鎮遠侯顧  
溥惠安伯張偉爲總兵代鏞等而以溥同  
吳國公張懋管團營蓋五軍神機三千所  
謂三大營六提督也六人中擇二人提督  
團營皆名總兵官

二百八十五

正德五年四月寧夏安化王寘鏞及都指  
揮何錦周昂指揮丁廣反殺鎮守太監趙

今言卷之四

二十五

弼總兵官江漢巡撫都御史安惟學覈田  
大理少卿周東令孫景文造僞檄言劉瑾  
蠱惑朝廷變亂祖法屏棄忠良收集凶狡  
阻塞言路括歛民財籍沒公卿封拜侯伯  
數興大獄羅織無辜肆遣官校脅持遠近  
張綵劉機曹雄毛倫文臣武將內外交結  
意謀不軌今特舉義兵清除君側凡我同  
心並宜響應傳布邊鎮以錦爲討賊大將

軍昂廣左右副將軍景文軍師張欽先鋒  
將軍魏鎮等七人都護朱霞等十二人總  
管反書至命太監張永總督軍務起致仕  
都御史楊一清總制陝西延綏寧夏甘涼  
各路軍務涇陽伯神英充平胡將軍總兵  
官統各路兵討之遂下詔寬恤以副總兵  
都督楊英爲寧夏總兵官遊擊將軍仇鉞  
爲副總兵與武營守備侯勛爲參將王師  
甫出數日鉞斬周昂執寘鏞及其子台潛  
錦廣報至勅英旋師永一清安輯寧夏

二百八十六

正德十六年工部言內侍巾帽靴鞋合用  
絳絲紗羅皮張等料成化間二十餘萬弘  
治間三十餘萬正德八九年至四十六萬  
今至七十二萬昔東漢永平中始定宦官  
員中常侍四人小黄門十人和帝以後中

帝侍至十人小黃門二十人唐太宗詔內侍不立三品中宗時黃衣二千人員外置千人衣紫者尚少開元天寶黃衣以上三千人衣紫千人其稱旨者輒拜三品列戟千門宋初自供奉官至黃門定員一百八十人孝宗定二百人後增至二百五十人洪武二年定置內使監奉御凡六十人今自太監至火者近萬人矣

二百八十七

嘉靖初錦衣旗校革三萬一千八百餘人歲省糧儲數十萬裁革冗官冗兵四萬餘人歲省京儲一百六十八萬石

二百八十八

永樂八年二月 成祖征本雅失理丁未  
武興和三月甲戌駐鳴鑾戊乙亥大閱

四月癸卯次玄石坡 上為銘刻立馬鋒  
日維日月明維天地壽玄石勒銘與之  
壬子次擒胡山刻銘曰瀚海為鐔天山為  
鐔一掃胡塵永清沙漠甲寅次廣武鎮賜  
泉名清流刻銘曰於鑠六師用殲醜虜山  
高水清永彰我武五月丁卯朔營於平漠  
鎮甲戌次環翠阜戊寅 上至兀吉兒札  
虜遁去明日追至幹難河虜拒戰 上登

二百八十九

山布陣麾先鋒逆擊敗虜本雅失理以七  
騎渡河遁去壬午駐五原峯丙戌次飲馬  
河諭 皇太子遂下 詔班師

二百八十九

詹同徽父子吏部尚書本黃岡人寓徽州  
同有文行徽歷官監察都御史陞左都御  
史洪武十九年 上以徽奉職公勤復其  
家二十二年為吏部尚書兼左都御史明

年以徽子太子洗馬綬爲尚寶司丞二十四年龍江衛吏以過罰書寫值母喪乞守制徽不聽吏擊登聞鼓上切責徽曰吏雖罰役天倫不可廢使母死不居喪人子之心終身有歉夫與人爲善猶恐其不善者若有善而阻之何以爲勸徽大慚吏得終喪是年擢寧海儒學訓導閻文爲燕府右長史南昌儒學訓導曾恕爲周府左長

○今言卷之四

五

史徽言訓導秩滿例陞教諭今授長史越資宜試職上曰師儒職雖卑其道則尊不可以資格論遂實授仍賜冠帶文綺襲衣二十五年太子太保文兼俸二十六年詔免天下耆民來朝先是詔天下民年五十以上者朝京師訪民疾苦有才能者拔用之其年老不通治道則宴養而遣之自來者日衆上諭徽曰朕念來朝耆民

其中亦有年高者跋涉道途勞苦可遣人馳傳於所在止之大誥中稱徽剛斷嫉惡不容奸僞二十六年坐藍黨死驗封主事程善署吏部事

二百九十

正德十四年六月寧王宸濠反巡撫都御史孫公燧按察副使許公達死之汀贛都御史王公守仁及吉安知州伍文定起兵

○今言卷之四

五

討宸濠檄召江西各府兵宸濠出南昌寇陷南康九江丁亥遣人寇望江己丑安慶守備楊銳指揮崔文知府張文錦力禦之時王公在吉安奏留公差還京御史謝源伍希儒紀功悉會吉安鄉官都御史王懋中編脩鄒守益郎中曾直評事羅僑御史張釐山僉事劉藍進士郭持平驛丞王思季中按察使劉遜叅政黃繡知府劉昭議



討賊江西知府戴德孺徐璉邢珣通判胡堯元章琦談儲推官王睟徐文英知縣李美李揖王天與王冕各率兵至吉安進賢知縣劉源清斬賊黨數百餘千知縣馬津率兵遏賊七月壬辰賊圍安慶銳等擊却之宸濠遣江西僉事潘鵬誘安慶降銳等殺鵬家人投尸城下誓不降賊丁酉宸濠至黃石磯戊戌宸濠攻安慶銳等力禦之

金言卷之四

三

庚子以雲樓攻銳繾人焚其樓甲辰以天梯攻文錦投荻焚之丙午宸濠聞王公攻南昌解安慶圍遁還辛亥王公破南昌擒宜春王拱樛甲寅宸濠至樵舍明日王公遣兵黃家渡宸濠戰敗又明日戰又敗丁巳王公擒宸濠及其世子郡王將軍儀賓僞太師國師元帥叅贊尚書都督指揮等官李士賓劉養正劉吉屠欽王綸熊瓊吳

十三凌十一等數百人被執脅從御史王金主事金山按察使楊璋僉事王疇叅政陳杲布政使梁辰都指揮葉文馬驥白昂等八月癸未上親征詔天下遂至南京駐太監王洪家十五年十月上還京駐通州宸濠伏誅

一百九十一

金言卷之四

三

六部主事列銜御史上永樂中脩五經四書性理大全時尚然其後郎中皆列科道官後不知起自何時都左右給事中列御史上自景泰三年始

二百九十二

景泰三年御史練綱等言舉用方面事例有古今禮部集議吏部不候議定即奏陞福建僉事李順為叅政楊珪為按察使蓋吏部恐議定莫遂其奸爾夫所舉縱皆得

人亦得避嫌况楊珏見爲副使曹祥發其  
賍私且吏部推選多不公如向舉陝西按  
察使何自學不能檢身齊家爲家奴所殺  
山東按察使張清今爲尚書薛希璉所黜  
副使張哲未任爲都御史韓雍所黜戶部  
主事楊愈考平常例不當陞乃陞河南知  
府湖廣副使陳質九年例陞二級止陞叅  
政一級僉事曾蒙簡未及一考以殺賊功

今言卷之四

三

陞一級越陞左叅政三級臣等非不効奏  
但給事中御史有以直言觸其同類大臣  
者吏部尚書懷猜忌往往退其見任之職  
鉗其欲言之口所以居言路者以言爲諱  
職風憲者以職自保寧負朝廷之恩不敢  
犯大臣之怒今吏部復爾專權鬻爵肆行  
欺罔臣等如不復言 皇上深居九重何  
由知其弊之若是臣等非不知觸犯權臣

禍不能免但朝廷耳目所係甚重豈可知  
有權臣不知有陛下知有身家不知有朝  
廷請下太子太保兼吏部尚書何文淵右  
侍郎兼少詹事項文曜于法司明正其罪  
文淵陰險奸邪群臣共知比之文淵情罪  
尤重難佐天官少保兼太子太師吏部尚  
書王直太子太傅兼吏部左侍郎俞山素  
行本殊於衆今亦爲文曜等所愚失於舉

今言卷之四

三

覺亦宜究問乞俯從臣言命吏部但遇三  
品以上大臣舉用方面等官每置二簿鈐  
印備書舉主與被陞者一封進司禮監便  
御覽一送翰林院備顧問俟一考政績卓  
異者賞舉上政績無聞及犯賍舉主同罪  
上曰御史職居言路凡事當言今所言  
俱是但知人之難從古爲然已陞除者置  
不問文淵文曜等亦姑宥自今選官務洗

心滌慮廣詢博訪必從公道毋得徇私四  
年以御史錢昕爲真定知府御史給事中  
乞留昕御史王直遂請老上不許昕竟  
去真定爲知府

二百九十三

成化二年東虜董山糾衆入寇三年武靖  
伯趙輔充總兵都督王瑛封忠爲副左都  
御史李秉督軍卒漢番京邊官軍五萬討

今言卷之四

五十五

之山降送京師放歸廣寧輔秉曰山不可  
宥請誅山九月分左軍出潭河柴河越石  
門上木河至分水嶺右軍由鴉鵲關喜昌  
口過鳳凰城黑松林摩天嶺至潑猪江中  
軍自撫順經薄刀山鮎魚嶺過五嶺度蘇  
子河至虎城期日會兵進勦朝鮮亦遣中  
糧府知事康純魚有沼南怡率兵萬人過  
其來走我兵擒賊巢虜遁擒斬俘獲虜指

揮若女等千人班師指揮張額的里率妻  
子乞降朝廷憐而釋之明年留韓斌爲副  
總兵防守築撫順清河靉陽諸堡

二百九十四

弘治中台人繆恭學古行高晚年走京師  
八事其一紀絕屬請封建庶人後爲王  
奉祀懿文太子通政司官見恭奏大駭  
罵恭蠻子何爲自速死繫恭兵馬司獄劾

今言卷之四

五十六

上待命賴敬皇明聖詔勿罪放恭還鄉

二百九十五

仁宗即位之歲十一月召禮部尚書呂震  
與御劄曰建文中奸臣正犯悉受顯戮其  
家屬初發教坊司錦衣衛浣衣局習匠功  
臣家奴今有存者既經大赦並宥爲民給  
還田土仁宗撰長陵神功聖德碑文  
解建文君雖追廢猶書其没曰崩當其在

位猶尊之曰朝廷又諭群臣曰若方孝孺輩皆忠臣詔從寬典於是天下始敢稱孝孺諸死義者爲忠臣云

二百九十六

先朝用人惟賢惟材雖內閣輔臣不專翰林初開內閣七人用王府審理副中書舍人給事中知縣改翰林官入直文淵閣此後如文達起吏部主事文清起御史功業

卷之四

三十七

道德有過二公者乎近日但有改入翰林及宮寮者千萬指摘十無一完即有才行出羣之士亦深避峻却惟恐一旦改官徒增多口耳且往時忌人官祿至於死後定謚尚有公論今亦大異于昔矣

二百九十七

留都諸司無事時似閑有事則叅贊機務守備武臣操江都憲總兵最爲要職不可

不擇其人南都水軍勝於陸卒營馬壯於江舟然戰守皆不得地利孝陵再三欲徙都不果成祖決遷北平萬世之慮也

二百九十八

戶部尚書王杲簡諒廉平兵部尚書劉儲秀清貞恪慎山西巡撫孫繼魯清修苦節文行卓然皆一時人材嘉靖丙午丁未二年相繼去位孫繫死詔獄王荷戟南荒卒

卷之四

三十八

劉削籍非出內閣之意即言官之口其貪墨奸佞依阿卑諂者安享榮祿即有論劾行賄得解職任如故旋復陞轉以故今之大臣實難展布上爲內閣切持下爲言官巧詆相率低頭下氣者以爲循謹千金雙壁絡繹道路即以雄才大器著聲矣

二百九十九

嘉靖丙午京城大水明年歲星守營室西

內災澄城山分崩離析都城隍廟災又明年二月日有異常之變三月朔日食於夜是月望月食燠閣又災尋有孝烈之喪又明年有莊敬之戚春秋傳云王一歲而有三年之喪二焉謂后及太子也

三百

近記時事小說書數十種大抵可信者多惟雙溪雜記寒齋瑣談二種好短人似其奸惡亦欠端然雜記中言哈密事却是彭幸庵忠孝剛方有大臣風節其處哈密不能無遺憾也

二百一

嘉靖年來浙中儒臣可爲輔弼者王文定公瓚中峯先生玘張文定公邦奇皆不得用中峯文學蘊籍行誼修潔竟爲永嘉中傷一廢不得起善類甚惜之王官至禮

部侍郎張南京兵部尚書中峯及張余嘗接其言論正人君子也

二百二

我朝內閣以私喜進用人者有之未嘗有以私怒殺人者萬安焦芳劉宇曹元亦未嘗至此

三百三

父子天官新安詹同同子徽徽才敏達同有文學修行皆仕洪武中靈寶許襄毅公進進子松皋讚襄毅天官正德初松皋嘉靖中松皋恭慎小心余爲屬吏未嘗見其以私怒中傷人平居簡易至大黜陟秉正不阿以故內閣嫉之襄毅文武全才清勁諒達近世名卿鮮能及之松皋與兄誥同時爲兩京戶部尚書諳博學沉思卒謚莊敏論者曰襄毅弘毅莊敏毅而不弘松皋

弘而不毅余見松皋儘有毅

三百四

宸濠之役王陽明不顧九族之禍賊擒奏  
凱彬忠諸倭倖導 康陵南征罪人未就  
甸師之戮中外危疑洵洵視行陳間尤費  
心力媚嫉之徒肆爲誣詆天日鑒之而已  
其桶岡橫水洲頭之賊連穴數省寇叛數  
十年國無大費竟爾盪定此功豈在靖遠  
威寧之下其學術非潛心內省密自體察  
者慎勿輕訾也

三百五

威寧出塞俘馘甚多虜自永樂以來惟此  
奪其氣一時羣臣忌功百方誣訕皆非實  
事汪直自敬憚威寧威寧不峻拒之亦未  
爲過後人乃以威寧比陳鉞何其忍也

三百六

蘇川之役大費財力騷動半天下比再出  
兵益復虛耗苟且奏捷鐵券金書至今不  
絕威寧新建止終其身豈不舛哉

三百七

論大禮入內閣者席文襄張文忠桂文襄  
方文襄四人霍文敏以禮書掌詹事府事  
若楊文襄再入閣以稱張疏李文康以諭  
德是張說入閣

三百八

嘉靖中議文廟祀典進文中子后蒼胡瑗  
歐陽修四人從祀文中之學得孔顏正傳  
后以明禮胡以善教歐陽以濮議故永嘉  
以比韓退之也

三百九

今人專指斥陽明學術余不知學但知大  
學恐不可直以宋儒改本爲是而以漢儒

舊本爲非此須虛心靜思得之若寧藩反時余時年二十一應試在杭見諸路羽書皆不敢指名宸濠反或曰江西省城有變或曰江西省城十分緊急或曰江西巡撫被害重情或曰南昌忽聚軍馬舡隻傳言有變惟陽明傳報明言江西寧王謀反欽奉密旨會兵征討安仁謂陽明學本邪說功由詭遇又曰王某心事衆所共疑何其不諒至此

全言卷之四

聖三一

三百一十

江西入內閣者解大紳胡文穆楊文貞金文靖胡若恩陳德遵彭文憲蕭孟勤陳莊靖劉文安彭文思尹文和費文憲佳文襄近日貴溪分宜凡十六人

三百一十一

東南海寇日甚一日丙午秋遂至浙西吾

邑亦被其害此事皆緣勢要之家通番獲大利以貽國家東南之憂國初設官市舶正以通華夷之情遷有無之貨如西邊茶市北邊馬市亦然觀其官以市舶爲名意可知矣聖祖特起信國公於衰暮之年令其築城海上自山東至浙專防倭寇而乃有市舶許海夷進貢豈無深意今徒禁絕番夷入貢遂使勢豪得侔其利禁愈嚴則勢豪之利愈重而殘殺之害愈酷矣要之勢豪之家亦必有殞身滅族之禍蓋緣其始欺官府而結海賊後復欺海賊而併其奇貨價金百不償一積怨既深一旦致毒禍不遠矣

全言卷之四

聖四一

三百一十二

浙人入內閣者今七人黃文簡王文通呂文懿商文毅謝文正張文忠李南渠文毅



相業不在文貞文達之下文貞始嫌於君臣文達終嫌於父子文毅當易儲之際微言諷止而位在第六以故丁丑之難僅削籍歸田茂陵固知之竟復召用俞綱入閣甫十餘日仍理部事

三百一十三

上陽明初見宸濠佯言售意以窺逆謀宴時李士實在坐宸濠言康陵政事缺失

今言卷之四

五

外示愁嘆士實曰世豈無湯武耶陽明曰湯武亦須伊呂宸濠又曰有湯武便有伊呂陽明曰若有伊呂何患夷齊自是陽明始知宸濠謀逆決矣乃遣其門生舉人冀元亨往來濠邸覘其動靜益得其詳於是始上疏請提督軍務言臣據江西上流江西連歲盜起乞假臣提督軍務之權以便行事意在濠也司馬王晉溪知陽明意覆

奏稱王某有本之學有用之才今此奏請相應准允給與旗牌便宜行事江西一應大小緩急賊情悉聽王某隨機撫剿以故濠反陽明竟得以此權力起兵擒賊捷奏中歸功本兵新都故不喜晉溪見陽明奏遂怒故封爵久不行至今皇帝登極詔中及之議者遂謂新都自為已定策地也濠反書初至諸大臣驚懼以為濠事十成八九晉溪一日十四奏調兵食且大聲對諸大臣曰王伯安在汀贛據南昌上流旦夕且縛宸濠諸公無恐曩請與伯安提督軍務正為今日已而濠平職方郎中論功超陞晉溪乃不得脫戎籍豈不大舛晉溪後以張桂薦起復為吏部尚書卒謚恭讓

三百一十四

北虜凡求貢必糾諸部落在塞上挾我我

邊臣幸其緩入許奏聞入貢轉展二三月  
必深入往歲鴈門太原之禍皆然總督  
撫鎮所奏番字文書往往誇述也先之事  
中間又多不遜語通事人不敢譯聞止云  
內多番字不能盡譯豈四夷館分地專業  
而不解番文乎

三百一十五

張正常者世貴溪人我兵取江西正常以

今言卷之四

四十一

大師四十二代孫號正一主教天師遣人  
朝見正常亦屢朝京師洪武初上謂羣  
臣曰天至尊豈有師以此為號甚褻瀆遂  
革舊號號真人正常有術投符故永壽宮  
中有疾人飲井水輒瘳詔作亭井上名  
太乙泉十三年子宇初嗣上言前朝嘗給  
有正一玄壇符錄之印印之符錄今欽給  
真人銀印止敢用上表箋乞別賜賜龍山

正一玄壇之印印如六品制宣德中宇卒  
無子姪懋承嗣弘治中子玄慶病子彥頤  
嗣

三百一十六

正德庚午逆瑾既縛有旨降南京奉御  
長沙謂諸大璫曰如此彼若復用肆毒當  
益甚柰何太監張永曰有我輩在無慮已  
而瑾上白帖言奴縛時封奴帑奴赤身無

今言卷之四

四十二

一衣乞與一二敝衣蓋體康陵見瑾帖憐  
之令與瑾故衣百件永等始懼謀之長沙  
令科道劾瑾劾中多指阿附瑾文武大臣  
永持疏至左順門付諸言官曰瑾用事時  
我輩莫敢言况爾兩班官今罪止瑾一人  
可領此疏去易疏急進勿動搖人比疏入  
坐瑾奸黨律永輩又不欲止罪內臣一人  
乃連及文臣張綵一人武臣楊玉等六人

獄詞具上綵疏稱冤盡發長沙阿依瑾事  
長沙大怒又與永輩謀不重法誅鋤此輩  
後受其亂乃改謀反律然亦不盡本律

三百一十七

六部都察院通政司大理寺名九卿相頡  
頡不得相壓實自我朝始始于洪武十三  
年至今不改

三百一十八

嘉靖初浙江按察使陳鼎山東人才器卓  
犖廉明有風裁貪污之吏望風走去不久  
卒於官戊申茶陵廖希顏自浙叅政陞按  
察使未上任卒廖有文學修行檢爲屯田  
郎中當翊國橫驕時力摧其勢江南得不  
加賦南巡行宮亦廖疏得撤吏才精敏又  
平恕不盡法惜未盡其用

三百一十九

鐵冠道人張中字景和臨川人孝陵登  
鍾山詞臣扈從擁翠亭給筆劄賦詩絕尚  
綱朱升張以寧秦裕伯單友中李某暨道  
人並應制道人初舉進士不得遇異人授  
以太極數學談福禍多驗猶介寡言嘗戴  
鐵冠自稱鐵冠子人皆呼鐵冠道人孝陵  
嘗微行至一寺中群僧伏門道傍迎上  
曰何以知朕至對曰聞鐵冠道人云即召  
道人至上手餅食未半即賜道人問道  
人能先知我至試言我國事顧直述無我  
諱道人訊口誦數十句中有曰戊寅閏五  
龍歸海壬午青蛇火裏逃至洪武建文間  
始驗餘不敢傳先是兵亂歸隱幕府山間  
至城市與人言避兵處從之者多獲全壬  
寅叅政鄧愈薦召至上問曰予定南昌  
不血刃市不易肆生民自此蘇息否對

曰天下自此大定但此地旦夕當流血廬舍焚燬必盡鐵柱觀亦僅存一殿耳後指揮康太反果如其言他日龍馬兩重之對省署震擾之占剪燈花平友諒類多奇中

三百二十

洪武元年始設六部以滕毅爲吏部尚書正三品屬中書省十三年罷省以山西叅政僉斯爲吏部尚書改正二品自僉至張

全言卷之四

五十一

統皆在南京蹇忠定公以後皆在北京

三百二十一

吳元年始封宣信鄂三國公洪武三年冬大封功臣封公二人侯二十八人是年又封伯二人侯一人四年又封侯一人十年進封公一人侯一人十二年又封侯十二人十九年論雲南功進封公一人侯四人十七年定功臣次第建文四年九月長

陵封公二人侯伯各十三人加祿一人贈公二人侯二人已而又封侯三人伯六人徐增壽先贈武陽侯永樂二年贈定國公詳見異姓諸侯傳

三百二十二

洪熙元年三月十五日詔畧曰若朕一時過於嫉惡律外用籍沒及凌遲之刑法司再三執奏三奏不允至於五奏五奏不允

全言卷之四

五十二

同三公及大臣執奏必允乃已永爲定制

三百二十三

正統四年四月災異修省勅諭公侯伯府部院等衙門官寬恤事宜第一條吏部擢用官負宜精選賢才任之或罷輒無能者或老疾不堪平昔行止不端謹者悉皆罷去承差知印吏典人等亦宜精詳考察賢否貪污及庸懦無能并不諳行移者悉皆

罷去不許徇私濫用廩費祿蓋先時皆因事因灾考察也

三百二十四

廣寧遼陽間中有三岔河皆閒田我戍兵迭而守之若取而屯牧焉我地益廣邊備益省馬端肅李康惠二公皆嘗議復此地不果蓋三河匯流土地沃衍草木茂密又多魚蝦之利三衛夷人牧馬其中若奪其生業兵隙必開且地多沙陀土亦疏惡三河並趨時遭墊沒不若守我封疆之爲愈也

三百二十五

周顛仙不知其名自言建昌人長壯奇崛舉止不類常人年十餘病癲嘗操一瓢入南昌乞食久之至臨川未幾復還南昌日飽於人夜卧閭簷間祁寒暑雨自若嘗

公言卷之四

五十三

公言卷之四

五十四

趨省府曰告太平人皆異其言遂呼爲顛仙不數年天下果亂陳友諒入南昌顛仙隱跡不見及孝陵自將定南昌將還顛仙從道左拜謁潛隨至金陵每遇上出輒趨進曰告太平間見或捫蝨而談擊節而歌詞多隱語上頗厭之命飲以燒酒酣暢不輟衣帶常繫葛蒲三寸許日細嚼飲水又自言入火不熱上命巨甕覆之積蘆薪五尺許燔甕四旁火盡滅發而視之端坐如故如是者三寓蔣山寺月餘僧言顛仙與沙彌爭飯怒不食半月矣上幸翠微亭召之步趨如常因賜食乃食上問曰能不食一月乎曰能乃坐之密室中不食者二十三日上將幸寺賜食京師將士聞之爭持酒肴往食之既食而盡上之須臾上至與之食乃復食如常既

醉 上將還顛仙於道側以手畫地作圈  
曰破一桶成一桶是時中原尚未定友諒  
復圖南昌 上欲勒兵往援問顛仙曰陳  
氏已僭號吾此行何如顛仙仰視良久曰  
可行上面無此人分曰與汝偕行可乎曰  
可踴躍持杖搖舞如壯士揮戈狀舟次皖  
城無風不能進顛仙曰行則有不行則無  
既而行不數里風果大作至馬當見江豚

金言卷之四

五十五

戲水曰水恠見前損人必多 上曰顛者  
言何妄復爾投之江中周曰吾入水不濡  
遂命投之江久而復來謁見求食命賜食  
食已正襟襟前引項曰今可殺矣 上笑  
曰殺爾何爲乃縱其還廬山及友諒敗死  
遣人往廬山求之至太平宮側有言一老  
人止民舍曰我告太平來不食且半月今  
去不見洪武癸亥秋有僧名覺顯者自言

廬山巖中老人使來見 上以其虛誕却  
之會 上不豫飲藥未瘳前僧復徒跣至  
云周顛仙遣進藥 上不納僧具言前事  
乃餌其藥覺有喜蒲丹沙氣是夕疾愈僧  
亦去不知所之遂親爲文勒石紀其事命  
善應等往祠焉

二百二十六

洪武二十四年河決武原黑洋山東經汴

金言卷之四

五十六

城北五里又南至項城入淮而故道遂淤  
正統十三年決張秋沙灣東流入海又決  
滎澤東經汴城歷睢陽自亳入淮景泰七  
年始塞沙灣而張秋運道復完自後河勢  
南趨而汴城之新河又淤弘治二年以後  
漸徙而北又決金龍口等處直趨張秋橫  
衝會通河奔流入海而汴城南之新河文  
祿六年命副都御史劉東山治之施功未

竟伏流潰溢人皆言黃陵岡塞口不合張秋護堤復壞河不可治運道不可復且有爲海運之說者蓋榮澤孫家渡口舊河東經朱仙鎮下至項城南頃猶有河流淤淺僅二百餘里若多役夫力疏濬深廣使由泗入淮可殺上流之勢黃陵岡賈魯舊河南經曹縣梁進口下通歸德丁家道口足以分殺水勢然梁進口以南滔滔無阻以

金言卷之四

五十七

址淤澱將平計其功力僅八十里若多役夫力疏濬深廣使由徐入淮可殺下流之勢水勢既殺則決口可塞運道可完矣但既疏之後不能保其不復淤既塞之後不能保其不復決耳是時東山能虛懷博訪推心任下五旬而事竣

三百二十七

洪武甲寅二月丁酉朔日食下禮部尚書

給事中等官議文廟祀禮請改用仲丁制曰可

三百二十八

洪武三年 上幸後苑見巢鵲外翼嘆曰誰無母子今羣臣親老行歸養是年賜朝臣袍帶賜廉吏嵩縣劉典史布帛擇文儒性行清潔者充學官賜文武官朝服公服又賜冬衣

金言卷之四

五十八

三百二十九

滁陽王 長子郭大舍張夫人出戰沒一女惠妃生蜀豫如意三王汝陽永嘉二公主次張夫人出又次李夫人生郭老舍洪武四年 旨云說與郭老舍再三留你不住實要回鄉守祖你舊有二所庄田我就賜與你耕種敎戶部官開除糧草十一年鄰人貢童兒誑誤出走十七年 上諭張



來儀譔王廟碑文遂云王無後令滁州衛  
千百戶王傑等二十二人供祀事廟首宥  
日典率而祀之又令 蜀王往來修祀比  
王之國改令滁州衛掌印官致祭宥氏分  
獻二十八年老舍還鄉爲費謙所發解黑  
窩場做工 上回諭放回令一年一朝京  
師老舍卒諭立石老舍生謙謙生昇昇  
生信信生琥皆一歲一朝有籍於禮部鴻  
臚寺弘治癸丑琥奏得旨冠帶守祀辛酉  
復奏下該部看了來說馬鈞陽行巡撫查  
明覆奏壬戌奉 旨是郭琥與做奉祀正  
德癸酉琥又求印信王傑裔孫璽奏琥詐  
冒吏部亦惡其求望漸多覆請奉 旨是  
滁陽王祀禮悉遵 皇祖舊制行郭琥近  
授職銜革了仍照 皇考前旨止與冠帶  
榮身再來奏擾不饒辛巳琥復奏吏部議

今言卷之四

五十一

今言卷之四

六十一

送法司問罪嘉靖元年五月朔奉 旨你  
部裏再查議了來說復奉 旨是郭琥准  
與原授職銜以榮終身不許干預祀事琥  
生厚滁陽散財集衆以啓 皇明萬世之  
業而 子孫曾無一命可乎弘治時與奉  
祀正德時革職 今上新政特旨查議所  
司不能奉揚 再議革職而 聖心未憊  
勅令再議使遇馬鈞陽郭氏當有祿矣

三百三十

劉文安公陳十事其八言賞罰曰石亨于  
謙等將兵禦虜未聞摧陷腥羶迎回鑾輅  
但迭爲勝負互相殺傷而已雖不足罰亦  
未足賞今亨自伯爵陞爲侯爵謙由二品  
陞爲一品天下之人未聞其功而但見其  
賞豈不怠忠臣義士之心乎今宜使亨等  
但居舊職勿授新陞以崇廉耻之節以作

敵愾之氣夫既與而不忍奪者姑息之政也既進而不肯退者患失之心也上不行姑息之政下不懷患失之心則治平可計日而望矣時羅通亦以爲言然自德勝之役之後也先再不敢窺我居庸紫荆者誰之力也

三百三十一

洪武初建大本堂聚古今圖書 上爲大

古今圖書之四

李三

本堂記延四方名儒教 太子親王分番夜直才俊之士充伴讀時時賜宴賦詩商確古今評論文學無虛日 仁宗在東宮教令長至燕勞 東宮之臣如家人父子又從學詩學爲表至有以暗逐明之喻 英宗冲年就學大臣不能引故事徒徇時好務尊君卑臣非 祖宗之法矣王文恪公言言今既未能知古禮亦宜稍畧君臣

之儀教師友之分使宮寮日侍左右從容講讀誦讀之暇宴飲出入居處皆得周旋其間至暮乃退或有剪桐之戲隨事諫止官僚有不法從三師糾正甚者斥逐不使邪人得預其間如此所謂一人元良萬邦以貞三代所以久長者用此道也

三百三十二

大同人趙小挨者極狡黠通虜嘉靖己酉

古今圖書之四

李三

夏以守臣差至京覘我虛實庚戌春小挨去虜中久之回言虜強盛請撫鎮用一妓詐稱總兵女送虜酋俺答求和撫鎮大怒杖之四十小挨遂走從虜墩軍數招之答曰直至北京正陽門外始與爾等再相會是夏大同總兵張達副林椿皆死於虜總督侍郎郭宗臯巡撫陳耀被逮廷杖謫戍邊起復尚書翁萬達代宗臯未至兵侍蘇

祐出總督趙錦代耀時薊州巡撫王汝孝  
慎喜峯口外夷人猛可等索賞無厭兩出  
境撲殺諸夷恨我亦數入塞遂通虜七月  
大同仇鸞總兵報俺答糾河套吉囊子狼  
台吉部落及遼東達子入寇又報虜東行  
將犯獨石八月萬壽聖節前二日已巳  
虜自獨石邊外東行甲戌至大小興州乙  
亥巡撫爲口外陳通事所詐報虜自大

金史卷之四

卷三

小興州往西北去且日請寬主憂臣辱之  
慮坐收安內攘外之功是日虜遂至古北  
口外丙子王巡撫又報虜到古北口外被  
我軍射退及奪獲馬匹數多必不能入是  
日申時虜已入古北口二鼓報至京城戒  
嚴丁丑黎明陸錦衣炳分布官校於皇城  
四門兵書丁汝璉發勇字四營兵分駐城  
外威字四營及三大營兵守城令九門各

文武大臣一人監督甘肅巡撫王儀駐守  
通州吏部侍郎王邦瑞提督城守軍務僉  
都御史商大節提督巡城是日未時保定  
巡撫楊守謙統副總兵朱楫參將祝福兵  
駐東直門外叅將馮登兵駐安定門外守  
備井田兵駐崇文門外戊寅仇總兵統副  
總兵徐珏遊擊張騰兵駐朝陽門外已卯  
虜在白河東岸仇總兵諸軍迎遷移營東

金史卷之四

卷四

行是日宣府副總兵孫勇遊擊賀慶兵駐  
德勝門外上賜仇總兵平虜大將軍印  
賞銀千兩蟒衣一襲陞楊巡撫兵部左侍  
郎提督內外官軍截殺賞銀四十兩紵絲  
三表裏時京城諸惡少凶徒往往群聚言  
內外文武大臣家積金銀數百萬虜即近  
城我等放火搶諸大臣家諸大臣懼言城  
外有邊兵可恃宜移京軍入護皇城勿驚

闕廷於是邦瑞請九門各添兵千人巡捕  
官軍分營東西長安街大節請九門城上  
各添兵千人丁尚書請於十王府慶壽寺  
各駐一營營三千人於是城外之兵掣入  
城者大半是晚宣府總兵趙國忠統叅將  
趙臣孫時謙袁正遊擊姚冕山西遊擊羅  
恭兵駐小榆河遼東叅將楊應奇總兵李  
琦山西守備劉潭遊擊柴縉兵皆相繼至

人言卷之四

五

郊畿是時虜在白河東岸殺掠人畜庚辰  
至河上辛巳渡河西址行結陣東郊散遣  
三五騎或十餘騎旁都城殺掠焚廬舍日  
夜火光不絕直至東直門外馬房執內臣  
八人去俺答縱歸上番書言求貢及朶顏  
引路事城外居民被傷千萬成羣奔京城  
城門閉不肯開萬口號慟聲徹西苑上  
令開門聽民出入是日虜掠我婦女酣飲

大致塲中是夜宣府趙總兵等兵在小榆  
河與賊前哨對壘仇總兵等亦還兵駐京  
城東址壬午零賊往來京城後六門外殺  
掠人畜癸未虜至鞏華城西址益出輕騎  
近京及西山口殺掠甚慘上震怒御奉  
天殿宣諭羣臣是夜逮王儀叅將劉錦下  
詔獄甲申逮丁尚書楊侍郎廷訊是日虜  
住西北郊乙酉逮汝孝希韓革兵侍謝蘭

人言卷之四

六

職方郎中王尚學戶書李士翱十三司郎  
中周魯等職與工書胡松俱戴罪冠帶管  
事候事寧處治是日虜至白羊口丙戌  
上怒甚急欲殺丁楊索法司奏當急法司  
持未肯上上益怒夜逮刑侍彭黠左都  
御史屠僑大理少卿沈良才等廷杖五十  
降俸五等法司遂上擬丁楊死律是日虜  
從橫嶺口出懷來張家口丁亥丁尚書

楊侍郎死於西市是日張家口虜落川去  
半自白羊口復回東行趙總兵夜遣健卒  
八十人往天壽山四面放銃賊疑我有伏  
不敢入紅門已丑仍出古北口去勘奏者  
言虜殺我男婦六萬擄去四萬掠雜畜數  
百萬焚廬舍萬區通計男婦死且掠者蓋  
六十萬當是時城外京邊軍竟不曾與虜  
一戰儀士閑閑住蘭降南太僕卿魯外任  
松奪俸汝孝希韓尚學謫戍留鸞總理京  
營戎政珏代鸞鎮守大同邦瑞以侍郎掌  
兵部事俄改協管京營戎政史道以兵侍  
掌部事尋還邦瑞理部事為尚書而召趙  
錦代邦瑞明年春邦瑞自陳削籍去錦代  
邦瑞為尚書戶侍傳鳳翔代錦松亦自陳  
致仕歐陽必進代松

三百三十三

莊渠言 皇子之國 皇后子其儀制用  
上十王禮妃所生子用中十王禮嬪所生  
子用下十王禮降殺以母為差此不知出  
何令甲 孝陵封諸王不然

三百三十四

嘉靖己亥葬 慈孝睿皇后 今皇帝甚  
孝順敬慎建言者遂上言姜嫄生后稷慶  
都生帝堯事於是武功有姜嫄之祠慶都

有堯母之祠

全言卷之四

李太

三百三十五

嘉靖庚戌鄭王厚烷為盟津恭懿王子祐  
椿所許奪爵降庶人安置高墻其長子載  
堉封爵如故辛亥祐椿又欲奪理府事奏  
下禮部議禮官徐階議言親王因事奪爵  
未經奉旨立郡王承繼國祀其子雖未見  
始則降封後乃得嗣其父始封之爵者

遼庶人貴烺長子豪壩之封長陽王是也  
父子並有罪降庶人不得請封者見滿與  
其子祐柄是也罪止其身子得襲爵但未  
封世子擇郡王署府事已而彼此相訐仍  
封其子爲世子勅令管府事者慶庶人世  
子膏櫝是也父既坐罪即命其子管府事  
者岷庶人彥沐世子舉榮是也至於親王  
冊寶自非罪十大逆國除如寧庶人宸濠  
父子殲滅者例不進繳今鄭庶人仰荷  
聖恩罰止其身其子載堉封爵如故比之  
貴烺見滿奉旨改令旁支承繼者不同載  
堉於厚烷所犯情罪無干幸保封爵比之  
豪壩先爲庶人及佑柄有罪降革者亦異  
本部不敢輒援岷世子舉榮慶世子膏櫝  
例請命載堉管理而援華昌王例請令河  
南撫按奏保倫序相應賢能素著者二人

候簡命蓋以予奪之柄宜出自朝廷其  
人之賢否當稽諸公論也祐樞累奏圖快  
私忿相應罰治仍如前擬施行祐樞無得  
脇制撫按肆行奏訐 制曰可祐樞且不  
問先是已酉秋鄭王嘗疏請上講學勤政  
任賢未幾而祐樞遂訐王也貴烺遼簡王  
子初封長陽王已而嗣遼王正統元年府  
臣爲乞加祿俗陵言簡王得罪朝廷 太  
祖特加原資削其祿衛止與校尉三百人  
仁宗命令王嗣王倍加祿得支二千石  
宣宗又與旗軍三百人朝廷親親已至  
王於庶母諸弟寡恩多行無禮府臣不聞  
匡直爲王請加祿不允四年坐減絕天理  
潰亂人倫廢爲庶人而簡王第四子貴煖  
以興山王嗣遼王貴烺子豪壩得封長陽  
王也周靖王三子長見滿天順中嗣王弘

治五年人告王有異謀命太監蕭敬駙馬都尉蔡震都御史戴珊召王至京并其長子祐柄降庶人還置武昌見瀟弟見溥成化二年封都梁王十三年卒謚悼惠其子祐欄弘治七年以都梁王進封荆王也慶恭王子台浚弘治十六年嗣王時虜數入塞賊發恭王墓嘉靖四年謀不軌法司請如代王聰沐例徙西安上不許降庶人

今言卷之四

王

留邸歲與米三百石已又不悛徙西安其長子壽攢封世子攝府事十二年世子及懷王妃王氏乞留台浚故邸禮官執議不可十五年兩宮微號詔許台浚還邸與冠帶也岷王彥汰簡王子與塞南安王彥泥許陰事彥泥廢為庶人彥汰坐荒淫敗度抗制擅權幽囚嫡母焚死迫逼多官稱臣亦革爵為庶人令其子世子譽榮攝理府

事嘉靖十年譽榮為父乞恩辭攝府事禮官以見瀟鍾鏹比奏授彥汰冠帶理府事十二年彥汰乞復爵不許十五年兩宮微號詔復彥汰王也鄭之初王諱瞻竣獻陵第二子母李貴妃永樂二十二年封漢庶人反王與弟襄王居守宣德四年之國鳳翔王請安王竹園時韓王以安王舊邸得竹園矣上曰園在鳳翔去平涼遠與鄭

今言卷之四

王

王便正統八年乞徙懷慶留京邸明年之國成化二年卒謚靖子祁鏌成化四年嗣乞河壩地弘治八年卒謚簡世子見滋卒孫祐杓弘治十年以世孫嗣贈其父世子鄭僖王正德二年卒謚康無子僖王弟東垣端惠王見湏之子祐樸正德四年嗣王贈其父鄭定王十六年卒謚懿子厚烱嘉靖六年嗣時又有周府宗人鎮國將軍勤



贊上言時事降庶人放高牆

三百三十六

洪武十五年命翰林侍講人原潔等編類  
華夷譯語 上以前元素無文字發號施  
令但借高昌書製蒙古字行天下乃命原  
潔與編脩馬懿赤黑等以華言譯其語凡  
天文地理人事物類服食器用靡不具載  
復令元秘史參考以切其字諸其聲音既  
成 詔刊布自是使臣往來朔漠皆能得  
其情

三百三十七

永樂七年遣太監鄭和王景弘侯顯率官  
兵三萬下西洋凡西洋功次即非斬首選  
法不得減革永樂十三年吏部員外郎陳  
誠上使西域記凡十七國

三百三十八

四夷何以首安南也我郡縣也次兀良哈  
何我武衛也哈密女直非歟羈縻之虜非  
我官長也兀良哈之有三衛以靖難歟非  
也大寧之比有三衛也蓋自洪武始也其  
南據大寧也乃永樂始也將復交趾而收  
人寧乎都統之議夷且喧我革蘭台以來  
駸駸乎我貳矣棄哈密而撫女直乎哈密  
罷我河西女直扞我遼東也土番入哈密  
而嘉峪不驚胡虜通女直而山海弗靖矣  
朝鮮何以次兀良哈也知禮教也大國也  
琉球小夷何以次朝鮮也學于中國也何  
以終黷也非勃寇乎我勝國也盛衰之  
運中國有安危焉以故別考而存之戰守  
之器可幾而得矣 高皇何以有海外之  
使也其始也 成祖西洋之艤不已勞乎  
和之泛海與胡濙之頒書也國有大疑

焉晉楚三王胡四王我屢屢焉西番五王  
世優之何也不能爲我深創也苟因俗而  
治之得相安焉可矣西域何以不得浮南  
海也王公設險假樹渠焉如之何使其縱  
橫出入幾徧宇內也海島之夷勤我封使  
往來之禮歟夷不言往來往來言諸侯也  
夷來王八蠻通道未聞有報使焉然則  
領封可乎奚爲而不可也陪臣請命于京

卷之四

十五

師王人致命于海上非往來乎嗚呼均覆  
載者天德也辨華夷者王道也昔也夷人  
入中華今也華人入外夷也喜寧田小兒  
宋素卿莫登瀛皆我華人雲中閩浙憂未  
艾也是故慎封守者非直禦外侮亦以固  
內防也漁魚欲淵飛鳥舊林人情獨不然  
乎彼其愚於墳墓父母妻子鄉井而從  
異類者必有人不得已也嗚呼德惟善政

政在養民盍亦反其本矣不然而欲郡縣  
我子弟武衛我干城焉可得哉

### 三百三十九

洪武三十一年七月建文君以張鳳李衡  
趙福張弼汪濱孫瑞王斌楊忠林良李成  
張敏劉政爲錦衣衛千百戶有差鳳等皆  
西宮殉葬宮人父兄所謂朝天女戶也官  
得世嗣

卷之四

十六

### 三百四十

近日武臣如梁震馬永皆不易得邊事日  
踈勞聖明拊髀之思爲之頌曰赴赴梁  
公行聞奮迹牙面爲有鷹胃虎額氣擁霆  
雷機深几席士踐其武亦甘其澤移鎮雲  
中兵騎將猥旌旄一麾聲靈頓改夜蹴黑  
山晨搜青海尊彼草泉繕我溝壘紫韁千  
卒蒼頭百隊禍讐唐藩威行漠塞胡隕千

城憂我恒代寵贈上公增此敵愾 馬公  
特起明慈信劼說禮敦詩跨馬穿札守督  
漁陽心懸大寧曾是甌脫薄我郊垌乃餌  
其酋乃攜其羣百里未關三捷來聞密章  
獻忠收攬賢傑義滅坤囊譴深需穴全遼  
喁喁載乘符旂涉河陷陣逾山毀巢疆陲  
外靖伍卒內囂腹心弗潰掌股斯調

三百四十一

卷之四

七十七

四夷館分十人所設通事六十人大通事  
有都督都指揮等官統諸小通事總理貢  
夷降夷及歸正人夷情番字文書譯審奏  
聞

三百四十二

土魯番一名土爾番在火州西百里古交  
河縣安樂城也城方一二里地平四面皆  
山氣候多煖少雨雪土宜麻麥有瓜果羊

馬之利人皆屋居信佛法多僧寺城西二  
十里有崖兒城城僅二里居民百餘家相  
傳故交河縣治又云古車師國永樂十二  
年行在驗封貢外郎陳誠使至其國誠言  
西北百里有靈山最大有夷人言此十萬  
羅漢涅槃處也近山有高臺臺伴有僧寺  
寺下皆石泉林木從此入山行二十里至  
一峽峽南有小土屋屋南登山坡坡有石  
屋屋中小佛像五前有池池東有山山石  
青黑遠望紛如毛髮夷人言此十萬羅漢  
洗頭削髮處也循峽東南行六七里登高  
崖崖下小山纍纍峯巒秀麗羅列成行峯  
下白石成堆似玉輕脆不可握堆中有若  
人骨狀者甚堅如石文縷明析顏色光潤  
夷人言此十萬羅漢靈骨也又東下石崖  
崖上石笋如人手足稍南至山坡坡石瑩

濠如玉夷人言此辟支佛涅槃處也周行  
群山約二十餘里悉五色砂石光焰灼人  
四面峻壑窮崖天巧奇絕草木不生鳥獸  
鮮少云甘肅大抵無吐虜患專鎮防西夷  
夷種中土魯番最奸狡宣德五年始遣使  
來貢正統以後亦嘗來貢成化弘治間番  
酋阿力阿黑麻父子擾我西鄙虜我哈密  
忠順王罕慎陝巴拜牙即是時專伺哈密

今言卷之四

五九

至正德遂數犯我甘肅語在哈密傳中嘉  
靖十一年西域貢稱王者七十五人貢使  
至二百九十人禮官夏言請國稱一人王  
內閣張孚敬言西域稱王者多恐彼自封  
授或部落相稱先年人貢稱王亦有三四  
十人者答勒並稱王今盡裁奪恐夷情觖  
望下禮兵部議言言西域諸國稱王者惟  
土魯番天方撒馬兒罕三國如日落諸國

名甚多朝貢絕少且與土魯番諸國不相  
統弘治正德間土魯番十三人貢天方正  
德間四人貢稱王者率一人或二人三人  
餘稱頭目親屬嘉靖二年八年稱王者天  
方至六七人土魯番至十一二人此兩年  
間撒馬兒罕至二十七人內閣言先年亦  
有稱王至三四十人者併數三國耳乃今  
土魯番十五王天方二十七王撒馬兒罕  
至十三王併數則百五六十王前此所未  
有况所稱王號原非舊文即有同者地面  
又異弘治時回勅書國稱一王若循撒馬  
兒罕往年故事類答王號人與一勅恐非  
所以尊中國而嚴外夷也自後各執賜勅  
率其部落貢不如期使不如數任意往來  
勢難阻絕驛傳勞煩宴賜頻數竭我財力  
以役遠夷計亦左矣 上從言言當是時

今言卷之四

六

土魯番強殘破我嘉峪關外七衛及城郭諸國地大人衆非復陳驗封奉使時矣

三百四十三

直文淵閣入內閣預機務出納帝命率遵祖憲奉陳規誨獻告謨猷點檢題奏擬議批答以備顧問平廢政不得專制九卿事九卿奏事亦不得相關白凡上所下一曰詔二曰誥三曰制四曰勅五曰冊文六曰

全書卷之四

全十一

諭七曰書八曰符九曰令十曰敕皆審署而調劑焉平允乃行之凡下所上一曰題二曰奏啓三曰表箋四曰講章五曰書狀六曰文冊七曰揭帖八曰會議九曰露布十曰譯皆審署而調劑焉平允乃行之凡東宮出閣講讀領其事敘其官而授之職業凡脩實錄史志諸書充總裁官實錄成呈上焚其草禁中凡宗室請名請封及

諸臣請謚並擬上焉凡圖書繕寫讐校皆課而察之凡郊祀巡狩親征扈行凡累朝御文實錄寶訓玉牒之副古今書皆籍而藏之凡會勅稽其由狀而敘述上請焉凡禮部會試廷試貢士國子生月課歲貢生廷試夷館譯生皆總領之其屬制勅房書辦制勅詔旨誥命冊表寶文玉牒講章碑額題奏揭帖一應機密文書及王府勅

全書卷之四

全十一

符底簿誥勅房書辦文官誥勅審譯勅書并夷書揭帖紀功勛合皆稽按典故起草進畫若漏洩稽緩遺失妄誤皆有罰蓋罷中書丞相此直文淵閣者即虞揆殷衡周寧之職也治亂安危恒係於斯可不慎哉可不慎哉

三百四十四

國初設中書省左右丞相黨獄起罷詔五

府九卿分理庶務翰林春坊官看詳諸司  
奏啓署翰林院無平駁諸司文章事某官  
某 成祖嘗難後召解公縉黃公淮胡公

廣楊公榮楊公士奇金公幼孜胡公儼入  
直文淵閣時洪武壬午寔建文四年也自  
後楊公溥張公瑛陳公山陳公循曹公鼎  
馬公愉苗公衷高公穀張公益彭公時商  
公輅江公淵王公一寧蕭公鑑王公文徐

卷之四

全三

公有貞許公彬薛公瑄李公賢呂公原岳  
公正陳公文劉公定之劉公珣劉公吉彭  
公華尹公直徐公溥劉公健丘公濬李公  
東陽謝公遷焦芳王公鏊楊公廷和劉宇  
曹元劉公忠梁公儲費公宏靳公貴楊公  
一清諸公是毛公紀蓋自壬午至正德辛  
巳凡百二十年五十一人內有再入三入

國准揚起布衣歷四朝四十一年

四卷終

而咸春三月以法幣三萬六千元以贖此書後之  
覽者得無詫其太貴乎以實際言之僅抵米百餘  
斤耳則又賤甚

2674401

S  
Z121.5  
16a



ZW 21181888541925

今言四卷

兩江總督  
採進本

明鄭曉撰曉有禹貢圖說已著錄此書補吾學編所未備首有薛三省序稱此書輔吾學編而行猶漢史之外有西京雜記與東觀漢記凡三百四十條其中爲憲言者十之四爲世言者十之二爲事言品言者十之三爲證言術言者十之一蓋據所見聞隨筆記錄古雜史之支流也